

# Ўзбекистон тарихи

Ўзбекистон Республикаси Президенти хузуридаги

Давлат ва жамият қурилиши академияси

## Ўзбекистон тарихи



«Akademiya»  
Тошкент 2010

### **Муаллифлар:**

проф. Р.Х.Муртазаева, т.ф.д. Б.Эшов, доц. Х.Юнусова, доц.  
Ў.Мавлонов, доц.Н.Полонов, доц. А.Одилов, доц. М.Тожиева,  
доц. М.Ҳайдаров, т.ф.н. И.Шамсиева, доц. С.Холбоев, доц.  
Б.Жолдасов, т.ф.н. Д.Ўроқов, е.и.х И.Абдувосидова

### **Такризчилар:**

проф. М.Исҳоков, т.ф.д. Р.Холикова, т.ф.д. Н.Мусаев

**Муаллифлар гурухи. Ўзбекистон тарихи.** –Т.: Akademiya, 2010.

Ушбу қўлланма Ватанимизнинг қадимги тош даври тарихидан бугунги кунгача бўлган даврига оид муҳим воқеалар ҳақида бирламчи манбаларга таяниб ёзилган. Шунингдек, Ўзбекистон тарихига оид сўнгги тадқиқот хуносаларидан фойдаланилган.

Ўқув қўлланма Ўзбекистон Республикаси Президенти ҳузуридаги Давлат ва жамият қурилиши академияси тингловчилигига номзодлар, тингловчилар, раҳбар кадрларни қайта тайёрлаш ва малакасини ошириш курслари, олий ўқув юртлари талабалари, профессор-ўқитувчилари ҳамда Ўзбекистон тарихи билан қизиқувчи китобхонларга мўлжалланган.

Ўқув қўлланма Академиянинг Ўзбекистонда давлат бошқаруви тарихи кафедраси ва Ўзбекистоннинг янги тарихи маркази йиғилишида кўриб чиқилиб, нашрга тавсия қилинган.

ISBN 978-9943-300-54-5

© «Akademiya» нашриёти, 2010 й.



## Кириш

Ўзбекистон тарихини холисона ва ҳаққоний ўрганиш масаласи Президент И.А. Каримов асарларида алоҳида таҳлил қилиниб, ўзбек халқи давлатчилиги тарихидаги бой анъаналарни тадқиқ этиш долзарб муаммо тарзида таъкидланди<sup>1</sup>. Президент белгилаб берган муҳим вазифалар ва тарихчи олимлар олдига қўйилган масалалар шундан иборатки, асл манбаларга таянган ҳолда мавзуга янгича ёндашиб, қадимги даврлардан то бизнинг замонамизгача бўлган тарихий жараёнлар ва воқеаларни ўрганишимиз зарур.

Ҳар бир халқнинг тарихини ўрганиш нафақат илмий-назарий, балки чуқур маънавий-руҳий аҳамиятга эга бўлиб, ҳар биримизда она заминимиз билан мустаҳкам алоқадорлик ҳиссини ривожлантиради.

Ўзбек давлатчилиги тарихига янгича ёндашиб, унинг турли жараёнлари ва воқеаларига холисона баҳо бериш, энг қадимги даврлардан то бизнинг замонамизгача бўлган бой тарихий ўтмишимишни тадқиқ этиш бугунги куннинг долзарб вазифаларидан биридир.

Ўзбек халқи тарихи бой ўтмишга эга. Бу тарих энг қадимги даврлардан бошлаб кўп минг йиллар давомида ривож топган аждодларимиз ва халқимиз тарихи сифатида тан олинган. Чуқур таҳлил ва илмий мавзуни умумлаштиришигина ўтмишни изчил ўрганиш, унинг ўзига хос жиҳатларини аниклаш, тараққиёти қонуниятларини тушунишга имкон яратади.

Буюк ўзгаришларни асрлар давомида орзу қилган халқимизнинг кўхна тарихига бўлган муносабати тубдан ўзгарди. Зеро, Президент Ислом Каримов таъкидлаганидек: “Ўз тарихини билмайдиган, кечаги кунини унутган миллатнинг келажаги йўқ”.<sup>2</sup> Айниқса, бугунги мураккаб глобаллашув даврида маънавият соҳасида вужудга ке-

<sup>1</sup> Каримов И.А. Тарихий хотирасиз келажак йўқ. -Т.: “Шарқ”, 1998.

<sup>2</sup> Каримов И.А. Юксак маънавият – енгилмас куч. -Т.: “Маънавият”, 2008. -В4.

лаётган долзарб муаммолар, халқимиз маънавиятини асрарш ва янада юксалтириш, ёш авлоднинг қалби ва онгини турли заарли ғоя ва мафқуралар таъсиридан сақлаш ва ҳимоя қилишда Ватан тарихини ҳар томонлама ва чуқур тадқиқ этиш, бирламчи манбаларга таяниб талқин этиш, келажак авлодга ҳақиқий тарихимизни ўқитиш орқали уларни юксак маънавиятли шахслар этиб тарбиялаш долзарб аҳамият касб этади.

Маълумки, инсониятнинг пайдо бўлиши, шаклланиши ва ривожланиши тадқиқотчилар томонидан тинмай ўрганилаётган мавзулардан биридир. Масалага шу нуқтаи назардан ёндашсак, ўзбек давлатчилигининг шаклланиши ва тараққиёт босқичлари қадимги Бақтрия, Хоразм ва Сўғд давлатлари билан ўзаро боғлиқлигини кўрамиз. Илмий адабиётларда ўзбек халқининг шаклланишини саккиз даврга бўлиб ўрганилиши таъкидланади. Зоро, ўзбек халқининг этник шаклланиши узоқ давом этган мурракаб жараёндир.

Асрлар давомида ўзбек халқи чет эл босқинчилари (аҳамонийлар, юонон-македонлар, араблар, мўгуллар)га қарши кураш олиб борди. Ўлкамизда турли сулолалар даврида сиёсий ва ижтимоий-иктисодий жараёнлар ўзгариб турди.

Ўрта асрлар тарихида сомонийлар, қорахонийлар, салжуқийлар сулолаларининг йирик давлатлари вужудга келди. XII асрнинг ўрталарида Хоразмшоҳлар мамлакатни марказлаштиришга ҳаракат қилдилар, аммо бу жараёнга мўгулларнинг юришлари ва истилоси тўсиқ бўлди.

Ўзбек халқи давлатчилиги тарихининг янги босқичи Амир Темур хукмронлиги даври билан узвий боғлиқ Марказлашган давлатда иқтисодий ҳаёт, меъморчилик, ҳунармандчилик, илм, фан, санъат юксак даражада ривож топди. Ушбу тарихий анъана Мирзо Улугбек даврида ҳам давом этди.

Кейинги асрларда ўзаро низо ва курашларга қарамай,

ижтимоий-иктисодий ва маданий ҳаётда янги жараёнларни кузатиш мумкин. XVIII асрнинг ўрталарига келиб Ўрта Осиё ҳудудида учта давлат (Бухоро амирлиги, Хива ва Қўқон хонликлари) пайдо бўлди. Афсуски, улар ўртасида бирлик бўлмади, сиёсий қарама-қаршиликлар, ўзаро курашлар авж олди. Бундай вазиятда Ўрта Осиё хонликлари чор Россияси томонидан истило қилиниб, Туркистон ўлкаси мустамлакага айлантирилди.

Шу даврдан бошлаб ўлкада истиқлолга эришиш ва миллий давлатчиликни тиклаш учун халқ ҳаракатлари бошланди, айниқса, XX асрнинг биринчи чорагида бу кураш ўзининг юқори нуқтасига чиқди. Ундан кейин ўлкамиз шўролар асоратида қолди. Бу тузумнинг зулми ҳам аввалгисидан кам бўлмади. Ўзбекистон давлат мустақиллиги эълон қилингунча, ўзбек халқи ўз ҳаётида мана шундай мураккаб босқичларни босиб ўтди.

XX асрнинг энг муҳим воқеаларидан бири янги мустақил давлатларнинг ташкил топишидир. Шу асрда Ўзбекистон номи тарихий ҳақиқат бўлиб жаҳон тарихидан абадий ўрин олди. Унинг давлатчилик тарихида янги давр бошланди.

# **1-мавзу. Ўзбек давлатчилигининг шаклланиши ва дастлабки тараққиёт босқичлари. Қадимги Бақтрия, Хоразм ва Сўғд давлатлари**

## **Ўрта Осиёning қадимги тош даври ёдгорликлари**

Дунё тарихига фикран назар ташлайдиган бўлсак, «цивилизация» тушунчаси муайян ҳудудда яшайдиган одамларнинг турмуш тарзи ва хўжалик юритиш фаолияти, ушбу одамлар ҳамда ҳудудлар ўртасидаги ўзаро муносабатлар, маълум даврларда яратилган маънавий ва моддий маданият, жамиятнинг тараққий этиш жараёнида одамларнинг ижодий имкониятлари ва қобилияти самарасини англатади. Шу нуқтаи назардан ҳам цивилизация инсоният тараққиётининг асосий мезони сифатида талқин этилади. Бинобарин, Ўзбекистон ҳудудида тараққий этган цивилизация ҳам жаҳон цивилизациясининг ажралмас қисми ҳисобланади.

Инсониятнинг келиб чиқиши ва ривожланиши асрлар давомида тадқиқотчилар томонидан ўрганилган, натижада турли назариялар юзага келган. Ҳозирги даврда олимларнинг катта гурухи одамзотнинг дастлабки ватани Африка деган фикрни илгари сурса, яна бир гуруҳ олимлар Европа дейди. Бошқа бир гуруҳ олимлар эса одам даставвал Осиёning жанубида пайдо бўлган, деганояни ўртага ташлайди.

Яқин йилларга қадар Ўзбекистон ҳудуди энг қадимги одамлар томонидан 100 минг йиллар илгари ўзлаштирилган деб, ҳисобланар эди. Аммо сўнгги йилларда Ўзбекистон археологлари томонидан олиб борилган кўпгина тадқиқотлар бу масалага анча ойдинлик киритди.

Ўтган асрнинг 80-йилларида археолог Ў.Исломов бошлигидаги тадқиқотчилар Фаргона водийсидаги Селунгур (Сұх тумани) горидан палеолит даври маконини очишга муваффақ бўлдилар. Тадқиқотчилар фикрига қараганда, Селунгур топилмаларининг ёши 1 млн. йилдан зиёдроқ, Селунгур топилмалари орасидан энг аҳамиятлиси қадимги одам жағ суюклари, тищлари ва елка суюклари дидир. Фанда “Фар-

гона одами”-”Фергантроп” деб номланган бу қазилма одам қолдиқлари энг қадимги одам ҳақидағи тасаввурларимизни янада кенгайтириш билан бирга, Ўрта Осиё, хусусан, Ўзбекистон инсоният пайдо бўлиб ривожланган ўчоқлардан бири эканлигини узил-кесил исботлайди.

Бундан ташқари, Кўлбулоқ (Шимоли-шарқий Ўзбекистон, Тошкент вил.), Қизилолмасой ва Тошсой (Оҳангарон) маконларида ҳам илк палеолит қатламлари мавжуд. Илк палеолит даври одамлари жисмоний жиҳатдан ҳам, ақлий жиҳатдан ҳам ҳозирги қиёфадаги ақл-идрокли одамлардан ажralиб туради. Улар асосан термачилик ва овчилик билан тирикчилик ўтказганлар ҳамда табиат олдида жуда ожиз бўлиб, унда мавжуд бўлган тайёр маҳсулотларни ўзлаштириб, яшаганлар. Улар на диний тушунчани, на ҳунармандчиликни, на чорвачиликни билганлар.

Ўрта палеолит (Мустъе маданияти) — қадимги тош асрининг муҳим қисми ҳисобланади. Бу даврга оид дастлабки ёдгорлик Тешиктош (Сурхондарё) гори 1938 йилда А.Окладников томонидан очилган эди. Кейинчалик Ўрта Осиё ҳудудида тадқиқотчилар томонидан ўрта палеолит даврига оид кўплаб маконлар аниқланди ва уларда тадқиқот ишлари олиб борилди. Омонқўтон (Тахтақорача довони, Самарқанд), Қутирбулоқ ва Зирабулоқ (Зарафшон водийси), Корабура (Вахш воҳаси), Жарқўргон (Шимолий Тожикистон), Обираҳмат (Тошкент вилояти), Кўлбулоқнинг юқори қатламлари (Тошкент вилояти), Қизилнур (Қизилқум), Тоссор (Қирғизистон), Оғзикичик (Тожикистон), Хўжакент (Тошкент вилояти), Қопчиғай (Қирғизистон) каби кўплаб маконлар ўрта палеолит даврига оид бўлиб, улар сони 300 га яқин. Тадқиқотчилар фикрига кура, Ўрта Осиё ҳудудида ўрта палеолит нисбий тарзда мил. авв. 100-40 минг йилликларни ўз ичига олади.

Ўрта палеолит даврига келиб қадимги одамлар Ўрта Осиёнинг кенг ҳудудига тарқала бошлайди. Бу даврда, айниқса, унинг сўнгги босқичида қадимги одамларнинг турмуш тарзида ва меҳнат қуролларида янги унсурлар пайдо бўлади. Қуролларнинг турлари кўпаяди. Айниқса, овчи-

лик билан боғлиқ бўлган найзасимон ўткир пайконлар, турли пичоқлар, қирғичлар, кечгичлар шулар жумласидан. Бу даврнинг ижтимоий ҳаётдаги энг муҳим хусусияти шундаки, бу даврда ибтидоий тӯдадан уруғчилик жамоасига ўтила бошланди. Ҳозирги замон одамларига ўхшаш одамлар (кроманён) пайдо бўлиши учун замин ҳозирланди.

Ўрта палеолит даври Ўрта Осиё ҳудудида табиий иқлим ўзига хос бўлиб, ёзда об-ҳаво илиқ ва қурук, қишида эса совуқ ва намгарчиллик бўлган. Бу даврнинг ўрталари ва охирларида шимолдан улкан музликнинг силжиб келиши натижасида иқлим тамоман ўзгаради. Натижада қадимги одамлар турмуш тарзида катта ўзгаришлар бўлади. Совуқ иқлим туфайли горларга одамлар кўпроқ жойлаша бошлайди. Жанубдаги кичик туёқли иссиқсевар ҳайвонлар қирилиб, шимол буғулари, мамонтлар, улкан айиқлар пайдо бўлди. Бунинг натижасида жамоа бўлиб овчилик қилиш юзага келди.

Бундан ташқари, совуқ иқлим туфайли ўрта палеолит даври одамлари оловни қашф этди ҳамда сунъий олов чиқариш ва уни сақлашни ўзлаштириди. Фор ва унгуруларни ўзлаштириш, ўчоқ ясад, унинг атрофида тўпланиш, жамоа бўлиб ов қилиш услубларининг пайдо бўлиши минтақамиздаги қадимги одамлар ижтимоий-иқтисодий ҳаётида муҳим аҳамиятга эга бўлди.

Сўнгги палеолит даври узоқ давом этган қадимги тош асрининг сўнгги босқичи бўлиб, нисбий тарзда мил. авв. 40-12 минг йилликларни ўз ичига олади. Бу давр ёдгорликлари Мустеъ маданияти ёдгорликлари маданиятига нисбатан камроқ ўрганилган. Ҳозирги кунга қадар Ўрта Осиёда бу даврга оид 30 дан зиёд маконлар очилган. Самарқанд (шахарнинг ўзида), Ҳўжағор (Фарғона водийси), Шуғнов (Помир этаклари), Кўлбулоқ (Тошкент вилояти), Қоракамар (Тожикистон), Ачисай (Қозогистон) ёдгорликлари шулар жумласидан.

Сўнгги палеолит даврига келиб одамларнинг ҳаёти ва турмуш тарзида ҳам турли ўзгаришлар бўлди. Хусусан, одамлар горлардан чиқиб, енгил турар-жойлар — чайла

ва ярим ертўлаларда яшай бошлайди. Улар энди фақат тоғли ҳудудларда яшаб қолмай, воҳалар бўйлаб тарқалиб, текисликларда, дарё ва кўллар бўйларида жойлашадилар ҳамда қариндош-уруғчилик жамоаларига бўлинидилар. Натижада жамиятда жуфт оиласлар пайдо бўлади, улар айрим уруғларни бирлашириб, уруғ жамоасини ташкил этадилар.

Уруғчилик (матриархат) қадимги жамият тарихининг алоҳида босқичини ташкил этиб, бу жараён ижтимоий ҳаётдаги қатор ўзгаришларнинг пайдо бўлишига замин яратди. Лекин, дастлабки уруғчилик тузуми нисбатан ривожланишининг юқори босқичига қўтарилиган бўлишига қарамай, бу давр одамлари овчилик, термачилик ва баликчилик билан кун кечирар эди.

Палеолит даврига хулоса ясаб шуни айтиш мумкинки, бу даврда одамнинг пайдо бўлиши жараёни (антропогенез) асосан тугади. Қадимги одамлар ҳўжалик юритинининг энг оддий йўлларидан (териб-термачлаб) мураккаброқ кўринишлари (овчилик, баликчилик)га ўтдилар. Олов кашиб этилди. Инсоният тўда давридан уруғчилик тузумига ўтди. Меҳнат қуроллари такомиллашиб, уларнинг турлари кўпайди ва сифати яхшиланиб борди. Бу даврда қадимги одамлар орасида дастлабки диний қарашлар пайдо бўлди.

## **Мил. авв. XII-IV минг йилликларда Ўрта Осиё**

Тош асрининг кейинги ривожланиш даври фанда мезолит (ўрта тош) асли Ўрта Осиёда нисбий тарзда мил. авв. 12-7 минг йилликлар деб қабул қилинган. Мезолит одамларнинг ер юзи бўйлаб кенг тарқалиш даври бўлиб, улар шимол томонга ҳам, Помир каби баланд тоғли ҳудудларга ҳам тарқала бошлайди. Каспий бўйларидан Тяньшань — Помиргача, Марказий Қозогистондан Копеттог этакларигача бўлган ҳудудлардан мезолит даври ёдгорликларининг намуналари топиб ўрганилган. Мачай (Сурхондарё), Обишир (Фарғона водийси), Марказий Фарго-

на, Бўзсув, Қўшилиш (Тошкент), Айдабол, Жайронқудук (Устюрт), Ошхона, Чилчорчашма (Тожикистон), Дарайи шўр (Вахш воҳаси) кабилар шулар жумласидан.

Мезолит даврига келиб ер юзидағи улкан музликнинг яна шимол томон силжиши натижасида иқлим барқарорлашиб, ҳозирги даврдагига анча ўхшаб қолган эди. Бунинг натижасида Ўрта Осиё ҳайвонот олами ва ўсимликлар дунёсида анча ўзгаришлар содир бўлди, бу эса мезолит даври кишилари хаётида ҳам ўзгаришлар содир бўлишига сабаб бўлди.

Бу даврга келиб, кишилар нисбатан нозикроқ қуроллар тайёрлашни ўзлаштира бошлади. Хусусан, жанубий ўлкаларда, шунингдек, Ўрта Осиёда турли геометрик шаклдаги майда қуролчалар — микролитлар пайдо бўлиб, улар учун суяқ ва ёғоч дастачалардан қадама сифатида фойдаланилган. Ундан ташқари, бу даврда инсоният ўз тарихидаги дастлабки мураккаб мослама — ўқ-ёйни кашф этди. Натижада чопқир, кичик туёқли ҳайвонлар ва паррандаларни ов қилиш имконияти пайдо бўлди.

Бу даврнинг энг катта ютуқларидан яна бири ёввойи ҳайвонлар — ит, қўй, эчки кабиларнинг қўлга ўргатила бошланиб, хонакилаштирилишидир. Археологик тадқиқотлар натижаларига қараганда, мезолит даврига келиб, Олд, Яқин ва Ўрта Осиёнинг баъзи жойларида термачиликдан ёввойи ўсимликларни хонакилаштиришга ҳамда овчиликдан чорвачиликка ўтиш даври бошланади. Бу жараён илгор, унумдор ишлаб чиқарувчи кучларнинг ривожланиш даражаси ва табиий-географик иқлим билан бевосита боғлиқ эди.

Мезолит даврининг машҳур ёдгорликлари Сурхон воҳасидаги Мачай (Бойсун) гор макони, Фаргона водийсидаги Обишир гор макони ва бошқалар. Кейинги 30-35 йил ичida Марказий Фаргона ҳудудидан Шўрқўл, Аччиқўл, Янгиқадам, Бекобод, Замбар, Тойпокқўл каби 80га яқин мезолит даври ёдгорликлари аниқланди. Уларнинг кўпчилиги кўл ёқаларидан топилган бўлиб, афтидан бу жой-

лар мезолит даври кишиларининг яшашлари учун кўпгина қулайликларга эга бўлган.

Ўрта Осиё тарихида неолит даврининг (янги тош асри) юқори чегараси мил.авв.VI, қуий чегараси IV-III минг йилликлар билан белгиланади. Бу давр Ўрта Осиёда учта: Жойтун, Калтами nor ва Ҳисор маданиятларининг ривожланиши билан изоҳланади. Неолит даври қабилалари аксарият ҳолларда дарё соҳиллари ва тармоқлари ёқасида, кўл бўйларида яшаб, табиий имкониятлардан келиб чиққан ҳолда балиқчилик ва овчилик ёки дехқончилик ва чорвачилик, айни вақтда қисман ҳунармандчилик билан шугулланганлар.

Жойтун маданияти Жанубий Туркманистонда, Ашгабат шаҳридан 25 км. шимолдаги Жойтун манзилгоҳидан топилган бўлиб, бу маданият қолдиқлари нафақат Туркманистон, балки бутун Ўрта Осиёда машҳур. Жойтун қишлоғи бир неча уйлардан ташкил топган бўлиб, уй дөворлари сомон аралаштирилган пахсадан қурилган. Уйлар тўғри тўртбурчак бўлиб, бир хоналик ва ҳар бир хонада алоҳида ўчоқ излари топилган. Уйлар ёнида эса омборхона, сарой ва хўжалик ўралари ҳам бор. Тадқиқотчилар фикрларига қараганда, Жойтунда 30 га яқин уй бўлиб, унда 130-150 киши яшаган, 5-6 кишилик оила яшаган уйларда она уруғи ҳукмрон бўлган. Уйлардан аёлларнинг лой ва тошдан ясалган ҳайкалчалари, шунингдек, ҳар хил тақинчоқ ва безаклар, буғдой, арпа излари, ёрма тош, тош болталар, парракчалар, қурол сифатида ишлатиладиган ўткир учли тошлар, тешгич парчалар, қирғичлар, камон ўқларининг учлари — пойконлар топилган. Жойтун маконидан қўлда ишланган сопол идишлар намуналари ҳам топилган бўлиб, улар Ўрта Осиёдаги дастлабки сопол намуналари дидир. Жойтун қишлоғи аҳолиси мил. авв. VI-V минг йилликларда яшаб, асосан, дехқончилик, чорвачилик, қисман эса овчилик билан шугулланганлар. Жойтунда Ўрта Осиёдаги дастлабки дехқончилик маданияти ривожланади ва бу макон ҳозирча минтақадаги дастлабки дехқончилик қишлоғи ҳисобланади.

Калтаминор маданиятига оид маконлар дастлаб Амударё этаклари ва Хоразм ҳудудидан топилган бўлиб, булар орасида Хоразмдаги Жонбосқалъа макони диққатга сазовор. Бу ерни қазиш пайтида чайла ва ярим ертўла шаклидаги макон очилган. Бу макон ёғоч устун, синчлар билан кўтарилилган. Устига кўндаланг ёғочлар ташланиб, усти қамиш билан беркитилган. Чайла ўртасида катта асосий ўчоқ қолдиги, атрофида майда ўчоқ қолдиқлари аниқланган. Макондан найза пойконлар, камон ўқларининг учлари ва бошқа тош қуроллар топилган. Шунингдек, маданий қатламлардан балиқ, ёввойи чўчқа, қирғовул суюклари ва жийда данаклари ҳам топилган. Топилмалар орасида сопол идиш намуналари ҳам бўлиб, тадқиқотчиарнинг фикрларига қарагандা, улар мил. авв. V-IV минг йилликларга оид.

Калтаминор маданиятига оид ёдгорликлар Қуий Зарафшон ва Қашқадарё этакларидағи Дарвозакир, Катта ва Кичик Тузкон, Коронгишур, Пойкент маконлариридир. Бу маконлардан топилган тош қуроллар ва сопол буюмлар ҳамда бошқа ашёларни ўрганиш, тахлил этиш, Яқин Шарқ, Қозогистон, Урал ва бошқа жойлардан топилган неолит даври ашёлари билан қиёслаш натижасида тадқиқотчилар юқорида эслатилган маконлар Калтаминор маданиятига мансуб бўлиб, мил. авв. IV-III минг йилликларга оид деган хulosага келдилар. Бу маконларда яшаган неолит даври одамлари термачилик, жайрон, ёввойи чўчқа, буғу ва бошқа ҳайвонлар ҳамда балиқ овлаб кун кечиришган.

Сўнгги йилларда Ўрта Осиёнинг шарқий ҳудудидан, Ҳисор-Помир тогларидан кўплаб неолит даври ёдгорликлари очилди ва ўрганилди. Бу ўзига хос маданият фанда Ҳисор маданияти деган ном олди. Асосан тоголди ва тофликларга хос бўлган Ҳисор маданиятига мансуб ёдгорликлар 200 дан зиёд бўлиб, Тутқовул, Сойсайёд, Қуий Булён, Дараи Шур, Газиёнетепа кабилар шулар жумласидан. Ҳисор маданиятига мансуб ёдгорликлар асосан мил. авв. V-III минг йилликларга оид.

Ҳисор маданияти соҳиблари сопол идишлар ясад, асосан чорвачилик, овчилик, қисман термачилик билан шу-

гулланганлар. Ҳисор маконларидан топилган турли-турман тошилмалар ушбу жараёнлардан далолат беради.

Демак, Ўрта Осиёнинг барча ҳудудларида — шимолдаги Устюртда, Марказий ва Жанубий Қозогистонда, Қизилқум ва Қоракумда, Қашқадарё ва Зарафшон воҳалари, Тошкент воҳаси ва Фарғона водийсида кўплаб неолит даври маконлари очилган.

Неолит даврига келиб, мезолитнинг сўнгги босқичларида кашф этилган тош болталар анча кенг тарқалади. Мехнат қуроллари такомиллашади. Энг қадимги даврнинг дастлабки даврида қўлга киритилган барча ютуқлар бу даврга келиб якунланади.

Неолит даврида қадимги аждодларимиз лойдан идишлар ясаб, уларни оловда пишириш йўли билан қулолчиликка асос солдилар. Шунингдек, ип йигириш асосида тўқи-мачиликни кашф этдилар. Одамлар ёғоч ва қамишдан қайиқ ясаб (қайиқсозлик), сувда сузишни ҳам ўзлаштирилар. Хуллас, неолит даври ютуқларга бой бўлиб, ўзидан илгариги даврларга нисбатан юксак ривожланиш даври бўлди.

Тадқиқотлар натижаларига қараганда, тош ва бронза даврлари ўртасида мис-тош (энеолит) даври бўлганлиги аниқланган. Бу давр металл қуролларининг барчаси бронзадан қилинмай, соф мисдан ясалганлиги маълум. Ўрта Осиёда энеолит даври нисбий тарзда мил. авв. IV минг йилликнинг охири — III минг йилликнинг бошларини ўз ичига олади. Бу даврда мис ўзининг кимёвий хоссалари (тез эрувчанлик, эгилувчанлик) туфайли ҳўжалик ҳаётида устунлик қила олмади. Ишлаб чиқаришда аввалгидек тош қуроллар асосий ўринда бўлди. Шунинг учун ҳам бу давр мис-тош асли деб юритилади.

Ўрта Осиё ҳудудида қуидаги янги тарихий-маданий жараёнлар энеолит даври билан боғлиқ:

1.Хўжаликнинг бошқа ҳамма турларига қараганда ҳайдама деҳқончиликнинг устунлик қилиши.

2.Тошдан ишланган қуроллар кўп бўлгани ҳолда мис қуролларнинг пайдо бўлиши.

3. Катта-катта жамоаларнинг пахсадан ва хом фиштдан тикланган катта-катта уйлари.

4. Кулолчиликда муҳим техника ютуғи — хумдонларнинг ишлатилиши.

5. Ўтрончилик хўжалигининг ривожланиши, жамоа бирлашмаларининг уйлари ва қурилишида хом фиштнинг пайдо бўлиши.

6. Турли ҳайвонларнинг лойдан ясалган ва она уруғи тузумига (матриархатга) хос ҳайкалчалари.

7. Рангдор сопол буюмлар, яъни турли тасвиirlар ишланган сопол буюмларнинг мавжудлиги.

Энеолит даврига оид муҳим ёдгорликлар Жанубий Туркманистондаги Анов ва Номозгоҳтепа ҳудудларида аниқланган. Бу ердаги уй-жойлар хом фиштдан қурилган. Моддий топилмалар орасида мис қуроллар тош қуролларга нисбатан камчиликни ташкил этади. Шунингдек, бу мақонлардан топилган милавв. IV минг йилликка оид сирти қора бўёқда геометрик чизиқлар ва ҳайвон ёки қуш расмлари билан безатилган гулдор сопол буюмлар кулолчиликнинг ҳам анча ривожланганидан далолат беради.

Ўзбекистон ҳудудида энеолит даври ёдгорликлари ҳозирча яхши ўрганилмаган. Мил. авв. IV-II минг йиллик бошларида Амударё ва Зарафшон қуий оқимларида Калтаминон маданияти тош қуроллари, сопол идишлиари ва уй-жойлари кенг тарқалган. Ўрта Осиёning шимоли-шарқ даштларида ва Орол денгизи соҳилларида овчилик, балиқчилик, илк чорвачилик хўжаликлари ривожланади. Бухоро воҳасидаги Лавлакон, Бешбулоқ мақонлари ва Замонбоғо қабристонининг энг пастки қатламлари энеолит даврига оид. Бу ёдгорликлардан сўнгги Калтаминон топилмаларига ўхшаш сопол идишлиар бўлаклари ва чақмоқтош билан бирга мисдан ясалган иғналар, мунҷоқлар ҳам топилган.

Юқори Зарафшоннинг Панжикент шаҳридан 15 км. фарбда жойлашган Саразм қишлоғи харобаси энеолит даври дехқончилик қабилаларининг Ўрта Осиёни шимоли-шарқига ёйилганидан далолат бериб, қадимги дехқончилик аҳолисининг дехқончилик чегараларини ҳам кўрсатади.

Саразмдан уй-жой ва рўзгор-хўжалик иншоотлари қолдиқлари очиб ўрганилган. Бу ерлардан сопол идишлар, металл ва тошдан ишланган қуроллар (жумладан, тош кетмонлар), зеб-зийнат буюмлари кўплаб топилган. Саразм моддий топилмаларида Жанубий Туркманистон, Жанубий Афғонистон, Эрон, Ҳиндистон маданиятларига мансуб буюмлар ҳам бор. Улар энеолит даври қабилалари ўртасидаги кенг маданий ва иқтисодий алоқалардан далолат беради.

## **Ибтидоий тасвирий санъат. Бронза даври ютуқлари. Ёзув ҳакида янги маълумотлар**

Дунё тарихида ибтидой тасвирий санъат, хусусан, форларнинг деворларига турли тасвирлар тушириш сўнгги палеолит даврига оид (Испаниядаги Алтамир гори). Ўрта Осиёда унгурлар ва қоятошларга ишланган расмлар мезолит даврида пайдо бўлади. Неолит даврига келиб, бу санъат янги асосда ривожланиш боскичига ўтади.

Ўлкамиздаги қоятош расмларнинг энг нодир намуналари Зараутсой, Сармишсой, Биронсой, Кўксарой, Такатош, Тераклисой кабилар бўлиб, улар юздан зиёд. Мазкур жойлардаги қоятошларда Ўзбекистоннинг қадимги ва ҳозирги ҳайвонот олами вакилларининг расмларини кузатиш мумкин. Булар буқалар, шерлар, йўлбарслар, қоплон, тулки ва бўрилар, буғу ва жайронлар... Расмлар орасида ўқ-ёй, қопқон каби нарсалар ҳам қўпчиликни ташкил этади. Мавжуд қоятош расмлари мазмунан бой ва манзараси жиҳатдан хилма-хил. Унда одамлар, ов, йиртқич ҳайвонлар тўқнашувлари манзаралари тасвирланган. Қоятош расмлар қадимги авлодларимизнинг гоявий қарашлари ва диний эътиқодларини ўрганишда муҳим аҳамиятга эга. Бундан ташқари, қоятош суратлари мазмун ва манзараларининг бойлиги билан ажралиб туради. Ушбу суратлар ишланиш услуби хилма-хил бўлиб, археологик ёдгорликларнинг бир тури ҳисобланади. Уларнинг мазмун ва манзараси маъносидан келиб чиқиб, иб-

тидоий ёки қадимги давр кишиларининг хўжалик ҳаёти ҳақида, ҳайвонларни ов қилиш, қўлга ургатиш ва хона-килаштириш, чорвачиликнинг пайдо бўлиши ҳақида маълум тасавурларга эга бўлишимиз мумкин. Айни пайтда, қоятош расмлари ўзига хос санъат асари бўлиб, улар орқали биз ибтидоий ва қадимги одамларнинг санъати, эстетик қарашлари ўша давр нуқтаи назаридан юқори даражада бўлганини билиб олишимиз мумкин.

Тадқиқотчилар фикрига кўра, бронзанинг ватани Кичик Осиё ва Месопотамия бўлган. Ўрта Осиёда бронза даври мил. авв. III минг йилликдан I минг йилликнинг бошлиригача бўлган даврни ўз ичига олади. Бронза асри учта катта хронологик даврга: илк, ривожланган ва сўнгги бронза даврларига бўлинади. Ўрта Осиёнинг шимолий ва шарқий худудларида мавжуд бўлган бронза даври ёдгорликлари маданияти жанубий худуддаги ўтрон маданиятдан ажralиб туради. Бронза даврида чорвачилик ва дехқончилик билан шуғулланган қабилаларнинг моддий-маданий ёдгорликлари Хоразмда 50 дан зиёд очилган бўлиб, Тозабоғёб маданияти номи билан машхур. Тозабоғёб маданиятига оид маконларнинг айримларидан қадимиий мозорлар (Қўкча), кўпчилигидан эса ярим ертўла шаклидаги уй-жой қолдиқлари очилган. Улардан зеб-зийнат буюмлари, ҳайвон суюклари, сопол идишлар, тош ва бронзадан ишланган қуроллар топилган. Тозабоғёб сопол идишлари асосан қўлда ишланган. Хоразмдаги сўнгги бронза даврига оид ёдгорликлар Амиробод маданияти номи билан машхур бўлиб, мил. авв. IX-VIII асрларга оид. Бу маданият соҳиблари Тозабоғёб маданияти хусусиятларини сақлаб, ярим ертўла турар-жой, сугориш иншоотлари ва сопол идишлар билан изоҳланади.

Куйи Зарафшоннинг бронза даври ёдгорликлари Замонбобо маданияти номи билан аталади. Замонбоболиклар чайласимон кулбаларда истиқомат қилиб, дехқончилик ва хонаки чорвачилик билан шуғулланганлар. Топилган кўплаб меҳнат қуроллари, бошоқли ўсимликлар қолдиқлари ва ҳайвонлар суюклари шундан далолат беради.

Шунингдек, замонбоболиклар жамоасида ҳунармандчиликнинг турли тармоқлари, хусусан, кулолчилик, бронзани эритиб, ундан ҳар хил ашёлар ясаш, айниқса, тошни ишлаш техникаси анча ривожланган. Бу даврга мансуб ёдгорликлар орасида Замонбобо кўли ёқасидан топилган қадимги қабристон, айниқса, диққатга сазовор. Қазишмалар жараёнида эркаклар қабрларидан ўқ-ёй пойконлари, пичоқлар, пичоқсимон тош қуроллар ва турли шаклдаги сопол идишлар; аёллар қабрларидан сопол идишлар, бронза кўзгу, упадон, сурмадон каби пардоз буюмлари, ярим қимматбаҳо тошлардан турли шаклда ишланган мунчоқ ва маржонлар топилган.

Ўзбекистоннинг жанубидаги бронза даври ёдгорликлари қадимги сурориш ҳудудлари — Улонбулоқсой, Шеробод, Бандихон ва Миршодида топиб, текширилган. Улар Сополли маданияти номи билан машҳур.

Ўлкамиздаги дастлабки шаҳармонанд манзилгоҳ бўлган Сополлитепа марказидан тўртбурчакли истеҳком, истеҳком ичида туарр-жойлар ва хўжалик хоналари, ҳунармандчилик устахоналари аниқланган. Сополлитепада қурилиш, ҳунармандчилик ва иқтисодий муносабатлар анча ривож топган. Асосий қурилиш ашёси пахса ва хом гипитдир.

Мил. авв. II минг йилликнинг боши ва ўрталарига оид Сополлитепа аҳолисининг хўжалиги дехқончилик ҳамда уй чорвачилигига асосланган. Шунингдек, дарё тошларидан ва қумтошдан ишланган ёргучоқлар ва ҳовончалар ҳам кўплаб учрайди. Бу топилмаларнинг барчаси Сополлитепада дехқончилик анча ривожланганидан далолат беради. Тадқиқотчиларнинг фикрича, Сополлитепа ҳозирча Ўзбекистондаги дастлабки энг қадимги дехқончилик қишлоғидир.

Амударёning ўнг қирғоғида шаклланган Сополлитепа — бронза давридаги дарёдан кечув йўлини ҳимоя қилувчи мустаҳкам олдинги истеҳком (форпост) сифатида пайдо бўлган. Кейинчалик ўтроқ дехқончилик жамоалари шимолий чегараларининг кенгайиши муносабати билан Со-



поллитепа ўз аҳамиятини йўқота бошлайди ва бўшаб қолади. Асосий марказ вазифаси эса, тоғ дарасидан чи-күвчи йул устидаги мустаҳкам қалъа сифатида пайдо бўлган Жарқўтонга ўтади. Бу ёдгорлик Ўзбекистондаги дастлабки шаҳар харобаси ҳисобланади.

Мил.авв. II минг йилликнинг ўрталарида келиб, Жарқўтон ўша ҳудудлардаги деҳқончилик билан шуғулла-нувчи аҳоли қабилалари уюшмаларининг мустаҳкам ис-теҳкомига айланади. Айнан мана шу истеҳком орқали Ҳисор тоголди воҳалари ва жанубий Тожикистоннинг фар-бий ҳудудига шимолдаги аҳолининг кўчишлари бўлиб ўтади. Бу ҳудуддан топилган ёдгорликлар топографияси ва уларни давлатлаштириш ушбу жараён изчиллик билан бўлиб ўтганлигини кўрсатади. Бу жараённинг ривож-ланиши мил.авв. II минг йилликнинг иккинчи ярми Аму-дарёning ўнг қирғоидаги ўтроқ деҳқончилик турмуш тар-зи кечиравчи аҳоли манзилгоҳларида аҳоли сонининг ўсиши ва ишлаб чиқарувчи кучларнинг тараққиёти учун ҳам кенг имкониятлар яратди.

Ўзбекистон ҳудудида чорвадор қабилаларга мансуб бронза даври қабристони Самарқанд яқинидаги Мўмино-бод қишлоғидан топилган.

Кўйи Қашқадарёдаги Гужайли қабристонидан чорва-чилик ва деҳқончилик қабилаларига тегишли бўлган ашё-лар, Фарғона водийси Янгиарик ҳудудидан деҳқончилик буюмлари ва деҳқончилик билан боғлиқ қоятош сурат-лар, Чустдан ҳунармандчилик ва деҳқончиликка оид бу-юмлар кўплаб топилган.

Мил. авв. II минг йилликка келиб, Ўзбекистоннинг дашт ҳудудларида чорвадор қабилалар ўрнаша бошлайди. Уларнинг маконларидан топилган моддий манбалар Жа-нубий Қозогистоннинг чўлларида Андронов маданиятига ўхшаб кетади. Дашт қабилалари тарқалганлигидан, ай-ниқса, сопол идишлар, металл буюмлар ва чорвадор қаби-лаларга мансуб қадимги қабрлар тузилиши шундан дало-лат беради. Бу ўринда тадқиқотчилар бронза давридаёқ

Ўрта Осиё ҳудудида маълум даражада этник маданий жарисалар бўлиб ўтган, деган фикри илгари сурадилар.

Бронза даврининг хўжалик соҳасида эришган энг катта ютуқларидан бири қадимги дехқончиликнинг кенг ёйилиши ва мил. авв. II минг йилликда чорвачиликнинг дехқончиликдан ажralиб чиқишидир. Металл қуроллар қадимги ижтимоий-иқтисодий тараққиётни тезлаштиргани туфайли Ўрта Осиё даниг ва тоголди ҳудудларида яшаган аҳоли бошқа аҳолидан (дехқонлардан) ажralиб чиқади ва асосан чорвачилик билан машғул бўлади. Бу тарихий жараён — кишилик жамияти тараққиётидаги дастлабки йирик меҳнат тақсимоти эди.

Бронза даврида Ўрта Осиёning ижтимоий тузумида ҳам ўзгаринилар бўлади. Уруғчилик тузуми бу даврда ҳам давом этди. Аммо, бу даврда она уругининг мавқеи йўқолиб борди. Металл эритиш ва хўжаликнинг ривожланиши шатижасида жамиятда эркаклар меҳнати ҳамда мавқеи бириичи даражали аҳамиятга эга бўлиб борди. Ишлаб чиқариша ҳукмронлик қилиш шу тариқа эркаклар қўлига ўтади ва она уруғи тузуми ўрнини ота уруғи (патриархат) тузуми эгаллайди.

Яқин кунларга қадар Ўрта Осиё ҳудудида ёзув мил. авв. V-IV асрларда пайдо бўлган дейилар эди. Сўнгги йиллардаги тадқиқотлар бошқачароқ хулоса бермоқда. Хусусан, 2000 йилда Жанубий Туркманистондаги Гонуртепа кўхна шахрида очилган қабрларнинг биридан мил.авв. III минг йилликка оид ўйма сопол муҳр топилди. Унда миххат ёзувлар бор эди. Жанубий Туркманистон қадимиятининг билимдони В. Сарианиди ва америкалик мутахассис Т. Шарлачларнинг фикрича, бу хилдаги муҳрлар факат подшо атрофидаги, подшо саройига яқин шахсларга тегицили бўлиши мумкин. Месопотамиядаги Саргон муҳрларини (мил.авв. 2250-2200 й.) эслатувчи Гонуртепа муҳри маҳаллий ҳом ашёдан тайёрланган бўлиб, ундаги миххат ёзувлар «Лукакс хўжалик ва қуллар ҳукмдори», деб ўқилди. Ушбу ёзув бронза давридаёқ бу ерда якка ҳукмдор бошқаруви ва Месопотамия билан ўзаро алоқалардан далолат беради.

Шунингдек, сўнгги археологик маълумотларга кўра, Ўзбекистоннинг жанубидан ҳам пиктографик белги — ёзувлар топилган. Тадқиқотчи Ш. Шайдуллаевнинг фикрича, Жарқутон ёдгорлигидан сополларга битилган 47 та белгидан иборат ёзувнинг топилиши аждодларимизнинг бронза даврида пиктографик ёзувни яратгани ва ўз фикрини турли белгиларда ифодалаганини кўрсатади. Шунингдек, Шерободдаги Фоз қишлоғи ёнидаги илк темир асрига оид ёдгорликдан тош ўғир (кели) топилган бўлиб, унинг сиртида умумий сони 14 та бўлган пикторафик белги-ёзув мавжуд. Ш. Шайдуллаев бу белгини Миср иероглифиқаси билан солиштириб, улардан бири «ҳақиқат», бири эса дунёнинг айланиши, яъни, «чархпалак» деб ўқилиши мумкинлигини тахмин қиласди. Хуллас, бронза даври ва унинг охирларига келиб, ўлкамиз худудида ёзув пайдо бўлганлиги илмий асосланмоқда, кейинги тадқиқотлар бу масалага янада ойдинлик киритиши шубҳасиз.

## **Ўзбек халқининг этник шаклланиши, этногенези ва уни ўрганиш масалалари**

Хозирги кунга келиб, республикамида миллий-маънавий қадриятларни тиклаш ва ривожлантириш, миллий мағкура гояларини фуқароларимиз онгига янада чуқурроқ сингдириш ва янада теран англатиш кучайиб, Ўзбекистон халқларининг ўтмиши ва келиб чиқишига қизиқиши ортиб бормоқда. Хусусан, ўзбек халқининг этник тарихи, унинг халқ сифатида шаклланиши масалалари долзарб эканлиги Юрбошимиз И.А.Каримовнинг “Тарихий хотирасиз келажак йўқ“ асарида (1998) ҳар томонлама асослаб берилди. Бу йўналишда тарихчиларимиз олдига ечими ҳаётий зарур бўлган вазифалар қўйилди. Жумладан, Юрбошимиз таъкидлаганидек, “Мовароуннаҳр сарҳадларига узоқ тарихимиз давомида не-не босқинчилар кириб келмаган, кўп йиллар, балки, асрлар давомида юртимизда не-не ўзга сулолалар ҳукмронлик қилмаган дейсиз... Эрондан Аҳамонийлар, Юнонистондан Алек-

сандр келди, Арабистондан Кутайба, Мұғалистондан Чингизхон келди, рус истилочилари келди. Лекин халқ қолдику..., ана шундай ҳар томонлама мудхиш, четдан қараганда халқимиз, унинг маданияти, миллий тафаккури, урғодатлари, турмуш тарзи, ҳеч бир муболагасиз айтиш мүмкінки, насл-насаби йўқ бўлиб кетиши керак бўлган шароитда барибир, қатор йўқотишлар билан бўлса ҳам, миллатимиз ўзлигини сақлаб қололдими ё йўқми? Олимларимиз ана шу саволга жавоб берсинлар”.

Этногенез ёки бирорта халқнинг келиб чиқиши тарихи масалалари тарих фанининг ютуқлари билан чамбарчас боғлиқлиги кўпчилик тадқиқотчилар томонидан эътироф этилгани маълум. Аммо, тарих фанининг бошқа йўналишларига (археология, этнография, антропология) нисбатан ўзбек халқи этногенези ҳамон жиiddий тадқиқотлар талаб этади. XIX-XX аср бошларида олиб борилган тадқиқотлар нисбатан самарали бўлишига қарамай, булар ҳам халқларининг этник келиб чиқиши, маданияти ва тилларидаги ўхшашлик сабаблари, моҳиятини тўла очиб бера олмади.

Ўрта Осиё ҳудудларида олиб борилган археологик, антропологик ва этнографик тадқиқотлар натижаларини умумлантирган антрополог олим Т.К. Хўжайов ҳар бир халқнинг этногенезини ўрганишда қўйидаги тамойилларга асосий эътибор беришни таклиф этади:

1) бирор халқнинг келиб чиқиши тарихи қўп қиррали жараён бўлиб, у ўз ичига шу халқнинг маданияти ва ижтимоий тузилмаси, унинг биологик хусусиятлари, ўзининг жамиятда тутган ўрнини тушуниш, тили ва ўзлигини танишни қамраб олади;

2) этногенез масаласига бир томонлама қараб, уни соддалаштириш билан чегараланиб қолмасдан, шу халқнинг келиб чиқиши тарихида маълум аҳамият касб этган барча таркибий қисмлар ҳам эътиборга олиниши шарт;

3) этногенез мураккаб ва узок давом этган жараён. Бинобарин, бу жараённи босқичма-босқич тиклаш мақсадга мувофиқдир.

Шунингдек, А.А. Асқаров ўзбек халқи этногенезига бағишиланган ишларидан бирида ҳар бир халқ этногенези ва этник тарихини ўрганишда қуидаги назарий ва илмий методологик тамойилларга амал қилиш талаб этилишини таъкидлайди:

- бириңчидан, этногенез ва этник тарихни ўрганишда тадқиқотчи бириңчи навбатда ўрганаётган халқ этногенезиси қачондан бошланганини аниқлаб олмоғи керак. Чунки, этнос фақат кишилик жамияти тараққиётининг маълум бир босқичида пайдо бўлади. Этногенезнинг бошлангич нуқтаси эса этноснинг қадим замонларда яшаган «аждодларига» бориб тақалади. Бу жараён мил.авв. II минг йиллик охирларида юз берди.

- Иккинчидан, этнос бу биологик ҳосила эмас, балки ижтимоий ҳодисадир. У кишилик тараққиёти маълум бир босқичининг ҳосиласидир. Этноснинг шаклланиш жараёнида, муайян сабабларга кўра, унинг таркибига янгидан янги этник қатламлар қўшилиб боради. Ер юзининг барча халқлари келиб чиқиши жиҳатидан кўп этник қатламлидир. Дарҳақиқат, ўзбек халқи этногенезининг ilk босқичларидан то халқ сифатида шаклланиб бўлгунига қадар унинг асосий таркибини ташкил этган автохтон (маҳаллий) сўғду-хоразмий ва қадимги туркийзабон қатламлардан ташқари, ўзига турли даврда маҳаллий ва теварак атрофлардан келиб қўшилган этник гуруҳларни сингдирди.

- Учинчидан, ҳар бир халқнинг этник тарихини ўрганиш этник бирликнинг шаклланиш жараёнини ilk босқичидан бошлашни тақозо этади. Чунки этник бирликнинг пайдо бўлиши, ривожланиши ва унинг этноста айланиши жуда қадим-қадим замонлардан бошланиб, ҳозирги кунгача давом этаётган тарихий жараёндир.

- Тўртинчидан, ҳар бир халқнинг этник тарихи билан шуғулланганда, нафақат этник бирликнинг бошлангич жараёнини, балки унинг кейинги даврларини, унга хос мухим этник белги ва аломатларни аниқлаб, ўрганиб бориши талаб этилади.

- Бешинчидан, этногенетик жараённи ўрганишда ма-салага ҳар томонлама ёндашиц, яъни этногенезга алоқадор фан ютуқларидан фойдаланиш муаммо ечимиға объектив илмийлик багишлайди. Этногенез муаммоларни ҳал этишда фойдаланилаётган бирламчи манбаларнинг иисбати ва хусусиятини билиш муҳим. Бу манбалар антропология, археология, этнография, ёзма ёдгорликлар, тилишунослик, эпиграфика ва бошқалардир.

Юқоридаги тамойилларга тўла риоя қилинган ҳолдагина айрим ҳалқ этногенезига оид муаммоларни илмий нуқтаи назардан мукаммал ва ҳар томонлама очиб бериш имконияти пайдо бўлади.

Этногенез жараёни турли ҳалқларнинг аждодлари тарихидан бошланади. Ўзбек ҳалқи аждодларининг тарихи жуда катта тарихий даврни ўз ичига олади. Узоқ тарихий тараққиёт йўлида аждодларимиз мураккаб этногенез жирабиларини бошдан кечиргандар. Бу жараёнлар антропологик қиёфалар, қабилалар, ҳалқлар ва элатларнинг араласиб кетиши, маданий анъаналарнинг қўшилиб, янги асосда ривожланиши билан узвий боғлиқ бўлган.

Тарихий адабиётлардан маълумки, фаннинг кўпгина тармоқларига, жумладан, ҳалқлар ҳақидаги фанга бундан 2-2,5 минг йил илгари қадимги Юнонистонда асос солинган. Шунинг учун ҳам замонавий фанда юонон тилидан олинган сўзлар кўп учрайди. Бундай сўзларни ҳалқлар ҳақидаги фанларда ҳам учратиш мумкин. Қадимги юононларда “ҳалқ” тушунчасини ифодаловчи бир неча сўзлар бўлган. Шулардан бири “демос” бўлиб, бу сўз орқали аҳолининг асосий қисми тушунилган (мас. “демократия” — “ҳалқ ҳокимияти”, “демография” — “ҳалқларни таърифлаш” ва бошқ.). Шундай сўзлардан яна бири “этнос” бўлиб, айнан таржимаси “ҳалқ” демакдир. Этнографик тадқиқотлар натижаларига кўра, ҳар қандай этнос ўз шаклланишининг дастлабки палласида бир-бири билан иқтисодий жиҳатдан ўзаро боғлиқ одамлар жамоасидан иборат бўлади.

Айрим этносларни бир-биридан фарқловчи муҳим белгиларидан бири маданий хусусиятлардир. Бу хусусиятларни ҳар бир ҳалқ ўз тарихий-маданий ривожланиш жараёнида ўзлаштиради ва авлоддан-авлодга қолдиради. Фанда бу жараён “этник анъаналар” дейилади. Бундай анъаналар ҳар бир ҳалқнинг ижтимоий-иктисодий ва табиий географик шарт-шароитлари билан боғлиқ бўлган у ёки бу тарихий даврларда шаклланади. Этносни қисқа-ча қилиб, уюшган тил-маданий жамоаси дейиш мумкин. Илмий адабиётларда “этник жамоа” деган сўз ҳам кўп ишлатилади. Фақатгина алоҳида ҳалқларни эмас, балки уларнинг келиб чикишида қариндошчилиги бўлган гурӯхларни ҳам этник жамоа деб аташ мумкин.

Тадқиқотчиларнинг фикрича, қариндош-уруғчилик этник жамоалари аста-секинлик билан уруғ жамоаларига айланиб боради. Уруғ бирга яшаб, ҳамкорликда меҳнат қилган қариндошлар уюшмаси бўлиб, маълум ҳалқларнинг этник шаклланишидаги дастлабки босқичлардан бири сифатида муҳим аҳамиятга эга бўлди.

## **Ўлкамиз ҳудудидаги қадимги маҳаллий аҳоли ва ўзбек ҳалқининг шаклланиш босқичлари**

Бронза даврига келиб, Ўрта Осиё ҳудудида қадимги жанубий ва шимолий қиёфадаги одамлар вакилларининг қўшилиш жараёни бошланади. Шу даврда, ўлкамиизда яшаб ўтган бронза даври қабилалари, Ўрта Осиёning қадимги элатларига асос солганлар. Бу давр минтаقا ҳудудларида мураккаб этник-маданий жараёнлар бўлиб ўтгани билан изоҳланади. Хусусан, жанубий ҳудудлардаги ҳосилдор воҳалар ўтроқ дехқончилик аҳолиси томонидан ўзлаштирила бошланган бўлса, шимолий вилоятларда кўчманчи чорвадор қабилалар тарқала бошлайди. Кўчманчи чорвадорлар ва ўтроқ аҳолининг узвий муносабатлари асосида ижтимоий-иктисодий ва маданий-этник жараёнлар авж олади.

Мил. авв. II минг йилликнинг ўрталаридан бошлаб, Ўрта Осиё ҳудудларига шимоли-шарқдан чорвачилик би-

лан шугулланувчи янги этник гурухлар кириб кела бошлиди. Маҳаллий маданиятдан фарқланувчи бу гурухлар маданияти тадқиқотчилар томонидан “Тозабоғёб маданияти” номи билан фанга киритилган.

Тозабоғёб қўринишидаги ёдгорликлар кейинчалик Зарафшон дарёсининг қўйи ҳавзаси ҳудудидан топилди ва ўрганилди. Худди шунга ўхшаш этносларнинг излари Тошкент воҳасидан, Фарғона водийси, шимолий Бақтриянинг тоғли ва тоғолди ҳудудларидан топилиб, ўрганилган. Жуда катта ҳудудлардан, хусусан, Қозоғистон чўллари, Олтой, Жанубий Сибирь, Уралолди ҳудудларидан текширилган ўзига хос маданият “Андронов маданияти” номи билан фанга киритилган. Кўпчилик тадқиқотчиларнинг эътироф этишларича, бу маданият соҳиблари бронза даврида ёқ туркий тилда сўзлашганлар.

Минтақадаги қадимги аҳоли тош ва бронза даврида қандай ном билан аталгани бизга номаълум. Ўрта Осиё аҳолиси ҳақидаги маълумотлар дастлаб Шарқ ва юнон-рим манбаларида тилга олинади. Юнон тарихчилари маълумотларига қараганда, Евросиёнинг катта ҳудудларида яшовчи қабилалар умумий “скифлар” номи билан аталади. Геродот, “бу ҳалқ қадимийликда мисрликлардан қолишмайди”, деб юқори баҳо берган эди. Плиний эса, Ўрта Осиё ҳудудларида 20 га яқин қабилалар борлиги хусусида эслатиб ўтади. Ёзма манбаларда скифларнинг иккита йирик қабиласи: саклар ва массагетлар хусусида кўпроқ эслатилади. Аҳамонийлар миххат ёзувларида саклар учта қисмга (хаумаварка, тиграхауда, тиай-тара-дарайя) бўлиб кўрсатилади. Массагетлар хусусида ҳам турли фикрлар мавжуд бўлиб, улар маҳаллий чорвадор-ҳарбий қабилалар бўлганлиги таъкидланади. Аммо, ёзма манбалар бу ҳалқлар ва қабилаларнинг қайси ирққа мансублиги ҳақида маълумот бермайди.

Айрим олимлар томонидан билдирилган Ўрта Осиё, жумладан, Ўзбекистон қадимги даврлардаги монголоид ирқи шаклланган ҳудудга киради, деган илмий ёндашув но-тўғри ва асоссиз эканлиги сўнгги йиллардаги антропологик

маълумотлар натижасида аниқланди. Т.Хўжайовнинг фикрича, ўзбек халқининг келиб чиқиши тарихини ўрганишни канча эрта даврлардан бошласак, унинг таркибида ҳозирги кунларгача сақланиб келинаётган ирқий ва этник унсурларнинг маҳаллий халқ таркибига кирган даври, унинг нисбий микдори тўғрисида шунчалик кенг фикр юрита оламиз.

Ўзбек халқига хос Ўрта Осиё икки дарё оралиғи ирқининг шаклланиш даври, макони ва тарихи масалаларида фанда яқингача ягона фикр йўқ эди. Бир гуруҳ олимлар бу ирқ бундан 6-8 минг йил илгари, иккинчи гуруҳ тадқиқотчилар бундан 3 минг йил илгари шаклланган деса, учинчи гуруҳ олимлари эса, XVI асрда шаклланди, деб ҳисоблар эди. Кейинги йиллардаги бой археологик топилмалар натижасида тадқиқотчилар Ўрта Осиё икки дарё оралиғи ирқининг шаклланиши бундан 2200-2300 йил илгари бошланганини асослаб бердилар.

Кўпгина илмий адабиётларда ўзбек халқининг шаклланишида саккизта мухим давр санаб ўтилади. Булар қаторида Аҳамонийлар, Македониялик Александр, Араб халифалиги, Мўғуллар истилоси тилга олинади. Ҳақиқатан, бу забт этишлар Ўрта Осиё, жумладан, Ўзбекистон халқлари маданиятига, тилига, турмуш тарзига ўз таъсирини ўтказган. Аммо, бу юришларнинг маҳаллий халқлар ирқий ва этник тарихига бўлган таъсири кам эканлигини таъкидлаш жоиз. Антропологик нуқтаи назардан улар маҳаллий халқ “қонини” ёки генетикасини тубдан ўзгартира олмади. Улар сон жиҳатдан қўпчиликни ташкил этган маҳаллий аҳоли таркибига сингиб кетган. Бу ўринда маҳаллий (субстрат) ва келгинди (суперстрат) аҳоли орасидаги ўзаро муносабатларнинг маълум ҳолатларини эслатиб ўтиш жоиз. Яъни, кўп сонли маҳаллий аҳоли таркибига келгинди гуруҳларнинг сингиб кетиши; маҳаллий ва келгинди халқлар аралашуви натижасида иккаласига ҳам ўхшашиб янги халқ, гуруҳ, элат пайдо бўлишини кузатиш мумкин. Т.Хўжайовнинг маҳсус антропологик тадқиқотларига қараганда, барча та-

рихий даврларда маҳаллий халқ келгинди аҳолидан ҳамиша устун бўлган.

Илк темир давридан бошлаб (мил. авв. IX-VII асрлар) минтақанинг қадимги деҳқончилик воҳаларида яшовчи ўтрок аҳоли ўзлари яшаб турган ҳудуд номлари билан атала бошлаган. Булар Сўғдиёнадаги-сўғдийлар, қадимги Хоразмдаги-хоразмийлар, қадимги Бақтриядаги-бахтарлар, қадимги Чоҷдаги-чоччиклар, Фарғонадаги-парканаликлар. Бу тарихий номларнинг айримларини ilk ёзма манбаларда, хусусан, зардӯшийлик динининг муқаддас китоби “Авесто”да, Аҳамонийлар миҳнатларида, юнон-рим муаллифлари асарларида учратиш мумкин.

Антрапологик изланишлар натижаларига таяниб, ўзбек халқининг келиб чиқиши тарихида муҳим аҳамият касб этган уч тарихий даврга алоҳида тўхталиб ўтиш зарур. Биринчидан, мил. авв. III-II асрларда Ўрта Осиёда ҳозирги ўзбек халқига хос антропологик қиёфа шакллана бошлаган. Бу эса фанда яқингача кенг тарқалган фикрлар, яъни ўзбекларга хос Ўрта Осиё икки дарё оралиги ирқи, аввали, Волга дарёси бўйларида ва Уралда сармат қабилалири таркибида шаклланиб тарқалди, деган ҳамда бу ирқ Байкал кўли атрофи ва Мўгулистон чўлларида шаклланиб тайёр ҳолда маҳаллий аҳолига ўз ирқини тарқатди, деган фикрлардан воз кечишини тақозо этади.

Сўнгти йилларда олиб борилган тадқиқотлар натижасида ўзбекларга хос антропологик қиёфа, даставвал, Сирдарёning ўрта ҳавзаси туманларида, яъни Тошкент воҳаси, Фарғона водийси, Хоразмда мил. авв. I минг йиллик охирида шакллана бошлаганлиги аниқланди.

Мил. авв. III-II асрларда мазкур аҳоли бир неча йўналишида Ўрта Осиёning марказий ва жанубий вилоятларига кириб борган. Ушбу антропологик тадқиқотлар натижалари ёзма манбаларда маълум бўлган халқларнинг жанубга юриши ва Юнон-Бақтрия давлатининг истило этилиши ҳамда Буюк Кушон салтанатининг барпо бўлиш даврига мос келади. Антропология бу юриш ҳақида қўйидаги маълумотларни беради. Кўчманчи ва ярим кўчманчи чўл

аҳолиси Сирдарё қуи оқимидан Марказий Қизилқум орқали (Учқудук, Томди, Юзқудук, Кўкпатош), Самарқанд атрофларига (Каттақўргон, Орлат), сунгра Қашқадарёнинг Қарши шаҳри атрофлари (Ерқурғон) орқали Сурхондарё вилоятидаги (Кўҳна Термиз, Далварзин, Шоҳтепа, Айиртум) қадимги шаҳар ва қишлоқларга кириб жойлашган. Кейинчалик улар жанубий Тожикистонга ўтиб кетишган. Уларнинг иккинчи гурухи қадимий Бухоро воҳаси орқали Туркманистоннинг жанубий вилоятларига, бир қисми эса ҳозирги Шимолий Афғонистоннинг Шибирғон шаҳри атрофларига-ча етиб борган (Тиллатепа). Натижада ўзбеклар ва текисликларда яшовчи тожикларга хос помир-фарғона антропологик унсур Ўрта Осиёда кенг тарқалган.

Ўзбек халқи шаклланишидаги иккинчи муҳим давр IX-XII асрлар ҳисобланади. Бу даврда Ўрта Осиёда, жумладан, Ўзбекистонда ҳозирги ўзбекларга хос қиёфа маҳаллий аҳолининг асосий қисмини ташкил этади. Антрополог Т. Хўжайов тадқиқотларига қараганда, IX асрга келиб аҳолининг антропологик қиёфасида кескин ўзгаришлар юз берганлиги кузатилади. Бу ўзгаришларни археологик тадқиқотлар натижалари ҳам тасдиқлайди. Жумладан, марҳумларни астодонларда кўмиш маросимлари, аҳоли орасида кенг тарқалган бош шаклини сунъий ўзgartириш одатлари йўқолади. Антропологик тадқиқот натижаларидан хулоса чиқарадиган бўлсак, ўзбекларнинг элат сифатида шаклланиш даври IX-X асрларга оид дейишга асослар бор.

Фанда мӯғул истилоси Ўрта Осиё аҳолисини кескин мӯғуллаштириб, ўзgartириб юборди, деган фикр тарқалган. Тадқиқотчилар бу масалага ҳам ойдинлик киритди. Мӯғул истилоси Ўзбекистон аҳолисининг ташқи қиёфасига сезиларли излар қолдирмаганлигини таъкидлаб ўтиш жоиз. Сабаби, Чингизхон XIII аср бошида ташкил этган йирик мӯғул давлатида мӯғуллар сони таҳминан 0,7 миллион кишидан иборат бўлган. Агар ҳар 6 кишидан биттаси аскарликка олинган бўлса, унда унинг қўшинлари сони 100-110 минг кишидан иборат бўлган. Лекин, ўша давр-

да мұғуллар құшиналарининг күп қисмини йүқтеганлар. Улар Ўрта Осиёга бостириб келганида құшиналарнинг күпчилиги туркій халқлардан ташкил топған эди. Мұғул құшиналари күп сонли маҳаллий ақоли таркибига ўз асоратини ўтказа олмаган. Шунинг учун ҳам маҳаллий ақолида мұғул ирқи аломатлари деярли намоён бұлмаганligini қуриш мүмкін.

Ўзбек халқининг этногенезіда учинчі давр XV аср охиди ва XVI аср ҳисобланади. Бу даврда Даشتі Қипчоқ үзбеклари Ўрта Осиёга кириб келади ва улар маҳаллий туркій тилли ақолига ўз номини беради.

Шундай қилиб, ўзбек халқининг этник шаклланиши узоқ давом этган мураккаб жараён. Ўзбек халқининг асосини ҳозирги Ўзбекистон ҳудудида бир неча минг йиллар давомында яшаб келган маҳаллий сұғдийлар, бахтарлар, хоразмийлар, саклар, массагетлар, қанғиллар ва даванликлар ташкил қылған. Турли даврларда турли мақсадларда кириб келган қабилалар, элатлар ва халқлар давр ўтиши билан маҳаллий ақолига ўз таъсирини қысман ўтказған. Бу ўринде шуни алоҳида қайд этиш лозимки, ўзбек халқи шакллашиш жараёнининг барча босқичларида маҳаллий ақоли ташқаридан келган ақолига нисбатан доимо устунлик қылған. Келгінди ақоли маҳаллий ақолига ўз тилини берганлигини ҳам инкор этиб бұлмайди. Лекин антропологик нұқтаи на зардан, маҳаллий ақолининг этник қиёфаси ва ташқы қуриниши тубдан ўзгармади.

## **Ўрта асрлардаги этник-маданий жараёнлар. “Ўзбек” атамаси**

IV асрнинг охирларидан бошлаб Ўрта Осиёда йирик туркій этнослар — хионийлар ва әфталийларнинг ўтроклашув жараёнлари кучаяди. V-VI асрларга келиб әфталийлар ва хионийларнинг асосий қисми турғун ҳаётта үтадилар. Бу қабиталар ўтрок ҳаёт кечириб, анъанавий чорвачилик билан бир вактда дәхқончилик билан шуғулланғанликлари ҳақида ёзма ва археологик манбалар маълумотлар беради.

Тарихий манбалардан маълумки, VI асрнинг ўрталаридан Олтойда, Жанубий Сибирь, Еттисув, Шарқий Тур-

кистондаги бир неча қабилалар бирлашуви натижасида Турк хоқонлиги ташкил топади. Қисқа вақт ичида хоқонлик кучайиб, Ўрта Осиёнинг катта қисмини босиб олади. Турк хоқонлиги даврида (VI-VIII асрлар) Тошкент воҳаси, Зарафшон, Қашқадарё воҳалари, Сурхондарё ва Фарғона водийлари, Хоразм ҳудудларига туркийзабон гуруҳларнинг кириб келиши янада кучайди, уларнинг кўпчилиги бу ҳудудларда тургунлашиб қолди.

VIII аср бошларида араблар Мовароуннаҳр ва Хоразм ҳудудларига бостириб кирган вақтда бу ҳудудларда ўтроқ ва ярим ўтроқ туркийзабон аҳоли, сўгдийлар, тоҳарлар, чочликлар ва Хоразмнинг туб ерли аҳолиси босқинчиларга қарши тинимсиз кураш олиб борган бўлишларига қарамай, сиёсий парокандалик туфайли улар зулми остига тушиб қоладилар.

Маълумки, VIII асрнинг 2-ярмидан туркий қарлук қабилалари кучая бошлайди. IX асрнинг ўрталарига келиб Еттисув, Чимкент вилояти, Тошкент воҳаси, Фарғона-нинг шимолий қисмларини ўз ичига олган Қарлук давлати ташкил топади. Тадқиқотчиларнинг эътироф этишларича, ўзбек элатининг шаклланишида Қарлук давлатининг аҳамияти катта бўлган. X аср ўрталаридан бошлаб, бу давлат тарихий манбаларда Қорахонийлар давлати номи билан тилга олинади.

Қарлуклар яшаган ҳудудларда йирик этнослар-чиғиллар, яғмолар, халаҷлар ҳам яшаган бўлиб, тадқиқотчиларнинг фикрича, улар бир-бирига қон-қариндош бўлиб туркий тилда сўзлашганлар.

XI асрнинг биринчи ўн йиллигига жанубий ҳудудларнинг то Балх вилоятигача бўлган ерлари дастлаб қорахоний туркийлар, сўнгра эса ғазнавийлар қўлига ўтди. Бунинг натижасида навбатдаги катта туркий қатлам Сўғдиёна, Хоразм ва Тоҳаристон ерларига кириб боради. Қорахонийлар даврида Мовароуннаҳрнинг барча ҳудудларида туркий қатламлар мавжуд эди.

Мовароуннаҳр ва Хурсоннинг форсий-дарий тилда сўзлашувчи аҳолиси X асрдан бошлаб ўзини “тозик,” яъни

“төкик” деб юрита бошлайди. Сомонийлар ва Қорахонийлар (IX аср ўрталаридан 1213 йилгача)дан кейин хукмронлик қылган кейинги сулолалар, Фазнавийлар (997-1187), Салжуқийлар (1040-1147), Хоразмшоҳ-ануштегенийлар (1097-1231)нинг барчаси туркий қавмга тегишли бўлиб, ўз вақтида нафақат Ўрта Осиё, балки Ўрта Шарқда ҳам хукмронлик мавқеига эга бўлганлар. Мўғуллар истилоси гарчи аҳоли бошига ниҳоятда оғир кулфатлар ва йўқотишлар олиб келган бўлсада, тадқиқотчилар фикрича, ўзбек халқи этногенези ва ирқига деярли таъсири бўлмаган.

“Ўзбек” этнономининг келиб чиқиши ҳақида фикр юритадиган бўлсак, бунинг келиб чиқишини айрим тадқиқотчилар Олтин Ўрда хони Ўзбекхоннинг (1312-1341) номи билан боғлайдилар. Бошқа бир гуруҳ тадқиқотчилар эса бу фикрни инкор этадилар ва “ўзбек” номи Ўзбекхонгача Оқ Ўрда минтақасида, унинг Гарбий Сибирь ва Қозоғистон қисмида яшаган туркий қабилаларига мансуб (хон номи қабилалар номидан олинган булиши мумкин) деган фикрни илгари сурадилар. Айрим тадқиқотчилар эса “ўзбек” атамасини “ўзи бек”, “эркин”, “мустакил” сўзидан келиб чиқиб, XII-XIV асрларда ишлатила бошлаган деб ҳисоблайдилар.

Ўзбек этнономи келиб чиқиши даврига қараб, ўзбек, туркман, қозоқ, қорақалпоқ халқлари аниқ бир вақтда пайдо бўлган, деб айтиб бўлмайди. Бу халқларнинг аждодлари минг йиллар давомида ҳозирги минтақаларида яшаганлар. Лекин у пайтда ҳозирги номи билан аталган эмас. Улар умумий ном билан “туркий” деб ёки ўз қабилалари номлари билан аталганлар.

Тарихнинг қадимги даврларида аҳоли кўп ҳолларда ўзлари яшаган жой номи билан аталган бўлиб, Ўрта асрларга келиб бу номлар ўзгаради. Ҳусусан, Даشتி Қипчоқ худудларида яшаган туркий аҳоли Мовароуннаҳр ерларига келиб, бу ерда яшаётган ўтроқ аҳоли билан уйғунлашиб кетган ва аҳоли номи “ўзбек” деб аталган. Ўрта асрлар тарихий адабиётларида ҳам бу ном “ўзбек”, “узбеклар” сифатида тилга олинади. Аммо, шу нарса аниқки, Даشتӣ Қипчоқ

худудларидан келган туркий қабилалар маҳаллий аҳоли этногенезига, урф-одат ва анъаналарига сезиларли даражада таъсир этмади. Аксинча, улар орасига сингиб кетиб, юқори даражадаги маданият таъсирида бўлди.

Хулоса қилиб айтадиган бўлсак, ўзбек халқининг асосини ҳозирги Ўзбекистон ҳудудида бир неча минг йиллар давомида яшаб келган маҳаллий саклар, массагетлар, сўғдийлар, бахтарлар, хоразмийлар, қанғлилар, даванликлар, чочликлар ташкил этган. Келгинди аҳоли маҳаллий аҳолига қисман таъсир этса-да, унинг генетикасини тубдан ўзгартира олмаган.

## **Ўзбекистон ҳудудида давлатчиликнинг шаклланиши ва дастлабки тараққиёт босқичлари.**

### **Илк давлатчиликнинг асосий омиллари.**

#### **Дастлабки шаҳарсозлик маданияти**

Мавзуни ёритишдан олдин «давлат» тушунчасига изоҳ бериб ўтиш мақсадга мувофиқ «Давлат» тушунчасига изоҳ беришда қуидаги умумлашган ёндашув мавжуд: Давлат — муайян ҳудудда олий ҳокимиятни амалга оширувчи, маҳсус бошқарув аппаратига эга бўлган, жамиятдаги барча ижтимоий-сиёсий гуруҳларнинг манфаатларини ифода этувчи, уларни бирлаштириб ва мувофиқлаштириб турувчи сиёсий ташкилот.

Давлатнинг асосий белгилари:

- 1.Аҳолининг ҳудудий асосга кўра бирлашганлиги.
- 2.Суверенитетга эгалиги (ички ва ташқи сиёsatни амалга оширишдаги мустақиллик).
- 3.Маҳсус бошқарув аппаратининг мавжудлиги.
- 4.Хуқуқ тизимининг мавжудлиги.
- 5.Солиқ тизимиға эгалиги.

Маълумки, Ўрта Осиё, умуман, Ўзбекистон ҳудудида дастлабки давлатчиликнинг пайдо бўлиши масалалари тадқиқотчилар орасида ҳамон баҳсга сабаб бўлиб келмоқда. Турли йилларда давлатчилик, хусусан, қадимги Бактрия давлатчилиги масалалари билан А.А.Аскаров,

В.М.Массон, И.М.Дьяконов, Э.В.Ртвеладзе, А.С.Сагдуллаев, Т.Ш.Ширинов, Қадимги Хоразм давлатчилиги масалалари билан С.П.Толстов, М.А.Итина, Б.И.Вайнберг, Ю.А.Рапопорт, М.Мамбетуллаев, қадимги Сүғдиёна давлатчилиги масалалари билан А.С.Сагдуллаев, Р.Х.Сулайманов, М.Х.Исамиддинов, Б.Ж.Эшов, қадимги Фарғона давлатчилиги масалалари билан Ю.А.Заднепровский, Б.Х.Матбобев, А.Анарбоев каби олимлар шугулланган. Бу ўринда ушбу жараёнга асосий туртки бўлиб, янада жадаллаштирган омилларни аниқлаш ниҳоятда муҳим. Бронза даврида ёқ сунъий сугоришга асосланган дехқончилик Ўрта Осиё хўжалигининг асосини ташкил этган. Суформа дехқончиликнинг юқори унумдор шакллари жамиятда ҳал қилувчи ўзгаришларга олиб келди. Хусусан, дехқончилик ривожи натижасида қўшимча маҳсулот ва хусусий мулк кўринишлари пайдо бўлди.

Жамият ҳаётида металлнинг кенг ёйилиши ҳам дастлабки давлатчилиknинг асосий омилларидан бири ҳисобланади. Ҳозирги кунга келиб Ўрта Осиёning бронза ва илк темир даврига оид жуда кўплаб ёдгорликларидан (Сополлитепа, Жарқўтон, Қизилтепа, Анов, Қўзалиқир, Афросиёб, Даратепа, Чуст, Далварзин ва бошқ.) ишлаб чиқарувчи хўжалик билан бевосита боғлиқ бўлган металл қуроллар топиб ўрганилган. Мехнат қуролларининг металдан ишланиши меҳнат унумдорлигининг янада ошишига кенг имконият яратган.

Бронза даврига келиб кулолчилиknинг ривожланиши натижасида Сополлитепа, Олтинтепа, Гонур, Жарқўтонда кулолчилик маҳаллалари пайдо бўлади. Шунингдек, ҳунармандчилиknинг тошга, металлга, ёғочга, суякка ишлов бериш турлари ҳам кенг тарқалади. Ҳунармандчилиknинг ихтисослашуви, алоҳида хўжалик тармоғи сифатида шаклланиб ривожланиши жамиятдаги иқтисодий тараққиёт учун муҳим аҳамиятга эга бўлиб, давлатчилик пайдо бўлиши учун муҳим бўлган қўшимча маҳсулот кўпайишига туртки бўлди.

Илк давлатларнинг пайдо бўлишида ўзаро айирбошлиш, савдо-сотик ва маданий алоқаларнинг ҳам аҳамияти ниҳоятда катта бўлган. Даставвал шуни айтиш жоизки, Ўрта Осиё ҳудудларида яшаган аҳоли қадимги давлардан бошлаб ўзаро муносабатларни ривожлантириб келганлар. Бронза даврига келиб шимолдаги кўчманчи чорвадор қабилалар ва жанубдаги ўтрок дехқончилик аҳолиси ўртасида ўзаро мол айирбошлиш ва маданий алоқалар янада жадаллашади.

Мил. авв. III — II минг йилларга келиб, Ўрта Осиё жамиятида содир бўлган иқтисодий тараққиёт жараёнлари бу ҳудудларда илк шаҳарларнинг пайдо бўлишига имкон яратди. Тадқиқотчиларнинг фикрларига қараганда, илк шаҳарлар пайдо бўлиши дастлабки давлатчилик шаклланишида энг муҳим ва асосий омил бўлиб, бу иккала жараён узвий боғлиқ ҳолда кечган.

Маълумки, мил.авв. II минг йилликка келиб қадимги Ўзбекистоннинг дехқончилик воҳаларида ўтрок қабилалар ривожланиб, аҳолининг алоҳида жойлашув манзилгоҳларидаги ижтимоий-иктисодий ўзгаришлар — ўтрок дехқончиликнинг ривожланиши, аҳоли зичлигининг юқори даражаси, хунармандчиликнинг тараққий этиши, бошқарув тизимининг мураккаблашиб бориши, ўзаро алмашинув, савдо-сотик ва маданий алоқаларнинг кучайиши ҳамда ҳарбий-сиёсий вазият Ўзбекистон ҳудудида дастлабки шаҳарсозликнинг пайдо бўлишида асосий омиллардан ҳисобланади.

Ўлкамиз ҳудудида дастлабки шаҳар маданиятининг шаклланиши ҳам жамият тараққиётида бўлгани каби узлуксиз тараққиёт йўли билан ривожланган. Бу қонуниятга кўра, шаҳарсозлик маданиятининг шаклланиши узоқ ва босқичма-босқич давларни босиб ўтган. Ўзбекистоннинг турли ҳудудларида тадқиқотчилар қадимги шаҳар ҳаробаларини топиб текширдилар. Кўп сонли археологик топилмаларнинг далолат беришича, бу кўхна шаҳарлар баъзиларининг ёши 2700-3000 йилдан кам эмас. Уларга

Афросиёб, Кўктепа (Самарқанд), Қизилтепа (Сурхон воҳаси), Узунқир, Ерқўргон (Қашқадарё воҳаси) ва бошқалар киради. Бу кўҳна шаҳарлар тарихи ҳозирги Самарқанд (Афросиёб-Марақанд), Китоб-Шаҳрисабз (Узунқир) ёки Қарши (Ерқўргон) худудларида давом этди.

Қадимги шаҳарсозлик маданиятининг асослари куйидагилардан иборат:

- аҳолининг ўтроқ дехқончиликка ўтиши ва воҳалар бўйлаб кенг ёйилиши;
- ҳунармандчилик ривожланиши натижасида иқтисодий ҳамда маданий алоқалар ва савдо-сотикнинг тараққий этиши;
- табиий-географик ҳамда ҳарбий-стратегик шарт-шароитлар.

Олиб борилган тадқиқот натижаларига қўра, шаҳар маданияти даставвал Шимолий Бақтрияга (Сурхон воҳаси) кейин эса Сўғдиёна (Қашқадарё, Самарқанд, Бухоро воҳаси), Хоразм ва Фарғона худудларига тарқалади. Қадимги шаҳарлар тарихий ривожланишдаги урбанистик жараёнда муҳим аҳамиятга эга бўлган жамият тараққиётининг ижтимоий асоси ҳисобланади. Фикримизча, шаҳарлар тарихини ўрганиш жараёнида, даставвал, энг қадимги шаҳарлар шаклланиши ва ривожланиши; аниқ худудлар ёки вилоятлардаги тарихий-маданий шарт-шароитнинг таъсири; экологик, географик, ижтимоий, иқтисодий ва демографик муҳитларнинг даражаси ҳамда таъсир доираси; шаҳарларнинг вазифаси; қадимги шаҳар марказларининг тарихий-маданий жараёнлардаги ўрни ва аҳамияти масалаларига кенг эътибор қаратиш лозим.

Тадқиқот натижаларини таҳлил этиб, шундай хulosага келиш мумкин: Ўрта Осиё худудларида дастлабки шаҳарсозлик маданияти мил. авв. II минг йилликдаёқ, яъни, бронза давридаёқ шакллана бошлаган. Бу даврда иштаб чиқарувчи кучларнинг ўсиши натижасида меҳнат унумдорлиги ортиб борган. Натижада турли вилоятларда жойлашган йирик мустаҳкам манзилгоҳлар ва унинг атрофларида дастлабки шаҳар марказлари шаклланиб, ривожлана бошлаган.

Хуллас, Ўрта Осиёдаги урбанизация жараёнининг хронологияси ва шакллари турлича бўлиб, бу жараён факат ички табиий-географик ва ижтимоий-сиёсий шароитлар ҳамда қўшни жамоалардаги маданий таъсир билан боғлиқ бўлмай, балки Яқин ва Ўрта Шарқдаги (Миср, Месопотамия, Ҳиндистон, Эрон) жаҳон урбанистик марказлари билан ҳам чамбарчас боғлиқ эди.

Ўлкамиз ҳудудидаги илк шаҳарлар қишлоқлардан иқтисодий, сиёсий ва маданий мавқе билан ажralиб турган. Бу шаҳарлар аҳолиси, асосан, сугорма дәхқончилик воҳаларида, қадимги савдо йўллари бўйларида, ҳукмдорлар қароргоҳлари атрофларида пайдо бўлган. Бундай шаҳарлар жойлашган воҳаларининг сиёсий, иқтисодий, маданий, диний ва ҳарбий марказлари вазифасини баъжарган бўлиши шубҳасиз.

## **Илк давлатлар ҳақидаги ёзма манбалар. Қадимги аҳоли**

Ўрта Осиё ҳудудидаги дастлабки давлат уюшмалари ҳақидаги ёзма манбалар зардўштийларнинг муқаддас китоби “Авесто”, аҳамонийлар даври миҳнат ёзувлари, юонон-рим тарихчиларининг асарлари ҳисобланади. Баъзи ҳолларда уларда чалкашлик ва ноаниқликлар, бир-бирини инкор этиш ҳоллари ҳам учрайди. Бу уринда ёзма манбаларни археологик тадқиқот натижалари билан соилишириш ва таҳлил этиш ниҳоятда муҳим.

Ватанимиз тарихини ўрганишда дастлабки ёзма манба сифатида “Авесто” катта аҳамият касб этади. “Авесто” китоби ва зардўштийлик динининг асосчиси Заратуштра (Зардўшт, юонча Зороастр) пайдо бўлган ва фаолият кўрсатган ҳудуд ҳақида “Авесто”да келтирилган географик ҳудудларни ўрганган баъзи тадқиқотчилар Ўрта Осиё ёки унга қўшни бўлган шимоли-шарқий Эрон деган фикр билдирадилар. Умуман, “Авесто”нинг ватани Хоразм ёки Бақтрия деб ҳисобловчи олимлар кўпчиликни ташкил этади.

“Авесто”да аҳамонийларгача бүлган географик, ҳудудий номлар, атамалар, ижтимоий-иктисодий маълумотлар, сиёсий тарих, диний фалсафа ва турли маълумотлар сакланган. Унда шундай дейилади: “О, Спитама Заратуштра, яшайдиган жойларга, бу ерларга бахтлик қанча кам бўлса-да, тинчлик тортиқ қилдим. Биринчидан, одамлар яшаши учун энг яхши мамлакатни, Ванхви Датьё дарёсидаги Арёнам Вайжо (Эрон текислиги ёки арийлар үлкаси)га асос солдим.

Иккинчидан, мен, Ахурамазда, энг яхши мамлакатлар ва үлкалардан бўлган Гава Сўғда (Сўғдиёна) маконига асос солдим.

Учинчидан, мен, Ахурамазда, энг яхши мамлакатлар ва үлкалардан бўлган қудратли Моуру (Марфиёна)га асос солдим.

Тўртинчидан, мен, Ахурамазда, энг яхши мамлакатлар ва үлкалардан бўлган, баланд байроқлари бўлган гўзал Баҳди (Бактрия)га асос солдим”.<sup>1</sup>

“Авесто”да тилга олинган кўплаб мамлакатлар Ўрта Осиё ва Ўрта Шарқ, Афғонистон, Эроннинг шимоли-шарқий ҳудудлари билан боғлиқ. Яшт қисмлари арийларнинг ерлари ҳақида қўйидагича эълон қиласди: “У мамлакатнинг жасур сардорлари кўпдан-кўп ҳарбий юришлар қиласди, унинг кенг яйловларга эга, сувга сероб тоғларида чорва тинч ўтлов ва емиш билан таъминланган, бу ердаги серсув чуқур кўллар тўлқинланиб туради, кема қатнайдиган кенг дарёларнинг оқими Поурутадаги Искта, Харавайдаги Моуру, Сўғддаги Гава ва Хваризам томонига тошиб интилади”.

“Авесто” маълумотларига кўра, эроний сулолаларидан бўлган каёнийлар сулоласининг сўнгти вакилларидан бири Кави Виштасп пайғамбар Заратуштрага ҳомийлик қиласди. Заратуштра яшаб, фаолият кўрсатган давр ҳақида аниқ фикр йўқ. Тадқиқотчилар бу даврни милавв. II минг

<sup>1</sup> Ёзма манбалар ҳақидаги маълумотлар А.Сагдуллаевнинг “Қадимги Ўзбекистон илк ёзма манбаларда” (Т.: “Ўқитувчи”, 1996) китобидан олиниб, қисман таҳрир қилинди.

йиллик ўрталаридан милодий I минг йиллик ўрталаригача белгилайдилар. Тадқиқотчилар фикрларидан хулоса чиқарадиган бўлсак, Заратуштра мил. авв. I минг йилликнинг биринчи чорагида яшаб, фаолият кўрсатган бўлиши мумкин.

Давлатчилик пайдо бўлишининг муҳим белгиларидан бири жамиятнинг ижтимоий табақаларга бўлиниши ҳисобланади. Манбалардан маълумки, Авесто жамияти қўйидаги тўртта табақага бўлинади: 1) қоҳинлар (атраванлар); 2) ҳарбийлар (ратаистралар); 3) дехқон-чорвадорлар (вастря-фшуайант); 4) ҳунармандлар (хутлар). Жамиятнинг бундай табақалашуви қадимги, яъни, зардўштийликкача бўлган анъаналарни ўзида акс эттиради. Бу анъаналар айрим ўзгаришлар билан кўп асрлар, “Авесто”, дан кейинги даврларда ҳам сақланиб қолади.

Дастлабки иккита табақа имтиёзларга эга бўлиб, жамиятни бошқарган. Айниқса, қоҳинлар жуда юқори мавқеда турган. Заратуштра ўз ғояларини тарғиб этиш жараёнида подшо Виштаспнинг энг яқин одами ва маслаҳатчисига айланади. Ўша даврдаги жамиятнинг ҳар бир бўлаги (ячейкаси) — уй, қишлоқ, воҳа ва вилоят — ўлка маълум унвони бўлган ўз диний йўлбошчисига эга бўлган. Манбаларга кўра, давлатнинг бош қоҳини «заратуштротем» унвонига эга бўлган. Ундан ташқари, «заутара» (диний қўшиқлар ижрочиси), «атурпат» (олов бош қоҳини), «хирпат» (ибодатхона ва диний тадбирлар бошлифи) каби диний унвонлар ҳам мавжуд бўлган.

Подшо ва унинг яқинлари келиб чиқсан ҳарбийлар табақасининг ҳам мавқеи баланд бўлган. Жамиятнинг асосий ишлаб чиқарувчилари ва моддий яратувчилари дехқонлар, чорвадорлар, ҳунармандлар эдилар. «Авесто»да қуллар ҳам бир неча бор эслатиб ўтилади. Улар табақаларга кирмаган ва афтидан, жамият ҳаётида унчалик катта роль ўйнамаган.

«Авесто»да жамиятнинг бошқарув тартиби ҳақида маълумотлар берилган. Манбада келтирилишича, орийлар ўлкаси қўйидаги тўртта маъмурий худудий бирликка бўлинади: 1-патриархал оиласа тегишли бўлган тураг-жой-

лар (имана); 2-қишлоқлар (вис); 3-туманлар (занту); 4-вилоят — ўлка (дахъю). Ушбу бирликларнинг ҳар бири ўз йўлбошчисига эга бўлган: 1-имманопати (уй бошлиги); 2-виспати (қишлоқ бошлиги); 3-зантупати (туман оқсоқоли); 4-дахъюпати (вилоят ўлка йўлбошчи).

Энг катта уюшма «дахъюости» (вилоятлар устидан ҳукмронлик ёки вилоятлар уюшмаси) эди. Бундай уюшманинг ҳукмдори «бутун дахъюлар дахъюпатиси» деб аталган. Киёсий таҳлиллар асосида аҳамонийлар давридаги «шоҳлар шоҳи» унвони ушбу «Авесто» унвонига бориб тақалациини тахмин қилиш мумкин. «Авесто»да, шунингдек, «кави», «састар» ва «хатра» каби бошқарув билан боғлиқ унвонлар ҳам учрайди. «Кави» (форсчада «кай») унвони «Авесто»да кўп учрайди. Бу унвон нафақат катта ўлкалар подшолари, балки, кичик мулклар ҳукмдорларига ҳам берилган. Қалъалар, туманлар ва вилоятлар ҳукмдорлари «састар» унвони билан аталган. «Ҳокимият», «кудрат» маъноларини берувчи «хшатра» унвони тумандан тортиб ўлкалар ҳукмдорларигача берилган. Мисол учун, Бехистун ёзувларида подшо Доро I ушбу унвон билан тилга олинади.

«Авесто»да йифин ёки йифилиш маъносидаги «ханжмана» (янги форс тилида «анжуман») сўзи учрайди. Афтидан, дастлабки пайтларда подшо ҳокимияти сайлаб қўйилган. Чунки, «Шоҳнома» маълумотларига кўра, кайонийлар (кавилар) сулоласининг асосчиси Кайқубод кавилар умумий анжуманида Эрон подшоси қилиб сайланади. «Авесто» маълумотларига кўра, подшо (дахъюпати) бир вақтнинг ўзида бош ҳарбий ва бош қози (судья) ҳисобланган. Подшо ўзининг ҳарбий дружинасига эга бўлган. Вилоят ва ҳарбий ҳолатларда бу дружиналар шоҳ ихтиёрида бўлган.

Мил. авв. VI асрнинг ўрталарига келиб, Эрондаги Аҳамонийлар сулоласи ҳукмдорлари Қадимги Шарқдаги кўпгина мамлакатлар, жумладан, Ўрта Осиёдаги Парфия, Марғиёна, Бақтрия, Сўғдиёна, Хоразм, “Саклар ўлкаси” устидан ўз ҳокимиятини ўрнатди. Аҳамонийлар даврида битилган миххат манбалар мил. авв. VI -IV асрларга оид бўлиб, Эрон ҳудудида, хусусан, Бехистун ва Нақши Рус-

там қояларида, Суза, Персепол ва Ҳамадон шаҳарларидан топиб, ўрганилган. Булар орасида энг муҳими Беҳисстун ёзувлари бўлиб, у Доро I даврида ёзилган. Бу ёзувларда Доро I босиб олган ўлкалар санаб ўтилади. Шунингдек, мазкур худудларда форсларга қарши қўзғолонлар ҳақида маълумотлар берилади.

Суза шаҳридан топилган ёзувларда Доро I нинг қуидаги сўзлари битилган: “Сузадаги саройни мен бино қилиганимда унинг безаклари узоқ юртлардан олиб келинган. Уака ёғочи Гадхарадан, олтин Сард ва Бақтриядан, ялтироқ тошлар ва ложувард Сўғдиёнадан, феруза Хоразмдан, қумуш ва бронза Арахозиядан, тош устунлар Эламдан етказиб келинган.”

Персепол шаҳридаги сарой деворларида бақтрияликлар, хоразмликлар, сўғдлар ва сакларнинг ўйиб ишланган расмлари топилган. Бу расмларда Сўғдиёна, Бақтрия, Хоразм ва саклар ўлкасидан бўлган солиқ тўловчиларнинг аҳамонийларга турли буюмлар (хунармандчилик, тикувчилик, заргарлик, ҳарбий қуроллар) ҳамда қадими Шарқда машҳур бўлган отлар ва туяларни солиқ сифатида олиб келаётгани тасвиirlанган. Хуллас, аҳамонийлар даври ёзувларида ўлкамиз халқларининг қадими тарихига оид қуидаги маълумотлар сакланган: вилоятлар ва халқларнинг номлари, айрим сиёсий жараёнлар, саклар юргига қарши юришлар, иқтисодий тузум ва моддий маданият маълумотлари.

Юнон-рим тарихчиларидан биринчи бўлиб “тарихнинг отаси” Геродот (мил.авв. V аср) Ўрта Осиё халқлари ҳақида маълумотлар беради. Геродот ўзининг “Тарих” китобини мил. авв. 455-445 йилларда ёзган. Бу ўринда шуни таъкидлаш жоизки, Геродот Ўрта Осиё вилоятларининг бирортасида ҳам бўлмаган. Шунинг учун ҳам Ўрта Осиёдаги халқлар, вилоятлар жойлашувидағи нафақат аник, балки умумий чегаралардан ҳам бехабар бўлган. Ўрта Осиё вилоятлари ҳақида эса, ўзи эшитган ҳикоялари, суриштириб билганлари асосида ёзган.

Тадқиқотчиларнинг фикрича, Геродот “Тарих” китобида Бақтрия, Бақтра, бақтрияликларни 13 марта, сўғдларни 2 марта, хоразмликларни 3 марта, сакларни 11 марта, массагетларни 19 марта тилга олиб, уларнинг маданияти, урф-одатлари, дини ва тарихи ҳақида ҳикоя қилган.

Геродотнинг Ўрта Осиё тўғрисидаги асосий фикрлари форсларнинг сак-массагетларга қарши юришлари, Кир II ва Тўмарис ўртасидаги сиёсий муносабатлар, аҳамонийлар ҳарбий қўшинлари сафида юртимиз халқлари жангчиларининг иштироки, уларнинг яроғ-аслаҳалари, йўлбошлилари, форс-юнон урушларида уларнинг жасорат қўрсанглиги, халқларнинг Аҳамонийлар давлатига бўйсуниши ва солик тартиби, сак-массагетларнинг турмуш тарзи, диний эътиқоди ва бошқа маълумотлардан иборат.

Асли Кичик Осиёдаги Книд шахрилик бўлган юонон тарихчиси Ктесий аҳамонийлар подшоси Артаксеркс (мил.авв. 404-359 йй.) саройида табиблик қилган. Ктесий қаламига мансуб “Персика” асарининг катта қисми бақтрияликлар тарихига бағищланган.

Ктесий Оссурия подшоси Ниннинг Бақтрияга қилган юришлари, Бақтриянинг пойтахти, кўп сонли мустаҳкам истеҳком ва шаҳарлар ҳақида маълумотлар бериб, жумладан, шундай ёзади: “Бақтриядаги қўпдан-кўп шаҳарлар орасида Бақтра номли машхур бир шаҳар бўлган. Бу шаҳар мамлакатнинг маркази бўлиб, кўп шаҳарлар ўртасида, баланд ва мустаҳкам мудофаа деворлари билан ӯралган, унда подшо қалъаси жойлашган”.

Юонон муаллифи Ксенофонт “Киропедия” номли асарида Ктесий хабарларига ӯхшашиб, Бақтра шаҳарларининг оссурияликлар томонидан қамал қилиниши тўғрисида маълумот беради. Шунингдек, Ксенофонт Кир II ва Бақтрия урушлари ҳақида ҳам ёзади.

Мил. авв. IV асрнинг иккинчи ярмида македониялик Искандарнинг Шарққа қилган юришлари натижасида Ўрта Осиёдаги қадимги вилоятлар ҳақида кўплаб янги тарихий-географик маълумотлар пайдо бўлди. Кейинги антик давр

муаллифлари (Арриан, Курций Руф, Страбон ва бошқ.) асарларидаги маълумотлар илк антик давр муаллифлари-ни книга нисбатан кенгроқ берилган. Македониялик Искандар юришлари ҳақида ёзган тарихчилар асарларидан қадимги Ўзбекистон вилоятлари, шаҳарлар, қалъалар, манзилгоҳлар, ҳимоя деворлари, ҳўжалик ва маданий ҳаёт ҳақида кенгроқ ҳамда батафсилоқ маълумотлар олиш мумкин.

Олиб борилган археологик ва антропологик тадқиқотлар натижалари қиёсий таҳлил этилар экан, қадимги даврдаги Ўрта Осиё ҳудудида яшаган қадимги аҳоли тарихини тадқиқ этиш бир неча сабабларга кўра катта аҳамият касб этиши кузатилади. Ушбу аҳамиятли ҳолатни қуийдагича изоҳлаш мумкин: биринчидан, бу даврда аҳолининг табиий ҳудудлар бўйича ҳўжалик жиҳатдан табақаланиши содир бўладики, олиб борилган археологик тадқиқотлар натижалари Ўрта Осиё ва Қозогистоннинг асосан дехқончилик билан шугулланган жанубий ҳамда асосан чорвачилик билан шугулланган шимолий ҳудудларини ажратиш ва ўзаро таққослаш имконини беради. Иккинчидан, дехқончилик ва ишлаб чиқарувчи иқтисодга эрта ўтиш дехқончилик жамоалари сонининг ортишини ҳамда илк шаҳарларнинг ривожланишини белгилаб берди, демографик жиҳатдан таъсир қўрсатиб ортиқча аҳолининг турли археологик маданиятларга ва ҳўжалик юритиш тартибига мансуб бўлган табақаларнинг кўчиб кетишига туртки берди. Учинчидан, Ўрта Осиё ҳудудида мураккаб этно-маданий жараёнларнинг содир бўлиши, ҳозирги замон ўлкамиз халқларнинг шаклланишида узоқ қадимга бориб тақалувчи маҳаллий унсурларнинг устунлиги қадимги даврлар билан бевосита боғлиқ. Тўртинчидан, айнан мана шу аҳоли илк шаҳарлар маданиятини ривожлантириш жараёнида ўлкамиз ҳудудидаги ижтимоий-иқтисодий тараққиётнинг бошқарувчилари бўлиб, уларнинг илк дехқончилик манзилгоҳлари ва дастлабки шаҳарсозлик маданиятининг яратувчанлик хусусиятини ҳам алоҳида таъкидлаш мақсадга мувофиқ.

Тадқиқотчиларнинг фикрларига қараганда, Ўрта Осиёда аҳоли жойлашувининг этник худудларга ажrala бошлиши мил. авв. IX-VIII асрларга оид булиши мумкин. Мил. авв. VI асрда Эрондаги аҳамонийлар сулоласи подшолари юриш қилганда бу халқларнинг ажralиб бориш жараёни бутунлай тугаган ва турли халқларнинг худудий жойлашув чегаралари, вилоятларнинг маъмурий чегаралари аҳамонийлардан анча оддинги даврда пайдо бўлган.

Минг йиллар давомида Ўзбекистон худудида яшаб ўтган қабилалар ва элатларнинг тарихи ҳамда маданияти изсиз йўқолиб кетмаган. Ушбу элатларнинг айримлари аждодларимизнинг катта гурухларини ташкил этиб, энг қадимги ёзма манбаларда тилга олинган. Ушбу манбаларнинг гувоҳлик беришича, мил. авв. VII-VI асрларда Ўзбекистоннинг дехқончилик воҳаларида сўғдийлар, бақтрияликлар ва хоразмийлар яшаган. Ўрта Осиё ва Қозогистоннинг тоғлари, даштлари ҳамда чўлларида яшаган саклар, массагетлар чорвадор қабилалардир.

Мил. авв. I минг йилликнинг биринчи ярмида юртимиз худудида яшаган турли халқлар қадимги шарқ-эроний тиллар шеваларида гаплашганлар. Уларнинг этник қиёфаси ва тиллари бир-бирига яқин бўлган. Шунинг учун ҳам сўғдлар, бақтрийлар, хоразмийлар, сак-массагетлар қариндош халқлар бўлиб, бир-бирларини тушунганлар. Айниқса, дехқончилик билан шуғулланиб ўтрок хўжалик юритган аҳолининг моддий ва маънавий маданияти, бир-бирига анча ўхшаш бўлган.

## Илк давлатлар

Бошқарув жамиятнинг ички жабҳасига хос хусусият ҳисобланади. Тарихга назар ташлайдиган бўлсақ, инсоният ўз ривожланиш жараёни давомида энг оддий бошқарув шаклларини барпо этиб, уни ривожлантириб ва такомиллаштириб борганлиги кузатилади. Дунё тарихидаги дастлабки давлатлар мил.авв. III минг йилликдаёқ Мисрда (ном давлатларнинг бирлашуви), Месопотамияда (Аккаднинг

кучаюви) пайдо бўлади ва Шарқдаги бошқа ҳудудларга ҳам (Хиндистон, Хетт давлати, Эlam ва бошқа) ўз таъсирини ўтказиб, янги хусусиятлар касб этди.

Таъкидлаш жоизки, бошқарув тизими, умуман, давлатчилик абадий мавжудлик эмас. Давлат бошқаруви деганда, бош сиёсий ҳокимият ва унга бўйсунувчи бошқарув тизимини тушунамиз. Бошқарув тизими жамиятнинг барча жабҳаларини — сиёсий, иқтисодий, ижтимоий, маданий ва бошқаларни ўз ичига олади. Бинобарин, бошқарув тизимини ҳар томонлама ва жиддий ўрганмасдан туриб, жаҳон халқлари тарихий-маданий ривожланиши, уларнинг ўзаро алоқалари ва таъсири, маҳаллий ва умумбашарий маданиятлар интеграциясининг ўзига хос томонлари ва қонуниятларига аниқликлар киритиш мумкин эмас. Давлат бошқарувининг пайдо бўлиши инсоният тарихида муҳим янги босқич бўлди. Дунё тарихидаги қадимги давлатларнинг пайдо бўлиши ва такомиллашувида Ўрта Осиё ҳамда унга қўшни ҳудудларда яшаган халқларнинг ҳам ҳиссаси катта.

Турли халқлар ва уларнинг аждодлари ўз давлатчилигининг шаклланиш босқичини ижтимоий-иктисодий, тарихий-маданий вазиятларга боғлиқ ҳолда тарихий даврларда босиб ўтди. Бизнинг кунларимизгача сақланиб қолган дастлабки ёзма манбалар — “Авесто”, аҳамонийлар даври михнат ёзувлари, қадимги юнон-рим манбалари қадимги Шарқ ва дунё тарихида биринчи бўлиб, Ўрта Осиёдаги энг қадимги халқларнинг, алоҳида жойлар, тоглар, дарёлар ва қўлларнинг, афсонавий қаҳрамонлар ва подшоларнинг номларини, юртимиз халқларининг турмуши, дини, маданияти, ижтимоий-иктисодий ва сиёсий тузуми тўғрисидаги маълумотларни ўз ичига олади. Ушбу ёзма манбалар маълумотларини археологик тадқиқотлар натижалари билан солишиганимизда илк давлатларнинг пайдо бўлиши масалаларига аниқлик киритиш имконияти пайдо бўлади.

Қадимги ҳўжаликларнинг ихтисослашуви, сугорма деҳ-қончиликнинг ривожланиши, металлнинг ҳаётга жадаллик билан кириб келиши ва ёйилиши, ҳунармандчилик-

да турли тармоқларнинг ривожланиши, ўзаро айирбошлиш ва савдо-сотиқнинг тараққий этиши натижасида жамият ҳаётида ижтимоий-иктисодий юксалиш кузатиладики, бу юксалиш илк давлатчиликнинг асосий пойдевори ҳисобланади. Аҳамонийларгача бўлган даврда баъзи воҳалар асосий ўтроқ аҳоли жойлашуви ўлкалари эди. Уларнинг ҳудудида манзилгоҳлар, сугориш иншоотлари, ўзлаштирилган ер майдонлари бор эди. Шунга ўхшашиб, дарёлар воҳаларида жойлашган ва умумий аҳоли жойлашув ҳудудлари билан баглиқ бўлган бир қанча ерлар Бақтрия, Сўғдиёна, Хоразм каби тарихий вилоятларни ташкил этган.

Э.В. Ртвеладзенинг хулосаларига кўра, Ўрта Осиёдаги икки дарё оралиғида давлатчилик эволюциясининг мил.авв. II минг йиллик ва милодий IV асри оралиғидаги вақтни қамраб олган бир неча даврларни ажратиб кўрсатиш мумкин. Булар қўйидаги даврлар:

Биринчи давр — мил.авв. II минг йилликнинг иккинчи ярми — Ўзбекистон жанубида эмбрионал шаклдаги давлатга ўхшашиб тузилманинг қарор топиши. Давлатнинг бундай намунаси Жарқутонда ўз аксини топган дейиш мумкин.

Иккинчи давр — мил.авв. I минг йилликнинг боши — мил.авв. 539 йил — Бақтрия, Сўғд, Хоразм каби тарихий-маданий вилоятларнинг шаклланиши. Уларда сиёсий ҳокимиётнинг шахобчали тизимиға эга бўлган давлатнинг илк шаклларини кўришиб мумкин. «Авесто» маълумотлари бунга мисол бўла олади.

Учинчи давр — мил.авв. 539 йил — мил.авв. 330 йил — Аҳамонийлар босқини ва Ўрта Осиёнинг Аҳамонийлар давлати таркибиға кириши туфайли келиб чиққан маҳаллий давлатчилик ривожланишидаги танаффус.

Тўртинчи давр — мил.авв. IV аср охири — мил.авв. II аср иккинчи ярмининг боши — Александр Македонский босиб олишдан бошлаб эллинлар сиёсий ҳукмронлиги охиригача. Бу даврда маҳаллий давлатчиликнинг тикланиш жараёни юз беради. Мил.авв. IV аср сўнгти чорагида Хоразмда подшолик пайдо бўлган бўлса, III аср охири

— II асрда Бухорода, Даванда (Фаргона), Сўғдда алоҳида мулклар шаклланади. Кейинчалик мулкларни бирлаштирган Қанғ давлати шакллана бошлайди.

Бешинчи давр — мил.авв. II асрнинг иккинчи ярми — янги эранинг I асли боши — маҳаллий давлатлар: Қанғ, Хоразм подшолиги, Бухоро, Сўғд, Даванинг мустаҳкамланиши ва янада ривожланиши, Юечжи давлатининг қарор топиши ва ҳокимиятнинг Гандхаргача ёилиши. Ушбу мулкларда кумуш ва мис танглар зарб қилиниши, маҳаллий сўғд, Хоразм ёзувларининг пайдо бўлиши ривожланган давлатчиликнинг асосий белгилари ҳисобланган.

Олтинчи давр — янги эранинг I асли боши — III асли биринчи ярми — антик даврда маҳаллий давлатчиликнинг равнақ топиши. Ўзбекистон жанубининг конфедератив Юечжи давлати асосида пайдо бўлган Кушон империяси таркибига кириши. Чочда янги мулкчиликнинг пайдо бўлиши. Хоразмда Африйилар сулоласининг ҳокимият тепасига келиши ва бу ерда сулолавий бошқарувнинг анъанавийлашуви.

Айрим тадқиқотчилар Ўрта Осиёда илк давлатларнинг шаклланиш ва ривожланиш жараёнини аҳамонийларгача бўлган даврда деб ҳисоблаб, мил. авв. IX-VII асрлар билан белгилайдилар (М.Дункер, В.Томашек, Ф.Альтхайм, С.П.Толстов, М.М.Дъяконов, И.М.Дъяконов, В.М.Массон, М.Дандамаев, Я.Гуломов, Б.А.Литвинский, Э.В.Ртвеладзе, И.В.Пьянков, А.С.Сагдуллаев ва бошқалар). Илмий адабиётларда Ўрта Осиёда аҳамонийларгача бўлган даврда мавжуд бўлган қуйидаги давлат уюшмалари ҳақида сўз юритилади: 1. Арёшаёна — Ўрта Осиёдаги қадимги вилоятларнинг “даҳиёсости” уюшмаси; 2. Арёнам Вайжо — бу ҳам Арёшаёнадек ёки унинг маркази Ария ва Марғиёнада бўлган “Катта Хоразм” ёҳуд Амударёнинг қуи оқимидағи Хоразм давлати; 3. Қадимги Бақтрия давлати. 4. Қўчманчи қабилалар конфедерацияси.

Сўнгти йилларда олиб борилган тадқиқотлар ва масалага янгича ёндашув асосида ушбу рўйхатга қадимги

Сўғдиёнани ҳам киритиш имконияти пайдо бўлди. Тадқиқот натижаларига кўра, давлатчиликнинг асосий омиллари бўлган жараёнлар сўнгги бронза ва илк темир даврига келиб янада жадаллашди. Сўғдиёна ҳудудига одамлар энг қадимги даврларда ёқ кириб келиб, тоғ, дарё воҳалари, кейинчалик эса дашт ҳудудларига тарқалади. Бу ҳудудларда мавжуд бўлган қулай табиий-географик шароит ижтимоий-иктисодий ва маданий ҳаётнинг ривожланиши учун кенг имкониятлар яратди. Шунингдек, четдан бўлган ташки таъсирни (иктисодий, маданий-сиёсий ва ҳарбий) ҳам эътироф этиш лозим. Мил. авв. IX-VII асрларга оид тарихий-маданий ёдгорликлар (айниқса, кўхна шаҳар харобалари) Сўғдиёна ҳудудида давлатчилик тарихи айнан мана шу даврдан бошланганидан далолат беради.

Илк давлатчилик масаласида кўплаб илмий баҳслар бўлганига қарамай, бу масала ҳануз ўз ечимини топмаган. Хусусан, “Катта Хоразм” («Авесто» тилида Хваризам, қадимги форс тилида Хваразмиш, қадимги юонон тилида Хорасмия) давлатининг жойлашуви ва пайдо бўлган даври масалалари ҳам анча мунозарали мавзуу. Археологик тадқиқотлар айрим ҳолларда ёзма манбалар маълумотларини тасдиқламайди. Мил. авв. IX-VIII асрлар Хоразм маданияти Амирробод номи билан машҳур бўлган. Бу маданиятнинг меъморчилик ёдгорликлари асосан чайла ва ярим ертўлалардан иборат бўлиб, мустаҳкам турар жойлар учрамайди. Хоразмдаги деҳқончилик ривожидан дарак берувчи йирик сугориш иншоотлари, мустаҳкам мудофаага эга бўлган турар жойлар (Кузалиқир, Дингалжа) мил. авв VI-V асрларга оид.

Қадимги Хоразмнинг жойлашув ҳудуди ҳам мунозарали мавзуу ҳисобланади. Айрим тадқиқотчилар (Тарн, Альтхайм) аҳамонийларгача хоразмийлар Парфия чегараларидан шарқий йўналишда Копетдогёнбагирларида жойлашган десалар, айримлари (Хенинг, Гершевич) бу давлатнинг маркази Марв ва Хирот атрофида бўлиб, Кир II босиб олганидан сўнг Қуий Амударёга — ҳозирги Хоразм ҳудудига кўчиб ўтган дейдилар. Баъзилар фикрича (С.Толстов,

М.Воробьев), қадимги Хоразмнинг чегаралари ҳозирги Хоразм ҳудудидан анча катта бўлиб, Ўрта Амударёдаги Кўшқалъадан бошлаб Орол денизигача бўлган ҳудудни ўз ичига олган.

Умуман, мил. авв. VII асрнинг охири — VI асрда Хоразм давлати мавжуд бўлганлиги аниқ. Бу даврда Хоразмда қурилиш ва хунармандчилик анча ривожланган. Тадқиқотлар натижасида бу ҳудудлардан бронза ва темирдан ясалган меҳнат ҳамда ҳарбий қуроллар, сопол урчуқлар, бронза игна, бигизлар, сопол идишлар топилган. Бу топилмалар қўшни Марғиёна, Бақтрия ва Сўғдиёна топилмаларига ухшаб кетади.

Тадқиқотчилар фикрларига кўра, Ўрта Осиёдаги илк давлат уюшмаларидан бири Қадимги Бақтрия давлатиdir. Бақтрияликларнинг юрти Сурхон водийси, Афғонистоннинг шимоли-шарқи, Тоҷикистоннинг жанубий ҳудудида жойлашиб, турли ёзма манбаларда Бахди, Бақтриш, Бақтриёна, Бақтрия, Бахли, Бахлика деб тилга олинган.

Бронза давридаги ижтимоий-иқтисодий ривожланиш (Сополлитепа, Жарқўтон, Олтинтепа ва б.) кейинги даврларда янада ривожланди. Натижада мил. авв. IX-VIII асрларда Бақтрия ҳудудида ҳарбий аҳамиятга эга бўлган сиёсий бирлашмалар ташкил топди. Мил. авв. VIII-VII асрларга келиб Қадимги Бақтрия давлати Шарқдаги кучли давлатлардан бирига айланди. Ушбу жараённи археологик ва ёзма манбалар маълумотлари ҳам тўла тасдиқлайди. Айрим тадқиқотчиларнинг фикрларига қараганда, бу давр Бақтрия таркибиға Марғиёна ва Сўғдиёна ҳам (тарихий-маданий бирлик сифатида) кирган бўлиши мумкин.

Маълумотларга қараганда, Бақтрияning табиий бойликлари қадим даврларда ёқ Шарқ давлатларида машҳур эди. Қадимги йўлларнинг Буюк Ипак йўлидан анча илгарироқ Бақтрия орқали ўтганлиги бежиз эмас.

Сўнгги йилларда олиб борилган археологик тадқиқотлар натижасида қадимги Бақтрия ҳудудидаги манзилгоҳлар ва кўхна шаҳарлар сони анчагина кўпайди. Давлатнинг пойтахти Бақтра ва Қизилтепа, Бандиҳон каби кўплаб ёдгорликлардан топилган турли-туман топилмалар бу

худудларда ижтимоий-иктисодий муносабатлар, шунингдек, ўтроқ ва кўчманчи аҳоли ўртасида ҳамда Яқин Шарқ ва Олд Осиё билан ўзаро иктиносидий, маданий алоқалар гуркираб ривожланганидан далолат беради.

Ўрни келганда шуни алоҳида таъкидлаш лозимки, ўзбек халқининг илк давлатчилиги тарихи географик, худудий маънода нафакат Ўзбекистоннинг ҳозирги худуди билан, балки бутун Ўрта Осиёда қадимда юз берган этник, маданий, ижтимоий-иктисодий ва сиёсий жараёнлар билан боғлиқ ҳолда талқин этилмоғи лозим. Қадимги даврларда илк давлатлар орасида ва аждодларимизнинг яшаш жойлари орасида аниқ маъмурий чегаралар йўқ эди. Қадимги Бақтрия, Хоразм, Сўғд чегаралари табиий бўлиб, яқин ҳудудлардаги жойларнинг географик бўлувчиси сифатида даштлар, чўл ва тоғлардан фойдаланилган.

Ҳозирги кунга қадар тўпланган археологик маълумотлар асосида Ўзбекистонда илк давлатларнинг шаклланиши ва ривожланиши жараёни қуидаги даврлар билан саналаниши аниқланди:

1. Бронза даври. Мил. авв. II минг йилликнинг ўрталари ва иккинчи ярми. Унчалик катта бўлмаган дехқончилик воҳалари асосида (мисол учун Шеробод воҳаси) илк давлатчилик тизимиға ўтиш даври.

2. Бронза асридан темир асрига ўтиш даври. Мил. авв. IX-VIII асрлар. Кичик давлат ташкилотларининг ривожланиши ва ҳарбий сиёсий уюшмаларнинг вужудга келиши.

3. Илк темир даври. Мил. авв. VII-VI асрлар. Қадимги Бақтрия, Хоразм ва Сўғдиёна мисолидаги давлат уюшмаларининг пайдо бўлиши.

Ўзбек халқи ва унинг аждодлари илк давлатчилиги таракқиёти ўтроқ дехқончилик хўжалиги ва қадимги шаҳарлар тарихи билан узвий боғлиқ бўлган. Илк давлатлар ташкил бўлишида, жамият ривожланишининг ички қонуниятларидан ташқари, ижтимоий-иктисодий муносабатларнинг юқори даражаси — ҳунармандчилик, савдонинг кучайиб бориши, сиёсий қарама-қаршиликлар ва ҳарбий тўқнашувлар ҳам таъсир қилди.

## Милоддан аввалги VI-IV асрларда Ўрта Осиё

Мил. авв. VI асрнинг ўрталарида Мидия подшолиги ўрнида Аҳамонийлар давлати пайдо бўлади. Тарихий адабиётларда Кир II Аҳамонийлар давлатининг асосчиси сифатида эътироф этилади. Кир II, Камбиз, Доро I, Ксеркс каби форс подшолари қадимги Шарқдаги кўплаб мамлакатлар устидан ўз ҳокимиятини ўрнатишни режалаштириб, сиёsat олиб борганлар.

Мил. авв. VI асрнинг ўрталарида Кир II ўзининг содиқ лашкарбошиларидан бири бўлган Гарпагга Кичик Осиёдаги шаҳар-давлатларни босиб олишни буюради. Ўзи эса Ўрта Осиё худудидаги вилоятларни (Бақтрия, Хоразм, Суғдиёна, Марғиёна ва бошк.) босиб олишга тайёргарлик кўра бошлайди. Геродот Кир II нинг массагетларга қарши юриши ҳақида сўзлар экан, бу юришларнинг кўпчилиги ҳақида тўхтамасдан, фақат форсларни ташвишга солган юришлар ҳақида эслатиб ўтади. Тарихчининг маълумот беришича, Гарпаг Кичик Осиё шаҳарларини бирин-кетин босиб олгунча Кир II бутун Осиё халқларини бўйсундиради ва шундан кейингина Бобилга юриш боштайди.

Қадимги дунё муаллифлари Геродот, Ксенофонт, Ктесий, Юстин кабиларнинг маълумотларидан хulosа чиқарадиган бўлсак, Кир II мил. авв. 545-539 йилларда Шарқий Эрон ва Ўрта Осиё вилоятларини босиб олади. Доро I даврида (мил. авв. 522-486 йй.) Аҳамонийлар сулоласи Хинд водийсидан Ўрта ер денгизига қадар бўлган худудда ўз хукмронлигини ўрнатган Жуда кўплаб давлатлар, вилоятлар, шаҳарлар ва халқларни бирлаштирган Аҳамонийлар салтанати тарихда биринчи йирик дунё давлати ҳисобланади.

Тарихий манбаларнинг маълумот беришича, Ўрта Осиё халқлари аҳамонийлар босқинига қарши қаттиқ кураш олиб борган. Ҳусусан, массагет қабилалари малика Тўмарис (Томирис) бошчилигига форсларнинг турли ҳийла-найранглар ишлатишига қарамай, уларнинг катта қўшинини тор-мор этади. Малика Тўмарис ва массагетларнинг ҳарбий маҳорати туфайли бу жангда аҳамо-

нийлар ҳукмдори Кир II ҳам ҳалок бүлади. Геродот хабар бершича, “Бу жанг варварлар (массагетлар) иштирок этган жанглар орасыда энг даҳшатлиси эди... Камон ўқлари тугагач, құл жанги бошланиб, найза ва қилич билан курашдилар. Құшинлар жанги узок vakт давом этди. Нихоят массагетлар ғалаба қозондилар.” Кир II құшинларининг массагетлар томонидан тор-мор этилиши мил. авв. 530 йилга түгри келади.

Тарихчи Полиен форсларга қарши курашган Широқ қаҳрамонлиги ҳақидаги афсона түгрисида хабар беради. Унинг хабарига күра, сак қабилаларининг вакили бўлган Широқ исмли чўпон ҳийла йўли билан форсларнинг катта қўшинларини сувсиз саҳрода адаштириб қўяди. Широқ ҳам, форс қўшинлари ҳам очлик ва ташналиқдан ҳалок бўлади.

Мил. авв. 522 йилда аҳамонийлар таҳтига Доро I ўтиради. У таҳтга ўтириши биланоқ Парфия, Марғиёна ва “саклар ўлкаси”да форсларга қарши қўзғолон кўтарилади. Беҳистун ёзувларига қараганда, 522 йилнинг охирида Марғиёнада кўтарилган қўзғолонга Фрада исмли киши бошчилик қиласи. Доро I Бақтрия сатрапи Дадаршиш бошчилигидаги қўшинларни қўзғолончиларга қарши жўнатади. Қўзғолон шафқатсизларча бостирилиб, 55 минг марғиёналик ҳалок бўлади. Фрада ҳам қўлга олиниб, қатл қилинади.

“Саклар ўлкаси”даги форсларга қарши курашга Скунҳа бошчилик қиласи. 519-518 йилларда бўлиб ўтган бу курашда саклар форслар томонидан мағлубиятга учрайди. Сакларнинг кўпчилиги ўлдирилиб, асир олинади. Уларнинг йўлбошчиси Скунҳа ҳам асир олинади, унинг ўрнига бошқа йўлбошчи тайинланади. Хуллас, форслар Ўрта Осиёдаги маҳаллий аҳолининг қаҳрамонона қаршилигини енгиди, бу худудларни ўзларига батамом бўйсундиради.

Марказий бошқарув органлари. Аҳамонийлар даврида давлат бошқаруви шоҳлар шоҳига (шаханшоҳга) тегишли эди. Шаханшоҳнинг чекланмаган ҳокимияти нафақат форс зодагонларига, балки, маълум даражада соликлардан озод қилинган ва Аҳамонийлар давлатида кўпгина имтиёзларга эга бўлган озод форс жамоаларига ҳам таянган. Шунинг-

дек, босиб олинган вилоятларнинг маҳаллий зодагонлари ҳам ҳокимииятнинг таянчи ҳисобланган.

Ҳокимиият иерархиясида шаҳаншоҳдан кейин бой форс оиласарининг бошлиқлари турган. Шаҳаншоҳ саройида кенгаш мавжуд бўлиб, унинг таркибига бой оила бошлиқлари, сарой аёнлари, юқори лавозимдаги амалдорлар ва ноиблар кирган. Давлат аҳамиятига молик муҳим масалалар ушбу кенгашда кўриб чиқилса-да, ҳал қилувчи қарорни шаҳаншоҳ чиқарган.

Бошқарувда шаҳаншоҳдан кейинги шахс «хазарпат» — мингбоши деб аталган. Хазарпат шаҳаншоҳ гвардиясининг бошлиғи ва давлат бошқарувида унинг бош ёрдамчиси ҳисобланган. Аҳамонийлар салтанатининг бош маъмурий маркази Суза шаҳри эди. Бу ерда шаҳаншоҳ девонхонаси жойлашган бўлиб, барча ҳужжатлар шу ерда сақланган. Шаҳаншоҳ девонхонаси бошлиғи «дапирпат» — мирзабоши деб аталган. Девонхонада бош хазиначилар, ҳисобчилар, қозилар, мирзалар ва бошқа амалдорлар ишлаган.

Худудий бўлиниш. Қоятош битиклар ва Геродот маълумотларига кўра, аҳамонийлар давлати ҳудуди 20 та қарам — маъмурий қисмларга — сатрапларга бўлинган. Тадқиқотчиларнинг фикрича, форслар давлат бошқарувининг бу анъаналарини мидияликлардан ўзлаштирганлар. Сатраплар катта ҳудудларга эга бўлиб, кўпинча бир неча вилоят ва ўлкаларни ўз таркибига бирлаштирган. Масалан, Парфия, Гиркания, Арея, Хорасмия ва Сўғдиёна битта сатрап таркибига кирган. Сатрапларнинг чегаралари айrim ҳолларда ўзгариб турган.

Эътибор бериш лозимки, Аҳамонийлар давлатида сатраплар этник келиб чиқишига қараб эмас, балки иқтисодий салоҳиятига қараб ташкил этилган. Сатраплар шаҳаншоҳнинг ноibi сифатида асосан форслардан тайинланган. Сатрапнинг маъмурияти ва бошқаруви шаҳаншоҳ маъмурияти ҳамда марказий бошқарув аппаратини қисқартирилган ҳолда такрорлаган. Яъни, сатрапда иккита ёрдамчи, девонхона ва мирзалар бўлган. Бир вақтнинг ўзида сатрап ўзи ноиблик қилган ҳудудда бош қози вази-

фасини ҳам бажарган. Айрим ҳолларни истисно қилганда, сатрап ҳарбий бошлиқлик вазифасини бажармаган. Мисол учун, Доро I барча сатрапларнинг ҳарбий вазифаларини бекор қилган ва уларга фақат ўзига бўйсунувчи ҳарбий бошлиқларни жўнатган. Сатрапларнинг фаолияти марказдан қаттиқ назорат қилинган. Ҳаттоқи, шаҳаншоҳ хузуридаги амалдорлар сатраплар фаолиятини тез-тез текшириб турганлар.

Қўшинлар. Аҳамонийлар давлатида доимий қўшин мавжуд бўлиб, унинг асосини ўн минг жангчи бўлган «абадий ўлмас» полк ташкил этган. Қўшинларнинг бош қўмондени шаҳаншоҳ эди. Ҳарбий тузилмада кейинги ўринда «хазарпат»-мингбоши турган. Аҳамонийлар қўшинлари қўйидаги қисмлардан иборат бўлган: 1-«абадий ўлмас» полк; 2-пиёда қўшинлар; 3-отлик қўшинлар (суворийлар); 4-сатраплар қўшинлари; 5-юнон ёлланмалари; 6-қўнгилли қўшин. Қўшиннинг қисмлари 10,100,1000, 10000 кишилиқ ҳарбийлардан иборат бўлиб, ҳар бир қисмнинг тайинлаб қўйилган бошлиғи бўлган.

Йилда бир марта шаҳаншоҳнинг шахсан ўзи қўшинларни кўриқдан ўтказиб, яхши хизмат қилганларни тақдирлаган, ҳарбий қоидаларни бузганларни жазолаган. Бутун давлат ҳудуди тўртта ҳарбий округга бўлинган. Ҳар бир округ ҳарбий бошлиғи марказдан тайинланниб, бевосита шаҳаншоҳга бўйсунган. Босиб олинган ҳудудлар ва чегараларда ҳарбий горнizonлар жойлаштирилган. Аҳамонийлар қўшинларининг ҳарбий тартиби ҳақида Геродот ва Курций Руф батафсил маълумот беради. Бу маълумотларга кўра, уларнинг асосий ҳарбий қуроллари қилич, гурзи, ўқ-ёй, қалқон, ханжар, ҳарбий болта ва найзалардан иборат бўлган.

Юқорида таъкидланганидек, Аҳамонийлар босиб олган барча ҳудудлар сатрапия ҳокимликлариiga бўлинган, уларни форс подшолари тайинлаган сатрап-ҳокимлар бошқарган. Геродот маълумотларига кўра, Бақтрия XII сатрапия бўлиб, 300 талант (талант-Бобил пул бирлиги бўлиб, 1 талант 30 кг. дан зиёдроқ кумушга teng), саклар

ва каспийлар XV сатрапия булиб, 200 талант, Хоразм, Сүфд, Парфия ва Ария XVI сатрапия бўлиб, 300 талант миқдорида йиллик солик тўлар эди. Шунингдек, Ўрта осиёликлар қимматбаҳо тошлар, чорвачилик ва дехқончилик маҳсулотларини ҳам солик сифатида форс подшоларига бериб турганлар.

Мил. авв. VI-IV асрларда Ўрта Осиё вилоятларида ижтимоий-иктисодий ва маданий хаёт анча ривожланади. Бу даврда Бақтрия йирик давлат булиб, форс подшоларининг Шарқдаги асосий марказларидан бири эди. Сўнгги йилларда Ўрта Осиёning жанубида олиб борилган археологик қазишмалар натижасида Қадимги Бақтрия ҳудудидан ўттиздан зиёд аҳамонийлар даврига оид манзилгоҳлар топилган. Уларда туар жойлар ва хўжалик хоналари, меҳнат ва ҳарбий қуроллар, кулолчилик буюмларининг қолдиқларини учратиш мумкин.

Бу даврда Бақтрия ахолисининг асосий машғулоти дехқончилик эди. Қалаимир, Кучуктепа, Қизилча, Бандихон каби кўплаб ёдгорликлардан меҳнат қуроллари — ўроқлар, кетмонлар, ёргучоқ ва дехқончилик маҳсулотлари қолдиқларининг топилиши дехқончиликдан далолат бериб, у асосан сунъий сугоришга асосланганлигини кўрсатади.

Бақтрияning пойтакти қадимги Бақтра (ҳозирги Балх) шаҳрида қазиш ишлари олиб борилди, у ерда топилган кулолчилик буюмлари кўхна шаҳарнинг энг қадимги қатламлари мил. авв. I минг йилликнинг ўрталарига оид эканлигидан далолат беради.

Бу даврда Бақтрияда бадиий хунармандчилик ҳам ўқори даражада ривожланган. 1877 йилда Кобадиён беклиги (Тожикистон)дан олтин ва кумушдан иборат катта хазина топилган. “Амударё хазинаси” номи билан машхур бўлган бу хазинада олтин ва кумушдан қуйилган жанг аравалари, жангчилар қиёфаси, ҳайвонлар тасвирлари ни учратиш мумкин. Бу хазина маҳаллий усталар ижоди булиб, мил. авв. V-IV асрларга оид.

Мил. авв. VI-IV асрларда Сўғдиёна ҳудудида кўплаб шаҳар ва қишлоқлар булиб, улар форс подшоларига катта солик тўлаб туар жангчилари эди. Археологик тадқиқотлар нати-

жасида Зарафшон ва Қашқадарё воҳаларидан бу даврга оид Узунқир, Ерқўргон, Даратепа, Сангиртепа, Лолазор, Афросиёб, Ҳўжа Бўстон каби 50 дан зиёд қўхна шаҳар ва манзилгоҳлар очиб ўрганилган.

Сўғдиёна пойтахти Афросиёб (Самарқанд)да шаҳар ҳаётининг ривожланиши Сўғдиёна ва бутун Ўрта Осиёдаги сиёсий-иктисодий ҳаётнинг юксалиши ҳамда инқизози билан мувофиқ тарзда кечган. Тадқиқотчилар Сўғдиёнанинг “иккинчи пойтахти” бўлган Ерқўргонни (Қашқадарё) юонон-рим тарихчилари томонидан эслатилган Ксениппа вилоятининг марказий шаҳри деб ҳисоблайдилар.

Сўғдиёна ҳаётида деҳқончилик катта аҳамиятга эга эди. Шуниси муҳимки, деҳқончилик сунъий сугоришга асосланган бўлиб, бу ҳақда ёзма манбалар маълумот беради. Хусусан, Страбонинг ёзишича, Политимет (Зарафшон) дарёси воҳадаги энг катта сув манбаи бўлиб, сугориладиган ерларга каналлар орқали сув чиқарилган. Қўхна шаҳарларда эса хунармандчилик ва савдо-сотиқ ривожланиб борган.

Мил. авв. I минг йилликнинг ўрталарида Хоразм ҳам ривожланиш жараёнини бошдан кечиради. Хоразм тадқиқотлари натижаларига қараганда, VI-IV асрларда бу ҳудудда йирик-йирик манзилгоҳлар мавжуд эди. Бу даврда Хоразмда ишоотлар қурилишида хом фишт, пахса ишлатилган. Манзилгоҳлар, туар жойлардан топилган топилмаларнинг бой ва қашшоқлиги бу ерда мавжуд бўлган ижтимоий ҳамда мулкий тенгсизликдан далолат беради. Шаҳарлар аҳолисининг асосий машғулоти хунармандчилик бўлган. Топилган кўплаб сопол, бронза, темир буюмлар фикримиз далилидир. Хоразмда бу даврда маҳаллий ўтроқ аҳолидан ташқари кўчманчи чорвадорлар ҳам яшаб, улар ўртасида ўзаро тўқнашувлар, иқтисодий ва маданий муносабатлар бўлиб турган.

### **“Авесто”. Маданий ҳаёт**

Илк темир даврида Ўрта Осиёда яшаган халқлар ва қабилалар орасида кенг тарқалган зардуштийлик дини

эди. Бу диний таълимотнинг асосчиси Заратуштра, унинг муқаддас китоби “Авесто” ҳақидаги баҳс-мунозаралар ҳозиргача давом этмоқда.

Заратуштра (форс тилида “олтин туяли”, “олтин тужетаклаган одам”) тарихий шахс бўлиб, Спитама авлодидан, унинг отаси Поурушасп қоҳинлар авлодидан бўлган. Заратуштра туғилган жой ҳақида аниқ маълумот йўқ. Унинг туғилган йилини тадқиқотчилар турли саналар билан (мил. авв. 1500-1000 йиллардан бошлаб, мил. авв. VII-VI асрларгача) боғлайдилар. Сосонийлар даври (III-VII аср) зардуштийлар анъаналарига эътибор берадиган бўлсак, Заратуштранинг ҳаёти мил. авв. VII-VI асрнинг бошларига тўғри келади. Кўпчилик тадқиқотчилар бу санани тўғри деб ҳисоблайдилар.

Заратуштра туғилган жой ҳамда “Авесто” пайдо бўлган ҳудуд ҳақида ҳам олимлар орасида ягона фикр йўқ. Бир гуруҳ олимлар Заратуштрани ҳозирги Озарбайжонда, яна бир гуруҳ қадимги Бақтрияда, бошқа гуруҳ Хоразм ва Эронда туғилиб, фаолият кўрсатган, “Авесто” ҳам шу ҳудудларда пайдо бўлган деб ҳисоблайдилар.

Заратуштранинг таълимоти ўз ватанида тарафдорлари ни топмаганлиги сабабли у юртидан кетишга мажбур бўлган. Заратуштра диний таълимотини биринчи бўлиб қабул қилинган тарафдорлар қадимги Бақтрия подшоси Кави Виштасп, малика Хутаоса ва уларнинг яқин қариндошларидир. Заратуштра ўз гояларида қонли қурбонлик қилишни қатъян қоралайди. У таъкидлайдики, одамзод яшашга ҳақли булиб, бу ҳукуқдан уни маҳрум қилишта ҳеч кимнинг ҳақи йўқ.

Заратуштра ўз гояларини тарғиб қила бошлаган давр Ўрта Осиё ва Эрон халқлари тарихида энг муҳим давр эди. Ибтидоий жамоа муносабатлари ўзгариб, давлатчилик тизими муносабатлари қарор топмоқда эди. Янги дин эса бу ўзгаришларни ўзида акс эттириб, туғилаётган синфий жамиятга хизмат қиласр эди. У бирлашишга ва кучли марказлашган ҳокимият тузишга, ўша даврда ўтрок дехқончилик билан шуғулланувчи водий аҳолиси учун “худонинг қамчиси (тифи)” ҳисобланган кўчманчи халқларга қарши кескин курашга чақирди.

Зардуштийларнинг диний фалсафаси қарама-қарши кучларнинг курашига асосланган. Бу кураш ёруғлик, яхшилик кучлари худоси Ахурамазда, қора ва зулмат кучлари худоси Ахриман ўртасида бошланиб жамият ва инсонлар орасида давом этган.

Заратуштра таълимотига кўра, жамият яхшилик ва ёмонликдан иборат. Инсон ҳаётининг асосий мазмуни хайрли ишлар қилиш, олижаноб фазилатли, меҳр-оқибатли, хушмуомала бўлишдир. Зардуштийларда тўрт унсур — олов, ер, сув ва ҳаво муқаддас ҳисобланган ва улар доимо ардоқланиб келинган.

Зардуштийлар ўлимни дунёда, жамият тараққиётида энг ёвуз нарса деб ҳисоблаган. Шунинг учун улар муқаддас ерга ўликни кўммаганлар, ўзига хос қўмиш маросимларига амал қиласанлар. Ўликни (одам, ҳайвон) ерга қўмиш қаттиқ қоралангандан. Зардуштийлар ўликни маҳсус жойларда сақлаб, ҳайвонлар ва қушлар улар суюкларини тозалаганидан сўнг суюкларни тош, лой ёки оҳакдан ясалган маҳсус “астадон” (“оссуарий”)ларга дафн этганлар.

Заратуштра дини вақт ўтиши билан аста-секин эрон тилига мансуб халқлар ўртасида тарқалар экан, ўз асосини сақлаган ҳолда бироз ўзгаради. Ахурамазда ва Ахримандан ташқари “Авесто” қатор бошқа худолар — Митра, Хоума, Анахита, Аши ва Зурвон каби улуғ худолар фаолияти ҳақида ҳам ҳикоя қиласиди.

Зардуштийлик Сосонийлар даврида (мил. III-VII асрлар) узил-кесил расмийлашган. Бу даврда зардуштийлик адабиёти ҳам кенг тарқалган. Дастраслабки пайтларда зардуштийлик динининг муқаддас матнлари авлодларга оғзаки етказилган. Заратуштра вафотидан бир неча аср ўтгач, маълумотлар тўпланиб, ягона матн ёзилган. “Авесто” шу тариқа юзага келган. Қатор олимлар зардуштийлик ақидаларига таяниб, “Авесто”ни илк сосонийлар (III-IV асрлар) даврига боғласалар-да, шунга қарамай унинг биринчи таҳрири мил. авв. I асрда бўлган деб ҳисобланади. “Авесто” (“Acos”, “Асосий матн”) жумласи ҳам ўша пайтда пайдо бўлган.

Тадқиқотлар натижаларига кўра, илк темир даврида Ўрта Осиё худудларида маданий ҳаёт, миллий урф-одатлар, анъ-

аналарнинг ривожланганини кузатишимиз мумкин. Шундай анъаналардан бири Наврӯз байрамидир.

Наврӯз қадим авлодларимиздан бизгача етиб келган муқаддас урф-одат бўлиб, уни байрам қилиш Ўрта Шарқ ва Ўрта Осиёда қадимдаёқ расм бўлган. Асрлар ўтиши натижасида Наврӯз билан боғлиқ анъаналар халқлар ва элатлар ўртасидаги иқтисодий ҳамда маданий алоқаларнинг ривожланиши заминида кенг ёйила борди, кўп үлкаларнинг анъанавий миллий байрамига айланди.

Наршахийнинг маълумот беришича, “Наврӯз — Янги йил байрамини ўтказиши” анъаналари бошланганига уч минг йил бўлган. Инглиз олимаси М.Бойс фикрича, зардўштийларда “Олов ҳамда эзгулик ҳомийси Аша Вахишта шарафига баҳорий удум — Наврӯзни ўтказиши анъанаси пайдо бўлган”. Берунийнинг ёзишича, “Наврӯз янги йилнинг биринчи куни бўлиб, унинг форсча номи ҳам шу маънони тақозо этади. Эронликлар ўтмиш замонларда йилларни қабисали ойларга бўлишган. Бу вақт қуёшнинг саратон буржига кириш пайтига тўғри келар эди. Сўнгра у орқага сурилгач, баҳорда келадиган бўлди. Энди у бутун йил унга хизмат қиласидан бир вақтда, яъни, баҳор ёмғириининг биринчи томчиси тушишидан гуллар очилгунча, дарахтлар гуллашидан мевалари етилгунча, ... ўсимлик униб чиқа бошлашидан такомиллашгунча давом этган вақтда келади. Шунинг учун Наврӯз оламнинг бошланиши ва яратилишига далил қилинган.”

Демак, Наврӯз 3-3,5 минг илгари пайдо бўлган бўлиб, асрлар давомида янгича қарашлар ва анъаналар билан бойиб борди. Шу билан бирга, унинг таркибида аждодларимизнинг қадимги мифологик тасаввурлари ва ҳаёт тарзи билан алоқадор маросим ва урф-одатлар ҳам сақланиб қолди.

## Такрорлаш учун саволлар

1. «Цивилизация» тушунчасини таърифлаб беринг.
2. Ўрта Осиёдаги қадимги маконлар ва маданиятлар ҳақида нималар биласиз?

3. Ўрта Осиёда илк давлатчилик асослари шаклланган ҳудудларни айтиб беринг.
4. Қадимги Бақтрия, Сүғд ва Хоразм давлатлари пайдо бўлишида асосий ўрин тутган омиллар нималардан иборат?
5. “Авесто”нинг мазмун-моҳияти ҳақида сўзлаб беринг.
6. Ўрта Осиёда ёзув пайдо бўлиши ва унинг тараққиёти босқичларини айтинг.
7. Ўзбек халқи этногенези босқичларини таърифлаб беринг.

### **Адабиётлар**

1. Каримов И.А. Тарихий хотирасиз келажак йўқ. -Т.: «Ўзбекистон», 1998.
2. Каримов И.А. Ўзбекистон — буюк келажак сари. -Т.: «Ўзбекистон», 1998.
3. Каримов И.А. Юксак маънавият — енгилмас куч. -Т.: «Маънавият», 2008.
4. Каримов И.А. Ватанимизнинг босқичма-босқич ва барқарор ривожланишини таъминлаш — бизнинг олий мақсадимиз. Ўзбекистон Республикаси Конституцияси қабул қилинганининг 16 йиллигига бағищланган тантанали маросимдаги маъруза // Халқ сўзи, 2008 йил 6 декабрь.
5. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганининг 17 йиллигига бағищланган тантанали маросимдаги маъруза. // Халқ сўзи, 2009 йил 6 декабрь.
6. Абу Райхон Беруний. Қадимги халқлардан қолган ёдгорликлар. Танланган асарлар. -Т.: «Фан», 1968.
7. Аҳмедов Б.А. Ўзбекистон халклари тарихи манбалари. -Т.: «Ўқитувчи», 1991.
8. Азамат Зиё. Ўзбек давлатчилиги тарихи. -Т.: «Шарқ», 2000.
9. Қаюмов А., Исҳоқов М. ва бошқалар. Қадимги ёзма ёдгорликлар. — Т.: «Ёзувчи», 2000.

10. Мавлонов Ў. Марказий Осиёning қадимги йўллари. -Т.: “Akademiya”, 2008.
11. Ртвеладзе Э.В. Цивилизации, государства, культуры Центральной Азии. -Т.: 2005.
12. Ртвеладзе Э.В., Саидов А.Х., Абдуллаев Е.В. Қадимги Ўзбекистон цивилизацияси: давлатчилик ва ҳуқуқ тарихидан лавҳалар. — Т.: “Адолат”, 2001.
13. Ртвеладзе Э.В., Сагдуллаев А.С. Современные мифы о далеком прошлом народов Центральной Азии. -Т.: O'zbekiston, 2006.
14. Сагдуллаев А.С. Қадимги Ўзбекистон илк ёзма манбаларда. -Т.: «Университет», 1996.
15. Сагдуллаев А.С. Қадимги Ўрта Осиё тарихи. -Т.: «Университет», 2004.
16. Сагдуллаев А., Аминов Б., Мавлонов Ў., Норқулов Н. Ўзбекистон тарихи: давлат ва жамият тараққиёти. -Т.: «Академия», 2000.
17. Сагдуллаев А., Мавлонов Ў. Ўзбекистонда давлат бошқаруви тарихи. -Т.: «Akademiya», 2006.
18. Ўзбекистон давлатчилиги тарихидан лавҳалар. -Т.: «Шарқ», 2001.
19. Қудратов С. Марказий Осиё ҳудудида илк давлатларнинг пайдо бўлиши. — Гулистон, 1998.
20. Эшов Б. Цивилизация тизимида илк шаҳарлар. -Т.: Zar qalam, 2004.
21. Эшов Б. Ўрта Осиё ҳудудидаги шаҳарлар тарихи. -Т.: 2006.
22. Эшов Б. Ўзбек давлатчилиги тарихи. -Т.: 2009.
23. История государственности Узбекистана. -Т.: «Ўзбекистан», 2009.

## **2-мавзу. Антик давр давлатлари. Даван, Қанғ, Күшон давлатлари**

### **Буюк ипак йўлиниң шаклланиши ва ривожланиш босқичлари**

Аҳамонийлар давлати турли халқлар ва элатларни бирлаштириш йўли билан ташкил топган эди. Бу давлат таркибидаги халқлар доимий равишда ўз озодлиги ва мустақиллиги учун кураш олиб борди. Ундан ташқари, аҳамоний ҳукмдорларининг таҳт учун курашлари ҳам давлатни заифлаштириб борди. Мил. авв. IV асрнинг ўрталаридан бошлаб эса, Болқон ярим оролидаги шаҳар-давлатлар кучая бошлайди. Бу даврда Македония подшоси Филлип II Болқон ярим оролида ўз мавқеини мустахкамлаб, аҳамонийларга қарши курашга тайёргарлик кўра бошлади.

Филлип II ўз даврига мос ҳарбий ислоҳотлар ўтказиб, тартибли ва яхши қуролланган қўшин тузишга муваффақ бўлди. Мил. авв. 336 йилда Аҳамонийлар давлатига қарши кураш бошланди. Аммо, Филлип II нинг ўлдирилиши туфайли бу кураш тўхтаб қолди. Ўша йили таҳтга Филлип II нинг ўғли 20 ёшли Искандар (Александр) ўтириди. Бу пайтга келиб, юнон шаҳар-давлатларида Искандарга қарши ҳаракатлар бошланган бўлиб, ёш подшо бу ҳаракатларнинг барчасини шафқатсизлик билан бостириди. Искандар аҳамонийларга қарши урушга жиддий киришиб, Кичик Осиёдан Парменион бошлиқ қўшинларни чақиртириди. Ҳарбий кенгаш тузиб, қуруқлик ва сувда ҳаракат қилаётган қўшинлар олдига аниқ вазифалар қўйди.

Мил. авв. 334 йилнинг баҳорида македон қўшинлари “уруш оловини Осиёга, Осиё баҳтини эса ўзимизга қаратамиз” шиори остида форсларга қарши юриш бошлади. Мил. авв. 334 йил май (Граник дарёси ёнида), 333 йил ноябрь (Исса шаҳри, Сурия чегарасида), 331 йил октябрда (Гавгамела, Шимоли-шарқий Месопотамияда) бўлган ҳал қилувчи жангларда форс қўшинлари тўла мағлубиятга

учради. Аррианнинг маълумот беришича, аҳамонийларнинг сўнги ҳукмдори Доро III Бақтрияга қочиб кетади ва Бақтрия сатрапи Бесс томонидан фитна уюштирилиб, ўлдирилади.

Мил. авв. 330-329 йиллар қишида Македониялик Искандар қўшинлари Ҳиндқуаш Даванидан ўтиб, Шимолий Бақтрия ерларига чиқиб келади. Бесс ўз қўшинлари билан Искандарга қарши чиқди. Аммо, тажрибали юонномакедон қўшинларидан мағлубиятга учради. Искандар Бақтрияниң пойтахти Бақтра шаҳри, Аорн, Драпсак каби мустаҳкам қалъаларни эгаллади.

Мил. авв. 329 йилнинг баҳорида Македониялик Искандар қўшинлари Окс (Амударё) бўйларига етиб келиб, катта қиинчилик билан дарёни кечиб ўтди. Дарёдан ўтган қўшинларнинг дастлаб Птолемей Лаг бошчилигидаги илгор қисми, кейин эса асосий қўшин Навтака вилояти (Шарқий Қашқадарё)га кириб боради. Бу ердан эса Искандар қўшинлари Сўғдиёнанинг пойтахти Мароқонда (Самарқанд)га йўл олдилар. Курций Руф маълумотларига қараганда, юонномакедон қўшинлари Мароқондани эгаллашда уччалик қаршиликка учрамади ва “шаҳарда ўз гарнizonларини қолдириб, яқин атрофдаги қишлоқларни ёндириб ва вайрон этиб”, шимоли-шарққа томон ҳаракатлана бошлади.

Мароқондадан сўнг юонномакедон қўшинларининг юриши ниҳоятда оғир кечиб, у дастлаб Яксарт (Сирдарё) бўйида ўз мавқенини мустаҳкамлашга қарор қилиб, бу ердаги кўзголонларни бостириди. Сўғдиёнада мил. авв. 329 йил кузида Спитаман бошчилигидаги кўзголонни (Мароқонда) бостириш учун саркарда Фарнух бошчилигидаги қўшинларни жўнатди. Ўзи асосий куч билан саклар устига юриш қилди. Аммо, бу юриш муваффақиятсиз тугади.

Фарнух бошчилигига Мароқондага жўнатилган қўшинлар Спитаман томонидан мағлубиятга учради. Искандарнинг ўзи асосий куч билан Сўғдиёнага қайтишга мажбур бўлди. Ўрта Осиё ҳудудларида кутарилган қўзголонлар юонномакедон зулмидан озод бўлишга қаратилган бўлиб, Искандарнинг “варвар”ларни осонликча босиб олмоқчи бўлган режаларини пучга чиқарди.

Сүғдиёнанинг тоғли ҳудудларидаги босқинчилар қадамы етмаган жойларда қўзғолончилар яшириниб олган эди. Сүғдиёнанинг деярли барча аҳолиси Спитаман томонида бўлиб, унинг ғалабаларига катта умид боғлаган эди. Искандар эса, мил. авв. 329-28 йиллар қишини Бақтрияда (баъзи манбаларда Навтакада дейилади) ўтказар экан, вақтни беҳуда ўтказмади. У бу ерда Хоразм ҳукмдори Фарасман билан музокаралар олиб борди. Натижада Искандарнинг Хоразмга юриш режаси тўхтатилди.

Мил. авв. 328 йилнинг баҳоридан юонон-македонларга қарши кураш янада авж олди. Маҳаллий аҳоли йирик шаҳарлар, қалъалар, тоғли ҳудудларда курашни давом эттириди. Аҳвол жиҳдийлашганидан хавотирга тушган Искандар 30 минг қўшинини 5 гуруҳга бўлиб, бу гуруҳларга ишончли саркардалар — Гефестион, Птолемей Лаг, Пердикка, Кен ва Артабозларни бошлиқ этиб тайинлади.

Юонон-македонларнинг шафқатсиз урушлари натижасида қўпгина маҳаллий аҳоли қирилиб кетди. Қолганлари ҳам тоғли ҳудудларда курашни давом эттириди. Бу ўринда Спитаманинг жасорати ҳақида тўхталиш жоиз. У доимо рақибларининг заиф жойларини излар ва уларга айнан ўша жойлардан зарбалар берар эди. Спитаман сўғдий ва бақтриялик зодагонлар ҳамда саклар билан иттифоқликда душманга қарши курашишга ҳаракат қилди. Манбаларнинг маълумот беришича, мил. авв. 328 йилнинг охирида Спитаман ўз ватандошлари хиёнатининг қурбони бўлади. Спитаман тажрибали давлат арбоби ва саркарда бўлиб, у босқинчиларни она-юритидан ҳайдаб чиқариши учун имконияти бўлган барча тадбирни кўрди, чоралардан унумли фойдаланишга ҳаракат қилди. У мөҳир саркарда бўлиб, душманинг кичик хатосидан ҳам унумли фойдаланаар ва унинг заиф томонларини топишга ҳаракат қиласи эди. Аммо, Искандар ҳарбий куч-қудрати жиҳатдан Спитамандан устун эди.

Спитаман ҳалок бўлганидан сўнг асосан тоғ қалъалири қўзғолон ўчоқларига айланади. “Сўғд қояси” (“Аrimaz қояси”), “Хориен қояси” шулар жумласидан.

Македониялик Искандар маҳаллий аҳолини куч билан енгиш ниҳоятда оғир эканлигини англаб етганидан сұнг турли йүллар билан уларга яқынлашишга қарор қилди. Маҳаллий халқ вакилларига нисбатан сиёсатини тубдан үзгартирди. Хусусан, зардұштий кохинларига бирмунча әркинлик беріб, ұзи ҳам бу динни қабул қилди. Құзғолон бошлиқлари Оксиарт, Сисимитр, Хориен кабиларни авф этиб, мол-мулкларини қайтариб берди. Ҳатто, құзғолонга қатнашғанларга мукофот тарқата бошлади. Маҳаллий аҳоли билан қариндошлик мұносабатларини ўрнатиб, Оксиарт-нинг қизи гүзал Роксана (Роҳшанак)га уйланди. Натижада маҳаллий зодагонларнинг деярли барчаси Искандар ҳокимиятини тан олиб, унинг хизматига ўтиб кетди. Мил. авв. 327 йилнинг охирида Сұғдиёнадаги құзғолоннинг сұнгги ұchoқлари ҳам бостирилди.

Юон-македон босқинчиларига қарши уч йил давомида кураш олиб борар әкан, Ўрта Осиё халқлари мислсиз жасорат намуналарини құрсаңды. Улар, юонлар үйлаганидек, “варварлар” ва маданиятдан орқада қолган эмас, балки ұз даврининг юксак ҳарбий санъати ва маданиятига эга эканликларини намойиш этишди. Искандар қүшинлари бутун Шарқ давлатларини ўзларига бүйсундирғанларида Сұғдиёна ва Бақтриядаги каби қаттиқ қаршиликка учрамаган здилар. Бу ҳолни Искандар тарихини ёзған күпгина қадимги давр тарихчилари ҳам эътироф этади.

Ўзбекистон ҳудудида яшаган мәҳаллий аҳоли қадимги даврлардан бошлаб босқинчиларга қарши аёвсиз кураш олиб бориб, ұз озодлиги ва мустақиллиги йўлида бир тан-бир жон булиб ҳаракат қилган. Аммо, кучлар нисбати ва ҳарбий техниканинг teng эмаслиги күп ҳолларда босқинчилар устунлигини таъминлаган.

## **Салавкийлар, Парфия ва Юон-Бақтрия давлатлари**

Македониялик Искандар давлати турли халқлар, әлатлар ва қабилаларнинг бирлаштирилган йиғиндиси-

дан иборат бўлиб, фақат қўрқитиш ва қурол кучи орқали идора қилинар эди. Милавв. 323 йилда Македониялик Искандарнинг Бобилда тўсатдан вафот этиши сиёсий вазиятнинг кескин узгаришига сабаб бўлди. Юнон диадохлари (ҳукмдорлар, амалдорлар) ўртасида ҳокимият учун шафқатсиз кураш бошланди.

Мил. авв. 312 йилда Искандарнинг энг ишончли саркардларидан бири Салавка диадохлар билан бўлган курашда устун келиб, Бобил, Сузиана, Мидия ва бошқа қўшни вилоятларни босиб олди. Кўп ўтмай Олд Осиё, Эрон ва Ўрта Осиё ҳудудларига ҳам ўз ҳукмронлигини ўрнатди. Аммо, Ҳиндистондаги ҳарбий-сиёсий вазият туфайли бу ҳудудлардаги муваффакият Салавкийлар фойдасига ҳал бўлмади. Мил. авв. IV асрнинг охиirlарида бу ерда Чандрагупта асос солган кучли Мауръя давлати Салавкага қаттиқ қаршилик кўрсатганилиги сабабли у сулҳ тузишга мажбур бўлди.

Унинг Ҳиндистондаги маглубияти салавкийларнинг Ўрта Осиёдаги ноиблари аҳволига сезиларли даражада салбий таъсир кўрсатди. Бу ҳолат бу ерда салавкийларга қарши кураш кучайишига сабаб бўлди. Маҳаллий ўтроқ ва қўчманчи аҳолининг кўп сонли қўзғолонлари бу курашлардан далолат беради. Улар салавкийларнинг таянч нуқталари бўлган Марғиёнадаги Александрия ва Автидан, Александрия Эсхатани вайрон қиласидилар. Тадқиқотчиларнинг фикрича, бу курашлар натижасида йирик этник кўчишлар бўлиб ўтган бўлиши мумкин. Хуллас, салавкийлар ҳокимиятни эгаллаган пайтдаёқ уларнинг Ўрта Осиёдаги аҳволи таҳликали эди. Айнан шу сабабли Ўрта Осиё вилоятлари ерларидан маҳрум бўлишдан қўрқиб кетган Салавка I ўз вориси Антиох I бошчилигидаги Шарқий ноиблик (страплик)ларни таъсис этди.

Антиох I вайрон этилган қалъаларни тиклади, йирик ва қалин девор бунёд этди (Марғиёна девори), қўзғолонларни бостириди. У салавкийлар қудратини намойиш этиш мақсадида атроф ўтроқ ва қўчманчи аҳоли устига ҳарбий юришлар уюштириди. Антиох I томонидан ўтказилган бир қанча ҳарбий-сиёсий ва дипломатик тадбирлар туфайли

Ўрта Осиёдаги салавкийларга қарши ҳаракатлар бостирилди.

Ўрта Осиёдаги вилоятлар салавкийлар давлати сиёсий тарихида етакчи ўринлардан бирини эгаллайди. Салавка Искандар даврида Спитаманнинг қизи Апамага уйланди. Қариндошликинни ҳисобга олибми ёки бошқа мақсадни назарда тутибми, Салавка мил. авв. 293 йилда ўғли Антиох I ни Шарқий сатрапларга, жумладан Ўрта Осиё ерларига ҳоким этиб тайинлайди.

Ўзининг узоқ йиллик хукмронлиги даврида (мил. авв. 293-261 йй.) Антиох I Фарбга қилган кўпгина юришлари билан шуҳрат қозонди. У ўз давлатининг шарқига, жумладан, Ўрта Осиё ерларига кам эътибор қаратди. Бу пайтда унинг вилоятларида иқтисодий ўзгариш юз беради. Тинч ҳаёт бошланиб, қишлоқ хўжалиги, ҳунармандчилик, савдо-сотик анчагина ривожланади. Салавкийлар давлати марказдан четда бўлишига қарамай, Ўрта Осиё улар давлатининг энг муҳим қисми эди. Ўрта Осиё ҳарбий-стратегик ва иқтисодий аҳамиятга эга бўлиб, салавкийлар бу ҳудуд бўйлаб ўтган савдо йўллари бўйида шаҳарлар ва қишлоклар қурдириб, уларда ҳунармандчилик, ўзаро алмашинув ва савдо-сотикни ривожлантирганлари бежиз эмас.

Салавка I Антигон билан ҳокимият талашиб, Шарқий ҳудуд ва Кичик Осиё учун кураш жараёнидаёқ ўз ҳокимијатида бошқарув тартибини жорий эта бошлаган эди. У Искандар анъаналарига содик қолганини кўрсатиш мақсадида сатрапияларни иирик вилоят уюшмалари сифатида сақлаб қолди. Тангащунослик манбалари маълумотларига қараганда, Салавка I давлати Аҳамонийлар ва Искандар давлатларига нисбатан анча кичик бўлиб, ҳокимијат 27-28 сатрапияларга бўлинган.

Ҳар қайси сатрапияни шоҳ томонидан тайинлаб қўйилган сатрап ёки стратег деб номланувчи шахс бошқарган. Форс сатрапларидан фарқ қилган ҳолда улар ҳам маъмурий, ҳам ҳарбий бошқарувни қўлга олган. Сатрап-стратег маъмурий бошқарувда энг яқин одамларидан ўзига ёрдамчи танлаган. Бу ёрдамчи солиқ йиғувчилар фаолияти, ички ва ташқи савдо, хўжалик ҳаётини назорат қилиб борган.

Тарихий манбаларда салавкийлар сатрап-стратеглари юонча номда тилга олинади. (Стратоник, Александр, Гиеракс ва б.). Демак, салавкийлар ҳукмдорлари асосан юоннлардан ва айрим ҳолларда эллинлашган маҳаллий аҳолидан тайинланган. Тадқиқотчиларнинг фикрича, Ўрта Осиёда юон ҳокимлари ва улар атрофида тӯпланган юон-зодагонлар билан бирга маҳаллий зодагонлар ҳам ҳокимлик қиласи эди. Салавкийлар ҳокимияти, Ўрта Осиёдаги ҳарбий манзилгоҳлар (катойкиялар)да жойлашган ҳарбий кучларга таянган эди. Аҳолига жабр-зулм қилишда маҳаллий ҳукмрон гурух вакиллари ҳам иштирок этар эди.

Ўз даврида салавкий ҳукмдорлари шаҳарсозлик билан фаол шуғулланганлар ва кейинчалик «Салавкия» деб аталган шаҳар марказига асос солганлар. Марказ сулола вакилларидан бирининг номи билан аталган ҳолда унга полис ҳукуқи (тўлиқ мустақил бўлмаган) берилган. Бундай шаҳарлар маъмурий назорат остига олинган. Шунингдек, бу шаҳарларда юон аҳолиси жамланиши лозим эди. Салавкийларнинг шаҳарсозлик фаолияти ҳақида Плиний, Страбон, Аммиан Марцеллин каби антик давр муаллифлари маълумот беради. Бу маълумотларга кўра, Марфиёна Антиохияси, Скифиядаги Антиохия, Тармат Антиохияси (Термиз бўлиши мумкин), Ойхоним кабилар полис ҳукуқига эга бўлган. Салавкийлар давлатида шаҳарларга тобе қишлоқлар ўз жамоа тузилишини сақлаб қолиб, уларнинг тобелиги жамоавий хусусиятга эга бўлган, улар полис ҳудудига киритилмаган.

Ўрта Осиёдаги юонлар билан алоқалар маҳаллий халқлар маданиятининг баъзи томонларини гарбга тарқатувчи муҳим омиллардан бирига айланди. Тадқиқотчилар таъкидлаганларидек, эллин маданиятида соф юон маданий ижоди эмас, балки юон ва шарқ мамлакатларининг ўзига хос қўшилиши ўз аксини топди. Эллин маданиятининг ривожланишида Ўрта Осиё халқлари ҳам муҳим роль ўйнади. Ўрта Осиёнинг катта қисми салавкийлар давлатига қўшиб олиниши Farb ва Sharq ўртасидаги иқтисодий, маданий алоқаларнинг ривожланишига туртки

бўлди. Шу билан бирга, маҳаллий маданият, савдо-сотик, шаҳар ҳаёти, хунармандчилик ва суғориш ишлари изчил ривожланиб борди.

Шундай қилиб, Ўрта Осиёнинг салавкийлар давлати таркибида кирган даври юонон-македон истилоси туфайли вайрон этилган иқтисодий ҳаётни тиклаш, бақтрияликлар, сўғдийлар, парфияликлар ва Ўрта Осиё бошқа халқларининг салавкийларга қарши курашиш учун бирлашуви даври бўлди.

Мил. авв. III асрнинг 60-50-йилларида келиб, Кичик Осиё ва Болқон ярим оролида салавкий ҳукмдорлари ўртасида ҳокимият учун кураш авж олди. Натижада салавкийлар давлатининг шарқий сатраплари сиёсий ҳаётида ўзгаришлар содир бўлди. Мил. авв. 250 йилга келиб дастлаб Парфия, кейин эса Юонон-Бақтрия давлатлари салавкийлар давлатидан ажralиб чиқиб, ўзини мустақил деб эълон қилди.

Парфия ҳақидаги дастлабки маълумотлар мил. авв. VII асрга оид Оссурия ҳужжатларида учрайди. Мил. авв. VI асрнинг бошларида Парфия кучли Мидия ҳукмронлиги остига тушиб қолади.

Парфия қўшни Бақтрия, Марғиёна ва Сўғдиёна каби серхосил ерларга эга эмас эди. Тадқиқотчиларнинг “Қорақум Парфия давлатининг бешигидир” деган фикрлари бејиз эмас. Бироқ мамлакат ҳарбий-стратегик аҳамиятга эга бўлган муҳим худудда жойлашган эди. Мидияликларга у скифлар ҳужумидан сақланиши учун зарур бўлса, Кир учун бой Хоразм воҳаларида чиқиш йўлидаги дарвоза вазифасини ўтар эди. Македониялик Искандарнинг Парфияни истило қилишига сабаб шимолдаги кўчманчи қабилаларни итоатда тутиш бўлса, салавкийлар учун Парфияни қўлда сақлаш шимолий чегараларнинг хавфсизлигини таъминлаш эди.

Мил. авв. 247 йилда Парфияда Аршак бошчилигидаги парнлар қабиласи Нисо шаҳрига ҳужум қилиб, уни эгаллайди. Шу йили парнлар Аршакни ўзларига подшо қилиб сайлайди. Тарихий манбаларнинг маълумот беришича,

Аршак узоқ муддат подшолик қилган ва катта мавқега әга бўлган. Сулола (Аршакийлар) асосчиси ўзининг ташкилотчилиги, жасурлиги ва мохир дипломатлиги сабабли қисқа муддат ичидан мустақил давлат тузишга эришган. Мил. авв. 235 йилдан бошлаб Парфия подшолари ўз давлатлари худудини кенгайтириб борди.

Парфия давлатининг улкан империяга айланиб ҳалқаро сиёсат майдонига чиқиши Митридат I ҳукмронлиги билан боғлиқ ўттиз беш йил (мил.авв. 171-137 йй.) ҳукмронлик қилган бу подшо кўплаб ҳарбий юришлар қилди. Унинг ҳукмронлик даврида гарбга қилинган кўп йиллик урушлар, ички низолар ва бекарорлик туфайли Салавкийлар давлати заифлаша бошлаган эди. Бундан унумли фойдаланган Митридат I дастлаб Экбатанни, кейин Хиндистонни босиб олди. Мил. авв. 141 йилда Бобил бўйсундирилди. Шу тариқа Митридат I Парфияни қудратли давлатга айлантириб, Аршакийларнинг кўпгина эркинликларини қайта тиклади.

Мил. авв. II асрнинг ўрталарида юечжилар сак қабилаларини Парфиянинг шарқий чегараларига суриб борган. Саклар билан бўлган жангларда Фраат III ва Артабон II лар ҳалок бўлди. Мил. авв. 128 йилда Митрадат II тахтга ўтириди. Унинг ҳукмронлик давридан бошлаб Рим ва Парфия кучли рақибларга айланади. Икки кучли салтанатнинг ўзаро муносабатлари Шарқ ва Гарбдаги сиёсий жараёнларни белгилаб бера бошлайди. Мил. авв. 88 йилда Митридат II вафот этиб, Аршак IX номи билан Готраз тахтга ўтиради. Унинг ҳокимият тепасига келиши мамлакат ичидаги сиёсий инқирозлар даврига тўғри келади. Баъзи давлатлар Парфиядан ажралиб кета бошлайди. Умуман, милоднинг III асрига қадар Парфия давлатига Аршакийлар сулоласи ҳукмронлик қилди. Милоднинг 207-222 йилларида Вологез V ҳукмронлиги даврида Парфия давлати иккига бўлинниб кетди (213 й.). Булар Вологез V ҳукмронлигидаги Месопотамия ва Артабон V ҳукмронлигидаги Мидия эди. Айнан шу вақтга келиб Форс ерларида янги кучли давлат — сосонийлар давлати ву-

жудга келмоқда эди. Ўзини ўнглаб, оёққа туриб олган бу ёш давлат күхна ва улкан Парфия салтанатини ағдариб ташлади.

Парфиянинг давлат бошқаруви учта — аҳамонийлар, эллинистик ва кўчманчи парн қабилалари анъаналарига асосланган эди. Олий ҳокимият подшо қўлида бўлиб, подшолик қилиш хуқуқи фақат Аршакийлар уруғига берилган. Подшо ҳузурида иккита қариндошлар кенгаши ҳамда зардӯштий коҳинлари ва сарой зодагонлари кенгаши фаолият кўрсатган. Биринчи кенгаш кўчманчи парн қабилалари анъаналарини акс эттириб, давлат бошқаруvida катта роль ўйнаган. Мухим давлат масалаларини ҳал этишда Могустон («Авесто»да зардӯштий коҳинларининг олий кенгаши маъносидаги) деб номланган қўшма кенгаш ўтказилган. Манбаларда Аршакийлар саройидаги «пахракпат» — сарой қўриқчилари бошлиги, «аркпат» — қалъа бошлиги каби унвонлар эслатилади.

Нисо (Туркманистон) шаҳридан топилган ҳужжатлар (хумларга битилган) Парфия давлатининг ижтимоий-иқтисодий ҳаёти ҳақида, археологик топилмалар эса Бақтрия, Сўғдиёна, Хоразм ва Марғиёна билан ўзаро иқтисодий, маданий алоқалар ҳақида маълумотлар беради. Парфия қишлоқ ҳужалигида қуллар меҳнатидан кенг фойдаланилган. Помпей Трог маълумотларига кўра, “Парфияда қуллар кўп эди, қулларни озод қилиш давлат томонидан ман қилинган эди. Бутун Парфияда қуллар меҳнатидан суғориш иншоотларини қуриш мақсадида кенг фойдаланилган”. Мамлакатнинг иқтисодий ҳаётида савдо-сотиқ ишлари муҳим аҳамиятга эга бўлган. Парфия давлати беш аср давомида Ҳиндистон, Ўрта Осиё ва Хитойнинг Фарб мамлакатлари билан қилган савдо алоқаларида воситачилик қилган.

Тадқиқотчиларнинг фикрларига кўра, Юнон-Бақтрия давлатининг салавкийлардан ажralиб чиқиши юнон зодагонларининг қўзғолони хусусиятига эга бўлиб, унга Бақтрия аҳолиси томонидан қўллаб-қувватланган Диодот бошчилик қиласи. Тадқиқотчилар Юнон-Бақтрия давла-

ти пайдо бўлган турли саналарни белгилайдилар (мил. авв. 256, 250, 248 ва 246-245 йй). Бу давлатнинг асоси Бақтрия бўлиб, баъзи ҳокимлар даврида (Евтидем, Деметрий, Евкратид) Хиндистоннинг шимоли-ғарбий қисми, Амударё ва Сирдарё ўртасидаги катта ерлар кўшиб олинади.

Юонон-Бақтрия давлатининг гуллаб-яшнаган даври мил. авв. III асрнинг иккинчи ярми ва мил. авв. II асрнинг биринчи ярмига тўғри келади. Жанубий ҳудудлардан бу даврга оид Жондавлаттепа, Далварзин (пастки қатламлар), Ойхоним, Қорабоғтепа, Кампиртепа каби ёдгорликлардан ҳокимлар саройлари, ибодатхоналар, турар жойлар, меҳнат ва жанговар қуроллар, турли ҳунармандчилик буюмлари хамда кўплаб танга пулларнинг топилиши бу ҳудудлардаги ижтимоий-иқтисодий ва маданий ҳаётдаги ривожланиш жараёнларидан далолат беради.

Юонон-Бақтрия давлати марказлашган давлат бўлиб, ҳокимиятни подшо бошқарап эди. Давлат бир неча вилоятларга бўлинган бўлиб, бу вилоят ҳокимлари подшога бўйсунар эди. Баъзи тадқиқотчилар Сўғд ва Фаргона ҳам Юонон-Бақтрия таркибига кирган десалар, айримлари бу давлатнинг чегаралари Амударёдан нарига ўтмаган дейдилар. Сўнгги йилларда олиб борилган қазишмалар натижасида топилган жуда кўплаб археологик топилмалар Амударёning ўнг ва сўл қирғофи аҳолисининг мил. авв. III-II асрлардаги ўзаро алоқаларидан дарак берибгина қолмай, бу ерлар Юонон-Бақтрия давлати таркибига кирганлигидан далолатdir.

Тадқиқотчиларнинг фикрларига кўра, мил. авв. 250-140-130 йиллар давомида Юонон-Бақтрия давлати мустақил давлат сифатида мавжуд бўлиб, бу даврда Диодот, Евтидем, Евкратид, Гелиокл каби подшолар ҳокимиятни бошқарган. Мил. авв. II асрнинг иккинчи ярмига келиб, кўчманчилар зарбалари остида Юонон-Бақтрия давлати инқизозга учради.

Яқин ва Ўрта Шарқнинг турли давлатлари, жумладан, Ўрта Осиё ҳудудларида катта хронологик давр юонон-

македон сулолалари сиёсий ҳукмронлиги даври сифатида изохланиб, фанда бу давр эллинизм даври деб атала-ди. Эллинизм (Болқон ярим оролидаги Эллада шахри номи билан боғлиқ) аниқ тарихий мавжудлик бўлиб, иқтисо-дий ҳаётда, ижтимоий ва сиёсий тузумда, мафкура ва маданиятда эллин (юнон) ва Шарқ унсурларининг ўзаро уйғуналашуви ифодасидир.

Қадимги (анттик) даврда эллин дунёси Юнонистондан Ҳинд дарёси водийсига бўлган улкан ҳудудни қамраб ол-ган эди. Тадқиқотчилар эллинлашув даражасига қараб, бу ҳудудни учта минтақага бўлади: 1. Эллада. 2. Кичик Осиё, Сурия ва Миср. 3. Ефрат дарёсининг шарқидаги вилоятлар. Бу ҳудудлар тарихий адабиётларда “Эллинлашган Шарқ“ тушунчасида акс этиб, унинг таркибиға Месопотамия, Эрон, Ўрта Осиёнинг жанубий вилоятла-ри, Афғонистон, Покистон ва Ҳиндистоннинг Македони-ялик Искандар босиб олган ҳудудлари кирган.

Македониялик Искандар юришлари натижасида кенг миёсда бошланган эллинизм маданиятининг кириб кели-ши Бақтрия, Парфия ва Сүгдиёна шаҳарлари ҳунарманд-чилиги ва бадиий-амалий санъатига катта таъсир кўрсат-ди. Ёзма манбалар Искандар номи билан боғлиқ учта ша-ҳар: Александия Оксиана (Окс бўйидаги Искандария), Александрия Марғиёна (Марғиёна Искандарияси), Алек-сандрия Эсхата (Чеккадаги Искандария) ҳақида маълу-мотлар беради. Улардан ташқари, катойкиялар деб ном-ланган юнон ҳарбийлари манзилгоҳлари ҳам мавжуд эди.

Олиб борилган археологик тадқиқотлар натижасида Ўрта Осиёнинг жанубий ҳудудларидан эллинизм мада-нияти билан боғлиқ бўлган турар жойлар, моддий-маъ-навий маданият буюмлари, танга пулларнинг топилиши бу ҳудудлардаги маҳаллий маданиятга эллин анъанала-ри (шаҳарсозлик, ҳайкалтарошлик, бадиий-амалий санъ-ат, алифбо ва бошқалар) кучли таъсир этганидан дало-лат беради.

## Қанғ, Даван ва Қушон давлатлари

Салавкийлар сулоласи билан доимий равишда олиб борилган курашлар натижасида милавв. III асрнинг бошлирида Қанғ давлати вужудга келди. Кейинчалик, Юон-Бақтрия давлати ҳамда кўчманчи қабилалар билан курашлар натижасида Қанғ давлати янада мустаҳкамланди. Айрим манбаларда Ўрта Осиёдаги йирик давлатлардан бири сифатида изоҳланади. Бу давлатнинг асосини Сирдарёнинг ўрта оқимида яшовчи қанғлар ташкил этган. Мил. авв. II асрнинг бошлирига келиб, Қанғ давлатининг ерлари бирмунча кенгайиб, шарқда Фарғона водийси (Даван), шимоли-шарқда усун, юечжи қабилалари билан, шимоли-ғарбда Сарису дарёси, ғарбда Сирдарёгача борган. Бу катта ҳудуд Тошкент воҳасини, Талас, қисман Чу водийсининг қуи оқимидағи ерларни ўз ичига олиб, Қанғ давлатининг асосий ерлари ҳисобланган. Мил. авв. II-І асрларда қанғликлар Амударё ва Сирдарё оралиғидаги ерларни, Хоразмни ўзларига бўйсундиради.

Манбаларда Қанғ подшоларининг иккита: ёзги ва қиши қароргоҳлари эслатилади. Улар ёзни Ўтрорда (хозирги Коғозистондаги Арис ва Туркистон оралиғида), қишини эса Қанқа (Қанҳа, ҳозирги Тошкент вилояти Оққўргон тумани)да ўтказганлар. Ўтроқ аҳолидан ташқари Қанғ давлати чегараларида бир қанча қабилалар мавжуд бўлиб, улар деҳқончилик, чорвачилик билан шугулланганлар. Улар баҳор ва ёз мавсумида чорвалари билан кўчиб, ёзги яйловларда яшаганлар. Кишда эса чорвалари билан қишилов жойларига қайтиб келганлар. Қанғлар подшолари ва беклари йирик чорвадорлар бўлиб, улар иссиқ кунларни яйлов жойларига, ёзги қароргоҳларида ўтказганлар.

Сирдарёнинг ўрта оқимида яшовчи аҳолининг муайян қисми мил. авв. III — милодий V асрларда ўтроқ ҳаёт кечирган. Археологик тадқиқотларга кўра, Ўтрор, Оқтепа, Коровултепа, Қовунчи, Чоштепа, Мингўрик харобалари ўрнида қангарларнинг қўргонлари ва кўхна шаҳарла-

ри бўлган. Шаҳар ва қишлоқларда яшовчи ўтроқ халқлар кўчманчи ва ярим кўчманчи аҳолига нисбатан юқори турган. Тошкент воҳасида яшовчилар асосан дехқончилик ва боғдорчилик билан шугулланганлар. Улар арпа, буғдой, тарик, нӯхат, шоли ва бошқа донли экинлар етиштирганлар. Боф ва токзорлари кўп бўлган. Сирдарёning ўрта оқимида яшовчи қанғарлар, асосан, дехқончилик ва чорвачилик билан шугулланган.

Қорамозор, Қурама ва Чотқол тоғларида темирчилик, мисгарлик ривожланиши учун зарур маъданлар бўлган. Бу жойлардан жуда кўплаб мис, темир, кумуш ва бошқа металлар олинган. Усталар турли металларни бир-бирига қўшиб, мустаҳкам қуроллар ясашни ҳам ўзлаштирганлар. Шунингдек, қундалик эҳтиёж буюмлари ишлаб чиқарилиб, ички ва ташки савдо учун турли маҳсулотлар тайёрланган.

Қанғарларга хос маданият Тошкент воҳасидаги Қовунчи-тепадан топиб ўрганилган бўлиб, фанда Қовунчи маданияти номи билан машҳур. Археологик топилмалар маълумотларига қараганда, бу маданият асосан Тошкент воҳаси, Сирдарё ўрта оқими, Еттисув ва Шимолий Фарғонада кенг тарқалган. Сирдарёning ўрта оқимида яшовчи халқларнинг Сўғдиёна, Фарғона ва Тян-шань тогининг шимоли-шарқий қисмида яшовчи халқлар билан яқин алоқада бўлганлиги туфайли Қовунчи маданияти анча тараққий этган.

Милодий V аср ўрталарига келиб қанғарлар еридаги ўтроқ ва қисман ўтроқ аҳоли Ўрта Осиёда янгидан ташкил топган Эфталитлар давлатига тобе бўлди.

Мил. авв. I минг йилликнинг сўнгги чорагида Ўрта Осиёning шимолий ва шимоли-шарқий худудларида ҳам қадимги (анттик) давлатлар ривожланади. Ҳусусан, мил. авв. II-I асрларга оид Хитой манбалари дехқончилик ва чорвачилик, айниқса, йилқичилик кенг ривожланган Да-ван (Да-юнь, Фарғона) давлати ҳакида маълумотлар беради. Тадқиқотчиларнинг фикрларига қараганда, Даван давлати маълум сиёсий уюшмани ташкил этган бўлиб, давлатни боши-қарувчи ҳукмдор манбаларда “ван” (подшо) унвони билан иш юритгани таъкидланади. Давлат ҳукмдори мамлакатнинг

сиёсий ва диний ҳаётида катта аҳамиятга эга бўлган оқсоқоллар кенгашига таяниб, иш кўрган. Оқсоқоллар уруш ва сулҳ тузиш масалаларини ҳал этишда иштирок этганлар, баъзан улар ҳукмдорнинг тақдирини ҳал этган.

Манбалар Даван давлатининг пойтахтлари — бош шаҳар Эрши ва иккинчи шаҳар Ючен ( давлатнинг шарқида) ҳақида маълумотлар беради. Тадқиқотчилар бош шаҳарни Марҳамат (Андижон вил.) ва иккинчи шаҳарни Шурабашот (Ўзганд воҳаси, Қирғизистон) ўрнида бўлган деб ҳисоблайдилар. Фарғона воҳаси худудида кўчиб юрган чорвадор ва кўчманчи қабилалар Даван тарихида муҳим аҳамиятга эга бўлган. Бу қабилалар учун Фарғона маданий ва ҳунармандчилик маркази ҳисобланган.

Мил. авв. II асрдан бошлаб, Қашгардан Даванга шимолий йўлдан карвон йўли бошланади. Бу йўлдан ипак ва бошқа маҳсулотларнинг ҳалқаро транзит савдоси амалга оша бошлайди. Бу пайтга келиб, Даван аҳолиси кўпая бошлайди ва мустаҳкамланган аҳоли манзилгоҳлари кўплаб пайдо бўлади. Савдо йўлида Даван муҳим аҳамиятга эга бўлиб боради. Тадқиқотчилар фикрича, Ясса ва Қорадарё воҳаларида кўпгина қалъалар савдо йўлини қўриклиш мақсадида барпо этилади.

Мил. авв. 125 йилда Даванга келган машҳур Хитой саёҳатчиси Чжан Цянъ Даванинг қишлоқ хўжалиги ҳақида маълумот бериб, шундай ёзади: “Ўтроқ аҳоли ер ҳайдайди, фалла ва шоли экади, уларда мусаллас навли узум, жуда кўплаб яхши отлар бор”. Бу маълумот қадимги Фарғонада деҳқончилик маданияти юқори даражада ривожланганлигини исботлайди. Хитойликларни, айниқса, ўзлари учун нотаниш бўлган беда ва узум ҳайратга солган. Манбада яна шундай маълумот бор: «Хитой элчиси уруг келтирди, шунда осмон фарзанди (Хитой императори) унумдор ерга беда ва узум экди».

Манбаларнинг гувоҳлик беришича, кўшни давлатлар, хусусан, Хитой императорлари Даван отларини ниҳоятда қадрлаган. Отлар ва Даванинг серунум ерлари учун мил. авв. II асрнинг охиrlарида Хитой ва Даван ўртасида

ҳарбий түқнашувлар ҳам бўлиб ўтган. Бу түқнашувларда даванликлар ўз мустақилликларини сақлаб қолишига мугаффақ бўлган.

Антик даврга оид археологик топилмалар дехқончиликдан ихтисослашган хунармандчилик ажralиб чиққандан далолат беради. Бу жараён, ўз навбатида, хунармандчилик ва тоғ-кон саноатининг (турли маъданлар қазиб олиш) янада ривожланиши учун кенг имконият яратди.

Хунармандчиликнинг ривожланиши ва қадимги йўлларнинг мавжудлиги туфайли Фаргона водийсида Шарқий Туркистон билан олиб борилган ташқи савдо билан бир қаторда, атрофдаги тоғ водийларида яшовчи чорвадорлар билан ҳам ўзаро алмашинув ривожланади. Антик давр Фаргона ёдгорликларининг айримларида Хитой танглари (у-ши) учраса ҳам маҳаллий танглар учрамайди. Бу ҳол натурал хўжалик (маҳсулот айирбошлаш) устунлигидан далолат беради.

Қадимги Хитой манбалари Бақтрияни юечжи қабилалари босиб олганлиги ҳақида маълумот беради. Мил. авв. II асрнинг иккинчи чорагида (тадқиқотчилар бу санани мил. авв. 172-161 йиллар оралиғида деб белгилайди) юечжилар хуннлардан маглубиятга учраганидан сўнг Ўрта Осиёning шимолий худудларида кучиб юрадилар. Бу қабилалар Хитой манбаларида “Да-юечжи” — “Буюк” ёки “Катта Юечжи” дейилади. Чжан Цзян маълумотларига кўра, юечжилар хунн қабилаларидан мағлубиятга учрагач, Ўрта Осиёning жануби томон ҳарақат қилиб, Даҳя (Бақтрия)ни босиб олади ва Гуйшуй (Амударё)нинг шимолий томонида жойлашади. Тўнгич Хан уйи тарихида ҳам юечжилар Гуйшуй дарёсининг шимолий томонида ўз пойтахтларига асос солганиклари таъкидланади.

Тадқиқотчиларнинг фикрларига қараганда, юечжилар мил. авв. 140-130 йиллар оралиғида Бақтрияга бостириб кирганлар. Орадан кўп ўтмай Бақтрияда Катта юечжи давлати ташкил топади. Кичик Хан уйи тарихи маълумотларига кўра, Катта юечжи ҳукмдорлари қўл остида

бечигта ҳокимлик (Хи-хэу) бўлиб, улар Хюми, Шаунми, Гуйшуан, Хисе ва Думилардан иборат эди. Хитой манбаларидан хулоса чиқарган қўпчилик тадқиқотчилар Бақтрия тарихидаги юечжи даврини уч босқичга бўлади:

1. Мил. авв. 139-125 йиллар — Катта юечжи Даҳя вилоятини босиб олади, аммо уларнинг асосий мулклари Амударёдан шимол томонда эди.

2. Мил. авв. 25 йилга қадар — Катта юечжи давлатининг шаклланиши ва ривожланиши. Давлатнинг пойтахти Амударёдан шимол томонда бўлиб, жанубий чегараси Гибин атрофларида (Кашмир ёки Қандаҳор) эди. Юечжилар бўйсундирган худудлар Хисе, Шаунми, Гуйшуан, Хюми, Думи мулкларидан иборат бўлиб, улар хиҳоу (ябгу) томонидан бошқарилган.

3. Мил. авв. 125 йилгача Катта юечжи давлатининг инқизози ва юқорида эслатилган мулкларнинг мустақил бўлиши. Кушон (Гуйшуан) ябғуси Қиоцзюю (Кужула Кадфиз) қолган тўртта мулкни бирлаштириб, Кушон давлатига асос солди.

Мил. авв. I асрнинг охири-мил. I асрнинг бошларига келиб, гуйшуан ҳокими Қиоцзюю барча мулкларни бирлаштириб, Қобулистон ва Қандаҳорни забт этади. Натижада, Кушон давлати ўз аҳамиятига кўра, антик давр Хитойдаги Хан давлати, Парфия подшолиги, Рим салтанати билан рақобатлаша оладиган қадимги дунёning энг қудратли ва забардаст давлатларидан бири сифатида ташкил топди. Хитой манбаларидаги “Гуйшуан ҳокими Қиоцзюю”, илк кушон даврига оид топилма тангаларда акс эттирилган “Кушон подшоси Кужула Кадфиз”га айнан мос тушади.

Тадқиқотлар шуни кўрсатадики, Кадфиз I ўз номини “ёбғу”дан “шоҳлар шоҳи” фахрий унвонигача кўтариб, тангалар зарб этади. Ўрта Осиё (кўпроқ Тожикистон)дан топилган тангаларда “шоҳлар шоҳи, буюк халоскор” деган ёзув кўпроқ учрайди. Олимларнинг фикрича, бу тангаларни Кадфиз I зарб этган.

Кужула Кадфиздан сўнг унинг ўғли Вима Кадфиз (Кадфиз II) таҳтга ўтиради. Кадфиз II давлатнинг иқтисодий аҳволини мустаҳкамлаш мақсадида пул ислоҳоти ўтказиб, олтин тангалар зарб этади. Шунингдек, Кадфиз II Ҳиндистоннинг бир қисмини Кушон давлатига қўшиб олади ва Рим салтанати билан алоқалар ўрнатади.

Кушон подшолари ичидаги машҳури Канишка ҳисобланади. Унинг ҳокимлик даврида Кушонлар салтанати юқори чўққига кўтарилади. Канишка даврида Панжоб, Кашимир вилоятлари мамлакатга қўшиб олинади. Айрим тадқиқотчиларнинг фикрича, давлатнинг пойтаҳти Далварзиндан (Сурхондарё), Пешовар (Афғонистон) атрофларига кўчирилади. Бу даврда (мил. II аср) мамлакатнинг худуди Шимолий Ҳиндистон, Афғонистон, Ўрта Осиёнинг жануби, Шарқий Туркистондан иборат эди. Сюань Цзяннинг ёзишича, “Канишка подшолик қилган даврда унинг шон-шуҳрати қўшни мамлакатларга ёйилди. Мамлакатнинг ҳарбий қудрати қўпчилик томонидан тан олинди. Хитойнинг гарб томонидагилар ҳам Канишканинг ҳокимиyatини тан олиб, унга ўзи гаровга қўйган одамларини юборар эдилар”.

Кушон даврига оид кўплаб очилган кўхна шаҳарлар бу пайтда шаҳарсозлик маданияти, айниқса, гуллаб-яшнаганлигидан далолат беради. Бу даврга оид дастлабки очилган кўхна шаҳарлардан бири Айртом кўхна шаҳри бўлиб, у Амударёнинг ўнг қирғофида, Термиздан 20 км шарқда жойлашган. Тадқиқотчилар фикрлари кўра, Айртом кўхна шаҳри мил. авв. II асрдан мил. III асрга қадар уч тарихий босқичда ривожланади. Булар: сўнгги грек-бақтрия даври, юечжи-кушон даври ва кушонлар даври. Айртомда олиб борилган узоқ йиллик (1932 йилда бошланган) тадқиқотлар натижасида Будда ибодатхоналари мажмуналари, қабристон, кўплаб ҳайкаллар, бақтрия ёзуви топилиб, ўрганилган.

Бу даврда Афросиёб кўхна шаҳри тузилишида ҳам ўзгаришлар бўлиб ўтади. Хусусан, милоднинг дастлабки асрларида бу кўхна шаҳар янгитдан девор билан ўраб олинади. Афросиёбдан топилган жуда кўплаб топилма-

лар ҳам айнан мана шу даврга оид. Аммо, ижтимоий-сиёсий ҳаётдаги ўзгаришлар туфайли IV-V асрларда кўхна шаҳар инқирозга учрайди.

Бу даврга оид йирик кўхна шаҳарлардан бири Далварзинтепадир. Кўхна шаҳар Сурхондарё вилоятининг Шўрчи тумани ҳудудида жойлашган. Умумий майдони 36 гектардан зиёд бўлган бу кўхна шаҳар узунлиги 2,5 км., қалинлиги 10 метр бўлган ҳимоя девори ва чуқур хандақ билан ўраб олинган. Деворларда ҳарбий мақсадларни кўзлаб маҳсус миноралар қурилган. Шаҳарнинг марказий қисмида бой шаҳарликларнинг маҳаллалари, жанубий қисмида эса хунармандлар яшайдиган кулолчилик маҳалласи жойлашган. Бу ердан топилган кўп сонли топилмалар нафақат маҳаллий усталар томонидан тайёрланган, балки Яқин ва Ўрта Шарқдаги турли вилоятлардан келтирилган буюмлардан иборат. Далварзинтепанинг шаҳар олди қисмида милоднинг I асрида бунёд этилган Будда ибодатхонаси қолдиқлари очилиб, ундан диний қарашлар билан боғлиқ кўплаб топилмалар топилган. Кўхна шаҳарнинг марказидан милодий II-III асрларга оид яна бир ибодатхона қолдиқлари очилган. Ушбу ибодатхонадан лой ва гипсдан ишланган Будда, Бодхисатваларнинг ҳайкаллари, хукмдор ва унга яқин кишиларнинг ҳайкалчалари топилган. Кўхна шаҳарда 11 та хумдон очилган бўлиб, булар бу ҳудудда сополсозлик ривожланганидан далолат беради. Узоқ йиллик археологик тадқиқотлар натижасида Далварзинтепа ўрнига Кушон давлатининг йирик кўхна шаҳри (дастлабки пойтахти) жойлашганлиги маълум бўлади.

Термиз шаҳридан 26 км. шимоли-ғарбда Зартепа кўхна шаҳри жойлашган. Кўхна шаҳар тўртбурчак шаклда (400x400) бўлиб, мустаҳкам ҳимоя деворлари билан ўралган. Кўхна шаҳар мил. авв. II-I асрлардан милодий III-V асрларга қадар мавжуд бўлган. Бу ердан топилган турли топилмалар шаҳар ҳаётининг гуллаб-яшнаганидан далолат беради.

Амударёning ўнг қирғоғи Сурхондарё вилоятининг Шўроб қишлоғи ёнида Кампиртепа кўхна шаҳри жой-

лашган. Бу ёдгорлик мил. авв. III — милодий III асрларга оид. Кўхна шаҳарнинг умумий майдони 4 гектар бўлиб, қалъа тураг жой иншоотларидан иборат. Ёдгорлик 5 метр қалинликдаги мустаҳкам ҳимоя девори ва чуқур хандақ билан ўраб олинган. Кўхна шаҳарнинг шимоли-ғарбий қисмида 0,5 гектар майдондан кўмиш маросимига оид ўнта иншоот (науслар) аниқланиб, улардан турли-туман то-пилмалар топилган.

Амударёning ўнг қирғозида Термиз шаҳридан 5 км. шимоли-ғарбда Эски Термиз ёдгорлиги жойлашган. Умумий майдони 500 гектардан иборат бу кўхна шаҳар мил. авв. IV-III асрларда пайдо бўлган. Мил. авв. III-II асрларда Эски Термиз ҳимоя деворлари билан ўралиб, марказида йирик қалъа бунёд этилади. Антик давр манбаларида “Тармит”, “Тармита” номи билан тилга олинган бу кўхна шаҳар Күшонлар даврига келиб, Шимолий Бақтрияниң маъмурий ва мафқуравий марказига айланади. Бу даврга оид Фаёзтепа, Коратепа каби йирик Будда ибодатхоналари очиб ўрганилган.

Кушон даври йирик кўхна шаҳарларидан яна бири машҳур ёдгорлик Холчаён ҳисобланади. Ушбу қўхна шаҳар Сурхондарё вилоятининг Денов шаҳри шимоли-шарқида жойлашган бўлиб, мил. авв. IV-III асрлардан мил. VII асрга қадар мавжуд бўлган. Ёдгорликнинг гуллаб-яшнаган даври Кушон даврига тўғри келади. Холчаёндан бу даврга оид йирик сарой иншоотлари, тураг жойлар очилган. Саройниң айвони ва бош зали деворлари суратлар билан безакланган. Сатҳидан эса “подшо Герай” авлодларига мансуб турли катталиктаги ҳайкаллар топилган.

Милодий III асрнинг биринчи ярмида, яъни, Васудева ва Канишка III ҳукмронлиги даврида Кушон подшо-лиги ҳокимиятида марказдан қочувчи кучлар мавқеи ошиб, улар ўзларини тобора мустақил ҳисоблай бошлияди. Иккинчи томондан эса, улар ўртасида ўзаро кураш авж олади. Бундан ташқари, Кушон давлатининг жануби-ғарбий ҳудудларида қудратли Сосонийлар давлати пайдо бўлади. III асрнинг иккинчи ярмидан бошлаб

Күшон давлатининг кўпгина ерлари Эрон Сосонийлари кўлига ўтади.

## **Буюк ипак йўли. Маданий хаёт**

Яқин ва Ўрта Шарқдаги турли ўлкалар ва тарихий-маданий вилоятларни боғлаб турувчи карвон йўллари тартиби ҳамда маданий, сиёсий, мафкуравий ва иқтисодий алоқалари илдизи неолит даври (мил. авв. VI-IV минг йилликлар) билан боғланади. Чунки айнан мана шу даврда Ўрта Осиёда илк дехқончилик маданияти пайдо бўлиб, янги ерлар аҳоли томонидан жадаллик билан ўзлаштириб борилади. Бу жараён бронза даврига келиб, янада кучаяди.

Мил. авв. III асрнинг охири — II асрларда халқаро аҳамият ва аниқ йўналишга эга бўлган савдо-транзит йўли шакллана бошлайди. Бу йўл XIX асрнинг иккинчи ярмида (1877й.) немис олими Фердинанд Паул Вильгельм Рихтгофен томонидан илк марта “Ипак йўли” деган ном олди, кейинчалик бутун дунё тадқиқотчилари томонидан “Буюк ипак йўли” деб эътироф этилди.

Буюк ипак йўлининг қисқача тарихига назар ташлайдиган бўлсак, Ханъ империясининг У-ди ҳукмронлиги даврида (мил. авв. 140-86 йй.) мамлакатнинг гарбий ҳудудига бўлган қизиқиши кучаяди. Хитойликлар бу ҳудудда уша даврда анча хавфли бўлган ҳарбий кучлар — хуннлар билан тўқнашади. Хуннларга қарши курашда иттифоқчилар топиш ва улар билан иттифоқ тузиш мақсадида император У-ди мил. авв. 138 йилда дипломат, саёхатчи ва савдогар Чжан Цянни Ўрта Осиёга жўнатади. Чжан Цян бир неча йил хуннлар қўлида асирикда бўлади ва мил. авв. 128-126 йилларда Фаргона (Даван)га келади. Даван ҳукмдорлари билан иттифоқ тузишда муваффакиятсизликка учраган Чжан Цян кўп қийинчиликлардан сўнг юртига қайтиб келади. Чжан Цян миссияси Хитой учун гарбий ўлкаларга чиқишида муҳим аҳамиятга эга бўлди. Кейинчалик Хитой императори билан Да-

ван ҳукмдорлари ўртасида қонли урушлар бўлиб ўтди. Бу урушларга асосий сабаб хитойликларни ҳайратга солган Даван “самовий отлари” эди.

Мил. авв. 111-105 йилларда император У-ди Парфия (Хитой манбаларида Аньси дейилади) подшоларига, Қанг ҳукмдорларига, кейин эса Бақтрия ерларига (Кушонлар) ўз элчиларини жўнатиб, улар билан дипломатик-савдо алоқаларини ўрнатади. Шу тариқа, мил. авв. II-I асрларда Шарқ билан Фарбни боғловчи Буюк ипак йўлига асос солинади. Ўз даврида ниҳоятда катта аҳамиятга эга бўлган бу йўлнинг дастлабки тармоғи Хитойдаги Сиань шаҳридан бошланиб, Шарқий Туркистон, Ўрта Осиё, Эрон, Месопотамия орқали Ўрта ер денгизигача чўзилган.

Хитойнинг Аноси шаҳрига келиб, Ипак йўли бир неча тармоқларга бўлиниб кетган. Хусусан, бир тармоқ Аноси-Хами-Қошгар орқали Қўқонга, ундан эса Тошкентга ўтган. Бу ердан Жиззах ва Самарқанд орқали Бухорога келган йўл Урганч орқали Гурьевга, у ердан Оқсарой орқали Қора денгиз бўйларига чиқкан. Яна бир тармоқ эса Дунхуан орқали Хўтанга, ундан Лоҳурга ўтиб кетган.

Ундан ташқари, Бухорога келган тармоқ иккига бўлинган. Бу тармоқнинг жанубий йўналиши Бухоро-Қарши-Фузор-Кеш-Термиз орқали Нишопурга ўтган ва Ҳирот орқали Ҳиндистонга ўтиб кетган. Нишопурдаги тармоқлардан бири Техрон-Қазвин-Ҳамадон-Бағдод-Палмира йўналиши бўйлаб Ўрта ер денизи бўйидаги Тир шаҳригача чўзилган. Умуман олганда, Ипак йўлининг жанубий тармоғи Ўзган орқали Ўшга ўтиб, Қува-Марғилон-Қўқон орқали Ҳўжанд, Самарқанд, Бухорога ўтган. Шимолий йўналиши эса Ҳазар хоқонлиги ва Булғор давлати орқали Киев Руси ва Европа мамлакатларига бориб, бу тармоқ VI асрдан бошлаб, ривожлана бошлаган. Ипак йўлининг асосий карvon йўлларидан ташқари ички савдо йўллари ҳам мавжуд эди.

Мил. авв. I минг йилликнинг охири-милодий I минг йилликнинг бошларига келиб, Тинч океанидан Атлантика

оқеанига қадар чўзилган улкан географик ҳудуд маданияти юксак ривожланган цивилизацияларнинг ягона тизимида бирлашади. Бу ҳудудда жойлашган давлатлар — Хитойдаги Ханъ салтанати, Күшон подшолиги, Қанғ давлати, Парфия давлати, Рим салтанатининг чегаралари бирбирига туташ эди. Ушбу забардаст салтанатлар ва цивилизациялар марказлари инсоният тарихида биринчи бўлиб “Буюк ипак йўли” деб номланувчи йўл билан боғланди. Умумий узунлиги 12 минг км. бўлиб, Хитойдан Ўрта ер дengизининг шимолий қирғоқларига қадар чўзилган бу йўл орқали қўпгина халқлар ва элатлар қўп томонлама муносабатлар ўрнатди. Подшоларнинг ўзаро элчилар юборишлари, бир-бирларига ҳар хил совғалар инъом этишлари аниъанага айланди. Шарқ билан Farb маданиятининг бирбирига таъсири кучайди. Ўша даврдаги қўплаб маданий ўхшашликлар ҳам шу туфайли юзага келди.

Агар географик харитага эътибор берадиган бўлсак, қадимги цивилизациялар тизимининг марказида Ўрта Осиё жойлашганини кузатишимиз мумкин. Айнан мана шу географик жойлашув туфайли Ўрта Осиёда муҳим этник жараёнлар (ҳинд-европа, ҳинд-эроний, туркларнинг кўчиши) бўлишига, маданиятларнинг ўзаро таъсир доираси фаоллашувига кенг имконият яратилди. Буюк ипак йўли бўйлаб кенг миқёсда савдо-сотиқ жараёнлари бўлиб ўтди, дипломатик шартномалар ҳамда ҳарбий иттифоқлар тузилди. Осиёнинг ичкариси ва Узоқ Шарққа ҳарфий ёзув ҳамда дунё динларининг (буддавийлик, христианлик, зардӯштийлик, моний, ислом) ёйилишида Ўрта Осиё халқлари улкан ҳисса қўшди. Буюк ипак йўли фаяқтаришни тараққий этишида улкан омил бўлиб хизмат қилган. 1987 йилда ЮНЕСКО БМТнинг бутунжаҳон декадаси доирасида маданий ривожланиш бўйича “Буюк ипак йўли — мулоқот йўли” дастурини қабул қилди. Ушбу дастурда Ўрта Осиё цивилизацияси тарихини ҳар томонлама

ва чуқур ўрганишга катта эътибор қаратилди. Ундан ташқари, бу дастурнинг асосий мақсади Шарқ ва Фарб ўртасидаги маданий ва иқтисодий алоқаларни янада мустаҳкамлаш, бу минтақаларда яшаётган халқларнинг ўзаро муносабатларини янада яхшилашдан иборат эди. 2000 йилга қадар мўлжалланган ушбу дастур асосида кўпгина экспедициялар (“Марко Поло изидан”, 1987, Истамбул-Пекин: “Денгиз” экспедицияси, 23.Х.90.-23.П.91; Хивада якунланган “Марказий Осиё республикалари бўйлаб”, 1991; “Кўчманчи маданиятлар йўналиши бўйлаб экспедиция”, 1992 июнь-август; “Европа ипак йўли”, 1995, Истамбул-Леон), кўплаб илмий-амалий халқаро анжуманлар (Самарқанд, 1990; Турку, Финляндия, 1993; Кипр, 1994; Бухоро, 1996; Боку, 1998) ўtkазилди.

Буюк ипак йўлини ўрганиш ва қайта тиклашга Ўзбекистон раҳбарияти ҳам алоҳида эътибор қаратмоқда. Чунончи, республикамиз ҳудудида уюштирилган экспедициялар натижасида кўпгина тарихий-маданий обидалар, миллий-маънавий бойлигимиз ҳамда анъаналаримиз ўрганилди, қадимги йўллар ва йўналишлар аниқланди. Самарқандда Марказий Осиё тадқиқотлари Халқаро институти очилиб, унинг асосий йўналишларидан бири Буюк ипак йўли ва унинг бўйларида жойлашган шаҳарларни ўрганишдир. 1997 йилнинг майида Ўзбекистон ҳам ўз ҳиссасини қўшган Машҳад-Сарахс, Сарахс-Машҳад темир йўли очилди. Бу билан Ўрта Осиё мамлакатлари Форс қўлтиғига, Европа халқлари эса Ўрта Осиёга темир йўл орқали чиқиши имкониятига эга бўлди. 1998 йил Боку шаҳридаги Буюк ипак йўлини қуруқлиқда Европадан Япониягача қайта тиклаш масалаларига бағишланган халқаро анжуман бўлиб ўтди. Европа-Кавказ-Осиёни транспорт йўли (ТРАСЕКА) қурилишида Ўзбекистон ҳам иштирок этмоқда, бу йўл бутун дунё иқтисодиётини юксалтиришига хизмат қилиши шубҳасиз. Антик давр Ўрта Осиё тарихида маданий ҳаётнинг кўп томонлама тараққий этганилиги билан изоҳланади. Бу давр бутун дунё халқлари

Тарихий-маданий ривожланишида бүлгани каби Ўрта Осиё ижтимоий ва маънавий ҳаётида диний мафкура катта аҳамиятга эга бўлди. Бу даврда Ўрта Осиёнинг асосий худудларида зардуштийлик ва буддавийлик динлари устунлик қилишига қарамай, улар билан қатор юонон динлари, монийлик ҳам ёйилган эди. Македониялик Искандар юришлари даври ва унинг ворислари (Салавкийлар, Юонон-Бақтрия) даврида Ўрта Осиё худудларига эллинизм маданияти кириб келди. Юонон динларининг кенг ёйилиши Юонон-Бақтрия даврига тұғри келса, Будда динининг кенг ёйилиб давлат дини даражасига күтарилиши Күшонлар даврига тұғри келади. Күшон даври охирларига келиб эса Моний дини ёйилади. Ўрта Осиёда мил. авв. II-I асрларга келиб, юонон-македонлар ҳукмронлиги тугаган бўлишига қарамай, эллинизм маданияти моддий ва бадиий маданиятда ўз аҳамиятини сақлаб қолди. Эллин худолари — Геракл, Гефест, Дионис, Афина кабиларга сифиниш кучлилігіча қолаверди. Бу худолар тасвирлари Күшон подшолари тангалари ва ҳайкалларда ўз аксини топган. Ундан ташқари, юонон алифбоси асосида ташкил топган бақтрия ғзуви ҳам сақланиб қолди. Күшон даври эллинизм маданиятига оид топилмалар Ўрта Осиёнинг кўпгина худудларидан топилган ва ўрганилган.

Ўрта Осиё халқларининг қадимги ва илк ўрта асрлар даври маънавий ҳаётида буддавийлик муҳим аҳамиятга эга бўлди. Дунё халқлари орасида кенг ёйилган бу дин мил. авв. VI асрда Ҳиндистонда пайдо бўлади. Мил. авв. III асрга келиб подшо Ашоки даврида буддавийлик кенг худудларни ўз ичига олган ҳинд подшолиги Маурьянинг давлат динига айланади. Кейинроқ эса Бақтрия, Сүғдиёна худудларига ёйилади. Айртом, Далварзинтепа, Қоратепа, Фаёзтепа каби ёдгорликлардан топилган топилмалар буддавийлик дастлаб Шимолий Бақтрия худудларига ёйилганидан далолат берса, Хитой ёзма манбалари Ўрта Осиёнинг Парфия, Бақтрия, Сүғд вилоятларида ҳам буддавийлик ёйилганлигини тасдиқлайди. Антик давр охирларида кенг тарқалган динлардан яна бири монийлик дини-

дир. Тадқиқотчиларнинг фикрича, бу диннинг асосчиси ва пайғамбари бўлган Моний милодий 216 йилда Жанубий Бобилда туғилади. Моний эътиқод фаолиятини Ардашер ҳукмронлиги (227-241.) даврида бошлади. Кейинроқ эса Шопур I даврида Сосонийларнинг марказий шаҳарларидан бири Ктесифон шаҳрида ўз таълимотини тарғиб қилиш ҳуқуқини олади. Монийлик дини ахолининг камбағал ва ўрта табақаларини кенг жалб этган “Ким бой бўлса, ўша қашшоқ бўлади, садақа сўрайди ва катта ғамаламни бошидан ўтказади” деган ижтимоий шиорни илгари сурди.

Зўр бериб ташвиқот қилиниши натижасида монийлик дини ҳали Моний ҳаётлик вақтидаёқ нафақат Эрон, балки, Месопотамия, Кичик Осиё, Рим, Шарқ ва Ўрта Осиё худудларига ҳам ёйилди. Монийнинг ўзи шундай таъкидлар эди: “Менинг диним ҳар бир давлатга ва ҳар қандай тилда тушунарли бўлади ва узоқ ўлкаларга ёйилади”. Моний таълимоти Эрондаги ҳукмрон доиралар ва зардӯштийлик коҳинлар орасида қаттиқ норозиликларга сабаб бўлганлиги туфайли подшо Варахрон I даврида (273-276 йй.) Моний зинданбанд қилиб, қатл этилади. Унинг тарафдорлари қувгин остига олинганидан сўнг, катта қисми Ўрта Осиё худудларига кўчиб ўтади. Бу ҳақда араб тарихчиси Ан-Надим маълумот беради. Кейинроқ монийлик таълимоти Ўрта Осиёда кенг ёйилади. Унинг марказлари Марв, Самарқанд ва Чаганиён эди. Юқорида айтиб ўтганимиздек, ўлкамиз худудида кўплаб антик давр ибодатхоналари очиб ўрганилган. Асосан күшон даврига оид бўлган бу ибодатхоналар режавий тузилиши жиҳатдан турлича бўлиб, улардаги топилмалар орасида турли катталиқдаги ҳайкаллар кўп эди. Ушбу ҳайкал ва ҳайкалчалар турли динларнинг турли-туман худолари, маъбудалари билан боғлиқ. Ўрта Осиё ҳалқларининг маданий ҳаётдаги энг катта ютуқларидан бири мил. авв. VI-II асрларда оромий ёзуви асосида Хоразм, Парфия, Сўғд, кейинроқ эса Күшон (Бақтрия) ёзувининг ажralиб чиқишидир.

## **Такрорлаш учун саволлар**

1. «Антик давр» деганда нимани тушунасиз?
2. Салавкийлар ва Юнон-Бақтрия давлатлари хақида гапириб беринг.
3. Аршакийлар даврида Парфия давлати тараққиётининг асосий сабаблари нималарда кўринади?
4. Фарғонадаги Даван давлати тўғрисидаги ёзма маълумотлар дастлаб қайси халқлар томонидан берилган?
5. Қанғ давлати қайси ҳудудларни ўз ичига олган эди?
6. Кушонлар давлати қайси ҳукмдор даврида юксак ривожланди?
7. Буюк ипак йўлиниң халқаро иқтисодий-маданий алоқалар ривожидаги ахамияти нималарда кўринади?

## **Адабиётлар**

1. Каримов И.А. Тарихий хотирасиз келажак йўқ. -Т.: “Ўзбекистон”, 1998.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ўзбекистон Конституцияси — биз учун демократик тараққиёт йўлида фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганинг 17 йиллигига бағишиланган тантанали маросимдаги маъруза. //Халқ сўзи, 2009 йил 6 декабрь.
4. Аҳмедов Б.А. Ўзбекистон халқлари тарихи манбалари. -Т.: “Ўқитувчи”, 1991.
5. Сагдуллаев А.С. ва бошқалар. Ўзбекистон тарихи: давлат ва жамият тараққиёти. -Т.: “Шарқ”, 2000.
6. Сагдуллаев А.С. Қадимги Ўрта Осиё тарихи -Т.: “Университет”, 2004.
7. Мавлонов Ў. Марказий Осиёning қадимги йўллари. -Т.: “Akademiya”, 2008.
8. Тарих, мустақиллик, миллий ғоя (Республика илмий-назарий анжуман материаллари). -Т.: “Академия”, 2001.
9. Муаллифлар жамоаси. Ўзбекистон тарихи. -Т.: “Университет”, 2003.
10. Ўзбек халқи давлатчилиги тарихи концепцияси. Лойиҳа. // Ўзбекистон тарихи. 1999 йил, 1-сон.

11. Шониёзов К.Ш. Қанғ давлати ва қанғлилар. -Т.: “Фан”, 1990.
12. Қадимги Ўрта Осиё тарихидан лавҳалар. -Т.: Fan va texnologiya, 2008.
13. Ртвеладзе Э.В. Александр Македонский в Бактрии и Согдиане. -Т.: Media Land, 2002.
14. Сагдуллаев А.С. Поход Александра Македонского в Согдиану. -Т.: Media Land, 2007.
15. Эшов Б. Ўрта Осиёнинг қадимги шаҳарлари тарихи. -Т.: Fan va texnologiya, 2008.
16. История государственности Узбекистана. -Т.: “Ўзбекистон.”, 2009.

## **З-мавзу. Илк ўрта асрларда ўзбек давлатчилиги: эфталитлар ҳамда Турк хоқонлигига ижтимоий-сиёсий, иқтисодий ва маданий ҳаёт**

### **Кидарийлар, хионийлар, эфталитларнинг хокими-ягта келиши ва сосонийлар билан муносабатлари**

Бу давр кўчманчи қабилаларнинг кириб келиши, қабилалар иттифоқи (конфедерация)нинг юзага келиши, янги сиёсий кучларнинг пайдо бўлиши билан изоҳланади. Шундай кучлардан бири — кидарийлар хусусидаги асосий маълумотлар Хитойнинг Бэйши солномасида, Фарб тарихчиларидан бири Приск Панийский маълумотларида учрайди. Бу маълумотларга кўра, кидарийларнинг юечжилар ҳукмдори Цидоло ёки тадқиқотчилар фикрича, Кидар (баъзан “Кидара”) IV асрда ҳукмронлик қилган.

Кидарийлар ва хионийлар тўғрисидаги асосий маълумотлар Хитойнинг Бейши солномасида Фарб тарихчиларидан Аммиан Марцеллин, Прокопий Кесарский, Приск Панийский маълумотларида, Ўрта аср арман тарихчиси Егише Вардапет, шунингдек, XX аср хориж олимларидан И.Маркварт, М.Мартин, А.Гиршман, К.Еноки, А.Бивар ва бошқаларнинг тадқиқотларида ҳам учрайди.

Япониялик тадқиқотчи К. Еноки брахмий ёзувидағи “Кидара Кушон ша” деб ёзилган тангаларни тадқиқ қилган. Бу тангалар тахминан 390-430 йилларга мансуб бўлиб, хинд тадқиқотчиси А. Биварнинг хулосасига кўра, бу тангалар 2 та ҳоким томонидан бир вактда зарб этилган. К.Енокининг фикрича, кидарийлар Тоҳаристон ва Гандхарни 412-437 йиллар оралиғида бирлаштирган.

Кидарийлар мавзуси нисбатан кам ўрганилган ва тадқиқотлар давом эттирилиши керак бўлган масаладир. Чунки юқоридаги маълумотлар (жумладан, Бэйши) бошка манбаларда тилга олинмайди. 456 йилда Ҳиндистонга кетиб, Гупта давлатини босиб олганларидан кейин кидарийлар тўғрисидаги маълумотлар ҳам деярли йўқ. Факатгина улар Ҳиндистонда 75 йил ҳукмронлик қилганлари, 477 йил Гандхардан Хитойга элчилар юборганлари

маълум, холос. Баъзи тадқиқотчилар уларни Шарқий Туркистондан кириб келган күшонлар қолдиги дейишади. Шунингдек, кидарийларнинг Ўрта Осиёning жанубида хионийлар билан бирга иттифоқчилиги ҳамда уларнинг Эронга қарши биргаликдаги ҳаракатлари тўғрисида ҳам турлича тахмин ва фикрлар мавжуд.

IV аср ўрталарида Турон ўлкасига шимолдан кўчманчи хион қабилаларининг ҳужуми бошланади. Тарихда улар хионит ёки хионийлар номи билан танилган. Хионийларнинг 353 йили Сўғдга юриш қиласлари маълум. Хионийлар хукмдори ўрта ёшлардаги тадбиркор ва ақлли давлат арбоби Грумбат исмли шахс бўлган. 359 йили хионийлар ўз иттифоқчилик бурчларига кўра, Шопур II билан Сурияning Амида (Умда) шаҳри учун бўлган жангда қатнашишади. Бу жангда Грумбатнинг ўғли ҳалок бўлади.

IV асрнинг 60-70 йилларида Эрон билан муносабатлар янада кескинлашади, Эрон шоҳи Шопур II хионийлар билан жангда икки марта енгилади. Бу курашда хионийлар кидорийлар билан иттифоқчиликда бўлган бўлишлари ҳам эҳтимолдан холи эмас. Бу даврда Сирдарё бўйидан Амударёгача чўзилган худуд хионийлар таъсири остида бўлган.

Эфталитлар тарихига оид асосий маълумотлар ўрта асрдаги византиялик тарихчилар, Рим, Сурия ва арман тарихчилари асарлари, Хитой солномаларида, Эрон адабий муҳитидаги «Ёдгор Зарерон», «Бахман Яшта» асарларида, араб тарихчилари ан-Деноварий ва ат-Табарий китобларида, Фирдавсийнинг «Шоҳнома» достони ва бошқаларда учрайди.

Ушбу манбаларнинг маълумот бернича, ўша даврда эфталитлар билан Эрон сосонийлари ўртасида бир неча марта тўқнашувлар бўлиб ўтади. Биринчи тўқнашув V асрнинг 30-йилларида бўлган эди. Арман тарихчиси Вардапетнинг маълумотига кўра, V асрнинг 50-йилларига келиб, эфталитлар конфедерацияси кучайиб кетади. 456 йилда эфталитлар ўз элчиларини Хитойга жўнатади. Эфталитлар жанубга қараб силжийди, уларнинг Эрон билан муносабатлари кескинлашиб боради. Сосонийлар билан ҳал қилувчи курашлар даври шоҳ Пероз (Феруз) дав-

рига (459-484 йй.) тұғри келади. Тахминан 457 йили Вахшунвор (Ахшунвор) Эфталон бошчилигидаги эфталитлар Чагониён (Сурхондарё вил. Термиз шаҳридан шимолдаги ерлар), Тоҳаристон, Бадахшонда үз ҳокимиятини ўрнатади.

459 йилда Эрон таҳтига Пероз чиқади. Манбаларда Перознинг ҳокимиятга келиши эфталитлар билан боғлиқ равишда баён қилинади. Пероз эфталитларнинг кучайиб боришини вақтинчалик деб билиб, улар кучидан Эрон таҳтига келиш учун фойдаланган бўлиши мумкин. Аммо, эфталитлар қудрати ошиб, улар сосонийларга ҳам қарши туришларини анлаган Пероз эфталитларга қарши жангга киради. Бу жанглар натижасида Пероз мағлубиятга учради, сосонийлар қудратига улар томонидан чек қўйилди. Эроннинг үзида бу вақтга келиб, ички сиёсий аҳвол кескинлашиб кетган эди. Оғир иқтисодий аҳвол, кулчиликнинг емирилиши, солиқларнинг ўсиши, қуи табақаларнинг қашшоқланиши, урушдан қейинги хонавайронликлар натижасида бу ҳудудларда норозилик ҳаракатлари бошланиб кетади. Халқ ғалаёнлари диний тус олиб, кенг тарқалади.

Маздак Ҳамдадон (470-529) зардӯштийликнинг асл ғояларини ҳаётга татбиқ қилмоқчи бўлиб, үз ҳаракат мағкурасини яратди. Маздакнинг таълимотича, кишилар бу дунёнинг неъматларидан тенг фойдаланишлари лозим. Унинг фикрича, жамоа ҳукуқларини тиклаш, ерсув, мол-мулкка баробар эгалик қилиб, ҳамманинг үзаро тенглигига эришиш лозим эди. Маздак таълимоти асосида уч “з”лик — “зан”, “зар”, “замин” тенглиги ғояси ётар эди. Маздак тарафдорларининг сони Эронда жуда кўпайиб кетди.

Маздакийлар ҳаракати ниҳоятда кучайиб кетгач, Кубодшоҳнинг (488-531) үзи у билан ҳисоблашишга мажбур бўлди. Кубод Маздак тарафига ўтиб, уни Эроннинг бош коҳини этиб тайинлади. Маздак ҳокимиятни үз қўлига олгач, унинг тарафдорлари Кубодни 496 йилда таҳтдан

ағдариб, зинданга ташлайди. Унинг ўрнига укаси тахтга чиқади. Кубод зиндандан қочиб, эфталитлар даргоҳидан паноҳ топади. У ёшлигиданоқ эфталитлар орасида ўсган ва эфталитлар ҳукмдорининг синглисига уйланган эди. Кубод эфталитлардан етарлича ҳарбий ёрдам олиб, 499 йили Эронга юриш қиласи. Чегарага етган пайтда, укаси буни эшитиб, тахтни ташлаб қочади. Кубод шоҳ I тахтга яна ўтирганидан сўнг, маздакийликка қарши аввал махфий, кейинчалик ошкора кураш олиб боради. 529 йилда Маздак қатл эттирилиб, унинг тарафдорларига қарши аёвсиз кураш олиб борилади. Кубоднинг ўғли Хусров I Анушервон (531-579) даврида ислоҳотлар ўтказилиши билан маздакийлар ҳаракатига чек қўйилади.

Эфталитлар Тоҳаристон, Бадаҳшон, Сўғд, Шарқий, Туркистон ва Ўрта Осиёнинг баъзи ерларини бирлаштириди. Хитой муаллифи тили билан айтганда, “Конгюст (Хоразм, Сўғд, Шош), Хутан, Шалэ (Қашқар), Анси (Парфия) ва ўттизга яқин бошқа катта-кичик вилоятлар эфталитлар ҳукмдорига қарам бўлди”. V асрнинг 2-ярмида Гандҳар, кейинчалик шимолий Ҳиндистоннинг баъзи худудларини, Кобул ва Панжоб водийларини ҳам эфталитлар истило қилдилар. Шимолий Ҳиндистонда аввал Тўрамон, сўнгра унинг ўғли Мехиракула эфталитлар давлатини ташкил этди.

Кубодшоҳ эфталитлар билан деярли тинч-тотув яшади. У 502-506 йилларда улар билан иттифоқчиликда Византияга қарши юришларда иштирок этди. Эфталитлар Ўрта Осиё, Шарқий Туркистон, Шимолий Ҳиндистон, Шарқий Эронни бирлаштирган улкан давлатга асос соладилар. Эфталитлар давлати давридаги ижтимоий-иктисодий муносабатлар ер эгалиги муносабатларининг шаклланиши билан изоҳланиб, бу даврдаги ижтимоий-иктисодий, маданий ҳаёт ҳам ўзига хослиги билан ажralиб туради.

## Эфталитлар ҳукмронлиги даврида ижтимоий-иктисодий ва маданий ҳаёт

Илк ўрта асрлардаги Хитой манбаларида эфталитларнинг кўчманчи қабила эканлиги, уларда шаҳарлар йўқлиги, ўзлари ўтлоқларда яшаганлари маълум бўлади.

Уларнинг бир қисми кўчманчи чорвадор бўлса, иккинчи қисми шаҳар ва қишлоқларда яшайдиган ўтроқ аҳоли бўлган. Тоҳаристон ва Сўғдда дехқончилик ва боғдорчилик ривож топган. Қашқадарё ва Зарафшон водийларида фалладан ташқари шоли ҳам етиширилган, V-VI асрларда Шарқий Туркистон ва Ўрта Осиё ерларида пахта экилган. Ўрта Осиё пахта толаси Хитойда ҳам машхур бўлган. Тог ва тоголди аҳолиси йилқичилик билан шугулланган. Фарғона водийсида зотдор армуғонлар кўпайтирилган. Янги ер эгалиги муносабатлари таркиб топиши билан суғориладиган ер майдонларининг қисми мулкдор зодагон табақа вакиллари-“дехқонлар” қўлида тўплана бошланган эди. Бунинг натижасида қишлоқ жамоасининг эркин қўшчилари маълум даражада зодагон дехқонлар асоратига тушиб, уларга қарам кадиварларга айланиб боради. Обикор ерларнинг бир қисми ибодатхоналар мулки ҳисобланган. Бундай ерлар “вагнзе” деб юритилган. Яйловларнинг асосий қисми оқсоқол зодагонлар қўлида бўлган.

V-VI асрларда дехқончилик воҳаларида эфталитларнинг ўтроқлашуви кучаяди. Бунинг оқибатида обикор ерларга эҳтиёж ортади. Кичик-кичик суғориш каналлари қазилиб, минглаб гектар янги ер майдонлари ўзлаштирилади. Суғориш техникаси такомиллашади, шоҳариқлар суғориш тармоқларига айланади. Ҳозирги кундаги Захариқ, Бўзсув, Дарғом каналлари V асрда барпо этилган энг иирик суғориш тармоқлариидир.

Янги ўзлаштирилган ерларда зодагон дехқонларнинг катта-катта хом гиштдан урилган ҳамда мустаҳкам асос (фундамент) устига қурилган қўрғонлари, истеҳкомлари юзага кела бошлаган. Истеҳкомларнинг тўртта бурчаги ба-

ланд миноралар билан мустаҳкамланиб, девору йүллари бир неча қатор камондан ўқ узгич нишон туйнуклари билан қурилган. Қалин мудофаали қўргонлар илк ўрта асрнинг ўзига хос меъморчилик намуналари бўлиб, Наҳшаб воҳасидаги Заҳоки-Морон қалъаси, Бухородаги Шаҳри Вайрон, Хоразмдаги Фир қалъаси шулар жумласидан. Воҳаларни ташки душмандан ҳимоя қилиш мақсадида бир неча чакирим узунликдаги қалин деворлар барпо этилган. Самарқанд воҳасидаги 12 та дарвозага эга бўлган “Девори қиёмат”, Бухоро воҳасидаги 336 километрли “Кампиррак”, Тошкент воҳасидаги “Кампирдевор” истеҳком деворлари шулар жумласидан.

Эфталитлар даврида ҳунармандчилик ҳам равнақ топган. Айникса, кулолчилик, шишасозлик, чилангарлик, бўзчилик, заргарлик, қуролсозлик ривожланган. Чочда ясалган ўқ ва ёй “камони чочий” номи билан машҳур бўлган. Катта-кичик шаҳарлар, Зарафшон воҳасида Риводод, Кушония, Хариман, Арқуд, Ромитон, Варахша, Пойканд каби савдо ҳунармандчилик шаҳарлари кўпайган. Айрим маълумотларга кўра, Пойканд шаҳри эфталитларнинг пойтахти бўлган (хитойликлар уни “Би” деб, араблар “Мадинат-ут-тужжор” деб аташган). Пойканд шаҳри зирҳли пўлат қуроллар ишлаб чиқариш билан ҳам машҳур бўлган. Шунингдек, шу даврда рангли ойналар ишлаб чиқариш ҳам ривожланган. Эфталитлар халқаро савдо соҳасида Эрон, Византия, Ҳиндистон, Хитой билан савдо-сотик муносабатларини олиб боришиган.

Эфталитлар “Ипак йўли” савдо йўлини назоратда тутишга ҳаракат қиласиганлар. Ипак йўли савдосида, умуман, савдогарлар ораси сўғдийлар етакчи ўринни эгаллашган. Бу пайтда Ўрта Осиёдан олтин, кумуш, Бадахшон лаълиси, рангли шиша ва шиша буюмлар, турли мевалар, ип-газлама, қоракўл, зотдор тулпорлар олиб чиқилиб, савдо қилинган.

Эфталитлар сосонийлардан бўлган Варахран V ва Перознинг кумуш тангаларидан ўзаро савдо-сотикда фойдаланишган. Кейинчалик эфталитлар Эрон шохи Варах-

ран V Бахромгур тангаларига тақлид қилган ҳолда кумуш тангалар зарб қилди. Бундан ташқари, Бухоро, Пойканд, Самарқанд, Хоразмдаги маҳаллий ҳокимлар томонидан чиқарилган чақа тангалар ички савдода кенг муоммалада бўлган.

V-VI асрларда диний эътиқод ва тасаввур билан узий боғлиқ бўлган тасвирий санъат-коропластика-маъбудаларнинг сопол ҳайкалчаларини ясаш ва уларга тошиниш кенг ёйилади. Сопол ҳайкалчалар худудларга кўра турлича бўлиб, кийим-кечаклари, юз кўринишлари, тақинчоқлари жиҳатидан бир-биридан фарқланган.

Улкан ҳудуддаги эфталитлар давлати жуда кўп халқларни бирлаштиргани сабабли уларда диний эътиқодлар ҳам турлича бўлган. Сўнгда зардӯштийлик кенг тарқалган бўлса, Тоҳаристон ва Шарқий Туркистонда буддизмга эътиқод қилувчилар кўпчиликни ташкил этган. Шаҳарларда христиан ва яҳудий жамоалари ҳам мавжуд эди. Монийлик ва Маздак таълимоти тарафдорлари ҳам пайдо бўлган. Зардӯшлар Ноҳид, Митра, Сиёвуш каби маҳаллий маъбудаларга ҳам сифинган. Наврӯз куни Бухоро оташпарастлари Сиёвуш қабри устида ҳуроз сўйиб, қурбонлик қилишган. Жанубда буддизмнинг таъсири кўпроқ бўлган.

Чорвадор аҳоли туркийча сўзлашар, туркий тил тобора кўпроқ ёйила бошлаган. Ўтроқ аҳолининг каттақисми сўғдий тилида сўзлашган. Сўғдий тили ва ёзуви Еттисув, Фарғонадан ўтиб, Шарқий Туркистонга қадар етиб боради. Унинг хусусий сўғд — “Самарқанд усули” кенг ёйилган. Бундан ташқари, хоразм, кхароштий, бухоро ёзувлари ҳам мавжуд бўлган. Эфталитлар ёзуви бақтрия ёзуви асосида пайдо бўлган. Сюань Цзанинг ёзишича, у 25 та ҳарфдан иборат бўлиб, хат чапдан ўнгга қараб кўндалангига ёзилган. Бундай ёзув намуналари Зангтепа, Қоратепа, Афросиёб харобаларидан, Кофирқалъадан топилган.

## Турк хоқонлиги даврида Ўрта Осиё

Турк хоқонлиги тарихи юзасидан муҳим манбалар ва маълумотлар Ўрхун-Енисей руний ёзувларида, Хитойнинг «Тан хонадони тарихи» (VII-IX асрлар) манбасида, VI аср охирида яшаган византиялик тарихчилар Менандр Протектор, Феофан Византийский, суриялик тарихчи Ионна Эфесскийлар асарларида учрайди. Шунингдек, бу ҳақдаги маълумотлар араб тарихчилари ат-Табарий, ан-Деноварий (IX-X асрлар), ўлкамиз алломаларидан Беруний, Наршахий, Қошғарий, Югнакий, Юсуф Ҳос Ҳожиб асарларида ҳам учрайди. Туркий хоқонлик тарихи юзасидан Л.Гумилев, П.Пельо, Ў.Сулайманов, Н.Раҳмонов ва бошқаларнинг XX асрда яратган тадқиқотлари алоҳида эътиборга сазовор.

“Алпомиш”, “Гўруғли”, “Манас”, “Дада Қўрқут” каби умумтуркий халқ достонлари, ўрта асрлардаги Маҳмуд Қошғарий, Аҳмад Югнакий, Юсуф Ҳос Ҳожиб ва бошқалар асарларида туркий маданият, адабиёт, тарих тўғрисида турли қимматли маълумотлар келтирилади.

Хитой манбалари туркийлар “Хун” номи остида эрамизнинг 92 йилида Олтой этакларига келиб ўрнашганлиги ва бу ердаги жужанлардан рухсат олиб, улар учун темир қазиб чиқаришни бошлаганлари ҳақида маълумот беради. Бу уруғ аввал бошда Ашина уруғи номи билан аталган. Хитойлар Ашин қабиласини “Тукю” деб, хитойча “Ашина” деб ҳам юритган. П. Пельо бу сўзни “Туркют” (яъни, туркийлар) деб изоҳлаган. “Турк” атамаси кучли, бақувват деган маънени англатиб, бўри хитойликларда “шоно”, “гино” деб ҳам юритилган. “А” қўшимчаси эса Хитойда ҳурмат белгиси ҳисобланган. Бошқа бир фикрга кўра, турк сўзи Олтой тоғларига нисбат қилиниб, “дубулға” деган маънени берган. Аввал бир уруғга берилган “турк” атамаси кейинчалик уларга яқин бўлган барча қабила-уруғларга ҳам умумий ном сифатида ишлатилган.

Ашина уруғидан бўлган Асан (Асян), Шад, Туу (460-

545)лар туркий қабилалар иттифоқига асос солади. Туунинг ўғли Бумин (бу туркча номи, хитойча Тумин) теле қабиласини ўзига бўйсундиради. Анча мустаҳкамланган туркий қабилалар иттифоқи ўzlари қарам бўлган жужанлардан халос бўлиш йўлини қидиришади. 545 йил Фарбий Вэй императори Вань-ди Ашин уруги бошлифи Буминга дўстона муносабат ўрнатиш учун элчи юборади. Фарбий Вэй давлатининг асосчилари асли туркий қабилалардан бўлиб (386-558), Хитойнинг шимолида ўз давлатини барпо қилиб, бутунлай хитойлашиб кетган эди. Туркийлар уларни Тўба ёки Табғач давлати деб юритган. Манбаларда берилишича, Бумин Вэй давлати билан иттифоқдош бўлиб, улардан жужанларга қарши курашда ёрдам олиши мумкинлигига умид қиласди. Бумин жужан хони Айнағайга унинг қизига уйланмоқлиги тўғрисида совчи юборади. Бу тақлиф Бумин томонидан низо чиқиши учун атайлаб қилинган бўлиб, Айнағай Буминга: “Ха, темир эритувчим, менга бундай тақлифни киритишга қандай журъат этдинг?” деб жавоб беради. Бу ҳолат икки ўргада жанг бошланишига баҳона бўлади. Бумин шу жавобдан сўнг курашни бошлаб юборади ва 551 йили Марказий Осиёдаги энг кучли жужанлар хонини мағлуб этади. Ўша йили Бумин янги давлат — Туркий хоқонликка (551-744) асос солади.

Бумин Или дарёси бўйида ҳукмдор деб эълон қилиниб, “Илихон” деган унвонни олади. Туркийлар ҳукмдори ўзини хоқон (туркча-қаған) деб юрита бошлайди. Олтойдаги Ўтукан шахри Турк хоқонлигининг пойтахти қилиб белгиланади. Бумин ўз укаси Истемига (Истеми-туркча, Сэдими-хитойча, Синжибу-арабча, Стемби-хаган юончча) биринчи саркарда, давлатнинг биринчи амалдори унвонига тўғри келувчи “Ябгу” (баҳодир) унвонини бериб, у билан биргаликда ўз давлатини кенгайтириш пайига тушди. Истеми кўпроқ фарбий йўналишга бошчилик қилиб, тез орада Шарқий Туркистондаги нушиби, туркаш, дули қабилаларини ўзига бўйсундиради. 552 йилнинг охирида Бумин хоқон вафот этди. Шундан сўнг тахтга Дянгу Кора Иссиқ

хон ўтиради. У жужанларнинг бош кўтарганлигига қарши қурашиб, уларнинг раҳбари Дин тор-мор қилинади. Тез орада Қора Иссик хон ҳам вафот этади. Шундан сўнг унинг укаси Муқан хон “Кушу” унвони билан (554-572) тахтга ўтиради. Муқан хон ҳукмронлиги даври Турк хоқонлигини энг қудратли паллага олиб кирди. 554 йил Муқан Шарққа юриш қилиб, Узок Шарқ үлкаларни ўзига бўйсундирди ва Тинч океани қирғоқларига чиқади. Шундан сўнг, у Ўрхун, Тұғла, Селенга дарёлари бўйларидаги қабилаларни, Енисей дарёси бўйидаги қирғизларни, Байкал атрофидаги уйғурларни ўзига бўйсундиради.

Тинч океани соҳилидан то Қора денгиз соҳилигача чўзилган бу улкан давлат VI асрнинг 2-ярмида Эронга қарши ҳарбий ҳаракатларни бошлаб юборади. Истеми Хисрав I Ашшервон қўшинларини тор-мор қилиб, Эроннинг шимолига бостириб киради. Туркийлар эфталийларнинг Эронга ўтиб қолган ерларини яна ўз қўлига қайтариб олади. Эрон тинчлик сулҳига келишиб, хар йили 40.000 Византия тилласи тўлаш мажбуриятини олади. Сўнгра Эрон билан Византия ўртасида уруш бошланиб, сосонийлар давлати ночор аҳволга тушиб қолади.

576 йили Муқан хоқон ва Истеми ябгуларнинг вафотидан сўнг Турк хоқонлигининг таъсири анча заифлаша боштайди. Эрон саркардаси Баҳром Чубин туркийларнинг Чур Баға хоқон қўмондонлигидаги 300.000 кишилик қўшинни тор-мор қиласди. Чур Баға жангда ҳалок бўлади. Баҳром Чубин Бухоро яқинидаги Пойкенд шаҳрига бостириб кириб, хоқоннинг ўғли Бармуда Тегинни асирга олади ва хоқон хазинасини Эрон шоҳига юборади.

Муқан хоқон вафотидан (576 й.) сўнг, тахтга унинг укаси Арслон Тўба ўтиреди. Арслон Тўба қўлида 8 та вилоят бўлиб, улар ўзаро чиқиша олмас эди. VI асрнинг иккинчи ярмига келиб, туркий хоқонлар ва шаҳзодалари ўртасида тож-тахт учун гоҳ ошкора, гоҳ яширин қураш бошланаиди. Иқтисодий таназзул бошлананаётган бир пайтда туркий шаҳзода Аброй бошчилигига ҳалқ ҳаракати бўлиб

Үтди. Абруй ҳаракати түғрисида тұлиқ маълумотлар сакланып қолмаган. Хусусан, Абдурахмон Мұхаммад Нишопурийнинг (XI аср) “Хазинат-ал-улум” асаридағи бу мәсалага бағищланған парча Наршахийнинг “Тарихи Бухоро” асарига киритилған. Унинг маълумотига күра, Абруйнинг қароргоҳи Пойкендда бўлиб, у бой зодагонлар ва савдогарлар устидан қаттиқ назорат ўрнатган. Бунга чидай олмаган зодагонлар Туркистан томонга йўл олишган. Абруй атрофида эса қашшоқ дәхқонлар гуруҳи йиғилиша борган.

Зодагонлар Туркистан томонда ўз раҳбарлари Ҳамук номига бағищлаб, Ҳамукат шаҳрини қуриб, туркий хоқон Қора Чуриндан ёрдам сўрайди. Хоқон ўз ўғли Шири-Кишварни исёнчиларга қарши юбориб, бу ҳаракатни шафқатсиз бостиради. Шири-Кишвар Абруйни тутиб, уни асалари тўла қопга тиқиб, ўлдиришни буюради Ўзи эса Бухоро воҳасининг ноibi бўлиб, қочиб кетган зодагонларни орқага қайтариш чораларини кўради.

Мутгасил урушлар, таҳт талашишлар мамлакатни парчаланиб, маънавий-иқтисодий инқироз ҳолатига олиб келди. Хусусан, 582-603 йиллардаги ўзаро урушлардан сўнг 603 йил хоқонлик тўла мустақил икки қисмга: Шарқий ва Фарбий қисмларга ажралди. Еттисув, Чу водийси, Волга, Кубанинг қуи қисми, Иртиш, Ишим дарёлари бўйидаги ерлар, Ўрта Осиёнинг кичик ярим мустақил давлатлари Фарбий хоқонлик таркибиға киради.

Фарбий хоқонликдаги ёзги қароргоҳ Исфижоб яқинидаги Мингбулоқда, қишиқиси Суёб шаҳрида эди. Суёбнинг шарқий томонида дулу қабиласининг беш ўқ бўдул иттифоқи, гарбида эса нушиби қабиласининг беш ўқ эл иттифоқининг ерлари жойлашган эди. Фарбий хоқонлик ижтимоий-иқтисодий, маданий жиҳатдан Шарқий хоқонликдан ажралиб турар эди. Шарқий хоқонликдаги аҳоли асосан кўчманчи чорвадорлардан иборат бўлса, гарбий хоқонлик аҳолисининг катта қисми ўтроқ дәхқончилик, хунармандчилик ва савдо-сотиқ билан машғул эди. Ер эгалиги муносабатлари ривожланаётган Фарбий хоқонлик-

нинг ижтимоий таркиби ҳам, сиёсий бошқаруви ҳам анча мураккаб эди. Ярим асрлик ҳукмронлик жараёнида туркий аҳолининг бир қисми ўтроқлашади, қолганлари ерли чорвадорлар билан қоришиб кетади. Ўтроқ ҳаётнинг анъ-анавий маъмурий удумлари таъсирида бошқарув тартиблари аста-секин ўзгариб, туркийларнинг ижтимоий ва сиёсий мавқеи мустаҳкамланиб боради. Туркий аҳоли сиёсий ҳаётда фаол қатнашиб, Ўрта Осиё ўша давр сиёсатининг ҳамма жабҳаларида тенг қатнаша бошлайди.

Хоқон Шегуй вафотидан кейин (618 й.) ҳокимиятга келган Хоқон Тўн ябгу (Тўн шоҳ) даврида Фарбий Хоқонлик яна кучаяди. Унинг чегаралари Олтойдан то Хинд дарёси бўйигача чўзилиб кетди. Улкан ҳокимиятни бошқарув тартиблари ислоҳ этилди. Маҳаллий сулолалар ҳокимлари билан бевосита боғланиш, улар устидан назоратни кучайтириш мақсадида маҳаллий ҳукмдорларга “ябгу” унвонлари берилади. Улар ўз вақтида ҳоқоннинг ноибларига айланади. Туркийлар “Тудунлар” деб юритган ўз вакилларини ярим мустақил ҳокимликларга юбориб, сиёсий назорат ва бож солиғини изга тушириш ишларини амалга оширди. Шу билан бирга, хоқон дипломатик тарзда ҳам иш тутар эди. Масалан, у Самарқанд ҳокими ва Қашгар ҳокимлари билан қуда-андачилик ипини боғлаб, улар билан муносабатни яхшилади.

Бутун салтанат устидан олий ҳукмронликини хоқон олиб борган. Бу лавозим меросий бўлган. Хитой манбаларига кўра, ота доимо тахтни ўғлига қолдиравермай, балки ундан каттароқ турган қариндошларига қолдириши ҳам мумкин бўлган. Бундан ташқари, шундай ҳоллар ҳам бўлганки, тахт соҳибини “уруг оқсоқоллари” тайинлаган. Хитой манбаларига кўра, туркийлар хонни тахтга ўтказишида маҳсус маросим ўтказганлар, яъни, амалдорлар бўлажак хонни кигизга ўтказиб, қуёш юриши бўйлаб 9 маротаба айлантирганлар, иштирокчилар уларни қутлаб турган. Кейин хонни отга ўтказиб, бўйнига ипак мато боғлаганлар. Кейин ундан сўраганлар: “Сиз неча йил хон бўлмоқчисиз?”. У неча йил хон бўлишини айтган, шу муд-

дат тугагандан кейин тахтдан кетган. Хоқондан кейинги шахс Ябғу (баҳодир) давлатдаги биринчи амалдор (вазири) вазифасида бўлган. (Масалан, Истеми ябғу). Аммо ибғу тахтга меросхўрлик қила олмас эди. Тахт меросхўри тегин (шахзода) деб юритилган. Тегин тахтга даъвогар шахс бўлган. Шод унвони туман ва вилоят ҳокимлигидаги шахзодаларга берилган. Шахзодалар билан қондош бўлмаса, ундай одамга шод унвони берилмаган. Хитой манбаларининг бирида шундай дейилади: “Олий марта-балар орасида энг улуғи Шеху (Жабғу, Ябғу), кейин Дэлэ (Тегин), учинчиси эса Силифа, тўртинчиси Тумаофа, (қолган) кичикроқ даражасидаги мансабларда 20 киши банд; уларнинг ҳаммалари мансаблари меросийдир... қуриқчиларни эса Фули (яъни бўри) деб атайдилар”.

Тудун унвони ҳукмдорнинг жойлардаги ноиби (назоратчиси)га берилган. Улар маҳаллий ҳокимлар сиёсатини, бож-солиқ ишларини назорат қилган. Шод унвонидаги киши ҳукмдорнинг ўнг томонидан жой олган.

Чорвадор туркий аҳолида уруғ-жамоачилик анъаналари ниҳоятда кучли бўлиб, қабила ва уруғ жамоаларининг негизи катта оиласардан иборат эди. Бундай оиласарда уй қуллари ҳам мавжуд бўлган. Қулларнинг кўпайиши билан табақаланиш муносабатлари таркиб топа бошлаган. Қулчилик ижтимоий ҳаётга кенг кириб келмади. Кўпинча жангларда аёллар қул қилиб, олиб кетилар эди. Қул аёллардан уй-рӯзгор ишларида фойдаланилар эди. Қул эркакми, аёлми барибир, имкон топиши билан қочиб кетаверган. Қочган қул таъқиб қилинмаган. Улар учун ҳеч ким товон тўламаган.

Туркий кўчманчиларнинг асосий қисми камбагал чорвадор ва овчилардан иборат эди. Бундай халқ оммасини бўдун ёки қора бўдун деб аташган. Мамлакат бўдуналар яшайдиган элларга бўлинган. Хоқонликнинг марказий бошқарув тизими асосан йирик сиёсий-давлат тадбирлари (салтанат осойишталигини сақлаш, давлат ҳудудини кенгайтириш, солиқ тизими, ички ва ташқи савдо, дипломатик муносабатлар ва ҳоказо) билан машгул бўлиб, жойлардаги ма-

ҳаллий ишларга маълум даражада эркинликка йўл қўйилган. Шунинг учун ҳам Фарғона, Сўғд, Шош, Тоҳаристон, Хоразм ва бошқа жойларда бошқарув иши асосан маҳалий сулолалар қўлида бўлган. Хитой манбаларига кўра, Сўғдда келиб чиқиши асли юечжилардан бўлмиш Кан сулоласининг мавқеи кучли бўлиб, Сўғд ҳукмдори ихшид унвонига, тобе ҳокимликлар ҳам ўз унвонига эга бўлган. (Масалан, Кеш ҳукмдори ихрид унвонига эга бўлган)

Қонунчилик, ижтимоий ҳаётда муайян масалаларни ҳал этиш учун “туркий тузуклари” ёки “туролари” бўлган. Хитой тарихчиси шундай тузуклардан бири Сўғддаги ибодатхоналардан бирида сакчанишини ёзади. Қонунларга кўра, энг оғир гуноҳ қилган одам уруғ-аймоги билан йўқ қилиб юборилган. Колган жазолар ўлим ва турли миқдорда товоң тўлаш бўлган. (Масалан, бирорни ўлдирса, бузукчилик қиласа, от ўғирласа ўлим жазоси, бирорнинг мол-мулкини ўғирласа ёки кишига лат етказса товоң тўлаган ва ҳоказо).

Турк ҳоқонлиги улкан ҳудуд ичида зарур тинчликни таъминлаганини натижасида “Буюк ипак йўли” самарали ишлашда давом этди. Ўлканинг асосий савдо ҳамкорлари Эрон, Хитой, Хиндистон ва Византия эди. Бу мамлакатларга тўқимачилик, ипакчилик маҳсулотлари, қимматбаҳо тошлар ва улардан ишланган буюмлар, тақинчоқлар, дориворлар, наслдор аргумоқлар, бир неча хил туз, шароб, боғдорчилик маҳсулотлари, қазилма бойлик ва ҳоказолар олиб борилган. Сўғд савдогарларининг мавқеи анча кучли бўлган. Шу маънода, хитойлик муаллифнинг қуйидаги фикри эътиборга сазовор: “(Сўғдиёналик) эркаклар йигирма ёшга тўлишлари билан қўшни мамлакатга ошиқадилар ва (савдо-сотикда) қаерда (қулайлик) ва манфаат бўлса (албатта) у ерга қадам ранжида этадилар”. Ўрта Осиёning шу даврдаги Марв, Пойканд, Бухоро, Самарқанд, Чоч, Исфижоб, Суёб каби шаҳарлари савдо-сотикнинг марказлари эди.

Туркийларнинг дини ҳақида “Вэй-шу” ва “Суй-шу”

Хитой йилномаларида қайд этилган. Унда туркийлар дини, одатлари ҳақида шундай маълумотлар бор: 1) хоқон қароргоҳига Шарқ томондан киритилган, бу билан кун чиқиш тарафга ҳурмат маъноси ифодаланган, айни пайтда қүёшга сифинишни ҳам билдирган. 2) Ҳар йили хоқон ўз амалдорлари билан махсус форга бориб, ота-боболари руҳига қурбонлик қилган. 3) Ҳар 5-маротаба ой чиқишида ва ўша ойнинг ўртасида хоқон яқинларини йиғиб, дарё бўйига борган, осмон руҳи (тангри)га қурбонлик қилган. Қабилалар ўртасида ҳам турли худоларга эътиқод қилиш бўлган. Тангри (осмон руҳи) барча қабилалар учун ягона асосий худо бўлган. Унга доимо қурбонликлар қилишган. Улар руҳ агадийлиги, нариги дунё борлигига ишонганлар. Бирор киши қазо қиласа, унинг ёнига бошқа кишилар, буюмларни ҳам қўшиб дафн этганлар. Масалан, 576 йил Истеми ябгу вафот этганида, 4 та ҳарбий асир ўлдирилиб, у билан бирга дафн этилган. Муқанхон вафот этганида, унга охиратда хизмат қилиш учун 20.000 киши ўлдирилиб, бирга кўмилган. Қиёмат кунини туркийлар “Қолдирилган кун” деб атаганлар. Туркийлар қабр тошлари, яъни битигтошлиар ёнига одамларнинг тош ҳайкалчаларини қўйишган. Улар “балбаллар” дейилган. Бу балбаллар мар-хумнинг руҳига багишланган ёдгорликдир. Шаманизм ўша даврда туркийларнинг асосий дини бўлиб, кейинчалик буддизм, христианлик ва бошқа динлар ҳам тарқалган.

## **Ислом дини. Ўрта Осиёга араб босқинининг ilk даври. Қутайба юришлари**

Жаҳон тарихида улкан из қолдирган давлатлардан бири Араб халифалигидир. Араб халифалиги даври Ўрта Осиё, Эрон, Афғонистон, Яқин ва Ўрта Шарқ, шимолий Ҳиндистон, Пиренея ярим ороли ва шимолий Африка халқларининг ижтимоий, иқтисодий, маданий тараққиётида ўзига хос юксалиш даврини белгилаб берди. Араб истилочилари хусусида энг асосий маълумотларни араб, мусул-

мон муаллифлари бериб үтганлар. Шу жумладан, ал-Балазурийнинг “Футух ал булдон” (“Мамлакатларнинг фатҳ этилиши”), ат-Табарийнинг “Тарихи расули ва мулук” (“Пайғамбарлар ва подшолар тарихи”) асарлари алоҳида аҳамият касб этади.

Ислом динининг ватани Арабистон ярим оролидир. Араблар семит қабилалари гуруҳига мансуб бўлиб, асосан чорвачилик билан ҳаёт кечирган. Кўчмандчилар бадавийлар деб юритилган. Воҳалардаги аҳоли дехқончилик билан шуғулланган. Денгиз бўйлари, воҳаларда шаҳарлар қад ростланган бўлиб, уларда савдо-сотик ва ҳунармандчилек билан кун кўрадиган аҳоли яшар эди.

VI асрнинг иккинчи ярми, VII асрнинг биринчи ярмидаги араб ижтимоий ҳаёти жуда мураккаб ва ранг-бранг бўлиб, унда уруғ-аймоқчилик муносабатлари эндиғина куртак очиб келаётган феодал муносабатлар билан чатишиб кетган эди. Асосий савдо йўлларининг бу худуддан ўтишидан араб зодагон-савдо аҳли жуда манфаатдор эди. Лекин мамлакатда бу пайтда сиёсий парокандалик ҳукм сурар, ўзаро қабилавий урушлар натижасида дехқончилик ва савдо-сотик ишларига катта зарар етказилар, хонавайронлик авж олган эди. Бу ҳолат араб аслзода гуруҳлари, зодагонлари манфаатига зид бўлиб, мамлакат иқтисодий йўналишида юқоридаги салбий ҳолатлар катта зарар етказар эди. Юқоридаги вазият ҳам турли табақа, тоифа кишиларнинг ўзаро ҳамжиҳатликка, ягона, кучли давлат атрофига бирлашишга чақирав эди. Аҳоли ичида кўп худолик, бутпарастлик урф эди (хусусан Каъбада 360 та бут бўлиб, уларнинг энг йириклари Ҳубал ва Лут бўлган).

Шундай вазиятда Ислом тўғри ва ҳақ йўлни кўрсатувчи дин сифатида юзага келди. Ислом — ягона Аллоҳ деб эътироф этилиб, унга бўйсунмоқлик ва бутун қалби билан унга ихлос қилмоқлик, Аллоҳ буюрган диний эътиқодга иймон келтирмоқлик демакдир. Ислом “итоат”, “бўйсуниш” маъноларини билдиради. Бу диннинг асосчи-

си Мұхаммад Пайғамбар (с.а.в.) (570-632) маккалик Абдуррағимнинг ўғли бўлган. Унинг бобоси Абумуталлиб қурайш қабиласининг бошлиғи бўлган.

Мұхаммад пайғамбарнинг таълимотига эргашганларни “муслим”, яъни “итоаткорлар” деб юритганлар. Ўз пайғамбарлик фаолиятини Мұхаммад Маккада боштаган. Макка Арабистон ярим оролининг ғарбий қисмидаги Ҳижоз вилоятида жойлашган шаҳар бўлиб, бу ерда Каъба жойлашган эди. Диний таълимотга кўра, Каъбани Одам Ато барпо қилган бўлиб, уни Иброҳим пайғамбар ўз ўғли Исмоил билан бирга қайта қурган ва биринчи Ҳаж сафарини уюштирган. Каъбанинг ичига муқаддас тош “Ҳажар-ул-асвод” ўрнатилган. Ҳар йили бу муқаддас жойга миллионлаб мусулмонлар зиёратга келади.

Мұхаммад пайғамбар муслим (мусулмон)ларнинг ягона Аллоҳ олдида тенг эканликларини, Яратганинг ўзи ризқ-рӯз улашишини, жамиятдаги адолатсизликка қарши жазо муқаррар ва ҳар бир киши бу дунёдаги ишларига кўра тақдирланиши, инсон Яратган, ёлғиз Аллоҳгагина эътиқод қилишини тарғиб қиласи. Бу таълимот аҳолининг барча қатламлари манфаатларига мос бўлиб, тез орада шаҳар аҳли ичидаги тарқала бошлайди. Лекин янги дин тарафдорларининг аҳволи уларнинг эътиқодларига кўра оғирлашиб боргандан сўнг бир қисм мусулмон аҳоли Ҳабашистонга, баъзилари шимолга қараб кетишга мажбур бўлди. Мұхаммад ҳам ўзига қарши турган қурайш қабиласи аъзоларининг таъқиби кучайиб кетган 622 йил 16 июля (баъзи адабиётларда 15 июль дейилади) ўзининг энг яқин дўсти ва сафдоши Абу Бакр билан Маккадан Мадинага кўчишга мажбур бўлади. Бу араб тилида “ҳижрат” деб аталиб, шу кундан бошлаб мусулмон оламида қабул қилинган ҳижрий йил бошланади. (Ҳижрий йил ҳисоби 2 хил бўлади: ҳижрий-қамарий, яъни ой ҳисоби бўйича ва ҳижрий-шамсий, қуёш ҳисоби бўйича).

Мұхаммад Мадинада ўз таълимотини давом эттиради. Мадинада шуҳрат қозонган маккаликлар бутпаратлик гояларига қарши ҳам ҳарбий, ҳам сиёсий зарба бера бош-

лайди. Мұхаммад (с.а.в.) пайғамбар вәфот этгач (632 й.), кетма-кет “Хулофой рашоддин” (хак үйлдан борған саҳиҳ халифалар) номларини олған Абу Бакр, Умар, Усмон ва Алилар (661 йилгача) пайғамбар сиёсатини давом эттириб, Арабистон ярим оролида марқазлашган — Араб халифалиги давлатига ассо соладилар. Қабилалар үзаро бирлашуви, дини исломнинг ёйилишида илохий муқаддас китоб Қуръоннинг ўрни ниҳоятда қатта бўлди.

Араблар Амударёдан (Жайхун) шимолда жойлашган ерларга “Мовароуннаҳр”, яъни, “дарёнинг нариги томонидаги ерлар” деб ном беришади. Ҳозирги Афғонистоннинг шимоли, Эроннинг шимоли-шарқий қисми ҳамда Жанубий Туркманистандан то Амударёгача бўлғақ ҳудудлар Хурсон деб юритилган. Аввал бошда Хурсоннинг марказий шаҳри Марв, кейинчалик Ҳирот шаҳри бўлган.

Арабларнинг Мовароуннаҳрга қарши ҳарбий юришлари ўз мақсад ва режалари билан 2 даврга бўлинади. Биринчи даврда халифалик истито этишни эмас, балки ҳарбий жиҳатдан тайёргарлик кўриш, маҳаллий ҳукмдорлар куч-кудратини синаб кўриш, мавжуд географик, ҳарбий, иқтисодий, сиёсий жойлашувини ўрганиш, кичик юришлар орқали катта үлжалар орттириш режасини амалга оширади.

651 йили ноиб Абдуллоҳ ибн Амир ҳукмронлиги даврида араблар Хурсондаги Нишопур, Обинаҳр, Тус, Жом, Обивард ва бошқа катта-кичик кўрғон шаҳарларни эгаллайди. Фақатгина 651 йилнинг ўзида Хурсон ноиби ибн Амир янги эгалланган ерлардан халифа хазинасига 6 млн. 200 минг дирҳам тўплаган солиқларни юборади. Ҳал қилувчи жангда (652 й.) араблар Балҳ шаҳрини эгаллашади. Ўша йили Амударёдан ўтиб Мовароуннаҳрга ҳужум қилиш режаси араблар учун муваффакиятсиз тугайди. Лекин Хурсон ноиби Абдуллоҳ ибн Амир 652 йил бошида Чагониённи эгаллашта муваффақ бўлади. Бу эса илк бор Мовароуннаҳр ерларини эгаллаш ёди. 654 йили Сўфддаги Маймурғ қалъасига арабларнинг биринчи ҳужуми бўлади.

657 йили Чагониёнга араблар қайта юриш қилиб, эф-

татитларга қарши қатъий зарба берадилар. Араблар кенг миқёсдаги хужумларга тайёргарлик кура бошлаган эди. Халифалик ичидағи ұзаро ҳокимият учун ички низоларнинг кучайиши натижасида арабларнинг Мовароуннахр ерларига хужуми бир оз тұхтаб қолади. Ҳатто 658-659 йилларда ноиб Хулайд Нишопур ва Марв ақолисидан арзимас солиқлар олиш хусусида шартнома имзолаб, босиб олинган Ҳурросон ерларидаги назоратни анча сурайтиради. 661 йили ҳокимият бошига янги Уммавийлар (661-750) сулоласининг келиши ҳарбий ҳаракатларнинг фаоллашувиға сабаб бўлади. 665 йили халифа Муовия (661-680) Зиёд ибн Абу Суфённи Басра, Сейистон ва Ҳурросон ноиби этиб тайинлайди. Халифа унга жадал ҳарбий ҳаракатлар қилиш топширигини берган эди.

Халифа Абдулмалик ибн Марвон (685-705) даврида ички низоларга чек қўйилгандан сўнг араб сиёсий арбоблари ва зодагонлари Мовароуннахрга ҳақиқий юриш қилиш вақти келди деб топди. Янги тайин этилган Ҳурросон ноиби Қутайба ибн Муслимга Ироқ ноиби ал-Хажжож Мовароуннахрни буткул эгаллашни ва қатъият билан ҳаракат қилишни топширади. Араб босқинчилигининг иккинчи даври, яъни, Мовароуннахр ерларини халифаликка бутунлай қўшиб олиш бошланади.

Ўрта Осиёдаги сиёсий парокандалик ва кичик давлатларнинг бир-бирлари билан тез-тез низоларга бориб туриши Қутайбага қўл келди. У ўз ҳарбий юришларини 705 йил Балх вилоятини босиб олиш билан бошлади. Қутайбага Балхдан ташқари Чагониён, Шуман ва Ўрта Осиё жанубидаги кичик вилоятлар бўйсунади. Чагониён ҳокими Тиш араблар томонига ўтиб кетади.

706 йил Қутайба катта қўшин билан Мовароуннахрга кириб келди. Табарийнинг маълумотларига кўра, энг обод ва бой шаҳарлардан бири Пойканд томон ҳаракат қилди. Унинг қўшини таркибида араблар хизматига ўтган Балх ва Чагониён ҳокимларининг ҳам қўшинлари бор эди. Пойканднинг кўпчилик ақолиси савдогарлар эди. Шаҳарда қолдирилган ҳарбий қўшинга турк саркардаси бош эди.

Сүғд ва бошқа вилоятлардан келган кучлар билан пойкандликлар арабларга қаттық туриб қаршилик күрсатди. Араблар сүғдлар томонидан үраб олиниб, Қутайбанинг барча йўллари тўсиб қўйилди.

Лекин ички иттифоқнинг йўқлиги, ўзаро низолар натижасида Пойканд ҳимоячиларининг кучи заифлаша борди. Қутайба қалъага биринчи сафда борган ва шахид бўлган кишиларнинг оиласларига катта мукофот ваъда қилди. Кетма-кет 15 кун давом этган жанглардан сўнг араблар қалъа деворини тешишга муваффақ бўлди. Шаҳардаги оғир жанглардан сўнг Пойканд араблар қўлига ўтди.

708-709 йиллар мобайнида Қутайба Бухоро ва унинг атрофига бир неча бор ҳужум қилиб, Бухорхудод Туғшод қўшинларини тор-мор этади ва унга ўз яқинларидан бирини амир этиб тайинлайди. Амир Бухорхудод устидан назорат қилиб туриш, Бухорода қолдирилган ҳарбий қисмга аскарбошлиқ қилиш, аҳолидан солик ундириш ва уни ўз вактида халифаликка етказиб бериш вазифасини адо этар эди.

Хоразмда бошланган ички зиддиятлар Қутайба фикрини ўзгартирди. Хоразмда халқ галаёни бошланган бўлиб, унга Хоразмшоҳ Чагоннинг укаси Хурзод бошчилик қилар эди. Қутайба Хурзод бошчилигидаги қўзғолончиларни тор-мор келтиради. 710-712 йилларда Хоразмшоҳ Қутайба билан тинчлик сулҳини тузиб, унга 10000 қорамол миқдорида бож тўлайди. Хоразм шу билан ўз мустақиллигини йўқотиб, араблар ҳокимиятини тан олади. Қутайба эса ўз қўшини ҳамда Хоразмшоҳ ва Бухорхудод қўшинлари билан биргаликда Самарқандга йўл олади.

Шу пайтда норозилик ва қўзғолон натижасида шаҳар подшоси Тархун таҳтдан ағдарилган эди. Сүғд подшоси ва Самарқанд афшини сифатида Тархуннинг укаси Фурак (710-737) таҳтга ўтиради. Тархун эса ҳибсда ўзини-ўзи ҳалок этади.

Фурак Қутайбага қарши чиқади. Каттақўргон яқинидаги Арбинжон мавзесида шиддатли жанг бўлиб ўтади. Аммо Фуракнинг кучлари озлик қилиб, Самарқандга чекинишга мажбур бўлади. Араблар томонидан Хоразм ва Бухоро ҳокимлари қўшинининг қатнашуви, сўғдийлар-

нинг яккаланиб қолиши ва атрофдан ёрдам ололмаслиги сабаб бўлади. Ундан ташқари, Самарқанд зодагонлари ичидан бирлик ҳам йўқолади. Тархуннинг ўлимидан сўнг унинг тарафдорлари кўпроқ арабларга ён боса бошташади. Панжикент ҳокими Деваштич шу гурухга раҳбарлик қила бошлайди. Қутайба эса “Тархун ўлими учун қасд оламан”, деб эълон қиласди.

Қамалда қолган Фурек Шош подшоси, Туркий хоқон ва Фарғона ихтиидига мурожаат қиласди, улардан ёрдам сўрайди. Туркийлар қўшини бу пайтда Сўғд чегараси яқинида бўлиб, Фарғона ва Шош қўшинлари билан биргаликда иттифоқчилардан лашкар тузади. Иттифоқчилар қўшинига лашкарбоши этиб Туркий хоқоннинг кичик ўғли Инал хоқон тайинланади. Қутайба дарҳол ўз укаси бошчилигига сараланганд қўшин тузиб, иттифоқчилар йўлига тузоқ кўяди. Араблар иттифоқчиларни тор-мор этиб, уларнинг мол-мулқларини талайди.

Қутайба шундан сўнг Самарқандга ҳужумни кучайтиради. Шаҳар раъданроз (тош отғич)лардан ўққа тутилади. Бу жангларда бухороликлар, хоразмликлар жонбозлик кўрсата бошлайди. Бир ой давомида шаҳар мудофаачилиари Самарқандни қаҳрамонона мудофаа қиласди. Араблар охир оқибатда шаҳар деворларини бузиб, бостириб киради. Самарқанд арабларга таслим бўлади. Фурек ва Қутайба ўртасида сулҳ тузилади.

Қутайба жўнаб кетиши олдидан шаҳарда ўз укаси Абдураҳмон ибн Муслим бошлиқ сараланганд қўшинни қолдириб кетади. Лекин матонатли Сўғд аҳолисининг қаршилиги бу билан тугамайди. Ал-Яқубийнинг ёзишича, 712 йил кузида Самарқандда араб ноибига қарши қўзғолон кўтарилади. Уларга турқлар ёрдам беради. Фақатгина 713 йил баҳорида Қутайбанинг этиб келиши билан шаҳардаги қўзғолон бостирилади.

Муғ тоғидан топилган ҳужжатга кўра, Қутайба ўз юришларида Шош, Фарғона ва Туркий хоқонлик қўшинларидан иборат яна бир ҳарбий иттифоқнинг қаршилигига дуч келади. Сўғд, Чоч, Фарғона иттифоқига Панжикент

ҳокими Деваштич ҳам қўшилади. У Чоч ва бошқа ерларга ўз элчиси Фатуфарни юборади. Фатуфарн номани Чоч ҳукмдори Мохеду тудун (Баҳодир тудун)га топширади. Колган икки мактубни Фарғона элчиси орқали туркийлар ҳокими ва Фарғона ихшидига бериб юборади.

Қутайба бу ўлкаларни тезда ўзига бўйсундириш ҳаркатига тушади. Табарийнинг маълумотларига кўра, Қутайба 713 йил Бухоро, Кеш, Насаф ва Хоразм аҳолисидан 20000 аскар тўплаб беришни талаб қиласди. Ўз қўшини билан уни қўшиб, қўшинни 2 га ажратади. Кеш, Насаф, Хоразмдан келган қўшин Чоч вилоятига, ўзи эса асосий куч билан Уструшона орқали Фарғона водийсига йўл олади. Биринчи қўшин Чоч қўшинини тор-мор этиб, Чоч вилоятини эгаллади. Қутайба эса Уструшонада ҳал қилувчи жанг олиб бориб, Хўжанд ва Косонни забт этади.

714 йил Қутайба Туркий хоқонликдан ҳарбий ёрдам келиш йўлини тўсиш мақсадида Чоч воҳасига қайта бостириб киради. Ўша йили асосий йўлдаги Исфижоб (Сайрам)ни ишғол этади. 715 йил бошида эса Фарғона подшоси қочиб кетишга мажбур бўлади. Қутайба ўша йили Қашқаргача бўлган ерларни истило этади. Ҳамма вилоятларга араблардан бўлган амирларни ноиб этиб тайинлади. Ўша йили араб халифаси Волид вафот этади. Халифалик тахтига Сулаймон ибн Абдулмалик ўтиради. Қутайба Сулаймонга нисбатан ғанимлик муносабатида бўлиб, уни қўлламас эди. Қутайба уни тахтга чиқишидан норози бўлиб, исён қўтаради. Натижада бу исён муваффақиятсиз тугаб, Қутайбанинг ўзи Фарғонада ўлдирилади (715 й).

Шундай қилиб, 10 йил давомида олиб борилган доимий курашлар натижасида Мовароуннаҳр халифалик ихтиёрига кирса-да, аммо унинг мағрур аҳолиси ўзини бутқул тобе этилган деб ҳисобламайди. Шунинг учун ҳам Қутайба ҳар йили қишлош учун Марвга жўнаб кетар, баҳорда эса янги кучлар билан Мовароуннаҳрга ҳужум қиласди. Шунинг учун ҳам араблар Мовароуннаҳрни эгаллашда муваффақият қозонди. Бунинг асосий сабаблари қуйидагича эди. Аввало, мамлакатда ҳукм суроёт-

ган сиёсий тарқоқлик ва кичик ҳукмдорларнинг ўзаро курашлари арабларга жуда қўл келган эди. Айниқса, араблар кўчманчи жанговар туркийлар билан утроқ дехқончилик вилоятлари аҳолиси ўртасида баъзан юзага келган келишмовчиликлардан фойдаланиб, уларнинг бирини иккинчисига қарши қўйди ва иттифоқчиларни ажратиб юборишга муваффақ бўлди. Шу билан бирга, халифалик Мовароуннаҳрдан ҳарбий қурол-аслаҳалар жиҳатидан унчалик устун бўлмаса ҳам, бироқ қўшин сафларини тўлдириб туриш имконига эга эди.

Араблар қўшинига мунтазам равишда янги ҳарбий кучлар ички вилоятлардан сафарбар қилиб турилар эди. Ундан ташқари, кескин қаршилик курашини олиб борган ҳалқ, маҳаллий ҳукмдорларнинг хоинона ҳаракатлари, араблар билан махфий тил бириктиришлари туфайли муваффақиятсизликка учради.

## **Араблар босиб олгандан кейин Мовароуннахр ва Хурросондаги ижтимоий-сиёсий аҳвол**

Араблар Ўрта Осиёни босиб олгач, ҳудуддаги ҳамма шаҳарларда ўз қўшинини жойлаштириди. Ҳарбий кучлар маҳаллий аҳолини назорат қилиб турар эди. Араб халифалигининг ҳукмронлиги аҳоли учун оғир юк бўлиб қолди.

Истилочилар аввал бошда Мовароуннахрнинг ҳунармандчилик ва савдо шаҳарлари, обод вилоятларига бостириб кириб, уларни талади, натижада катта ўлжаларга эга бўлди. Ўлкаларни босиб олиш чоғида дехқончилик воҳалари оёқости қилиниб, шаҳар ва қишлоқлар вайрон этилди. Сув иншоотлари бузиб ташланди. Қўпгина жойларда курғоқчилик юз бера бошлади. Шаҳарлардан катта миқдорда қимматбаҳо ўлжалар, Бухоро, Пойканд ва Сўғд ҳукмдорларидан эса катта миқдорда товон олинди.

Араб қўшини таркибига маҳаллий аҳоли ичидан кўплаб эркаклар мажбуран сафарбар қилинди. Ҳарбий ҳаракатлар натижасида аҳолининг бир қисми ҳалок бўлди, бир қисми асирга олинди. Барча шаҳар ва қишлоқларда ўз ҳар-

бий гарнizonларини жойлаштирган араблар ҳарбий кучга таяниб, ахолидан турли соликлар ундиришар, уларни турли ишларга сафарбар қилишар эди. Марв, Пойканд, Бухоро, Самарқандда уйларнинг қоқ ярми араблар ихтиёрига топширилди. Баъзи истилочи зодагонлар дехқончилик воҳаларидаи энг унумдор ер ва сув иншоотларини эгаллаб ола бошлади. Араб оиласлари қишлоқ ва шаҳарларга келиб, ўрнаша бошлади. Ариқ қазиш, кўпприк қуриш, биноларни таъмирлаш ва бошқа жамоа ишларида ахолидан бепул фойдаланаар эди. Шу билан бирга, маҳаллий ахоли араб зодагонлари ва қўшинини от-улов, кийим-кечак, озиқовқат, қуллар ва бошқа нарсалар билан таъминлаб туриши керак эди.

Араблар иқтисодий ҳаётни ўз қўлидан чиқармаслик мақсадида сосонийлар тартибидаги солик тизимини жорий қилди. Бу тизимга ер солиги- хирож (ҳосилнинг ўндан бир ёки ўндан икки қисми миқдорида) чорва, ҳунармандчилик, савдо-сотикдан закот (қирқдан бир миқдорда) ҳамда исломни қабул қилмаган шахслардан олинадиган жизя солиги ҳам қўшилди.

Араблар ўз хукмронлиги сиёсий негизини мустаҳкамлаш ва унинг барқарорлигини таъминлашда ислом динини кенг ёйиш ҳамда тарғиб қилишга катта эътибор бердилар. Ўрта Осиё ахолиси ичida эътиқод қилаётган зардуштийлик, монийлик, буддизм, насроний ва бошқа динлар сохта деб эълон қилинди. Айниқса, зардуштийликка қарши кескин кураш олиб борилди. Босиб олинган ерларда бу диннинг барча ибодатхоналари йўқ қилинди. Унинг ўрнига масжидлар барпо қилина бошланди. Зардуштий адабиётлар, хусусан, диний китоблар, сўғд тилидаги номалар, халқ адабиёти йўқ қилинди.

“Кутайба ибн Муслим Хоразм хаттотларини қатл эттириди ва дин пешволарини қириб ташлаб, уларнинг китоб ва қўлёзмаларини ёқиб юборгандан кейин, — деб ёзган эди Беруний “Ҳиндистон” асарида, — хоразмликлар саводсиз бўлиб қолдилар, уларнинг факат ёдда сақлаб қол-

ган хотираларигина қолди, аммо вақт ўтиши билан бу уннутилиб, факат ўзлари учун мос бўлган хотираларигина сақланиб қолди”.

Сўғд тилидаги дунёвий адабиётлар йўқ қилиб ташланди. Ислом динини қабул қилган, мусулмон бўлган маҳаллий аҳоли вакиллари дастлабки йилларда хирож ва жизя соликларидан озод этилиб, уларга анчагина имтиёзлар берилди. Намоз ўқиши учун масжидларга борган шахсларга икки дирҳамдан пул ҳам берилар эди. Жизя солигини ўз вақтида тўламаган кишилар тутиб олиниб, бўйинларига “қарздор” деб таҳтачалар осиб қўйилган.

Қутайбанинг ўлимидан сўнг араб ҳокимиятининг Мовароуннахрдаги мавқеи бироз заифлаша борди. Хурсоннинг янги ноиби Ал-Жарроҳ (717-719) янги мусулмон аҳолисига исломга зид равишда шафқатсиз муносабатда бўла бошлайди. Сулаймон вафотидан сўнг таҳтга ўтирган янги халифа Умар ибн Абдулазиз (717-719)-Умар II хорижийлар таълимоти тарафдори эди. Хорижийлар шиалардан ажралиб чиқсан гурӯҳ бўлиб, илк ислом таълимоти тартиблари ва умумий тенглик ғояларини илгари сурар эди. Умар II Мовароуннахрдаги мураккаб вазиятни ҳисобга олиб, бўйсундирилган ҳалқлар билан муросачилик сиёсатини юргиза бошлади. У Мовароуннахр аҳолисини исломни қабул қилишга чақириб, катта аҳамиятли фармон қабул қилди. Унга қўра, арабларга янги ерларни забт этиш ман қилинди ва молиявий ислоҳотлар ўтказиш кўзда тутилди. Араблар билан бир қаторда янги мусулмонлардан ҳам жизя ва хирож солиги олиш бекор қилинди. Умар II солик йиғувчилардан ва халифалик амалдорларидан Куръон ва ҳадисларга қатъий амал қилишни буюрди.

Араб феодал-зодагонлари турли йўллар билан хирож солиги йиға бошлади. Халифа хазинасига келадиган соликлар эса камайиб кета бошлади. Хирож ерларини давлат солиги сифатида сақлаб қолиш мақсадида Умар II арабларга ўз ерларини кенгайтиришни ман этди ва хижрийнинг 100 йилидан (719 йил) кейин сотиб олинган бар-

ча хирож ерларини қайтиб беришни буюрди. Шу пайтгача олинган ерлардан эса хирож эмас, ушр (үндан бир қисми) солиқ олиш күзда тутилди.

Умар II ислоҳотларидан руҳланган Самарқанд аҳли зодагонлари унга элчилар юбориб, Самарқанд шахристонини қайтариб беришни сўради. Умар II Самарқанд ҳокими Сулаймон ибн-Абус-Сарияга мактуб ёзиб, қози бу ишни ҳал қилиб беришини сўрайди. Самарқандликлар шикояти кўриб чиқилиб, бу иш улар фойдасига ҳал бўлди. Қози Самарқанддан араб гарнizonи олиб чиқиб кетилиши керак, деб ҳукм чиқарди. Бу эса урушни билдирар эди. Араблар куч-қудратини билган самарқандликлар ўз даъволаридан яна воз кечди. Маҳаллий зодагонлар ўзларини мусулмон ҳисоблаб, ғазнага солиқ тўламай қўйдилар. Шундан сўнг халифалик барчадан солиқларни олишни белгилади. Натижада Мовароуннаҳрда норозилик кучайди. Маҳаллий зодагонлар билан араб маъмурияти орасида зиддият кескинлаша борди.

## Араб босқининг қарши ҳалқ озодлик ҳаракатлари

Мовароуннаҳр аҳолисини тинчлантириш ва араб ҳокимиятини мустаҳкамлаш мақсадида Хурсон ноibi Ашрас ибн Абдуллоҳ (727-730) ислом динини қабул қилгандардан хирож ва жизя солиғи олишни бекор қиласиди. У ислом динини кенг тарғиб қила бошлайди. Чегарадаги ерларда янги истеҳком қурилиб, чегаралар мустаҳкамланади. Лекин ғазнага кам даромад тушаётганлиги, зодагонларнинг шикояти туфайли хирожни қайта тиклайди. Ўз сиёсатини тарғиб қилиш мақсадида иккита таниқли араб руҳонийси Ас-Саид Солик ҳамда Робия ибн Умранни Самарқанд ва Бухорога жўнатади. Хирож солиғи зодагонлардан ҳам, камбағаллардан ҳам зўрлаб ундирила бошланади.

Ўзаро курашлар, 733-734 йиллардаги Зарафшон воҳасидаги қурғоқчилик, мустамлака зулмининг кучайиши — Мовароуннаҳрдаги норозиликнинг янада авж олишига

олиб келди. Норозилик араб ҳарбийлари ва қисман зодагонлар ичида ҳам кучая борди. Бу пайтга келиб, хорижийлар ҳаракати ва мафкураси янада кенг тарқала бошланди. Хорижийлар шиалар гурухидан VII аср охирида ажралиб чиқкан бўлиб, бу сўзнинг лугавий маъноси қўзғлончилар дегани эди. Аввал бошда бу ҳаракат оддий араб ва бошқа мусулмон ҳалқларнинг манфаатларини ҳимоя қиласр эди. Кейинчалик бу гурухдан ибодийлар, азракийлар ва бошқа жамоалар ажралиб чиқкан. Хорижийлар таълимотига кўра, мусулмонлар зиммийлар (бошқа диндагилар) устидан ҳукмрон бўлишлари керак эди.

Улкан халифаликни 661 йилдан бошлаб Уммавийлар сулоласи бошқариб келади. Бу сулола даврида жуда кўп сиёсий ўзгаришлар, диний мазҳаблар, гуруҳларнинг кучайиши, бошқаришдаги номутаносиблиқ, мустамлакачилик сиёсати, зўравонлик, адолатсизликнинг авж олиши рўй бердики, бу нарса сулоланинг кейинги даврида унинг фаолиятини қийин ахволга солиб қўйди. Ўрта Осиёда ва бошқа халифалик ерларида халифаликка қарши норозилик кайфиятлари кучли эди. Уларнинг солиқ сиёсатидан, зўравонлигидан қуи табақалар, ўз ҳуқуқларининг камситилганидан эса юқори табақалар норози эди. Уммавийларнинг ҳокимиятини араб аҳолиси ҳам қўлламас эди. Уларнинг ҳокимиятга келишини турли гуруҳлар, муҳолифат кучлари ноқонуний деб билишар эди. Аввало, хорижийлар уларга қарши бўлиб, халифалик тахтининг месорий бўлишини нотўғри деб баҳолар эди.

718 йилдан бошлаб махфий тарзда Мұҳаммад Пайғамбарнинг амакилари Аббоснинг тарафдорлари ўз ғояларини тарғиб қила бошлади. Улар ҳошимийлар уруғи (Пайғамбар шу уруғдан) вакиллари ҳокимиятга даъвогарлар деб ҳисоблашар эди. Кейинчалик улар ўз курашларида шиалар билан бирга ҳаракат қила бошлайди.

Ерга эгалик муносабатларининг ривожланиши, ижтимоий-сиёсий вазиятнинг ўзгариши уммавийларнинг сиёсий саҳнадан кетишларини, уларнинг аввалги мавқеи тугаганлигини кўрсатиб турар эди. Уммавийлар сиёсати-

дан оммавий норозилик, айниқса, Марвон II (744-750 й.) ҳукмронлик даврида кучайиб кетди. Марвон Пнинг хирож солиги миқдорини кўпайтириш ва маҳаллий халқ вакилларини оғир қурилиш ишларига кенг жалб қилиши норозиликнинг аллангаланишига олиб келди. Мовароуннахр ва Хурсонда Аббосийлар вакиллари катта ер эгаларини ўзлари томонга жалб қилишга ҳаракат қиласиди. Аббосийлар вакиллари халифа Хишом (724-743 й.) даврида ёқ ўрта Осиёда ҳаракат қила бошлаган эди. Уларнинг тарғиботчилари таъқиб остига олинар, улар қўлга тушгудек бўлса, қўл-оёқлари кесилар эди. Айниқса, Наср ибн Сайёр аббосийлар ва шиаларнинг асосий душмани бўлиб, уларни доимо таъқиб этиб келар эди. Аббосийларнинг ҳокимият тепасига келишида Абу Муслим ва унинг ҳаракати муҳим аҳамият касб этди. 746 йили Абу Муслим аббосийлар тарғиботига бошчилик қилиш учун Хурсонга юборилади. Абу Муслимга “Пайғамбар хонадонининг ишончли вакили” деган унвон берилади.

Ўз ташвиқотини Абу Муслим Хурсон зодагонларига мурожаат этиш билан бошлайди. У Марв шаҳридан уч фарсаҳ гарбда Харкон ариғи соҳилидаги Сафизанж қишлоғини ўзига қароргоҳ қилиб олади. Аббосийларнинг рамзий ранги ва байроби қора рангда эди. Шу сабабли Абу Муслим ва унинг тарафдорлари қора кийим кийиб юришади. Хурсон аҳолисига мурожаатида у Қуръон ва ҳадисларга амал қилишга, пайғамбар авлодларига бўйсунишга чақиради. Кейинчалик маҳаллий зодагонлар ҳам уни қўллаб-куватлай бошлайди. Абу Муслим ташвиқти Мовароуннахр ва Хурсон ерларида тезлик билан тарқаб, унинг тарафдорлари сони орта бошлайди. Тўпланаётган отлик ва пиёдаларга бош бўлиб, Абу Муслим Монхувон қалъасига кўчиб ўтади. Хурсон ноиби Наср ибн Сайёр Абу Муслимга қарши араб зодагонлари вакилларини бирлаштиришга ҳаракат қиласиди. Лекин унинг барча ҳаракатлари зое кетди. У Абу Муслимга юрак ютиб кураш бошлашга қурби етмай, 748 йилда Хурсон пойтахти Марвни ташлаб, Нишопурга йўл олди. Нишопурда унга

Абу Муслимнинг саркардаларидан бири қақшатқич зарба бериб, уни мағлубиятга учратди.

Абу Муслим Ўрта Осиёning шимолига кириб келган Хитой императорининг қўшинига ҳал қилувчи зарба беради. 751 йил Талас водийсидаги хитойликлар билан жангда Хитой қўшини ҳайдаб чиқарилади. Шу билан халифаликнинг шимолий чегараси ҳам мустаҳкамланиб, қатъий чегара ўрнатилади. Халифалик таъсири бутун Ўрта Осиё худудида асосий ва қонуний бўлиб қолади. Гарчи Абу Муслим садоқат ила хизмат қилса-да, араб ҳокимиюти унга ишонмас эди. Халифа унга жангга юбориш ҳакида нома йўллаб, уни марказга келишга мажбур қилади. 755 йил Ҳаж сафаридан қайтаётган Абу Муслим Бағдодда Халифа томонидан хиёнаткорона ўлдирилади. Унинг ўлими ҳалқ оммасининг умумий норозилигига сабаб бўлди. У Сармарқандга олиб келиниб, Ҳўжа Темим Ансорий мақбари ёнига катта хурмат билан дафн этилади.

Аббосий халифалар даврида ҳалқ оммасининг аҳволи янада оғирлашди. Суғорилмайдиган ерлардан ҳосилнинг ярми, суғориладиган ерларнинг 1/3 қисмидан солик олинидиган бўлди. Кўп ҳолда соликлар бир маротаба ўрнига икки маротаба ҳам олинади. Озод жамоаларнинг ҳуқуқлари чеклаб қўйилди. Ерлар зодагонлар томонидан ижарадор деҳқон — кадиварларга бўлиб берила бошланди. Курилиш ишларида аҳоли текин ишлаб бериши лозим эди. Шаҳар ҳунармандларининг аҳволи ҳам оғир бўлиб, улар ўз маҳсулотларидан катта солик тўлашар эди. Шунингдек, оғир соликлар кўчманчи чорвадорлар бўйнига ҳам қўйилар эди.

Шундай аҳволда ҳалқ ҳаракатлари кучайиб кетади. Абу Муслимнинг ўчини олиш шиори остида унинг сафдоши Сумбод бошчилигига қўзғолон кўтарилади. 755 йилда кўтарилган бу қўзғолон тез орада Хуросон ва Табаристонга ҳам ёйилади. 70 кун давом этган бу қўзғолон қаттиқўллик билан бостирилиб, Сумбод Райда қатл этилади. Гарчи у қатл этилса-да, Абу Муслим тарафдорлари яширин “муслимия” гурухига асос солади.

VIII асрнинг 70-80-йилларида Мовароуннаҳрда жуда катта халқ қўзғолони кўтарилади. Қўзғолончилар оқ рангдаги кийим кийганлиги учун тарихда у “оқ кийимлилар” қўзғолони деб номланди. Бу қўзғолоннинг раҳбари Муқанна (боши ва юзига ёпинғич ташлаб юргани учун унга шундай лақаб берилган) эди.

Қўзғолонга зарба бериш учун халифа Абу Жаъфар 776 йилда Жаброил ибн Яхё бошлиқ катта ҳарбий кучни Мовароуннаҳрга юборади. Бироқ Жаброил қўзғолончилардан енгилади. У катта талофатлар бериб, базур Самарқандга етиб келади. 10.000 аскар билан Жаброилга ёрдамга юборилган Уқба ибн Салим Кеш ва Самарқанд оралиғида, Фарига бошлиқ 14.000 кишилик қўшин Термиз яқинида қўзғолончилар томонидан тор-мор келтирилади. Натижада Чагониён қўзғолончилар қулига ўтади.

Қўзғолон маркази Наршахда, Бухоро атрофида жойлашади. Шу йили Наршах яқинида Бухоро ҳокими Хусайн ибн Мувоз ва Самарқанд ноиби Жаброилнинг бирлашган қўшини ўртасида тўрт ой жанг бўлади. Бу жангда “оқ кийимлилар” устун келади, кейинчалик сон жиҳатдан кўп бўлган араблар Наршах қалъаси девори остидан узунлиги 50 газли чуқур қазиб, уни қулатиб, қалъага кирадилар. Наршах қалъаси араблар томонидан эгалланади. Кеш ва Самарқанд эндиликда қўзғолоннинг асосий марказига айланиб қолади.

Курашнинг охириги босқичи Кеш воҳаси (Қашқадарё)-да жуда авж олади. Муқанна қароргоҳи бўлган Сом (Санам) қалъасини қамал қилиш Харошийга топширилади. Узоқ вақтли қамалдан сўнг муқанначилар таслим бўлади (VIII аср 80-йиллари боши).

Ўз даврининг энг қудратли давлати бўлган халифаликни ларзага солган Муқанна бошчилигидаги қўзғолон шу тарикә тугайди. Бу қўзғолоннинг енгилишига бир неча сабаблар бор эди. Аввало, қўзғолончилар уюшқоқлик билан ҳаракат қила олмади. Маҳаллий зодагонлар алоҳида гурухни ташкил этиб, кейинчалик умумий хиёнат йўлига кириб

араблар томонига ўтиб кетди. Муқаннанинг ўзи Сом (Санам) қалъасида бўлиб, бевосита қўзғолонга раҳбарлик қила олмади. Унинг ўзи умумий тенглик ғоясини қўтариб чиқиб, ўзи кичик давлат бошлиғига айлана борди.

Ўзаро урушлар натижасида аҳоли жуда чарчади, экинзорлар пайҳон қилинди, иқтисодий таназзул бошланади. Муқаннадан сўнг унинг сафдошлари ҳаракати ҳам бўлиб ўтди. Бу қўзғолон халифалик кучини заифлаштириди ва бошқа үлкаларда ҳам озодлик ҳаракатлари чиқишига туртки бўлди.

Масаланинг яна бир жиҳати шундаки, ислом динининг кўп жиҳатдан афзаллиги, ахлоқ ва интизом нуқтаи назаридан оммавийлиги хусусияти араблар босиб олган мамлакатлар аҳолиси томонидан уни тез орада қабул этилишига сабаб бўлди. Қутайба сингари уни пул ва қилич билан жорий этиш мумкин эмас эди. Қачонки ислом мөҳиятига етилгачгина, унга рағбат ва эътиқод кучайиб кетди. Олиқ-солиқ, майший ҳаёт бобида, закот масаласида Қуръон ва Шариат аҳкомларининг қоидалари меҳнаткаш аҳоли томонидан тезда қабул қилинди. Аллоҳ олдидаги тенглик эса диннинг аҳамиятини кучайтириди. Исломнинг ҳалқпарварлик рухи ҳал қилувчи аҳамиятга эга бўлди. Зеро, ислом дини маънавий бўшлиқни тугатди.

Диёrimизда ота-боболаримиз дини — ислом фақатгина мустакиллик шарофати билан қайта тикланди. Президентимиз ташаббуси билан буюк диний арблар — Имом Бухорий, Имом Термизий, Имом Мотурудий, Бурхониддин Марғиноний, Абдухолиқ Фиждувоний, Баҳовуддин Нақшбанд ва бошқаларининг таваллуд ёшларининг кенг миқёсда нишонланиши, уларнинг охирги манзилгоҳларини обод қилиб, зиёратгоҳларга айлантирилиши, диний байрамларимиз, анъаналаримиз, қадриятларимизнинг тикланиши, диндорларга ўз эътиқод ҳуқуқларининг қайтариб берилиши, қатор масжид-мадрасаларнинг, ҳалқаро ислом тадқиқот маркази, Ислом университетининг очилиши ва бошқа хайрли, савобли тадбирлар мусулмон

оламининг бир қисми бўлган Ўзбекистонда ҳақиқатда муқаддас Ислом динига қанчалик эҳтиром билан қарала-ётганлигининг ёрқин исботи деб ҳисоблаймиз. Зоро, Президентимиз И.А.Каримовнинг “Оллоҳ қалбимизда, юрагимизда” номли рисоласида бизнинг маданиятимиз, маънавиятимиз, ўтмишимиз ислом тарихи, унинг қонун-коида ва анъаналари билан чамбарчас боғланиб кетганлиги алоҳида таъкидлаб ўтилади.

### **Такрорлаш учун саволлар**

- 1.Илк ўрта асрлардаги асосий ижтимоий-сиёсий ва иқтисодий ўзгаришлар нималарда кўзга ташланади?
- 2.Хионийлар ва кидарийлар Ўрта Осиё тарихида қандай из қолдирган?
- 3.Эфталитлар давлатининг Марказий Осиёда тутган юксак мавқеи нималарда кўринади?
- 4.Турк хоқонлиги даврида Евросиёда юзага келган геосиёсий вазият ва унинг оқибатлари нималарда кўринади?
- 5.Турк хоқонлигининг Эрон, Византия ва Хитой билан алоқаларида қандай хусусиятлар етакчи ўрин тутади?
- 8.Турк хоқонлиги даврида Буюк ипак йўли бўйлаб халқаро алоқалар юксак ривожланган. Бунинг омиллари нимада?

### **Адабиётлар**

1. Каримов И.А. Тарихий хотирасиз келажак йўқ. -Т.: “Ўзбекистон”, 1999.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганининг 17 йиллигига бағищланган тантанали маросимдаги маъруза. //Халқ сўзи, 2009 йил 6 декабрь.
4. Абу Райхон Беруний. Қадимги халқлардан қолган ёдгорликлар. Танланган асарлар. -Т.: “Фан”, 1968.

5. Исҳоқов М. Унтилган подшоликдан хатлар. -Т.: “Фан”, 1992.
6. Мавлонов Ў., Маҳкамова Д. Маданий алоқалар ва савдо йўллари. -Т.: “Akademiya”, 2004.
7. Мавлонов Ў. Марказий Осиёning қадимги йўллари. -Т.: “Akademiya”, 2008.
8. Наршахий. Бухоро тарихи. -Т.: “Адолат”, 1996.
9. Раҳмон Насимхон. Турк хоқонлиги. -Т.: 1993.
10. Сагдуллаев А.С. ва бошқ. Ўзбекистон тарихи: давлат ва жамият тараққиёти. -Т.: “Академия”, 2000.
11. Ўзбекистон тарихи. -Т.: “Университет”, 2003.
12. Ҳасан Ато Абуший. Туркий қавмлар тарихи. -Т.: “Чўлпон”, 1993.
13. Сагдуллаев А.С., Мавлонов Ў. Ўзбекистонда давлат бошқаруви тарихи. -Т.: “Akademiya”, 2007.
14. Ўзбекистон давлатчилиги тарихидан лавҳалар. — Т.: “Шарқ”, 2001.

## **4-мавзу. IX-XII асрларда ўзбек давлатчилиги тараққиёти. Уйғониш даврида фан ва маданият равнақи**

### **Тоҳирийлар давлати**

Ҳирот вилоятининг Бушанг шаҳридан бўлган ибн Ҳусайн ўз номидаги сулолага асос солди. Бу даврда Хорун ар-Рашиднинг кичик ўғли Маъмун (асли исми Абдулла бўлган) Ҳурисоннинг ноиби эди. Амин ва Маъмун ўртасида ҳокимият учун бўлган курашда Тоҳир ибн Ҳусайн Маъмун томонида туриб, Аминга қарши кураши. Айрим манбаларнинг гувоҳлик беришича, 813 йилда Маъмун халифалик маркази Бағдодни эгаллайди, бир неча йил мобайнида Тоҳир ибн Ҳусайн халифа саройида юқори лавозимларда хизмат қиласди. 821 йилда эса Тоҳир ибн Ҳусайн Ҳурисонга ноиб этиб тайинланади (ўша даврда Мовароуннаҳр ҳам Ҳурисон таркибига кирап эди). Тоҳир ибн Ҳусайн Нишопур шаҳрини ўзининг қароргоҳи этиб танлади. У ноиблик қилаётган вилоятларни халифаликдан мустақил бошқаришни орзу қиласди. Шунинг учун Тоҳир халифаликдан мустақил сиёсат юргизишга ҳаракат қиласди. Ноибликка ўтиргандан сўнг орадан кўп ўтмай Тоҳир хутба намозидан халифанинг номини чиқариб ташлайди. Бу эса унинг халифа Маъмунга қарши очиқданочиқ исёни белгиси эди.

Баъзи манбаларда қайд этилишича, 822 йилда Тоҳир ибн Ҳусайн Маъмун одамлари томонидан ўлдирилди. Унинг ўрнига Талха ибн Тоҳир (822-830 й.) ноиб этиб тайинланди. Бунинг сабаби шунда эдики, халифалик маҳаллий ҳукмдорларнинг кучидан арабларга қарши қўзғолонларни бостиришда фойдаланаар эди. Ҳурисон ноибининг муҳим вазифаларидан бири эса ўзига қарашли худудларда вилоят ҳокимларини сайлаш бўлган. Ҳусусан, Тоҳир дастлабки сомонийлар вакилларини Самарқанд, Уструшона, Фарғона ва Шошга ҳоким қилиб тайинлаган.

Талхадан кейин тахтга ўтирган Абдуллоҳ ибн Тоҳир ўзигача бўлган ноиблар сиёсатини давом эттириди. Бу давр-

да Хурносон ноиблигига Мовароуннаҳр, Хоразм, Сейистон, Кўҳистон, Табаристон ва Журҷон ҳудудлари кирган. Ҳар бир вилоят бир неча маъмурий бирликларга бўлинган. Бу бирликлар катта ва кичик туманлардан иборат бўлган. Абдуллоҳ ўз ҳокимиятини мустаҳкамлаш мақсадида ҳарбий ислоҳотлар ўтказган. Тоҳирийлар юритган сиёсатнинг хусусиятларидан яна бири, уларнинг исломлаштириш сиёсати эди. Айрим маълумотларга кўра, Тоҳирийлар даврида Ўрта Осиёнинг барча ҳудудларида ислом дини тарқалади.

Тоҳирийлар давлат бошқарувида турли тоифа ва қатламлар мавжуд эди. Шунга алоҳида эътибор бериш керакки, Тоҳирийлар қишлоқ ҳўжалигини ривожлантириш мақсадида ер-сув масалаларига алоҳида эътибор қаратди. Шу соҳа билан шуғулланувчи қонуншунослар “Китоб ал-куний” номли қонунлар тўпламини тузди. Бу тўплам ердан унумли фойдаланиш ва сугориш тизими масалаларига қаратилган эди.

IX асрнинг 60-70 йилларидан эътиборан тоҳирий хукмдорларга қарши ҳалқ ҳаракатлари кучайди. Бу ҳаракатга Фозийлар бошлилик қилди. (“Фозийлар” асосан кўчманчи қабилалар ҳужумини бартараф қилиш мақсадида камбағал ҳунармандлар ва ерсиз зироатчилардан ташкил топган қуролли қўшин.) Фозийлар ҳаракатини акаука Ёқуб ва Амр бинни Лайс бошқарди. Улар дастлаб Сейистонда ҳокимиятни қўлга олгач, 873 йилда тоҳирийларнинг қўшинларига катта зарба бериб, Хурносон пойтахти Нишопурни эгаллади. Шу даврдан эътиборан тоҳирийлар сулоласи барҳам топди ва Хурносонда ҳокимият Саффорийлар (мисгарлар, Ёқуб ва Амр асли ҳунарманд-мисгар-“саффор” эди.) қўлига ўтди. Расмий жиҳатдан Хурносон ва Мовароуннаҳр устидан ҳукмронлик қилиб турган тоҳирийлар сулоласининг инқирозга учраганлиги Мовароуннаҳрдаги маҳаллий ҳокимларнинг ўлкани тўла мустақиллигини таъминлаш сари ҳаракатлари учун қулай имкониятлар яратиб берди. Энди бу даврда сомонийлар сиёсий майдондаги курашда эркин ҳаракат қила бошла-

ди, улар Мовароуннаҳрда марказлашган давлат барпо қилишга киришдилар. Бирлаштириш гоясини шаҳарликлар ҳам, дехқонлар ҳам қўллаб-қувватлади. Чунки бирлашган ва марказлашган ягона ва қудратли давлатгина кўчманчи қабилаларнинг ҳужумини даф қила олиши мумкинлигини улар яхши билишар эди. Марказлашган ягона ҳамда қудратли давлат кучли ҳарбий куч яратиш имкониятини берар эди.

**Сомонийлар давлати.** Бу давлатга Сомон қишлоғи (Балх яқинида, баъзи манбаларда эса Термиз яқинида) оқсоқоли Сомонхудотнинг авлодлари асос солган. Халифа Маъмунга бўлган садоқатлари эвазига 819-820 йилларда Сомонхудотнинг набиралари Нуҳ Самарқандга, Аҳмад Фарғонага, Яҳё Чоч ва Уструшонага, Илёс Ҳиротга ҳоким этиб тайинланди.

839-840 йилларда Нуҳ ибн Асад Исфижоб вилоятини босиб олди ва уни мустаҳкамлади. У Сўғднинг бир қисми ва Фарғонага ҳоким бўлиб олди. Лекин сомонийлар давлатини бунёд этишда Аҳмаднинг хиссаси кўпроқ бўлди. Унинг Наср, Яъқуб, Яҳё, Асад, Исмоил, Исҳоқ ва Ҳомид исмли ўғиллари бор эди. Нуҳ ибн Асад 842 йили вафот этгач, Самарқандни укалари Аҳмад ва Яҳё бошқарди, кейин ҳокимлик Наср (865-892) кўлига ўтди. 859 йилда Яҳё ибн Асад вафот этгач, Чоч ва Уструшона Аҳмаднинг иккинчи ўғли Яъқубга насиб этди. Кейин ташаббус Исмоил ибн Аҳмад қўлига ўтди. Бухорода тоҳирийлар мавқеи суст эди. 874 йилда Ҳусайн ибн Тоҳир Хоразм шаҳарларини талаётган бир пайтда Бухоро зодагонлари илтимоси билан Наср Бухорога Исмоил ибн Аҳмад (849-892)ни ҳоким қилиб жўнатади.

Наср Мовароуннаҳрда марказлашган давлат тузишга киришди. Халқ бу ишда унга хайирхоҳ эди. 875 йилда у Шовга (Туркистон яқинида)ни қўлга киритди. Халифа Муътамидан Мовароуннаҳрни бошқариш учун ёрлик олишга муваффақ бўлди. Бу пайтда Бухорода кучайиб кетган Исмоил акасига тобе бўлишни истамади. 888 йили икки ўртадаги жангда Наср енгилди. 892 йилда Наср вафот этгач, Исмоил Мовароуннаҳрнинг ягона ҳукмдори

бўлиб қолди (892-907). 893 йилда у Тарозни, сўнг Уструшонани қўлга киритди.

Мустаҳкамланиб бораётган Сомонийлар давлатини заифлаштириш мақсадида Араб халифаси 898 йилда Мовароуннаҳр ҳокимлигидан Исмоилни тушириб, унинг ўрнига саффорийлар сулоласидан Амр ибн Лайсни ҳоким этиб тайинлаш ҳақида ёрлиқ жўнатади. Исмоил 899 ва 900 йиллардаги ҳарбий тўқнашувларда Амр ибн Лайс бошлиқ саффорийлар қўшинларини тор-мор келтирди. Халифа Исмоил ибн Аҳмадни ҳоким сифатида тан олишга мажбур бўлди.

Сомонийлар Мовароуннаҳр ва Хуросонда мустақил давлат тузиш учун, аввалимбор, кучли марказлашган ҳокимият тузиш кераклигини яхши тушунишган. Бу, айниқса, Исмоил Сомоний ҳукмронлиги даврида долзарб масалага айланди. Чунки Исмоил Сомоний Мовароуннаҳр ва Хуросонни бирлаштиришга ва ягона марказлашган давлат тузишга муваффақ бўлди. Энди бу давлатни идора қилиш лозим эди. Шунинг учун Исмоил бир қанча ислоҳотлар ўтказди. Шундай ислоҳотлардан бири давлатни бошқариш маъмуриятини жорий қилиш бўлди. Бу ислоҳотга биноан давлатни идора қилиш саройи (даргоҳ) ва 10 та девон (ҳарбий -фуқаро маҳкамалари) ташкил этилди. Исмоил Сомоний давлатнинг мажмуини ташкил этишда Сосонийлар Эрон ва Араб халифалигига қабул қилинган тажрибадан фойдаланди ва уни замон талабига қараб мукаммаллаштириди.

Ҳокимиятнинг энг юқори поғонасида сомонийлар туриб, улар амир унвони билан давлатни идора қилганлар. Давлат мажмуини мустаҳкамлашда Наср II нинг маърифатли вазирлари Абуабдулло Муҳаммад Жайҳоний ва Абуфазл Муҳаммад Баламийларнинг хизматлари катта бўлган. Умуман, Сомонийлар ҳукмдорлиги даврида вазирлик мансабига асосан шу икки сулола вакиллари тайинланган. Давлат мажмуини даргоҳ ва девонларга бўлиниши расмий бўлган. Чунки саройнинг нуфузли кишилари девон ишларига аралашиб турган. Саройда сиёсий ҳокимият “Соҳиби хорас” қўли остида бўлган. Соҳиби

Хорас Амирнинг фармонлари бажарилишини назорат қилган. Саройда шарбатдорлар, дастурхончилар, таштадорлар, отбоқарлар, хўжалик беклари каби турли хизматчилар бўлган. Саройдаги ҳамма хўжалик ишларини “вакил” бошқарган. Вакил саройдаги эътиборли кишилардан бири ҳисобланган. Наршахийнинг ёзишича, Наср II хукмронлиги даврида ўн девонга Бухоро регистонида ўнта маҳсус бино қурилган.

Девонлар орасида вазир ёки “хўжа бузург” девони алоҳида ўрин тутган. Бу девонга бошқа ҳамма девонлар бўйсунган. У ҳамма маъмурий, сиёсий ва хўжалик маҳкамаларини назорат қилган.

Давлатни идора этишда “мустауфий девон” ҳам муҳим аҳамиятга эга бўлган. Бу девон давлатнинг бутун молия ишларини бошқарган ва назорат қилган. Девон хазинадор томонидан бошқарилган.

“Девон Амир-ал-мулк” ёки “ал-расай” давлат аҳамиятига молик бўлган расмий ҳужжатларни тузиш билан шуғулланган. Бундан ташқари, бу девон чет давлатлар билан бўладиган муносабатларни ҳам бошқарган.

“Соҳиб аш-шурат” девони давлатнинг бутун ҳарбий ицларини, шу жумладан, амирнинг шахсий қўшинини бошқарган. “Соҳиб аш-шурат”нинг маҳсус ёрдамчиси Арис бўлган. У маҳкама, унинг бошлиғи, амир қўшини хазинаси билан шуғулланган. Бир йилда тўрт марта қўшимча маош тўлаган. Давлатни идора этишда “соҳиб ал-борид” девонининг аҳамияти ҳам жуда катта. Бу девон давлат аҳамиятига молик бўлган ҳужжатларни ва хабарларни етказиш билан шуғулланган. Ҳамма шаҳар ва вилоятла рда девоннинг маҳаллий маҳкамалари бўлган.

“Мухтасиба” девони бозорларни, сотувчиларни, қадоқтошларнинг оғирлиги, молларнинг нархини, сифатини назорат қилган.

Давлат хазинасининг даромадлари ва харажатларини “мушриф” девони назорат қилган. Бундан ташқари, “қози аз зия” ва “вақф” девонлари бўлган. “Қози аз зия” дево-

ни давлат ерларини, “вакф” девони ҳадя этилган ерларни ва мусулмон руҳонийларининг бошқа мол-мулклари ни назорат қилган.

Вилоятларда девонларнинг бошқармалари бўлган. Булар, бир томондан, ўз девонларига, иккинчи томондан, вилоят ҳокимига бўйсунган. Бундан фақат “Соҳиб ал-борид” девонининг амалдорлари мустасно бўлган.

Вилоят ва туманларни амир томонидан тайинланган ҳокимлар идора қилган. Одатда, бундай лавозимга маҳалий бой зодагонлар тавсия этилган. Сомонийлар давлатида мусулмон руҳонийларнинг таъсири ниҳоятда кучли бўлган. Улар марказий ҳокимият ишларида ҳам фаол иштирок этишган. Сомонийлар давлати ҳанафийлар мазҳаблигига мансуб руҳонийлар ҳамда диний лавозимларни ўз қулига олган. Руҳонийларнинг бошлифи “устод”, кейинчалик “Шайх ул-ислом” деб аталган. “Устод”дан сўнг ўз лавозими бўйича “хатиб” турган. У жомеъ масжидларида жума намозида хутба ўқини ҳуқуқига эга бўлган. Бу даврда Бухоро Шарқдаги ислом оламининг энг нуфузли марказларидан бирига айланади. Мовароуннахрдаги дастлабки мадрасаларнинг бу ерда барпо этилиши ҳам бежиз эмас.

Ер эгалигининг қуидаги шакллари мавжуд бўлган.

Мулки султоний — шахсан амирга тегишли ер-сув, тегирмон, дўконлар. Бу мулкни қишлоқ чорикорлари ижарага олган. Яна ер эгалигининг тўъма (умрбод берилган ер), иқтоъ (меросий) турлари бўлган.

Хусусий шахсларга тегишли мулк — ҳукмдор табақа хонадони, деҳқон-зодагонларга, саййидлар, сипоҳсолор, бадавлат савдогарларга тегишли мулклар. Шартли ер эгалиги ҳам бўлган.

Вакф мулки — диний муассасалар ва мадрасаларга тегишли мулк. Бу мулкни муассаса мутаваллиси бошқарган.

Жамоа мулки — яйлов, тоғ ёнбагирларидаги лалми ерлар.

Умуман, Сомонийлар даврида Хурросон ва Мовароун-

нахр қишлоқ хұжалигининг турли тармоқлари, хусусан, дәхқончилик яхши ривожланган. Сомонийлар даврида дәхқончилик билан бир қаторда хунармандчилик ҳам кенг тарқалған. Шағар ақолисининг күп қисми хунармандчиликнинг турли соқалари билан машхұр бўлишган. Манбаларда қайд қилинишича, Мовароуннахрда, айниқса, тўқимачилик яхши ривожланган. Бу ерларда ипак ва жундан тайёрланган турли-туман газламалар ўзининг юқори сифатлилиги, нафис нақшлари билан ажралиб турган. Бухоронинг Зандана, Самарқанддаги Ведар, Сурхондәрёдаги Дағранги тўқимачиларининг маҳсулотлари фақатгина Мовароуннахр ва Хуросондагина эмас, балки Ироқ, Эрон, Ҳиндистонларда ҳам машхұр бўлган. Наршахийнинг ёзишича, Занданада тайёрланган газламаларга Шарқ бозорида эҳтиёж жуда катта бўлган. Ибн Ҳавқал ва Муқаддасийнинг қайд этишича, Ведарда тайёрланган олий сифатли газламалар ақолининг юқори табақалари орасида жуда қадрланган. Бу газламалардан, асосан, амирлар, вазирлар, турли амалдорлар, қозилар ўзларига либослар тиктирганлар. Ведар газламаси ҳатто Хуросон парчаси ҳам деб аталган. Газламалар Кешда, Насафда, Дабусия каби шаҳарларда ҳам тайёрланган.

Қулолчилик ҳам Сомонийлар даврида ўз тараққиётининг энг юқори босқичига қутарилган. Қулолчилик чархини янада мукаммаллашиши натижасида идишларни беzaшда сирлардан фойдаланишининг кашф этилиши бу борада катта ютуқ бўлди. Бу даврда шишасозлик ҳам кенг ривожланган. Ўрта Осиё шишасозлари турли шакл ва ҳажмдаги шиша идишларни тайёрлашган.

Сомонийлар даврида металлургия соҳасида ҳам катта ютуқлар қўлга киритилган. Ёзма манбалар ва олиб борилган археологик тадқиқотларга қараганда, бу даврда кон саноати тараққиётida катта ўзгаришлар рўй берган. Бу даврда Бадаҳшонда кумуш, олтин, билур, ложувард каби қимматбаҳо металл ва тоштар қазиб олиш давом этган. Уструшонанинг Минк туманида катта миқдорда темир рудаси, Буттамда олтин, кумуш, мис ва бошқа металлар,

Тузкон кўлида туз, Фарғонадаги Нокад деган жойдан олтин, кумуш, Исфара яқинидан тошкўмир қазиб олинган. Фарғонада нефть мавжудлиги ёзма манбаларда қайд қилинган.

Ўрта Осиёда сомонийлар даврида қофоз ишлаб чиқариш ҳам яхши ривожланган. Бу соҳада энг йирик марказ Самарқанд бўлиб, унинг маҳсулоти фақат Ўрта Осиё ёки Шарқда эмас, балки Европада ҳам машҳур бўлган. Самарқанд қофозининг олти нави манбаларда қайд қилинган.

Сомонийлар даврида Ўрта Осиёда тоштарошлиқ, заргарлик, дурадгорлик каби соҳалар ҳам анча ривож топган. Сомонийлар даврида кучли ва мустақил давлатнинг пайдо бўлиши деҳқончилик, хунармандчиликнинг ривожланиши, шаҳарларнинг тараққиёти, ўз навбатида, ички ва ташки савдонинг янада узвийлашуви ва тараққиётига олиб келди. Аввало, шаҳар ва қишлоқлар ўртасида савдо кенгайди. Иккинчи томондан, шаҳар ва қишлоқларнинг қўшни кўчманчи халқлар ҳамда бошқа давлатлар билан алоқаси ривожланди.

Ўрта осиёлик савдогарлар ўз молларини араб халифалиги таркибига кирган давлатларга, Кавказга, Хазар ва Булғорияга, Хитой ва Ҳиндистонга олиб бориб сотишар эди. Ўрта Осиёдан Хитой билан Ўрта ер денгизини бирлаштирувчи ва Жануби-шарқий Европага олиб борувчи карvon йўллари ўтган. Айниқса, Ўрта ер денгизи билан боғловчи карvon йўли анча гавжум бўлган. Бу йўл Бағдод, Ҳамадон, Нишопур, Марв, Амул, Бухоро, Насаф, Кеш, Самарқанд, Уструшона, Чоч, Боласоғун орқали Хитойга борган. Ўрта Осиёдан Хитойга отлар ва шиша буюмлар олиб борилган. Хитойдан эса турли-туман ипак газламалар келтирилган. Ўрта Осиёдан Ҳазар, Булғор ва Русь ерларига қуруқ мевалар, турли-туман газламалар, гуруч ва кумуш олиб борилган. Ўз навбатида, Жануби-шарқий Европадан Ўрта Осиёга мўйна, мис, тери, қорамол, қуллар келтирилган. Жануби-Шарқий Европа билан бўлган савдо алоқаларида хоразмлик савдогарларнинг ўрни катта бўлган.

## Қорахонийлар давлати

Қорахонийлар давлати Еттисув ҳудудидаги Қарлук (756-940) давлати ўрнида ташкил топди. Унинг асосчиси Сотуқ Буғрохон (915-955) ҳисобланади. У 942 йили Боласоғун ҳокимини мағлуб этиб, ўрнига ўзини хоқон деб атади. Қорахонийлар давлатига икки қабила — Яғмо ва Чигил қабилалари бирлашди. Сотуқ замонида Қорахонийлар давлати иккига бўлиниб кетади. Бирининг пойтахти Боласоғун бўлиб, олий ҳокимият ёши катта бўлган хоқон томонидан бошқарилган, иккинчи давлатнинг пойтахти Тароз, кейинчалик Қошғар бўлиб, кичик хоқон томонидан бошқарилган.

1001 йилда Султон Махмуд Қорахонийлар хони Наср билан шартнома тузиб, Амударёни икки ўртадаги чегара қилиб белгилади. Сомонийлар давлати ўрнида икки улкан давлат ташкил топди.

Биринчиси — Қошғардан Амударёгача чўзилган Шарқий Туркистоннинг бир қисмида, Еттисув, Шош, Фарғонанинг қадимги ҳудудларини ўз ичига олган Қорахонийлар давлати.

Иккинчиси — Шимолий Ҳиндистон сарҳадларидан Каспий денгизининг жанубий қирғоқларигача чўзилган ҳамда ҳозирги Афғонистон ва Шимоли - шарқий Эронни ўз ичига олган Фазнавийлар давлати.

Илоқ ҳокимлари номигагина қорахонийларга қарам бўлиб, ўз юртларини мустақил равишда бошқарган. Илоқдаги деҳқонлар сулоласининг асосчиси Мансур ибн Аҳмаднинг ўғли Муҳаммад ибн Мансур (1004-1008) бўлган. Унинг ўғли Абушужо Солор ибн Муҳаммад (1008-1009) қорахонийлар хони Аҳмад ибн Алига қарам бўлди. Илоқда Наср ибн Алининг учинчи укаси Муҳаммад ибн Али (1010-1015) Инолтегин лақаби билан пул зарб қилган. Унга Илоқ, Хўжанд, Тароз мулклари тобе бўлган. Чуфротегин Ҳусайн ибн Мансур (1016-1030), Муҳаммад Юсуф Буғрохон (1032-1057) давлати пойтахти Шош эди. Тўғрултегин Қорахон Юсуф (1068-1075) замонида Илоқ Шарқий Қорахонийлар давлатига қарам бўлган.

XI аср ўрталарида тамғочхон унвонини олган қорахо-

ний Иброҳим ибн Наср ғарбий Қорахонийлар давлатининг пойтахтини Ўзгандан Самарқандга кўчирди.

1068 йилда, Мовароуннаҳрда қорахоний Иброҳим ибн Наср ўғиллари ўртасида таҳт учун кураш бошланди. Курашда Шамсулмулк ғалаба қозонди. Шамсулмулк Абулҳасан Наср ибн Иброҳим (1068-1080) даврида Бухорода катта қурилиш ишлари олиб борилган.

1080 йилда Шамсулмулк вафотидан кейин Мовароуннаҳрда ҳокимият учун кураш авж олади. Бундан фойдаланган салжӯқий султон Маликшоҳ 1089 йили Мовароуннарга бостириб кирди. Бухоро ва Самарқандни забт этиб, хон Аҳмадни асир олди. Аммо, Аҳмад билан сулҳ тузиб уни ўз таҳтида қолдиради. Қорахоний Аҳмаднинг салжӯқларга итоаткорлиги амирлар ва руҳонийлар норозилигига сабаб бўлди. Натижада у 1095 йилда ўлдирилди.

Аҳмаддан сўнг таҳтга ўтирган Арслонхон (1102-1130) замонида қорахонийлар гарчи ярим мустақиллик шароитида сиёsat юргизган бўлсалар ҳам, Самарқанд шаҳрининг ободонлиги бўйича катта ишлар қилдилар. Ҳарбий қўмондонлар ва руҳонийлар Арслонхон ҳокимиятидан норози эди. Арслонхон бетоблиги туфайли ҳокимиятни ўғли Насрга топширади. Лекин фитначилар Насрни ўлдириади. Арслонхон Марвдан Султон Санжарни ёрдамга чакиради. Бундан фойдаланиб, Санжар 1130 йили Самарқандни эгаллайди.

XII аср бошларида қорахитойлар Боласоғунни эгаллайдилар. 1138 йилда қорахитойлар гўрихони (хукмдори) Султон Санжарнинг қариндоши, Самарқанд хукмдори Маҳмудни Хўжанд яқинида мағлуб этади. Шаҳар таланиб, катта товон ундирилган бўлса-да, босиб олинмади.

1141 йилда қорахитойлар яна Мовароуннаҳрга бостириб кирди. Бу гал жанг Самарқанд яқинидаги Қатвон чўлида бўлди. Жангда Султон Санжар билан Маҳмуднинг бирлашган кучлари тор-мор қилинди. Ҳар икки томондан 30 мингга яқин киши ўлдирилди. Султон Санжар ва Маҳмуд Термиз томон чекинди. Султон Санжар хазинаси, унинг хотини Туркон хотун Гўрхон қўлига ўлжа тушди. Қорахонийлар Самарқанд ва Бухорони эгаллади.

Самарқанднинг қорахонийлар сулоласига мансуб бўлган кейинги хонлари, яъни элекхонлар қуидагилар:

Муҳаммад ибн Ҳусайн (1170-1176), Муҳаммад Оқтош Тафроҷхон (1176-1178), Иброҳим ибн Ҳусайн (1178-1202), Усмон ибн Иброҳим (1202-1212).

Ўзганда Қодирхон ибн Иброҳим ибн Ҳусайн (1183-1210), Илоқ (Шош)да (пойтахти Бинкат) Шоҳ Қиличхон (1177-1183), Тафроҷ Ҳоқон (1195-1197), Оқдош Чагрихон (1197-1206) ҳоким эди.

Сўнгти қорахонийлар қорахитойларга тобеликдан қуттилган эди. Бироқ, 1212 йилда Аловуддин Муҳаммад Хоразмшоҳ фарбий қорахонийлар давлатининг хоқони Усмонни ўлдириб, Самарқандни ўз мулкига қўшиб олди.

Қорахонийларда Қошғар ва Боласогун пойтахт саналиб, улуғ хон шу шаҳарлардан биридаги қароргоҳда ўтирган. Улуг хоқон ёки улуг хон ул-хоқон деган номда юритилган. Араб манбаларида мазкур унвон султон улсалотин, форс тарих асарларида шаҳаншоҳга мувофиқ келади. Айнан юқоридаги олий унвон қорахонийлар даври китобларида тамғочхон деб ҳам юритилган.

Қорахонийларга қарашли ерлар тамғочхон томонидан унинг ўғиллари, қариндошлари ўртасида тақсимланган эди. Шу боис ер-мулк масаласида ота-ӯғил, амаки, жиянлар ҳамда ака-укаю амакиваччалар ўртасида доимий низолар юз бериб, у сиёсий аҳволга салбий таъсир қўрсатиб турган.

Еттисувдан туриб Мовароуннаҳни бошқариш қийин бўлган. Қорахонийлар даврида Самарқанд эликхони анча кучайиб кетган эди. Саройда сомонийлар давлатида бўлганидек вазир, соҳиббари, муставфий, ҳожиб, раис-муҳтасиб каби амалдорлар бўлган. Қорахонийлар давлатида имом, саййид, шайх, садрлар мавқеи кучли эди.

Қорахонийлар давлати бошлиғи лавозими, хоқоннинг таҳти меросий саналган. Маъмурий идоралар иккига бўлинган: даргоҳ ва девон. Ҳоқоннинг улуғ ҳожиби хоқон билан фуқаро ўртасида воситачилик қилган. Ҳоқон саройида қуидаги амалдорлар бўлган: оғичи — шойи кийимлар хази-

начиси; бирук — меҳмонларни қабул қилиш бўйича мутасадди; ошчи — хоқон ошхонаси бошлиғи (богарчи); битикчи — мунший; котиб — мирза; қушчи — хоқон овининг ташкилотчиси.

Хоқон ҳарбий қўшинлари черик дейилган, унга субошиб ёки сипоҳсолор қўмондонлик қилган. Кичик зобит човуш, сипоҳийлар тўдаси қўмондони хайлбоши дейилган. Қўшин ўнлик, юзлик, мингликларга бўлинган. Қораҳонийлар хоқони қўши (ҳарбий лагерь) хонтўй дейилган. Хоқон қўшида доим 9 та сариқ байроқ хилпираб турган. Хоқонликда элчини ялавоч ёки ялафар деб аташган.

Хоқонлик ҳудудлари эл, вилоятларга бўлинган. Ижтимоий тузумда мавқеи анча баланд ҳисобланган йирик заминдорлар-дехқонлар қатлами қораҳонийлар даврида ўз аҳамиятини йўқотди. Ўрта Осиё кўхна зодагон тоифасининг бундай аҳволга тушишига асосий сабаб сиёсат майдонида юз берган сулолалар ўртасидаги таҳт алмашуви, энг таъсирили жихати эса кўчманчилик шароитига мослашган эл-улусларнинг ўтрок аҳоли ҳудудларининг ишғол этишидир.

Қораҳонийларда оддий халқ будун дейилган. Солиқ тўловчи фуқаро раийят деб аталган. Қабила бошлиқлари бек дейилган, савдогарлар сарт деб аталган. Қораҳонийлар давлатида ҳунармандчилик (кулолчилик, тўқувчилик, шиша созлиқ, темирчилик, заргарлик), шунингдек, зироат ва чорвачилик маҳсулотларини қайта ишловчи соҳалар тараққий этган. Шунингдек, қимматбаҳо тошлилар, олтин, мис, темир қазиб олинган. Шаҳарсозлик иншоотлари пишиқ гиштдақ бунёд этилган. Хонликда ер эгалигининг иқтакъ шакли кенг тарқалган. Манбада шундай дейилади: “Иқтага соҳиб бўлганлар (муқтадар) шуни билишлари лозимки, улар фақатгина раийятдан ҳақ молини яхшилик билан олишга ҳақлидирлар ва одамлар ўз танув моллари, бола-чакалари, асбоб-ускуналари билан хавфсиз бўлишлари шарт. Агар одамлар саройга келиб, ўз ҳолларини маълум қилмоқчи бўлсалар, улар қаршилик қилмасинлар ва қайси бир муқта шундай қилса қўлинини қисқартириб, иқтасини тортиб олиш, ўзига жазо бериб, бош-

қаларга ибрат этиб күрсатиш керак. Уларга шуни билдириб қўйиш лозимки, мулк ҳам, раийят ҳам хонникидир. Муқталар ва валийлар уларни бошларида шаҳнадек туриб, подшоҳни раийят билан бирга хавфсизликдан сақлайдилар” (“Сиёсанома”). Хоқон, вақф, жамоа мулклари қорахонийлар тасарруфидаги асосий ер-мулклар ҳисобланган.

## Ғазнавийлар ва Салжуқийлар

Ғазна шаҳрини Хуросоннинг сиёсий марказига айланниши X асрнинг иккинчи ярмига тұғри келади. Ғазнавийлар давлатининг асосчиси Собуқтегин бўлиб, бу давлат унинг ўғли Маҳмуд Ғазнавий даврида мусулмон оламининг энг кучли давлатига айланди. Бу давлатнинг ҳудуди Маҳмуд Ғазнавийнинг истилочилик юришлари туфайли шимолий ва шимоли-ғарбий Ҳиндистондан Чаганиён ва Хоразмгача чўзилган бўлиб, унга Эроннинг катта қисми ҳам кирган эди. Маҳмуд Ғазнавий Мовароуннаҳрдаги қорахонийлар сиёсатига, айниқса, Хоразмга катта таъсир кўрсатар эди. Ўз даврининг иқтидорли саркардаси ва қаттиққўл ҳукмдори бўлган Маҳмуд Ғазнавий 1030 йилда вафот этади. Шундан сўнг таҳтни унинг ўғли Маъсуд (1030-1041) эгаллади. Лекин Маъсуд отаси тузган давлатни бутунлигича сақлаб қололмади.

Ғазнавийлар султони Маъсуд Хуросонга юриш қилган туркий-салжуқийлар билан кўп бор жанг олиб боришга мажбур бўлди. Маҳмуд Ғазнавийнинг рухсати билан шимолий Хуросонга жойлашиб олган салжуқийлар бу даврага келиб, ғазнавийлар учун катта хавф туғдира бошлади. 1035 йилда салжуқийларнинг Хуросонга янги ҳужуми бошланади. Нишопурдан Нисо шаҳрига етиб келган ғазнавийлар кўшини салжуқийларга зарба берган бўлса-да, Салжуқийнинг невараси Тогрул ва Чангри бошчилигидаги туркманлар кечаси Ғазнавийлар қароргоҳига ҳужум қиласи ва ғалаба қозонади. 1037 йил апрель ойида туркманлар Мари вилоятини узил-кесил эгаллашга эришдилар. Бағдодда халифага ҳокимият учун ёрлик беришни

сұраб әлчи жұнатади. Шу тариқа Хуросонда янги давлатга — Салжуқийлар давлатига асос солинди.

Газнавийларга тегишли Хуросон аста-секин салжуқийлар құлиға үтди. Салжуқийлар давлатининг бош султони бұлиб, Тоғрулбек (1038-1063 й.) сайланды. У катта истилочилик юришлари олиб бориб, Балхни, Ироқнинг шимоли, Озарбайжон, Курдистон ва Құҳистонни ҳам босиб олишга эришди. 1055 йилда у катта құшпин билан Бағдодда кириб келди ва халифадан үз номига хутба үқитиши талаб этди. Шундан сұнг халифа диний ҳокимиятни үз құлида сақлаб қолиб, дунёвий ҳокимиятни султон унвони билан Тоғрулбекка топширди. Салжуқийлар давлатининг пойтахти қилиб Тоғрулбек Рай шахрини таңлады. Унинг ҳукмронлиги даврида салжуқийлар Қавказда Византия құшинларига ҳам катта зарба берди. У Мовароуннахрда ҳукмронлик қилаётган қорахонийлар билан дўстона муносабатлар үрнатди. Лекин, унинг вориси Алп Арслон (1063-1072) Амударёнинг ўнг соҳилидаги ерларга бир неча бор ҳарбий юришлар уюштириди. Византия императори Роман IV Диоген құшинларини мағлуб этди. Ундан кейин таҳтга үтирган Маликшоҳ (1072-1092) 1089 йилда қорахонийлар ўртасидаги ички низолардан фойдаланиб, Бухоро ва Самарқандни әгаллаб, катта ўлжа билан орқага қайтди. Лекин Қорахонийлар Салжуқийларнинг ярим вассалига айланды. Маликшоҳнинг ўлимидан кейин Салжуқийлар давлатида таҳт учун үзаро кураш қизиб кетади, 1118 йилда ҳокимият буюк салжуқийлар сулоласининг сұнгги йирик вакили Султон Санжар (1118-1147) құлиға үтади. Унинг даврида Салжуқийлар давлатининг пойтахти Марв шахрига құчирилди. У Мовароуннахрдаги қорахонийларнинг ички ишларига, сиёсатига катта таъсир үтказа олишга эришган салжуқийлардан зди. 1141 йилда қорахитойлар билан Султон Санжар ва унинг вассали, иттифоқдош қорахоний Махмудхоннинг бирлашған құшинлари ўртасида, Самарқанд яқинидаги Катвон чұлида бўлиб үтган жангда қора хитойларнинг галаба қилиши Салжуқийлар давлатини анча заифлаш-

тирди. Салжуқийларнинг маглубиятидан Хоразмшоҳ Қутбиддин Муҳаммад Отсиз усталик билан фойдаланиб, 1141 йилнинг қишида салжуқийларнинг пойтахти Марвни босиб олди, 1142 йилда эса Нишопурга юриш қилди. Лекин Султон Санжар Хоразм қўшинларини Хуросондан қувиб чиқарди ва Хоразмшоҳ Отсизни яна ўзига бўйсундиришга эришди. Султон Санжарнинг ҳаракатларига қарамасдан Салжуқийлар давлати ўзининг аввалги қудратини йўқота борди. Салжуқийларга ҳал қилувчи зарбани Балх ва Хутталон вилоятларида яшовчи кўчманчи Фўз қабилалари берди. Улар Султон Санжар қўшинларини тормор этиб, уни асир олди. Фўзлар ҳимоясиз қолган Марв, Нишопур шаҳарларини талаб, ўт қўйди. Султон Санжар 1156 йилда асирикдан қочишга муваффақ бўлса ҳам, лекин салжуқийлар давлатини тиклай олмади ва бир йилдан кейин вафот этди.

### **Хоразмшоҳлар даврида ўзбек давлатчилиги**

Хоразм сомонийлар даврида уларга тобе эди. X аср охири ва XI асрнинг бошларига келиб Хоразм ҳокими Маъмун I ва унинг ўғли Али ибн Маъмун Сомонийлар давлати тугаганидан сўнг мустақил давлат тузишга ҳаракат қилиб кўрдилар. Лекин Мовароуннаҳрдаги Корахонийлар ва Хуросондаги Фазнавийлар давлати олдида Хоразм давлати жуда кучсиз бўлиб, кўп ҳолларда Маҳмуд Фазнавий ва унинг ўғли Маъсудга қарам эди. Фазнавийлар давлатининг инқирози ва Хуросонда Салжуқийлар хукмронлиги ўрнатилгандан кейин Хоразм дастлабки йилларда мустақил сиёsat олиб боришга ҳаракат қилган бўлса-да, тез орада Салжуқийларга қарам давлатга айланди.

Хоразмнинг мустақил давлат сифатида шаклланишида кўп хизмат қилган хукмдор Қутбиддин Муҳаммад Отсиз (1127-1156) бўлди. Салжуқий Султон Маликшоҳ даврида Хоразм хукмдори бўлган Ануштегиннинг невараси Отсиз ўзи тобе бўлган Салжуқий султонларининг ҳар бир хатосидан усталик билан фойдаланди. Айёр, дипломат

ва моҳир саркарда бўлган Отсиз мустақил ташки сиёsat олиб борди. У Хоразм ерларини анча кенгайтириб, Сирдарёning қуи оқимини, Манғишлоқни босиб олади. Щундан сўнг у бир неча бор (1138, 1141, 1142, 1147-1148 й.) Султон Санжарга қарши исён қилди ва маглубиятга учраб, Салжуқийларга бутунлай тобе бўлиб қолди. Лекин шунга қарамасдан у Хоразм мустақиллиги учун мустаҳкам асос яратади. Султон Санжарнинг вафотидан сўнг (1157 й.) Салжуқийлар давлати деярли йўқ бўлди. Хоразм мустақил давлат сифатида сиёsat олиб бориши учун кенг йўл очилди. Мухаммад Отсизнинг вафотидан сўнг ўғли Эларслон таҳтга ўтириди. У отасига қараганда анча қулай шароитда давлатни бошқарди. Хурросондаги воқеалардан фойдаланиб, у Каспий бўйидаги Дехистон худудини босиб олишга эришди. Эларслон отаси даврида Хоразмнинг бўйсундирилган кўчманчи туркман ва қипчоқ қабилалари ёрдамида Мовароуннаҳрнинг ички ишларига ҳам тез-тез аралаша бошлади. 1158 йилда у катта қўшин билан Мовароуннаҳрга бостириб кирди. Бу вақтда қорахитойларга вассал бўлган қораҳонийлар кўчманчи қарлуқ қабилалари билан жанг олиб боришаётган эди. Эларслон қарлуқларга Бухоро ва Самарқанд учун олиб борган жангларда ёрдам берди. Лекин қорахитойлар қўшинлари ёрдамга етиб келиши билан Эларслон Хоразмга қайтишига мажбур бўлди. У бир неча марта Хурросонга юриш қилган бўлса-да, муваффақиятга эриша олмади. 1171-1172 йилларда қорахитойларнинг катта қўшини Хоразмшоҳнинг ўлпонини ўз вақтида тўламаётганлигини баҳона қилиб, Хоразм устига юриш қилди. Эларслоннинг буйруғи билан Сирдарёдаги тўғон бузиб ташланди ва катта майдон сувга бостирилди. Бу қорахонийлар қўшини юришини қийинлаштириди ва Хоразмнинг пойтахти Гурганч (Урганч)ни талон-тарож қилишдан саклаб қолди.

Лекин қорахонийларнинг бу босқини даврида Эларслон вафот этди. Ундан кейин Хоразм таҳтини унинг кичик ўғли Султоншоҳ эгаллайди. Арслоннинг катта ўғли Алоуддин Такаш қорахитойлар ёрдами билан укаси Султоншоҳдан таҳти төртиб олишга эришди. Султоншоҳ Хурросонга

қочишга мажбур бүлди. Шундан сұнг Алоуддин Такаш (1172-1201) Хоразмда маҳкам үрнашиб, қорахитойларга ваъда берган үлпопни тұлаштыңан бош тортади. Үнга жавобан қорахитойлар Хоразмга яна юриш қиласы, лекин муваффакиятсизликка учраб, Султоншоқ ихтиёрига бир кичик құшин қолдириб, үзлари орқага қайтади. Султоншоқ эса құшин билан Марв шаҳрини, Серахс ва Тусни әгаллади.

Қорахитойларнинг муваффакиятсиз юришларидан кейин, Такаш үз давлатини янада мустаҳкамлади. Мовароуннаұрга, Хуросонга бир неча бор ҳарбий юришлар уюштируди. У Мовароуннаұрни әгаллай олмаган бүлса-да, лекин Хуросоннинг бир неча туманларини босиб олди. Лекин Хоразмшоқ Такашнинг Хуросонда кучли ва хавфли рақиби бор эди. Бу тобора кучайиб бораётган Фурийлар давлати эди. Фур вилояты ҳозирги Афғонистондаги Гериrud дарёси бүйіда, Ҳиротдан Балхгача, Қобулдан Фазнагача чүзилған вилоят бўлиб, бу ерда асосан форсий қабилалар яшаган. Сұнгги Салжукійлар даврида Фур вилояти үз мустақиллигини анча мустаҳкамлади.

1150-1151 йилларда фурийлар ҳокими Алоуддин Фазнавий сулосаси султони Баҳромшоқ устидан ғалаба қозониб, Фазна шаҳрини вайрон қилған эди. Фазнавийларга сұнгги зарбани 1186-1187 йилларда Фурийлар ҳокими Фиёсиддин Мұҳаммад берди. Шундан сұнг Фурийлар ҳозирги Афғонистонни ҳамда Тожикистан ва Ўзбекистоннинг жанубий ҳудудларини ҳам маълум вақт әгаллаб турди. Хуросонда Салжукійларнинг күчсизланғанидан фойдаланиб, Фурийлар султони Фиёсиддин Мұҳаммад 1175 йилда Ҳиротни әгаллади ва Хуросоннинг марказий ҳудудларига ҳужумлар уюштириб турди. Қорахитойларнинг вассали ҳисобланған Хоразмшоқ Такаш эса Хоразмни қорахитойлар құлидан қутқариш учун катта куч сарфлашта мажбур бүлди. Фақат XII асрнинг 80-йилларида у Хуросонни, унинг баъзи ҳудудларини құлга киритди. 1187 йилда у Нишопурни, 1192 йилда Рай шаҳрини, 1193 йилда Марв шаҳрини әгаллади. Бағдод халифаси Наср (1180-1225) ва Фарбий Салжукійлар султони Тогрул II үртасидаги ни-

здан фойдаланиб, Такаш қүшинлари 1194 йилнинг март ойида Тогрул II га қарши уруш очди, уни енгиб Ҳамадон шахрини эгаллади. Тогрул II эса жангда ўлдирилди.

Хоразмшоҳнинг тобора кучайиб бораётганидан хавфсираган Халифа Наср қўшинлари Такашга қарши чиқди. 1196 йилнинг июль ойида хоразмликлар халифа қўшинларини енгди. Шу тариқа Эроннинг катта қисми Хоразмшоҳлар кўлига ўтди ва давлати, ҳудуди бирданига икки баравар кенгайди. Хоразм давлати энди Бағдод халифасига тегишли жойлар ва Фурийлар билан чегарадош бўлиб қолди. 1200 йилда Такаш вафот этди ва шундан кейин Ироқда ҳалқ қўзғолони қўтарилиди. Бу ердаги Хоразм қўшинларининг катта қисми қириб ташланди, қолганлари Хуросонгача келишга мажбур бўлди. Хоразмшоҳлар ичида Такаш энг талантли лашкарбоши ва ҳукмдор эди. У жуда огир вазиятда Олд Осиё ва Ўрта Осиёning катта қисмини бирлаштириб, қудратли давлат тузишга муваффақ бўлди.

Лекин Такашнинг катта хатоси шунда эдики, у ўзининг хотини Туркон хотун мансуб бўлган қипчоқлар қабиласига катта эркинлик берди. Уларни доимо қўллаб-куватлади. Туркон хотуннинг давлат ишларига аралашуви Хоразмдаги ички низоларнинг кучайишига олиб келди. Такашнинг ўлимидан кейин Хоразм тахтига унинг ўғли Алоуддин Муҳаммад ўтирди (1200-1220). 1203 йилда Муҳаммад қорахитойларнинг ёрдами билан Хуросонни бутунлай босиб олди. Ҳиротни ва яқин атрофларини эгаллади, 1207 йилда у ўз пойтахтига қайтиб, Мовароуннаҳри босиб олиш учун тайёргарлик кўра бошлади. Шу йилнинг ўзидаёқ Муҳаммад Мовароуннаҳрга катта куч билан ҳарбий юриш бошлади. Бунинг сабаби Бухорода кўтарилиган ҳалқ қўзғолони эди. Бу қўзғолон 1206 йилда Бухоро садри (ҳокими) Муҳаммад ибн Абдулазизга қарши қаратилган эди. Бухоро садрларига хос барча ёмон хислатлар бу одамда мужассам эди. У ҳалқдан катта солиқлар олиб, уларни шафқатсизларча эзар эди. У диний раҳбар бўлишига қарамасдан, айт-ишратга муккасидан кетган эди.

Бухорода унинг зулмига қарши халқ ҳаракатининг асосий кучлари шаҳар ҳунармандлари эди, қишлоқ аҳолиси — дехқонлар ҳам бу ҳаракатни қўллаб-куватлади. Бу қўзғолоннинг бошлиғи қалқон ясовчи устанинг ўғли Малик Санжар исмли шахс эди. Қўзғолончилар садр Мухаммадни кувиб чиқарди. У қорахитойлардан ёрдам суради. Лекин Хоразмшоҳ Мухаммад қорахитойлардан олдинроқ ҳаракат қилиб, Бухорони босиб олди. Шу тариқа Мовароуннахри Хоразм таркибиға қўшиб олиш бошланди. Қўзғолончиларнинг бошлиғи Малик Санжар Урганчга олиб кетилди.

Мовароуннахр халқи Хоразмшоҳни қорахитойлар зулмидан қутқарувчи куч сифатида қарши олди. Мухаммад Хоразмшоҳ қорахитойларнинг вассали бўлган Самарқанд ҳокими (қорахонийлар сулоласидан) Усмон билан дўстона муносабат ўрнатди. Бу эса қорахитойларнинг Самарқандга юриш қилишига олиб келди ва улар шаҳарни босиб олди. Бу вақтда мўғул қабилаларидан бири бўлган найманлар қорахитойларнинг Еттисувдаги ерларига бостириб кирди. Шунинг учун қорахитойлар шошилинч равишда орқага қайтишга мажбур бўлди. Уларнинг қийин аҳволга тушиб қолганидан фойдаланган Хоразмшоҳ Самарқандни эгаллаб (Усмон унинг вассалига айланди) қорахитойлар устига юриш қилди ва Талас водийсида 1210 йилда қорахитойлар қўшини устидан ғалаба қозонди. Бу ғалаба туфайли Мухаммад Хоразмшоҳнинг аҳволи анча мустаҳкамланди. Самарқанд ҳокими Усмон Хоразмшоҳнинг тўлиқ вассалига айланди ва унинг куёви бўлди.

Соликларнинг хаддан ташқари ошиб кетганидан норози бўлган Самарқанд халқи 1212 йилда қўзғолон кўтарди. Катта қўшин билан Хоразмшоҳнинг ўзи Самарқандга кириб бориб қўзғолончилардан шафқатсизларча ўч олди ва куёви Усмонни ҳам ўлдирди. Шундан сўнг у Мовароуннахрдаги вазиятни ўз фойдасига ҳал этиш учун Фарғонани Усмоннинг укаси Қодирдан тортиб олди. Ўзган шаҳрини ҳам эгаллади ва шу тариқа қорахонийлар сулоласи бутунлай тугатилди. Қорахитойлар сулоласини эса қўчманчи найманлар Кучлук раҳбарлигида тугатди. Хоразмшоҳ

Ўрта Осиёни бутунлай эгаллагандан сўнг Фарбга юриш қилди, тез орада Эрон ва Афғонистонни босиб олди. Ҳаттоқи Бағдод халифасини ағдаришга ҳам уриниб кўрди.

## **Ўрта Осиё ҳалқлари ҳаётида IX-XII асрларда юз берган уйғониш (ренессанс) даври. Фан ва маданият равнақи**

Мовароуннахр ва Хурросон ҳудудларида IX-XII асрларда юз берган мусулмон уйғониш даври хусусида XX аср хориж олимларидан А.Мец, Э.Босворт, С.Лен-Пуль, А.Трюнебаум, Ватанимиз олимларидан Г.А.Пугаченкова, М.Е.Массон, М.Хайруллаев, А.Ирисов, У.Каримов, Ҳ.Ҳасанов, Ф.Сулаймановалар тадқиқотлари алоҳида эътиборга сазовор. Мустақиллик йилларида мазкур даврда фаолият кўрсатган кўплаб буюк ватандошларимизнинг илмий мерослари чуқур ўрганила бошланди. Улар ижодига бағишлиб, «Маънавият юлдузлари», «Буюк алломалар, сиймолар» ва бошқа қатор китоблар чоп этилди. Ўзбекистон Республикаси Президенти И.А.Каримов фармони билан XI асрда фаолият кўрсатган Хоразм Маъмун Академияси фаолияти қайта тикланди. Фанда “Уйғониш даври” деб аталадиган давр Фарбий ва Марказий Европа мамлакатларида XIV-XVI асрлардаги ривожланишнинг ўзига хос хусусиятларини ифодалаш учун ишлатилган. Биринчи маротаба “уйғониш” атамасини XVI аср итальян расоми ва тарихчиси Ж.Вазари ўз асарларида ишлатади. “Уйғониш”, “уйғониш даври” атамалари XIV-XVI аср ижтимоий-иқтисодий ривожланиш моҳиятини очиб бермасдан, қўпроқ антик давр меросини, яъни антик маданиятга ўхшашиб маданиятни қайтадан “тирилиши”, “уйғониши” маъносида ишлатила бошланди. Кейинчалик фанда бу атама кенг қўлланила бошланди. Шу маънода, кўпчилик тадқиқотчилар IX-XII асрлар Ўрта Осиё ҳалқлари тарихида маданиятнинг ривожланишини, ўзига хос хусусиятларини ҳам “уйғониш” даври деб аталиши юқорида қайд қилинганидек, шартли деб ҳисоблайди.

IX-XII асрлар Ўрта Осиё халқлари тарихида моддий ва маънавий ҳаётнинг ривожланишида олдинги даврларга нисбатан кескин юксалиш даври бўлди. VIII асрда Араб халифалиги ҳозирда Ўрта Осиё деб аталмиш ҳудудни фатҳ этиб бўлган, босиб олинган ерларда ислом дини кенг ёйилиб, ижтимоий-иктисодий ва маънавий ҳаёт Араб халифалиги тартиб-қоидаларига бутунлай бўйсундирилган эди. Халифалик таркибига киритилган ўлкаларда факат ислом динигина эмас, балки араб тили ва унинг имлоси ҳам жорий этилди. Чунки, араб тили халифаликнинг давлат тили бўлса, ислом дини унинг мафкураси эди. Шу сабабли бу мамлакатларда араб тилини ўзлаштиришга интилиш кучли бўлган. Исломни қабул қиласан аҳолининг араб тили билан мулоқоти, ибодат вақтларида Қуръон сураларини тиловат қилишдан иборат бўлган бўлса, маҳаллий зодағонлар араб тилини халифалик маъмурлари билан яқинлашиш ва мамлакатда ўз сиёсий мавқеларини тиклаб, уни мустаҳкамлашнинг гарови деб ҳисоблади. Араб тилига бўлган бундай эҳтиёж ва интилиш туфайли кўп вақт ўтмай Мовароуннахрда ўз она тилидан кўра араб тили ва ёзуви ни ўзлаштириб олган билимдонлар пайдо бўлди.

Бу хол, ўз навбатида, араб тили ва ёзувини Мовароуннахрда кенг ёйилишига имконият яратиб берди. Аммо VIII аср охири IX аср бошларида бўйсундирилган халқларни мутлақ итоатда сақлаб туриш нафакат халифалик маркази маъмурларига, балки ўлкаларга тайинланган ноиб учун ҳам тобора қийинлаша борди.

IX асрнинг охирги чорагида Мовароуннахр Сомонийлар қўл остига ўтиб, мустақилликни янада мустаҳкамлаб олади. Сомонийлар сулоласининг энг йирик вакилларидан бири бўлмиш Исмоил Сомоний кучли давлат тузишга ҳаракат қиласади ва бу ишни муваффакиятли равишда уддасидан чиқади. Сомонийлар ўз давлатларини ўзларигача бўлган Шарқ давлатларининг бошқарув анъ-аналарини чуқур ўргангандек ҳолда, уларга суюниб, замон талабларини ҳисобга олган ҳолда ўзгартиришлар киритиб, бошқаришга ҳаракат қилди.

Мовароуннахр деб аталадиган ҳудудда мустакил давлатларнинг ташкил топиши уларда сиёсий барқарорлик, иқтисодий ривожланиш ва маданий ҳаётнинг равнақига катта таъсир кўрсата бошлади. Бухоро, Самарқанд, Урганч ва Марв каби шаҳарлар илм-фан ва маданият марказлари сифатида шаклланиб, ривожлана бошлади.

Ўрта Осиёда IX-XIII аср бошларида Сомонийлар, Қорахонийлар, Фазнавийлар ва Хоразмшоҳлар давлатлари ҳукм сурди. Бу давлатлар халқаро майдонда ўз мавқеи ва ўрни жиҳатидан катта эътибор-нуфузга эга бўлди. Аҳмад Исмоил Сомоний, Алптақин, Маҳмуд Фазнавий, Тоғрулбек, Султон Санжар, Отсиз, Такаш сингари тадбиркор ва узоқни кўра оладиган давлат арбоблари даврида Ўрта Осиёда ҳаётнинг барча жабҳаларида юксалишларга эришилди, давлат ҳокимияти мустаҳкамланди, нисбатан тинчлик, осойишталик ва барқарорлик вужудга келди.

Тарихчи Абу Мансур ас-Саолобийнинг Сомонийлар Буҳоросига берган таърифи бутун Ўрта Осиё давлатларининг IX-XIII асрлардаги аҳволига тегишли: "...шон-шуҳрат макони, салтанат каъбаси ва замонасининг илғор кишилари жамланган, ер юзи адилларининг юлдузлари порлаган ҳамда ўз даврининг фозиллари йигилган (жой) эди". Ўрта Осиё ҳукмдорлари илм аҳли билан яқинлашди, мамлакатни бошқаришда уларнинг билими ва маслаҳатларидан фойдаланди. Ҳукмдорларнинг аксарияти бу даврда ўз саройларида олим, шоир ва уста санъаткорлар, турли соҳалар бўйича қиммат баҳо китобларни тўплашга одатланди.

Дамашқ, Қохира, Бағдод, Куфа, Басра ва бошқа катта шаҳарларда Ўрта Осиёдан бориб, фан, маданият тараққиётiga ўз ҳиссасини қўшган авлод-аждодларимиз бу даврга келиб, кўпая борди. Бағдод шаҳри Шарқнинг илм-фан маркази сифатида оламга танилди, чунки IX асрда бу ерда Шарқнинг фанлар академияси — “Байт ул-ҳикма” (“Донишмандлар уйи”) ташкил этилди. Бунга монанд ҳолда X аср охирларида Хоразмда ҳам Хоразмшоҳ Маъмун даврида (995-997 й.) “Донишмандлар уйи”-“Байт ул-Ҳикма”-“Маъмун академияси” (Хоразм академияси) ташкил топ-

ди. Бу икки илм ўчогида Шарқнинг машҳур ва маълум олиму алломалари таҳсил кўрган. Улар орасида Аҳмад Фарғоний, Ал-Хоразмий, Беруний, Ибн Сино ва бошқа буюк алломаларнинг номлари бор.

Муҳаммад ибн Мусо **ал-Хоразмий** (783-850) қадимги Хоразм диёрида туғилиб, вояга етади. Фоятда ўткир зеҳн эгаси ва ноёб қобилият соҳиби бўлган ал-Хоразмий ёшлик чогидан бошлаб аниқ ва табиий фанларни ўрганишга қизиқди, араб, форс, ҳинд ва юнон тилларини эгаллади, бу тилларда ёзилган китобларни қунт билан ўқиб, мутолаа қилди. У дастлабки таълимни хусусий муаллимлардан олди, сўнгра ўша даврнинг йирик маърифат марказларидан бири бўлган Марв мадрасасида ўқиди. Халифа Хорун ар-Рашиднинг ўғли Маъмун халифалик тахтига ўтиргач (813 й.), Муҳаммад Мусо ал-Хоразмийни ўзи билан бирга Бағдодга олиб кетади, у ерда ташкил этилган “Байт ул-ҳикма”га бошлиқ этиб тайинлади.

Хоразмий математика, геометрия, астрономия, география, тарих илми ва бошқа фанлар соҳасида баркамол ижод қилди. Унинг “Ал Жабр вал муқобала” (“Тенгламалар ва қаршилантириш”), “Хисоб ал-хинд” (“Хинд ҳисоби”), “Китоб сурат ал-Арз” (“Ер сурати ҳақида китоб”), “Китоб ат-тарих” (“Тарих китоби”), “Китаб ал-амал Бил Устурлобат” (“Устурлоб билан ишлаш ҳақида китоб”) қаби асарлари олимга жаҳоншумул шухрат келтирди. Хоразмий яратган 20 тадан ортиқ асардан бизнинг давримизгача факат 10 тасигина этиб келган.

Хоразмий ижоди меросида “Алжабр ва ал-муқобала” китобининг илмий аҳамияти ниҳоятда буюк. Бу китоби билан у математика тарихида биринчи бўлиб, алгебра фанига асос солди. “Алгебра” атамаси ушбу китобнинг “ал-жабр” деб юритилган қисқача номининг айнан ифодасидир. Хоразмий номи эса математикада “алгоритм” атамаси шаклида ўз ифодасини топди. Унинг “Ал-жабр” асари асрлар давомида авлодлар қўлида ер ўлчаш, ариқ қазищ, бино қуриш, меросни тақсимлаш каби турли ҳисоб ва ўлчов ишларида дастуриламал бўлиб хизмат қилди. Хо-

размийнинг бу рисоласи XII асрдаёқ Испанияда лотин тилига таржима қилинади ва қайта ишланади. Асрлар давомида Европа олимлари Хоразмий асарларини қайта-қайта ишлаб, у асосда асарлар ёздилар. Хоразмийнинг арифметик рисоласи ҳинд рақамларига асосланган ўнлик позицион ҳисоблаш системаси Европада, қолаверса, бутун дунё тараққиётида буюк аҳамият касб этди, алгебрани мустақил фан даражасига күтарди.

Абул Аббос Аҳмад ибн Носири ал-Фаргоний 797-865 йилларда яшаб, ижод қилган ватандошимиз. Аҳмад Фаргоний ўз асарлари билан фан тарихида катта из қолдирди. У математика, география, астрономия, тарих соҳаларида ижод қилди. Аҳмад Фаргонийнинг ижодий фаолияти Бағдодда улуг мутаффакир олим ал-Хоразмий раҳбарлигидаги “Байт-ул-ҳикма” билан боғлиқ. У араб атамашунослигининг пайдо бўлиши ва илмий тараққиётiga муносиб ҳисса қўшиб, Бағдод ва Ҷамашқда расадхоналар қурилишида шахсан қатнашди. Аҳмад Фаргонийнинг китоблари дунёга маълум ва машҳур. “Китоб фи усул илм ан-нужум” (“Фалакиёт илмининг усуллари ҳақида китоб”), “Фалакиёт рисоласи”, “Фалак асарлари сабабияти”, “Ал-Мажистий”, “Илм-хайя”, “Ал-Фаргоний жадваллари”, “Устурлоб билан амал қилиш ҳақида”, “Ой ернинг устида ва остида бўлганида вақтни аниқлаш рисоласи”, “Етти иқлим ҳисоби”, “Устурлоб ясаш ҳақида китоб” асарларининг қўлэзмалари Англия, Франция, Германия, Миср, Ҳиндистон, АҚШ ва Россияда сақланмоқда.

Аҳмад Фаргонийнинг илмий кашфиётлари бутун жаҳон фани ва маданиятига улкан, муносиб ҳисса қўшди. У 812 йилда куёш тутилишини олдидан башорат қилиб берди, ернинг думалоқ эканлигини илмий далиллар билан исботлаб, бир хил фазо ёриттичларни ҳар хил вақтда кўрилишини, тутилишини ҳамма жойда ҳар хил кузатиш мумкинлигини изоҳлаб берди.

Аҳмад Фаргоний яратган илмий кашфиётлар натижалари қайси фан соҳасида бўлишидан қатъи назар, ғоятда пишиқ, пухта ва мукаммал бўлган. XII асрдаёқ

олимнинг асарлари лотин тилига таржима қилингани ва Европага тарқалгани бу фикрнинг исботидир. Европаликлар Аҳмад Фарғонийни “Ал Фраганус” деб атаган. Унинг асарларини немис, инглиз, француз, рус ва бошқа тилларга таржима қилганлар.

**Абу Наср Мұхаммад ибн Мұхаммад Форобий** 873 йилда Фороб (Ўтрор) яқинидаги Васиж шаҳарчасида таваллуд топган ва 951 йилда Дамашқда вафот этган.

Ўрта Осиёning йирик қомусий олимларидан бири, Шарқ уйғониш даврининг кўзга кўринган арбоби, Шарқ фалсафасининг отаси Форобий аввал Фороб, Бухоро ва Самарқандда билим олди, турли тилларни ўрганди. Бағдодга келгач, фаннинг турли соҳалари бўйича билимларини чукурлаштиришда давом этди. У илмий даражасини оширгач, фаннинг деярли барча соҳаларини эгаллаб, 160 дан ортиқ асар ёзди. Форобийнинг риёзиёт, фалакиёт, табобат, мусиқа, фалсафа, тилшунослик ва адабиётга оид асарлари бутун оламга машҳур бўлди. У ёзган “Аристотелнинг “Метафизика” асари мақсадлари ҳақида”, “Тирик мавжудот аъзолари ҳақида”, “Мусиқа китоби”, “Бахт-саодатга эришув ҳақида”, “Сиёсат ал мадания” (“Шаҳарлар устида сиёсат юргизиш”), “Фозил одамлар шахри”, “Масалалар мөҳияти”, “Қонунлар ҳақида китоб”, “Тафаккур юргизиш мазмуни ҳақида”, “Мантиққа кириш ҳақида китоб”, “Фалсафанинг мөҳияти ҳақида китоб” каби асарлари буюк олимнинг билим ҳамда дунёқарашибоирасининг бекиёс даражада кенглиги ва чукурлигидан далолат беради.

Агар илм-фан ривожидаги буюк хизматлари учун Аристотель “Биринчи муаллим” унвонига сазовор бўлган бўлса, Форобий донишмандлиги, Аристотелни яхши ўзлаштирганилиги, қомусий ақли ва илм-фан тараққиётига қўшган катта хиссаси учун “Ал-муаллим ас-Соний” — “Иккинчи муаллим”, “Шарқ Аристотели” деган мўътабар унвон олди.

Олимнинг кўп жилдли “Мусиқа ҳақида катта китоб” асари у мусиқа илмининг катта билимдони, созанда ва ажойиб бастакор ҳам бўлганлигини тасдиқлайди. У янги мусиқа асбобининг ихтироиси ҳамdir.

Форобийнинг илмий-фалсафий мероси халқимизнинг буюк маънавий бойлиги сифатида асрлар оша авлодлар учун муҳим ижод манбаи бўлиб хизмат қилиб келмоқда.

**Абу Бакр Муҳаммад иби Жаъфар Наршахий** (899-959) Бухоро яқинидаги Наршах (ҳозирги Вобкент тумани) қишлоғида 899 йилда таваллуд топган. Наршахийнинг илмий асарлари тўғрисида маълумотлар жуда кам. Унинг фақат “Тарихи Бухоро” (“Бухоро тарихи”) асари бизгача етиб келган. Асар қўлёзма нусхаларда ва ҳозирги замон илмий тарихий адабиётларда “Тарихи Наршахий”, “Таҳқиқ ул-вилоят” (“Вилоят ҳақиқатини аниқлаш”), “Ахбори Бухоро” (“Бухоро ҳақида хабарлар”) каби номлар билан аталиб келинган. Унинг бизгача етиб келган қисми 1128 йилда Қува шаҳридан бўлган Абу Наср Аҳмад иби Муҳаммад иби Наср ал-Кубавийнинг араб тилидан форс тилига қисқартириб, таржима қилган нусхасидир. Наршахийнинг асари бир неча бор таҳрир қилинган, баъзи матнлари қисқартирилган, сўнгги воқеалар асосида тўлдирилган. Абу Наср Аҳмад Кубавий асар матнини қисқартириш билан чегараланмай, балки Табарий, Абу Ҳасан Нишопурийнинг “Ҳазоик ул-улум”, Иброҳимнинг “Ахбар-и Муқанна” каби асарларидан фойдаланиб, уни тўлдиради. Ана шу тариқа, Бухоро тарихига Наршахий яшаб ўтган даврдан кейинги, 1178-1179 йиллардан 1220 йилларга қадар бўлиб ўтган тарихий воқеалар кириб келган.

“Бухоро тарихи” асари ўз илмий аҳамиятини йўқотмаган ва ҳозирги кунда Сомонийлар даври тарихи бўйича энг ноёб, қимматли асар ҳисобланади. Асада Сомонийлар давлатининг сиёсий, иқтисодий, маданий, ижтимоий ҳаётига оид маълумотлар келтирилган. Мовароуннаҳр ва Хурросон аҳолисининг араб босқинчиларига қарши Муқанна бошчилигидаги қўзғолони билан боғлиқ бўлган маълумотлар ҳам бу асада муайян даражада ўз ифодасини топган.

**IX-XII асрлар** фан ва маданияти равнақини **Абу Райҳон Берунийсиз** (973-1048 й.) тасаввур қилиш мумкин эмас. У замонасининг барча фанлари — физика, математика, аст-

рономия, геодезия, тарих, география ва бошқа бир неча фанларни пухта згаллаган олим бўлган. У 362 ҳижрий йили (973 й.) Хоразмнинг қадимги Кат шахрида туғилди. Ўша даврда Кат шахри Хоразмшоҳлар — Афригийлар сулоласининг пойтахти бўлиб, Ўрта Осиёнинг Хитой, Ҳиндистон, Яқин Шарқ давлатлари, Кавказ ҳамда Шарқий Европа давлатлари билан боғлаб турувчи савдо ва маданий марказларидан бири эди. Афсуски, Берунийнинг таржимаи ҳоли бизгача етиб келмаган.

У ўз она тилидан ташқари сўғдий, форс, ҳинд, юон ва қадимги яхудий тилларини ҳам ўрганган. У Ҳиндистонда бўлиб, Ҳиндистон тарихи, маданияти, ҳатто санскрит тилини ҳам ўрганади. Хоразмдаги Маъмун академиясининг энг кўзга кўринган фаол иштирокчиларидан бирига айланади. Шу билан бирга, у шоҳ Маъмун II нинг энг яқин маслаҳатчиси сифатида мамлакат сиёсий ишларида ҳам фаол қатнашади.

Беруний Урганчда яшаган даврда Ибн Сино билан ёзишмалар олиб борган. Бизгача уларнинг савол-жавобларидан 18 таси етиб келган. Бу ёзишмалар Берунийнинг табиат фалсафаси ва физика масалалари билан қанчалик қизиқсанлигидан гувоҳлик беради. Савол-жавобларнинг мазмунида Аристотелнинг ақл билан ҳис этиш орқали чиқарган хулосаларига Беруний тажриба орқали аниклаган хулосаларини қарши кўйган. Ибн Сино эса Аристотелни ҳимоя қилгани маълум бўлади.

Беруний Хоразмда яшаган вактда ёш бўлишига қарамай, Кат шахрида муҳим астрономик кузатишлар ўтказган. Бу кузатишлар учун ўзи асбоблар ихтиро қилган. Беруний 22 ёшида ўзи туғилиб ўсган ватанини ташлаб кетишга мажбур бўлади, аввал Райга, кейин Журжонга келади. Бу ерда машҳур табиб, астроном, файласуф Абу Сахл Исо ал-Масиҳий билан танишади ва ундан таълим олади. Беруний машҳур асарларидан бири “Қадимги халқлардан қолган ёдгорликлар” асарини Журжонда ёза бошлаган.

Тарихдан маълумки, 1017 йилда Маҳмуд Фазнавий Хоразмни босиб олади ва Берунийни ҳам Хоразмшоҳ саро-

йидаги бир қанча олимлар қатори Газна шаҳрига олиб кетади. Беруний Газна шаҳрида 1017 йилдан 1048 йилгача хаёт кечиргани маълум. Бу йиллар Беруний ҳаётида ўзига хос — илмий фаолиятда жуда маҳсулдор давр бўлади. Беруний фаолиятини ўрганувчи олимларнинг фикрича, бундай ҳол, яъни давлат ишларига аралашмаган, сиёсий фаолиятдан четлашган олим бутун вақтини илмий-тадқиқот ишларига сарфлайди.

Беруний табиат фанлари ривожига бебаҳо ҳисса қўшган олим. У ўз илмий асарларида дунёнинг тузилиши ҳақида фикр юритганда Птолемей фикрига суюнса ҳам, амалда ернинг ҳаракати ҳақида унга зид келувчи фикрларни баён қиласди.

Беруний ўз даврида катта математик ҳам бўлган. У математика масалаларига бағишлиланган асарларида геометрия, арифметика, алгебра, сонлар назарияси, тригонометрия каби тушунчаларни маълум тартиб билан таърифлайди. Ҳозирги замон тадқиқотчилари Берунийни тригонометрия фани ривожига қўшган ҳиссасини жуда юксак баҳолашади. Улар Берунийни тригонометрияни математикада мустақил фан сифатида қараган олим сифатида этироф этадилар.

Беруний 1030 йилда “Хиндистон” номи билан машҳур бўлган энг йирик асарини ёzáди. Бу асар жуда катта аҳамиятига эга бўлиб, бу ҳақда жуда кўп Фарб ва Шарқ олимлари ўз фикр-мулоҳазаларини билдирганлар. Берунийнинг бу асари устида 20 йил иш олиб борган Э.Захау унинг арабча матни билан инглизча таржимасини 1888 йилда Лондонда нашр эттиради. Мазкур олим “Хиндшуносликда Берунийга тенг келадиган бирор олим на ундан олдин, на ундан кейин бўлганлигини билмаймиз”, деган. Йирик арабшунос олим Р.Розен “Хиндистон” асарини қадимги ва ўрта аср гарб ва шарқ адабиётида “мисли кўрилмаган” деб баҳолайди. Ҳинд олимларидан Ҳамид Ризо эса “Ўрта аср ва янги замон муаллифларидан ҳеч бири ҳинд маданиятининг чигал масалаларини илмий руҳда тушуниш бўйича Абу Райхон Беруний эришган ютуқ-

ларга эришмаган, қолаверса, Берунийнинг “Хиндистон” асари классик намуна бўлиб қолиши билан бирга, уз муаллифининг қадимги ҳинд маданияти ва фанига тортиғидир”, деган эди.

**Абу Али ибн Сино** (980-1037) Бухоро яқинидаги Афшона қишлоғида таваллуд топган. Отаси зиёли, ўқиган, билимдон киши бўлиб, асли Балхдан бўлган. Ибн Сино ўша давр зиёлилар оиласида ҳукм сурган турмуш тарзи тизими бўйича “Қуръони Карим”ни ёшлиқ чоғидан ёд ола бошлайди. Бу билан кифояланиб қолмасдан, отаси унга фалсафа, ҳинд ҳисоби каби соҳаларни ҳам ўқита бошлайди. У 17 ёшидаёқ олим сифатида шаклланиб, табиб деган ном чиқара бошлайди. Мукофот сифатида сарой кутубхонасидан фойдаланиш имкониятига сазовор бўлади.

Биз кўриб чиқаётган давр сиёсий тарихи ўзига хос хусусиятларга эга эди. Бу вақтда икки сулола (Қорахонийлар ва Сомонийлар) тарих саҳнасида ҳукмронлик учун кураш олиб бормоқда эди. Мамлакатдаги бундай бекарорлик фан арбобларининг фаолиятига ўз таъсирини ўтказмасдан қолмас эди. Ибн Сино ҳам ўша даврда Хоразмда фан ва маданият ҳомийси сифатида ном чиқарган Маъмун (999-1016) саройига боради. Бу ерда ўша давр машҳур олим, файласуфлари Абусахл Масихий, табиб Абул Хайир Ҳоммар, қомусий олим сифатида бутун дунёда тан олинган Абу Райҳон Беруний ва бошқа машҳур олимлар бор эди. Аммо олимнинг тинч ижоди бу ерда ҳам кўп давом этмайди. Хоразмни Маҳмуд Фазнавий эгаллагач, у Ҳамадонга кетади. Ўша даврда Ҳамадон ҳукмдори Шамс ад-Давла деган киши бўлиб, у касал бўлиб қолади. Ибн Сино уни ҳам даволайди, эвазига вазир этиб тайинланади.

Ибн Синонинг шогирди Жузжонийнинг ёзишича, у жисмоний жиҳатдан жуда бақувват бўлган. Бироқ шаҳармашаҳар дарбадарликда юриш, кечалари ухламасдан узлуксиз ишлаш ва таъқиб остига олишлар олимнинг саломатлигига таъсир кўрсатади. У 428 ҳижрий йилнинг рамазон ойида, 1037 йилнинг июнь ойида 57 ёшида вафот этади.

Ибн Сино ҳақиқий қомусий олим булиб, ўз даврининг барча фанлари билан шуғулланган, уларга оид илмий асарлар яратган. Турли манбаларда унинг 450 дан ортиқ асарлари қайд қилинган бўлса ҳам, замонлар ўтиши билан уларнинг кўпи йўқолиб кетган, бизгача фақат 242 таси етиб қелган.

Ибн Сино ботаника масалалари билан ҳам кўп шуғулланган. Чунки табобатда ишлатиладиган доривор моддаларнинг аксарияти ўсимликлардан олинади. Машҳур швед ботаниги Карл Линней (1707-1778) Ибн Синонинг ботаника соҳасидаги хизматларини таъкидлаб, тропик мамлакатларда дengiz сувида ўсувчи ва доимо яшил ҳолда қоладиган бир дараҳтни Авиценна деб атади. Farбда ҳам, Шарқда ҳам “Авиценна” ва “Шайхур-Раис” номи билан шуҳрат қозонган бобокалонимизнинг илмий, ахлоқий қарашлари ўз даврида ижобий роль ўйнади, ундан кейин яшаган алломалар дунёқарашининг шаклланишига таъсир кўрсатди.

**Абу Абдуллоҳ Жаъфар Рудакий** (960-1041 й.) таҳминан 960 йилда Самарқанд яқинида жойлашган Панжрудак қишлоғида туғилган. Шунинг учун шоирнинг Рудакий таҳаллуси туғилган қишлоғининг номидан келиб чиқкан. Яна бошқа манбаларда айтилишича, ўша даврда ҳалқ чолғу асбоблари орасида “руд” номли мусиқа асбоби бўлиб, шоир уни чалишни жуда яхши ўрганганд. Шоир таҳаллусини шу асбобдан олган деб ҳам ҳисоблайдилар.

Рудакийнинг таржимаи ҳолига бағишлиланган манбаларда ёшлигигида ёқ мусиқа асбобларини чалишни ва ашула айтишни севганлиги қайд этилади. Унинг шеърлар ёзиши ва мусиқага бўлган муҳаббати тез орада уни машҳур қилиб юборади. Бу даврда шеърият, айниқса, сарой шеърияти, қасиданавислик, яъни шахсга мадҳия ўқиб, кўкларга кўтариб мақташ кенг авж олган эди. Қасиданависликдан асосий мақсад, моҳияти мақтов кимнинг шахсига қаратилган бўлса, ўша шахсни улуғлаштириш бўлган. Рудакий эса, маълумотларга қараганда, қасида тўқишига уста бўлган. Шунинг учун уни Сомонийлар саройига таклиф

қиладилар. У даврда ҳокимият тепасида Наср ибн Аҳмад эди. Шу даврдан бошлаб, унинг ҳаётида сарой даври бошлианди. Сарой ҳаёти ўзининг ўта мураккаблиги билан ажралиб турган, фисқу-фасодларга тўла бўлган. Рудакий қариган вақтида саройдан қувилади ва қолган умрини она қишлоғида фақирликда ўтказади.

Рудакийнинг шеърияти ҳаёт лаззати, ҳаётнинг ўзи устод эканлиги, ундан кўп нарсаларни билиб, ўрганиб олиш мумкинлигини таъкидлайди. Ҳаёт таълимни ўзгача таълим эканлиги, уни баъзида ширин, баъзида аччиқ эканлигини кўрсатади. Бундай таълимни ҳеч бир ўқитувчи бера олмаслигини уқтиради.

Ҳар бир киши олмаса ҳаётдан таълим,  
Унга ўргата олмас ҳеч бир муаллим.

Бизгача Рудакий қаламига мансуб “Калила ва Димна”, “Даврони офтоб”, “Синднома” каби поэмалардан парчалар етиб келган. Рудакий асарлари тили содда, кенг халқ оммасига тушунарли бўлганлигини кўрамиз.

Махмуд Қошгарий фаолияти билан шуғулланувчи олимлар фикрича, у 1029-1038 йиллар орасида Қашгарда туғилган. У ўзига тўқ, зиёли оиласдан бўлиб, Қашгарда яхши билим олади. Аллома Бухоро ва Нишопур шаҳарларида катта олимлар билан сұхбатда бўлади. Махмуд Қошгарий яшаб ижод этган йиллар Қорахонийлар давлатининг гуллаб-яшнаган даврига тўғри келади. У жуда кўп сафарларда бўлади ва асарлари учун бой маълумотлар тўплайди. Кўп йиллик изланишлар натижасида “Девони лугати турк” ва “Жавоҳири-нахв”, “Турк тили синтаксиси асослари” асарларини ёзади. Махмуд Қошгарийни бутун илм оламига танитган асари унинг “Девони лугати турк” асари дидир. Бу китоб араб тилида ёзилган. Унда олим кўп йиллар давомида туркий қабилалар орасида олиб борилган кузатишлар асосида туркий тилларни қиёсий ва тарихий усуллар билан таҳлил қилган, бу тилларнинг ўзига хос хусусиятларини очиб берган.

Асар икки қисм (муқаддима ва лугат)дан иборат. Олим асарга ўзи тузган дунё харитасини ҳам илова қиласди. Бу ҳол

асарнинг қимматини янада оширади. Харита доира шаклида бўлиб, унда мамлакат, шаҳар, қишлоқ, тоғ, чўл, Даван, дengиз, кўл, дарё ва ҳоказолар номлари ёзилган. Харитада ёзилмай қолган номлар эса асар матнида берилган. Харита асосан ҳозирги шарқий ярим шарга тўгри келади. Маҳмуд Қошгарийнинг ўзи бу ҳақда шундай ёзган: "Румдан Мочингача бўлган... шаҳарлар ўрнини аниқлаш мақсадида уларнинг ҳаммасини ер шаклидаги доирада кўрсатдим".

Асарда турли уруғ-қабилалар — қипчоқ, ўғиз, татар, ямак, басмил, ябону, қай, бошқирт, қирғиз, уйғур, жамил, тару, ичроқ, тухси, яғмо, чигил, тангут, табғоч, шунингдек, форс, араб, хитой, рус ҳалқлари ҳақида ҳам маълумотлар келтирилади, бир неча туркий тилдаги ҳикматли сўзлар берилган.

Китобда туркий ёзув тўғрисида аниқ маълумотлар берилиб, 18 ҳарфдан иборат турк (уйғур) алифбоси ҳам кўрсатиб ўтилган.

Маҳмуд Қошгарийнинг мазкур китоби дунё ҳалқларининг кўп тилларига таржима қилинган. Асарнинг бунчалик катта аҳамиятга эга бўлиши муаллифнинг ҳаётни яхши билганлиги, турли билимларни пухта ўзлаштирганилиги ва асарни ҳаёт тажрибасига асосланиб, ёзганидан далолат беради. Шунинг учун асар илмий қимматини бугун ҳам йўқотгани йўқ.

Қорахонийлар даврида яшаган, ўз даврининг атоқли шоири, донишманд ва давлат арбоби **Юсуф Ҳос Ҳожибининг** (XI аср) таржимаи ҳоли, туғилган йили ва ҳаёти тўғрисида ёзилган бирон-бир асар сақланиб қолмаган. У Қорахонийлар сулоласининг пойтахти Боласоғунда туғилган ва шу ерда ижод этган. Унинг "Кутадғу билик" — "Баҳт-саодатга бошловчи билим" деб номланган дидактика, бадиий-фалсафий асари бизгача етиб келган, бошқа асарлари маълум эмас. Шоир бу асарига пухта тайёргарлик курган, 18 ой вакт сарфлаган.

Асар наслий муқаддимадан сўнг 77 байтдан иборат бўлган шеърий муқаддима билан бошланиб, 73 бобнинг мундарижаси берилади.

“Кутадфу билиг” асарида билим ҳақида алоҳида боб мавжуд. Унда билимдан ҳеч бир зиён бўлмаслиги, у кишиларга фақат фойда бериши, қадр-қиммат, ҳурмат ва эҳтиром келтириши мумкинлиги айтиб ўтилади. Шунингдек, асарда марказлашган давлатни мустаҳкамлашга қаратилган низоларга чек қўйиш каби ўша давр учун муҳим аҳамиятга молик бўлган масалаларга ҳам алоҳида эътибор берилади. Шу билан бирга, давлатни идора этиш йўллари, бунинг учун беклар ўз атрофига билимдон, ақлли одамларни тўплаши лозимлигини алоҳида таъкидлайди. Эл-юртни бошқариш асосида икки нарса ётади, деб таъкидлайди шоир. Бири адолат қўрсатиш бўлса, иккинчиси, улардан марҳаматни аямасликдир. Алломанинг педагогика, таълим-тарбияга оид фикрлари ҳозирги кунда ҳам диққатга сазовор.

## **IX-XII асрларда ислом дини ва суфийлик**

IX-XII асрларда ислом дини Ўрта Осиё халқлари давлатчилиги тарихида катта роль ўйнай бошлади. Мовароуннахрда бу давр араб халифалигидан мустақил бўлган давлатларнинг пайдо бўлиши ва ривожланиши даври бўлган бўлса, ислом бу вақтда Шарқда кенг тарқалиб мусулмон дунёсининг мафкурасига айланади. Араб тили давлат тили даражасига кўтарилади. Азалдан саводли бўлган, маданияти юқори даражага кўтарилиган халқ орасида нафақат араб тилини, балки исломни ҳам чуқур ўрганиб, араб тили ва шариат масалаларида китоблар ёзадиган олимлар етишиб чиқа бошлади.

Халифаликдан ажralиб чиққан мустақил давлатлар Сомонийлар, Корахонийлар, Салжуцийлар ва Фазнавийлар, Хоразмшоҳлар даврида бу мустақил марказлашган давлатларни янада мустаҳкамлаш учун ислом динига, унинг таълимотига, тарихий ажкомларига эътибор бир неча бор кучая бошлайди. Шаҳарларда масжиду мадрасалар қурилишига эътибор берила бошлади. Масалан, манбаларнинг дарак беришича, Бухорода дастлабки мад-

раса Ковуштұзлар гумбази яқинида барпо қилинади. Ҳатто қонуншунослар учун ҳам махсус ихтисослаштирилган “Фақиҳлар мадрасаси” қурдирилған. Бундай билим мас-канларида Қуръони Карим, Ҳадис илми ва шариат асослари ҳар томонлама мукаммал үрганилған.

Ұша давр шаҳарлари орасыда ислом дини таълимотини чуқур тарғиб қилишда Бухоро шаҳри алоҳида үринни эгаллайди. Юқорида қайд қилинганидек, мадрасаю, мактаблар бу ерда етук илоҳиёт фани намоёндалари етишиб чиқишига хизмат қылади. Шунинг учун бұлса керак, Бухоро шу даврдан бошлаб “Құббатул ислом”-“Ислом динининг гумбази” номи билан шұхрат топа бошлайди.

Бу даврда ислом таълимотига бебаҳо ҳисса құшған Имом ал-Бухорий ва Исо ат-Термизий каби күплаб муҳаддислар етишиб чиқди. Улар шу кунга қадар ҳадис илмининг энг күзға құринган, бутун мусулмон дунёси томонидан тан олинған алломалари даражасига күтарилған зотлардир.

**Имом Бухорий (809-870)** Бухорода туғилған, дастлаб шу ерда билим олади. Сұнгра билимини янада чуқурлаштириш мақсадида Макка, Мадина, Бағдод, Дамашқ, Куфа, Нишопур каби шаҳарларга боради. Маълумки, Имом Бухорий ислом дини масалаларига бағищланған 20 га яқин асар ёзған. Бу китоблар орасыда уни бутун дунёга машхур қылған асари “Ал-Жомеъ ас-Саҳиҳ” (“Ишончли тұплам”) - дир. Бу асар 160 қисмдан иборат бўлиб, 3450 бобни үз ичига олади. Бухорий ҳадисларни тұплаш ва баён этишда унинг ҳақиқийлигига эътибор берган, уни ҳақиқатта яқинлигини исботловчи далилларни келтирған, шу асосда ҳадисларни таснифлаган. У умрининг охирида үз Ватанига қайтиб келади ва Самарқанд яқинида вафот этади. Мустақиллик йилларида Ўзбекистон Президенти Ислом Каримов ташаббуси билан унинг вафот этган жойида улкан мажмуа барпо қилинди. Ҳозирда бу жой нафакат мамлакатимиз фуқароларининг, балки бутун мусулмон дунёси ахлининг зиёратгоҳ жойига айланған.

**Имом Термизий (824-892)** Термиздан унча узок бўлма-

ган Буғ қишлоғида туғилған. У ҳам Бухорий сингари Шарқнинг жуда күп шаҳарларида бўлиб, ўз билимини оширишга ҳаракат қиласди. Ат-Термизий ҳадислардан ташқари филология, тарихга оид асарлар ҳам ёзди. Унинг 10 дан ортиқ ёзган асарлари орасида номини бутун мусулмон оламига машҳур қилған асари “Жомеъ ат-Термизий” ёки “Сунан ат-Термизий”дир. Бу асар исломда уламолар томонидан ҳақиқат деб тан олинган машҳур ҳадислар тұпламидан биридир.

Тасаввуф, яъни суфийлик ислом дини асосида шаклланған диний-фалсафий оқим бўлиб, покланған, зоҳид, тақвадорлик маъносини англатади. Унинг асосида бу дунё лаззатларидан воз кечиш орқали Оллоҳга етишиш, уни билиш, у билан маънавий-рухий бирлашиш йўлини қидириш ётади. Суфийлик Қуръон ва шариат талабларини сўзсиз бажариш, ўзини Худонинг қули деб билиш кабилар, ўз хоҳиши билан покланиб, Оллоҳга, руҳий маънавийликка сингишиш орқали эришишга асосланади. Тасаввуф таълимоти асосида инсон фаолияти ва унинг камолоти ётади.

Тасаввуфда руҳни камолотга, унинг сўнгги мақсади Оллоҳга эришув йўллари тўрт босқичдан иборат: биринчи босқич — шариат деб аталади, унда шариатнинг барча талабларини бажариш ва унга бўйсуниш талаб этилади. Иккинчи босқич — тарикат деб аталади. Унда мурид ўз шахси истакларидан воз кечиб, ўзини пир ихтиёрига топшириши керак. Учинчи босқич — маърифат бўлиб, унда суфийлар коинотнинг бирлиги Худода мужассам бўлишини, яхшилик ва ёмонликнинг нисбатини ақл билан эмас, қалб орқалиenglаб олишлари керак бўлади. Тўртинчи босқич — ҳақиқатдир. Бунда суфий шахс сифатида тугаб, Худога-мўлжалланған ҳақиқатга етишиши, Оллоҳга сингиб кетиши ва натижада абадийликка эришуви зарур. Бу жараён маълум вақтни талаб этган. У маҳсус руҳий жисмоний ҳаракат, фаолият, сифиниш, ибодатлар, эзгу ишлар ёрдамида амалга оширилган.

Тасаввуфнинг ижтимоий асосини шаҳарлардаги хунармандлар, майда савдогарлар ташкил қилган. IX-X асрларда ёқ Ироқ ва Эронда унинг йирик вакиллари вужудга келади. Мовароуннахрда эса тасаввуф таълимоти X асрдан бошлаб ёйила бошлади. Ҳозирги Ўзбекистон ҳудудида тасаввуфнинг ривожланишида Юсуф Ҳамадоний таълимоти муҳим роль ўйнайди. Манбаларда қайд қилинишича, **Юсуф Ҳамадоний** 1043-1049 йилда Эроннинг Ҳамадон шаҳрида туғилади. Дастребаки билимни Ҳамадон ва Бағдодда олади. Имом Фаззолий каби буюк алломаларни тарбиялаб вояга етказган шайх Абу Али Фарсадийга шогирд тушади. Юсуф Ҳамадоний умрининг асосий қисмини Ўрта Осиёда ўтказган. У хунармандчилик-косибчилик билан шуғулланған. Шунинг учун унинг таълимоти хунармандлар орасида кенг тарқалган ва уларнинг манфаатларини ифодалаган. Юсуф Ҳамадоний суфийлик илми бўйича кўплаб шогирдлар тайёрлади. У Бухорода маҳсус хонақо қурдириб, ўша ерда шогирдларга дарс берган. Ҳамадоний таълимотидан Ўрта Осиёда икки тасаввуф мактаби — Яссавийлик ва Нақшбандийлик келиб чиқди.

Ўрта Осиё ҳудудида биринчи вужудга келган суфийлик оқими Яссавийлиқдир. Бу оқимга 1105 йилда Яssi (Туркистон) шаҳрида туғилган **Аҳмад Яссавий** асос солган. Аҳмад Яссавий Бухорода Юсуф Ҳамадонийдан таълим олгач, яна она шаҳри Туркистонга қайтиб келади ва шогирдлар тарбияси билан шуғулланади. Мадраса ва хонақолар қурдиради. Яссавий таълимотининг асослари туркий тилда ёзилган “Девони ҳикмат” асарида баён этилган.<sup>7</sup> У утроқ ва кўчманчи туркий халқлар орасида суфийлик таълимотини тарғиб қилишда муҳим аҳамият касб этган.

Яссавий тариқатининг бошқа тариқатларда бўлганидек, ўзига хос қоидалари бор. Улар: 1.Мурид ҳеч кимсани ўз шайхидан афзал кўрмаслиги, унга мутлақо таслимият изҳор этмоғи лозим. 2.Мурид шунчалик зукко ва идрокли бўлиши керакки, то ўз шайхининг барча рамз ва ишораларини мукаммал англай олсин. 3.Шайхининг

барча аҳволи (сўзлари) ва аъфолари (ишлари)га мурид содик бўлиб, унга мутлақо муте ва мўтақид бўлмоғи лозим. 4. Мурид ўз муршиди (пири)нинг барча топшириқларини чаққонлик билан сидқидилдан бажариб, уни ҳамиша рози қилиб юрмоғи лозим. 5. Мурид ўз сўзига содик, ваъдасига вафодор бўлиб, ўз муршиди кўнглида ҳеч қандай шак-шубҳа туғдирмаслиги зарур. 6. Мурид ўз ваъдасига вафодор ва сўзида устувор бўлиши керак. 7. Мурид ўз ихтиёридаги барча мол-мулкни, бутун бору йўгини ўз шайхига нисор (бахшида) этмоқ учун доимо тайёр бўлмоғи керак. 8. Мурид ўз шайхининг барча сир-асороридан огоҳ бўлиб, унинг ифшосини (ошкор этишни) ҳеч вақт хаёлига келтирмаслиги керак. 9. Мурид ўз шайхининг барча таклифларини назарда тутмоғи, унинг мушкулотини осон қилмоғи, панду насиҳатларини бажо келтирмоғи шарт. 10. Мурид Оллоҳ висоли учун ўз шайхи йўлида бутун моли ва жонини нисор этмоққа тайёр туриши, унинг дўстига дўст, душманига душман бўлиб яшамоғи шарт.

Аҳмад Яссавийнинг фикрича, шариатсиз тариқат, тариқатсиз маърифат, маърифатсиз ҳақиқат бўлмайди. Улар доимо бир-бирини тўлдиради. Бу йўл камолот йўли бўлиб, инсон ҳаётининг асл моҳиятини ташкил этади.

Юсуф Ҳамадонийнинг яна бир шогирди **Абдухолик Фиждувоний** бўлган. Яссавий билан Фиждувоний шу даражада иқтидорли шогирлардан бўлишганки, кейинчалик уларнинг бири “Яссавия”, иккинчиси “Накшбандия” тариқатининг асосчилари бўлиб етишади. Ҳожа Абдухолик 1103 йилда Фиждувонда тугилиб, 1179 йилда вафот этади. Ҳожа Абдухоликқа дастлабки саводни ўз юртида Имом Садриддин беради. Кейинчалик ўқиши Бухорода давом эттириб, Юсуф Ҳамадонийга шогирд тушади. Тарихий манбаларнинг хабар беришлича, устоз ва шогирднинг бир-бирлари га хурмати, меҳр-оқибати шу даражада юксак бўлганки, улар биргаликда Шарқнинг фан ва маданият ўчоқларидан бўлмиш Самарқанд, Бухоро, Марв, Исфахон, Балх син-

гари шаҳарларга борган. У ерларда тасаввуф соҳасидаги ўз билимларини янада чуқурлаштиришган.

Хожа Абдухолик Фиждувоний Шарқ фалсафа тарихида ўзига хос ўрин эгаллади. Унинг тасаввуф дунёқарашни тасаввудаги Хожагон (Хожалар) халқасида шаклланди. Бизга Аҳмад Яссавийнинг “Ҳикматлар”и, Хожа Абдухолик Фиждувонийнинг “Рисолаи Соҳибия”, “Рисолаи Шайхишишуюқ Ҳазрати Абу Юсуф Ҳамадоний” каби асарлари мерос бўлиб қолган. Хожа Абдухолик Фиждувоний устозидан кўп нарсаларни ўрганар экан, ўзи ҳам мустакил фикр юритиб, ўз йўлини шакллантиришга ҳаракат қилган. У зикр айтиш усули бўйича “зикри хуфия”, “зикри дил” амалини тарғиб қила бошлаган. Хожа Абдухоликнинг устози Юсуф Ҳамадоний ўша вақтда ўз асҳоблари билан “алония” зикр тушиш амалини бажарган. Хожа Абдухолик Фиждувоний “Хожагон” (Нақшбандия) тариқатининг асосий қонун-қоидаларини ишлаб чиққан буюк алломадир. Унинг асарлари бутун турк оламида алоҳида ўрин эгаллаб, маънавий ҳаётда ўчмас из қолдирган.

**Нажмиддин Кубро (1145-1221)** — тасаввуф таълимотининг Ўрта Осиёдаги йирик вакилларидан бири, суфийликдаги Кубравия оқимининг асосчиси. Хивада туғилиб, Миср, Табриз ва Ҳамадонда илм олган. Кўҳна Урганчга қайтиб, ўз таълимотини ривожлантириб, шу ерда янги суфийлик оқимига асос солади. У “Фавоих ал-Жамол ва фовотих ал-Жалол” (“Жамолининг муаттарлиги ва камолотнинг эгалари”), “Ас-усул ал-ашара” (“Ўнта қонун ва қоидалар”) номли қатор рисола ва асарлар ёзиз, ўз таълимотини такомиллаштиришга эришди. Кубравия тариқати асосини 10 та қонун-қоидалар ташкил этади. Уларга асосан “тавба”, “зухд” (“мол-дунёдан воз кечиш”), “таваккал” (“Оллоҳ йўлида”), “қаноат”, “узлат”, “доимий зикр”, “таважжуз”, “сабр”, “муроқаба” (“камолот топиш”) ва “ризо” (халқقا етишиш) каби қоидалар киради. Кубровия тариқати Яссавия тариқатидан фарқ қилиб, таркидунёчилик рад этилади. Унда камолот йўлида олиб

бориладиган мاشаққатли меңнат жараёнида бу дунё ноз-неъматларидан баҳраманд бўлиш кераклиги илгари сурилади. Бу таълимотда Ватанга, халққа бўлган муҳаббат гояси ниҳоятда кучли бўлиб, ҳар қандай оғир шароитда ҳам халқ билан бирга бўлиш, Ватан ҳимояси учун курашиш, унинг мустақиллигини сақлаш зарурлигига даъват қилинади. Ўз гоясига содик Нажмиддин Кубро Ватан ҳимояси йўлида шаҳид бўлди ва жасорат намунасини ўз муридларига кўрсата олди.

Шундай қилиб, тасаввуф Мовароуннахр аҳолисининг маънавий ҳаёти билан чамбарчас боғланган таълимот бўлиб, ўрта асрнинг халқпарвар адаб ва машоихлари уни чуқур билишга, у орқали оммага маърифат тарқатишга интилишган.

### Меъморчилик ва санъат

IX-XII асрларда ўлкада марказлашган йирик давлатларнинг шаклланиши ва уларнинг ривожи давлатчиликнинг мустаҳкамланиши, маънавий ҳаёт, илм-фанинг ривожланишигагина эмас, балки моддий маданиятнинг ҳам ривожланишига асос бўлди. Самарқанд, Бухоро, Урганч, Термиз, Ўзган ва Марв каби шаҳарларда саройлар, масжид, мадрасалар, миноралар, мақбараалар, гумбаз ва карvonсаройлар қурила бошланди.

Бу давр Ўрта Осиё меъморчилигига ижтимоий шароитдан келиб чиқиб, қурилиш материали сифатида пахса, ҳом фишт ва пишиқ гишт, боғловчи элемент сифатида ганчдан фойдаланиш кенг йўлга қўйилган эди. Бу вақтда синчдан қуриладиган уй-жойлар ва умумаҳамиятга эга бўлган бинолар, саройлар, масжидлар, мадрасалар қурилишида ёғоч ҳам муҳим ўрин эгаллар эди.

Х асрларда бинокорликда қурилиш тартиби ҳам ўзгара бошлади. Маҳобатли қурилишда томи гумбаз билан ёпилган куб шаклидаги бинолар муҳим аҳамиятга эга бўлди. Бухорода қурилган Исмоил Сомоний қабри устига пишиқ фишт билан қурилган гўзал мақбара фикримизга мисол бўла

олади. Бу бино тўртбурчак шаклида бўлиб, томи гумбаз қилиб ёпилган. Тўртбурчакдан найзали равотлар ёрдами билан саккиз қиррали шаклга ўтилган. Шу билан бирга, бу бино тўрт фасадли. Унинг тўрттала томони ҳам бир хил, олд томонидек безатилган. Оддий қилиб айтганда, бинонинг олди, ёни ва орқа томони йўқ. Ҳамма томони бир хилда безатилган. Исмоил Сомоний мақбарасини қуришда ва бе-затища араблардаги ўша давр учун хос бўлган меъморий хусусиятлардан ҳам кўп фойдаланилган.

IX-X аср меъморчилиги услублари сақланиб қолганлигина кўплаб масжидлар мисолида ҳам кузатиш мумкин. Ёзма манбаларда қайд қилинишича, сомонийлар давридаги кўпгина масжидлар ўз вактида арабларгача бўлган ибодатхоналарнинг масжидга мослаштириш асосида қурилган. Улар бир хонали бўлиб, масжиднинг томи устунга таяниб турган. Масжидларнинг томи гумбаз шаклида бўлган. Масжидларда, айникса, меҳроблари шаклли, ёзувли қилиб безатилган фиштлар, ўйма ганчлар тилла сув билан безатилган. Бу даврга оид масжидлар тўғрисида сўз юритилганда, Бухородаги Мағоки Атторон, Пойқанд масжиди, Термиздаги Чорустун, Шаҳристондаги Чилдухтарон масжидларини қайд қилиш мумкин. Бу ёдгорликлар Ўрта Осиёда диний меъморчиликнинг ривожланиш йўлларини намоён қиласиди.

Наршахийнинг ёзишича, амир Наср ибн Аҳмад Бухоро Регистонида ўзи учун катта сарой қурдирган ва унинг қурилишига кўп маблағ сарфлаган. Бу сарой ғоят гўзал бўлган. Саройнинг олдида эса девонлар учун бинолар қурилган. Амир ва ҳокимлар саройи Нишопур, Марвда, Самарқанд каби шаҳарларда ҳам бўлган. Бу саройлар катталиги ва гўзаллиги билан ажралиб турган. Кўп ҳолларда бундай саройлар хушманзара жойларда, боғларда бунёд этилган.

Саройларнинг гўзаллигини Термиз шаҳридаги сарой мисолида кўриш мумкин. Сарой шаҳар мудофаа деворларидан ташқарида, боғ ичига 10 гектарга яқин майдонни ташкил этган. Сарой ўзининг маҳобатлилиги, серҳашамлиги ва бағоят гўзал, нафис безаклари билан одамни ўзига жалб қиласиди.

Сомонийлар даврига оид шаҳар ва қишлоқ аҳолиси-нинг уйлари тұғрисида ҳозир археология анча маълумотларга эга. Бу борада қадимий Самарқанд-Афросиёб, Хорашкент-Канка, Бинкент, Термиз, Марв, Дехистон каби үнлаб ёдгорликларда олиб борилған изланишлар-нинг натижаси дикқатта молик.

Қорахонийлар Ўрта Осиёни босиб олгандан сұнг бу ердаги маданий ҳаётда ҳам катта үзгаришлар рүй берди. Шаҳарлар тараққий этди, ҳунармандчилік, савдо-сотиқ ривожланди. Шаҳар аҳолиси ҳам күпайиб борди. Сомонийлар даврида ёқ йирик шаҳарлар бўлган Самарқанд, Бухоро, Термиз, Марв Қорахонийлар даврида янада кенгайди. Бу шаҳарлар энди уч қисмдан — арқ, шаҳристон, работдан иборат эди. Уларда янгидан-янги ҳашаматли иморатлар пайдо бўлиб, бу бинолар тузилиши ва нақшлари билан ажralиб турарди.

Қорахоний ҳукмдори Шамс ул-Мулк Бухоро яқинида сарой барпо этди. Ҳазара қишлоғи яқинида Дингарон масжиди, унинг ёнида Работи Малик номи билан машҳур бўлган карvonсарой қурдирди. Бухоро шаҳрида 1127 йилда Қорахоний Арслонхон томонидан машҳур иморат — Минораи Калон барпо этилди. Вобкентда XII асрнинг охирида Бухоро садри Абдулазиз II томонидан қурилган минорани, Жарқўргонда (Сурхондарё вилояти) Қорахонийлар томонидан 1108-1109 йилларда барпо этган минорани, шунингдек, Буҳородаги Номозгоҳни ва Атторий масжидини алоҳида таъкидлаб ўтиш мумкин.

Термиз шаҳри XI-XII асрларда анча ривожланди, янги мустаҳкам мудофаа девори қурилди, бу ерда барпо этилган Термиз ҳукмдорлари саройи, айникса, машҳур. Бу саройни қазиб очган археологлар турли идишлар билан бирга афсонавий ҳайвонлар тасвирини ҳам топишиди. XI-XII аср бошларида Хоразмда ҳам кўпгина бинолар қад кўтарди, жумладан, Урганчдаги Фахриддин Розий ва Шайх Шариф мақбарасини, кўплаб карvonсаройларни, Бурон-қалъя, Наифқалъя ва бошқаларни айтиб ўтиш мумкин.

Бу даврда бир неча сув иншоотлари қурилган, унда йўнилган тош, пишиқ ғишт, сувга чидамли қурилиш қоришмаларидан бандлар, новлар, кўприклар, сардобалар ва коризлар қурилган. Бу иншоотлар фан ва ишлаб чиқариш гоянда ривожланганидан далолат беради. 1,5 млн. м.<sup>3</sup> сувни тўплаш имконига эга Хонбанди сув омборининг қурилиши фикримиз далили. Манбалардан маълум бўлишича, бундай сув иншоотларини қуриш учун сувнинг вертикал ва горизонтал босим кучларини ҳисоблаш лозим бўлган. Сув иншоотлари тоғда қурилганлиги учун ернинг тез-тез қимирлаб туриш қучларини ҳам математик йўл билан ҳисоблаб чиқиши лозим бўлган, бу иш муваффакиятли амалга оширилган.

Бу даврда меъморчиликка боғлиқ бўлган наққошлик ва тасвирий санъат ҳам жадал ривожланди. Имаратларни ўймакор устун ва тўсинлар, деворларни эса, ганчкор нақшлар билан безаш кенг расм бўла бошлади. Накқошлик санъатида илгаригидек одамлар ва ҳайвонларни тасвиirlагандан кўра, мураккаб геометрик ва гулли нақшларга ўтила бошланди.

Накқошлик санъати қадимги Термизда жуда ривожланган эди. Бу борада Ҳаким Термизий мақбараси давридан сақланиб қолган ўйма нақш парча, айниқса, қимматлидир. Унда Самарқанд усулини эслатувчи себарча шаклидаги ўзига хос услублар мавжуд. Бу даврда хаттотлик санъати китобларни кўчиришдагина эмас, балки биноларни безашда ҳам кенг қўлланила бошланди.

IX-XII асрларда маданий ҳаётнинг яна бир таркибий қисми — мусиқа санъати ҳам ривожланди. Албатта, марказлашган йирик давлатларда иқтисод, халқларнинг турмуш тарзи яхшилана боргани сари илм-фан, меъморчилик, тасвирий санъат билан бирга мусиқа ҳам ривожлана бошлайди. Ҳар ердагидек бу ерда ҳам байрамлар, тўйлар, халқ сайиллари мусиқа ва қўшиқларсиз ўтмаган. Бу ҳақда Маҳмуд Қошварийнинг “Девони лугати турк” асарида келтирилган маълумотлар диққатга сазовор. Бу даврда: уд, танбур, қубуз, рубоб, най, сурнай, карнай, қуш-

най каби фоят торли, забурли ва пулфлаб чалинадиган хилма-хил чолғу асбобларидан кенг фойдаланилган. Бу даврда ҳатто янги созлар ихтиро этилган. Масалан, Рудакий-нинг замондоши Абу Хифз Суғдий найга монан шоҳруд номли торли асбоб яратган.

Бу даврда шеърият фоятда тараққий этганлигини қайд қилинган эдик. Шеърият мусиқа билан, ўз навбатида, мусиқа мусиқашунослик фани билан узвий боғлиқ ҳолда ривожланади. Ўша даврнинг буюк алломаларидан Ал-Форобий, Абу Али ибн Синолар мусиқа ва мусиқашуносликка катта эътибор бериб, нодир асарлар яратдилар.

Биз аждодларимиз қолдирган буюк меросни, IX-XII асрларда мамлакатимиз ҳудудида юз берган чуқур ижобий ўзгаришлар, илм-фан, маданият ривожланишини ўрганар эканмиз, уларнинг яратилишида буюк ҳиссаларини қўшган улуг алломалар, олиму фузалоларнинг жаҳон цивилизацияси ривожланишига қўшган улушларини алоҳида таъкидлаймиз. Жаҳон маданияти ривожига улкан ҳисса қўшган алломаларимиз мероси ёш авлодни миллий фоя, миллий мафкура, Ватанга муҳаббат руҳида тарбиялашда катта роль ўйнади.

### **Тақрорлаш учун саволлар**

1. Самонийлар давлатининг Араб халифалигидаги мавқеи нималарда кўзга ташланади?
2. Корахонийлар давлатининг ўзбек давлатчилиги ривожидаги муҳим босқич эканлигини асослаб беринг.
3. Фазнавийлар ва Салжуқийлар давлатининг туркий халқлар тарихидаги ўрни нималарда кўринади?
4. Хоразмшоҳ Ануштегинийлар давлати ривожи ва инқиrozи сабабларини айтинг.
5. Ўзбек халқи этногенезида IX-XII асрлар муҳим босқич бўлганлигини асослаб беринг.
6. «Ислом уйғониш даври»да илм-фан ва маданий-маърифий таълимотлар тараққиётига катта ҳисса қўшган Ўрта осиёлик алломаларнинг меросини ўрганиш ва тарғиб қилиш бўйича Ўзбекистонда қандай ишлар амалга оширилди?

## **Адабиётлар**

1. Каримов И.А. Тарихий хотирасиз келажак йўқ. -Т.: «Ўзбекистон», 1999.
2. Каримов И.А. Юксак маънавият — енгилмас куч. -Т.: «Маънавият», 2008.
3. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилинида мустаҳкам пойдевордир. Ўзбекистон Республикаси Конституцияси қабул қилинганинг 17 йиллигига бағишлиланган тантанали маросимдаги маъруза. // Халқ сўзи, 2009 йил 6 декабрь.
4. Аҳмедов Б. Ўзбекистон халқлари тарихи манбалари. -Т.: «Ўқи тувчи», 1991.
5. Буниятов З.Н. Хоразмшоҳ-Ануштегинлар давлати (1087-1231). -Т.: 1989.
6. Низомулмулк. Сиёсатнома ёки сияр ул-мулук. -Т.: «Адолат», 1997.
7. Наршахий. Бухоро тарихи. Мерос. -Т.: «Адолат», 1991.
8. Мавлонов Ў., Маҳкамова Д. Маданий алоқалар ва савдо йўллари. -Т.: «Akademiya», 2004.
9. Сагдуллаев А.С., Мавлонов Ў. Ўзбекистонда давлат бошқаруви тарихи. -Т.: «Akademiya», 2006.
10. Сагдуллаев А.С. ва бошқалар. Ўзбекистон тарихи: давлат ва жамият тараққиёти. -Т.: «Академия», 2000.
11. Ўзбекистон тарихи. -Т.: «Университет», 2003.

**5-мавзу. Мұғуллар истилоси ва зулмиға қарши қураш. Жалолиддин Мангуберди — Ватан химоячиси. Чигатай улусида ижтимоий-сиёсий, иқтисодий ҳаёт**

## **Мұғул давлатининг ташкил топиши. Чингизхон ва Хоразмшох муносабатлари**

Мұғуллар ҳақида жуда күплаб маълумотлар бўлиб, улар мэну (мэнва) номи остида Хитойнинг Тан сулоласи (618-908) солномасида илк бора тилга олинади. Улар Олтой ва Жанубий Сибирдаги туркий қабилаларга яқин ва қондош бўлганлари эҳтимолдан холи эмас. Мұғул этногенези ҳам мураккаб масала бўлиб, ҳар ҳолда элат сифатида XIII асрда юзага келган бўлиши мумкин. X-XI асрларда асли Амур дарёси бўйларида яшаган 16 та уруғ-аймоқларга бўлинган татан (татар)ларнинг таркибий қисми сифатида уларнинг бир уруғидан алоҳида моҳэ (мұғул) қабиласи вужудга келган дейилади. Бу қабила тезда кучайиб, 1135-39 йиллари Хитойга қатор юришларни амалга оширади. Ҳатто Хитой императорлари 1147 йили мұғуллар билан иттифоқ тузишга мажбур бўлишади.

XII аср ўрталарига келиб Байкал кўли атрофи, ҳозирги Мұғулистон ҳудудида яшовчи туркий ва тунгус-манжур қабилаларининг кўпчилиги мұғуллар раҳномаси Есугай баҳодир таъсирига ўта бошлайди. Лекин унга қарши турган татар, маркит қабилаларини бўйсундириш осонлик билан кечмайди. Есугайни татарлар зиёфат пайтида хиёнаткорона ўлдиришгандан сўнг, унинг ўғли Темучиннинг таъсири мұғуллар орасида оша бошлайди. Темучин (1155-1227) (мұғулча, темир устаси) кучли ва тадбиркор, айёр саркарда бўлиб, пароканда қабилаларни турли йўллар билан ўз қўли остида мустаҳкам бирлаштирган шахс эди. 1186 йилда у бошқа бир мұғул саркардаси Жамуха ёрдамида ўзининг эски рақиби — маркитларни бўйсундиради.

Мұғулларни бирлаштириш чөғида Темучин күчли ҳарбий тузилма ташкил этди. Үнга күра, мұғул қабилалари мингликларга бўлинган бўлиб, у бутун бир бошли ҳарбий округ вазифасига тўғри келар эди. Округлар тепасига садоқатли кишилар қўйилар эди. Темучин жуда интизомли, садоқатли ва ўта жанговар ҳарбий тузилмаларни яратишга муваффақ бўлди. Уларни бошқаришни эса, ўз ӯғиллари — Жўчи, Чигатой, Ўгедей, Тули, хотини Буртэ-фужэн, сафдошлари Субутой, Жебэларга топширди. Ўз ҳокимиётини тўлиқ мустаҳкамлаб олгач, Темучин 1206 йили мұғулларнинг умум қурултойи (курултой халқ, хоҳиши деган маънени англатган)ни чақиради. Қурултойда у олий мұғул ҳукмдори — хон деб тантанали эълон қилиниб, үнга бош шаман Теб-Тангрий “Чингизхон” деган фахрий ном беради. Чингиз сўзи тарихчи Рашидиддиннинг ёзишича, кучли, буюк деган маънени англатади.

Қурултойда одат бўйича Чингизхон ўз туғи-байробиги ни кўтарди, 10 та лавозим жорий этиб, уни ўз яқинларига тақдим этади. Саҳродаги Қоракурум шаҳрини марказий пойтахт деб белгилади. Бутун Мұғулистан 95 та ҳарбий-маъмурий бирликка бўлинди. Янги мұғул давлати — Еке Мўнгол улус (буюк мұғул давлати) деб атала бошланди. Қурултойдан аввал, 1203 йилдаёқ ҳали бир тизимга эга бўлмаган қонунлар тўплами вужудга келиб, у ўз ичига ёрлиқлар (буйруқлар), ясок (қонунлар), билик (насиҳат)ларни олган эди. “Ясок” бизгача тўлиқ этиб келмаган, у турли кўринишларда, манбаларда қайд этилади. “Ясок” ўз ичига қуидагиларни олган: халқаро, шахсий, савдо ва суд хукуқлари. Чингизхон тайин этган давлат бош ҳаками Шики-Хутухуга “Ясок”қа қараб иш тутишни қатъий белгилаб берган эди. “Ясок” қонунлари мұғулларнинг қадимий урф-одатлари, анъаналари, мавжуд сиёсий тузум мохиятидан келиб чиқсан ҳолда, кескин ва жуда қаттиқ оҳангда, патриархал ҳарбий тузумни ўзида акс эттирган ҳол тузилган эди.

Чингизхон шахсий гвардияси сонини (кешиктан) 9000 кишигача етказди. Улар ҳар З кунда навбатчилик қиласар,

уларнинг ишини шахсан хон назорат қиласар эди. 1204 йили уйғур алифбоси мұғул ёзуви учун қабул қилинди. Шунингдек, мустақил давлат белгиси бұлған мухр (тамға) ҳамда тақвим қабул қилинди. Чингизхон 1209 йилда тангутларни, 1211 йилда уйғурларни, 1215 йилда эса шимолий Хитойни пойтахт Чжунду (Пекин) билан биргаликда үзига тобе қилиб олди. Хитайдаги Цинь сулоласи тугатилиб, жуда катта үлжак олинди. Хитой юриши вактида юксак ҳарбий маҳорат ва урушнинг янги усуллари күлланилди. Маданий жихатдан анча қолоқ мұғуллар күп жиҳатдан уйғур ва мусулмон ахли тажрибасидан кенг фойдаланишти. Шарқий уйғурларнинг бошлиғи Эдикут (Саодатбек) Чингизхоннинг дүсті ва маслаҳатчиси, собиқ найманлар хони Таянхоннинг мухрдори уйғур Тататунга мұғуллар саводини чиқарып, илм ўргатар эди. Мусулмон савдогарларнинг зеҳни, тадбиркорлигига Чингизхон доимо юқори баҳо берган. Шу билан бирга, улардан күпинча айғоқчилар сифатида ҳам фойдаланған.

Хитойни забт этган Чингизхон шу билан киғояланмаслиги аниқ эди. Бадавлат Мовароуннаұрнинг савдо ахли, үлкамиз беҳисоб бойликлари, юқори маданиятли аждодларимиз яратған ажайиб меъморий бинолар, қолаверса қадимий юртимизнинг файзу таровати мұғулларни анчадан бери үзига жалб қилаётгандығы маълум эди. Мусулмон мамлакатларининг беҳисоб бойликлари тұғрисидаги афсона-ривоятларни эшпитең, текин үлжа ва бойиш истагида бұлған мұғул ҳарбий зодагонлари Чингизхон бошчилигидә зидан ҳарбий юриш қилиш истагида эди. Чингизхон давлати ғарбда Қипчоқ чүллари, қорахитойларнинг күчмандықтары Фарбий Ляо (Си Ляо) ва Хоразмшох-ануштегинилар давлати билан чегарадаш эди. Шубҳасиз, унинг ғарбдаги энг жирик ва кучли құшниси ҳамда ракиби буюқ Хоразмшох-ануштегинилар давлати (1097-1231) эди.

Султон Қутбиддин Мұхаммад Оловиддин Хоразмшох (Мұхаммад Хоразмшох) (1200-1220) даврига келиб, мамлакат худуди беҳад кенгая бошлади. Султон үз онаси бұлмиш «Худовандаи-жаҳон, дунё ва дин саховатпешвоси Улуг Туркон — икки дунё аёллари маликаси (Исмат ад-

дунё ва ад-дин Улуг Туркон)» унвонини унга пеш қилиб олган қипчоқ хони Жонкишининг қизи Турконхотун ҳарбий кўмаги ҳамда қўллаб-қувватлаши натижасида ўз ҳокимиятини мустаҳкамлаб олишга, зафарли юришлар қилишга муваффақ бўлди. У 1203 йили Фур давлатини, 1204 йили Ҳиротни, 1207 йили Бухорни қўлга киритади. Султон Отсиз (1127-1156) давридан бошлаб хоразмшоҳлар қорахитойларга ўлпон тўлаб турар, акс ҳолда кўчманчилар мамлакатга бостириб кириб, уни хонавайрон қилишлари турган гап эди. Султон 1209 йили навбатдаги ўлпон йифиш учун келган қорахитойлар элчиси Туши олиб келган ёрликни намойишкорона йиртиб ташлаб, уни ўлимга маҳкум этади. 1210 йили сентябрь ойида Сирдарё бўйидаги Иламиш даштида, қорахитойлар билан бўлган ҳал қилувчи жангда қорахитойлар тўлиқ мағлубиятга учраб, уларнинг лашкарбошчиси Таянгу ўлдирилади. Мовароуннаҳр буткул Хоразмшоҳ қўлига ўтиб, ҳамма жойларда садоқатли кишилар ҳоким этиб тайинланди. Қорахонийлар хони Усмонхон хоразмшоҳлар вассалига айланиб, Султоннинг қизи Хон Султонга уйланади. Хоразмшоҳ — Ануштегинийлар давлати Шарқнинг энг буюк давлатига айланиб, ўз ичига Мовароуннаҳр, Ҳурросон, Мозандарон, Кирмон, Ироқи Ажам, Озарбайжон, Сейистон, Фазна, Балх, Қандахор ўлкаларини олган эди.

Қорахитойлар устидан қозонилган ғалаба мусулмонларнинг «ғайридинлар» устидан «буюк ғалабаси» деб таърифланиб, султон фармонига кўра, мусулмон оламининг ҳамма ўлкаларига бу хусусда маҳсус хитобномалар тарқатилди. Мазкур ғалабадан ўта руҳланган Султон Мұҳаммад Хоразмшоҳ ўзига «Искандари Соний (Иккинчи Искандар)» ва салжуқийларнинг буюк султонига тақлид қилиб «Султон Санжар» унвонларини олади. Давлат мұхрига эса «зил Аллоҳи фил арз» («Оллоҳнинг ердаги сояси») деб «камтарона» ёздиришни буюради.

1212 йили хоразмлик ноиб Дўстобанинг зўравонлигига қарши Самарқандда қорахонийлар хони Усмонхон бошлигигида исён қўтардилар. Исённи қаттиққўллик билан

бостирган Хоразмшоҳ Муҳаммад Усмонхон ва 10000 дан зиёд кишини қатл эттириб, Ўзгангача бўлган ҳудудда яшаётган барча қорахонийларни қирғинбарот қилдиради.

1215 йили Даشت қипчоқ юришида Хоразмшоҳ мӯгулларнинг Жўчи бошчилигидаги ҳарбий қўшинига дуч келади. Мӯгуллар бу ерларда, Чингизхоннинг буйругига кўра, маркит қабилаларига зарба бериш учун юриш қилган эди. Ўзаро тўқнашувдан сўнг мӯгуллар Чингизхондан Хоразмшоҳлар давлатига нисбатан юриш қилиш хусусида хеч қандай кўрсатма олмаганликлари учун орқага чекинди. Жузжонийнинг ёзишича, Султонни доимо Шарқда жойлашган давлатлар қизиктираси ва унинг Хитой томонига ҳарбий юриш қилиш нияти ҳам бўлганлиги аниқ эди. Лекин, Хитой Чингизхон томонидан ўша йили олинганилигини эшитган Султон бу ҳолни тасдиқлатиши ва Чингизхон давлати ҳақида аниқ маълумот олиб келиш мақсадида сайидлар авлодидан бўлмиш таникли зот Баҳовуддин Розийни ўз элчиси сифатида хон ҳузурига жўнатади.

Баҳовуддин Розий бошчилигидаги элчилик гуруҳини Чингизхон Пекинда қабул қилиб, уларга ижобий муносабатда бўлади. Хоразм давлати элчиларига Чингизхон икки давлат ўртасида ўзаро тинчлик ва дўстлик ҳукмронлик қилиши лозимлигини уқтириб, ўзини “Шарқ ҳукмдори”, Хоразмшоҳ Муҳаммадни “Фарб ерларининг эгаси” деб таъкидлайди. Хитой ерларига эндилиқда юриш қилиш ножоиз эканлигини англаган Хоразмшоҳ ўз диққат-эътиборини яна жануб ҳамда гарб ерларига қаратади.

1217 йили Бағдод халифаси ан-Носир (1180-1225) сultonнинг Бағдодни унга топшириши ва унинг номини хутбага қўшиб ўқишини қатъий рад этгач, Муҳаммад Хоразмшоҳ 100000 кишилик қўшин билан аббосийлар халифалигига юриш бошлаб юборади. Хоразмшоҳ тангалари ва хутбалардан халифа номи чиқариб ташланади. Султон фармонига кўра, термизлик шайх Оламулк ат-Термизий халифа этиб тайинланади. Султоннинг юқоридаги хатти-ҳаракатлари кўпчилик уламолар, дин пешволари томонидан маъқулланмайди. Улар Султонга барча мусул-

монлар диний раҳнамо халифа устига юриш қилиш, ислом дунёсида хоразмшоҳга нисбатан салбий муносабат келтириб чиқаришини тушунтиromoқчи бўладилар. Уламолар норозилигини ҳисобга олмаган Султон уларнинг кўпчилигини жазога тортади, ҳатто таниқли шайх Маждиддин Бағдодийни қатл эттиради. Бу ҳол диний уламолар, руҳонийлар, дарвишлиқ гурухлари олдида Султон обру-эътиборининг пасайишига ва унга қарши мухолиф кучлар сафининг кенгайишига олиб келади. Багдод юриши табиий оғатлар туфайли муваффақиятсиз якун топади.

Аббосийлар халифалигига муваффақиятсиз юришдан сўнг, 1218 йили Муҳаммад Хоразмшоҳ ўзининг янги пойтахти деб эълон қилган Самарқанд шахрига кириб келди ва хутба, танглардан халифа номини чиқариб ташлаш хусусида фармон берди. Ўша йили Муҳаммад Хоразмшоҳ Чингизхон ҳузурига яна ўз элчиларини юборади. Бунга жавобан Чингизхон кечиктирмасдан қимматбаҳо совғалар ва моллар ортилган катта карвон билан ўз элчиларини Хоразмшоҳлар султони ҳузурига юборади. Султонга мўлжалланган қимматбаҳо совғалар ичиди Чингизхон ўлжа олган түя ўркачидек келувчи олтин бўлаги ҳам бор эди. Элчиларга хоразмлик таниқли савдогар Маҳмуд Ялавоч (Маҳмуд ал-Аромий) раҳбар этиб тайинланади, яна 2 та одам, бухоролик савдогар Алихўжа ва ўтрорлик Юсуф қанқалар элчилик рутбасига эга эди.

Султон Муҳаммад бу элчиларни 1218 йил баҳорида Бухоро шаҳрида қабул қилади. Элчилар Чингизхон Султоннинг зафарли юришларидан хабардор эканликлари, уни қудратли подшоҳ сифатида тан олиб, “ўзининг энг ардоқли ўғиллари қаторида” кўришини баён этишади. Чингизхон ўз номасида куч-қудрати зафарини кўрсатиш маъносида Хитой ва қўшни мамлакатларни қандай куч билан эгаллаганлигини ҳам айтиб ўтади. Элчилар номаси шубҳасиз Султонга маъқул бўлмайди. Айниқса, мӯғул давлатининг хонини, уни ўзининг “ўғли” қаторида кўриш, бу Шарқ устамонлигига қарам қилиш ёки ўз ҳомийлигини олиш деган маънони англатишни Султон яхши тушуна-

ди Элчиларга Султон жавоби маълум эмас, лекин ўша тунда у ўз ёнига Маҳмуд Ялавочни чорлаб, бор ҳақиқатни баён этишни, унинг хизматига ўтиб, махфий жосус бўлиб хизмат қилишни буоради. Ўз ҳаётидан хавфсираган Маҳмуд Ялавоч, муаррих ан-Насавийнинг ёзишича, “Султон эшлишни хоҳлаган” маълумотни айтиб, Султон тақлифига кунади.

Чингизхон Маҳмуд Ялавоч гуруҳи хизматидан, тўпланган маълумотлардан мамнун бўлади. Зоро, Ялавоч сохта “жосус” ролини ўйнаб, бор ҳақиқатни Чингизхонга етказган эди. Ўша йилиёқ, яъни 1218 йили, Чингизхон Султон Муҳаммадга ўз миннатдорчилигини изхор этиш ҳамда ўзаро шартнома тузиш мақсадида катта савдо ва элчилар карвонини жўнатади. Улкан савдо карвони 450 та мусулмон савдогари ва 500 та туяга ортилган қимматбаҳо моллардан иборат эди. Ўз давлати қудратини намоён этиш ниятида Чингизхон Тангут ва бошқа давлатлардан ўлжа олинган, жанубий Сибирь ва Хитойдан талаб келтирилган ажойиб, сара моллар билан хурҷунларни тўлдирган эди. Карвон билан, шунингдек, Чингизхон элчиси, мӯғуллардан бўлган Ухуна ҳам бўлиб, у Хоразмшоҳга Чингизхон номасини олиб келаётган эди. Нома жаҳон фотиҳлигига даъво қилаётган Чингизхон номидан буйруқнамо оҳангда ёзилган эди.

Ушбу карвонда асли мовароуннахрлик бўлмиш Умархўжа Ўтрорий, ҳаммол Мерокий, Фаҳруддин Дизакий Бухорий, Аминуддин Ҳаравий сингари савдогарлар, карвон сарбонлари ҳамда ўрда элчилари бор эди. Карвон Урганч томон йўл олган эди. Лекин хоразмшоҳларнинг чегара вилояти Ўтрор ерларига кириб кириши биланоқ бу карвон ушлаб қолинди. Ўтрор ҳокими Иналхон (Инолчик, унинг форсий таҳаллуси Гойирхон эди) Туркон хотуннинг яқин қариндоши, Хоразмшоҳга яқин шахс бўлган. Иналхон, араб тарихиси ибн ал-Асир, ан-Насавийларнинг ёзишича, Хоразмшоҳ ижозати билан бу карвонларни талашга буйруқ бериб, карвон аъзоларини жосусликда айблайди ва уларни кириб ташлайди. Ўтрор фожиасидан сўнг Чингизхон Ибн Кафроҗий Буғрони икки мулизим билан Хоразмшоҳ ҳузурига элчи этиб жўнатди. Ас-

Субқийнинг ёзишича, Чингизхон Ўтрор фожиасининг айбдори Иналхонни тутиб, мӯгуллар қўлига топширишни, элчилар ўлимининг сабабларини кескин тарзда сўрайди. Мӯгуллар билан муносабатларни кескинлаштирмаслик учун Ўтрор ҳокимини Чингизхон қўлига топшириш керак деган таклифни кўтарган Жалолиддиннинг фикрини Султон рад этади. Султон буйруғи билан элчи бўлмиш Ибн Кафроҷ Бустро ўлдирилиб, икки мулозимнинг соқол-мўйловлари шармандали тарзда қириб ташланади. Хоразмшоҳ мӯгуллар билан эртами-кечми уруш бўлишини яхши анлаган эди. Қолаверса, мамлакатда мӯгуллар бостириб кириши хусусида турли миш-мислар ҳам авж олған эди. Нима бўлганда ҳам Султон Чингизхонга шу йўсинда дағдағали жавоб беришга қарор қилди. Тарихчи Рашиддин «Жомеъат-Таворих» асарида ёзишича, Хоразмшоҳнинг ушбу дағдағаси ва қилмиши «Чингизхоннинг юрагига шундай таъсир қилди-ки, унда ортиқ чидам ва тоқат қолмади».

Чингизхон ислом оламининг душмани бўлиб қолмаслик учун шундай йўл тутди-ки, уруш бошланишига расман Хоразмшоҳ сабабчи бўлиб қолди. Ўзини эса “Олийжаноб халоскор” деб ҳисоблади. Аслида эса уруш бўлишини у ҳар жиҳатдан хоҳлар эди. Албатта, Хоразмшоҳ ҳам катта хатога йўл қўйган эди, лекин урушнинг сабабчиси ва бошловчиси у эмас эди.

Мӯгуллар Хоразмшоҳ устига ҳарбий юриш қилишдан аввал, хоннинг буйруғига кўра, ҳарбий саркарда Жебе Еттисув ва Қашғар устига 1218 йил ҳарбий юришлар қилиб, Кучлук давлатини тор-мор келтирди. Мусулмонларни доимо таъқиб этиб келган Кучлукка қарши бош кўтарган Шарқий Туркистон ислом аҳли Жебени найманлар зулмидан озод этувчи «халоскор» деб қабул қилди. Зоро, Жебе мусулмонлар учун дин эркинлиги кафолатланишини эълон қилиб, мӯгуллар ҳукмронлигини мустаҳкамлаган эди. Шундай қилиб, мӯгуллар Ўрта Осиёга ҳарбий юриш қилишдан аввал заҳира кучларини мустаҳкамлаб, Талас водийсигача бўлган ерларни ўз империялари таркибига қўшиб олди.

XIII аср бошларидан Хоразмшоҳ Ануштегинийлар давлати ўз худудининг кенглиги, салтанат эгасининг нуфузи, халқнинг салоҳиятлилиги, маданиятлилиги, хўжалик хаётининг юқори савиялиги билан мусулмон оламида буюк давлат саналар эди. Ўзининг кўпроқ қанғли-қипчоқ ҳамда туркманлардан иборат мунтазам қўшинига эга эди. (Маълумотларга кўра, умумий қўшиннинг сони 400.000 га етиб, бу мўгуллар қўшинига нисбатан 2 баровар ортиқ эди.) Давлат мусулмон оламида қабул қилинган қонун чиқарувчи-даргоҳ ҳамда ижроия девонлар тизимида бошқарилар, давлат бошлиги Султон ҳокимиятининг ҳукуқлари ҳеч бир қонун-қоида билан чегараланмаган эди. Салтанатни ҳокимлар, ноиблар, вазирлар, лашкар бошлиқларидан иборат кучли ҳарбий аслзода гуруҳлар, муставфий (дафтардор ҳисобчилар), қозилар, садрлар ва бошқа кўплаб сарой мансабларидан иборат улкан аркони давлат доираси қуршаб турад эди.

Ҳокимлар кўп ҳолда ўз билганича иш тутишар, солиқлар тўплашнинг ҳам аниқ тизими йўқ эди. Ҳашар йўли билан бирон-бир йўл, кўприк, қалъя ва бошқа иншоотларни қуриш (сухра гирифтан) кенг тарқалган эди. Давлат аҳволи танг бўлганда кўп ҳолда иктадорларга ишонч қолмас эди. Айрим вилоят ҳокимлари шахсан Туркон хотунга бўйсуниб, ўз билганларича иш тутар эдилар. Султон Муҳаммаднинг волидаси Туркон хотуннинг қўшин олий саркардалари бўлмиш қипчоқ саркардалари билан алокаси мустаҳкам, ўзи шу қабилага мансуб бўлганлиги учун уларни ҳамиша қўллаб-қувватлаб турад эди. Хоразмшоҳ “фарзандлик меҳри ва ҳокимиятга олиб келган шахс” сифатида онаси сўзини икки қилмас, ҳамиша унинг фикрларига хоҳласа-хоҳламаса қўшилар эди. Хоразмшоҳнинг онаси Туркон хотун аслида давлатдаги биринчи даражали шахс ҳисобланар, унинг шиори «эътасамту Биллоҳи Ваҳда» (яъни, ёлғиз Оллоҳдан паноҳ сўрайман) муҳрига ёзилган булиб, ҳукмдор фармонига шу муҳри билан у биринчи имзо қўйса, унинг фармони вожиб ҳисобланар эди. Туркон хотун амри билан таҳт вориси этиб ўз қавмидан бўлган невараси Ўзлоқшоҳ тайин этилган эди.

Мұхаммад Хоразмшоқ үзининг ён-атрофдаги (Фур, Хуресон, Мовароуннахр, Мозандарон, Озарбайжон ва бошқалар) унча кучли бўлмаган ерларни тезлик билан қўл остида бирлаштириб, ўз галабаларига жуда берилиб кетган эди. Қорахитойлар устидан қозонилган галабадан (1210) сўнг, юқорида таъкидлаганимиздек, у ўзини мутлақ енгилмас (“Искандари Соний”, “Султон Санжар”, “Оллоҳнинг ердаги сояси” ва бошқа унвонларга эга) деб ҳисоблаб, ислом оламига эгалигини ҳам даъво қила бошлади. Унинг армияси сони гарчи сон жиҳатдан қўпчиликни ташкил этсада, бу қўшин ҳарбий интизоми унча мустаҳкам бўлмаган, салоҳияти анча паст, қўпроқ жанубликлардан олинган ёлланма қўшин эди. Ўз навбатида, бу қўшин Ватан мудофааси учун эмас, балки қўпроқ истило, талонтарож, ўлжа олиш учун мўлжалланган қўшин эди.

Жойларда ноиб ва ҳокимлик лавозимидаги Хоразмдан бўлмиш амалдорлар оддий халққа нисбатан қўпинча зўравонлик, тазиик ила муносабатда бўлар, бу эса Хоразмшоҳлар давлатига нисбатан аҳолининг норозилигига сабаб бўлар эди. Солиқлар миқдори бир меъёрда турмас, меҳнаткаш омманинг аҳволи анча оғир эди. Масалан, 1219 йили Хоразмшоҳ хирож солиғини бир йўла уч маротаба қўп ундириб олишга буйруқ берган эди. 1206, 1212 йилларда Бухоро ва Самарқанддаги халқ галаёнлари зўравонлик ва солиқлар ошиб кетишига қарши қаратилган эди. Солиқлар ва зўравонликдан эзилган халқнинг Султон Мұхаммадга эътиқоди, ишончи мўғуллар босқини арафасида сусайиб кетди. Шунингдек, Султоннинг Бағдод ҳалифалигига юриши ва ўз ҳолича термизлик сайдиллардан бўлмиш Шайх Оламулк Термизийнинг халифа деб эълон қилиниши Мовароуннахр уламолари ичидаги ҳақли норозиликка сабаб бўлди. Шайх Маждиддин Бағдодийнинг таъқиб этилиши эса Султон билан руҳонийлар орасида муносабатларни мутлақ кескинлаштириб юборди.

Чингизхон үзининг яхши тизимга асосланган айғоқчилар тармоғи орқали Хоразмшоҳлар давлатидаги аҳволдан боҳабар эди. Шунингдек, у ушбу қадимий маданият

ва юқори салоҳиятга эга Мовароуннаҳр аҳлини осонликча бўйсундириб бўлмаслигини ҳам яхши билиб, бўлажак маҳорабага жиддий тайёргарлик кўрди. Ўтрор воқеасидан аввалроқ Чингизхон қўшинларининг Еттисувга қилган ҳарбий юришлари Султон Муҳаммадни ташвишга солиб қўйган эди. Гарчи Хоразмшоҳ катта қўшинга эга бўлса-да, ўзаро ихтилофлар, саркардаларга ишончсизлик, ўз ҳокимиятидан хавфсираш қўшинининг заифлашуви, интизомнинг пасайишига олиб келган эди. Муҳаммад Хоразмшоҳ мўгулларга зарба бериш хусусида Урганчда ҳарбий кенгаш чақиради. Унда кўзга кўринган давлат арблори, аслзодалар, ҳарбий саркардалар иштирок этадилар.

Асли хивалик машхур фикъшунос ҳамда давлат арбоби Шаҳобиддин ал-Хивақий бор қўшинни Сирдарё бўйига тўплаб, узоқ йўл босиб келаётган мўгул қўшинига чегара бўйидаёқ ҳал қилувчи зарба бериш тўғрисида ягона ва ҳарбий жиҳатдан ҳақ фикрни билдириди. Шаҳзода Жалолиддин ҳам аслида шу фикрга қўшилган эди. Лекин, Хоразмшоҳ ўз саркардаларига, айниқса, қипчоқ ҳарбийларига ишончсизлик билан қарап, катта қўшинни бир жойга тўплашдан, қўшин йигилганда эса ўзини тахтдан ағдариб ташлашлари мумкин эканлигидан чўчир эди. Шунинг учун Султон ва унинг онаси тазиқи билан кенгаш мудофаа усулига ўтишни маъқул деб топди. Жами 450 тага яқин шаҳар (қалъя) ва вилоятлардан иборат бўлмиш давлатда қўшин катта жангга кириб Ватан шарафини химоя қилиш ўрнига шаҳар ва қалъаларга бўлиб ташланди. Баъзи марказий шаҳарлар, жумладан Бухоро ва Самарқанд мудофаасини мустаҳкамлаш зарур деган фикрга келинди, холос.

Чингизхон 1219 йили ўз ўғиллари бошлиқ 200 мингга яқин асосий ҳарбий кучи билан анчадан бери пухта тайёргранган Хоразмшоҳ-Ануштегинийлар давлати устига ҳарбий юришни бошлади. Бу кучлар ёзни Иртиш дарёси бўйида ўтказиб, сентябрь ойида чегарадан ўтади. Чингизхонга уйғур эдикути (хони) Баурчак, қарлуқлар хони Арслонхон ва Олмалиқ ҳукмдори Сифноқтегинлар ҳам ўз

құшини билан келиб құшилди. Чегарадан үтган Чингизхон үз құшини билан жанубий қозоқ чұлларининг Сирдарёға туташған жойидаги Үтрор шаҳри яқинида тұплаб, уни 4 қисмга бўлади.

Чигатой ва Үқтой құшиннинг бир қисми билан Үтрорни қамал этиб, эгаллаш учун қолдирилди. Иккінчи қисм эса Жұчи бошчилигіда Сирдарёнинг юқори оқимидағи Жанд, Яңгикент, Борчиліфкент, Сифноқ шаҳарларни босиб олиш учун юборилди. Учинчи қисмидаги беш минг чөгли құшинга Улоқ нүён ва Сукету черби бош бўлиб, Үтрордан жанубга, Хўжанд ва Банокатни эгаллаш вазифаси топширилди. Чингизхон үзи бош бўлган тўртинчи, асосий қисм (унинг таркибида таниқли саркардалар Жебе ва Субутой ҳам бор эди) Зарафшон воҳаси томон — Бухоро ҳамда Самарқандни истило этиш учун йўл олди.

Чегарадаги Үтрор мустаҳкам шаҳар қалъя бўлиб, мўгулларга олти ой давомида мардонавор қаршилик кўрсатган эди. Үтрор ҳокими Иналхон (Фойирхон) қўлида 20.000 чогли суворий бўлиб, Хоразмшоҳ унга ёрдам тарикасида 50.000 кишилик “лашқари бирун”ни ҳам юборган эди.

Қамал давомида қўшимча тарзда яна Қорача Ҳожиб бошчилигидаги 10.000 кишилик отряд ҳам юборилган эди. Үтрор ҳокими жасур ва мард саркарда Иналхон унга маҳорат билан бошчилик қиласар эди. Аммо, айрим зотларнинг хиёнаткорлиги туфайли беш ойлик қамалдан сўнг Иналхон деярли бир ой давомида үз отряди билан шаҳар қалъасида қаршиликни давом эттиради. Мард саркардани мўгуллар тириклайн кўлга тушириб, Самарқандга Чингизхон ҳузурига юборади. Чингизхон эса, манбаларнинг ёзишига кўра, “кумушни эритиб, үз ҳузурида саркарданинг қулоқ ва қўзига қуийишни буюрган”. Үтрор шаҳри үз жасорати эвазига мўгуллар томонидан бутқул бузиб ташланди. Бухоро йўналишида кетаётган Чингизхонга эса Зарнук (Зеринух) ва Нур қалъалари жангсиз таслим бўлади.

Чингизхон 1220 йилнинг февраль ойи бошларида қадимий гўзал шаҳар — Шарқдаги ислом дини гумбази, “бутун мусулмон шаҳарлари онаси” номини олган “исломий

илмлар маркази” Бухоро яқинида пайдо бўлди. Уч кунлик шаҳар қамали бошланди. Бухорода бу пайтда 12.000 кишилик шаҳар гарнizonи ва 20.000 кишилик “лашқари бирун” мавжуд эди. Лашкарларга нуфузли саркардалар Ихтиёриддин Кўшлу, Инанчхон Оғулжошиб, Ҳамид Пура Қорахитой, Суюнчхон, мӯғуллардан қочиб ўтган уйғур саркардаси Кўкхон (Гўрхон) бош эди.

Саркардалардан Инанчхон базур Амударёдан ўтиб қутулишга муваффақ бўлади, Ҳамид Пура Қорахитой жангда мардонавор ҳалок бўлади, қолган-кутган ҳарбийлар Бухорога чекинишга мажбур бўлади. Аҳли Бухоро ўз ҳимоячиларидан айрилгандан сўнг, шаҳар аҳли жонини саломат сақлаб қолиш ниятида шаҳарликлар маслаҳатлашиб, Бухоро қозиси Бадриддин қози бошчилиги даги бир гуруҳ оқсоқолларни Чингизхон ҳузурига юборади. 10 февраль куни Бухорога мӯғуллар кириб келади. Бухорога кириб келган Чингизхоннинг хатти-ҳаракатлари хусусида Рашидиддин шундай деб ёзган эди: «Чингизхон отда масжиди жомеъ олдига келиб тўхтади ва шаҳарнинг казо-казоларини ўз ҳузурига чақиртириди. Мӯғуллар шаҳар омборхоналарини очиб, фаллаларни ташиб олдилар. Куръон нусхалари сақланадиган сандиқларни отларга охур қилдилар, масжидларга мешларда шароб келтириб жойлаб қўйдилар, шаҳар ҳофизлари ва ўйинчиларини чорлаб, рақсга туширдилар. Мӯғуллар дол-гулига келтириб ўз ашуаларини айтар эдилар. Оқсуяклар, уламолар ва шайхлар отбоқарлар ўрнида отларни кўриқлаш учун отхоналарда турар ва ўша қабила келишларини, амр-фармонларини бажо келтириш билан машғул эдилар». Бухоро талон-тарожи хусусида муаррих ибн Аттор шундай ёзган эди: «Ул кун ҳақиқатда даҳшатли кун бўлди. Бори мангуга кетган эрларнинг, хотинларнинг, болаларнинг товушларигина эшитилиб турди. Ваҳшийлар хотинларни, қизларни ҳам ўзларининг биродарлари кўз олдида таҳқирладилар. Бу таҳқирларга уларда кўз ёшлиридан ўзга қурол топилмади. Кўплар даҳшатли манзаралардан кўра ўлимни ортиқ кўрдилар.

Қози Бадриддин, Имом Рукниддин ва унинг ўғли бу номусизлик манзараларига чидай олмай, ғазабланиб, ўzlари тенг бўлмаган душманга ҳужум қилиб, ҳалокат топдилар».

Аксарият шаҳарликлар ўз қаршиликларини давом эттиридилар, тунда эса яширинча аскарларга ёрдам бериб, мўғул аскарларига қарши ҳужумлар уюштиридилар. Чингизхон бунга жавобан шаҳарни ёқиб юборишга буйруқ берди. Кўкхон бошчилигидаги 400 та мудофаачилар Бухоро аркида яна 12 кун қаттиқ қаршилик кўрсатдилар. Аркни эгаллаш учун қилинган мўғуллар хатти-ҳаракатлари зое кетди. Қалъадаги чуқурликлар одам ва ҳайвон ўликлари билан тўлиб кетди. Кўкхон ва у бошчилигидаги мудофаачилар қаҳрамонона ҳалок бўлгандаридан сўнгтина арк эгалланди. Бухороликлар қаршилиги мўғулларни қаттиқ ғазаблантириди. Бу жасорат эвазига мўғуллар шаҳар аҳлидан 30000 чогли кишини қириб ташлади. Келиб чиқишидан қатъи назар, қолган аҳоли қулликка маҳкум этилди.

Бухородан сўнг Чингизхон Самарқанд томон йўл олди. 1220 йил март ойи бошида у Самарқандга етиб келиб, ён-атрофдаги қишлоқларни ер билан яксон қилди. Чингизхон Самарқандни эгаллашга алоҳида аҳамият берди. Самарқанднинг Мовароуннаҳр учун, Хоразмшоҳлар учун аҳамияти бекиёс эканлигини Чингизхон яхши билар эди. Шунинг учун уни эгаллашга катта эътибор билан қаради. Шаҳарда 110.000 кишилик ҳарбий гарнизон (ундан 60.000 таси туркий, 50.000 таси тоҷиклар эди), 20 та ҳарб илмига ўргатилган фил ҳам мавжуд эди. Султон Муҳаммаднинг тогаси Тўғайхон шаҳар ноиби бўлиб, шаҳар мудофаага бирмунча тайёр ҳам эди.

Шаҳар озиқ-овқат заҳираси, мудофаа истеҳкомларининг пухталиги жиҳатидан бир неча йиллик қамалга ҳам чидаши мумкин эди. Ўз қароргоҳини мўғуллар босқини бошланиши биланоқ саросимада Балхга кўчирган Султон Муҳаммад ҳам Самарқанд мудофаасига умид кўзи билан боқар эди.

Чингизхоннинг ўзи шаҳар ташқарисидаги Кўксарой қўргонидан туриб, шаҳар қамалига бошчилик қилди. 1220 йилнинг март ойининг бошларида шаҳар қаттиқ қамал қилиниб, тўхтовсиз ҳужум бошланди. Қамалнинг 3-ку-

нидан бошлаб шаҳар қамалига Чингизхоннинг шахсан ўзи бошчилик қила бошлайди. Қамалнинг бешинчи куни ула-мо, зодагон, шаҳар ҳарбий бошлиқлари қаршилик мақсад-га мувофиқ эмас, оммавий қиргин бўлишини олдини олиш керак, деган мақсадда мӯғулларга таслим бўлишга қарор қиласди. Шаҳар қозиси ва шайхулислом бошчилигига Чингизхон ҳузурига Самарқанд аҳли номидан элчилар ташриф буюради. Мӯғуллар Самарқанд бош сув иншооти — «Жўйи арзиз» — «Қўрошли новаси»ни бузиб ташлаб, шаҳарни ташналиқ гирдобига гирифтор қиласди. Шаҳар истеҳкоми бузиб ташланди. 20000 чоғли шаҳар мудофаачилари сув тошқини боис таслим бўлишга мажбур бўлди. Тахминан 1000 нафарли мудофаачилар эса, Султон томонидан 1211-1214 йилларда қурилган жоме масжидга кириб, душманга зарба бера бошладилар. Мӯғуллар масжидга ўт қўйиб, мудофаачиларни тирик ўлимга маҳкум этди. Шаҳар қозиси ва шайхулислом ваколати билан ташқарига олиб чиқиб кетилган 50000 нафар кишидан бошқа барча аҳоли талонтарож қилинди. 30000 нафар хунарманд аҳли Чингизхон қариндош-уругларига тақсим қилиб берилди. Тирик қолган шаҳар аҳлига 200000 динор ўлпон мажбурияти юклатилди.

Хукмдорнинг субутсиз ва масъулиятсизлиги, ҳарбий бошлиқларнинг ўзаро иттифоқ бўлмаганлиги, халқ, мамлакат тақдирини ўз ҳолига ташлаб қўйиши оқибатида бу даҳшатли воқеа содир бўлган эди. Бу вақтда Султон Муҳаммад Хоразмшоҳ жанубда, Балхдаги ўз қароргоҳида туриб, бефарқ кузатувчи сифатида ҳаракатсиз турар эди. Мӯғуллар кириб келаётган вақтдаёқ унга Ироққа қараб чекинишни баъзи амалдорлар маслаҳат беришган эди. Кўпгина саргардонликдан сўнг Султон Каспий денгизи жанубидаги Ашуради оролига бориб ўрнашади. Ҳам жисмоний, ҳам руҳий, ҳам маънавий эзилган собиқ ҳукмдор бу ерда плеврит (ўпкага сув йиғилиши) касалига чалиниб, ўғилларини ёнига чорлайди. Ўз гуноҳларига икрор бўлган ҳолда ушбу оролда хорлик ва азоб-уқубат билан 1220 йилнинг декабрь ойида вафот этади. Орадан бирмун-

ча вакт ўтгандан сўнг Жалолиддин отасининг мурдасини тоғлиқ, Ардаҳи қалъасига олиб бориб, дафн этади. Ардаҳи мӯгуллар томонидан забт этилгандан сўнг, ўз вақтида Султонни тириклийн қўлга тушира олмаган аламзада мӯгуллар унинг мурдасини кавлаб олиб, Ўгедейга (Ўқтой) юборишиган. Ўгедей эса унинг мурдасини ёқиб юборишни ҳамда кулини кўкка совуришни буюрган. Шунингдек, Хоразмшоҳларнинг ўз вақтида Султон томонидан Ардаҳига яширилган энг қимматбаҳо 10 та сандикқа жойланган жавоҳирлари ҳам мӯгуллар қўлига ўлжа бўлиб тушган эди.

Чингизхоннинг катта ўғли Жўчи бошчилигидаги мӯгул босқинчилари режа бўйича Сирдарёning юқори қисмидаги ерларни эгаллаши лозим эди. Босқинчилар маълум муддатдаги қамалдан сўнг Сифноқ ва Борчилигент шаҳарларини эгаллаганидан кейин мустаҳкам қалъа ҳисобланган Хўжандга ҳужум бошлайди. Мӯгуллар 20.000 нафар кўшин ва 50.000 минг чоғли асирга тушган ҳашарчиларни Хўжанд атрофига йигади. Хўжанд ҳокими Темур Малик асли туркий саркардалардан бўлиб, Хоразмшоҳлар давлатида ном чиқарган Султон ва унинг оиласига таниш шахс эди. Мӯгулларга қарши тура олиш мумкин эмаслигини сезган Темур Малик (малик-ҳоким маъносида) тахминан 1000 нафар аскари билан Хўжанддан бир километр наридаги Сирдарёning мўъжазгина оролида жойлашиб олади. Қулай стратегик аҳамиятга эга бўлган оролга мӯгуллар ўқлари, палахмон тошлари етиб бормас эди. Темур Малик буйруғига кўра 12 та қайиқ ясатилиб, ўқ ўтмаслиги, ёниб кетмаслиги мақсадида уларнинг усти на мат билан қопланиб, сирка билан шимдирилган лой билан суваб чиқилади. Темур Малик узоқ вакт мудофаа учун эндиликда оролчада туриш мақсадга мувофиқ эмаслигини тушуниб, озиқ-овқат заҳираси ва аскарларини 70 та кемага жойлаб, тунда дарёning қуи оқими бўйлаб сузиб кетади. Мӯгуллар икки соҳил бўйлаб Темур Малик кемаларига тўхтовсиз ҳужум уюштираси. Ҳатто Банокат бўйида дарёning у соҳилидан бу соҳилига занжир ҳам тортиб қўяди. Узок, узлуксиз жанг билан улар Жанд-

га етиб келади. Мұғул саркардаси Улус Иди Борчилифкент ва Жандяқинида манжаниқлар (тош отар замбараклар) үрнатыб, қайиқларни бир-бирига туташтириб, жасур саркарда йүлини түсади. Узоқ жанглардан сұнг Темур Малик Урганчга етиб келади. Урганч ҳимоясида қатнашиб, Жалолиддиннинг озодлик курашида фаол иштирок этади. Кейинрок, узоқ саргардонликдан сұнг саркарда Темур Малик үз юртига дарвеш сифатида келиб, мұғул қарбийлари құлида қаҳрамонона ҳалок бұлади.

Чингизхон 1220 йилнинг ёзини Мовароуннаұр жанубида үтказмоқчи бўлди. Чунки у жануб шаҳарларини эгаллашга шахсан бош қўшган эди. Зеро, жанубда ҳали босқинчилар қадами етмаган қатор бой вилоят ва шаҳарлар мавжуд эди. Аввал у Наҳшабга бостириб борди. Шаҳарликлар мұғулларнинг мислсиз зўравонлик ва босқинидан яхши хабардор эди. Наҳшаб аҳли даҳшатга тушиб, шаҳарни мұғулларга ихтиёрий топширади.

Чингизхон ёзни Наҳшабда үтказиб, 1220 йилнинг кузида Термизга юриш бошлайди. Термиз Ҳиндистон ва Ўрта Осиё савдо йўллари туташган қулай ерда жойлашган бўлиб, унинг Амударё соҳилига туташган қалъаси үз вақтида мустаҳкам равишда барпо этилган эди. Термиз ҳокими Фахриддин хабаш мұғуллар босқинига марданавор жавоб беришга қарор қилди. Мудофаанинг ўн биринчи куни шаҳар эгалланди. Шаҳар буткул талон-тарож қилиниб, хонавайрон этилди. Мовароуннаұрнинг асосий қисмлари — Сирдарё ҳавзаси, Зарафшон, Қашқадарё водийлари, Бухоро воҳаси, Шош ва Фарғона водийиси эгаллангач, Чингизхон асосий эътиборни Хоразмшоҳлар давлатининг маркази Хоразм үлкасига қаратди. Бу юришга үғиллари Жўчи, Чигатой, Ўктой (Угедей)ларни масъул қилди. Айниқса, хон мусулмон Шарқининг энг катта шаҳри бўлмиш, маданият, савдо гуллаб-яшнаган бой-бадавлат қадимги Урганч (Гурганж) истилосига катта аҳамият билан қаради. Ушбу юриш 1221 йилнинг бошида бошланди.

1221 йилнинг бошида Султон деб эълон қилинган Жалолиддин ва шаҳзодалар Оқшоҳ, Ўзлоқшоҳлар билан Ур-

ганчга келади. Лекин Урганчдаги сиёсий вазият, собиқ Жандоноиби Кутлугхоннинг унга қарши сунқасди, қипчоқ саркардаларининг ўзларини тутишлари Жалолиддинни шаҳар мудофаасига бош бўлиш фикридан қайтаради. Қипчоқлар уни ҳокимият тепасига келишини хоҳламас эди. Бундай вазиятда мудофаани ташкил этиб бўлмаслиги аниқ бўлган эди. Ушбу воқеалардан сўнг Жалолиддин Темур Малик билан биргаликда 300 киши билан шаҳарни тарқ этиб, Хуросонга йўл олади. Унинг ортидан эса, тез орада Оқшоҳ ва Ўзлоқшоҳлар ҳам йўл олишади. Жалолиддиннинг фаолиятини алоҳида қайд этиб ўтиш мақсадга мувоғиқ бўлгани учун бу буюк шахс фаолияти тўғрисида кейинроқ батафсил тұхталамиз.

Урганчда эса шаҳардаги қипчоқ саркардалари — Ўгул Ҳожиб, Эрбуқа паҳлавон, Али Даруғийний ва бошқалар Туркон хотуннинг жияни ёш Ҳумортегинни султон деб эълон қиласди. Туркон хотуннинг ўзи Мозандарондаги Илол қалъасига келиб ўрнашиб, ўз ҳаёти ва бойликларини сақлаш тараддудига тушади. Қалъада сувсизликдан силласи қурган собиқ малика мӯғулларга асир тушиб, Хоразмшоҳлар хазинасини улар қулига топширди. Қоракурумда чўри бўлган Туркон хотун 1233 йили хор-зорликда вафот этади. Ҳумортегин лаёқатсиз, ўз фикрига эга бўлмаган, қўрқоқ шахс эди. Урганчга Чингизхоннинг ўғиллари Жўчи, Чигатой, Ўгедей, таниқли мӯғул саркарлари Тулун черби, Устун нўён, Қозон нўён ва бошқалар ҳарбий кучлари билан етиб келади. Хоразм Жўчи бошқаруви илкига тушганлиги учун ҳам, у шаҳарни тинчлик билан мӯғулларга топширишни талаб этади. Лекин жасур шаҳар ҳимоячилари мудофаага қатъий тайёргарлик кўриб, жонажон шаҳарларини мӯғулларга беришдан қатъий бош тортдилар. Пойтахт атрофини 100.000 дан зиёд мӯғуллар ўраб олишади. Шаҳар деворларини бузиш учун манжаниқлар ўрнатилади. Мӯғуллар шаҳарни катта куч билан забт этишга киришади. Янги “султон” шаҳар мудофаасига бош бўла олмайди. 1221 йили боши-

дан бошланган Урганч қамали деярли 7 ой давом этади. Шаҳар ахли мӯгуллар қурол-яроғи, палаҳмон тошларни отувчи манжаниқлар, замбараклардан чӯчимай мардонавор курашга киради. Найза ўқларидан қўрқмай шаҳар деворларининг бузилган ерларини қайта тиклай бошлайдилар. Бир гурӯҳ урганчлик ҳарбий навкарлар шаҳардан деярли 1 фарсаҳ узоқликдаги Бони Хуррам деган жойда мӯгулларга зарба беришга ҳаракат қилиб, қаҳрамонона жанг қиласди. Лекин, Жувайнининг ёзишига кўра, жангда қўшин ва қурол жиҳатидан устун мӯгуллар 100.000 дан зиёд аҳолини қириб ташлайди. Султон зобитларининг бошлиғи Фаридун Фурий 500 кишилиқ ҳарбий отряди билан мардонавор шаҳар деворлари ва дарвозалари ҳимоясига бош бўлади. Лекин қўрқоқ “султон” Ҳумортегин шаҳар дарвозасини очиб бериб, ўз ҳаётини сақлаб қолиш мақсадидаги хиёнаткорона равишда мӯгулларга таслим бўлади. Истилочилар шаҳарга бостириб кира бошлайди. Урганчда, тарихчилар ан-Насавий, Жувайнийларнинг ёзишлирига кўра, ҳар бир кўча, мавзени жон-жаҳдлари билан ҳимоя қилганлар. Кўпприк устидаги жангда шаҳарликлар 3000 нафардан зиёд мӯғул аскарларини қириб ташлашга муваффақ бўлади.

Шаҳардаги жангларда хоразмлик машҳур аллома, файласуф ва олим, “Кубровия” тариқатининг асосчиси Аҳмад ибн Умар Абул Жаноб Нажмиддин ал-Кубро ал-Хевақий (1145-1221) ҳам фаол қатнашди. Ўзига “Ё Ватан, ё шарофатли ўлим” деган ғояни шиор қилиб олган бу 76 ёшдаги буюк шайх мӯгулларнинг таслим бўлиш ҳақидаги таклифини рад этиб, ўзининг беҳисоб шогирд, дўсту ёрон, мухлису сафдошлари билан шаҳар ички мудофаасида иштирок этади. Унинг жанговар чақириғига мувоғиқ, ҳар бир қарич ерни шаҳарликлар қаҳрамонона тарзда, бир томчи қонлари қолгунча ҳимоя қиласди-лар. Нажмиддин Кубро қаҳрамонона жанг қилиб, ўлим олдидан мӯғул навкарига ташланиб, аввал уни ҳалок қилиб, сўнгра ўзи шаҳид бўлади. Шаҳар мудофааси чўзилиб,

ҳатто Чингиз ўғиллари Жўчи ва Чифатой ўртасида ҳам ихтилоф чиқиб, шаҳарни эгаллаш бошқа бир ўғил — Угедайга топширилди. Кон дарё бўлиб оқиб, бундан сўнгги химоя бефойдалигини сезган шаҳарликлар қолганларнинг жонини сақлаб қолиш мақсадида таслим бўлишдан ўзга чора топилмайди. 100000 дан кўпроқ ҳунармандлар ажратиб олиниб, Мўғулистонга жўнатилади. Шаҳар аҳли даштга ҳайдаб чиқарилиб, болалар ва аёллар бўлиб олинади. «Ортиқча» асиrlар ҳақоратли ўлимга мубтало этилади. Жувайнининг ёзишича, ҳар бир мўғул аскарга шаҳарликлардан 24 та ўлдирилган аскар тўғри келган экан. Қолган барча нарсалар беаёв талон-тарож қилинди. Шаҳар қўлга олингандан, унинг асосий қисми бузилган, хонавайрон бўлган эди. Шундан кейин ҳам мўгуллар Амударё тўғонини бузиб, шаҳарни сувга бостиради.

Урганч қамали билан бир вақтда Чингизхон 1221 йилнинг баҳорида эътиборини Амударёдан жанубдаги йирик савдо йўллари устида жойлашган бой маданият марказлари бўлмиш Балх, Ҳирот, Газна, Қандаҳор, Нишопур ва бошқаларга қаратди.

Жалолиддинга қарши кураш вақтида қатор қалъа, шаҳарлар қаттиқ жанглар ила ишғол қилинди (Бамиён, Газна, Қандаҳор, Гардиз, Валиён ва бошқалар.) Уларнинг жанубдаги охирги эгаллаган шаҳри Хиндистоннинг шимолий гарбидаги Мўлтон бўлиб қолди.

Манбаларда “Жаҳон султонлари пойтахти” ва “Инсоният буюк фарзандлари бешиги” номини олган Урганч, Шарқдаги “ислом таянчи” Бухоро, қадимиј Афросиёб ватани Самарқанд, масжидларнинг сони (1200 тага етган) билан машҳур “қуббатул ислом” Балх, ўз мадрасалари билан донғи кетган Марв, ўзининг нозиктаъб илмли кишилари билан маълум Нишопур каби кўплаб шаҳарлар талон-тарож этилиб, вайрон қилинди. Мўгулларнинг кучли зарбасига учраган баъзи шаҳарлар, масалан, Ўтрор, Сирноқ, Борчилифкент ва бошқалар умуман узоқ вақтга-ча дашту биёбонларга айланиб қолди. Шу даврда яшаган

араб тарихчиси Ибн ал-Асир (1160-1244) мұғул босқини хусусида шундай деб ёзган эди: “Улар (яъни мұғуллар) ҳеч кимга шафқат қилмадилар, аксинча хотинлар, болалар, әркакларни үлдирдилар, ҳомиладор аёлларнинг коринларини ёриб, туғилмаган гүдакларни нобуд қилдилар... Бу мусибат тұлқынлари турли томонларга тарқалди ва унинг фожиаси умумий бўлиб қолди ҳамда у шамол булатларни турли томонга ҳайдагани каби бутун вилоятларга ёйилди. Хитой чегараларидан бир халқ чиқиб, Туркистандаги Қашғар ва Баласофун каби вилоятларни, Мовароуннахрдаги Самарқанд, Бухоро ва бошқа шаҳарларни вайрон этиб, қирғин қилиб, талон-тарож қилиб әгаллади. Татарлар ҳеч қайси шаҳарларни омон қолдирмадилар, кетаётib ҳамма ерни вайрон этдилар. Улар ниманики ёнидан ўтган бўлсалар, ўзларига ёқмаган барча нарсаларга ўт қўйдилар”.

## **Жалолиддин Мангуберди — юрт ҳимоячиси**

Тарихимиздаги улуг зотлардан бири мұғул босқинчилирига қарши мардонавор курашган, Ватан озодлиги йўлида жон фидо қилган Жалолиддин Мангубердидир. Ўрта аср мусулмон муаллифлари, жумладан унинг вазири ва мирзаси бўлган ан-Насавий уни Манқбурни (яъни манқ белги, хол деган маънода, холдор бурунли деган маънени англатган) номи билан атаган.

Жалолиддин Мангуберди (Манқбурни) хотирасини абадийлаштириш ва тарихий адолатни қарор топтириш мақсадида Ўзбекистон Республикаси Вазирлар Маҳкамаси 1998 йил 24-сентябрда 408-сонли маҳсус қарор қабул килди. Ушбу қарорга мувофиқ буюк саркарданинг таваллуд тўйи кенг миқёсда нишонланиши қайд қилиб ўтилди. Жалолиддин Мангуберди фаолияти, мұғул босқини хусусидаги тўлиқ маълумотлар асосан ан-Насавийнинг «Сийрат ас-султон Жалолиддин Манқбурни» («Султон Жалолиддин Манқбурнинг сийрати») асарида учрайди. Шунингдек, Ибн ал-Асир Отамалик Жувайний, Рашидиддин каби

Ўрта аср мусулмон тарихчилари асарларида ҳам шу даврға оид қатор муҳим маълумотлар келтирилди. Мазкур давр бўйича XX асрдаги энг қимматли маълумотлар З.М.Буниёдовнинг «Хоразмшоҳ-Ануштегенийлар давлати» китобида қайд этилади.

Жалолиддин Мовароуннаҳр уруш домига тортилган, мамлакатнинг катта қисми мӯғуллар томонидан истило этилган, империя қўшини яксон қилинган, амирларнинг бир қисми хоинлик йўлига, қолгани ўз жони-мулкини асраш йўлига тушган, Султон мамлакатни ўз ҳолига ташлаб қўйган, ўзаро саросима ва таҳлика ҳукм сурган бир вақтда тарих саҳнасида пайдо бўлди. Жалолиддин шундай оғир вазиятда, Ватан ва халқ эрки учун курашиб, мӯғулларга қарши 11 йил кураш олиб борди. 14 марта ба мӯғулларга қарши от суриб, унинг 13 тасида голибликни қўлга киритишга муваффақ бўлди. Мӯғуллар босқини арафасида Жалолиддин гарчи катта ўғил бўлса-да, бувиси Туркон хотун томонидан ҳокимиятдан четлатилган бўлиб, таҳт вориси этиб Туркон хотун уруғидан бўлмиш бошқа бир шаҳзода Кутбиддин Ўзлоқшоҳ валиаҳд деб эълон қилинган эди.

Фазна, Бамиён, ал-Фур, Буст, Такинобод, Замин-Давора ва Ҳиндистон билан чегарадош ерлар Жалолиддинга мулк этиб берилган эди. Гарчи Жалолиддин бувисининг изми билан марказдан четлатилган бўлса-да, лекин Султон унга алоҳида муҳаббат билан қаарар, унинг жасурлигини қадрлар, уни ўзидан узоқлашиб кетмаслигини хоҳлар эди. Шунинг учун унга вазир этиб таникли давлат амалдори Шамс-ал Мулк Шаҳобиддин Алп ал-Харавийни, ноиб (ўринбосар) этиб эса саркарда Кузбар Маликни тайинлайди. Муҳаммад Хоразмшоҳ плеврит (ўпкага сув йиғилиши) касали билан оғриб, 1220 йилнинг охирларида (ҳижрий 617 й.) қувғинликда Каспий денгизидаги Ашуради оролида вафот этади. Ўлеми олдидан султон Жалолиддинни таҳт вориси деб эълон қилиб, султонлик баъзи рутбаларини унга топширади. Жалолиддин ўз ини-

лари Ўзлоқшоҳ ва Оқшоҳлар билан отасини дағн этгач, 70 кишиси билан тӯғри Урганчга келади. Тез орада унга Ҳўжанд ҳокими Темур Малик ва бошқа эркесвар кишилар келиб қўшилади. Халқ Жалолиддин Мангубердини шоду хуррамлик ва катта умид билан кутиб олади.

Лекин иниси Ўзлоқшоҳ ва унинг тарафдорлари унга қарши фитна тайёрлаётганидан хабар топгач, бу алфозда мӯгулларга қарши курашиб бўлмаслигини тушунган Жалолиддин 300 кишиси билан яширинча Хоразмни тарк этади. Жалолиддин 16 кун ичида Хуросон ерларидаги Нисо қўргони атрофига етиб келади. Чингизхон Султон ўғилларининг Хоразмга қайтганликларидан хабар топгач, агарда улар Хуросонга чекинмоқчи бўлса, уларга қарши чиқади, деган мақсадда ўз қўшинидан Хуросоннинг ҳар ерига пистирмалар қўяди. Жалолиддин Нисо яқинида ўзининг 300 та аскарлари билан мӯгулларнинг 700 кишилик отрядини зарбага учратади. Мӯгуллар батамом мағлуб этилади.

Бу вақтда Жалолиддиннинг укалари Ўзлоқшоҳ ва Оқшоҳлар саросимага тушиб, нима қилишларини билмай, Жалолиддин кетидан улар ҳам Хуросонга кетишиади. Мӯгулларнинг кичик отряди устидан галаба қозониб, бу галабага жуда катта эътибор беришади. Шундан сўнг айш-ишратга берилиб, Хуросоннинг Хабушан шаҳри яқинида мӯгулларга қарши навбатдаги курашда қўлга тушиб, қатл этилади. Мӯгуллар қатл этилган шаҳзодаларнинг каллаларини намойишкорона тарзда бирмунча вақт Хуросонда олиб юришади. Жалолиддиннинг яна бир иниси Рукниддин Фурсанжий (манбаларда унга «акл-заковат ва қўркамликда тенги йўқ» деб таъриф берилган) Эроннинг Устунаванд қалъасида б ой мӯгулларга қарши кураш олиб бориб, мардонавор тарзда ҳалок бўлади. Жалолиддин эса бу вақтда Нишопурга етиб келади. Бир ой давомида мӯгулларга қарши курашиш мақсадида барча амир, саркардаларга қўшин йифиши хусусида мурожаат қиласи. Мӯгуллар унинг ушбу фаолиятидан хабардор

бўлганликларини билгач, Завзон (Нишопур ва Ҳирот оралиғида) туманидаги ал-Қоҳира қалъасига келиб ўринашади. Афсуски, бу вактда маҳаллий ноиб ҳокимлар унинг атрофида жисплаша олмайди. Ҳали етарли кучга эга бўлмаган Жалолиддин қалъада узоқ туриш хавфли эканлигини тушуниб, Газна томон йўл олади.

Чингизхон бу вактда улкан қўшин билан Хурсонга изма-из келаётган эди. Жалолиддин Газнага етмасдан Ҳирот ҳокими ҳамда қайнотаси Амин Малик билан учрашади, улар биргаликда Қандаҳор қалъасини қамал қилаётган мўғуллар устига юриш қиласидилар. Жалолиддин бу курашда ҳарбий илм тарихида илк бора “пиёда ёйандозлар”ни мўғулларнинг отлиқ аскарларига қарши қўяди. Инглизлар кейинчалик бу ҳарбий усуслга юқори баҳо бериб, Кресс ёнидаги машҳур жангларида ундан фойдаланишади. Уч кунлик жангдан сўнг мўғуллар мағлуб этилиб, Жалолиддин ғолиб бўлади, у Газна томон йўл олади.

У 1221 йилнинг февралида Газнага кириб келади. Манбаларда қайд этилишича, ҳалқ Жалолиддинни жуда катта тантана билан кутиб олади. Шаҳар худди ҳайит байрамидек шоду ҳуррам бўлади. Газнада Жалолиддин хизматига Сайфиддин Ўғроқ ал-Ҳалажий, Балх ҳокими Аъзам Малик, афғон қабилалари сардори Музффар Малик ва қарлуқлар раҳбари ал-Ҳасан қарлуқ ўз қўшинлари билан қўшилади. Жами қўшиннинг сони, тарихчиларнинг хабарига кўра, 90-130 минг киши атрофида бўлган. Чингизхон Жалолиддиннинг куч-қудрати ошиб бораётгани ва мўғуллар ундан Қандаҳорда зарбага учраганлигидан газбланиб, нўён Шики Хутуху бошчилигидаги қўшинни унинг устига юборади. У 1221 йилнинг кузида Жалолиддин ерларига яқинлашиб келади.

Жалолиддин бир ҳамладаёқ мўғулларни зарбага учратишга муваффақ бўлади. Бу жангда мўғулларнинг 1000 дан ошиқ кишиси ҳалок бўлади. Кўплаб тарихчилар жумладан, ибн ал-Асир, Жувайний, Рашидиддин бу жангга юқори баҳо берган эдилар. Жалолиддиннинг мўғулларга қарши муҳим жангларидан бири 1221 йилнинг кузида

шимолий Афғонистоннинг Лагар дарёси бўйидаги Парвона дашти яқинида бўлиб ўтади. Бирлашган қўшинга шахсан Жалолиддиннинг ўзи лашкарбошилик қилиб, ўнг қанотга Амин Малик, чап қанотга Сайфиддин Ўроқ бошлилик қилишади. Мўгуллар жон-жаҳдлари билан курашга киради. Ҳатто Шики Хутухунинг буйруғи билан Жалолиддин қўшинига хавф туғдириши мақсадида ҳар бир мўгул аскари орқасига тулуп ўтказиб ҳам қўйишади. Парвона жанги мўгулларнинг мутлақ мағлубияти билан тугаб Шики Хутуху қолган-қутган қўшини билан Чингизхон ҳузурига базўр қочишига улгуради.

Парвона яқинидаги жанг Мовароуннаҳр ва Ҳуросон аҳли учун ниҳоятда катта аҳамиятга эга бўлди. Шу пайтгача мўгулларнинг илоҳий, енгилмас куч-қудратга эгаликлари хусусидаги гап-сўзларга, афсоналарга чек қўйилди. Жалолиддиннинг ғалабасидан Мовароуннаҳр ва Ҳуросон халқининг руҳи кўтарилди, ғалаба таъсирида Сарахс, Марв, Ҳирот ва бошқа Ҳуросон шаҳарларида мўгулларга қарши халқ исёнлари бошланиб кетди. Бухорода бош кўтарган аҳоли эса мўгулларни шаҳардан сиқиб чиқаришга муваффақ бўлди. Чингизхон Жалолиддиннинг кучайиб бориши, унинг халқ оммаси томонидан қўллаб-куватланилиши мўгуллар босиб олган ерлар учун қанчалик хавф туғдиришини яхши англаб етган эди. Шу сабабдан ҳам шахсан ўзи Жалолиддинни қандай қилиб бўлмасин мағлуб этиш мақсадида шитоб билан катта қўшинга бош бўлиб, жануб томон йўл олди.

Жалолиддин қўшини Парвона жангидан сўнг катта ўлжани қўлга киритган эди. Ушбу ўлжанинг тақсимланиши вақтида Жалолиддиннинг икки саркардаси Амин Малик ва Сайфиддин Ўроқ ўртасида ихтилоф чиқади. Ихтилоф натижасида Сайфиддин Ўроқ, ундан кейин бошқалар қўшиндан ажраб чиқиб кетади. Жалолиддиннинг қўшини камайиб, у ниҳоятда оғир аҳволда қолади. Жалолиддиннинг уни тарқ этган саркардаларга қайта иттифоқ тузиш, душманга қарши биргаликда кураш олиб бориши тўғрисидаги мурожаати зое кетди. Жалолиддин ичак

огриғи касали билан оғриған пайтида мұғулларнинг илғор түрүхі Гардезга (Газнадан 50 км. шарқда жойлашған шаҳар) үрнаштырылғаныдан хабардор бўлади. Жалолиддин хасталиғига қарамасдан Гардездаги мұғул аскарларига тұстадан зарба беріб, уларни мағлубиятта учратади. У Чингизхонга қарши озчилик құшин билан кураша олмаслыгини англағ, Синд (Хинд) дарёси бўйига чекинишга қарор қиласы.

Жалолиддинни қандай қилиб бўлмасин мағлуб этишва уни қўлга тушириш илинжида бўлган Чингизхон уни изма-из таъқиб этиб келади. Жалолиддинни таъқиб этиб келаётган мұғулларга, айниқса, Бамиён қалъаси қаттиқ қаршилик кўрсатди. Бамиён қамали вақтида Чигатайнинг ўғли, Чингизхоннинг суюкли набираси Мутулк ҳалок бўлади. Бундан дарғазаб бўлган Чингизхон қалъадан биронта ўлжа, биронта одамни асирликка олмай барча қалъа аҳлини қириб ташлашни буяради. Ер билан яксон қилинган собиқ Бамиён қалъаси кейинчалик мұғуллар томонидан Мўбалиқ (яъни аҳмоқона шаҳар) номини олади.

Ниҳоят 1221 йилнинг 25 ноябрь, пайшанба куни (хижрий 618 йил шаввол ойининг саккизинчи куни) Синд дарёси бўйида уч кун давом этган ҳал қилувчи жанг бошлигади. Бир қатор ўрта аср мусулмон тарихчиларининг таъкидлашларича, бундай қонли, кескин ва даҳшатли жанг тарихда рўй бермаган экан. Жалолиддин ва унинг қўшини мисли қўрилмаган даражада жасорат ва баҳодирлик на муналарини кўрсатди. Факат учинчи кунга келиб, Чингизхон қўшини устунликка эриша бошлиди. Чингизхон қандай қилиб бўлмасин Жалолиддинни тириклайн қўлга олишга интилаётган мұғул қўшини қуршовини баҳодирлиги билан ёриб чиқиб, Синд дарёси бўйига етиб келишга муваффақ бўлади. Дарё бўйида онаси Ойчечак ва ҳарамдаги бошқа аёллар уни кутиб туришар эди. Шундок ҳам бу жангдан руҳий ва жисмонан эзилган Жалолиддинга улар “... бизни ўлдиrint ва машъум асирликдан қутқаринг” дея мурожаат қилишади. Жалолиддин барча ҳарам аёлларини

сувга чўктиришга кўрсатма беришдан бошқа иложи қолмайди. Ўзи эса оти билан сувга сакраб, дарёнинг нарити қирғоги — Хиндистон томонга сузиб ўтади.

Жалолиддиннинг ҳар қандай вазиятда ҳам ўзини йўқотмаслиги, жасорати ва мардлигига Чингизхон тан беради. Тарихчилардан Жувайний, Рашидиддин ва бошқаларнинг ёзишлирага қараганда, Жалолиддиннинг жасоратига қойил қолиб Чингизхон ўз ўғилларига қаратса “Отанинг фақат шундай ўгли бўлиши лозим. У оловли жанг майдонидан ўзини қутқариб, ҳалокатли гирдобдан нажот қирғогига чиқдими, ундан ҳали улуф ишлар ва қиёматли исёнлар келади!”, -деди ва унинг орқасидан таъқиб этишни тақиқлади.

Рашидиддиннинг ёзишига кўра, Жалолиддин дарёдан ўтган тахминан 120 та кишилари билан Хиндистон қирғогида учрашади. Жалолиддин ҳам, тирик қолганлар ҳам маънавий-руҳий, жисмоний эзилган ҳолда эди. Бу вақтда Шатрадаги маҳаллий хинд рожаларидан бири 40.000 чоғли отряди билан дарёнинг бу қирғогига сузиб ўтган хоразмликларни қириб ташлаш учун етиб келади. Факатгина Жалолиддиннинг тенгсиз баҳодирлиги ва қаҳрамонона хатти-ҳаракати туфайли рожа ўлдирилиб, қўшин орқага чекинади. Бу жангдан Хоразмшоҳ аскарларининг руҳи ҳам кўтарилиб, тез орада Жалолиддин ўз атрофига 3 минг кишилик аскарни йиғишга муваффақ бўлади. Оғир вазиятларда ҳам ўзини йўқотмасдан, қадди букилмаган саркарда Хиндистонга ўтгач, Синд дарёси бўйидаги ерларни ишғол қила бошлайди. Тез орада Жалолиддиннинг ҳокимиётини Дехли султони Шамсиддин Элтутмиш (1211-1236) ва Синд, Учча, Мўлтон, Лохур, Пешовар ҳокими бўлмиш Носириддин Кубача (1205-1227) ҳам тан олади.

Хиндистонда Жалолиддин 1223 йилнинг охиirlаригача бўлиб, Хоразмшоҳларнинг азалий мулки бўлган Ироқ ва Эронни ўз измига киритиш мақсадида йўлга отланади. Ўз ўрнига ноиб этиб, таниқли саркарда Жаҳон полvon Ўзбек-

ни қолдириб кетади. Жаҳон полвон то 1229 йилгача Ҳиндистон мулкларини бошқариб, сўнгра Жалолиддин хузурига — Ироққа кетади ва унинг ҳарбий юришларида елкадош бўлиб хизмат қиласди. 1224 йилнинг бошида Жалолиддин Кирмонга келиб, Кирмон сultonни бўлмиш укаси Фиёсиддиндан ёрдам учун 4000 кишилик қўшин олади. У ўзининг асосий мақсади мўғул истилочиларига қарши курашиб, мустақил давлат яловини тиклаш эканлигини билдиради.

Жалолиддин мўғулларга қарши биргаликда кураш олиб бориш мақсадида укаси Фиёсиддин Пиршоҳ, Бағдод халифалари аз-Зоҳир (1225-1226), сўнгра ал-Мунтансир (1226-1242), Гуржистон маликаси Русудана ва бошқаларга муружаат қиласди. Лекин мўғуллар қасоси, қолаверса, Жалолиддиннинг ҳокимияти кучайиб кетишидан чўчиған кўпчилик мусулмон ҳоким, ҳукмдорлар у билан иттифоқ тузишни хоҳламайди. Бағдод халифалиги, исмоилийлар ҳокими Муҳаммад III (1221-1255)лар эса мўғуллар билан яқинлашишга, Жалолиддинга қарши очиқдан-очиқ курашишга бел боғлайди. Малика Русуданани ва унинг вазири Авак билан ўзаро иттифоқ хусусидаги таклифлари зое кетгандан сўнг 1226 йил февралида саркарда Гуржистонга юриш қиласди. Гуржистон жанг ила эгалланниб, бу ерда кўплаб машъум воқеалар бўлиб ўтади. Бош кўтарган Гуржистон иккинчи маротаба 1228 йил эгаллангач, бу ерлар талон-тарож қилинади.

Бир вақтнинг ўзида Жалолиддин Мангуберди Кирмонда унга қарши бош кўтарган хиёнаткор Барак Ҳожибга ҳам, исмоилийларга ҳам қарши кураш олиб боришга тұғри келади. Шунингдек, аҳамиятли ҳисобланган Аарат тоғи этакларида жойлашган Хилат қалъаси ҳам Жалолиддинга узоқ вақт мобайнинда қаршилик кўрсатади. 1227 йилнинг охирларида мўғулларнинг Эронга кириб келиши нияти борлигини билган Жалолиддин уларга қарши жангга киришга тайёргарлик кўради. Мўғулларнинг ўша йили юборилган 2000 кишилик авангарди тор-мор этилиб, улардан 400 таси Исфаҳонда намойишкорона қатл этилади. 1228 йил 25 августида Эронни забт этиш учун келган Тайнал нўён

бошчилигидаги мұғул истилочилари билан Исфаҳон яқинида ҳал қылувчи жанг бўлиб ўтади. Гарчи жанг вақтида укаси Фиёсиддин хоинлик қилиб, ўз қүшини билан Луристонга чекинган бўлса-да, Жалолиддин қатъий равишда бу ҳолатга эътибор қилмай кураш олиб боради. Манбаларнинг сўзлашича, ҳатто мұғул нўёни “Сен ҳақиқатан ҳам ўз даврининг эркак ўғлони экансан”, - деб унинг жасоратига тан берган экан. Жалолиддин бу жангда буткул ғолибликни қўлга киритади. У саккиз кун мобайнида Эрондаги мұғулларни изма-из таъқиб этиб, уларни мамлакатдан ҳайдаб чиқаради.

Жума куни эрта тонгда музaffer саркарда сифатида Исфаҳонга кириб келгач, ҳалқ уни ғолиб султон деб шоду ҳуррамлик билан кутиб олади. Жалолиддиннинг зафарли галабаси овозаси бутун ислом оламига кенг тарқалади. Ўша йили ҳатто мұғулларнинг буюк хони бўлмиш Ўгедей Жалолиддиннинг мұғуллар илкига тушиб қолган эгачиси Хон Султон орқали мактуб юбориб, у билан сулҳ тузиш нияти борлигини ҳам баён қиласди. Жалолиддин бу дипломатик келишувдан воз кечиб, ҳатни жавобсиз қолдиради.

Жалолиддин мураккаб ва зиддиятли даврда яшади. Шубҳасиз, у ўз даврининг фарзанди эди. У гоҳида қўшинларининг кўплаб ҳарбий юришлар вақтида талончилик, зўравонлик қилишларидан кўз юмди, хонавайрончилик келтирувчи ишларга бош қўшди. Бу эса Эрон, Озарбайжон, Ироқ, Гуржистон аҳлида салбий фикрларнинг кўпайишига, норозиликларнинг кучайишига олиб келган. Лекин нима бўлганда ҳам Жалолиддин Мангуберди ўзининг асосий мақсади мұғул истилочиларига қарши курашиш эканлигини ёдида сақлади. Бу курашда у ён-атрофдаги мусулмон хукмдорларининг қўллаб-қувватлашлари га умид боғлаган эди. Лекин кўп ҳолда улар билан умумий тил топа олмаслиги унинг ташқи сиёsat борасидаги заиф томонидан далолат берар эди. Ўз вақтида турк, араб, мусулмон ҳокимлари унинг ҳокимияти Яқин Шарқда кучайиб кетишидан хавфсирашар, у билан иттифоқ тузиш-

ни хоҳлашмас эди. Уларнинг баъзилари, ҳатто мӯғуллар билан очиқдан-очик яқинлашиш тарафдори эди. Айникиса, Хилат қалъасининг Жалолиддин томонидан эгалланиши ўзига даъвогар ҳокимларнинг иззат-нафсини топтаган эди. Жалолиддин қарши иттифоқ вужудга келганидан хабардор бўлса-да, ҳар ҳолда, ҳеч бўлмагандан у туркий ҳукмдорлар қўллайди деб янгишган эди.

1230 йил 10 августида Кўния султони, Химс ҳокими, Ҳалаб ҳокими, Майафариқин ҳокими ва Байнас ҳокимларининг бирлашган иттифоқи Жалолиддинни мағлуб этади. Исмоилийлар эса буткул хоинлик йўлини тутиб, Жалолиддиннинг мағлубияти тўғрисида мӯғулларга яширин нома ҳам юборади. Жалолиддин мағлубиятидан фойдаланган мӯғуллар унинг Озарбайжоннинг Муғон, Ширкабутдаги қўшин йифиши мумкин бўлган жойларига қўққисдан зарба беришади. 1231 йил баҳорида у Ганжага келиб, барча гина-кудратларини унутиб, яна мӯғулларга қарши иттифоқ тузиш учун мусулмон ҳукмдорларига мурожаат этади. Лекин унинг таклифи жавобсиз қолиб кетади. Шунда Суриядаги Амида қалъаси ҳокими уни ўз олдига чорлайди. У Ироққа бориб, яна қўшин тўпламоқчи бўлади.

Амида йўли яқинида унга тўсатдан мӯғуллар ҳужум қилиб қолишади (1231 йил август боши). Уни 15 чоғли мӯғул навкарлари таъқиб этишади. Жалолиддин ўз шерикларидан ажраб, Майафариқин (хозирги Туркиянинг Силван вилояти) яқинидаги Айн-ад-дар қишлоғига келади. Ушбу тоғлиқ қишлоқда у курдлар қўлига тушади. Ўзини султон деб таништиргандан сўнг уни курдлар ўлдиришга жазм этмайди. Ўзини тегишли жойга етказиб қўйиш эвазига мукофот ваъда қиласди. Лекин курдлар раҳбари хонадонидан жой олган ҳориб-толган Жалолиддинни бошқа бир курд кишиси ўлган иниси хуни эвазига ўлдиради. Бу воқеа тахминан 1231 йилнинг август ойи 17-20 саналари оралиғида рўй беради. Эртаси куни султон буюмларини сотиб юрган курд хусусида Майафариқин ҳукмдори ал-Малик ал-Музаффарга хабар беришганда у қишлоққа ўз саркардаси Шаҳобиддин Фозийни

юборади. Шаҳобиддин Фозий султон жасадини олиб, қишлоқ эркакларининг барини ўлдиради ва қишлоқка ўт кўйиб юборади. Муаррих ан-Насавий буни эшитиб шахсан Майафариқинга келади. Жалолиддиннинг тогаси, вазир Ўтурхон унинг жасадини таниб, қаттиқ изтиробга тушади. Жалолиддин Мангубердининг мурдаси Майафариқинга дафн этилиб, мӯгуллар кириб келгудек бўлса, ҳақоратланмасин деган мақсадда гўри ер билан текислаб юборилади.

Унинг ашаддий душмани Дамашқ ҳокими ал-Малик ал-Ашрафга султон ҳалокати хусусида хабар етказиб, суюнчи сўраганларида, у қайғуга ботиб: "Сизлар унинг ўлими билан мени қутламоқчимисизлар? Аммо сиз воқеанинг аччиини татиб кўрасизлар. Оллоҳ номи билан қасам ичамки, унинг ҳалокати ислом оламига мӯгулларнинг бостириб киришини англатади. Эндиликда биз билан Яъжуҷ ва Маъжуҷлар ўртасида девор бўлиб турган Хоразмшоҳдек одам йўқдир", -деб жавоб берган эди. Ибн Восил эса уни "мӯгуллар ва мусулмонлар орасидаги истеҳком бўлган" деб таърифлаган эди. Жалолиддиннинг вафотидан сўнг унинг шонли номи тез орада ҳалқлар тилида достон бўлиб кетди. "Жалолиддин тирик", "Жалолиддин қайтиб келајпти" деган овозалар узоқ вақтгача мӯгулларни таҳлика-га солиб келган. Ўзини "мен Жалолиддинман" деб номланган турли шахслар мӯгулларга қарши кўп ҳолатда исён ва қўзғолонларга бошчилик қилган (масалан, 1236 йили Эроннинг Устундорида кўтарилган қўзғолон, 1255 йили Амударё бўйидаги воқеалар ва ҳоказо).

Мусулмон тарихчилари ўз асарларида уни мард ва жасур саркарда сифатида таърифлашган. Жалолиддин Мангубердини шахсан билган ан-Насавий у ҳақда шундай таъриф берган:

"У туркий бўлиб, қора магиз юзли, бурни олдида қора холи бор, ўрта бўйли йигит эди. Форс тилида ҳам бемалол сўзлаша олар эди. У довюракликда тенги йўқ, шерлар ичида арслон, отлиқлар ичида энг жасури эди... Қисқа сўзли, ҳеч қачон сўкинмаган, ёмон сўзларни ўзига эп

кўрмаган, жуда жиддий, атрофдагилар олдида ўзини сипо тутар, ҳеч қачон кулмас, фақатгина табассум қилиб қўяр эди, холос. У адолатни севган, лекин замон зайли уни ўзгартиришга мажбур қилган. У ўз фуқароларининг дардини енгиллаштиришга ҳаракат қилган, шуни хоҳлаган, лекин таназзул даври бўлганлиги боис ҳам зўравонликка йўл берган. Ўзини улуғлашларини истамаган. Бачкана таърифларни ёқтиргмаган, фақат сulton дея мурожаат қилишларини сўраган. Унинг фармонларида ёлғиз сўз: “Ёрдам ёлғиз Оллоҳдандир!” деган шиор бўлган.”

Хоразмшоҳлар авлодидан бўлган Миср ҳокими ал-Музаффар Сайфиддин Кутуз аждодларнинг шонли кураш йўлини давом эттириб, 1260 йили Яқин Шарқдаги Айн Жалут ёнида мўгулларга қақшатқич зарба бериб, уларнинг Сурия ва Мисрга кириб келишларига чек қўяди.

1999 йил ноябрда Жалолиддин Мангуберди таваллудининг 800 йиллигининг кенг нишонланиши, Ватани Хоразмда унга маҳобатли ҳайкал ўрнатилиши Юртбошимиз таъкидлаганидек, “Фаним олдида бош эгмаган, тиз чўкмаган, Ватан дея ҳалок бўлган” миллий қаҳрамонимизга халқимизнинг эҳтироми, муҳаббати, аждодлар хотирасини муқаддас сақлаш рамзи бўлиб қолди.

## **Мўгуллар истилосидан кейинги сиёсий вазият.**

### **Чигатой улуси даврида ижтимоий-иктисодий муносабатлар, хўжалик аҳволи**

Мўгуллар истилосидан сўнг Мовароуннаҳр, Хоразм, Хуросоннинг гуллаб-яшинаган дехқончилик воҳалари та момила ҳалокатга учради. Шарқда донғи кетган қадимий ва обод шаҳарлар, жумладан, Самарқанд, Бухоро, Урганч, Хўжанд, Марв, Термиз, Балх, Нишопурлар харобазорга айланди. Марвдаги сув билан шаҳарни таъминловчи Султонбанд, Балхоб дарёсидаги Банди амир, Самарқанд шаҳрини сув билан таъминлайдиган ягона тӯғон — ҳаммаси, Чингизхон буйруғига кўра бузиб ташланди. Жумладан, Балх ва унинг атроф аҳолиси 6 ой мобайнинда сув-

сизликни бошдан кечиради. Самарқанднинг асосий аҳолиси, бухороликларнинг кўпчилиги, Урганч ва Марв каби улкан шаҳарлар аҳлиниң барчаси она шаҳарларини ё тарк этди ёки қириб ташланди. Истилочилар илк бора юқори маданиятли аҳолининг илм-фан, меъморчилик соҳалари даги ютуқларини, юксак даражадаги ҳунармандчилик, тижорат, суғорма дәхқончиликни шу ўлкага келиб, кўрди.

Босқиндан сўнг Шарққа донги кетган заргарлик, қуроласлаҳа ясаш, нафис матолар тўқиши, нақшинкор нимчалар ишлаб чиқариш барҳам топди. Воҳаларда сувсизликдан ерлар қақраб, дәхқончиликка қирон келди. Бир неча асрлик тарихга эга бўлган машҳур ипак савдо йўллари издан чиқди. Илм-фан, маданият намоёндалари хор-зор бўлди. Тирик қолган аҳоли зулм ва зўравонликка, очлик ва қашшоқликка маҳкум этилди. Чингизхон тириклик вақтида ўғилларига мулкларини улус қилиб, бўлиб бериши бошлаган эди. 1207 йилда катта ўғил Илкига Селенга дарёсидан Иртишгача бўлган ерлар мулк этиб берилган эди. Чингизхон ўлими арафасида (1227 йил август) эса бошқа ўғилларига ҳам турли забт этилган ерлар улус этиб, бўлиб берилди. Жанубий Сибирдан Хоразм ва Дарбандгача бўлган ерлар Жӯчига, Олтой тоғларининг жанубий сарҳадларидан Амударё ва Синдгача бўлган ерлар иккинчи ўғил Чигатойга, Хитой ва Мўгулистон ворис бўлмиш учинчи ўғил Ўгедайга, Эрон ва Хурсон Тулига улус тарзида бўлиб берилди.

Рашидиддиннинг маълумотига кўра, Чингизхон вафтидан сўнг Чигатойга 4000 та аскар теккан экан. Уларнинг бошлиқлари барлос, жалойир, қовчин ва орлот қабила-ларидан бўлган. Ибн Арабшоҳнинг ёзишича, қавчинлар Амударё шимоли — Бухоронинг шарқий томонида, барлослар Қашқадарё воҳасида, орлотлар Афғонистон шимолида жойлашган экан. Кейинчалик Маҳмуд Ялавоч ўз сиёсати борасида шу қабилаларга суюниб, иш кўрган. Мўгуллар кўчманчи халқ бўлгани учун бошқарув тизимини тушунмас эди. Чингизхон тириклик вақтидаёқ хоразмлик таникли савдогар, мўгуллар хизматида анчадан

бери фаолият кўрсатаётган Маҳмуд Ялавочни Мовароуннахр ноиби этиб тайинлашини билдирган эди, у тез орада Мовароуннахр ноиби этиб тайинланади. Унинг қароргоҳи эса Хўжанд шаҳрида жойлашади. Шубҳасиз, Маҳмуд Ялавоч йирик ва бой савдогар бўлиб, манбаларнинг хабарига кўра, унинг бойлиги шунчалик қўп бўлганки, ҳатто у бутун Мовароуннахрдан олинадиган солиқни олдиндан тўлаши ҳам мумкин эди. Унинг ихтиёрида мўғулларнинг таянчи бўлган солиқ йигувчи мўғул босқоқлари, маҳаллий ҳокимлар, доругалар-ҳарбий маъмурлар ҳамда бир қанча мўғул ҳарбий отрядлари бор эди.

Маҳмуд Ялавочга солиқлар тушумини мунтазам назорат этиш, ўлкада мўғулларга қарши фалаён бўлишининг олдини олиш масъулияти юклатилган эди. Кўпчилик аслзода зодагонлар, савдогарлар, қисман уламолар ҳам ўз жонлари ва мол-мулкларини сақлаб қолиш борасида хиёнаткорона тарзда босқинчилар хизматига ўта бошлади.

Ўз навбатида, ўлкада ўзларининг таянч воситаси бўлишларига ҳаракат қилган мўғуллар ҳам бу тоифадаги кишиларни қўллаб-қувватлай бошлади. Мўғул хонлари (вилоят ҳокимлари хон, олий ҳукмдор эса қоон ёки хоқон деб юритилган) ва маҳаллий зодагон, ер эгаларининг зулми натижасида меҳнаткаш халқ эндиликда икки томонлама эзила бошлади. Ўлпону солиқларнинг миқдори тобора ошиб борди, ундан ташқари аҳолидан йигиб олинадиган турли тўлову йигимлар, жарималарнинг сони ҳаддан ташқари ошиб кетди. Янги ер солиғи “калон” дейилиб, у ҳосилнинг ўндан бир миқдорида олинган. 1235 йилги қурултойдан сўнг эса чорва мол бошидан олинадиган ялпи солиқ-“қопчур” таъсис этилган. Унга кўра, 100 тадан бир миқдорда чорва солиқقا тўланар эди. (Бу солиқ асосан мўғуллар турмуш тарзи хусусиятини ҳисобга олган ҳолда жорий этилган эди). “Ясок”ка кўра, давлат ҳазинаси учун “шулен” деб ном олган озиқ-овқат солиғи жорий қилинган.

Бу солиқ ҳар бир подадан икки яшар қўй, қимиз учун

ҳар мингта отдан бир бия ҳисобидан олинган. Солиқлар хонлар томонидан барот (ижара) тарзида олдиндан хазина учун ундирилиб, сүнгра ахолидан зўравонлик билан оширилган миқдорда ундирилар эди. Айниқса, ҳунармандларнинг ахволи оғир бўлган, уларнинг ўз юртларида тирик қолганлари маҳаллий хонларнинг мулки сифатида ишлатилар эди. Масалан, 1262 йил Бухорода бўлган Хубилай қооннинг вакили бу ерда 5000 та ҳунарманд Ботуҳонга, 3000 таси малика Сиуркўктенига (Хубилай ва Мунқаларнинг онаси) тегишли бўлганлигини қайд этади. 1246 йил Мўғулистонда бўлган сайёҳ Плано Карпини энг яхши ҳунармандлар хоқон хизматида эканлигини ва уларга қулларча муносабатда бўлишларини қайд этиб ўтади. Бу гуруҳ шаҳарлик ҳунармандларга эса кундалик овқат берилиб, уларга қулларча муносабатда бўлинган бўлса, иккинчи гуруҳ шаҳарлик ҳунармандларга эса катта солиқлар солинган.

Мўғулларга қарашли бўлган ҳарбий қурол-аслаҳа ва анжомлар ишлаб чиқарадиган устахоналар “корхона” номини олган бўлиб, у ергаги ҳунармандлар қул даражасидаги кишилар ҳисобланар эди. Ҳунармандлар тўлайдиган маҳсус солиқнинг номи “тамға” деб аталган. Мўғуллар, шунингдек, батамом ҳуқуқсиз қуллар меҳнатидан ҳам фойдаланишар эди. Мўғуллар ҳукмронлиги даврида ер эгалиги ҳолати ҳам ўзгариб, янги инъом этилган ерлар мўғулча суюргол номини олган. Суюргол ҳажми жиҳатидан (унинг таркибиға жуда катта ер майдонлари, сув ҳавзалари, дашт-яйловлар ҳам кирап эди) иқтадан фарқ қиласар эди. Бу даврда давлат, мулк (хусусий ерлар), вақф (диний идоралар ихтиёридаги ерлар) ерларда ижарага чоракор дехқонлар меҳнат қилишган. Бир қисм ижарадор-ўртаҳол дехқонлар эса музорийлар деб юритилган.

Буюк хоқон ҳисобланган Ўгедей (1229-1241) даврида ёқ мўғуллар ўзларига хизмат кўрсатаётган катта ер эгалари, савдогарларга турли ёрлик ва пайзалар бера бошлади. Пайза қимматбаҳо металл (олтин, кумуш) ёки жез,

ёғоч тахталардан ишланган бўлиб, унга нўённинг муҳри қўйилар эди. Бундай пайзага эга бўлган кишилар, шу жумладан, элчилар, солиқ йигувчилар ва бошқа шахслар аҳолидан турли йифим, тўловларни талаб қилиб олиш хукуқига эга эди. Кўплаб бериладиган пайза эгалари аҳолидан бепул от-улов, ем-хашак, ётар жой, озиқ-овқат талаб қилишга ҳақли эди. Савдо йўлларида жойлашган бекатлар “ём” (жом) дейилиб, уларнинг хизмати ва харажати маҳаллий аҳоли бўйнида эди. Давлат ишлари бўйича бу бекатлар бўйлаб кўплаб элчи, чопар, вакил ва бошқалар ўтиб, уларга ҳалқ бепул хизмат қилиб, уларни таъминлаб туриши лозим эди. 1235 йилдан бошлаб хоқон фармонига кўра, ҳар бир ёмнинг алоқа хизмати ва ҳаракати 2 та туман аҳолисига юқлатилди. “Ёмлар бўйидаги аҳолида тоқат ва мажол ҳам қолмаган эди”, -деб ёзган Рашидиддин.

Маҳаллий аҳоли хунарманд, дехқон, чорвадор ким бўлишидан қатъи назар, умумҳашар ишларида қатнашиши ва бепул ишлаб бериши шарт эди. Мўгулларнинг ички хўжалик ҳаёти, савдо-сотик соҳасини бир оз жонлантириш борасида чиқарган паст қийматли танглари аҳоли орасида ўз ўрнини топмади. 1232 йилдан Самарқандда пул муомаласи тугатилди, савдо-сотик айирбошлов даражасига тушиб қолди. Фарғона, Шош, Термиз ва бошқа вилоятларда мўфул истилосидан сўнг пул зарб этиш ўз-ўзидан тугаган. Натижада, тез орада Мовароуннахрда пул муомаласи буткул издан чиқди.

Мислсиз жабр-зулм, аҳолининг хўрлик ва қашшоқлик домига ташланиши, солиқларнинг ҳаддан зиёд ўсиши, меҳнаткаш аҳолининг тинка-мадорини қуритиб юборди. Аҳоли ичida мўгулларнинг зўравонлиги ва истибдодига қарши норозилик ҳаракати тобора кучайиб, бу норозилик 1238 йилги Маҳмуд Таробий қўзғолонида намоён бўлди. Бу озодлик қўзғолони 1238 йил Бухородан уч фарсаҳ (таксминан 18-21 км.) узоклиқдаги Тароб қишлоғида бошланди. Бу қўзғолонда мўфуллар ва маҳаллий зодагонлар зулмидан аҳволи оғирлашган хунарманд, дехқон ва

камбағал аҳоли айниқса фаол қатнашади. Құзғолонга асли Тароб қишлоғидан бұлған ғалвир ясовчи хунарманд уста Маҳмуд Таробий бошчилик қилади.

Маҳмуд Таробий аввал үз қишлоғида истилочилар зулми, бедодлигига қарши оташин чакириқлар билан чиқади. Атрофига йиғилған құзғолончиларга мурожаат этади: “Эй ҳақ толиблари, қачонгача кутамиз ва интизорлик тортамиз. Рұйи заминни Тангридан құрқмайдиганлардан пок құлмоқ лозим. Кимнинг қандай қуролға қурби етса, қиличми, үқ-ейми, калтакми құлға олсин. Құлдан келгансча Тангридан құрқмайдиганлардан биронтасини ҳам тирик құймаслик лозим”. Шу пайтда Шероздан келган ҳарбий анжомлар ортилған карвон құзғолончиларнинг қуролланишига ёрдам беради. Құзғолон куч-құдрати ошиб бораётгани, халқ құзғолончилар тарафига үтаётганини құрган мұғул нүёнлари Мовароуннахр ҳокими Маҳмуд Яла-воңдан ёрдам сұрашга мажбур бұлади. Маҳмуд Таробий құплаб тарафдорлари билан Бухоро томон йүл олади. Бухоролик ақоид (диний илм) олими, машхур шайх Шамсиддин Маҳбубий ҳам құлиға қурол олиб, сафдошлари билан құзғолончилар сафига құшилади. Тарихчи Жувайний Маҳмуд Таробий ҳақида шундай деб ёзған эди: “У акобир, бой-бадавлат кишиларни ҳақорат қилди, шармандасини чиқарди, үлдиртирди, уларнинг бир қисми эса ундан қочиб күтулди. У оддий халққа ва дарбадарларга илтифот ва марҳамат құрсатди”. Дарҳақиқат, Маҳмуд Таробий Бухоро ақлиға муруват намуналарини құрсатди. Бухородан қочган мұғул ҳарбийлари ва бухоролик зодагонлар Карманага келиб, паноқ топған эди. Бу ерда улар маълум куч тұплаб, Маҳмуд Таробий устига ҳарбий юриш бошлайды. Бундан хабардор бұлған Маҳмуд Таробий душманга қарши курашиш мақсадида шаҳар четидан Кармана йўлиға катта ҳарбий куч билан чиқади. Икки үртадаги қаттиқ жангдан сұнг истилочилар енгилиб, орқага чекинади. Құзғолончилар мұғулларни то Карманагача қувиб боради. Ушбу жангда мұғуллардан 10000 киши қириб ташланди. Лекин бу зафарли жангда құзғо-

лончилар раҳбарлари Маҳмуд Таробий ва Шамсиддин Маҳбубийлар ҳалок бўлди. Қўзголончилар шаҳид кетган Маҳмуд Таробий ўрнига унинг укалари Муҳаммад ва Алини раҳбар этиб сайлайди. Лекин янги раҳбарларнинг ҳарбий тажрибаси йўқ, ҳалқ уларни яхши танимас, омма ичида улар нуфузга эга эмас эди. Бу эса қўзголоннинг боришига салбий таъсир ўтказди. Орадан бир ҳафта ўтмай, мўғулларнинг Элдуз нуён ва Чаган қўрчи бошчилигидаги янги қўшини қўзголонни бостириш учун этиб келди. Икки томонлама жангда Маҳмуд Таробий тарафдорлари буткул тор-мор қилиниб, иккала томондан 21 мингдан ошик жангчи ҳалок бўлди.

Маҳмуд Таробий бошчилигидаги ушбу қўзголон ҳалқимиз озодлик курашлари тарихида ўзига хос из қолдирди. У, аввало, истилочилар ва улар томонига ўтиб кетган маҳаллий зодагонларнинг умумий зулмига қарши кўтарилиган кураш эди. Бу озодлик қўзголони мўгул истилочиларига улар қанчалик шафқатсиз тузум ўрнатмасинлар, ҳалқ ҳамиша ўз она-Ватани озодлиги йўлида курашдан чўчимаслигини намоён қилди. Мўгуллар бу қўзголондан сўнг босқоқлар томонидан йиғиладиган солик ва ўлпонларни тартибга келтиришга ҳаракат қилди. Маҳмуд Таробий қўзголонидан кейин Чигатой қўзголонни бостирища сусткашлик қилган, деган мақсадда Маҳмуд Ялавочни ўз амалидан четлаштириб, уни Мовароуннаҳдан чиқартириб юборди. Тез орада хоқон уни Дасин (Пекин)га шаҳар ноibi этиб жўнатади. Шундан сўнг Мовароуннаҳр ноibi ҳамда ижарадори сифатида Маҳмуд Ялавочнинг ўғли Маъсудбек тайин этилади. У вафотига қадар (1289) шу лавозимни эгаллаб туради.

XIII асрнинг иккинчи чорагидан бошлаб, мўгуллар ичида ҳам сиёсий низолар, парокандалик чиқа бошлайди. 1241 йилга келиб босиб олинган Русия, Волга бўйи, Урал ва бошқа ерлардан Олтин Ўрда давлати ташкил топади. Мўгуллар 1256 йили Хулагу бошчилигига Эрон, Курдистон, Ироқ ва Яқин Шарқнинг бошқа ерларига хужум қиласидилар. Мўгул хонлари ўртасида олий ҳукм-

дорлик учун кураш авж олади Айникса, буюк хоқон Гуюкхоннинг (1246-1249) вафотидан сўнг бу кураш кескин кучаяди. 1251 йили ҳокимият тепасига Ботухон ва Беркахонларнинг қўллаб-қувватлашлари билан Тулининг тўнғич ўели Мунқа (1251-1259) улуғ хон сифатида сайланади. У дастлаб Чигатой улусини мулк сифатида тугатади, уни Ботухон билан бўлиб олади. Кейинчалик Мунқанинг вафотидан сўнг Чигатойнинг невараси Олгухон (1261-1266) Олтин Ўрдага қарши курашиб, Чигатой улусини қайта тиклашга муваффақ бўлади.

XIII асрнинг 60-70-йилларига келиб, расман ягона ҳисобланган мўгул империяси аслида Эрондаги Хулагийлар, Мовароуннаҳрдаги Чигатойлар, Олтин Ўрда деярли мустақил қисмларга бўлиниб кетган эди. Ҳар бир улус хони ўзини тамомила мустақил санаб, пайт келганда қўшни улусларга ўлжа учун ҳужум қилиб турар эди. Масалан, 1272 йили Хулагийларнинг Оқбек бошчилигидаги аскарлари Кеш ва Нахшаб шаҳарларини, 1273 йил январида Бухорони талон-тарож этади. Бухоро даҳшатли қирғинбаротни бошдан кечириб, етти йилгача вайрона тарзда ётади. Мўгуллар тўғрисида сўз кетганда яна бир муҳим хусусиятни эътиборга олмоқ керак бўлади. Босиб олинган ерларда мўгул ҳарбий саркардалари, нўёнлари, зодагонлари орасида сиёсий дунёқарааш ўзгара бошлайди.

Баъзи нўён, хонлар, ҳарбий маъмурларнинг кичик қисми, уларга эргашган маҳаллий зодагонлар, савдогарлар, диний уламолар ва бошқалар утроқ ҳаётга ўтиш, марказий ҳокимиятни кучайтириб, савдо-сотиқни ривожлантириш тарафдорлари эди. Дехқончилик ва савдо-сотиқ ҳазинанинг асосий манбаи бўлиши мумкин эди. Бунинг учун шаҳар ва қишлоқларни тиклаш, экинзорларни пайхон этишга чек қўйиш, соликларни тартибга солиш, шаҳарлар ривожи, савдо, хунармандчиликка ҳомийлик қилиш даркор эди. Юқорида таъкидланган маданийлашиш тарафдорлари сафига Мунқахон (1251-1259) ва Чигатой ноibi, хоқоннинг яқин маслаҳатчиси Маъсудбек (1238-1289) ҳам киради. Мунқахон тадбирли ва зеҳнли Мовароуннаҳр ноibi Маъсадбекнинг таъсири остида ижобий ўзгаришлар қилди.

Бутун мұгуллар империясида солиқлар бир хил тарзда ундирилмас эди. Масалан, Хитойнинг шимоли, Мовароуннахрда бадавлат киши 10 динор, камбағал 1 динор тұласа, Хурсонда бадавлат киши 7 динор, камбағал эса 1 динор түлар эди. Мунқаҳон солиқ ва ҳашар ишларини тартибга солиши борасида маҳсус фармон-ёрлик чиқарди. Үнга күра, Чингизхон вафотидан сүнг берилған пайза ва ёрлиқлар бекор этилди, ёмлар бүйлаб алоқа воситаси учун ажратылған отлар сони белгиланиб, ақолидан ортиқча от-улов талаб этиш, ёмлар учун белгиланған отлардан шахсий мақсадда фойдаланыш тақиқлаб қўйилди. Мунқаҳонинг қонунлаштириб қўйган чора-тадбирлари ақолини беҳисоб солиқ ва йигинлардан озод этиб, уларнинг тинчлик-осойишталигини бирмунча таъминлади, шаҳар ҳаётининг, ички ва ташки савдонинг ривожланишига қисман имкон яратиб берди. Бу ислоҳотлар натижасида мамлакатнинг шимолий-шаркый ҳудудлари, жумладан Фарғона водийсида хўжалик, иқтисодий ҳаётда жонланиш содир бўла бошлади.

Айниқса, хўжалик-иқтисодий ҳаётни бир меъёрга тушириш, савдо ва пул муомаласини изга солища Чигатой улуси ноиби Маъсудбекнинг хизмати, ислоҳотлари катта ўрин тутган. Маъсудбекнинг мӯғул қоонларига яқинлиги ислоҳотлар ўтказишига имкон берган эди. 1271 йили мӯғулларнинг маданий, ўтроқ ҳаёт тарафдорлари мадади, Талас қурултойи (1269 й.) қарорларига таяниб, Маъсудбек янги пул (молиявий) ислоҳоти ўтказишига киришди. Үнга кўра, ҳар қандай шахс ўзига керакли тангани хоҳлаганича, лекин бир хил ҳажм, қиймат, вазнда зарб эттириб олиши мумкин эди. Аввал бошида қийинчилик билан кечган бу жараён XIII асрнинг 80-йилларига келгандагина фаоллаша борди. Тез орада 16 та йирик шаҳар ва вилоятларда бир хил вазн ва юкори қийматта эга соғ кумуш тангалар зарб этилиб, муомалага киритилди. Гарчи, атрофдаги ислоҳотларга қарши мӯғул ҳарбийлари Эрондан, Еттисувдан Мовароуннахрга вайро-

нагарчилик келтириб чиқарувчи қурашларни амалга ошириб турсалар-да, лекин ислоҳотлар боришига тұсқинлик қила олмади. Маъсудбек 1273-1276 йиллари қайта таланган Бухоронинг тикланишига бош- қош бўлди. 1282-83 йилларда Бухородаги зарбхоналар тўлақонли ишлашга киришди. Савдо-иктисодий муносабатлар ривожланиб бораётган Фарғона водийсида эса Чигатой хони Дувахон (1291-1306) даврида Андижон шаҳрига ҳам асос солинди.

XIV асрнинг 1-ярмига келиб, Чигатой улусида мўғулларнинг ўтроқлашув жараёни кучайиб, мўгул зодагонларининг катта қисми савдо доиралари билан яқинлашиб, ислом маданияти таъсирига берилиши кучайди. Мовароуннахр маданий ўлкаси билан яқин алоқа ўрнатиб, ўтрон ҳаёт кечиришга интилган Чигатой хонларидан бири Кебекхон (1309, 1318-1326) бўлди. У Мовароуннахрга кўчиб келиб ўз қароргоҳини Насаф шаҳри ёнида барпо этди. Кеъинчалик бу сарой ўрнида янги Қарши шаҳри юзага келди. Кебекхон давлатни идора этиш, унинг маъмурий тузилишини қайта ташкил этиш, иқтисодий ҳаётни тартибга солиш мақсадида маъмурий ва молиявий ислоҳотлар ўтказди. Маъмурий ислоҳотга кўра, маҳаллий тузилмалар туманларга, вилоятларга айлантирилди. Маҳаллий ҳокимлар-маликлар, садрларнинг ўринлари туркий-мўгул уруғ бошликлари қўлига ўтди. Ноиблик эса меросий бўлиб қолди. Бу ислоҳот давлатни мустаҳкамлашда ижобий самара берди.

Маъсудбек даврида пул ислоҳоти амалга оширилган бўлса-да, Кебекхон уни такомиллаштироқчи бўлди. Жумладан, у Хулагийлар ва Олтин Ўрда тангалари намунасида 2 хил пул: йирик кумуш танга — “динор” ва майда кумуш танга — “дирҳам”лар зарб эттиради.

Динор (2 мисқол, 8 гр. атрофида) 6 та дирҳамдан иборат бўлиб қолди. Кебек номидан тангалар Бухоро ва Самарқандда зарб этилар эди. Шунингдек, Ўтрор зарбхонаси ҳам фаол ишлай бошлади.

Кебекхоннинг ислоҳотлари маҳаллий аҳоли маданияти

билин яқинлашувига қарши бўлган гуруҳларнинг ҳам фаолиятини кучайтириб юборади. Кебекхонинг укаси Оловуддин Тармасирин (1326-1334) акасининг сиёсатини давом эттириб, ўтроқ ҳаёт анъаналарини қаттиқ туриб ҳимоя қиласиди. У ислом динини қабул қилиб, уни Чигатой улусининг расмий динига айлантиради. Тармасирин сиёсатидан норози кўчманчи мўғул зодагонлари исён кутариб, 1334 йилда уни ўлдиришади. Тармасириндан сўнг ҳокимият тепасида келган Чангши (1334), Бузан (1334-1338), Эсон-Темур (1338-1342), Муҳаммад (1342-1343)лар даврида Мовароуннахрнинг ижтимоий-сиёсий, иқтисодий ҳаётида сезиларли ўзгаришлар бўлганлиги йўқ. Аксинча, маҳаллий қабила-лар ҳокимияти, уруғ бошлиқларининг таъсири бу пайтга келиб янада кучайиб, Чигатой ҳокимиятининг қудрати пасая бошлайди.

XIV асрнинг 40-йилларига келиб, Еттисувда Дуғлот амирлигининг ташкил топиши, Чигатой улусининг тарқаб кетиб, ўрнига Мовароуннахр амирлиги юзага келганидан далолат берар эди. Чигатой хонларининг сўнгги вакилларидан бири Қозонхон (1343-1346) марказий хон ҳокимияти куч-қудрати таъсирини кутариб, ички сиёсатда Кебекхон-Тармасирин йўлини тутишга ҳаракат қиласиди. У кўчманчи ҳарбийларга қарши кураш олиб бориб, Қашқадарё воҳасида уларга қарши таянч маркази — Занжирсарой қалъасини барпо этди. Қозаган бошчилигидаги бир гуруҳ кўчманчи, талончилик сиёсати тарафдорлари 1346 йили фитна натижасида Қозонхонни ўлдиришга муваффақ бўлишади.

Қозаган ўзига амир унвонини олиб, давлат бошқарувини ўз қўлига олди. Мовароуннахр Қозаган даврида ёқ бир неча ярим мустақил қисмларга бўлиниб кетган эди. Мамлакатда сиёсий тарқоқлик авж олиб, ўзаро низолар янада кучайган эди. Кеш (Шахрисабз) атрофидаги ерлар Ҳожи Барлос бошчилигидаги барлос уругига, Хўжанд Боязид Жалойирийга қарам бўлиб қолди, Балх ва унинг атрофидаги ерлар Қозаганнинг невараси амир Ҳусайнга

тобе бўлди, Шибурғон эса Муҳаммадхўжа Апверди қўлига ўтиб кетди. Бундан ташқари, Бухорода диний уламолардан иборат садрлар, Хутталонда маҳаллий ҳокимлардан Кайхусрав, Термизда сайидлар, Бадаҳшонда ўзбонимча маҳаллий шоҳлар ҳокимиятни қўлга олишди.

### **XIII аср иккинчи ярми ва XIV аср биринчи ярмидаги маданий ҳаёт**

XIII аср иккинчи ярмида XIV аср биринчи ярмида хўжалик, иқтисодий ҳаётдаги силжишлар, савдо-сотикънинг ривожланиши, қолаверса, Чигатой мўғулларининг тобора ўтрок ҳаётга мослаша бориши босқинчилик вақтида таназзулга юз тутган маданий ҳаётнинг нисбатан жонланишига олиб келди. Аввало, шаҳарсозлик билан боғлиқ бинокорлик ва меъморчилик йўлга қўйила бошланди. Маҳаллий диний уламолар ва дунёвий зодагонлар, гоҳида мўгул зодагонларининг баъзилари қурилиш ишларига ҳомийлик қила бошлишди. Меъморчиликда алоҳида ўрин тутган ганчкорлик, гишт ўймакорлиги, кошинпазлик, меъморий хаттотлик қайта тикланди. Мовароуннаҳр, Хоразмда маҳаллий бинокорлар иштироқида ҳонақо, мақбара, масжид, мадраса, сарой, миноралар қад кўтара бошлиди. Шу даврда барпо этилган кўпгина меъморий обидалар у ёки бу кўринишда ҳозирги кунгача етиб келган. Жумладан, Бухородаги Сайфиддин Боҳарзий мақбарасини дастлаб барпо этилган меъморий бино сифатида кўриш мумкин. Таниқли бухоролик шайх Сайфиддин Боҳарзий нуфузли диний уламолардан бири бўлиб, у 1258 йили оламдан ўтган эди. Унинг қабри устида тез орада катта мақбара ва ҳонақо барпо этилди. 1333 йили Бухорода бўлган араб сайёхи ибн Баттута ушбу мақбараага юқори баҳо берган эди. Шунингдек, шу даврда барпо этилган Бухородаги Кусам ибн Аббос мақбараси зиёратхонаси, Хўжа Аҳмад мақбараси, Кўҳна Урганчдаги Нажмиддин Кубро ва Тўрабекхоним мақбараси, мас-

жид ва 2 та баланд миноралар (миноранинг ҳозиргача сақланган қисми 62 метрни ташкил этади, минораларнинг биттаси XX аср бошларида кулаб тушган), Хўжанддаги Дувахон мақбараси (кейинчалик вайрон бўлган) ва бошқаларни тилга олиш мумкин. Қаршидаги бузилиб кетган сарой, Маъсудбек ҳукмронлиги даврида (1238-1289) Бухорода барпо этилиб, 1000 тacha талабага мўлжалланган “Маъсудия”, “Хония” мадрасалари ва бошқалар тўғрисида манбаларда маълумот бериб ўтилади.

Шубҳасиз, Чингиз ўрдаларининг босқини Мовароуннахр ва Хурросон илм-фан, адабиёт ўчоқларига ҳам катта зарба бўлиб тушади. XIII аср-XIV аср охирларига қадар мўгуллар қадами етмаган ёхуд уларнинг таъсири кам бўлган Деҳли сultonлиги, жанубий Эрон, Кичик Осиё, қисман Сурия ва Мисрда илм-фан, маърифат, адабиёт тараққий эта бошлаган эди. Фақатгина XIV аср охирине XV аср бошларига келибгина маърифат, маданият ўчоқлари яна Мовароуннахр ва Хурсонга кўчади.

XIII аср-XIV асрнинг иккинчи ярмида форс-тоҷик адабиётида, айниқса, Жалолиддин Румий (1207-1272), Муслиҳиддин Саъдий Шерозий (1219-1293), Амир Хусрав Деҳлавийларнинг (1253-1325) ўрни ва мавқеи кўтарилиб, улар жаҳон адабиёти оламига танилади.

Асли Балх шаҳридан бўлган Румий 14 ёшлигига ўз оиласи билан мўгул босқинидан қочиб, Кичик Осиёнинг Кўния сultonлигига бориб қолади. Кўния, Ҳалаб, Дамашқда таҳсил олиб, буюк тасаввуф илми шоири ва файласуфи бўлиб танилади. У шеъриятда тасаввуфий-фалсафий жанрни ривожлантириб, ўзининг 36 минг байтдан иборат “Маснавии-маънавий” достонини яратади. Саъдий эса ислом оламида “Гулистон” ва “Бўстон” асарлари, ғазаллари, ахлоқий фикрлари билан кенг шуҳрат қозонади. Унинг асарларида она-Ватанг мұхаббат, инсонпарварлик, меҳр-муҳаббат ғоялари ҳамиша барқ уриб туради. У ўз асарларида кишиларни ўзаро ҳамжиҳатлик ва тотувликка, ҳукмдорларни адолат ва инсофга чақи-

риб, салбий хусусиятларни қоралаб чиқади. Саъдий она шахри Шерозда яшаган.

Хусрав Дехлавий Ҳиндистон шимолига мұғул босқинидан қочиб борган асли Кеш (Шаҳрисабз)да дунёга келади. У Дехлида султон саройида яшаб, ўзининг ажойиб “Хамса” достонини, Ҳиндистонда ҳозиргача машҳур “Хизрхон ва Дувалра”ни, “Мифтаҳ ал-футуҳ” (“Голиблик қалити”), “Нуҳ сипеҳр” (“Фалакнинг түққиз гумбази”) каби асарларни ёзади.

XIII асрнинг 2-ярмидан бошлаб, тарихнавислик ҳам ривож топа бошлайди. Бу даврда асли Фур вилоятидан бўлган Абу Умар Минҳожиддин Жузжонийнинг 1260 йил ёзилган “Табақоти Носирий” (“Носирга аталган табақалар”), Оловиддин Ота Малик Жувайнийнинг “Тарихи жаҳонгўшай” (“Жаҳон фотиҳи тарихи”), Файзуллоҳ Рашидиддин Ҳамадонийнинг “Жомеъ ат-таворих” (“Тарихларнинг жамланиши”) Шаҳобиддин ан-Насавийнинг “Сийрат ас-султон Жалолиддин Манқбурни” (“Султон Жалолиддин Манқбурнининг сийрати”) каби нодир тарихий асарлари ҳам жаҳон юзини кўрди.

Бу асарлар ўз вақтида мўгуллар истилоси ва ундан кейинги даврни ўрганиш бобида асосий манбалар ҳисобланади. Бу пайтда, шунингдек, ислом ахлоқ-одоб ва тақвадорлиги асосида туркий тилдаги адабиёт ҳам ривож топа бошлади. Хоразмда мазкур адабиётнинг вакили машҳур файласуф шоир ва мутафаккир Паҳлавон Маҳмуд (1247-1326) ҳисобланади. У шоир, мутафаккир бўлибгина қолмай, Ҳиндистон, Шероз, Румда бели ерга тегмаган курашчи полвон ҳам эди. Худди шу маънода “Паҳлавон” тахаллуси унга ҳақли равишда берилган. Ҳалқ ичida эса уни беҳад саховатли, бағрикенг,adolatli инсон сифатида ҳурмати катта эди. У голиблиқдан тушган мукофотларни етим-есир, ногиронларга ҳадя этар, пўстиндўзлик ҳунаридан келган даромадини атрофидаги камбағаллар билан баҳам кўрар эди. Ўз ёнидан ҳатто Ҳива яқинида мақбара ҳам барпо этади. Унинг мардлиги, тантлилиги, ҳақпарварлиги тўғрисида бизнинг кунларимизга қадар турли ҳикоят, ривоятлар ҳам етиб келган. Унинг ин-

соний фазилатларни улууловчи рубоийлари халқ орасида кенг тарқалган. У инсон ақл-заковати, ахлоқий камолоти ва поклигини қадрлайди.

Туркий тилда ижод қылган яна бир шахс Носириддин Бурхонуддин Рабгузийдир. У XIII аср охири- XIV аср бошларида яшаб, ижод қылган. Бизгача унинг биргина “Қисаси Рабгузий” (“Қисасул анбиё”) асари етиб келган. Бу асарда муаллиф ўзини “Работ ўғузининг қозиси Бурхон ўғли Носириддин” деб таништиради. Ушбу асар ислом динини қабул қылган мұғул бекларидан бири бұлмиш Носириддин Тұқбуғанинг илтимосига күра ҳижрий 709 (милодий 1309-1310) йилда ёзилган. Ушбу асар 72 қисмдан иборат бўлиб, пайғамбарлар (Довуд, Сулаймон, Мұхаммад) ҳақидаги қиссалар, диний ривоят ва ҳикоятлар, халқ оғзаки ижоди, тарихий асарлар, диний китоблар асосида баён этилган диний-фалсафий, тарихий, ахлоқий асардир. Ушбу асар халқ, бахши ва оқинлар орасида ҳамиша машҳур бўлиб келган. Асарда баён этилган ахлоқий фазилатлар, таълим-тарбия, маърифат хусусида фикрлар ҳозирги кунга қадар аҳамиятини йўқотмаган.

Бу пайтга келиб туркий адабиёт ривожи билан бир қаторда, тасаввуф, дин илмларининг ҳам ривожланиши кўзга ташланади. Тасаввуф илмининг машҳур намоёндаси, нақшбандийлик тарикатининг асосчиси Баҳоуддин Нақшбанд (Сайд Мұхаммад ибн Жалолиддин) (1318-1389) инсон ўз меҳнати билан ҳалол кун кўриши лозимлиги гоясини ёқлади. Унинг “Дил ба ёру, даст ба кор” (Дилинг Худода, қўлинг меҳнатда бўлсин) шиори кейинчалик жуда машҳур бўлиб кетди. Унинг Бухоро яқинидаги қабри мусулмонлар зиёратгоҳларидан бирига айланган. Мустақиллик инояти билан бу аждодимизнинг номи қайта тикланиб, унинг ҳоки жойлашган ер кўркам зиёратгоҳ тусини олди.

### Тақрорлаш учун саволлар

1. Чингизхон истилоси арафасида Хоразмшоҳлар давлатидаги ижтимоий-сиёсий парокандалик белгилари нималарда кўринади?

2. Чингизхон Мовароуннахр ерларини эгаллашда қандай ҳарбий-сиёсий тактикадан фойдаланган?
3. Чингизхон қўшинларига қаттиқ қаршилик кўрсатган шаҳарларни айтинг.
4. Темур Малик ва Жалолиддин Мангубердининг Ўзбекистон тарихида тутган юксак ўрни нималар билан белгиланади?

## Адабиётлар

1. Каримов И.А. Тарихий хотирасиз келажак йўқ. -Т.: “Ўзбекистон”, 1999.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганинг 17 йиллигига бағишланган тантанали маросимдаги маъруза. //Халқ сўзи, 2009 йил 6 деқабрь.
4. Аҳмедов Б. Ўзбекистон халқлари тарихи манбалари. -Т.: “Ўқитувчи”, 1991.
5. Буниятов З.Н. Хоразмшоҳ-Ануштегинлар давлати (1087-1231). -Т.: 1989.
6. Низомулмулк. Сиёсатнома ёки сияр ул-мулук. -Т.: “Адолат”, 1997.
7. Наршахий. Бухоро тарихи. Мерос. -Т.: “Адолат”, 1991.
8. Мавлонов Ў., Маҳкамова Д. Маданий алоқалар ва савдо йўллари. -Т.: “Akademiya”, 2004.
9. Сагдуллаев А.С., Мавлонов Ў. Ўзбекистонда давлат бошқаруви тарихи. -Т.: “Akademiya”, 2006.
10. Сагдуллаев А.С. ва бошқалар. Ўзбекистан тарихи: давлат ва жамият тараққиёти. -Т.: “Академия”, 2000.
11. Ўзбекистон тарихи. -Т.: “Университет”, 2003.

## **6-мавзу. Ўзбек давлатчилиги асосларининг Амир Темур даврида мустаҳкамланиши. Темурийлар даврида ижтимоий-иктисодий, сиёсий ва маданий ҳаёт**

### **Амир Темурнинг марказлашган давлат тузиш учун кураши ва ҳарбий юришлари**

Амир Темур ва унинг давлати хусусида Ўрта аср тарихчиларидан ибн Арабшоҳ, Фиёсиддин Али, Низомиддин Шомий, Шарофиддин Али Яздий ва бошқаларнинг асарлари асосий тарихий манбалар ҳисобланади. XX аср тарихчи ва тадқиқотчиларидан француз олимни Л.Кэрен, шўро тарихчиси А.Яқубовский, ватандошларимиз Б.Аҳмедов, А.Аҳмедов, атоқли файласуф И.Мўминовларнинг асарлари катта аҳамият касб этади. Амир Темур давлати хусусида «Темур тузуклари» асари муҳим маълумотлар беради.

Буюк давлат арбоби ва маҳоратли саркарда Амир Темур 1336 йил 8 апрелда (хижрий 736, шаърон ойининг 25 кунида) Кешга қарашли Хўжа Илгор (ҳозирги Яккабоғ тумани) қишлоғида барлос бекларидан бири Амир Тарагай ибн Барқал оиласида дунёга келди. Онаси Такинахотун Кешнинг обрули бекларидан бири бўлган.

Темурнинг болалиги ва ўспиринлик йиллари Кешда ўтди. Ибн Арабшоҳ, Луи Гонзалес де Клавихо ва бошқа тарихчиларнинг 1360 йилга қадар унинг ҳаётининг айрим маълумотлари бир-биридан фарқланади.

1360-1361 йилларда Мўгулистон ҳукмдори ҳоқон Туғлук Темур Мовароуннаҳрнинг ички ҳаётига раҳнасола бошлайди. Унинг босқинчилик тадбири Ўрта осиёлик мустақил ҳукмдорларга маълум бўлганидан кейин улар саросимага тушиб қолганлар. Шулар қаторига Кеш амири Ҳожи Барлосни ҳам киритиш мумкин. Туғлук Темур Ҳўжандни ишғол этиш ниятида Сирдарёдан ўтганидан сўнг Мовароуннаҳр амирлари ва Ҳожи Барлос ўз жонларини сақлаш учун Амударёдан ўтиб, Хурросонга кетдилар.

1360-1370 йилларда Мовароуннахр сиёсий ҳаётига Амир Темур билан бир қаторда таъсир ўтказган шахслардан яна бири Амир Қозогоннинг набираси Амир Ҳусайн эди. Балх ва унинг атрофидаги ер-мулклар унинг тасаруфида эди. 1361 йилда Амир Темур ва Амир Ҳусайн — иккала ҳукмдор бирлашиб, мӯғул хонларига қаршилик кўрсатиш имконига эга бўлди. Маълумки, Амир Темур мӯғул ҳокимига қарам эди. Вақти келиб, Мовароуннахрни бошқаришни Туғлуқ Темур ўз ўғли Илёсхўжага топширди. Мустақил бўлишга ҳаракат қилиб юрган Амир Темур янги ҳукмдорга итоат этмади. Бунинг оқибатида зиддият юзага чиқди. Амир Ҳусайн билан Соҳибқирон Темурнинг бир-бирлари билан ўзаро муносабатда бўлган даврлар 1361-1365 йилларни ўз ичига олади.

Амир Темурнинг ҳаётида рўй берган ва бир умрга унга тан жароҳатини муҳрлаган воқеа 1362 йилда Сейистонда бўлиб ўтган. Амир Темур жанг вақтида ўнг қўли тирсагидан ва ўнг оёғи қаттиқ жароҳатланади. Бунинг оқибатида у бир умр оқсоқланиб юради.

Туғлуқ Темур вафотидан сўнг 1363 йилда Мовароуннахр тупроғидан ҳайдалган Мӯғул хони Илёсхўжа катта лашкар билан аввалги мулкларини олиш мақсадида яна Мовароуннахр томон ҳаракат қила боштайди. Мӯғул хони ўз ракибларига нисбатан қаҳрли кайфиятда эканлиги маълум эди. Амир Темур ва Амир Ҳусайн бўлгуси тўқнашувга ҳарбий куч йиғдилар. Тарихга “Лой жанги” номи билан кирган мазкур жанг Чиноз билан Тошкент оралиғида 1365 йилнинг баҳорида бўлган. Амир Темур ва Амир Ҳусайн Чирчиқ дарёси бўйидаги бу жангда мағлубиятга учраган. Мазкур мағлубият сабабларини ҳар хил баён этишади. Айрим солномачилар мӯғул хонининг голиб бўлишида Амир Ҳусайннинг лаёқатсизлик билан ҳаракат қилиши деб изоҳлашади. Эҳтимол шундайдир. Мӯғул хони қўшинининг кўплиги ҳамда яхцироқ тайёрланганлиги бу ютуқнинг асосий омили бўлса керак.

Қайта уриниш беҳуда эканлигини англаб етган Амир Темур жанг майдонини тарқ этиб, қолган аскарлари би-

лан Самарқанд томон қайтиб кетади. Самарқанд шаҳрига келиб, лекин бу ерда узоқ турмасдан Кешга, сўнгра Амударё орқали Балхга ўтиб кетади. Юқорида таъкидлаб ўтганимиздек, бу пайтда Мовароуннаҳрнинг бош амири Ҳусайн эди. Бирор қарорга келиш унга боялиқ бўлган. Шу сабабли Амир Темур ҳам унинг кўрсатмаси, розилиги билан иш тутишга мажбур эди. Самарқанд шаҳри, қолаверса, бутун Мовароуннаҳр ўз ҳолига ташлаб қўйилди. Мўғул хони чангалидан қутилиш самарқандликларнинг ўзига боялиқ эди. Бу шароитда Самарқанд мудофаасини сарбадорлар ўз қўлига олган эди.

Сарбадорлар мўғуллар зулмидан озод бўлиш йўлида ўзларини қурбон қилишга тайёр эди. Сарбадорлар ҳаракати XIV асрнинг 30-йилларида Эронда ижтимоий-сиёсий ҳаракат сифатида пайдо бўлиб, 50-60-йилларда Мовароуннаҳрга ҳам ёйилди. Ҳаракат қатнашчиларининг асосий мақсади мўғул истилочилари ва зулм ўтказувчи маҳаллий қатламларга қарши кураш эди.

Хуросондаги сингари Самарқандда ҳам бу ҳаракат қатнашчиларининг ижтимоий таркиби айнан бир хил бўлган. Ҳунармандлар, дўкондорлар, айрим мадраса мударрислари ва талабалар мазкур ҳаракатга фаол қўшилди. Илёс-хўжа тўғридан-тўғри Самарқанд томон йўл олди. Шаҳар жомеъ мачитига йигилган аҳоли олдига сарбадорларнинг бўлажак раҳбаридан бири, мадраса мударриси Мавлонозода чиқиб, шаҳар аҳолисидан катта миқдорда солиқ ва тўлов йифиб, уни ўз билганича сарф этган ҳукмдорнинг шаҳарни ўз ҳолига ташлаб қўйганлигини уқтириб ўтади.

Мудофаа раҳбарлигига Мавлонозода қаторига Мавлоно Хўрдак Бухорий ва Абу Бакр Қалавий ҳам қўшилдилар. Мудофаа ташкил этилганлигидан хабарсиз мўғуллар ҳукмдорсиз шаҳарни ҳимоясиз деб ўилашди. Уларнинг асосий қўшинлари шаҳарга кираверишдаги бош кўчадан ҳужум қиласди. Ҳавф-хатардан шубҳаси бўлмаган босқинчилар Мавлонозода камончилари билан пиистирмада турган жойга яқинлашганларида тўсатдан камон ўқларига

дуч келадилар. Шаҳар мудофаачилари мӯгулларга уч тарафдан ҳужум қиласи. Биринчи ҳамладаёқ шаҳарни эгал-лаймиз деб ўйлаб бостириб кирган мӯгуллар катта талофат кўриб, орқага чекинишга мажбур бўлди.

Самарқандликлар ҳарбий режаси пухта чиқди ва ўз самарасини берди. Бир неча ҳужум самарасиз тугагач, мӯгуллар шаҳар атрофини қуршаб олиб, узоқ вақт қамал қилиш режасини ўйлаб чиқдилар. Лекин лашкарлар орасида юқумли касаллик тарқалди. Буни от вабоси (ўлати) деб аташади. Ўлат оқибатида Илёсхўжа қўшинларига мансуб отларнинг катта қисми қирилиб кетди. Илёсхўжа катта йўқотиш билан дастлаб Самарқандни, кейин Мовароуннаҳри ташлаб кетишга мажбур бўлди.

Бу пайтда Кешда бўлган Амир Темур мазкур хабарни Амударё бўйларида бўлган Амир Хусайнга етказди. 1366 йилнинг баҳорида улар Самарқандга келиб, сарбадорлар раҳбарларини ўз ҳузурларига чорладилар. Учрашув Самарқанддаги Конигил деган жойда бўлди. Бу ерда сарбадорларнинг раҳбарлари билан келишмовчилик юз беради ва улар қатл этилади. Амир Темурнинг илтимоси билан фақат Мавлонозода омон қолдирилиб, Хурсонга жўнатилади. Сарбадорлар харакати бостирилгандан сўнг Амир Хусайн ва Амир Темур ўртасидаги муносабатлар кескинлашади. Бунга Амир Хусайннинг сарбадорларга нисбатан адолатсизлиги сабаб бўлган эди.

1366-1370 йиллар оралиғида Амир Темур ўз эътиборини ички ишларга қаратди. Амир Хусайн ва Амир Темур ўртасидаги зиддият 1370 йилда Хусайннинг ўлдирилиши ва Амир Темурнинг тахтга ўтириши билан якунланди. Бошқарув Мовароуннаҳрининг расмий хони Чингизхон авлодига мансуб бўлган Суюрготмиш номидан олиб борилди. Давлат бошқарув тизими Мовароуннаҳр амири номини олган Амир Темур қўлига ўтди. У Кеш шаҳридан Самарқандга кўчиб, уни ўз давлатининг пойтахтига айлантириди.

Амир Темурнинг Мовароуннаҳрдаги бирлаштириш сиёсати бошланган эди. У Амударё ва Сирдарё оралиғидаги

ерларни бўйсундириб, итоат эттирди. Фарғона, Шош вилоятларини ўз тасарруфига киритиш қийин бўлмади.

Амир Темур Хоразмни ҳам қайтадан Мовароуннахрга киритишга интилди. 1372 йилда Ҳусайн Сўфи Амир Темурга бож тўламасдан, бунинг устига Соҳибқирон томонидан юборилган элчига шундай жавоб берди: “Мен мамлакатни қилич билан фатҳ этганман, шунинг учун ҳам уни фақат қилич билан олиш мумкин”.

Ўша йили Амир Темур Хоразмга қўшин тортиб келади. Урганчга бориш учун Қиёт шахри орқали ўтиш керак эди. Бу шаҳар бир оз қаршилик кўрсатгандан кейин Темур қўшини томонидан ишғол қилинади. Қиётнинг кўлдан кетиши Ҳусайн Сўфига кучли таъсир кўрсатади. У Амир Темур билан ярашишга, унинг талабларини бажаришга рози бўлади. Лекин айрим ҳокимлар Амир Темурнинг тез юксак мартаага эришишини кўролмай, Ҳусайнни унга қарши гижгижлай бошлади. Ҳусайн уларнинг ёрдамига ишониб, Амир Темурга қарши чиқади, аммо у томонидан тор-мор этилади. Шундан сўнг Ҳусайн Урганч қалъасига беркинади ва тезда вафот этади. Унинг ўрнига акаси Юсуф Сўфи (1372) ҳокимиятга келади ва Амир Темур билан яраш шартномаси тузади. Лекин у яраш шартларини хиёнаткорона бузиб, Амир Темур қайтиб кетгандан кейин Қиёт шахрини босиб олади, унга қарши очиқдан-очиқ душманлик ҳаракатига ўтади. Шундан сўнг Амир Темур Хоразмга иккинчи маротаба юриш қилишга мажбур бўлади (1373-1374 йй.). Аммо бу ҳарбий тўқнашувгача бормайди, чунки Юсуф Сўфи Амир Темурга тавба қилиб, яраш шартларини сўзсиз бажаришга ваъда беради. Бу иккинчи юриш натижасида Жанубий Хоразм Амир Темур давлати таркибига киради.

1374 йилдан кейин Амир Темур Хоразмга уч маротаба юриш қилди. Бунинг сабаби Олтин Ўрда хони Тўхтамишнинг Хоразмга даъвоси туфайли эди.

1387-1388 йилларда Тўхтамиш, Амир Темурнинг Мовароуннахрда йўқлигидан фойдаланиб, Хоразмга ҳужум қилди. Хоразм ҳокими бўлган Сулаймон Сўфини Амир Темурга қарши қўзғолон кўтаришга уннади. Сулаймон Сўфи бунга рози бўлди. Бу воқеалар Амир Темурни 1388

йили Хоразмга яна юришга мажбур этди. Темур Урганчи-ни ишғол қилди ва сұғылар сулоласини тутатди.

Шундан сүнг Хоразм Амир Темур давлати таркибига, кейин эса Темурийлар давлати таркибига кирган. Шундай қилиб, Еттисувдаги ва Сирдарё этакларидағи ерлардан ташқари, Туркистон ерларининг ҳаммаси Амир Темур құлиға үтди.

Амир Темурнинг қарбий юришлари тарихда “уч йиллик” (1386-1388), “беш йиллик” (1392-1396), “етти йиллик” (1399-1405) урушлар деб ном олган. Темур 1381 йилда Ҳиротта юриш қиласы. Бу даврда Ҳиротни курдлар сулоласи бошқарап әди. Уларнинг хукмдори Фиёсиддин Пир Али Темурга қаршилик құрсатмади. Лекин 1383 йилда Ҳиротда құзғолон күтариленди. Құзғолон бостирилди ва курдлар сулоласи қулаши билан сарбадорларнинг сүнгги ҳокими бұлган Али Муайёд ихтиёрий суръатда үз ерлари ва ҳокимиятини Темурга топширди. XIV асрнинг 80-йиллари үртасига келиб бутун Ҳуросон Амир Темур ихтиёрига үтди. “Уч йиллик” уруш даврида Амир Темур Озарбайжон, Табриз, Мозандарон, Гилюнни бүйсундира-ди. Шундан кейин у Кавказга юриш бошлаб, Тифлис, Арзиум ва Ван қалъасини әгаллади.

Шундай қулай пайт келганидан, яъни Амир Темурнинг Эрондалигидан фойдаланған Тұхтамиш Мовароуннахраға Қамариддин етакчилігіда құшин юборди.

1388 йил январида Амир Темурнинг қайтишини күт-ған душман орқага қайта бошлади. Амир Темур амирлари Ҳусайн, Шайх Али Баҳодир ва бошқаларга душманни даф қилишни топширди. Улар Сирдарё бүйидаги Сарисув деган жойда душманни қувиб етиб, унга катта та-лофат еткәзді. Тұхтамиш 1388 йил охирида Амир Темурга қарши қайта ҳужум бошлади. Амир Темур эса урушга тайёрланиш учун Сагорон (Каттақұрғон)да қаррогохини тикиб, құшинларини жанговар ҳолатға келтирди. Амир Темур душманнинг орқа тарафидан ҳужум қилиш учун Құнғи үглон, Темур Қутлуғ үглон, Шайх Али Баҳодир құмбондонлигидаги құшинларни юборади.

Хужум муваффакиятли бўлди. Душман тор-мор этилиб, Тўхтамиш зўрга қочиб кутулди.

1393-1394 йили Амир Темур Шеки (Озарбайжоннинг шимолий қисми)да турган пайтда Тўхтамиш Қавказорти вилоятларига ҳужум қилди. Амир Темур Шекидан чиқиб Қура дарёси бўйлаб юрди. Олтин ўрдаликлар Амир Темур қўшинлари келаётганини эшишиб, чекинишга мажбур бўлди. 1395 йил апрелида Амир Темур ва Тўхтамиш ўртасида уруш ҳаракатлари яна бошланиб кетди. Жангнинг асосий қисми ўнг қанотда бўлди. Ушбу қанотда мушкул вазият пайдо бўлган. Амир Темур заҳира қўшин билан жангга кирди ва душманини чекинишга мажбур қилди. Тўхтамиш учинчи жангдан кейин ҳокимиyatдан ажралди.

Тўхтамиш қўшинининг Терек дарёси бўйида тор-мор этилиши ва 1395 йилда Сарой Берканинг хароба қилинishi Олтин Ўрадага жуда кучли зарба бўлди. Шундан кейин у ўзини ўнглай олмади.

Амир Темурнинг бир мамлақатга қилган юриши унинг бошқа мамлакатларга қилган юришлари билан кетма-кет борганлигини уруш воқеалари кўрсатиб туради. Амир Темур Озарбайжонга бир неча маротаба ҳужум қилиб борди ва 1387 йилда уни бўйсундиришга мусассар бўлди. Амир Темур 1392 йилда Арманистон ва Грузияни бўйсундиради. Темурнинг узоқ Ҳиндистонга юриши 1398 йилда тамомланди.

Соҳибқирон Амир Темурнинг ҳарбий маҳорати шунда эдикӣ, у ўз душманларини эркин нафас олишга қўймаган. 1400 йилда Амир Темур қўшинлари турк султони Боязид I ва Миср султони Фараж билан кураш олиб борди. 1402 йилда Амир Темур Анқара ёнида Боязид билан иккинчи марта тўқнашди ва уни тор-мор этди.

Амир Темур ўз қўшинлари билан 1404 йилнинг охирида Хитойга қараб йўлга чиққан эди. Ўша йили Ўрта Осиё тарихида энг қаҳратон қиши бўлган. Сирдарёning суви 1 метргача музлаган, аскарларнинг қулоқ-бурунлари, қўл-оёқларини совуқ олган эди. Амир Темурнинг ўзи ҳам шамоллаб қолади. 1405 йил январь ойининг ўрталарида Ўтрор-

да тўхташга қарор қилишади. 18 февраль куни шу ерда буюк жаҳонгир Соҳибқирон Амир Темур вафот этади.

Амир Темур 35 йил давомида ҳарбий юришлар қиласиди. Бу юришлар натижасида у буюк давлат ташкил қилишга эришиди. Унинг таркибига Мовароуннаҳр, Хоразм, Каспий атрофидаги вилоятлар, ҳозирги Афғонистон, Эрон, Туркия, Ҳиндистон, Ироқ, Жанубий Россия, Кавказ ва Фарбий Осиёнинг қатор мамлакатлари киради. Амир Темурнинг муваффақиятига, аввало, унинг нодир ҳарбий истеъоди сабаб бўлди. Амир Темур қўшинида қатъий тартиб ва интизом ўрнатилган эди. Ҳар бир жанг режаси ва барча қисмлар учун йўл-йўриқларни ўзи ишлаб чиқарди. Унинг ҳарбий истеъоди Анқара яқинида Султон Боязидга қарши жангда, айниқса, ёрқин намоён бўлди. Армиянинг юрагини ва қўмондонлик ўзагини барлос уруғи вакиллари ташкил этарди. Шу давр воеаларининг шоҳиди бўлганларнинг гувоҳлик беришича, барлослар ҳарбий қўнимсизликка ниҳоятда чидамли, ёйдан ўқ узишга жуда уста, ўз хукмдорларига содик ва сабр-тоқатли бўлганлар.

Мустақиллик шарофати ҳамда республикамиз Президенти И.Каримов ташаббуси билан шўролар даврида унут бўлган буюк Соҳибқироннинг пок номи қайта тикланди. Тарихий адолат қарор топиб, 1996 йили Соҳибқироннинг 660 йиллик таваллуд ёши бутун жаҳонда кенг миқёсда нишонланди.

### **Амир Темур вафотидан сўнг Темурийлар давлатидаги ижтимоий-сиёсий вазият**

Соҳибқирон Амир Темур Хитойга қилинаётган ҳарбий юриш вақтида қаттиқ оғриб, 1405 йил 18 февраль кечаси Ўтрор ҳокими Бердикекнинг саройида вафот этади. Амир Темур ўзига ворис ва тахт валиаҳди этиб невараси Пирмуҳаммад Жаҳонгирни васият қилиб қолдиди. Амир Темур барпо этган буюк салтанат (ўзига 27 та ўлка ва вилоятларни жам этган) гарчи Темурнинг маҳорати ва куч-қудрати ила мустаҳкам турган бўлса-да, лекин у ички жиҳатдан анча заиф, умумиқтисодий асосга

оға бўлмаган эди. Ўфиллар, набираларга мамлакатни қисм-қисмларга бўлиб берилганлиги ва суюргол тартиби ҳам Темур давлати парокандалигини кучайтираси ҳам Тимур жасади Самарқандда дағн этилиши ва мотам маросимлари тугамасданоқ, шаҳзодалар ўртасида тоҷу таҳт учун ўзаро кураш кучайиб кетди.

Қобул ва шимолий Хинд мулкларининг ҳокими Пирмуҳаммадни кўпчилик таҳт эгаси сифатида кўришни хоҳламас эди. Бунинг устига у анча узоқда бўлиб, Самарқандга тезлик билан етиб келиш учун имкони ҳам йўқ эди. Темур вафотидан сўнг Мовароуннаҳр, Хурросон, Эрон, Озарбайжон, Ироқ ва бошқа ерларда нотинчлик бошланиб, фалалеъни вазиятлар юзага кела бошлади. Секин-аста Темур куч-кудрати билан барпо этилган буюк салтанатга путур ета бошлади. Фосиҳ Ҳавофий Темурдан сўнг тирик ўғил ва набиралар Зб та эканлигини таъкидлаган эди. Айниқса, улар орасида Шоҳруҳ (1377-1447) ва унинг ўғли Улугбек (1394-1449) алоҳида хурмат билан тилга олиб ўтилган. Шудавр муаррихлари таҳт эгалигига кўпроқ Шоҳруҳни маъқул кўриб, унинг инсоний сифатларига юқори баҳо берар эди. Шоҳруҳ таҳт эгаси бўлишидан аввал оқил ва илмли, зукко ва тақвдорлик сифатлари билан ҳурмат қозонган эди. Шунингдек, бу вақтда Темурнинг бошқа ўғли Мироншоҳ (1366-1408) ҳаёт бўлиб, у ҳам асосий таҳт даъвогарларидан бири ҳисобланар эди.

Темурнинг садоқатли амирларидан кўпчилиги, жумладан, Шоҳмалик ва Шайх Нуриддинлар ҳам тоҷу таҳт Шоҳруҳ Мирзога тегиши тарафдори эдилар. Шундай бир вақтда Мироншоҳ Мирзонинг ўғли, шимолий ерлар (Тошкент, Сайрам, Туркистон) ҳокими Халил Султон (1384-1409) шошилинч равишда ўзининг минг чоғли аскари билан 1405 йилнинг 18 март куни Самарқандни эгаллайди ва ўзини Мовароуннаҳр ҳукмдори деб эълон қиласи. Ҳатто у Амударёнинг ўнг қирғоғидаги Пирмуҳаммадга тегишли ерларни ҳам ўз тасарруфида деб эълон қиласи. Аввал бошда уни қўллаган Мовароуннаҳр амирлари, ҳарбий

саркардалар кўп ўтмай ундан ихлослари қайта бошлайди. Халил Султон ва унинг хотини Шодимулк пойтахтда кўплаб ножоиз ишларга изн беришади.

Давлат хазинаси совурила бошланади, ҳокимиятга кўплаб номақбул кишилар кела бошлайди. Шоҳруҳ билан биринчи ўзаро низодан сўнг Халил Султон, гарчи унинг олий ҳукмдорлик ҳуқуқини тан олса-да, Мовароуннахр ўзининг ихтиёрида қолажагини маълум қиласди. Халил Султонни Ироқ томонидан бошқа бир куч, отаси Мироншоҳ Мирзо ҳам қўллаб-қувватлай бошлайди. Сиёсий калтабинлик йўлини тутган Халил Султондан норозилик тобора кучая бошлайди. Фарғона ҳокими Амир Худойдод Халил Султонга қарши бош кўтаради. Шоҳруҳнинг садоқатли кишиси Шайх Нуриддин Ўтрор ҳокими, ўз укаси Бердигек билан бирга бошқа бир исён кўтарилишига сабабчи бўлади. Халил Султоннинг укаси Мирзо Султон Ҳусайн Амударё бўйида ўз акасига қарши бош кўтаради. Хоразм эса Олтин ўрдалик таниқли саркарда Амир Идику Ўзбек томонидан ишғол этилади.

1405-1406 йилларда Халил Султоннинг Шоҳруҳ, Пирмуҳаммад қўшинлари билан Мовароуннахр таҳти учун бир неча бор ҳарбий тўқнашуви содир бўлади. Бутун Темур салтанати ўзаро тожу таҳти курашлари домига тортилади. Ягона ҳисобланган салтанат Шоҳруҳ бошқараётган Хурросон, Балхдан то Ҳинд ерларигача бўлган ерларга ҳоким Пирмуҳаммад, Фарбий Эрон, Озарбайжон, Ироқ тасарруфида бўлган Мироншоҳ ва унинг авлодлари (Умар Мирзо, Абу Бакр) ерларига бўлиниб кетди. Мовароуннахр Халил Султонга расман қарашли деб ҳисоблансада, Туркистон, Ўтрор, Сайрамда Амир Бердигек, Фарғонада эса Амир Худойдод ҳукмронлик қилишар эди. Барча Темурийларни салтанатнинг юраги бўлмиш Мовароуннахрни эгаллаш истаги тарқ этмас эди.

Мовароуннахр ҳокими Халил Султоннинг ўз ҳолича иш тутиши, темурий зодагон, амирларнинг камситилиши, мусулмон уламолари, жумладан, нақшбандия тарикатининг таниқли шайхи Мухаммад Порсонинг таҳқир-

ланиши мухолиф кучларнинг душманлигини кучайтириб юборди. Шу вақтнинг ўзида ўзаро фитна-галаёнларнинг курбонлари ҳам пайдо бўлади. 1407 йил 22 февралда тахт валиаҳди ҳисобланган Пирмуҳаммад ўзининг вазири Пирали Тоз томонидан сунқасд натижасида ўлдирилади. 1408 йил 22 апрелда эса қорақўюнли туркманлар билан жангда ҳокимият учун бошқа бир даъвогар Мироншоҳ Қора Юсуф томонидан Озарбайжон ва Ироқ учун бўлган жангда ўлдирилади. Натижада, Озарбайжон ва Ироқ темурийлар тасарруфидан чиқади.

1409 йил бошида сиёсий вазият янада кескинлашади. Амир Худойдод шу вақтда Халил Султонни Самарқанд ёнидаги Шероз қишлоғида мағлубиятга учратиб, уни асирикка олади. Хурросон ҳокими Шоҳруҳ эса ўзига қарашли бўлган Мозандарон ва Машҳадда, сўнгра унинг илкига ўтган Сейистон ва Кирмонда ўз ҳокимиятини мустаҳкамлайди. Сўнгра бутун эътиборини Мовароуннаҳрга қаратади, Шероз жангидан бир оз аввал Шоҳруҳ Халил Султонга Мовароуннаҳр тахти учун жанг қилиш хусусида ёрлик ҳам юборган эди. Шоҳруҳ салтанат марказидаги бедодликларга бундан буён бефарқ бўла олмаслигини эълон қиласди. 1409 йил 25 апрелида у Амударёдан ўтиб Самарқанд томон жадал йўл олади. Халил Султонни қўлга олган Амир Худойдод қўшинларини Шоҳруҳ юборган ҳарбий қисм тор-мор этиб, Халил Султонни асирикдан озод қилишади. Олийжаноб инсонийлик сифатларига эга бўлган темурий Шоҳруҳ Мирзо ўзаро гина-кудратларни унугиб, уни яхши кутиб олади. 1409 йилнинг декабрига қадар Шоҳруҳ Мирзо Мовароуннаҳрда тинчлик-осойишталик ўрнатиб, Халил Султон ва бошқа темурий шаҳзодалар тарафдорларига қарши кескин чоралар кўради, издан чиққан хаётни, савдо-сотикини тиклайди.

Темурийлар салтанатининг тақдири ойдинлашиб, Хурросон ҳокими Шоҳруҳ Мирзо (1405-1409) темурийлар давлатининг олий ҳукмдори (1409-1447) сифатида эътироф этилади. Шоҳруҳнинг деярли 40 йиллик барқарор ҳукмронлик даври бошланади. Ўзаро низо ва фитналардан,

иқтисодий, савдо муносабатларини чиппакка чиқарган вайронагарчилик урушлардан чарчаган халқ марказлашган кучли давлат сари интилаётган Шоҳруҳ Мирзонинг хатти-ҳаракатларини қўллаб-қувватлар эди. Чунки фақатги на кучли, марказлашган давлатгина ўзаро осойишталик, иқтисодий барқарорликни таъминлаши мумкин эди. Шоҳруҳ Темур давлати ўзагини сақлаб қолишга муваффақ бўлди. Шу билан бирга, у деярли барча ўлка, вилоят ноибларини ўз лавозимларидан четлаштириб, ўзига ишончили қариндош-уруғларини қўйган. Жумладан, Балх ва Бадаҳшон Иброҳим Султонга, Шероз Суюргатмишга, Кобул ва Қандаҳор Қайду Мирзога, Хурсоннинг бир қисми Бойсунқур Мирзога, Гарбий Эрон ҳамда Ироқи Ажамнинг бир қисми Султон Муҳаммадга, Форс вилояти Абдулло Мирзоларга суюргол тарзида бўлиб берилади.

Шу йўл билан Шоҳруҳ бошқарув тизими қулай ва ихчам бўлади, деб ўйлаган эди. Лекин кейинчалик ишончили қондошлар ичидан ҳам исёнкор ноиблар чиқа бошлайди. Ҳусусан, Шоҳруҳнинг невараси Султон Муҳаммад Эрон ноibi этиб тайинлангач, марказга бўйсунишдан бўйин товлай бошлайди. Сўнгти маротаба Шоҳруҳ исёнкор неварасининг ўлимидан сал аввал (1446) Эронга юриш қилиб, унинг жазосини бериб қўйишга мажбур бўлган эди. Давлатнинг марказий пойтахти Ҳирот шаҳри ҳисобланса, Мовароуннаҳрнинг маркази Темур пойтахти бўлмиш қадимий Самарқанд шаҳри ҳисобланар эди. Мовароуннаҳр ерларининг бошқаруви эса Улуғбек қўлига топширилган бўлиб, у умрининг охирига қадар (1449), 40 йил мобайнида бу ерларни бошқариб келди. 1409 йили Мовароуннаҳр қўлга олингандан сўнг Шоҳруҳ Улуғбекни шу ўлканинг ноibi этиб тайинлайди. 15 ёшли ўсмир давлат бошқаруви ишлари учун ёш эканлиги ҳисобга олиниб, таниқли амир Муборизиддин Шоҳмаликни унга оталиқ этиб тайинлаб, бошқарув ишлари амалда оталикнинг қўлида мужассамлашади.

Мовароуннаҳрлик амирларнинг баъзилари Улуғбек ва Шоҳмалик ҳокимиятларини тан олишни исташмайди.

Жумладан, 1410 йилда қайта бош күтарган Шайх Нуридин галаёни фақатгина Шоҳруҳ Мирзонинг аралашуви туфайли бостирилиб, ноиблик ўрни Улугбекнинг ўзига қолдирилади. 1411 йили Мовароуннаҳрда анча мухолиф кучларга эга бўлган ва Улугбекнинг мустақил хатти-ҳаракатларига тўсқинлик қилаётган Муборизиддин Шоҳмалик Шоҳруҳ билан бирга Ҳиротга қайтиб кетади. Улугбек Мирзо эса шу йилдан бошлаб Мовароуннаҳрнинг “Ягона ва қонуний султони” сифатида ҳокимиятни бошқаради.

Шоҳруҳ ва унинг ўғли Улугбек ўз сиёсатларининг устувор йўналишлари этиб, аввало, мамлакат худудини кенгайтириш ҳамда марказий ҳокимиятни мустаҳкамлаш деб билдилар. Шоҳруҳ 1413 йили Эронни ўз қўлига олади. Ўша йили Шоҳруҳ қўшини ёрдамида Улугбек Олтин Ўрда хонлари ихтиёридаги Хоразмни тортиб олади. Бу курашда фаол иштирок этган Шоҳмалик Хоразм ноиби этиб тайнланади. Улугбек 1414-1415 йилларда ўз амакиваччаси амирзода Аҳмад ҳукмрон бўлиб турган Фарғонани ундан тортиб олади. Шунингдек, унинг Кошгарга нисбатан сиёсати ҳам муваффақиятли тарзда ҳал бўлади.

Улугбек шимолдаги қўшилари бўлмиш Даشتி Қипчоқ ва Мўгулистондаги ички сиёсий аҳвол барқарорлиги ва у ердаги ўзига иттифоқчи кишиларни ҳокимият тепасида бўлишини истар эди. Шу сабабдан унинг аралашуви ҳамда ҳарбий кўмаги билан Даشتи Қипчоқда Ўрусхоннинг набираси Шаҳзода Бароқҳон ҳокимият тепасига келади. Мўгулистонда эса Улугбекнинг ёрдами билан Шермуҳаммадхон рақиби Ваисхонни енгиб, Мўгулистон тахтини эгаллайди. Улугбек бу хонлар орқали шимол ва шарқда ўз таъсирини ўtkазишга, ўзига ишончли иттифоқчиларга эга бўлишини кўзлаган эди. Аввал Шермуҳаммадхон Мовароуннаҳр ички ишларига аралашишга ҳаракат қилиб, ўз валинеъматига нисбатан ноҳақ муносабатда бўла бошлайди. 1424 йили ноябрь ойида Шоҳруҳнинг ризолиги билан Улугбек Мўгулистон устига юриш бошлайди. Унинг асосий кучлари 1425 йил эрта баҳорида Чу дарёсидан ўтиб, Иссиккўл яқинида мўгулларни тор-мор келтиради.

Бу жанг Улугбек олиб борган жиддий урушларнинг биринчиси ва сунгиси эди. Улугбек ёрдами билан аввал Дасти Қипчоқ, сунгра Олтин Ўрда ҳокимиятини қўлга олган Бароқхон Мовароуннаҳр султони муруватини ёддан чиқарди. У Сирдарё бўйидаги ерлар ва шаҳарларни (Ўтрор, Саброн, Сигноқ) талаб, у ерларга ўз даъвоси билан чиқади. 1427 йилнинг бошида Улугбек Дасти Қипчоққа ҳарбий юришга отланади. Бу юришда Улугбек қўшини мағлубиятга учраб, ўзи Тошкентга чекинади. Дасти қипчоқликлар билан бўлган жанг мағлубияти Улугбекка шунчалик катта таъсир кўрсатадики, у отасининг вафотигача шахсан ўзи ҳарбий қўшинга бош бўлиб, бошиқа юришларни амалга оширмайди. 1428 йили Мирзо Улугбек томонидан амалга оширилган пул ислоҳоти Мовароуннаҳр ички иқтисодий ҳаётида муҳим роль ўйнади. Шунингдек, замондош тарихчиларнинг маълумотларига қўра, жумладан Давлатшоҳ Самарқандийнинг ёзишича, Мирзо Улугбек хукмронлиги даврида соликлар мидори ҳам бирмунча камайтирилган экан. Мирзо Улугбек отаси тириклик вақтида гарчи ташқи сиёsat борасида бирмунча мустақил ҳаракат қилган бўлса-да, лекин у ҳақиқатда отаси Шоҳруҳ Мирзонинг Мовароуннаҳрдаги ишончли ва итоаткор ҳокими бўлиб қолади. Улугбек ички ва ташқи сиёsat борасида отаси билан бамаслаҳат иш тутар, соликларнинг бир қисмини мунтазам Ҳиротта жўнатар, хутба ва тангаларда отасининг номи зикр этиларди. Шунингдек, у вақти-вақти билан отасига ҳисоб бериб туар, ҳарбий юришлари вақтида унга моддий ва ҳарбий кўмак етказиб беришга мажбур эди.

Шоҳруҳнинг кексайиши билан тожу таҳт учун зимдан пайдо бўлган низолар ҳам фаоллаша боради. Улугбекнинг онаси Гавҳаршодбегим (1457 й. ваф.) сиёсий ишларга фаол аралаша бориб, невараси Алоуддавлани таҳт вориси сифатида кўришни истар эди. Шоҳруҳнинг яна бир ўғли Муҳаммад Жўки (1402-1444) ҳам ўзини таҳт эгаси сифатида кўришга ҳақли деб ҳисоблар эди. Тожу таҳт учун зимдан бошланган кураш 1444 йили Шоҳруҳ,

оғир хаста бўлиб қолганда, айниқса, яққол намоён бўлган эди. Шоҳруҳ хасталикдан тузалиб, 1446 йилнинг сўнгидаги охирги ҳарбий юришини амалга оширади. Форс ва Ироқ, Ажамда унинг невараси Султон Муҳаммад бобосига қарши қўзғолон кўтариб, Ҳамадон ва Исфаҳонни босиб олади. Гарчи Шоҳруҳ исённи бостириб, қўзғолончиларни жазоласа-да, лекин яна хасталанади. У 1447 йил 12 марта Рай вилоятида оламдан ўтади. Шоҳруҳнинг вафоти Хурросон ва Мовароуннаҳрда темурий шаҳзодалар ўртасида тожу таҳт учун ўзаро курашни бошлаб юборади. Мамлакат яна саросима, таҳлика, бекарорлик домига тушади. Шариат ва урф-одатга кўра, ҳукмдорлик ўз-ӯзидан олий ягона ворис Мирзо Улугбек қўлига ўтиши керак эди. Лекин Бойсунқур Мирзонинг ўғиллари Алоуддавла ва Абулқосим Бобур Улугбекка қарши ҳарбий ҳаракатни бошлаб юборади. Хурросон Алоуддавла қўлига, Мозандарон ва Журҷон Абулқосим Бобур ихтиёрига ўтади. Султон Муҳаммад эса Фарбий Эрон ва Форсда ўзини мустақил ҳукмдор деб эълон қиласи. Муҳаммад Жўкининг ўғли Абу Бакр эса Балх, Шибирғон, Қундуз, Бағлонни босиб олади. Мамлакатнинг талон-тарож, пароканда бўлишининг олдини олиш мақсадида Улугбек муаммоларни тинч-музокара йўли билан ечмоқчи бўлади. Жўумладан, у Алоуддавла билан ўзаро музокараларни бошлайди. Алоуддавла Улугбекнинг ўғли Абдуллатифни асир олиб, уни Ҳиротдаги Ихтиёриддин қалъасига қамаб қўйган эди. Улугбек юборган вакил садр Низомиддин Мирак Маҳмуд, Мовароуннаҳр султонининг Ҳиротга юриш нияти йўқ эканлиги ва бу даъводан у воз кечишини билдиради. Икки ўртадаги чегара Мурғоб воҳаси деб белғиланиб, Абдуллатифга Балх ҳокимлиги лавозими берилади.

Лекин ҳеч қанча вақт ўтмасдан Абдуллатиф ва Алоуддавла ўртасидаги муносабатлар яна кескинлашади. Абдуллатифнинг ўз ҳолича Ҳиротга қарши юриши муваффакијатсиз тугайди. У отаси Улугбекка ёрдам сўраб мурожаат қиласи. 1448 йил баҳорида Улугбек ва Абдуллатифнинг 90.000 кишилик бирлашган кўшини Ҳиротдан 14 фарсаҳ

узоқликдаги Тарноб деган жойда Алоуддавла қүшинини тор-мор келтиради. Алоуддавла жанг майдонидан қочади. Ҳирот деярли жангсиз эгалланади. Машҳадгача бўлган ҳудудни Улугбек, Астрободгача бўлган ҳудудни Абдуллатиф ўз ихтиёрларига олишади. Улугбек ҳарбий юришини узоқ давом эттира олмас эди. Чунки, Даشتни Қипчоқдаги кўчманчиларнинг талончилик юришлари бу пайтга келиб, тез-тез амалга ошиб туар, мамлакатга шарқдан мўғуллар хавф солиб туар эди. Колаверса, ҳукмдор пойтахтни узоқ вақт эгасиз қолдириши мумкин эмас эди.

Тарноб жанги муваффақиятли якунланган бўлса-да, лекин Улугбек ва шаҳзода Абдуллатифлар ўртасида муносабатлар кескинлашади. Улугбек бу ғалабани кўпроқ ўғли Абдулазиз номи билан боғлар, ғалаба ёрликларида Абдуллатиф номи Абдулазиздан сўнг тилга олинар эди. Абдуллатиф гарчи Ҳирот тахтига ўтирса-да, лекин Шоҳруҳ хазинаси ундан олиб қўйилади. Гарчи, бу Улугбек томонидан маълум ноҳақлик деб ҳисобланса-да, лекин бу билан Улугбек бундан буён асосий пойтахт Самарқанд, Хуросон давлатнинг бир бўлаги деган фикрни шу хатти-ҳаракати билан англатмоқчи бўлади. Ўта ҳокимиятпаст ва шуҳратпаст, мол-дунёга ўч Абдуллатиф учун шунинг ўзи отасига қарши бош кўтариш учун баҳона эди. Абдуллатиф Ҳиротда 15 кунча ҳукмронлик қилиб, сўнг Амударёдан ўтиб, Мовароунинаҳрга келади. Бу пайтда Абулқосим Бобур қўшини Ҳиротга яқинлашиб келаётган эди. Улугбек фармони билан Абдуллатиф яна Балхга ноиб этиб тайинланади. Балхда Абдуллатифнинг отасига қарши хатти-ҳаракатлари кучайиб, ўз ҳолича у хорижий савдогарлардан олинадиган “тамға” солигини бекор қиласади. Бу солик давлат даромадининг асосий манбаларидан бири эди. Отасига қарши кайфиятдаги кишиларни ўз атрофига йифиб, ҳатто Абулқосим Бобур билан ҳам Улугбекка қарши яширин тил биринчиради. Бу пайтда Улугбек давлатининг сиёсий аҳволи ҳам анча мураккаб эди. Улугбек Абулхайрхон бошчилигидаги дашт қўшинларига қарши курашишга тўғри келади. Самарқанд ноиби ўғли Абдула-

зиз ҳақида эса “амирлар хонадонига тазийк үтказяпти” деб овоза тарқалиб, бундан амирларнинг норозилиги жуда кучайиб кетади. Шунингдек, Улугбек туркманларнинг Ёрали бошчилигидаги исёнини, темурий шаҳзодалардан Абусайднинг Самарқанд атрофидаги хатти-ҳаракатларини ҳам бостиришга тұғри келади. Давлат яхлитлиги, темурийлар бирлигини сақлаш мақсадида Улугбек Абдулазизни үзи билан бирга олиб, маккор үғли Абдуллатифға қарши курашга отланади. Абдуллатиф эса отасининг оғир ахволидан фойдаланиб, тезда очиқ исён йўлига үтади. У Амударёдан кечиб үтиб, Термиз, Кеш, Ҳисорни қийинчиликсиз эгаллайди.

1449 йилнинг октябрь ойи бошида Самарқанд яқинидаги Дамашқ қишлоғида Мирзо Улугбек ва шаҳзода Абдуллатиф үрталаридағи жанг Улугбек мағлубияти билан тугайди. Мағлуб бўлган Мирзо Улугбек пойтахт Самарқанд томон йўл олади. Лекин хиёнат йўлига үтган, Самарқандда ҳоким этиб қолдирилган, Мироншоҳ Қавчин уни шаҳарга киритмай, дарвозаларни беркитиб қўйишга буйруқ беради. Шунингдек, Шоҳруҳия қалъаси қутволи Иброҳим Мамлук ҳам уни қалъага қўймайди. Шундан сўнг, Улугбек хатти-ҳаракатлари фойдасиз эканлигини англаб, Абдуллатифға таслим бўлишга мажбур бўлади. Мирзо Улугбек тожу тахтдан воз кечиб, Маккага ҳаж сафарига кетишига изн сўрайди. Лекин, орадан ҳеч қанча үтмасдан, шаҳар қозиси Шамсиддин Муҳаммад Мискиннинг қаршилигига қарамай, уламоларнинг яширин фатвоси билан отасининг ўлимини уюштиради. Ўз даврининг машҳур хукмдори ва забардаст олими Мирзо Улугбек 1449 йилнинг 27 октябрида Самарқанд яқинида фожиали тарзда үлдирилади. Орадан 2-3 кун үтмасдан Абдулазиз ва Улугбекнинг садоқатли тўрт нафар амири қатл этилади.

Роппа-роса қирқ йил (1409-1449) давом этган, манбалар тили билан айтганда, “темурийлар салтанатининг ёрқин гавҳари” Мирзо Улугбек хукмронлиги шу тариқа ўз поёнига етади. Бу давр кескин, мураккаб курашлар саҳнасида үтсада, бироқ Мирзо Улугбек ўз давлатини мустаҳкамлаш, бир-

ликни сақлаш, иқтисодий барқарорликни юзага келтириш, маданий ҳаётни юксалтириш борасидаги хизматлари темурийлар тарихида алоҳида аҳамиятга эга бўлди.

## **XV асрнинг иккинчи ярмида Мовароуннаҳр ва Хуросон. Темурийлар салтанатининг инқирозга юз тутиши**

Ўзаро тожу таҳт учун кураш Абдуллатифни разиллик ботқоғига ботириб, уни ўз отасининг қотилига айлантириди. Гарчи, у таҳт эгаси бўлса-да, ҳалқ уни “падаркуш” (отасининг қотили) сифатида лаънатлар, Улуғбек тарафдорлари унга душманлик кўзи билан қарап эди. Бу пайтда Абдуллатиф хурофотчи дин аҳллари, дарвешлар гуруҳи билан ҳам яқинлашишга ҳаракат қилди. Бироқ, қотил падаркуш таҳтда узоқ ўтира олгани йўқ. 1450 йилнинг 8 майида, шаҳар ҳандаги ёнида, Богинавдан нарироқда унга қарши суикасд қилиниб, ўлдирилади. Бу қотилликдан сўнг тезда Самарқанд таҳтига темурийлардан бири — Мирзо Улуғбекнинг жияни ҳамда куёви Мирзо Абдулло ўтиради. Бухорода эса ҳокимият Мироншоҳнинг невараси Султон Абу Сайд қўлига ўтади. Мирзо Абдулло бир йиллик ҳукмронлик даврида мамлакатда барқарорликни тиклашга, Мирзо Улуғбекнинг маданий соҳадаги ишларини давом эттиришга, марказий ҳокимиятни кучайтиришга ҳаракат қиласди. У таҳт учун даъвогарлар Алоуддавла ва Абу Сайдлар билан кураш олиб боради. Самарқандга қарши юриш қилган Абу Сайд кўшини тор-мор келтиради. Абу Сайд Сирдарё ортига қочиб, Даشتி Қипчоқ ўзбеклари хови Абулхайрхондан (1428-1468) таҳтни эгаллаш учун ёрдам сўраб мурожаат қиласди. 1451 йили ёзида Самарқанд яқинидаги Шероз қишлоғидаги қаттиқ жангда Мирзо Абдулло ўлдирилиб, таҳт Султон Абу Сайд Мирзо (1451-1469) қўлига ўтади. Темурийлар давлатининг Хуросон ерлари Шоҳруҳнинг бошқа бир невараси, Бойсунқурнинг ўғли Абулқосим Бобур

құлида сақланиб қолиб, у то вафоти (1457) га қадар Ҳирот таҳтини бошқариб туради.

1457 йили Абулқосим Бобур Машҳадда вафот этғандан сұнг Ҳирот таҳти, Хурасон ерлари учун кураш яна авж олади. Бундай вазиятдан усталик билан фойдаланған Мовароуннахр хукмдори Султон Абу Сайд Мирзо 1457 йили Хурасонга юриш қилиб, Ҳиротни әгаллайди. Шу тариқа Абу Сайд темурийлар давлатининг иккала қысмини бирлаштиришга муваффақ бүлади. Султон Абу Сайд Мирзонинг (1451-1469) хукмронлик даврида давлат ҳудуди кенгайиб, унинг чегаралари Шарқий Туркистандан то Ироққача, Сирдарёдан то Ҳиндистон чегараларигача бўлган ерларни ўз ичига олди. Ўз ҳукмронлиги даврида Абу Сайд доимий равишда ҳокимиютини мустаҳкамлашга, исёнкор амалдор-ноибларни жазолашга асосий эътибор қаратди. Шунингдек, у бирмунча иқтисодий ва маданий тадбирлар ўтказишига ҳам уринди. Ҳирот таҳтига даъвогарлардан бири — Умаршайхнинг эвараси, ёш темурий шаҳзода Султон Ҳусайн (1438-1506) Абулқосим Бобур вафотидан (1457) кейин Хурасон мулки учун ўз ҳаракатларини бошлаб юборган эди. У XV аср 60-йилларидан катта ҳарбий отрядга бош бўлиб, 1461-1464 йилларда Ҳирот, Обивард, Нисо, Машҳад ва Хоразмда ҳокимият учун гоҳ муваффакиятли, гоҳо муваффакиятсиз курашлар олиб борди.

1469 йили әрта баҳорда темурийларга аввалдан тегишли бўлган Фарбий Эрон ерларини қайтариб олиш мақсадида Султон Абу Сайд Оққүюнли туркманларга қарши юришни бошлайди. Бироқ, оққүюнлилар ҳокими Узун Ҳасан (1453-1478) томонидан Озарбайжоннинг Муғон дاشтида жанг вақтида ўлдирилади. Абу Сайднинг ўғиллари Султон Ҳусайн билан тожу таҳт учун курашишга ботина олмай, Мовароуннахрга қайтиб кетадилар. Султон Ҳусайн эса 1469 йил 24 марта тантанали суръатда Ҳиротга кириб келади. Натижада темурийлар салтанати яна иккиси: Хурасон ва Мовароуннахрга бўлинниб кетади. Мовароуннахр эса кетма-кет султон Абу Сайднинг ўғиллари Султон Аҳмад (1469-1494), Султон Маҳмуд (1494-1496)

ҳамда Маҳмуднинг ўғли Султон Али Мирзо (1496-1501)лар томонидан мустақил равища бошқарилади. Лекин кўп ҳолда айниқса Султон Аҳмаднинг давлат бошқарувидағи калтабин, уқувсиз ва сусткашлиги, Султон Маҳмуд ва Султон Али Мирзоларнинг давлат ишларининг ўз ҳолига ташлаб, айш-ишратга муккаларидан кетганлиги боис ушбу ҳукмдорлар даврида ўзаро тарқоқлик янада кучаяди. Айрим вилоят ноиблари, амирларнинг таъсири ўсиб, кўпинча улар мустақил фаолият йўлига ўтиб ола бошлайди. Сиёсий ҳаёт, ижтимоий-иқтисодий муносабатларда руҳонийларнинг, айниқса, суфийларнинг таъсири янада кучаяди. Хусусан, шу даврнинг кўзга кўринган диний арбоби Ҳожа Убайдуллоҳ Аҳрор (1404-1490) барча доира кишиларига таъсир кўрсата оладиган шахсга айланиб, ўзаро низолар вақтида мамлакат тинчлигини сақлаш йўлида бир неча маротаба бу курашларни тўхтатиб қолишга муваффақ бўлди. Унинг эл-юрт тинчлиги, осойишталиги йўлидаги фаолияти, ватанпарварлиги эътиборга сазовор.

Темурийлар давлатининг жанубида аҳвол ўзгача эди. Султон Ҳусайн (Бойқаро) (1469-1506) давлати ўз таркибига Ҳоразм, Ҳурросон, Эроннинг бир қисмини олган бўлиб, у темурийлар тарихида сўнгги йирик давлат арбоби бўлиб қолди. Унинг деярли 40 йиллик ҳукмронлик даври ҳам ўзаро курашлардан холи бўлмаса-да, лекин мамлакатда иқтисодий ва маданий ҳаёт юксак даражада сақланиб қолди. Мамлакат ободлиги, фаровонлиги, иқтисодий ҳаётнинг бир меъёрда кечиши, фан-маданиятнинг юксалишида ўз даврининг тадбирли ва оқил ҳукмдори Султон Ҳусайннинг роли ниҳоятда катта бўлди.

## **Темурийлар (1405-1506) даврида илм-фан ва маданий ҳаёт**

Гарчи, XV аср бошидан ички низолар, ўзаро курашлар мамлакат ички ҳаётига салбий таъсир ўтказган бўлсада, лекин темурий ҳукмдорлардан Шоҳруҳ (1405-1447), Мирзо Улугбек (1409-1449), Султон Ҳусайн (Бойқаро) (1469-1506), қисман Султон Абу Саид (1451-1469) давр-

ларида ички осойишталик, маърифат ва маданиятга эътибор туфайли илму фан юксалиб, Мовароуннаҳр ҳамда Ҳуресон яна Шарқнинг маърифат ва маданият маркази номини қайтариб олди.

Бу вақтда нафақат пойтахт Ҳирот ва Самарқанд, балки Мовароуннаҳр, Ҳуресондаги бошқа шаҳарларда ҳам олиму фузало, шоиру меъморлар, бастакору наққошлар гуруҳлари тўплана бошлади. Бухоро, Ҳоразм, Балх, Машҳад, Шероз ҳам ўзига хос маданий марказлар ролини ўйнай бошлади. Тарихда маърифатпарвар ва оқиллиги билан ном чиқарган Шоҳруҳ (1405-1447) даврида илм-фан, маданият қайта жонланга бошлаган эди. Шаҳар қайта қурила бошлианди. Ҳиротдаги энг гавжум жойлардан бири Шоҳруҳнинг ўғли Бойсунқур ташкил этган китобхона номини олган жой бўлиб қолди. Бу ерда ўз даврининг энг сара китоблари қайта қўчирилар, сотиб олинар ва сотилар эди. Бу пайтда ҳукмдор ва амалдорларнинг ҳомийлиги натижасида тасвирий санъат, амалий санъат, ҳаттотлик санъати ўз ривожини маромига етказди. Мирак наққош бошчилигидаги Шарқ миниатюра санъати ҳам ўз фаолиятини шу ерда бошлаган эди.

Ҳиротлик ва ҳуресонлик кўплаб бадавлат зодагонлар, савдогарлар ҳам илм-фан, маданиятга ҳомийлик қила бошлайди. Масалан, Шоҳруҳ даврида яшаган таникли зодагон Ҳожи Арслон Тархон ўз маърифатпарварлиги билан ном чиқарган эди. Лекин, ҳар ҳолда ҳукмдорлар ичида илм-фан, маърифат ва маданиятга етарли ҳомийлик қилган шахс — ўзи ҳам буюк олим бўлган Мирзо Улугбек ҳисобланади.

Мирзо Улугбек Шарқ мутафаккирлари, улар орқали юонон мумтоз илмий асарларидан хабардор бўлган. У, замондоши Фиёсиддин Кошийнинг ёзишига кўра, Мирзо Улугбек ўта зукко ва жуда илмли шахс бўлиб, Куръони Каримни ёд билган, араб ва форс тилларини яхши билиб, тафсир ва ҳадис илми бобида билимдон инсон бўлган. Улугбек ислом оламида илк бора ҳукмдорлик ва олим-

ликни биргаликда олиб борди. У Мовароуннахри мусулмон оламининг илмий марказига айлантиришга ҳаракат қилди. Хусусан, Самарқанд, Бухоро, Кеш (Шахрисабз) илм-фан марказларига айланди. У 1417 йил Бухоро, 1420 йили Самарқандда, 1433 йилда Фиждувонда мадрасалар барпо этди. Самарқанднинг ободончилик ишларига бошқош бўлиб, Гўри Амир, Шоҳизинда меъморий мажмуаларини охирига етказди. Марвда ҳам қатор диний муасасалар қурдирди. Ҳадиси шарифдаги "Илм олмакка интилмоқ ҳар бир муслим ва муслима учун ҳам фарз, ҳам қарз" деган ибораси Бухоро мадрасаси пештоқига шиор сифатида ўйиб ёздиради. Хусусан, у Самарқандга ўз замонасининг йирик, таниқли олимларини чорлашга ҳаракат қилган.

Унинг саъй-ҳаракатлари туфайли замонасининг 100 дан ошиқ олимлари Самарқандга йигилди. Улар орасида Тафтазоний, Мавлоно Аҳмад, ўз замонасининг "Афлотуни" деб ном олган Қозизода Румий, Фиёсиддин Коший, Мұхаммад Ҳафовийлар каби таниқли зотлар бор эди. 1420 йил Самарқанд мадрасаси очилганда, унда 100 дан зиёд талаба ўқиган, мадрасада 50 тадан кўпроқ талабалар учун маҳсус хужралар мавжуд бўлган. Зайниддин Восифийнинг ёзишича, 1420 йил Самарқанд мадрасаси очилганида унда 90 тадан ошиқ олим қатнашган.

Шунингдек, Самарқандда бу даврда бошқа мадрасалар ҳам бўлиб (Хоним, Ферузшоҳ, Шоҳмалик, Қутбиддин ва бошқалар), буларда ҳам салоҳиятли олимлар дарс беришар эди. 1424-1429 йилларда Самарқанд яқинидаги Обираҳмат анҳори бўйида Мирзо Улугбек расадхона қурдиради. Расадхона ўша даврнинг ноёб иншоотларидан бўлиб, у доира шаклида барпо этилган, иморатнинг айланаси 47 м., баландлиги 31 м.дан иборат 3 қаватли бино бўлган. Бинонинг ичи бир неча хона, айлана зал, маҳсус текшириш хоналаридан иборат бўлиб, у ерларда маҳсус асбоб-усқуналар жойлаштирилган.

Расадхона ичи коинот, ер курраси тасвиirlари билан безалган бўлиб, халқ ичida "Нақши жаҳон" номи билан

шұхрат қозонған. Самони кузатиши үрганиш борасида Фиёсіддин Жамшид ёрдамида астрономик үлчов асбоби — улкан секстант үрнатылды. Бу секстант, үз навбатида, Шарқдаги әнг катта астрономик асбоб ҳисобланған. Шунингдек, маҳаллий усталар (Исо Устурлобий, Абу Маҳмуд Ҳўжандий, уста Иброҳим) құли билан күплаб зарурий астрономик үлчов асбоблари ҳам ясалди ва үрнатылды. Расадхона қошида 15.000 жилдан иборат бой кутубхона ҳам бұлған. Унинг атрофида олимлар яшайдиган ер-чорбоғлар Боримайдон ва Чиннихона номи билан шұхрат топди. Улугбек Самарқандда ўзига хос астрономия мактабини яратди. Расадхонада Улугбек билан бир қаторда үз замонасиининг машхур математиги ва астрономлари Қозизода Румий (Салоҳиддин Мусо ибн Мұхаммад), Фиёсіддин Жамшид Коший, Улугбекнинг шогирди, үз даврининг “Птолемей”и номи билан шұхрат қозонған Али Қүшчи (Алоуддин ибн Мұхаммад) ва бошқалар елкама-елка туриб, илмий тадқиқот ишларини олиб бордилар.

Расадхонадаги тадқиқотлар натижасида 1018 та юлдузнинг үрни ва ҳолати (координатлари) аниқланиб, астрономик жадвали түзилди. Ўрта Осиё, Яқин ва Ўрта Шарқ үлкалари бүйлаб жойлашған 683 географик пунктлар Самарқанд кенглик координатлари билан белгилаб чиқылди. Математика фаны соҳасида Улугбек мактаби яратған даражали алгебрали тенглама ечилиб, бир даражали ёйнинг синуси аниқланған.

Шу жиҳатдан буюк олимнинг “Зижи жадиди Құрагоний” (“Құрагонийнинг янги астрономик жадвали”) номли асари дикқатга сазовор. Бу асар 1437 йил ёзиб тутатылған бұлса-да, олим умрининг охирига қадар унга янги натижаларни киритиб борған. Бу асар икки қисмдан иборат бўлиб, унда муқаддима ва 1018 та юлдузларнинг үрни берилған. Үндан ташқари, Улугбекнинг “Тарихи арбаъ улус” (“Тұрт улус тарихи”) номли тарихий асари ва мусикага бағишланған бешта рисоласи ҳам мавжуд. Улугбекнинг ўта салоҳиятли олим бұлганини унинг замондошлари Фиёсіддин Жамшид, Абдураззок Самарқандий, Давлатшоҳ Самарқандий

ва бошқалар ҳам эътироф этишган. Жўмладан, ўзбек адабиётининг асосчиси, буюк шоир ва мутафаккир Алишер Навоий (1441-1501) бу хусусда:

Темурхон наслидин Султон Улугбек  
Ки олам кўрмади султон анингдек,  
деб унга ўз таърифини берган.

Улугбек даврида, шунингдек, Самарқанд Шарқнинг маданий марказига айлангани учун машҳур файласуф Али ибн Мухаммад Журжоний, таниқли табиб Мавлоно Нафис, шоир Ҳаёлий Бухорий, “Юсуф ва Зулайҳо” дostonининг муаллифи Дурбек, қасида жанрининг таниқли намоёндаси, ўзбек шоири Саккокий, машҳур хаттот Абдураҳим Хоразмий ва бошқалар бу ерда яшаб, ижод қилдилар. Шунингдек, Шарқнинг кўплаб таниқли олим ва шоирлари, фузалою уламолари Самарқандга тез-тез келиб турдилар. Улугбек даврида ўзига хос тарихнавислик мактаби ҳам пайдо бўлди. XV асрдаги таниқли тарихчилар, “Зубдат ат-таворих” (“Тарихларнинг юқори қисми”) асарининг муаллифи Ҳофизи Абрӯ, “Матла ас-садайн ва мажмуаи ал-баҳрайн” (“Икки денгизнинг қўшилиши ва икки саодатли юлдузнинг балқиши”) асарининг муаллифи Абдураззоқ Самарқандий, “Равзат ас сафо” (“Жаннат боғлари”) асарининг муаллифи Мирхонд, “Ҳабиб ус-сияр” (“Дўстга мактуб”) ва бошқа қатор асарларнинг муаллифи Ҳондамир Улугбек яратган маданий шароитда ўсиб-улғайдилар. Улугбек давридаги маданий марказ кейинчалик “Улугбек академияси” номини олиб, даставвал машҳур француз ёзувчиси ва олими Вольтер (1694-1778) томонидан эътироф этилган эди. Аждодларимиз тарихида 1010 йилда тузилган Маъмун академиясидан сўнг, Улугбек академияси Ўрта Осиё тарихида иккингчи академия сифатида юзага келди.

Мустақиллик туфайли буюк аждодимиз Мирзо Улугбек фаолияти тўлиқ ўрганила бошланди. 1994 йили Президентимиз ташаббуси билан Мирзо Улугбекнинг 600 йиллик таваллуд тўйи республикамиз ва жаҳонда кенг нишонланди. Қатор кўча, туман, шаҳар ва иншоотларга

Улугбек номи берилди. Жумладан, Президентимиз фармони билан 1995 йили собиқ ТошДУга, ҳозирги Ўзбекистон Миллий университетига Мирзо Улугбек номи берилди.

Улугбекнинг вафотидан сўнг маданий марказ Хурсонга, жумладан, унинг пойтахти Ҳиротга кўчди. Ҳирот маданий ва илмий марказининг шакланишида Хурсон ҳукмдори Султон Ҳусайн (Бойқаро) (1469-1506) ва буюк шоир, мутафаккир, ғазал мулкининг султони Мир Алишер Навоийнинг (1441-1501) роли ниҳоятда бекиёс бўлди. Маърифатли ҳукмдор бўлмиш Султон Ҳусайн (Бойқаро) бутун Хурсонда илм-фан, адабиёт, маданият ҳомийсига айланди. Унинг ўзи “Ҳусайний” тахаллуси остида ғазаллар ёзган. Бизгача унинг шеърий “Девон”и ва насрый “Рисола” асарлари етиб келган.

Алишер Навоий 1441 йили Ҳиротда таниқли барлос баҳодири хонадонида дунёга келган. У ёшлигиданоқ ниҳоятда заковатли ва зеҳнли бола бўлган. Унинг беш ёшида ёзган ғазалига таниқли ўзбек шоири Лутфий ўз вақтида катта баҳо берган эди. Ёшлигиданоқ темурий шаҳзода Султон Ҳусайн билан дўст бўлиб, кейинчалик улар Хурсон ҳокими Абулқосим Бобур (1451-1457) хизматида бирга бўлганлар. Ҳусайннинг хизмат даврида Алишер Навоий Машҳад ва Ҳирот мадрасаларида таҳсил кўради. Кейинчалик Мовароуннаҳр ҳокими Султон Абу Сайд тазикини билан Самарқандга кетишга мажбур бўлади ва у ерда икки йилча туриб, ўз билимини янада такомиллашибди. 1469 йили Хурсон таҳти Султон Ҳусайнга теккандан сўнг, унинг таклифи билан Алишер Навоий Ҳиротга келиб, аввал муҳрдорлик, сўнгра вазирлик лавозимида фаолият кўрсатади. Жумладан, Алишер Навоий вазирлик лавозимини эгаллаган вақтида (1472-1476) мамлакатда осойишталик ваadolat ўрнатишга ҳаракат қилди. Унинг хатти-ҳаракати натижасида шаҳарлар юксалди. Сув чиқарилиб, кўпгина ерлар обод қилинди, ҳунармандчилик ва савдо-сотик ишлари янада ривожланди. Навоий илм-фан, маърифат ва маданият аҳлига шахсан ўзи ҳомийлик кўрсатди. Гарчи тожу таҳт учун курашларда ва фитна-

низолар натижасида Навоийнинг Султон Ҳусайн билан оралари бир оз совуган бўлса-да, лекин Навоий умрининг охирига қадар давлатнинг таянч шахсларидан бири бўлиб қолди. Жумладан, у вазирлик лавозимидан кетар экан, султон Навоийга шоҳона тўн кийгизиб, унинг ҳеч бир илтимоси ҳеч қачон ерда қолмаслигини айтади. Алишер Навоий 300 тадан зиёд турли қурилиш, ободончилик ишларига бош-қош бўлди. Ҳиротдаги Инжил дарёси бўйида унинг қурилиш ишлари учун махсус ер ҳам ажратиб берилади. У барпо этган Ҳиротдаги “Ихлосия”, “Шифоия” мажмуалари, Тус вилоятидаги Туруқбанд сув омбори ва канали, Ҳирот ва Машҳаддаги сугориш иншоотлари, Астрободдаги сарой ва масжид, Марвдаги мадраса шулар жумласидан. Эл-юрт фаровонлигини ўйлаган Навоий ўз даромадининг аксарият қисмини хайрия ишларига сарфлайди.

Одамий десант демагил одамий,  
Ониким йўқ ҳалқ ғамидин ғами,

деб ёзган шоир ўз маблағи ҳисобидан 52 та работ, 19 та ҳовуз, 16 та кўпrik, 9 та ҳаммом ва бошқалар қурдирди. Шунингдек, Навоий Ҳурсонда 12 тадан ошиқ масжид, минора, работларни таъмирлади. Жумладан, Навоий таъмир этган Ҳиротдаги жомеъ масжиди ҳозирги кунга қадар Ҳирот шаҳрининг гўзал иншоотларидан бири ҳисобланади. Алишер Навоий ҳомийлигида Шарқ миниатюра мактабининг етуқ намоёндаси “Шарқ Рафаэли” номини олган Қамолиддин Беҳзод, таниқли табиблар Абдулҳай Муний, Дарвиш Али, ҳаттотлардан — Султон Али Машҳадий, мусиқачилардан — Ҳусайн Удий, шоир ва тарихчилардан — Соҳиб Доро, Муҳаммад Низомий, Қамолиддин Биноий, Давлатшоҳ Самарқандий, Ҳусайн Воиз Кошифий, Мирхонд, Зайниддин Восифий, Муиниддин Мухаммад Исфизорий ва бошқалар етишиб чиқди. Алишер Навоий илк бора ўзга шоирлардан фарқли равища 1483-1485 йилларда туркий тилда бешта достондан иборат “Хамса” асарини ёзди. Навоий она тили кўркамлиги ва жозибадорлигини ўз асарларида намоён этди:

Тортиб турк назмида чу алам,  
Айладим ул мамлакатни як қалам,  
деб ёзган эди шоир.

Буюк шоирнинг 20 тадан зиёд йирик асарлари мавжуд. Булар “Хазойинул маоний”, “Лисон ут-тайр”, “Маҳбуб ул-кулуб”, “Мажолисун нафоис”, “Муншаот”, “Муҳокаматул лугатайн”, “Мезонул авзон” ва бошқалар. Булар ўз ичига тарихий, фалсафий, ахлоқий мезонларни олиб, инсониятга хос барча ижобий хислатлар улуғланади. Навоий ўз асарларида Ватанга, туғилиб ўсган ерига нисбатан буюк мұғаббатни күйлайди.

Навоийнинг ўзи баркамол, комил инсон қиёфаси учун буюк рамздир. Президентимиз ташаббусига кўра, 1991 йили Алишер Навоийнинг 560 йиллиги катта тантаналар билан нишонланиб, шоирнинг маҳобатли ҳайкали қад кўтарди.

XV асрнинг забардаст ўзбек шоирлари ичида Лутфий, Дурбек, Саккокий, Гадоий, Атоий ва бошқаларнинг ҳам номлари маълуму машҳур бўлган. Жумладан, Навоийдан аввал энг машҳур туркигўй шоир Лутфий (1366-1465) бўлган. Унинг 20 дан зиёд ажойиб асарлари мавжуд бўлиб, бизгача факат машҳур “Гул ва Наврўз” достони ва ғазаллар девони етиб келган, холос.

Бу даврларда, шунингдек, Шарафиддин Али Яздийнинг (1454 йили вафот этган) Темур тарихига бағишиланган, Низомиддин Шомийдан сўнг ёзилган бир хил номдаги “Зафарнома” асари яратилди. Форс-тожик адабиётида, айниқса, машҳур шоир ва олим, Навоийнинг замондоши ҳамда дўсти Нуриддин Абдураҳмон Жомийнинг (1414-1492) роли буюк бўлди. Жомий ва Навоийнинг дўстлиги эса халқларимиз иттифоқлигининг буюк рамзи бўлиб қолди.

1499 йилдан бошлаб Ўрта Осиёга ўз юришларини бошлаган Муҳаммад Шайбонийхон (1451-1510) темурийлар ичидаги ички низо ва ноиттифоқликдан фойдаланиб, Мовароуннаҳрга нисбатан истиличилик ҳаракатларини бошлиди. Темурий шаҳзодалардан, шу вақтдаги ягона мовароуннаҳрлик иқтидорли ва ҳарбий саркардалик маҳоратига эга бўлган, кейинчалик буюк шоир ва давлат арбоби

даражасига чиққан Заҳириддин Мұхаммад Бобурнинг (1483-1530) саъй-ҳаракатлари ҳам натижа бермади. 1505-1506 йилларга келиб Шайбонийхон Хоразм ва Мовароуннахрни тұлиқ әгаллайды. Шайбонийхонга қарши курашиш учун йұлға чиққан Ҳурсон ҳукмдори Султон Ҳусайн (1469-1506) 1506 йилнинг баҳорида вафот этади. Султон Ҳусайннинг ворислари ўртасида тожу тахт учун кураш авж олиб, натижада ҳокимият иккита шаҳзодага — Ба-диузвазмон Мирзо билан Музaffer Мирзоларга үтади. Қулай вазиятдан фойдаланган Шайбонийхон 1507 йили шаҳзодаларни тор-мор этиб, қаттық жанглардан сұнг пойтахт Ҳирот ва бутун Ҳурсонни ўз құлига олади.

Шундай қилиб, деярли бир ярим аср давом этган шоншавкатли Темурийлар салтанати ўз ниҳоясига етади. Темурийларнинг сүнгги забардаст вакили Заҳириддин Мұхаммад Бобур 1525 йилги Панипат жангидан сүнг шимолий Ҳиндистонни әгаллашға муваффақ бўлади. Бобурийлар сулоласи Ҳиндистонда деярли уч аср мобайнида хукмронлик қилиб, кўп ҳолда темурийларнинг шон-шуҳратини бу ерда тиклашға муваффақ бўлади.

### **Такрорлаш учун саволлар**

1. Амир Темур шахсига Ўзбекистонда берилаётган катта эътиборнинг сабаблари нимада?
2. Амир Темурнинг Ўрта Осиё тарихида тутган ўрни ва роли қандай эди?
3. Амир Темурнинг ўзбек давлатчилити ривожига қўшган ҳиссаси нималарда кўринади?
4. Амир Темурнинг ҳарбий юришлари нима мақсадда амалга оширилган эди?
5. Амир Темур ва темурийлар даврида илм-фан, маданият, меъморчилик, ҳунармандчилик юксак ривожланиши сабаблари нимада?
6. “Темур тузуклари”нинг бугунги кунда давлат бошқарувида тутган аҳамияти нимада кўринади?

7. Темурийлар даврида илм-фан ва маданият ривожига катта ҳисса қўшган алломалар меросини тиклаш бўйича бугун қандай ишлар амалга оширилмоқда?

## Адабиётлар

1. Каримов И.А. Амир Темур — фахримиз, ғуруримиз. -Т.: “Ўзбекистон”, 1997.
2. Каримов И.А. Тарихий хотирасиз келажак йўқ. -Т.: “Ўзбекистон”, 1998.
3. Каримов И.А. Юксак маънавият — енгилмас куч. -Т.: “Маънавият”, 2008.
4. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганинг 17 йиллигига бағишлиланган тантанали маросимдаги маъруза. //Халқ сўзи, 2009 йил 6 декабрь.
5. Аҳмедов Б. Амир Темурни ёд этиб. -Т.: “Ўзбекистон”, 1996.
6. Аҳмедов Б., Муқминова Р., Пугаченкова Г. Амир Темур. -Т.: “Университет”, 1999.
7. Бўриев О. Темурийлар даври ёзма манбаларида Марказий Осиё. -Т.: “Ўзбекистон”, 1997.
8. Ибн Арабиоҳ. Амир Темур тарихи. I-II китоб. -Т.: 1992.
9. Заҳириддин Муҳаммад Бобур. Бобурнома. -Т.: “Фан”, 1992.
10. Мирзо Улугбек. Тўрт улус тарихи. — Т.: “Чўлпон”, 1994.
11. Мўминов И. Амир Темурнинг Ўрта Осиё тарихида тутган ўрни ва роли. -Т.: “Фан”, 1973.
12. Темур ва Улугбек даври тарихи. -Т.: Қомуслар бош таҳририяти, 1996.
13. Темур тузуклари. -Т.: “Чўлпон”, 1992.
14. Низомиддин Шомий. Зафарнома. -Т.: “Ўзбекистон”, 1996.
15. Мавлонов Ў. Марказий Осиёнинг қадимги йўллари. -Т.: “Akademiya”, 2008.
16. Сагдуллаев А.С. ва бошқалар. Ўзбекистон тарихи. Давлат ва жамият тараққиёти. -Т.: “Академия”, 2000.

## **7-мавзу. Ватанимиз худудининг хонликларга бўлиниб кетишининг сабаб ва оқибатлари**

### **XV аср охири — XVI аср бошларида Мовароуннаҳрдаги ижтимоий-сиёсий ҳаёт. Шайбонийлар ва Аштархонийлар сулоласи**

Ўрта Осиё ҳудудида хонликлар мавжуд бўлган давр — 1500-1920 йилларгача бўлган давр тарихини ўрганишда Заҳириддин Муҳаммад Бобурнинг «Бобурнома», Муҳаммад Солиҳнинг «Шайбонийнома», Ҳофиз Таниш Бухорийнинг «Абдулланома», Абулғозийнинг «Шажараи турк», А.Донишнинг «Манғит амирлари тарихи», Муҳаммад Амин Бухорийнинг «Убайдулланома», Ибратнинг «Фаргона тарихи», Баёнийнинг «Шажараи Хоразмшоҳий» ва бошқа тарихий манба сифатида ўрганилиб, нашр қилинган асарларга таянган ҳолда, ушбу давр тарихига бағишиланган юзлаб тадқиқотлар: монография, қўлланма ва дарсликлар нашр қилинган. Булар ичиди Р.Г.Муқминова таҳрири остидаги З жилдлик «История Узбекистана» Н.Норқулов ва бошқалар тамонидан ёзилган 8-синф “Ўзбекистон тарихи” дарсликлари, М.И.Йўлдошевнинг «Хива хонлигида феодал ер эгалиги ва давлат тузилиши», Ҳ.Бобобековнинг «Қўқон тарихи», М.Матниёзов таҳрири остида нашр қилинган «Хоразм тарихи» (1-жилд), шу жумладан, А.Сагдуллаев ва бошқаларнинг «Ўзбекистон тарихи: давлат ва жамият тараққиёти», А.Зиёнинг «Ўзбек давлатчилиги тарихи» монографияси, ЎзМУ факультетлараро «Ўзбекистон тарихи» кафедраси жамоаси томонидан тайёрланган «Ўзбекистон тарихи» қўлланма ва дарсликлари хонликлар даври тарихини ўрганишда катта аҳамият касб этади.

XV асрнинг 90-йилларида Мовароуннаҳрдаги темурийлар салтанати амалда мустақил бошқариладиган вилоятларга айланиб қолган эди. Кичик бир вилоятда ҳокимлик қилаётган темурий шаҳзодаларнинг ҳар бири пойтахт Самарқандни эгаллаш, бобокалонлари ўтирган таҳтаги чиқиб, бутун мамлакатга ягона ҳукмдор бўлиш орзусида

одилар. Бу ниятта етиш учун улар ўртасида ўзаро ички низо авж олиб кетган бўлиб, мамлакат аҳолисининг ҳам темурийлардан норозилиги кучайиб бораётган бир давр эди.

Самарқанд ҳукмдори Султон Аҳмад Мирзонинг 1494 йилда вафот этиши, бу ҳолатни янада кескинлаштириди, мамлакатда бошбошдоқлик, кўп ҳокимиятчилик вужудга келди. Бу вазиятдан темурийларнинг шимолдаги қўшиси, Дашиби Қипчоқда ўз ҳокимиятини мустаҳкамлаб олган Муҳаммад Шайбонийхон (1451-1510) фойдаланиб қолиш учун 1497 йилда Мовароуннаҳрни эгаллаш мақсадида биринчи марта қурол билан бостириб кирди. Бунга 1496 йилда Самарқанд таҳтига ўтқазилган Бойсунқур Мирзо ибн Султон Маҳмуднинг (1479-1499) бошқа темурий шаҳзода-лардан Самарқандни мудофаа қилишда иттифоқчиликка чақириб қилган таклифи ҳам сабаб бўлган эди.

XI асрдан бошлаб Балхаш қўли ва Сирдарёning қуи оқимларидан Днепр дарёсининг қуи оқимларигача бўлган ҳудудларда қипчоқ ва бошқа туркий қабилаларнинг ҳукмронлик қилганликлари сабабли бу ҳудуд Дашиби Қипчоқ деб аталган. Дашиби Қипчоқ чегаралари баъзан Кавказ тоғлари, Қора ва Каспий денгизларигача етиб борган. Бу ерда Ботухон 1236 йилда асос солган Олтин Ўрда давлати XIV аср бошларида икки қисмга ажралиб кетган бўлиб, унинг шарқий қисмида, айрим тарихий манбаларда “Ўзбеклар мамлакати” деб юритилган, Оқ Ўрда давлати ташкил топди. Бу ҳудудда Жўжихоннинг бешинчи ўғли, Шайбон уруғидан бўлган Абулхайрхон (1412-1468) 1428 йилда мустақил давлатга асос солди.

Олтин Ўрда, Мўғулистон ва темурийлар давлатларидаги ўзаро уруш ва парокандаликдан усталик билан фойдаланган Абулхайрхон ўз давлати ҳудудларини анча кенгайтириб олди. Лекин уруғ бошлиқларининг мустақил ҳукмронликка интилишлари ва 1468 йилда Абулхайрхон вафоти бу давлатнинг инқирозга учрашига сабаб бўлди. XV асрнинг 80-йилларига келиб, Абулхайрхоннинг на-бираси, Будоқ Султоннинг ўғли — Муҳаммад Шоҳбаҳт Шайбонийхон (1451-1510) бобосининг давлатини қайта тик-

лаб, шайбонийлар сулоласига асос солди. Ёшлигиде етим қолган Мұхаммад укаси Махмуд билан Мұхаммад Мазид Тархон, Султонали Мирзо ҳомиyllигида Туркистан, Самарқанд, Бухоро шаҳарларида илоҳиёт олимлари Мұхаммад Хитойй, Ҳофиз Ҳусайн Бусурий каби уламолардан сабоқ олиб, ўз даврининг билимдон, ўқимишли кишиси, истеъоддли шоири бўлиб етишди. Мұхаммад Шайбонийхон буюк давлат тузишни дастлаб лашкар тұплаш ва ёлланма қўшин лашкарошиси сифатида темурийларга хизмат қилишдан бошлади. Шайбонийхон ёлланма қўшин бошлиғидан хон даражасига кўтарилди.

XV асрнинг 90-йиллари ўрталаридан Мовароуннахрнинг сиёсий ҳаётида Амир Темурнинг эвараси — Захиридин Мұхаммад Бобур (1483-1530) ҳам сезиларли роль ўйнай бошлади. 1494 йил 10 июнь куни 12 ёшида Фарғона таҳтига ўтирган ёш Бобур амакиси Султон Аҳмад (1469-1494й. Самарқанд ҳокими), Тошкент ҳокими бўлган тоғаси Султон Маҳмудлар ҳужумини қайтариб, 1496 йилда Самарқанд шаҳрини қамал қиласи, лекин қиши яқинлашиб қолгани учун қамални тұхтатади. 1497 йил майида Бобур Самарқандни иккинчи бор қамал қилганида Шайбонийхон билан биринчи марта юзма-юз бўлади. Бойсункур Мирзонинг Шайбонийхонга Самарқанд дарвозасини очмагани сабабли, у Бобур билан жанг қилмасдан майдонни ташлаб кетади. 7 ойлик қамалдан кейин Самарқандни эгаллаган Бобур пойтахтда 100 кун хукмронлик қиласи. Фарғонада укалари сабаб келиб чиққан низони бартараф этиш учун Бобур Самарқандни ташлаб чиқиб, 1500 йилгача у ерда тинчлик ўрнатиш билан овора бўлади.

Бу пайтда, асосий мақсади Темурийлар салтанатига бутунлай барҳам бериш бўлган Шайбонийхон, Бухоро, Самарқанд, Қарши, Фузор, Шоҳрухия шаҳарларини эгаллади. Бу шаҳарлардаги дашт ўзбекларининг қирғин ва талончиликлари маҳаллий халқ, ичиде Шайбонийхонга қарши ҳаракатларнинг пайдо бўлишига сабаб бўлди. Бундан фойдаланган Бобур 1501 йилда Самарқандни иккинчи марта эгаллади.

Мовароуннаҳрда ўзининг асосий рақиби Бобур эканлигини сезган Шайбонийхон асосий кучларини Самарқанд яқинига тұплаб ҳал қылувчи жангга кирди. Очик жаңғда енгилган Бобур шаҳарға кириб, мудофаага киришди, лекин бошқа темурийлардан ёрдам бүлмагач, Шайбонийхон билан сұлх тузиб, Самарқандни ташлаб чиқишига мажбур бўлди. Шундан кейин Бобур 250 кишиси билан Афғонистонга келди ва Қобул подшолигига асос солди. 1510 йилда Марв яқинида Шайбонийхон қўшини устидан ғалаба қозонган Эрон шоҳи Исломил Саффавий Бобур Мирзога Самарқанд га биргаликда қўшин тортишни таклиф этди. Бу таклифни қабул қиласан Бобур Муҳаммад Шайбонийхон вафоти (1510) билан юзага келган ӯзаро келишмовчилик сабабли анча заифлашиб қолган шайбонийлар ҳукмронлиги остидаги Ҳисор, Қўлоб, Қундуз, Бадахшон, Қарши ерларини эгаллаб, Самарқанд шаҳрини 1511 йилда учинчи марта босиб олди.

Бобурнинг иттифоқчилари, шиа мазҳабидаги эроний қизилбошлilarнинг талон-тарожлари сабабли, маҳаллий аҳоли Бобурни қўллаб-қувватламади. 1512 йил охирларида Убайдулла Султон қўшинларидан Бухоро яқинида мағлубиятга учраган Бобур Мовароуннаҳрдан бутунлай умидини узиди кетди. Қобул атрофида ӯз ҳукмронлигини тұла мустаҳкамлаб, 1526 йил бошида Ҳиндистонга юриш бошлади ва у ердаги Иброҳим Лудийнинг қўшинларини тұла тор-мор келтириб, янги Бобурийлар салтанатига асос солди. Бу салтанат Ҳиндистонда 332 йыл (1526-1858 йиллар) ҳукмронлик қилди.

1487-1488 йилларда Ўтрор, Сайрам, Ясси (Туркистон), Сигнок шаҳарларини босиб олиб, ӯз ҳукмронлигини Даشتى Қипчоқда мустаҳкамлаган Муҳаммад Шайбонийхон 1499 йилдан Мовароуннаҳрни эгаллашга жиадий киришди. У ердаги асосий душмани Бобурдан 1501 йилда Самарқандни тортиб олган Шайбонийхон 1503 йилда Тошкентни, 1504 йилда Ҳисорни, 1505 йилда 10 ойлик қамалдан кейин Урганчни, 1507 йилда Ҳирот, 1509 йилда Марвни ӯзига бўйсундиради. Натижада, Даشتى Қипчоқ, Хоразм, Мовароуннаҳр, Ҳурросонни бирлаштирган Шайбонийхон Машҳад ва Тус шаҳарларини эгаллаб, Эронда Шоҳ Ислом

моил асос солган Саффавийлар давлатига хавф солади. 1510 йилда Марв яқинидаги жангда Шоҳ Исмоил қўшинларидан мағлубиятга учраган Муҳаммад Шайбонийхон ҳалок бўлади.

Муҳаммад Шайбонийхон вафотидан кейин Кўчкунчининг (1512-1529) ва Абу Саъид (1529-1533) даврида Мовароуннаҳр ва Хуросонда марказий ҳокимият заифлашиб, амирлар ва султонлар ўртасидаги низо кучайади. Бу пайтда Хоразм мустақил давлат бўлиб ажралиб чиқди ва Туркистон ерлари парчаланди. Ўзаро урушларга бирмунча барҳам берган Шайбонийхоннинг укаси Маҳмуд Султоннинг ўғли Убайдулла Султон 1512 йилда Бухоро ҳукмдори бўлган бўлса, 1533 йилдан бутун марказлашган ўзбек давлатининг Олий Ҳукмдори этиб сайланди. Убайдуллахон пойтахтни Самарқанддан Бухорога кўчириди.

XVI асрнинг 40-йилларига келиб феодаллар ва маҳалий сулолалар ўртасида шаҳарлар ва ҳудудлар учун кураш авж олиб кетди. Самарқанд ҳукмдори Абдулатифхон (1541-1552 йй.) билан Бухоро хони Абдулазизхон (1540-1550 йй.) ўртасидаги курашни Тошкент ва Сирдарё бўйидаги шаҳарларнинг ҳукмдори Бароқхон (Наврӯз Аҳмадхон, 1540-1556) янада кучайтирди. У ҳатто 1551 йилда Самарқандни босиб олди, Қармана ва Миёнқол ҳукмдори Абдулла Султон Бароқхонга қарши кураш олиб борди. Бу курашларда Искандар Султоннинг ўғли Абдуллахон (1534-1598) ўзининг қатъиятлилиги, яхши сиёсатчи ва саркардалик қобилияти билан ажралиб турди. У 1561 йилда отаси Искандархонни олий ҳукмдор деб эълон қилди.

Абдуллахон II марказлашган Шайбонийлар давлатини тиклаш мақсадида амирлар ва султонлар билан аёвсиз кураш олиб борди. Тинимсиз урушлар натижасида Фаргона (1573), Шаҳрисабз, Қарши, Ҳисор вилоятлари (1574), Самарқанд (1578), Тошкент, Шоҳруҳия, Сайрам, Оҳангарон (1582), Балх (1583), Бадахшон (1584), Ҳирот (1588), Хоразм (1595) Абдуллахон қўл остига бирлаштирилди. У 1561-1583 йилларда отаси номидан, 1583-1598 йилларда расмий хон сифатида давлатни бошқарди. Аммо 1598 йилда, Абдуллахон II вафотидан сўнг, унинг ўғли

Абдулмўмин узоқ муддат таҳтни бошқара олмади. Сўнгги Шайбоний ҳукмдори Пирмуҳаммад II (1599-1601) ҳам бебош амирларни тийиб қўя олмади.

XV асрнинг охири XVI асрда Дағти Кипчоқ, Мовароуннахр ва Ҳурисонда бўлиб ўтган ижтимоий-сиёсий воқеалар, иқтисодий маданий аҳвол тўғрисида қимматли маълумотлар берувчи асарлар жуда кўп. Булар ичидаги Заҳирiddин Муҳаммад Бобурнинг (1453-1530) “Бобурнома”, шоир ва тарихчи олимлардан Қамоллиддин Биноий (1453-1512) ва Муҳаммад Солиҳларнинг (1453-1535) форс ва ўзбек тилида битилган “Шайбонийнома” асарлари, Ҳондамирнинг “Ҳабиб ус-сияр”, Фазлуллоҳ ибн Рузбехоннинг (1457-1530) “Меҳмонномайи Бухоро”, номаълум муаллифнинг “Тавориҳи гузида”, “Нусратнома”, Мирзо Муҳаммад Ҳайдарнинг (1500-1556) “Тарихи Рашидий”, Абдуллоҳ Насруллоҳийнинг “Зубдат ул-Осор”, Ҳўжа Қулибек Балхийнинг “Тарихи Кипчоқхоний” ва Ҳофиз Таниш Бухорийнинг (1547-1604) “Шарафномаи шоҳий” (“Абдулланома” номи билан машҳур) асарлари катта аҳамиятга эга.

Муҳаммад Шайбонийхоннинг марказий ҳокимиятни мустаҳкамлаш учун амалга оширган баъзи чора-тадбирлари, бекларнинг кучайиши ва ўзаро курашларига сабаб бўлди. Масалан, давлат бошқаруви соҳасида суюргол тизимини жорий этиб, босиб олинган ҳудудларда бошқарув ишларини фарзандлари, қариндош-уруг, қабила бошлиқларига топширилиши унинг вафотидан кейин марказий ҳокимиятдан мустақил бўлишга интилишларни кучайтирди.

Иқтисодиётни тартибга солиши, савдо-сотикини жонлантириш мақсадида 1507 йилда пул ислоҳоти ўтказилиб, марказий шаҳарларда вазни бир хил бўлган (5,2 грамм) кумуш ва мис чақа пуллар зарб қилинди. Асосан марказий ҳокимиятнинг сиёсий, иқтисодий мавқени кучайтириш, шайбоний хонлари ва беклари ҳукмронлигини мустаҳкамлашга қаратилган бу ислоҳот Шайбонийхон вафотидан кейин кучайиб кетган ўзаро урушлар натижасида яхши натижа бермади ва пул қадрсизланди. 1515 йилда олий ҳукмдор Қўчкунчихон пул ислоҳоти ўтка-

зишга мажбур бўлди. Айниқса, Абдуллахон II даврида ўтказилган пул ислоҳотлари хонлик иқтисодий ҳаётида катта аҳамият касб этган бўлиб, марказий ҳокимиятнинг кучайиши, хазинага фойда тушиши ва савдо-сотиқнинг жонланишига ёрдам берди.

Пул ислоҳотини босқичма-босқич ўтказган Абдуллахон II олтин, кумуш, мис пулларни отаси номидан (1560-1583) чиқарганда мамлакатдаги бир қанча шаҳарларда пул зарб қилинган бўлса, мустақил ҳокимиятни бошқарган йилларида (1583-1598), асосан, Бухорода марказлашган пул зарб қилишини йўлга қўйди. Манбаларга қараганда, Абдуллахон II баъзан Балх, Самарқанд ҳамда Тошкент шаҳарларида кам микдорда пул чиқаришга руҳсат берган.

Муҳаммад Шайбонийхон даврида таълим соҳасида ҳам ислоҳот ўтказилиб, унга қўра бола б ёшдан мактабга берилиган ва икки йил ўтгач мадрасага ўтказилган. Мадраса уч босқичдан иборат бўлиб, ҳар босқичда 8 йилдан ўқитилган. Бу даврда илоҳиёт, ҳисоб-китоб, математика, шеър санъати каби фанлар ўқитилган.

Иқтисодий ҳаётда сунъий сугориш асосий роль ўйнаганлиги сабабли шайбонийлар даврида сув иншоотлари қурилишига катта эътибор берилди. 1502 йилда Зарафшон дарёсида қурилган сув айирғич, 1556-1585 йилларда Қашқадарё, Зарафшон, Амударё, Мурғоб ва Вахш дарёларидан чиқарилган каналлар, сув айирғич ва сув омборлари бунинг яққол мисоли бўла олади.

Ер эгалигининг мулки султоний (давлат ерлари), мулки холис (хусусий ерлар), вақф (диний маҳкамаларга қарашли ерлар) ва қишлоқ жамоалари эгалик қиласиган ерлар каби асосий турлари бўлиб, улар иктоъ, суюргол, танҳо ва жоғир қўринишида бўлган. Давлат олдидаги хизматлари учун ҳарбий-маъмурий амалдорларга ва йирик дин арбобларига бериладиган бундай ерларда ерсиз дехқонлар ишлаган. Улар ҳам давлатга, ҳам амалдорга солик тўлаганлар. Шайбонийлар даврида чорвачилик ва ҳунармандчилик анча ривожланган бўлиб, улар етиштирған маҳсулот ички ва ташки бозорларда сотилган. Ҳиндистон,

Эрон, Россия каби мамлакатлар билан савдо-сотиқ ҳам йўлга қўйилган эди.

Шайбонийлар даврида 40 дан ортиқ турдаги солиқ ва жарималар бўлиб, хирож ва закотдан ташқари, тажжой жизъя, ихрожат, тогар, улуфа, қўналға, бегар, мадади лашкар, бож, тухфа каби номлар билан аталган солиқ турлари ва ясоқ деб аталувчи мажбуриятлар бўлган. Солиқ тўловчи аҳоли фуқаро (раият) деб аталган. Жуйбор шайхлари каби йирик уламолар — дин пешволари барча соликлардан озод қилинганд. Олий табақага хон ва унинг яқинлари кирган. Ҳарбий-маъмурий бошқарув тизимидағи амалдорлар — умаро, олим ва шоирлар — фузало деб аталганлар, бундан ташқари яна шайбонийлар даврида қуллар ҳам бўлган.

Шайбонийлар давлати маъмурий жиҳатдан вилоятларга бўлинган бўлиб, бошқарув тизими марказий ва маҳаллий амалдорлар қўлида бўлган. Марказий бошқарувда хондан кейин кўкалдош, оталиқ, нақиб, парвоначи, вазири аъзам каби масабдорлар дунёвий ишларни бошқарган бўлсалар, шайх ул-ислом, қози калон, аъلام, имом, садр, муфтий, раис (муҳтасиб)лар диний ишларни назорат қилганлар ҳамда нўён, тугбеги, товочи, жевачи, қутвол, доруга, тўпчибоши каби ҳарбий унвонлар бўлган. Маҳаллий бошқарув ҳоким ва беклар қўлида бўлиб, бу жараёнда қози, муфтий, раислар муҳим роль ўйнаганлар.

Муҳаммад Шайбонийхон, Кўчкунчихон ва Убайдуллахонлар ўз даврининг ўқимишли кишилари бўлиб, туркий ва форсий тилларда ижод қилганлар. Абдулазизхон ва Абдуллахон II ларда катта кутубхона мавжуд бўлган. Бу даврда математика, астрономия, тиббиёт, тарих, адабиёт соҳаларида кўзга кўринарли ажойиб асарлар яратилган. Шайбонийлар даврида қурилган Мир Араб мадрасаси (1535-1536), Масжиди Калон (1540-1541), Тоқи Заргарон (1559), Тоқи Саррофон (1559) каби иншоотлар ва Модарихон мадрасалари ҳозирга қадар меъморчилигимизнинг ажойиб намуналари сифатида сақланиб турибди. Шайбонийлардан Абдуллахон II даврида марказий

ҳокимиятни мустаҳкамлаш йўлида олиб борилган урушлар натижасида темурийлар давридаги кўпгина иншоотлар вайрон қилинган бўлса-да, иккинчи томондан, у кўплаб работ, сардоба, мадраса, масжид, кўприк, сув омборларини қурдириб, мамлакат ободончилигига катта ҳисса кўшган.

Шайбонийлар давлатидаги қуи табака — меҳнаткашлар билан зодагонлар, маҳаллий ҳокимият билан марказий ҳокимият ўртасидаги асосий зиддиятлар бу сулола ҳукмронлигининг инқирозга юз тутишига сабаб бўлди. Мамлакатни бирлаштириш, марказлашган ҳокимият қуриш учун курашларда Абдуллахон II шайбонийзодаларнинг кўпчилигини қатл қилган бўлса, унинг ўғли Абдулмўмин ўз мавқенини сақлаб қолиш учун энг яқин қариндошларини ҳам ўлдиртириди. Натижада, ҳокимиятга 6 ой ҳам эга бўла олмаган Абдулмўмин вафотидан кейин шайбонийлардан мамлакатни идора қилишга лаёқатли бирор киши қолмади. Уларнинг охирги ҳукмдори Пирмуҳаммад ўз ҳукмронлигини шайбонийлар давлатининг кичик бир бўлагида ўрнатиб, ўзаро жангларда ҳалок бўлди. Бу вазиятдан фойдаланган Хоразм ўз мустақиллигини тиклаб олди.

Эрон шоҳи Аббос I Хирот, Сабзавор ва Машҳадни эгаллади, қозоқ султонлари Тошкент ва Самарқандни бошиб олиб, Бухорони қамал қилдилар. Ана шундай оғир шароитда Бухоро зодагонлари Жони Муҳаммад Султон (Жонибек)ни тахтга таклиф қилиб, 1601 йилда унинг номига хутба ўқитдилар ва Жонимуҳаммадхон Бухоро хони деб эълон қилинди. Шу йилдан бошлиб Бухоро хонлигига аштархонийлар номини олган сулола ҳукмронлиги бошланиб, у 1753 йилгача — ҳокимиятга мангитлар сулоласи чиққунга қадар давом этди.

Аштархонийлар XIV асрнинг 80-йилларидан бошлиб Астрахан (Ҳожи Тархон, Аштархон) атрофларида ҳукмронлик қилганлар. 1556 йилда рус князлари Астраханини босиб олгач, аштархонийлардан Ёрмуҳаммад Бухорога келиб, Искандар султондан паноҳ топди. Искандар султон қизи Зуҳрахонимни Ёрмуҳаммаднинг ўғли Жонибек-

ка берган. Жонибек султоннинг Зуҳрахонимдан учта ўгли (Динмуҳаммад, Бокимуҳаммад, Валимуҳаммад) бўлган.

Жонибек султон Бухоро хони деб эълон қилингач, ўғли Динмуҳаммад фойдасига тахтдан воз кечади. Сейистон хукмдори бўлган Динмуҳаммад Хирот яқинида сафавийлар билан бўлган жангда ҳалок бўлади ва тахтга Бокимуҳаммад (1601-1605) ўтқазилиб, укаси Валимуҳаммад (1605-1611) ворис деб эълон қилинади.

Бокимуҳаммад 1602 йилда Балхни эгаллади, 1603 йилда эронийларнинг Балхга ҳужумини қайтарди. 1604 йилда қозоқ хони Келимуҳаммад қўшинларига зарба бериб, давлат ҳокимиятини мустаҳкамлашга ҳаракат қилди. Ундан кейин тахтга кўтарилиган Валимуҳаммад ўзи мустақил ҳаракат қилолмас, давлат аҳамиятига молик масалаларни бекларнинг розилиги билангина ҳал этар эди. Мустақил бошқарувга интилган беклар хонга бўйсунмай қўйиши, ўзаро ички кураш, тарафкашлик Валимуҳаммадга қарши фитна уюштирилишига олиб келади ва бунинг натижасида Имомқулихон (1611-1642) тахтни эгаллайди.

Имомқулихон маҳаллий бекларни бўйсундириш, Эрон қўшинларига зарба беришда қозоқ султонлари кучларидан фойдаланади. Мамлакат худудларини кенгайтирган Имомқулихон Тошкентга ўғли Искандар султонни ҳоким қилиб қўйди, лекин 1613 йилда Искандар зулмидан безор бўлган тошкентликлар исён кўтарди, Искандар ўлдирилди. Имомқулихон бу хабарни эшлитиб, Тошкентта катта қўшин билан келиб, исёнчиларни бостирди ва аҳолини қирғин қилди. У қозоқлар, қалмоқ (жунғор)лар, мӯғуллар ва қорақалпокларга қарши мувафақиятли кураш олиб борди. Бу Имомқулихоннинг мавқеини мустаҳкамлади, хон ҳокимияти кучайди. Узоқ вақт ҳукмронлик қилган Имомқулихон зодагонларнинг қарши чиқишлари ва ўзаро курашларини бирмунча вақт тўхтатишга муваффақ бўлди. Лекин уруғ амирларининг кўпчилиги хон ҳокимиятини тан олмас әдилар. Улар ички, ҳатто ташки масалаларда ҳам тўла мустақил фаолият олиб боргандар. Бир неча йил Самарқандни бошқарган йирик ер эгаси — Ялангтўшибий шундай амирлардан бири эди.

1642-1645 йилларда ҳукмронлик қилган Нодирмуҳаммад мамлакат ҳудудини 12 та ўғли ва иккита жиянига бўлиб бериб, ижтимоий-сиёсий тарқоқликни кучайтириди. Унинг зодагонлар билан қелиша олмаслиги давлат асосларининг заифлашувига олиб келди. Натижада, унинг пойтахтда йўқлигидан фойдаланган амирлар Абдулазизхон (1645-1680)ни хон деб эълон қилдилар. Нодирмуҳаммад Балх шахрига қочди ва Ҳиндистон ҳукмдори Шоҳжаҳон (1628-1658)дан ёрдам сўради.

Абдулазизхон ҳукмронлиги йилларида Хива хонлари Абулғозихон (1643-1663) ва унинг ўғли Анушахон (1663-1687) Бухоро ҳудудларига бир неча марта талончилик юришларини амалга ошириди. Хоразмликлар 1655 йилда Коракўл, Бухоро атрофларини, 1662-1663 йилларда Бухоро ва унинг атрофларига ҳужум қилиб, у ерларни талон-тарож қилдилар. Душман қўшинларига зарба бериш, ўзаро феодал урушларни тўхтатиш имконини топа олмаган Абдулазизхон таҳтдан воз кечди. Унинг ўрнига таҳтга ўтирган укаси Субҳонқулихон (1680-1702) даврида ҳам Бухоро-Хива муносабатлари мураккаблигича қолаверди. Айниқса, Самарқанд амирларининг Хива хони Анушахон ҳукмронлигини тан олиб, унинг номига хутба ўқитишлиари баъзи амирларнинг норозилигига сабаб бўлди. Шундай вазиятда Субҳонқулихонни Маҳмудбий қатагон қўллаб-қувватлади, самарқандликлар жазоланди. Шунга қарамай, Бухоро ва Хива муносабатлари кескин бўлиб қолаверди. XVII аср охири XVIII аср бошларида тинимсиз бўлиб турган ўзаро курашлар, сиёсий тартибсизликлар халқ оммасининг аҳволини оғирлаштириди, соликлар кўпайиб, порахўрликнинг авж олиши, бошбошдоқлик мамлакат ҳўжалигининг вайрона ҳолга келиб, издан чиқишига олиб келди. Шундай оғир вазиятда вафот этган Субҳонқулихон ўрнига Убайдуллахон (1702-1711) таҳтга ўтириди. У марказий ҳокимиятни мустаҳкамлаш, мустақилликка интилган бебош амирларни бўйсундириш, кўтарилигтан қўзғолонни бостириш учун тинимсиз урушлар олиб борди. Убайдуллахон йирик зодагонлар, қабила бош-

лиқларининг мавқейини пасайтириш, сиёсий тарқоқликни бартараф этиш мақсадида уларни марказий ҳокимиятдан четлаштирди, ҳатто диний-сиёсий ҳокимиятга катта таъсири бўлган Жўйбор шайхларини солик тўламаслик имтиёзидан маҳрум этди. Яна давлатни бошқаришга хунармандлар ва савдогарларнинг болаларини жалб қилиб, ўзига ишончли янги амалдорларни шакллантиришга ҳаракат қилган Убайдуллахон фаолияти юқори табақа вакилларининг норозилигига сабаб бўлган бўлса, 1708 йилда марказий ҳокимиятни кучайтириш учун ўтказган пул ислоҳоти аҳолининг ўрта табақаси орасида ҳам хоннинг таъсирини анча пасайтириди.

Аштархонийлар орасида нисбатан қатъиятли, марказий ҳокимиятни мустаҳкамлаш учун бир неча тадбирларни амалга оширган Убайдуллахон даврида ижтимоий-сиёсий паракандалик кучайди ва унинг ўзи фитна қурбони бўлди. Фитна иштирокчиси бўлган укаси Абулфайзхон (1711-1747) тахтга чиқарилди. Иродаси кучсиз бўлган Абулфайзхон кучли амирлар таъсиридаги қўғирчоқ хон сифатида тарихда қолди. У номигагина хон бўлиб, ҳақиқий ҳокимият кучли амирлар қўлида бўлган. Абулфайзхон даврида сиёсий тарқоқлик ғоятда кучайиб, ҳар бир вилоят амалда мустақил бошқарувга эга бўлган ҳокимиятга айланиб қолган эди. Тошкент, Ҳужанд, Балх, Бадахшон, Шаҳрисабз, Ҳисор ва унинг атрофидаги ерлар Бухорога бўйсунмаган эди. Бу поракандалик марказий ҳокимиятда юқори мавқега эга бўлишга интилган бийлар ўртасидаги кураш сабабли рўй берган эди. Бу курашда Шаҳрисабз ҳокими кенагас Иброҳимбий ва барча шаҳзодалар оталиқларининг бошлиғи бўлган манғит уруғидан чиққан Муҳаммад Ҳакимбийлар катта роль ўйнадилар.

Иброҳимбий пойтахти Самарқанд бўлган мустақил давлат тузиш мақсадида қариндоши Ражаб Султонни Самарқанд ҳокими деб эълон қилди ва Бухорога қарши юриш бошлади. Бийларнинг ўзбошимчалигига қарши қатъият билан курашаётган Муҳаммад Ҳакимбий тўқнашувда мағлубиятга учраган бўлса ҳам, Бухоро аҳлиниңг қаттиқ қаршилиги сабабли Ражаб Султон шаҳарни эгаллаб ололмади.

Бухоро хонлигидаги парокандалик, ўзаро урушлар 1736 йилда Эронда ҳокимиятни эгаллаб, мустаҳкамланиб олган Нодиршоҳ Афшар (1736-1747) эътиборидан четда қолмади ва у Бухоро ва Хива хонларини ўзига бўйсундириш ҳаракатини бошлади. 1740 йилда Эрон ҳукмдори Бухорга қўшин тортганда Абулфайзхон оғир шартларга қўниб, сулҳ тузицга мажбур бўлди ва Нодиршоҳ ҳокимиятини тан олди. Абулфайзхоннинг Эронга қарамлигини тан олиш билан Аштархонийларнинг мустақил ҳукмронлиги тугади. Мамлакат бошқаруви 1743 йилгача Муҳаммад Ҳакимбий, унинг вафотидан кейин Муҳаммад Раҳимбий қўлида бўлди. 1747 йилда Нодиршоҳ вафоти билан Абулфайзхон ўлдирилди, унинг ворислари Абдулмўмин (1747-1748), Убайдулла III (1748-1756) номигагина хон деб эълон қилиниб, давлат ҳокимияти амалда Муҳаммад Раҳимбий асос солган манғитлар сулоласи қўлига ўтди. Чингизхон авлодига маъсуб бўлмаган Муҳаммад Раҳим 1753 йилда ўз номига хутба ўқиттириб, ўзини амир деб атади. Манғитлар сулоласининг 1920 йилгача ҳукмронлик қилган даври тарихда шунинг учун ҳам Бухоро амирлиги деб аталди.

Аштархонийлар даврида Мовароуннаҳр сиёсий, иқтисодий ва маданий соҳаларда инқирозга юз тутиб, учта мустақил давлатнинг шаклланиши билан изоҳланади. Ўзаро урушлар ва чет эл босқинчиларининг ҳужуми мамлакат иқтисодий ҳаётини тўла издан чиқарди. Сув иншотлари қаровсиз қолиб, қўпгина экин экиладиган ерлар издан чиқди. Бу мамлакат иқтисодий, ижтимоий ҳаётида оғир ҳолатни юзага келтириб чиқарди.

Сиёсий ҳаётда шайбонийлар давридаги давлат тузуми, асосан, ўзгармаган бўлса ҳам, бошқарувда оталиқлар ва диндорларнинг мавқеи ошиб, мамлакат сиёсий ҳаётини ҳал қилиш уларнинг қўлига ўтган эди. Бу ижтимоий тузумга таъсир қилиб, хон ва унинг амалдорлари ҳарбий-маъмурий амалдорлар, уруғ бошлиқлари, йирик уламолар фикри билан ҳисоблашишга мажбур бўлардилар.

Тинимсиз олиб борилган урушлар қишлоқ хўжалиги

билин бирга, шаҳар ҳаётига ҳам салбий таъсир кўрсатди. Сайд Насафий Бухорода 200 хилдан ортиқ хунармандчилик соҳалари мавжуд эди деб маълумот берса-да, улар жуда тор доирада бўлиб, мамлакат иқтисодий аҳволини яхшилашга сезиларли таъсир кўрсата олмади. Убайдуллахон даврида ўтказилган пул ислоҳоти савдогарлар ва хунармандларнинг норозилигига сабаб бўлди. Ҳунармандчилик соҳасидаги етакчи тармоқлар тўқимачилик ва кулолчилик эди. Мамлакат иқтисодида дехқончилик ва чорвачилик етакчи соҳа сифатида бу даврда ҳам ўз мавқеини сақлаб қолди. Ҳалқ хўжалигининг бу соҳаларидағи маҳсулотларнинг турли-туманлиги ички савдога йўл очиб берган бўлса, ташки савдодан келадиган катта фойда чет мамлакатлар билан иқтисодий алоқани ривожлантириб, хон ва унинг амалдорларини рағбатлантирар эди. XVI-XVII асрлардан бошлаб Бухоро хонлигига Россия ва унинг турли шаҳарлари билан савдо алоқалари кучайиб борди. Шу билан бирга, қўшини мамлакатлар — Ҳиндистон, Эрон, Қашқар ҳамда узоқ Туркия мамлакатлари билан ҳам савдо алоқалари олиб борилди.

Аштархонийлар давридаги ижтимоий-сиёсий ва иқтисодий ҳаётдаги таназзул маданий ҳаётга ҳам салбий таъсир кўрсатди. Диндорлар мавқеининг кучайиши аниқ фанларга нисбатан эътиборни пасайтириди. XVII асрда Бухоро хонлигига 150 дан ортиқ мадраса фаолият кўрсатган бўлсада, уларда замон тараққиётига таъсир кўрсатиш даражасидаги алломалар етишиб чиққани йўқ. Бу дунёвий илмлар соҳасида умуман иш қилинмади дегани эмас. Математика, астрономия, айниқса, тиббиёт, тарихнавислик ва адабиёт соҳасида бир қанча янги асарлар яратилдики, булар XVII аср ва XVIII аср биринчи ярмидаги ўзбек ҳалқи маънавий меросининг буюк намуналари сифатида қайд этилади. Бобохўжа ибн Ҳожа Ориф Самарқандий, Мулло Турсун Фаройизий Самарқандийлар фалакиёт соҳасида, Субҳонқулихоннинг “Лубб ул-лавойих ул-қамар фил-ихтиёрот”, “Ихё ат-табиби Субҳоний”, Саъид Муҳаммад Тоҳир ибн Абулқосимнинг “Ажойиб ул-табақот” асарлари шу даврдаги кўзга кўринган асарлар сирасига киради.

Аштархонийлар даври ижтимоий-сиёсий, иқтисодий ва маданий ҳаёти ҳақида маълумот берувчи Мирзо Содик Муншийнинг “Даҳмай шоҳон” мажмуаси, Муҳаммад Балҳийнинг “Субҳонқулинома” маснавийси, Муҳаммад Амин Бухорийнинг “Убайдулланома”, Муҳаммад ибн Муҳаммад Замон Бухорийнинг “Муҳит ут-таворих”, Абдураҳмон Толеънинг “Абулфайзхон тарихи”, Муҳаммад Юсуф муншийнинг “Муқимхон тарихи” ва бошқа асарлар шу давр маданий ҳаётининг ажойиб намуналари дидир.

Бу даврда Турди Фарогий (XVII аср), Бобораҳим Машраб (1640-1711), Сӯфи Оллоёр (1644-1723), Мирзо Абдулқодир Бедил каби ижодкорларимиз ўз асарлари билан ўзбек адабиёти равнақига салмоқли ҳисса қўшдилар. Хожа Самандар Термизийнинг “Дастур ул-мулук” асари Субҳонқулихон даври давлатчилиги тарихи ва тузуми ҳақида маълумот берса, Мутрибийнинг “Тазкират уш-шуаро”, Малеҳо Самарқандийнинг “Музаккир ул-асҳоб”, мулла Содик Самарқандийнинг “Риёз уш-шуаро” каби тазкиралари давр илмий муҳити ва ижодкорлари ҳақидаги асарлардир. Уларда 200 га яқин ижодкорлар ҳаёти ва ижоди ҳақида фикр юритилади.

Бухородаги Абдулазизхон мадрасаси ва Нодир девонбеги томонидан қурилган Лаби Ҳовуз меъморий мажмуаси, Самарқанд регистонига Ялангтӯшибий қурдирган Шердор ва Тиллакори мадрасалари, Қаршидаги Ёрмуҳаммадбий ва Ҳўжа Қурбонбий мадрасалари, Шахрисабз воҳасидаги Ҳўжа Илимкон меъморий мажмуалари аштархонийлар даври меъморчилигининг юксак намуналари дидир.

## Бухоро амирилиги

Манғитлар суоласининг асосчиси Муҳаммад Раҳимбий 1747 йилда эроний қизил бошларни тор-мор келтириб, Бухорода ҳокимиятни тӯла ўз қўлига олган эди. У барча вилоят, шаҳар ва қабила бошлиқларини Бухорога таклиф қилиб, марказий ҳокимиятни кучайтиришга қаратилган дастурини эълон қилиб, бўйсунмаганларни қатл қиласман деб огоҳлантирди.

Мұхаммад Раҳимбий Абдулмүмин (1747-1748), Убайдулла Султон (1748-1756) номларидан давлатни бошқарған даврида Миёнқалъа, Нурота, Ҳисор, Қободиён, Бойсун, Шаҳрисабз, Ургут вилоятларига бир неча бор юриш қилиб, уларни ӯзига бўйсундирди. Бу муваффакиятлар унинг расмий ҳокимиятни ҳам қўлга олишига йўл очиб берди. Абулфайзхоннинг қизига уйланиб, хонлар авлоди билан қариндош бўлган Мұхаммад Раҳимбийга “амир” унвони берилди ва оқ кигизда кўтарилиб, олий ҳукмдор деб тан олинди. Унинг 1757-1758 йилларда марказий ҳокимиятни кучайтириш учун олиб борган урушлари бир қанча вайронагарчиликларга сабаб бўлди. Хива хонлигига ӯз таъсирини ўтказишга муваффақ бўлган Мұхаммад Раҳимбийни Кўкон, Балх, Тошкент, Марв ва Қундуз каби мустақил мулк ҳукмдорлари Бухоронинг қонуний ҳукмдори деб ӯз элчиларини жўнатганлар.

1758 йил 24 марта вафот этган Мұхаммад Раҳимбий ўрнига манғит уруғидан бўлган Миёнқалъа ҳокими Доңиёлбий (1758-1785) тахтга кўтарилиди. Доңиёлбий Мұхаммад Раҳимбийнинг набираси Фозилтўрани хон тахтига ўтқазиб, ҳокимиятни ӯз қўлида сақлаб қолди. Марказий ҳокимиятни мустаҳкамлаш учун янги солиқлар тизимини жорий қилиб, бир қанча маъмурий чора-тадбирларни амалга оширган Доңиёлбий кўп вақтини бебош амирларни бўйсундириш, исёнларни бостиришга сарф қилди. У 1784 йилда Бухорода кўтарилиган қўзғолон сабабли ҳокимиятни шаҳар аҳолиси орасида обрўлироқ бўлган ўғли Шоҳмуродга топширди.

Амири Маъсум (“Бегуноҳ амир”) номини олган амир Шоҳмурод (1785-1800) ӯз ҳукмронлиги йилларида саройда камтарона яшаб, бир қанча солиқларни камайтирди, Бухоро аҳлига тархон ёслигини бериб, баъзи тўловлардан озод қилди, халқ орасида золимлиги билан танилган амалдорларни жазолади. Мадраса таълим мини олган Шоҳмурод фикҳ илми ҳақида “Айн ул-ҳикмат” номли рисола ёзиб, унда илгари сурилган қоидаларни барча вилоятларга жорий этди. У пул ислоҳоти ўтқазиб тижорат иш-

ларини тартибга солди, сув ишшоотларини яхшилаш билан ишлаб чиқаришнинг ривожланишига замин яратди. Буларнинг ҳаммаси марказий ҳокимиятнинг нисбатан кучайишига ва Шоҳмуроднинг умрини охиригача давлатни бошқаришига имкон берди.

1800-1826 йилларда Бухоро тахтини бошқарган амир Ҳайдар даврида ҳар 3-6 ойда узлуксиз ички урушлар ва қўзғолонлар бўлиб турди. 1800 йилда Ҷарши ва Каттақўрғондаги, 1804 йилда Марвдаги, 1821-1825 йилларда Миёнқалъа қўзғолонлари амирлик сиёсий ҳаётидаги муҳим воқеалар бўлди. Хива қўшинларининг талончилик юришларидан, айниқса, халқ қўп зарар кўрар эди. 1806 йилда Элтузархон бошлиқ хиваликларнинг ҳужумини қайтариш учун бутун Бухоро аҳли сафарбар қилинди ва Амударё бўйигача таъқиб қилинган хиваликлар дарёдан кечиб ўтишда қўп кишиларидан ва Элтузархондан ажралишиди. Бундан кейин ҳам Хива хонлиги қўшинлари амирлик ҳудудига бир неча бор бостириб киришган.

Амир Ҳайдар ҳукмронлиги давридаги катта қўзғолонлардан бири Миёнқалъа қўзғолони эди. 1821 йилда амир амалдорларнинг Миёнқалъа аҳлидан хирож йиғишдаги талон-тарожга қўл урганлиги сабабли қўзғолон бошланган. Қўзғолончилар Каттақўрғон, Челак, Янгиқўрғон ҳудудларини қўлга олиб, амир одамларини ҳайдаб юборишиган. 1822 йилда Қўқон ва Хива хонлари ҳужумини қайтариш билан машғул бўлган амир Ҳайдар қўзғолончиларни бостира олмайди. Хитой-қипчоқлар бошчилик қилаётган қўзғолончилар амирнинг иниси Исҳоқбекни ўзларига амир қилиб, Самарқанд ва Карманага юриш қиласидилар. 1825 йил баҳоригача қўзғолончилар билан амир ўртасидаги курашлар натижасида қўзғолончиларни тамомила енга олмаган амир ён босишига, уларнинг мулки дахлсизлиги тўғрисида ёрлиқ бериш ва бир қанча амалдорларни жазолашга мажбур бўлган.

1826 йилда амир Ҳайдарнинг учинчи ўғли Насрулло (1826-1860) тахтга ўтирди. У ўз йўлига тўсиқ бўлиши мумкин бўлган ақаларини шафқатсизлик билан қатл эт-

тирди ва бир ой мобайнида кунига 50-100 кишини қатл қилиш билан “Қассоб амир” деган номни олди. Айникса, урушлар пайтида бўйсунмаган шаҳар ва қишлоқлар ахолисини қаттиқ қирғин қилди.

Амир Насрулло ҳокимиятни қўлга олгандан кейин Шаҳрисабз, Китоб ҳокимликлари ўзларини мустақил деб эълон қилган эдилар. Бошқа бир қанча бекликлар ҳам амирга расмангина бўйсунишган. Амир Насрулло уларни ягона давлатга бирлаштириш, марказий ҳокимиятни қучайтириш йўлида қатъият билан кураш олиб борди. Бунда у ўзининг амалдор хизматкорлар табақаси ва ҳарбий қўшинига таяниб иш кўрди. 1840 йилда Амир Насрулло Хўжанд ва Ўратепани Кўқон хонидан тортиб олиб, Шаҳрисабз, Китоб, Яккабоғ бекликларини ҳам ўзига бўйсундирди ва 1842 йилда Кўқон хонлигини эгаллашга муваффак бўлди. У ерда Кўқон хони Муҳаммад Алихонни оила аъзолари билан ва шоира Нодирабегимни ҳам ваҳшийларча қатл эттириди.

Бу пайтда Хива хони Оллоқулихоннинг Бухоро ҳудудига бостириб кирганлиги хабарини эшитган Амир Насрулло ўз қўшинларини Хива хонлиги ерларига олиб келиб, Хазораспни қамал қилди, аммо мағлубиятга учради. Шундай оғир шароитда ҳам Амир Насрулло Бухоро амирлиги вилоятларини бирлаштириш учун курашни давом эттириди. Бу кураш 30 йил давом этди. Шаҳрисабз беклигини бўйсундириш учун Амир Насрулло 32 марта юриш қилиб, 1856 йилдагина ўз мақсадига эришди. Шундай қилиб, Бухоро ҳудудларини тўла бўйсундирган Амир Насрулло Бухоронинг сўнгти мустақил ҳукмдори бўлиб қолди.

Манғитлар сулоласи ҳукмронлиги даврида давлат тизимида анчагина ўзгаришлар амалга оширилди. Амир олий ҳукмдор бўлиб, давлат ҳаётига тегишли сиёсий, иқтисодий, диний ва бошқа барча масалалар унинг қўлида эди. Марказий ижроий ҳокимият сарой аъёнларидан ташкил топган бўлиб, Аркда жойлашган эди. Давлат бошқарувида бош вазир-қушбеги, девонбеги, парвоначи, оталиқ, додҳоҳ, худайчи, мирзабоши каби сарой аъёнлари ва шайхулислом, қозикалон каби диний раҳбарларнинг

мавқеи катта бўлган. Маҳаллий бошқарув амир томонидан тайинланган вилоят беклари ва унинг кўл остидаги миршаббоши, солиқ йигувчи амалдорлар, қози, раис, қишлоқ оқсоқоллари қўлида бўлган.

Манғитлар сулоласи даврида амирлик 30 та беклик ва туманлардан иборат маъмурий бирликлардан ташкил топган. Ҳар бир беклик ҳокими хирожнинг бир қисмини амирга юбориб турган.

Бухоро амиргигида ерга эгалик муносабатлари иқтисодий ҳаётда катта аҳамиятга эга бўлиб, ер эгалигининг давлат, хусусий, вакф каби турлари бўлган. Қишлоқ аҳолисининг катта қисми ерсиз дехқонлар бўлиб, улар ижарага ер олиб ишлаганлар. Шаҳар аҳолисининг асосини ташкил қилган ҳунармандлар ҳаёти ҳам оғир солиқлар сабабли жуда қийин кечган.

XVIII аср охири XIX аср биринчи ярмида Бухоро аҳолисининг умумий сонига оид аниқ маълумотлар йўқ бўлиб, тахминан 2 млн. атрофларида бўлган. Уларнинг кўпчилигини ўзбеклар, шаҳар ва баъзи қишлоқларда тоҷиклар, жанубий-гарбий туманларда кўчманчи туркманлар, кам сонли араб ва яхудийлар ташкил этган.

Бухоро амиргигида деҳқончилик, чорвачилик, ҳунармандчилик, савдо-сотик соҳалари катта аҳамият касб этган. Аҳолидан хирож, закот, бож, тўла, яксара, нимсара каби солиқлар ундириб олинган.

XVIII асрнинг иккинчи ярмида Россия-Бухоро савдо ва дипломатик алоқалари анча ривожланди. Бунда 1774-1776, 1779-80 йилларда Эрназар Мақсудов бошчилигида ва 1797 йилдаги Полвонқули кўрчи элчиликлари катта аҳамият касб этди. XIX аср бошларида Россия-Бухоро алоқалари анча фаоллашди. Бу XIX асрнинг 20-йилларида Ўрта Осиёга суқилиб киришга ҳаракат қилаётган инглизлар билан руслар ўртасидаги рақобатнинг кескинлашувига олиб келди. Амирлик қўшни хонликлар, Афғонистон, Хиндистон, Эрон давлатлари билан ҳам савдо алоқалари олиб борди. Йирик савдо-сотик маркази бўлган Бухорода 1848 йилда 38 та карвалонсарой, 9 та тим ва кўплаб бозорлар мавжуд бўлган.

Бухоро шаҳри амирлик даврида ҳам ислом динининг маркази ҳисобланган. Бу даврда бошлангич таълим мактаби ва олий таълим берувчи мадрасалар фаолияти ҳам анча юксалди. Бу ерга нафакат Ўрта Осиёдан, балки Волга бўйлари, Шимолий-Фарбий Ҳиндистон, Афғонистон ва бошқа мамлакатлардан ҳам билим олиш учун талабалар келишар эди. Бу пайтда Бухоро амирлигининг ҳар битта шаҳрида мадрасалар бўлиб, Бухоро шаҳрининг ўзидаги 103 та мадрасадан 60 таси асосий таълим маскани сифатида машҳур бўлган. Мадрасада ўқитиши З босқичда амалга оширилган бўлиб, унинг барча харажатлари, мударрислар ва бошқа хизматчиларнинг маоши, талабалар нафақаси, кутубхона харажатлари ва бошқалар мадрасага бириттирилган вакф ерларидан келадиган даромад ҳисобига қопланган. Мадрасада фикҳ, шариат асослари, адабиёт, тил, тарих, фалакиёт, мантиқ, фалсафа, математика фанлари ўқитилган бўлса ҳам, дунёвий таълимга нисбатан диний-аҳлоқий таълим беришга асосий эътибор қаратилган.

XIX аср адабий ҳаётининг кўзга кўринган намояндалари — Мирзо Содик Мунший, шоир Ҳозик, шоир Мужрим, Муҳаммад Шариф Шавқий, Мулла Курбон Хиромий, Аҳмад Дониш (1827-1897), Очилди Мурод Мери Каттақўргоний (1830-1899) ва бошқалар ўз асарлари билан адабиёт ривожига катта ҳисса қўшганлар.

Мангитлар хукмронлиги даврида ҳам ўрта аср тарих-навислигининг етакчи анъаналари сақланиб қолганлигини қўйидаги асарларда кўрамиз: Мулло Ибодулло ва Муҳаммад Шарифларнинг “Тарихи амир Ҳайдар” ва “Дастони амирони мангит”, Миролим Бухорийнинг “Фатхномаи-султоний”, Мирзо Абдулазим Сомийнинг “Тарихи салотини мангития”, “Даҳмаи шоҳон” каби асарлари, Муҳаммад Шариф ибн Муҳаммад Накининг “Тожу тавориҳ” асари, Аҳмад Донишнинг “Мангитлар хонадони хукмдорлари тарихидан қисқача рисола” асари ва Мирзо Содик Муншийнинг “Тарихи силсилоти мангития” (“Мангит хукмдорлари тарихи”) асарлари мангит амирлари тарихи хақидаги бирламчи манбалардир.

XVIII асрнинг иккинчи ярми XIX аср биринчи ярмидан Бухоро амирлиги меъморчилиги ўзига хос услубда ривожланди. Бу даврда амирликнинг бир қанча шаҳларида масжид ва мадрасалар бунёд этилди. Бухоро шаҳрида қурилган Домулло Турсунжон (1796-1797) мадрасаси, Худойдод меъморий мажмуаси (1777-1855), Эрназар элчи мадрасаси (1795), 1807 йилда қурилган Чорминор мажмуаси, Қаршида қурилган Мир Муҳаммад мадрасаси каби меъморий ёдгорликлар ўзбек халқининг ноёб маданий меросидир.

## Хива ҳонлиги

Амударёning куйи оқимида жойлашган, қадимий дехқончилик марказларидан ҳисобланмиш Хоразм XIV аср охирларидан XVI аср бошларига қадар темурийлар давлати таркибида бўлган. 1505 йилда Шайбонийхон Хоразмга юриш қилган пайтда у ерда ҳукмронлик қилаётган Чин Сўфи расман Ҳусайн Бойқарога қарам эди. Шунинг учун ҳам хоразмликлар темурийлардан ёрдам умид қилиб 10 ой шаҳарни мудофаа қилдилар. Хоразмда Шайбонийхон ҳукмронлиги узоқ чўзилмади. У 1510 йилда Шоҳ Исмоил томонидан ўлдирилгач, Хоразм эроний сафавийлар қўл остига ўтди. Шоҳ Исмоил Хоразм шаҳарларини бошқариш учун юборган доругаларининг иктиносидий, диний ва миллий зулмига қарши аҳоли кенг қатламларининг чиқишилари бошланди.

Абулғозихоннинг “Шажараи турқ” асарида ёзилишича, Вазир шаҳрида яшовчи Умар деган кекса олим эроний қизил бошлиларга қарши курашни ташкил қилиб, унга ўзи бошчилик қилган. Хоразмликлар икки йил деганда эронийларни ўз юртларидан ҳайдаб чиқардилар. Машҳур Сайдота авлодларидан бўлган Сайд Хисомиддин ташаббуси билан Шайбон уруғидан бўлган Берка сultonнинг ўғли Элбарсхон Вазир шаҳрига таклиф қилинди. Элбарсхон таклифни қабул қилиб, Вазирга келаётганини эшитган халқ шаҳардаги эронийларни қириб ташлашди.

Элбарснинг Вазир шаҳрига кириб келиши билан 1512 йилда Хоразмда ўзбек султонлари ҳокимияти ўрнатилди.

Элбарсхон (1512-1525) Урганч ва Хива шаҳарларидан эронийларни ҳайдаб чиқариб мустақил хонликка асос солади. У билан бирга Дағти Қипчоқдан Хоразмга келган халқлар ўтроқлаштилар. 1524 йилда шоҳ Исмоил вафотидан кейин хоразмликлар Туркманистоннинг жанубий қисмини, Эрон шимолидаги Сарахс ҳудудларини, Орол ва Мангит-қишлоқни эгаллашти. Янги ерларни Элбарсхон ўз ўғиллари ва укаси фарзандларига бўлиб берган эдики, бу мустақилликка интилган майда ҳокимликларнинг пайдо бўлишига олиб келди. Натижада, қўшниси ерига кўз олайтирган ҳокимлар ўртасида узлуксиз ўзаро низолар келиб чиқди ва Элбарсхон вафотидан кейин хонларнинг тез-тез алмашти туришига олиб келди. XVI асрда Хоразмни Элбарсхон авлодларидан Сўфиёнхон, Аванешхон, Ақатойхон, Дўстхон, Ҳожимхон каби хонлар бошқарганлар.

Битта хонадон вакиллари бўлган Берка султон ва Шайбонийхон авлодлари ўртасидаги ўзаро низо эндиликда Бухоро ва Хоразм ҳукмдорлари ўртасидаги жанжалларга сабаб бўлди. Элбарсхоннинг бешинчи вориси Аванешхон (1526-1538) даврида Шайбоний Убайдулла султон (1533-1539) Хоразмни босиб олиб, 1537 йилда ўғли Абдулазизни у ерга ноиб қилиб қолдирди. 1538 йилда Хоразм султонлари яна ҳокимиятни қайтариб олдилар. Хоразм ерлари учун Ҳожимхон (1558-1602) даврида Абдуллахон II (1557-1598) бир неча марта юриш қилди. 1575 йилда бошланган ўзаро урушлар натижасида Абдуллахон II 1593 йилдагина Хоразмни ўзига буйсундирди. 1598 йилда Абдуллахон вафоти билан шайбонийлар давлатида авж олган ўзаро низо ва тартибсизликдан фойдаланиб, Хоразм ўз мустақиллигини узил-кесил тиклаб олди.

XVI асрнинг 70-йилларида Хоразм пойтахти Урганчдан Хива шаҳрига кўчирилди. Унга Амударё ўзанининг ўзгариб, Каспий денгизига оқмай қўйганлиги сабаб бўлди. Бу ҳолат Хоразм иқтисодиётига салбий таъсир кўрсат-

ган. Шу даврдан бошлаб Хоразм давлати Хива хонлиги деб атала бошлаган.

XVII аср бошларига келиб, Хоразм тахти учун бўлган сулолавий курашлардан сўнг тахтга ўтирган Араб Мұхаммадхон (1602-1621) даврида Хива хонлигидаги давлат парокандалиги юқори чўққига етди. Рус казаклари, қозоқлар ва қалмиқлар талончилик юришлари қилиб мамлакат аҳолисининг тинчини бузишга сабаб бўлган бўлса, мамлакат ичидаги мавқеи қучайган дарвеш шайхлари таъсиридаги Араб Мұхаммаднинг ўғиллари Ҳабаш ва Элбарсларнинг отасига қарши чиқиши парокандаликни авж олдирди. Улар отасига қарши курашда муваффақият қозониб, унинг кўзига мил тортдилар, сўнгра Хивада қатл эттирилар. Шундай қилиб тахтга ўтирган Элбарс ва Ҳабаш султонлар (1621-1623) укалари Исфандиёр (1623-1643) томонидан тахтдан туширилдилар.

Туркманлар ёрдами билан тахтга чиққан Исфандиёр даврида мамлакат сиёсий ҳаётидаги кескинлик сақланиб қолди. Орол бўйидаги ўзбек қўнғиротлари Исфандиёрга бўйсунмай қўйишиди. Туркманлар хонлик сиёсий ҳаётига кўпроқ таъсир эта бошладилар.

Хоразм тарихида йирик давлат арбоби ва тарижнавис ижодкор сифатида ўз ўрнига эга бўлган Абулғозихон (1643-1663) акаси Исфандиёр вафотидан кейин тахтни эгаллади. У оғир ҳаёт йўлини босиб ўтди. Акалари Элбарс ва Ҳабашхонлар исёни даврида Бухоро хони Имомқулихон саройида яшади. Исфандиёр тахтни эгаллагач, 1623 йилда Урганч ҳокими бўлди. Акаси билан келиша олмай Туркистон ҳокими Эшимхон ҳузурига борди ва унинг вафотидан кейин 2 йил Тошкентда яшади. Бухоро хонлиги орқали яна Хоразмга келгач, акаси Исфандиёр уни Эрон шохи ҳузурига гаров тариқасида жўнатди. 10 йил тутқинликда бўлган Абулғози 1639 йилда Эрондан яширинча чиқиб, Орол ўзбеклари олдига келди ва онаси вафотидан кейин қўнғирот ўзбекларининг ёрдами билан ҳокимиятни қўлга киритди. Унинг ҳукмронлиги даврида марказий ҳокимият нисбатан қучайди. Туркман, қалмиқ-

ларга қарши муваффақиятли уруш олиб борган Абулгозихон Бухоро хонлиги ҳудудларига ҳам талончилик юришлари қилди. Хива аскарлари Чоржүй, Варданза, Қоракўл, Карманагача бўлган ерларни бир неча бор талашди. 1662 йилда Абдулғози Бухоро хони билан сулҳ тузди.

Лекин унинг Ўғли Анушахон (1663-1687) даврида ҳам Бухоро ва Хива ўртасидаги урушлар давом этди. Бу даврда Хива қўшинлари Бухоро, Самарқанд, Қаршига хужум қилиб турдилар. 1685 йилда Фиждувон яқинидаги мағлубиятдан кейин Бухоронинг Хивадаги таъсири кучайди. Субҳонқулихон Анушага қарши фитна уюштириб, унинг ўғли Эрнакка таҳтни эгаллашга ёрдам беради. Отасини кўр қилиб, таҳтни эгаллаган Эрнак (1687), ҳокимиятни узоқ вақт сақлаб қола олмади. Субҳонқулихон Хивадаги тарафдорлари ёрдамида таҳтга Шоҳниёзни (1688-1702) ўтқазиб, амалда Хивани вассал давлатга айлантириди.

Шоҳниёз хонлик мақомига эга бўлгач, ўз ҳомийсидан юз ўғириб, мустаҳкам таянч қидириб, Россия ҳукмдори Петр I га хат йўллайди ва Хивани Россия таркибиға қўшиб олишни сўрайди. 1703 йилда рус подшоси Хиванинг Россия ҳудудига қўшиб олингани ҳақида ёрлиқ жўнатади. Лекин 1702-1715 йилларда хонлик қилган Араб Мұҳаммад бунга аҳамият бермади. Бу рус подшосининг Ўрта Осиёга эътиборини қаратди, холос. У Хива хонлигини расман тобе қилиш мақсадида Александр Бекович-Черкасский раҳбарлигида Хивага ҳарбий экспедиция тайёрлади.

Араб Мұҳаммад ва унинг вориси Шерғозихон (1715-1728) даврида хонликдаги сиёсий низолар мамлакатнинг иқтисодини ҳам издан чиқарди. Шерғозихон олти минг рус аскари билан 1717 йилда хонлик ҳудудига кириб қолган рус ҳарбий экспедициясини яхши кутиб олди. Унинг маслаҳати билан Бекович-Черкасский қўшинларини З га бўлиб жойлаштириди. Қулай вазиятдан фойдаланган хиваликлар рус қўшинларини бутунлай қириб ташлашди. Натижада, рус ҳарбий экспедицияси самарасиз якунланди.

Ташки хавф бартараф этилгач, хиваликларнинг ўзаро низолари давом этди. 1728 йилда ҳокимиятни қўлга олган

Элбарсхон (1728-1740) ички низоларни бостириб, қўшни худудларга босқинчиллик юришларини уюштира бошлади. Хива қўшинларининг босқинчиллик юришлари ва уларнинг Бухоро хонларига берган ёрдамлари туфайли 1740 йилда Эрон шохи Нодиршоҳ Хоразмни бутунлай ўзига бўйсундирди. 1741 йилда кўтарилиган қўзголон сабабли Хива эронийлар зулмидан озод бўлди. Лекин Нодиршоҳнинг ўғли Насрулло катта қўшин билан Хоразмга келгач, Нураги-хон (1741) таҳтни ташлаб қочди ва эронийлар 1747 йилга қадар Хива хонлигига ҳукмронлик қилдилар.

1747 йилда қозоқ султони Гаибхон таҳтга ўтқазилди (1747-1757). Унинг даврида қозоқ султонларининг мавқеи ошиши Хивада қўзголон кўтарилишига сабаб бўлди. 1757-1758 йилларда Хива таҳтини унинг укаси Абдуллахон бошқарган. Хива хонлигидаги сиёсий парокандаликдан фойдаланган Бухоро ҳукмдори Муҳаммад Раҳимбий ўз одами Темур Фозихонни (1758-1763) Хива таҳтига ўтқазди. Шу даврдан бошлаб Хива хонлигига қўнғиротлар уругининг мавқеи мустаҳкамланиб борган.

Абулғозий кейинчалик, Эрондан қочиб келгач, уларнинг уруғ бошликларига “иноқ” унвонини беради. Шу даврдан бошлаб Хива хонлигига қўнғирот уруғларининг мавқеи ортиб борган. XVIII асрнинг 60-йилларидан бадавлат шаҳарликлар ва руҳонийларнинг қўллаб-қуватлашишига эришган қўнғирот уруғлари Хива хонлигига ҳокимиётни қўлга ола бошлайдилар.

Иноқ Муҳаммад Амин (1763-1790) 1770 йилда туркманларнинг, 1782 йилда бухороликларнинг ҳужумини қайтариб, Хива хонлигига қўнғиротларнинг амалдаги ҳокимиётини мустаҳкамлайди. Аваз Иноқ (1790-1804) даврида Хива хонлигига марказий ҳокимиёт мустаҳкамланиб, хонликдаги иқтисодий аҳвол яхшиланди. Бу XIX аср бошларида қўнғиротлар сулоласининг ҳокимиётни расман эгаллашларига замин бўлди. 1804-1806 йилларда ҳукмронлик қилган Элтузархон иноқ Хива таҳтига ўтирган қўнғиротлар сулоласининг биринчи хони ҳисобланади. Унинг

вориси Мұхаммад Раҳимхон I (1806-1825) Хива хонлигини бирлаштириши ниҳоясига етказди. 1811 йилда бўйсунмас оролликлар — қорақалпоқларни ҳам Хива таркибига қўшиб олди. У ўтказган сиёсий, иқтисодий, маъмурий ислоҳотлар натижасида бошқарув тизими такомиллашиб, солиқлар тартибга тушди. Хазина даромадлари кўпайди.

Оллоқулихон (1825-1842), Раҳимқулихон (1842-1845) ва Мұхаммад Аминхон (1845-1855) даврларида Хива кўшинларининг Ҳурсонга юришлари кучайди, Марв шаҳри учун Бухоро амирлиги билан тез-тез урушлар бўлиб турди. Хива хонлари бу даврда Сирдарёнинг Орол денгизига қўйиладиган жойидан Туркманистон худудидаги Күшкагача бўлган ерларни бошқарганлар. 1855 йилда Серахси қамал қилиш пайтида Мұхаммад Аминхоннинг ҳалок бўлиши мамлакатда парокандаликнинг бошланишига сабаб бўлди. Абдуллахон (1855-1856), Қутлуғмуродхонлар (1856) 6 ойдан кўп ҳукмронлик қиласларидан Ӯлдирилдилар. 1856 йилда таҳтни Саид Мұхаммадхон (1856-1864) эгаллади. У бўйсунмас туркманлар ва қорақалпоқларга қарши уруш уюштирганлиги натижасида бу ҳалқларнинг қўпчилиги қўчиб кетдилар. 1859 йилда Мұхаммад Паноҳ Оренбургдан ёрдам олиб, Орол бўйида мустақил давлат тузиш учун қилган ҳаракати бостирилди. Хиваликлар томонидан дарёга тўсиқ қўйилиши натижасида Бутаков флоти қорақалпоқларга ёрдам бера олмади.

Хива хонлигидаги сўнгги мустақил ҳукмдор — Феруз таҳаллуси билан ижод қилган Мұхаммад Раҳимхон II (1864-1910) бўлди. Унинг даврида хонликнинг сиёсий, иқтисодий, маданий жиҳатдан юксалиши қўзга ташланади. Лекин 1873 йилда Россия Хива хонлигини босиб олди ва Мұхаммад Раҳимхон II ва Кауфман имзолаган Гандимиён шартномасига кўра Хива хонлиги Россияга қарам давлатга айланиб қолди.

Хива хонлиги бошқарув тизими, асосан, Бухоро ва Қўқон давлатларида гидек бўлиб, фарқи XIX аср бошларида Хон ҳузурида Кенгаш (Девон) бўлган. Энг юқори

амалдорлар аъзо бўлган кенгаш ваколати чекланган бўлиб, асосий қарорлар хон томонидан қабул қилинган бўлса-да, амалдорларнинг хонлик бошқарувидаги мавқеи баланд бўлган. Мансаб ва унвонлар хонликларда ҳарбий-маъмурӣ, ҳарбий ва диний тоифаларга бўлинган. Иноқ, оталик, бий, амир ул-умаро, меҳтар, күшбеги, беклар беги, девонбеги ва бошқа унвон ва мансаблар хонлик иқтисодий, сиёсий, молиявий, ҳарбий ҳаётида муҳим ўрин тутган. Хонликда суд ишлари, асосан, диний уламолар қўлида бўлиб, уларнинг мамлакат ҳаётида таъсири кучли бўлган.

Хонликда давлат тили ўзбек тили бўлиб, Бухоро ва Кўқондан фарқли ўлароқ барча фармонлар, давлат ҳужжатлари фақат ўзбек тилида ёзилган.

Ижтимоий ҳаётда хон ва унинг амалдорлари, диний уламоларнинг мавқеи юқори бўлиб, иқтисодий ҳаётнинг асосини ташкил қилувчи ер ҳам асосан улар қўлида бўлган. Кам ерли ва ерсиз дәжқонлар улардан ижарага ер олиб ишлаганлар ва аҳволи жуда оғир бўлган. Сунъий суғоришга асосланган дәжқончилик мамлакат иқтисодида муҳим ўрин тутгани учун Амударёдан чиқарилган каналларни қазиши давлат аҳамиятига молик иш ҳисобланган. Шунингдек, чорвачилик, ҳунармандчилик, савдо-сотиқ ҳам иқтисодий ҳаётда муҳим ўрин тутган.

Хонлик ҳарбий қўшини ва қурол аслаҳаси аҳволи жуда паст даражада бўлган. Қўшинни кўпроқ яrim кўчманчи туркманлар ташкил этган. Олдинги даврлардаги ҳарбий соҳадаги ижобий тажрибалар ривожлантирилмай ташлаб қўйилган.

Хива хонлиги Бухоро, Кўқон, Эрон ва Россия каби қўшни давлатлар билан савдо-сотиқ ишларини олиб борган. Солиқлар барча мусулмон давлатларида гидек хирож, закот, бож ва жизъядан иборат бўлган. Шу билан мажбурий меҳнатнинг баъзи турлари амалга оширилган.

Хива хонлигига ҳам адабиёт, тарихнавислик, меъморчилик бир мунча ривожланган бўлса ҳам, табиий ва техника фанларига, дунёвий илмларга эътибор қаратилмаган.

Бошлангич мактабда ўқиши-ёзиши ўрганган болалар мадрасаларда ўқитилган. XIX асрда Хива хонлигиде 1500 та яқин бошлангич мактаб ва 130 та мадраса мавжуд бўлган. Хива шаҳрининг ўзида 22 та мадраса бўлган. XIX асрда Хива хонлигиде адабиёт, тарихнавислик, ҳаттотлиқ, мусиқа санъати, меъморчилик ва маданиятнинг бошқа соҳаларида катта ютуқлар кўлга киритилган.

Шермуҳаммад Мунис, Хоразмий, Муҳаммад Ризо Эрни-ёзбек ўғли Оғаҳий, Феруз, Комил Хоразмий, Камрон, Баёний, Хусравий, Муродий, Рожий, Мутриб, Лаффасийлар асарлари ўзбек адабиёти ривожида ўзга хос ўринга эга.

Танбур чизиги нотасини яратган Комил Хоразмий “Макоми Ферузшоҳий” асари ва “Панжгоҳ” макоми билан ўзбек мусиқа санъати ривожига катта ҳисса қўшди.

Абулғозийхон “Шажараи Турк”, “Шажараи тарокима” асарлари билан Хоразм тарихнавислик мактабини бошлаб берган бўлса, Мунис ва Оғаҳийлар тарихнавислик ва таржимонлик мактабини яратиб, “Фирдавс ул-иқбол”, “Зубдат ут-таворих”, “Риёз уд-давла”, “Гулшан ул-давлат”, “Жомийъ ул-воқеоти султоний”, “Шоҳид ул-иқбол” асарлари билан тарих соҳасини ривожлантирилар. Баёнийнинг “Шажараи хоразмшоҳий”, “Хоразм тарихи” асарлари юқоридаги асарлар каби Хива хонлиги тарихини ўрганишда асосий манбалар ҳисобланади.

Ҳозирги Хива шаҳрида сақланиб қолган қадими меъморчилик иншоотлари, асосан, хонликлар даврида қурилган бўлиб, энг қадимиysi XVI асрда қурилган Сайид Ота мақбарами бўлса, энг кейингиси XX аср бошларида қурилган Нуриллабой саройидир. Иchan қалъадаги ўнлаб иморатларнинг кўпчилиги XIX асрда қурилган бўлиб, улар халқимиз буюк заковатининг бир қисми сифатида қад кўтариб турибди.

## Кўқон хонлиги

XVIII аср бошларида Бухоро хонлигидаги сиёсий парокандалик унга расман қарам бўлган Фарғона водийсига

ҳам ўз таъсирини кўрсатди. 1709 йилда Чодак хўжалари исён кўтариб, Фарғонанинг бир қисмини эгаллаб олиб, мустақил давлат тузилганлигини эълон қилдилар. 1710 йилда водийда анча кучли таъсирга эга бўлган, ўзбекларнинг минг уруғи бошлиғи Шоҳруҳбий (1710-1721) ҳокимиятни қўлга олди. Шоҳруҳбий ўз хукмронлиги даврида Кўқон, Наманган, Марғилон, Конибодом, Исфара атрофларини бўйсундириб, ўз ҳокимиятини мустаҳкамлади. Унинг вориси Муҳаммад Абдураҳимбий (1721-1733) Хўжанд, Ўратепа, Самарқанд, Жиззах, ҳатто Шахрисабзни ўзига бўйсундириб мамлакат ҳудудларини анча кенгайтирди. Шу билан бирга, у қурдира бошлаган шаҳар дастлаб “Қалъаи Раҳимбий” деб аталди. Абдураҳимбийнинг бевақт вафоти сабабли укаси Абдулкаримбий (1733-1750) шаҳар қурилишини якунлаб, Тепакўрғондан пойтахтни янги шаҳарга кўчирди ва Эски ўрда деган жойида ўрда-қалъа қурдиради.

Ўш, Андижон, Марғилонни эгаллаган қалмоқлар 1745 йилда Кўқонни қамал қилганда Абдукаримбий Ўратепа ҳокими Фозилбек ёрдами билан қалмоқларни мамлакат ҳудудидан ҳайдаб чиқариб, давлат мустақиллигини сақлаб қолди. Қалмоқлар гаров тариқасида Муҳаммад Абдураҳимбийнинг ўғли Бобобекни олиб кетишади. Абдукаримбий вафотидан кейин хонлар тез-тез алмаштирилади. 1750-1754 йилларда Абдураҳмонбий (1750-1751), Эрдонабий (1751-1753), Бобобек (1753-1754) хонлик қилганлар. Ниҳоят, 1755 йилда Эрдонабий 2-марта ҳокимиятга келгач, хонлик анча мустаҳкамланди. У Ўш ва Ўзганинг бўйсундириб, 1758-1759 йилларда Шарқий Туркистонга ҳам юриш қилган. Бу даврда Кўқон хонлиги Бухора ва Хитой билан тенгма-тенг курашадиган давлатга айланди. Лекин Эрдонабий даврида олиб борилган урушлар меҳнаткаш халқнинг аҳолини анча оғирлаштириди. Эрдонабий 1769 йилга қадар таҳтни бошқарган. Ундан кейин таҳтга ўтирган Сулаймонбек бор йўғи 6 ой хонлик қилди.

Кўқон хонлигини 1770-1800 йилларда бошқарган Норбўтабек марказий ҳокимиятни мустаҳкамлаш ва бўйсун-

мас ҳокимлар қаршилигини бостиришда бир мунча муваффакият қозонди. У Чуст ва Наманган ҳокимларининг ўзбошимчаликларини тугатиб, қўзголон кўтарган Хўжанд шахрини бўйсундирди ва уни хонликка бутунлай қўшиб олди. Лекин 1799 йилда унинг Тошкентни эгаллаш учун юборган қўшини мағлубиятга учради. Унинг ҳукмронлиги даврида олинган мўл ҳосил натижасида халқ фаровонлиги бир мунча яхшиланди, Хитой ҳукмдорлари Норбўтабек мустақил хон эканлигини тан олган. Унинг вориси Олимхон (1800-1810) даврида Қўқон хонлигининг сиёсий қудрати мустаҳкамланди. Ҳарбий ислоҳот ўтказиб, қўшинни анча мустаҳкамлаган Олимхон Ангрен воҳасини, Тошкент, Чимкент ва Туркистонни ўзига бўйсундирди. Натижада, Қўқон савдогарлари Россия билан бевосита савдо қила бошладилар. 1805 йилдан Қўқон хонлигидаги ҳукмдорлар расман хон деб юритила бошладилар. Бунгача улар “бий” ва “бек” деб аталардилар.

Олимхон исён кўтарган Тошкентни бўйсундириш, Ўратепани эгаллаш ва босиб олинган худудларда ўз мавқени мустаҳкамлаш учун тинимсиз урушлар олиб борди. У Ўратепани бўйсундириш учун 10 дан ортиқ юриш қилган. Олимхон олиб борган сиёсат бутун халқнинг Олимхондан норозилигига олиб келди ва бу фитнага сабаб бўлди. Олимхон 1810 йилда укаси Умархоннинг таҳтга чиқарилганини эшитиб, Қўқонга кетаёттанида Олтиқуш деган жойда фитначилар томонидан ўғли Шоҳруҳхон билан бирга отиб ўлдирилади.

Ўзини амир деб атаган Умархон (1810-1822) даврида сиёсий жараён мураккаблашиб, Чимкент, Туркистон ва бошқа шаҳарларда галаёнлар кўтарилди. Давлатни бошқаришда йирик ер эгалари, диндорлар, ҳарбий саркардалар манфаатини ҳимоя қилиб, улар билан иттифоқда бўлган Умархон бу галаёнларни бостириб, хонлик худудини парчаланишдан сақлаб қолди. Узоқ уринишлар натижасида 1817 йилда Ўратепани босиб олди. Россия билан алоқаларни мустаҳкамлади. 1818 йилда Умархон “Амир ул-муслимин” унвонини олиб хонлиқдаги диний ҳокимиётни ҳам эгаллади. Амирий таҳаллуси билан шеърлар

ёзган Умархон даврида Кўқонда адабиёт, шеърият юксалди. 1822 йилда Умархон касалланиб вафот этди.

Умархоннинг ўғли Муҳаммад Алихон (1822-1842) ҳукмронлигининг дастабки йилларида Кўқон хонлигининг ерлари анча кенгайди. У 1826-1831 йилларда Қашгарга бир неча марта юриш қилиб, у ердаги Хитой ҳукумати билан ўзи учун фойдали шартнома имзолаган бўлса, 1834 йилгача Кўқон қўшинлари Қоратегин, Кулоб, Дарвоз вилоятларини босиб олган. Ички сиёсатда Мадалихон хонлик ҳаётида катта таъсирга эга бўлган, отаси томонидан қўллаб-қувватланган йирик амалдорларни сургун қилди, кўпчиликни қатл қилдирди. Бу ҳолат хонликда ундан норози бўлган кучларнинг бирлашишувига, душманларининг кўпайишига сабаб бўлди. Муҳаммад Алихоннинг Шарқий Туркистон ва Олтой тоғлари ортида қўлга киритган ғалабаси сабабли хушомадгўйлари уни “ғозий” деб улуғлашгани билан мамлакатда ундан норозилар кўпчиликни ташкил қилас әди. Муҳаммад Алихоннинг шариатга зид аҳлоқий бузуқликлари ҳам унга қарши айбнома бўлди. Натижада, хонга қарши фитна тайёрлана бошлианди. Лекин фитначилар ўз кучларига ишонмай, 1839 йилда Бухоро амири Насруллодан ёрдам сўраб, хоннинг устидан шикоят қилишди. Амир Насруллонинг Мадалихонни “кофир” деб фатво жўнатиши 1840 йилда Кўқон ва Бухоро ўртасидаги урушга баҳона бўлди. Аслида, Бухоро ва Кўқон чегара шаҳарлар учун тинимсиз урушлар олиб боришган. Бу урушда Мадалихон қўшинлари маглубиятга учраб, унинг ўзи Бухоро ҳукмронлигини тан олишга ва Ҳўжандни топширишга мажбур бўлди. 1842 йилда Кўқон хонлигига кўтарилган қўзғолондан фойдаланиб, амир қўшинлари Кўқонни эгаллашди ва Насрулло Мадалихонни оила аъзолари билан тутиб келтириб, унинг ўзини, онаси — шоира Нодирабегимни, катта ўғли Муҳаммад Аминни, укаси Султон Маҳмудни ва бошқаларни қатл эттирди. “Қассоб амир” Кўқон хонлигининг Бухоро амирлигига қўшиб олинганини эълон қилиб, Иб-

роҳим додхони Кўқонга нойиб этиб тайинлади. Кўп ўтмай Тошкент ҳам Бухорога бўйсундирилди.

Лекин бухороликларнинг талончилик сиёсати халқнинг норозилигига сабаб бўлди ва орадан уч ой ўтгач, қипчоқлар мададига таянган қўқонликлар Бухоро амалдорларини ҳайдаб, Норбутабийнинг укаси Шералихон (1842-1845)ни таҳтга ўтқаздилар. У шаҳарни мустаҳкамлади. Натижада, Бухоро қўшинлари Кўқонни 40 кун қамал қилиб, қўлга ололмагач, қайтиб кетишга мажбур бўлдилар. Кўп ўтмай Хўжанд ўз ихтиёри билан Кўқон хонлигига қўшилди ва Тошкент ҳам қайта эгалланди, хонлик ҳудудлари қайта тикланди. Бу жараёнда алоҳида хизмат кўрсатган қипчоқлар хонликда юқори мавқега эга бўла бошлайдилар. 1845 йилда Кўқон таҳти даъвогарларидан бири Муродхон амир ёрдами билан таҳтни эгаллаб, бор йўғи 8 кун хукмронлик қилди. Бу сиёсий ўйинни кузатиб турган амири лашкар Мусулмонқул ўз қизини унинг ўғли 13 ёшли Худоёрхонга никоҳлаб берди ва Муродхонни фитначи сифатида қатл қилдириб, куёвини Кўқон хони деб зълон қилди.

Худоёрхон (1845-1858; 1863 (4 ой), (1865-1875 йи.) ёш бўлганлиги сабабли хонликдаги бошқарув Мусулмонқул бошлиқ қипчоқлар қўлига ўтди. Саройда чексиз ҳокимиyatга эга бўлган, бош вазир, биринчи амалдор Мусулмонқулнинг ўз мавқеидан шахсий манфаатлари йўлида фойдаланиши 1853 йил охирларигача давом этиб, бу ҳолат хонликда кўпчиликнинг норозилигига сабаб бўлди. Ўратепа, Хўжанд, Марғилон ҳокимлари Тошкент ҳокими Нурмуҳаммад бошчилигига Мусулмонқулга қарши гурӯҳ ташкил этишди. 1852 йил февраль ва июнь ойларида Мусулмонқул Тошкентга катта қўшин билан юриш қилди. Лекин июнь ойидаги жангда қайин отаси васийлигидан норози бўлган Худоёрхон қўзғолончилар томонга ўтди. 1853 йил кузига келиб Мусулмонқул ҳам қўлга олиниб қатл этилди. Бу пайтда рус қўшинлари хонлик сарҳадларига бостириб кириб, Оқмачит, Жўлак, Кумушқўронни босиб олаётган эди. Россия билан Кўқон уруш ҳолатига

Ўтди. Россиядек ташқи душман хонлик сарҳадларига ҳавф солиб турган бир пайтда хон амалдорлари, хонлар бирлашиш ўрнига улар орасидаги ўзаро қураш, фитна авж олди. Натижада, Қўқон хонлиги ҳудудлари чет эл босқинчиларининг зулми остига тушиб қолди. 1876 йилда Қўқон хонлиги тугатилди.

Миразиз бин Мұхаммад Ризо Марғилонийнинг “Тарихи Азизий”, Отабек Фозил ўғлининг “Муфассал Тарихи Фарғона”, Шавқийнинг “Тарихи Туркистон”, Жунайдуллахожа ўғли Ибратнинг “Тарихи Фарғона”, Мұхаммад Солиҳ Тошкандийнинг “Тарихи жадиди Тошканд” каби асарлари Қўқон хонлиги тарихи ҳақидаги мұхим манбалар ҳисобланади. Шунингдек, рус әлчилари, сайёҳлари, ҳарбийлари томонидан ёзилган ҳисоботлар ва архив ҳужжатлари ҳам маълум қимматта эга манбалардир.

Умархон даврида шаклланган ва ривожланган Қўқон адабий мұхити таъсирида яратилган адабиёт ва шеърият намуналари маданият ривожининг қўриниши бўлди. Умархон буйруги билан Фазлий ва Мушрифлар томонидан тузилган “Мажмуат уш-шуаро” номли тазкира XVIII аср охири XIX аср бошларида Қўқонда яшаб ижод қилган ижодкорлар ҳақида мұхим маълумотлар берувчи қимматли асардир. “Девони Ҳувайдо”, “Роҳати дил” асарларининг муаллифи Ҳўжаназар Ҳувайдо, “Ҳапалак”, “Таърифи вилояти Қўрама” каби шеърлар ижодкори Махмур, ҳажвчи шоир Гулханий (у “Зарбулмасал” асари билан машҳур”), Фазлий, Мушриф, Фозий, Содик, Хотиф, Амирий ва бошқалар бу даврнинг қўзга қўринган ижодкорлариридир. Улар қаторида Увайсий, Нодирабегим, Дилшоди Барно, Маҳзуна каби ижодкор аёлларнинг ҳам сезиларли ўрни бор.

Хулоса қилиб айтадиган бўлсак, XVI-XIX асрдаги ўлкамиздаги ижтимоий, маданий ҳаёт кўриб ўтганимиздек ўзига хосликлардан иборат. Бир томондан, адабиёт, тарих, меъморчилик, санъат соҳаларида катта юксалишларни, бетакрор ютуқларни қўлга киритган бўлсак, иккинчи томондан, бирликнинг йўқотилиши, ўзаро низоларнинг авж олиши, табиий ва техника фанларига эъ-

тиборнинг йўқотилиши Ўрта Осиё халқларини нафақат жаҳон таракқиётидан орқада қолишига, балки халқимизнинг чет эл босқинчилари зулми остига тушиб қолишига сабаб бўлдики, бу юртимизнинг 130 йилдан ортиқ қарамликда қолиб кетишига олиб келди.

### **Такролаш учун саволлар**

1. Бухоро хонлигининг ташкил топиши Марказий Осиёдаги геосиёсий вазиятга қандай таъсир кўрсатди?
2. Бухоро хонлигида давлат бошқаруви қандай тамойилларга асосланиб амалга оширилган?
3. Бухоро хонлиги илм-фан, маданиятнинг қайси соҳалари ривожланди ёки аксинча инқирозга учради?
4. Хива хонлигининг ўзбек давлатчилиги тарихида тутган ўрнини аниқлаштиринг.
5. Кўён хонлиги ташкил топишининг ижтимоий-сиёсий сабаблари ва оқибатлари нималарда кўзга ташланади?
6. Ўзбек хонликларининг ўзаро муносабатларида қандай омиллар етакчи ўрин тутган?
7. Ўзбек хонликларининг Россия ҳамда қўшни мамлакатлар билан иқтисодий-маданий ва сиёсий алоқаларида қайси омиллар етакчи ўрин тутган?

### **Адабиётлар**

1. Каримов И.А. Тарихий хотирасиз келажак йўқ. -Т.: “Ўзбекистон”, 1999.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ўзбекистон Конституцияси — биз учун демократик таракқиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганининг 17 йиллигига бағишлиланган тантанали маросимдаги маъруза. //Халқ сўзи, 2009 йил 6 декабрь.
4. Абулғози Баҳодирхон. Шажарайи турк. -Т.: “Чўлпон”, 1992.
5. Аҳмад Доңиш. История династии Мангитов. -Душанбе: “Доңиш”, 1967.

6. Аҳмедов Б. Ўзбекистон халқлари тарихи манбалари. -Т.: “Ўқитувчи”, 1991.
7. Аҳмедов Б. Ўзбек улуси. -Т.: “Нур”, 1992.
8. Аҳмедов Б.А. Тарихдан сабоқлар. -Т.: “Ўқитувчи”, 1994.
9. Заҳириддин Муҳаммад Бобур. Бобурнома. -Т.: “Юлдузча”, 1989.
10. Мавлонов Ў., Маҳкамова Д. Маданий алоқалар ва савдо йўллари. -Т.: “Akademiya”, 2004.
11. Мавлонов Ў. Марказий Осиёning қадимги йўллари. -Т.: “Akademiya”, 2008.
12. Муҳаммад Азиз Марғилоний. Тарихи Азизий. -Т.: “Маънавият”, 1999.
13. Сагдуллаев А. ва бошк. Ўзбекистон тарихи: давлат ва жамият тараққиёти. -Т.: “Академия”, 2000.
14. Саййид Ҳамид Тўра Комёб. Таворих ул-хавонин. -Т.: “Академия”, 2002.
15. Ҳожа Самандар Термизий. Дастур ул-мулук. -Т.: F.Фуломномидаги “Адабиёт ва санъат” нашриёти, 1971.
16. Ҳофиз Таниш Бухорий. Абдулланома. (Шарафномайи шохий). -Т.: “Шарқ”, 1-китоб 1999, 2-китоб 2000.
17. Хива: город тысячи куполов. -Т.: “Шарқ”, 1997.
18. Ўзбекистон тарихи. -Т.: “Университет”, 2003.
19. Ўзбекистон давлатчилиги тарихидан лавҳалар. -Т.: “Шарқ”, 2001.

## **8-мавзу. Ўзбек хонликларининг Россия империяси томонидан босиб олиниши. Мустамлакачилик зулмига қарши миллий-озодлик ҳаракати. Жадидчилик**

### **Чор Россиясининг Туркистонни босиб олиши**

Мазкур мавзуни тадқиқ этиш XX асрнинг 20-йилларидан бошланган. Бироқ, шўро адабиётларида мавзуга бир томонлама ёндашиш устун бўлган. Мустақиллик туфайли Россия империясининг Ўрта Осиёни босиб олиши ҳамда Туркистонда олиб борилган мустамлакачилик сиёсати ҳаққоний тарзда ёритила бошланди. Бу борада Ҳ.Зиёев, Н.Абураҳимова, Ф.Исҳоқов, Ҳ.Содиков, Д.Зиёева, З.Чориев ва бошқа олимларнинг тадқиқотларини алоҳида таъкидлаш зарур. Шунингдек, мустамлакачиларга қарши миллий-озодлик курашлари тарихи Х.Юнусова, О.Суюнова каби тарихчилар илмий изланишларида ўз аксини топган. Шу билан бирга, жадидчилик мавзуси ҳам долзарб бўлиб, бу соҳада Б.Қосимов, У.Долимов, Д.Алимова ва С.Холбоев самарали меҳнат қилдилар. Шунга қарамай, Россия империясининг Туркистонда олиб борган мустамлакачилик сиёсатини янада кенг ўрганиш ва таҳлил этиш ҳозиргacha ўз долзарблигини йўқотмаган.

XIX асрнинг биринчи ярмига келиб, Ўрта Осиёда уч хонлик ўртасидаги тўхтовсиз урушлар, келишмовчиликлар хонликлардаги иқтисодий, ижтимоий-сиёсий вазиятни танг аҳволга олиб келди, бу ҳудудлардаги маданий ҳаётни издан чиқарди. XIX аср ўрталарида жаҳоннинг йирик давлатлари ўртасида янги мустамлакалар учун кураш қизиб кетган даврда Россия империяси ҳам бу курашдан четда қолмади. Шу жиҳатдан XIX аср ўрталарида Англия ва Россиянинг манфаатлари Туркистонда тўқнашди. Россия империяси сиёсатчилари Буюк Британиянинг Туркистон ва Каспий дengизининг шарқий томонларини эгаллаб олишидан роят хавфсираётган эди-

лар. Бунга асос ҳам етарли эди. Чунки Англия ўз тасарру-  
фидаги Хиндистон ва Афғонистон орқали ўзбек хонликла-  
ри билан савдо-сотик ва дипломатик алоқалар олиб борар  
эди. Англиянинг асосий мақсади хонликларни босиб олишга  
чоғланаётган Россиянинг режаларини барбод қилиш, уча-  
ла хонликни унга қарши бир куч қилиб бирлаштириш ва  
Ўрта Осиё бозорларини эгаллаш эди. Шу ўринда, Россия-  
нинг Ўрта Осиёни босиб олишини тезлаштирган қўйидаги  
омилларни кўрсатиб ўтиш мақсаддага мувофиқдир:

1. Россия енгил саноатини таъминлаб берувчи арzon  
хом ашё базасининг Ўрта Осиёда мавжудлиги.

2. Крим уруши (1853-1856) туфайли Қора денгиз бан-  
даргоҳларининг қўлдан кетиши ва унинг ўрнини Ўрта  
Осиёни эгаллаш орқали тўлдириш. Шу орқали жанубда-  
ги музламайдиган денгизларга чиқиш, Ўрта Осиё орқали  
Эрон, Афғонистон Хитой, Хиндистон каби давлатларда  
Англиянинг таъсирини йўқотиб, бу давлатлар билан савдо  
ва дипломатик алоқалар ўрнатиш. Туркистоннинг бу аг-  
рессияларда плацдарм вазифасини ўтаси.

3. Россиянинг Европа бозорлари билан рақобат қила  
олмаслиги сабабли ишлаб чиқарилган маҳсулотларни со-  
тиш учун Ўрта Осиё бозорларини эгаллаши.

4. Россияда ўтказилган ер ислоҳотлари туфайли қаш-  
шоқлашиб қолган аҳолини кўчириб келтириш ва уларни  
ер билан таъминлаш.

Юқоридаги иқтисодий ва сиёсий сабабларнинг кун тар-  
тибида туриши натижасида Россия империяси дастлаб-  
ки ҳарбий ҳаракатларни бошлаб юборди. Уруш ҳаракат-  
лари Қўқон хонлигига қаратилган эди. Босқинчилар за-  
монавий қурол-аслаҳага эга бўлиб, уларга Европа уруш-  
ларида тажриба ортирган генераллар раҳбарлик қил-  
дилар. Қўқон хонлиги эса ички низо, ҳокимият учун уруш-  
лар авж олишига қарамасдан, хонлик аҳолиси даҳшатли  
ёв билан ўз она юрти, дини, гурури учун курашга от-  
ландилар. Дастлаб генерал Перовскийнинг қўшини 1853  
йили Қўқон хонлигининг стратегик қалъаси бўлган Оқма-  
читни эгаллади.

Крим уруши туфайли тұхтаб қолған ҳарбий ҳаракатлар 1860 йил ёзида яна жонланди. Полковник Циммерман бошчилигидаги рус құшинлари Тұқмоқ, сұнgra Пишпак қалъасини әгаллади. 1864 йил 1 май куни Верний истекжомидан йүлга чиққан полковник Черняевнинг отряди қаттық жангдан кейин Авлиё ота қалъасини ҳам босиб олди. Туркистон ва Чимкентни ҳимоя қилиш учун саркарда Алимқұл (Алиқули) етиб келди ва шаҳар мудофаасини ташкил қилишга киришди. 1864 йил 12 июлда Туркистон босиб олинди. Верёвкин Хұжа Ахмад Ясавий мақбараасидаги ноёб тарихий осари-атиккаларни талонтарож қилиб, Россияга жүннатиб юборди. Генерал Черняев бошчилигидаги құшинлар Чимкентни қамал қилар экан, бу ерда саркарда Алимқұл зарбасига учради. Лекин ҳарбий-техник устунликка эга бўлган душман 1864 йил 22 сентябрда Чимкентни әгаллашга муваффақ бўлди.

1864 йилнинг октябрида генерал Черняев катта ҳарбий құшинлари билан бирга Тошкентнинг шарқидаги Дарвишак қопқа деган жойда мағлубиятга учраб, Чимкентга қайтиб кетишга мажбур бўлди. Лекин 1865 йил 28 апрелда Ниёзбек қалъаси босиб олинди. Шуни таъкидлаш керакки, Тошкент мудофаасини тайёрлашда Алимқұл саркарданинг хизматлари катта бўлди. У 8 май куни ўзининг катта қўшини билан Кўкондан Тошкентга етиб келди, 1865 йил 9 май куни ҳар икки томон кучлари тўқнашди.

Алимқұлнинг жангла ҳалок бўлиши билан тошкентликлар орасида саросима бошланди. 1865 йил 17 июнда эса қон тўкилишини олдини олиш мақсадида музокаралар бошланди. Черняев шаҳарнинг Ҳакимхұжа қозикалон, Абдураҳмон эшон, домла Солиҳбек Охун сингари нуфузли кишилари билан музокара ўтказиб, “Тошкент шаҳар аҳолиси ўз ихтиёри билан Россия империяси таркибига қўшилди”, деган сохта аҳдномани тўлдиришга мажбур қилди. Улар бунга қўнмагач, жазоланиб, сохта аҳдномани тўлдиришни Абдусаттор Корабоши ўғлига топширади. Сұнgra шаҳар ”катта”ларининг барчасига мажбурий равища қўл қўйдериб, муҳр бостирилади. Бу аҳднома туфайли босқинчилик сиёсати оқибатида Англия-

дек кучли давлат билан урушга мажбур бўлиб қолишдан чўчиган Россия империяси ҳукумати халқаро жамоатчилик кўз ўнгидаги ўз хатти-ҳаракатларини оқлашга уринди. Аҳдномадан нусхалар қўчирилиб, 1865 йилда Россиянинг Туркиядаги элчиси қилиб тайинланган Н.Игнатьев орқали Истамбулга жўнатилади ва шаҳар кўчаларига ёпишириб чиқлади. Хулоса қилиб айтганда, Тошкент босиб олингач, бу шаҳар Россия империясининг Туркистон масаласига даҳлдор барча сиёсий масалаларни ҳал қиласидиган, рус қароргоҳи хизматини бажарувчи маконга айланиб борди.

Тошкент учун бўлган жанглардан сўнг 1865 йили босиб олинган ҳудудларда Туркистон вилояти ташкил қилинди.

1866 йилда олиб борилган истилочилик босқинлари оқибатида Бухоро хонлигининг Ўратепа, Жиззах, Янгиқўргон сингари ҳудудлари Россия таркибиға киритилди.

1866 йили Александр II томонидан Тошкентнинг Россия тасарруфига олинганлиги эълон қилинди. Россия империясига бундан ташқари ўз манфаатларини амалга ошириш учун мустаҳкам маъмурий тузум зарур эди. Бу масалани ҳал этиш учун ҳарбий вазир Милютин бошчилигига комиссия ташкил этилади. Мазкур комиссияга Оренбург генерал губернатори Крижановскийнинг Тошкентни Оренбургга бўйсундириш ҳақидаги таклифи киритилган эди. Лекин, бу мустамлака манфаатлари билан тўғри келмас, Тошкентни марказ сифатида қолдириш ва у орқали хонликларни доимий назорат остида олиб туриш кўзда тутилган эди. Шу сабабли Крижановский таклифи рад этилиб, 1867 йил июль ойида Туркистон генерал губернаторлиги ташкил этилди. Маркази Тошкент бўлган Сирдарё вилояти, маркази Верний бўлган Еттисув вилоятлари генерал-губернаторлиги таркибиға киритилди.

1868 йил 1 май куни Бухоро амири қўшинлари билан чоризм қўшинлари ўртасида Чўпонота тепалигига жанг бўлди ва 2 май куни Самарқанд эгалланди.

Фон Кауфман амир билан Зирабулоқда урушаётган бир пайтда Қарши, Шаҳрисабз ва Китоб бекликларидан кучлар келиб, Самарқандда кўзголон бошланди. Кауф-

ман зудлик билан Самарқандга қайтиб, қўзғолонни бостириш баҳонасида минглаб маҳаллий аҳолини қиришга буйруқ берди, натижада қўплаб қимматбаҳо бойликлар таланди.

1868 йил 23 июнга келиб, чорасиз қолган амир Музаффар Туркистон генерал-губернатори фон Кауфман билан сулҳ тузишга мажбур бўлди ва Россия императорининг вассалига айланди. Бу сулҳга кўра, Бухоро амирлиги ўз мустақиллигини йўқотибгина қолмай, Самарқанд, Каттакўргон ва Зарабшон дарёсининг юқори қисмидан ҳам ажралди.

Маълумотларга кўра, Самарқандни амирликда қолдириш юзасидан мунозаралар бўлиб ўтган. Лекин Кауфманнинг харатлари билан Самарқанд Россия империяси таркибида қолдирилди. 1868 йил июнида Самарқанд ва Каттакўргонни ўз ичига олган Зарабшон округи ташкил этилиб, унга генерал-майор А.К. Абрамов бошлиқ этиб тайинланади.

Амирдан норози кучлар уни ҳокимиятни бошқара олмаганликда ва амирликнинг анча қисмини қўлдан бой берганликда айблаб, чор ҳукуматига қарши урушни давом эттиришни ўз олдиларига асосий мақсад қилиб қўйган эдилар. Музаффарнинг тўнгич ўғли амирзода Абдулмалик Тўра (Катта Тўра) ва эркесвар беклар — Жўрабек, Бобобек ҳамда Султон Содик биргаликда озодлик курашини давом эттирдилар. Ватанпарвар кучлар амир Музаффарга қарши урушиб давлатнинг уч қисмини, жумладан, Қаршини эгаллайдилар. Кармана, Чироқчи ҳам тез орада уларнинг қўлига ўтди. 1868 йилнинг кузида амир Музаффар фон Кауфмандан ёрдам суради. Бунга жавобан Кауфман генерал Абрамов бошчилигидаги ҳарбий қўшинларни қўзғолонни бостириш учун юборди. 1868 йил 21 октябрдаги жангда Абдулмалик тўра бошчилигидаги ватанпарвар кучлар мағлуб бўлди. Щундан сўнг, Абдулмалик билан Султон Содик Хива хони ҳузурига боради. Абдумалик Хивада кўп турмай Афғонистон томон йўл олди. У ердан ҳам ёрдам ололмагач Худоёрхон ҳузурига келди. Бу ердан Қашқарга, Ёкуббек ҳузурига борад бўлиши ва шу ерда паноҳ топиб, 1909 йили Пешоварда вафот этади.

Бекович-Черкасский экспедициясининг ҳалокати ва 1839 йилда Перовский юришининг барбод бўлиши ҳали рус генераллари ёдидан чиқмаган эди. Ўзбек хонликларининг учинчиси — Хива ўз мустақиллиги билан мустамлакачи-лар учун жиддий ҳавф солиб турар эди. 1872 йил охирла-рида ҳарбий вазир бошчилигига Петербургда Туркистон, Оренбург генерал-губернаторлари ва Кавказдаги подшо ноиби иштирокидаги махфий кенгашида Хива хонлигини босиб олишга узил-кесил қарор қилинди.

Хива хони масалани тинч йўл билан ҳал қилишга ури-нишлари бехуда кетгач, ҳарбий кенгаши чакириб, мудофаа режаларини тузади ва душман истилочиларига қарши ўзи-нинг лашкарошиларини сафарбар қиласди. Матмурод девон-беги, Маҳмуд ясовулбоши, Ёкуббек қалмоқ, Элтузар инок ва Бобо Меҳтар раҳбарлигидаги ўзбек ва туркман йигитла-ри рус қўшинлари ҳужумини қайтариш учун икки гурухга бўлиниб йўлга тушадилар. Генерал Верёвкин Кўнгиротга юриш қилиб, талофатлар бериб бўлса-да, Хўжайли ва Ман-ғит қалъаларини ишғол қилди. Кейинчалик Хоразмнинг қўхна қалъаси Хазорасп эгалланди. Бу қалъани бош қўмондан фон Кауфман ўзига қароргоҳ қилиб, ичкарига силжиш учун та-янч пунктига айлантириди. 1873 йил 29 май куни русларнинг асосий кучлари Хива остоналарида пайдо бўлдилар. Муҳам-мад Раҳимхон II Хивани ўз ихтиёридаги кучлар билан мудо-фаа қилиб бўлмаслигига кўзи етиб, Измиқшур тарафидаги туркман овулига кетишга мажбур бўлди.

Муҳаммад Раҳимхон Хивага қайтиб келгунча босқин-чилар саройни талаб, барча қимматбаҳо буюмларни, 300 та қўллэзма асарни Петербургга жўнатдилар.

1873 йил 12 августда Гандимиён қишлоғига фон Ка-уфман сулҳ шартномаларини Муҳаммад Раҳимхон диқ-қатига ҳавола қилди. Бунга қўра Амударёning ўнг қирғоқлари Россия ихтиёрига ўтди, рус кемаларини Аму-дарё бўйлаб сузишлари учун барча имкониятлар яратилди. Рус савдогарлари хонлик ҳудудида эркин савдо қилиш, Амударёning чап қирғоғидаги савдо омборлари қуриш хукуқини олдилар. Хива хонлиги Россия вассали-

га айланиб, хонлик зиммасига 2.000.000 сўмлик товон тўлаш мажбурияти юкланди. Россия фуқароларига хонликда кўчмас мулк сотиб олишга рухсат берилди.

Россия империяси Бухоро ва Хива хонликларига қарши уруш олиб бораётган йиллари Кўқон хонлигига чуқур сиёсий ва иқтисодий инқироз ҳукм сурмоқда эди.

1875 йилда атрофига 200 дан зиёд кишини тўплаган Пўлатхон Ўзганга келиб, хонга қарши катта хавф туғдирди. Уларга қарши Хон Исо Авлиё, Абдураҳмон Офтобачи ва Саримсоқ Эшикоғаси бошчилигига 4000 кишилик аскар юборди. Бироқ 1875 йил 28 июлда йирик амалдорлар ўз қўшини билан, Худоёрхоннинг ўғли Андижон ҳокими Насриддинбек 5000 кишилик қўшини билан қўзголончилар томонга ўтиб, бирлашди. Аслида эса у империянинг тажовузига қарши кучларни тўплашга уринди ва шу ўринда ўз ҳаракатини сўраб Бухоро амири ва Тошкентнинг энг нуфузли кишиларидан бири бўлган Сайдазимбойга хат жўнатди. Кўқон хонлигидаги халқ ҳаракатлари ва Худоёрхоннинг қочиши орқасида юзага келган оғир вазият рус ҳукуматига қўл келди. 1875 йил 20 августда Кауфман бошчилигидаги қўшинлар томонидан Маҳрам қалъасининг эгалланиши хонлик тақдирини узилкесил ҳал қилди. Насриддинхоннинг Кауфман билан келишуви халқнинг қаҳр-газабини уйғотди. Пўлатхон атрофида тўпланган хоннинг атоқли амалдорлари Андижоннинг Бўтақора қишлоғига уни хон деб эълон қилдилар. Кауфман Андижонга Троцкий ва Скобелев бошчилигига катта қуролли кучларни юборди. Октябр ойи бошларида Андижон руслар томонидан оёқ-ости қилинди. Айрим маълумотларга қараганда, Андижонда, шахсан Скобелев бошчилигига 20 минг киши ўлдирилган.

Пўлатхон Намангандаги маглубиятга учрагач, Асакада ўрнашиб, курашни давом эттиради ва Ўш, Андижон, Марғилонни эгаллайди. Шунингдек, Абдураҳмон Офтобачи ҳам душманга таслим бўлди. 1876 йил 28 январида Учқўрғонда маглубиятга учраган Пўлатхон Олой водийсида сўнгги кучлари билан тор-мор этилди. 1876 йил фев-

раль ойида Кўқон қамал қилингач, Насриддинхон таслим бўлди ва Абдураҳмон Офтобачи билан Тошкентга жўнатилди. Кўқон хонлиги тугатилиб, ўрнига Фарғона вилояти ташкил этилиб, унга генерал Скобелев ҳарбий губернатор этиб тайинланди.

Россия империяси Ўрта Осиёни босиб олгач, мустамлакачи маъмурлар томонидан бошланган дастлабки иш ўлкада маъмурий-бошқарув тизимини мустаҳкамлаш бўлди. 1867 йил империянинг бошқа минтақаларидан фарқ қилувчи, ўта ҳарбийлаштирилган Туркистон генерал губернаторлиги таъсис этилди. “Туркистон генерал губернаторлиги вилоятларини бошқариш ҳақидаги вақтли низом” лойиҳасида ҳам шу ҳолат ўз аксини топди.

1886 йил “Туркистон ўлкасини бошқариш тўғрисидағи низом лойиҳаси” қабул қилинди. Чунончи, бу Низом орқали Туркистон генерал губернаторлигининг ҳуқуқлари янада кенгайтирилиб, ўлка бешта вилоятга бўлинди. Вилоятлардаги бошқармалар губерния бошқармаси ҳуқуқига эга бўлишди. Ушбу вилоятлар эса уезд ва волостларга бўлиб бошқарилиди.

Мустамлака маъмурияти Тошкент шаҳри бошқарувини кучайтириш учун ҳам “Шаҳар низоми”ни тайёрлаб, сайловчилар тартибини белгилади. Тошкент думаси фаолияти устидан бўлган қатъий назорат генерал губернатор томонидан олиб борилди.

Туркистон истило қилинган дастлабки вақтдан бошлаб Россия империяси ўлкани бойлик ортириш манбаи деб билди. Ўлка бойликларини талаш, империя босқинчиларининг мустамлакачилик манфаатлариiga хизмат қиласидиган темир йўллар қуришни тақозо этар эди. 1881-1886 йил Михайловский кўрфазидан Чоржўйгача Каспий орти темир йўли қурилди. 1906 или Тошкент Оренбург темир йўли қуриб, ишга туширилди. 1912 йилга келиб Фарғона водийси Россия билан темир йўл орқали боғланди. Буларнинг барчаси ўлкани хом ашё ҳамда савдо бозори сифатидаги мавқеини янада мустаҳкамлади ва Туркистондан маҳсулот олиб келиш ва олиб кетиш бўйича ўлкани Россияга бутунлай қарам қилиб қўйди.

Халқ учун катта ижтимоий-иктисодий, экологик оғаттар келтирган, Россия империяси манбаатлари учун ниҳоятда қулай бұлған пахта яккаждылығи күчайиб, метрополияда капиталистик муносабатлар ривожлана бошлади. Хом ашёни қайта ишлаш билан бөглиқ бұлған корхоналар сони 1900 йилга келиб, 170 дан ортиб кетди. Бу корхоналарнинг 80 фоизини, асосан, пахтага қайта ишлов берувчи корхоналар ташкил этди.

Мустамлака үлкәдеги ижтимоий, сиёсий вазият кескинлашиб, маҳаллий аҳоли турмуш тарзи ёмонлашувиға олиб келган омиллардан бири, күп сонли рус ахолиси-нинг күчириб келтирилиши бўлди. Улар үлкани бойлик ортириш манбаларидан бири деб билганларни учун Марказий Россиядан үлкага доимий яшаш учун келаётганлар сони кўпайди. Туркистонда рус шаҳарлари ва қишлоқлари қад кўтарди. Жумладан, 1875 йилдан то 1890 йилгача Туркистонга 1300 оила кўчирилди, 19 та рус қишлоғи вужудга келди. 1891-92 йилларда Россияда очарчилик кучайган вақтда бу қишлоқлар сони 25 тага етди.

Кўчириб келтирилган рус деҳқонлари катта имтиёзларга эга бўлдилар, улардан маълум муддатгача солиқ олинмади. Чоризм ҳар қандай йўл билан бўлса ҳам унумдор ерларни рус деҳқонларига ажратиб беришга ҳаракат қилди ва ер солиқларини ошириб, маҳаллий аҳолини ўз ерларини сотишга мажбур этди. Бу ерлар Россиядан кўчиб келаётган деҳқонларга берилди. Ана шундай ўтрок районлардан тортиб олинган ерлар Сирдарё вилоятида 47.600 таноб, Фарғона вилоятида 75.000 таноб, Самарқанд вилоятида 3000 таноб, Каспийорти вилоятида 7000 танобни ташкил этди.

Россия империяси үлкада рус миллати нуфузини кўтариш мақсадида маданий қолоқликни чуқурлаштириш, маҳаллий аҳолини ўз тарихи, маънавияти, қадриятлари ва миллий урф-одатларидан бебахра қилишга қаратилган эътибори ҳам асосан кўчириб келтирилаётган русий забон аҳоли сонининг ортиб бориши билан узвий равишда бөглиқ эди. Бу сиёсатнинг асосий мақсади маҳал-

лий давлатчилик анъаналарини таг томири билан қўпро-  
риб ташлаш, миллий маданиятни камситиш, миллий тил-  
ларни сиқиши ва халқ оммасини маънавий, ижтимоий-  
сиёсий қолоқликка маҳкум этиб, оқибатда руслаштириш-  
дан иборат эди. Мустамлака маъмурияти бу борадаги би-  
ринчи вазифа деб маҳаллий аҳоли болаларини рус тузем  
мактабларига беришга қўпроқ жалб этишни белгилади.  
Шунинг учун улар қўплаб маҳаллий ёшларга билим бе-  
риб келаётган мусулмон мактабларини рус-тузем мак-  
таблари билан алмаштиришга, шу йўллар билан ўлка  
халқларини мустамлака сиёсати асорати остида сақлаш,  
кейинроқ бориб уларни руслар билан қўшиб юборишга  
зўр бериб, устакорлик билан ҳаракат қилди.

Империя маъмурларининг мустамлака сиёсатига қар-  
ши қаратилган ҳаракатлари Россия империяси Ўрта Осиё-  
ни босиб олаётган даврлардан бошланган бўлса-да, бу  
ҳаракатлар рус қўшинлари томонидан шафқатсиз равища  
бостириб келинди. 70-йиллардаги Пўлатхон қўзғолони-  
дан сўнг Туркистоннинг бир қанча шаҳарларида ҳам халқ  
оммасининг оммавий норозилик ҳаракатлари кенг миқёс-  
да бўлиб ўтди. Россия империяси босқинига қарши “Олой  
маликаси” номи билан машҳур бўлган Курбонжон дод-  
хоҳ 1876 йилнинг охирига қадар мустамлакачиларга қарши  
курашиб келди. Унинг қўшинларига қарши юборилган ге-  
нерал Скобелев бошлиқ рус қўшинлари қўзғончиларга  
қарши ҳаракатларда енгилди ва мустамлакачи маъмур-  
лар Курбонжон додхоҳ билан сулҳ тузишга мажбур бўлди.  
Яна шундай галаёнлардан бири 1878 йилда Мингтепада  
бўлиб ўтган Етимхон бошчилигидаги исёндир. Бу исёндан  
сўнг Фаргона вилояти генерал губернатори вилоятдаги  
маҳаллий аҳолидан гайриқонуний солик ундирувчилар-  
ни ишдан олиб ташлашга мажбур бўлди.

1885-90 йилларда Андижоннинг Кўргонтепа уезди-  
даги Дарвешхон тўра бошлиқ халқ ҳаракати қуролли  
қўзғолонга айланди. Аммо, чор маъмурлари бу ҳаракат-  
ларни ҳам шафқатсизларча бостиридилар.

1892 йил “вабо исёни” номини олган Тошкент қўзголони XIX аср охиридаги муҳим воқеалардан бири бўлди. 1892 йилги қўзголон кўплаб тарихий адабиётларда империя маъмурларининг ўлкада вабо касали тарқалишининг олдини олиш учун бўлган ҳаракати деб таърифланган бўлса-да, аслида бу қўзголон Россия империясининг ўлкадаги йиллар давомида олиб борган мустамлака сиёсатига қарши қаратилган ҳаракатлардан бири эди. Гарчи, қўзголон Тошкент шаҳрининг ўзида юз берган бўлсада, унинг таъсири бутун Туркистон ўлкаси бўйлаб ёйилди. Чунки бу озодлик ҳаракати мустамлакачилик зулми остида ётган халқлар туйғусини ифода этар эди.

Россия империясининг Туркистондаги амалдорлари вазият кескинлашаётганлигидан хавфсираб, подшо ҳукуматидан жойларда хавфсизликни сақлашнинг кучайтирилган ҳолатини жорий этишни таклиф этдилар. Бу орқали мустамлакачи маъмурлари ўз олдига катта сиёсий мақсадларни қўйиб, аҳолини қўрқитиш, империя ҳукмронлигига қарши курашга чиқишига ботина олмаслик кайфиятларини кучайтиришга ҳаракат қилди. Шундай бўлсада, 1898 йил Андижонда мутамлакачи маъмурларга қарши, унинг мустамлака сиёсатига қарши яна бир озодлик ҳаракати бўлиб ўтди. Тарихда бу “Андижон қўзголони” номини олди. Бу қўзголон 1898 йил Андижон шаҳрининг Мингтепа қишлоғида бошланди. Дастреб кўзголончилар сони 500 кишидан ортмаган бўлса-да, бироқ атрофдаги қишлоқлардан келиб қўшилаётган аҳоли ҳисобига қўзголончилар сони ортиб борди. Қўзголончиларга Муҳаммадали Эшон — “Дукчи Эшон” бошчилик қилди.

Мустамлакачилар қўзголонни ваҳшийлик билан бостиришларига қарамай, бунинг акс садоси бутун Фарғона водийсига тарапалди. Асака, Кувга, Шаҳрихон, Ўш, Марғилон каби шаҳарлар ва қишлоқларда ҳаракатлар кенг ёйилди. Лекин, рус қўшинлари ҳамма ерда ҳам қўзголонни шафқатсизлик билан бостириди. Дукчи Эшон Арслонбоб қишлоғида қўлга олинди ва бутун халқ олдида

мустамлакачи маъмурлар томонидан 1898 йил 12 июнда осиб ўлдирилди.

Хуллас, мустамлакачи маъмурлар бу қўзғолонни ҳам қонга ботирдилар, унинг иштирокчиларидан аёвсиз ўч олдилар. Гарчи, мустамлакачи маъмурлар маҳаллий аҳолининг миллий озодлик ҳаракатларини нақадар шафқатсизлик билан бостира-да, ўлкадаги галаёнлар ва қўзғолонлар тўхтамади.

XX аср бошларига келиб, ўлкадаги бундай ҳаракатлар янги босқичга кўтарилди.

Айниқса, 1900-1903 йилдаги иқтисодий инқирозлар, 1904-1905 йилдаги рус-япон урушида Россия кўрган зарарлари ўлкадаги маҳаллий аҳолининг аҳволига салбий таъсир этиши дехқонлар оммасининг ҳам норозилик ҳаракатлари билан чиқишига туртки берди. Оқибатда, ўлка вилоятларида вазият янада кескинлашиб кетди. Самарқанд вилоятида дехқонларнинг галаёнлари натижасида юзага келган Номоз Пиримқулов бошчилигидаги ҳаракатлар Туркистонда дехқонлар ҳаракатининг асосий ҳал қилувчи кучига айланди.

Ўлка меҳнаткашларининг аҳволи 1914 йил Россиянинг Биринчи жаҳон урушига кириши билан янада оғирлашиб кетди. Уруш йиллари меҳнаткашларни эзиш тобора ортиб борди.

1916 йил биринчи жаҳон урушининг иқтисодий асоратлари меҳнаткаш аҳоли бўйнида оғир юк бўлиб турган вақтда Николай II нинг “Империядаги бегона халқлар эр-как аҳолисини ҳаракатдаги армия районларида ҳарбий иншоотлар ва шунингдек, давлат мудофааси учун зарур бўлган бошқа ҳар қандай оғир ишларга жалб қилиш” ҳақидаги фармони чиқди. Ушбу фармонга кўра Сибирь, Ўрта Осиё, Қозогистон, Кавказ ортидан 19 ёшдан 43 ёшга-ча бўлган 400 минг кишини мардикорликка олиш бошланаб кетди. Бу фармонга кўра, ўлкадаги ҳар беш хонадондан битта мардикор олинадиган бўлди.

4 июлда савдо ва ҳунармандчилик маркази бўлган Хўжанд шаҳрида, ундан кейин Самарқанд, Жizzах, Каттақўргон каби шаҳарларда ҳам халқнинг норозилик

ҳаракатлари бўлиб ўтди. Бу ерларга тезда етиб келган рус аскарлари қўзғолончиларни шафқатсиз равищда ўққа тутдилар.

Мустамлака маъмурияти зулмига қарши қўзғолонларнинг энг каттаси Жиззах шаҳрида бўлиб ўтди. Назирхўжа Эшон бошчилик қилган у қўзғолон шу қадар катта бўлдики, тарихда у “Жиззах қўзғолони” номини олди. 1916 йил 12-13 июль кунлари бошланган галаёнлар натижасида қўзғолончилар қўлларига нима тушса қуроллашиб, эски шаҳардан янги шаҳар томон йўл олдилар, уезд маъмуриятини яксон қилдилар. Жиззахнинг янги шаҳар билан эски шаҳар ўртасида ёрдамга келган жазо отряди қўзғолончиларни ўққа тутди. Тўқнашувларда 11 киши ҳалок бўлди. Оломон орқага қайтишга мажбур бўлди.

17 июлга келиб, бутун Туркистон ўлкасида ҳарбий ҳолат эълон қилинди. Жазо отрядлари ва мустамлакачи маъмурларга жуда катта ҳуқуқлар берилди. Шу муносабат билан аҳолининг кўча ва майдонларда тўпланиши тақиқланди. Империя маъмурлари ҳарбий куч ишлатиб, бу ердаги қўзғолонни бостиришга маваффақ бўлдилар. 1916 йил қўзғолони ўлкада маҳаллий аҳолининг мустамлака сиёстига қарши қаратилган энг катта миллий озодлик ва оммавий ҳалқ ҳаракати эди. Бу қўзғолон жамиятнинг барча табақаларини ҳаракатга келтириди ва ўз домига тортди.

## **Жадидчилик ҳаракати ва миллий уйғониш**

“Жадид” сўзи арабча сўз бўлиб, “янги” деган маънони англатади. Шунинг учун ҳам янгилик ва ислоҳотчиликка интилувчи, таракқийпарвар миллий зиёлилар тарихда “жадид” деган номга мушарраф бўлдилар. Жадидчилик деб номланган бу ҳаракатнинг пайдо бўлиши бевосита ўша даврдаги ички мухит ҳамда ташқи ҳалқаро майдондаги ижтимоий-сиёсий ва демократик янгиланишлар билан боғлиқ бўлди.

Жадидчилик ҳаракати баъзи бир тарихга оид адабиётларда айтилганидек, “олдин маданий-маърифий ҳаракат бўлиб, кейин ижтимоий-сиёсий ҳаракатга ўсиб ўтга-

ни” йўқ. У ўз табиати, мақсад ва моҳиятига кўра, дастлабки кунданоқ, ижтимоий-сиёсий, маданий-маърифий ва ислоҳотчилик ҳаракати бўлган.

Биринчидан, жадидчилик Исломдаги тараққий парварлик, илм-фанга рағбат ва дунёвийликнинг янги даврдаги кўриниши сифатида пайдо бўлди. Жадидлар Исломни ҳар хил мутассиблик, бидъатлардан асраб ривожлантирди. Иккинчидан, жадидчиликни пайдо бўлиши ва ривожланишига Шарқ ва Фарб мамлакатларида ривожланган қуидаги демократик, миллий-озодлик, ислоҳотчилик ҳаракатларининг таъсири ҳам кучли бўлди:

1. Жамолиддин Афғоний (1839-1897) ва Муҳаммад Абдолар (1848-1903) асос солган мусулмон дунёсидаги ислоҳотчилик ва “нахда” (уйғониш) ҳаракатлари.

2. XIX асрнинг 90-йилларида бошланиб, 1905-1907 ва 1917 йилларда катта фалабаларга эришган рус ижтимоий демократик ва инқилобий ҳаракатлари.

3. Туркиядаги аксилмонархистик, конституцион демократик, ижтимоий-миллий уйғониш ҳаракатлари: “Танзимат” (1840-1860), “Ёш усмонлилар” (1865-йилдан 80-йилларгача), “Ёш турклар” (1889-1918) ва 1908-1909 йиллардаги демократик-инқилобий ҳаракатлар.

4. Жадидчилик ҳаракатининг пайдо бўлиб, ривожланшишида қrimлик Исмоилбек Гаспиралининг (1851-1914) ҳиссаси беҳад катта бўлди. У Қrimda XIX асрнинг 80-йиллардаёқ, Россия босиб олган мусулмон ҳалқлари орасида биринчи бўлиб жадидчиликка асос солди. Унинг рус ва туркий тилларда чоп этилган “Таржимон” (1883-1914) газетаси, “Россия мусулмонлиги” (1881), “Оврупа маданиятига бир назар мувозини” (1885) ва бошқа асарлари ҳамда жадид мактаби учун ёзган дарслик ва қўлланмалари Туркистонга тез кириб келди.

Исмоилбек Гаспирали 1893 йилда Тошкентга келади ва зиёли уламолар билан учрашади, Самарқандда бўлади. У ердан Бухорога бориб, амир Абдулаҳадни жадид мактаби очишга кўндиради ва бу мактабга “Музafferия” деган номни беради. Жадидчилик гояси Туркистон-

да XIX аср 80-йилларининг иккинчи ярмидан бошлаб тарқалиб, шу асрнинг 90-йиллари XX асрнинг 5-йили оралиғида мунтазам ижтимоий-сиёсий, маданий-маърифий ҳаракат сифатида шаклланди.

Жадидчилик ҳаракати, асосан, икки даврга бўлинади: 1) XIX асрнинг 90-йилларидан-1917 йил февралгача; 2) 1917 йил февралдан-1929 йилгача. Биринчи даврнинг ўзи уч босқичга бўлинади: 1) жадидчилик гоясининг пайдо бўлиши ва мунтазам уюштан ҳаракат шаклига эга бўлиши (XIX асрнинг 90-йиллари-1905 йил); 2) жадидчилик ҳаракатининг нисбатан тез ва қаршиликсиз ривожланиши (1905-1909 йиллар); 3) жадидчиликнинг чоризм томонидан озодлик, демократик ва инқилобий ҳаракатларга қарши курашни кучайтирган даврдаги ривожланиши (1909-1916 йиллар). Иккинчи давр ҳам воқеалар ривожланишига қараб уч босқичга бўлинади: 1) 1917 йил февраль-октябрь; 2) 1917 йил ноябрь-1924 йил; 3) 1925-1929 йиллар.

Жадидчилик ҳаракати, шу вақтгача Ислом дунёсида сира ҳам кўринмаган илгор ва тезкор ўқитиши — “Савтия” (товуш) усулига асосланган жадид мактаблари ташкил топишидан бошланди. Бу мактабларда болалар бир йилда савод чиқариб, мукаммал ўқиш ва ёзишни ўзлаштиради.

Жадид мактабида диний ва дунёвий таълим-тарбия ҳамда илм ўзаро уйғунлаштирилди. Болалар қулай парта-ларда ўтириб, харита ва расмлар ёрдамида тез савод чиқариб, диний, дунёвий илмларни ўрганди. Жадид мактабларида Куръони Карим, математика, география, она тили, рус, араб тиллари, ашула ва ҳатто жисмоний тарбия фанлари ўқитила бошланди.

Жадид мактаблари тўрт (бошлангич) ва етти йиллик эди. Масалан, Мунавварқори Абдурашидхоновнинг етти йиллик мактабини битирган ёшлиар дунёвий илмларни, рус тилини яхши ўзлаштирган ҳолда жадид мактабида ўқитувчи, масжидларда имом бўлиш, мадраса ва ҳатто, хориждаги дунёвий олий ўқув юртларида ўқиш, савдо ва бошқа корхоналарда котиб бўлиб ишлаш малакасига

эга бўлганлар. Бундай етти йиллик мактаблар Тошкентдан ташқари, Кўқон, Самарқанд қаби йирик шаҳарларда ҳам очилади.

Жадид мактаблари пуллик эди. Ҳар ойига ота-оналар баҳоли қудрат, эллик тийиндан бир ярим сўмгача пул тўлар эди. Бу ўринда ҳар бир ота-она ўз бойлик ва камбағаллик даражаларини шариат асосида белгилаб, пул берар эдилар. 35 фоизгача камбағал ва ночорларнинг болалари текин ўқитилидди. Ўзига тўқ оиласлар эса ўз ҳоҳиши билан уч сўм ва ундан ҳам кўп пул берган. Бундан ташқари, жадидларнинг ўзлари ташкил этган хайрия жамиятлари ҳам жадид мактабларини маблағ билан таъминлаб турган.

Жадид мактабларининг очилишига рус амалдорлари, мусулмон мутаассиблари қаршилик қиласдилар. Жадидлар катта матонат ва фидойилик билан эски мактабларга тегмай, намуна сифатида жадид мактабларини ташкил этиб, омма орасида катта обрӯ қозондилар. Жадид мактаблари қатъий низом, дастур ва дарслекларга асосланди. Тарихда биринчи бўлиб, жадидлар ўқувчиларга кундалиқ, чорак ва йиллик баҳолар қўйишни жорий этдилар. Ўқувчилар синфдан синфга ўтиш ва битириш учун жамоатчилик олдида очиқ чорак, йиллик ва битириув имтиҳонларини топширганлар.

Мактаб очган жадидлар дастур, қўлланма ва дарслекларни ҳам ўзлари яратдилар. Сайдрасул Сайдазизовнинг “Устоди аввал”, Мунавварқори Абдурашидхоновнинг “Адиби аввал”, “Адиби соний”, “Тажвид” (Куръонни кироат билан ўқиши усулига оид қўлланма), “Ҳавойижи диния” (Шариат қонунлари тўплами), “Ёр юзи”, “Усули ҳисоб”, “Тарихи анбиё”, “Тарихи ислом”, Абдулла Авлонийнинг “Биринчи муаллим” ва “Иккинчи муаллим”, “Туркий гулистон ёҳуд аҳлоқ“, Маҳмудхўжа Беҳбудийнинг “Қисқача умумий география”, “Болалар мактуби”, “Исломнинг қисқача тарихи”, “Амалиёти ислом”, “Аҳоли географиясига кириш”, “Россиянинг қисқача географияси” шулар жумласидандир.

Жадидлар олий таълимнинг асоси — университет ташкил этиш учун Тошкент шаҳар Думасидан ҳам фойдаландилар. Мунавварқори, Фитрат, М. Беҳбудий, У. Асадуллахўжаев каби жадидлар миллий дунёвий олий таълим гоясини ўз асар ва мақолаларида кенг тарғибот-ташвиқот қилдилар. Олий таълимга замин яратиш учун, жадид мактабларида дунёвий илмлар ўқитилди, ёшлар хорижга ўқишига юборилди.

Дунёвий ҳозирги замон олий ўқув юрти — университетга асос солишига жадидлар факат 1918 йилда, Мусулмон халқ дорулфунунини ташкил этиш билан муваффақ бўлдилар. Умуман, жадидлар жуда қисқа вақт ичида бутунлай янги, жадид халқ маорифи тизими, яъни ҳозирги замон халқ маорифи тизимига асос солдилар.

Жадидчилик ҳаракатининг иккинчи бир муҳим фаолияти миллий матбуот ва журналистикага асос солиш бўлди. Тошкентда Исмоил Обидий “Тараққий” (1906), Мунавварқори Абдурашидхонов “Хуршид” (1906), Абдулла Авлоний “Шухрат” (1907), Сайдкарим Сайдазимбоев “Тужжор” (1907), Аҳмаджон Бектемиров “Осиё” (1908), Убайдуллахўжа Асадуллахўжаев “Садои Туркистон” (1914-1915) газеталари, шунингдек, Абдураҳмон Содик ўғли (Сайёҳ) “Ал-Ислоҳ” (1915) журналини нашр этишига муваффақ бўлдилар. Самарқандда эса Маҳмудхўжа Беҳбудий “Самарқанд” русча (1913) газетаси ва “Ойна” (1913-1915) журналини, Кўқонда Обиджон Маҳмудов “Садои Фарғона” (1914) газеталарини чиқарди. Бу газета ва журналлар доимо махфий полиция “охранка”-нинг айғоқчилари кузатуви, таъқиби остида бўлди.

Жадид матбуоти 1917 йил февралида рус подшоси таҳтдан ағдарилгач, янада ривожланди. Жуда қисқа вақт оралиғида февралдан октябргача Тошкентда Мунавварқори Абдурашидхонов “Нажот” (1917 й. март), А. Баттол “Шўрои ислом” (1917 й. май), Абдулла Авлоний “Турон” (1917 й.), Аҳмад Заки Валидий ва Мунавварқори Абдурашидхонов “Кенгаш” (1917 йил июнь), “Улуг Туркистон” (1917 й.), Кўқонда Бўлат Солиев “Эл байроби” (1917 й. сен-

тябрь) газеталарини, Ҳ.Ҳ. Ниёзий “Кенгаш”, Ашуралы Зохирний “Юрт” (1917 йил июнь) журналларини, Самарқандда эса Шоҳмуҳаммадзода “Хуррият” (1917 йил апрель) газеталарини чоп этдилар.

Буюк миллатпарвар жадидлар, жадид матбуоти орқали миллатни ўз маданий-иктисодий аҳволи, сиёсий қарам ва хуқуқсизлигини англатишга, унда босқинчиларга қарши нафрат, миллий истикъолга ишонч руҳини тарбиялашга муваффақ бўлдилар. Шу билан бирга, улар миллий муҳторијат ва жумҳурият ғоясини, миллатлараро тенглик ва қонқариндошликни тарғиб қилишни тўғри йўлга кўядилар.

Жадидчилик ҳаракати жадид адабиётининг асосчила-ри бўлган йирик истеъдод эгалари - жадид адиби, шоир, драматург ва санъат арбобларини ҳам тарбиялади. Танниқли жадидшунос олим, профессор Бегали Қосимовнинг таъкидлашича, уларнинг 1905-1917 йилларда адабий-маданий ҳаракатчиликда қизғин фаолият кўрсатганлари сони саксондан ортиқ бўлган. Маҳмудхўжа Беҳбудий (1875-1919), Саидаҳмад Сиддиқий Ажзий (1864-1927), Васлий Самарқандий (1869-1925), Мунавварқори Абдурашидхонов (1878-1931), Абдулла Авлоний (1878-1934), Тўлаган Хўжамёров — Тавалло (1882-1939), Сидқий Хондайликий (1884-1934), Аваз Ўтар ўғли (1884-1919), Муҳаммадшариф Сўфизода (1869-1937), Абдурауф Фитрат (1886-1938), Садриддин Айний (1878-1954), Абдулвоҳид Бурхонов (1875-1934), Ҳамза Ҳакимзода Ниёзий (1889-1929), Абдулла Қодирий (1894-1938), Абдулҳамид Чўлпон (1897-1938) ва бошқалар шулар жумласидандир.

Мутахассисларнинг аниқлашича, 1917 йил октябр тўнта-рилишигача, драматургия соҳасида ўттиздан ортиқ драма, трагедия, комедиялар ёзилган ва уларнинг кўнглиги театрларда саҳналаштирилган. Ўзбек жадид драматургияси ва театрига илк бор асос солган Маҳмудхўжа Беҳбудий бўлди. Унинг “Падаркуш” драмасининг биринчи бор 1914 йил 27 февралда Тошкентдаги “Колизей” театрида кўйилиши жуда катта маданий-маърифий воқеа бўлди. Бу кун ўзбек театрига асос солинган сана сифатида тарихга кирди.

Ҳар қандай ишда бўлгани каби бу ҳаракат ҳам ўз иқти-  
содий асосига эга эди. Унинг иқтисодий таъминот манбаи-  
ни маданий-маърифий хайрия жамиятлари, бой-бадав-  
лат кишилар томонидан савоб олиш ва миллат нуфузини  
кўтариш учун берилган beminnat эҳсонлар ташкил этди.  
Жадидчилик ва жадидлар, асосан, ўрта ҳол мусулмон  
зиёлилари ҳамда дунё кўрган илгор руҳдаги савдо-  
гарлардан иборат бўлди. Тошкентлик Сайдкарим Сайд-  
азимбой ўғли, туркистонлик Сайдносир Миржалилов  
(таниқли ёзувчи Ойбекнинг қайнотаси), андижонлик  
Миркомил Мирмўминбоев ва бошқа бойлар жадидчи-  
лик ҳаракати ривожланишига иқтисодий жиҳатдан кат-  
та ҳисса кўшдилар.

Тошкентда 1909 йилда “Кўмак”, 1913 йилда «Дорилу  
ожизин», Бухорода 1910 йилда “Тарбияи атфол” хай-  
рия жамиятлари ташкил этилади. Уларнинг олдига кў-  
йилган асосий мақсад — сармоя топиб, жадид мактаб-  
ларига ёрдам бериш ва иқтидорли ёшларни Туркия ва  
бошқа хорижий мамлакатларга ўқишига юборишдан ибо-  
рат бўлди.

“Кўмак”нинг таъсисчилари — Мунавварқори Абду-  
рашидхонов, Низомқори Ҳасанов, Абдулла Авлоний,  
Башарулла Асадуллахўжаев ва Тошхўжа Туёқбоевлар  
бўлди. Улар ва “Тарбияи атфол”нинг ёрдамида 1911 йил-  
да 15 та, 1912 йилда 30 та туркистонлик иқтидорли  
ёшлар Истанбулда ўқиганлиги ҳақида маълумот бор.

Тошкентда Мунавварқори, Абдулла Авлоний ва бош-  
қалар 1911 йилда ташкил этган кўп тармоқли “Турон”  
номли жамият шўро ҳокимиятининг дастлабки йилла-  
ригача самарали фаолият юритади. Унинг қошида театр  
труппаси (1913 й.), “Турон” номли кутубхона ва нашри-  
ёт (1913 й.) ҳам ташкил этилади. Булар бутун Туркис-  
тон бўйлаб маърифат ва зиё, илм-фан тарқалиши, ки-  
тоб чоп этиш ва босмахона ишлари ривожланишига катта  
ҳисса кўшдилар.

Кўқонда “Файрат” (1913 й.), Самарқандда “Зарафшон”, Тўракўргонда (Наманган вилояти) “Кутубхонаи Исҳоқия” (1908 й.) номли кутубхоналар ташкил топади. Шунингдек, жадид босмахонаси ва китоб дўконлари ҳам анча кенг тармоқ отди.

## Такрорлаш учун саволлар

1. Россия босқини арафасида Ўрта Осиёning ҳарбий-сиёсий ва иқтисодий ҳолатини қандай таърифлаш мумкин?
2. Ўрта Осиёning Россия империяси томонидан босиб олинишининг асосий сабаблари нимада эди?
3. Туркистон Генерал-губернаторлигининг ташкил топиши Марказий Осиёда қандай янги геосиёсий вазиятни келтириб чиқарди?
4. Вассал Бухоро амирлиги ва вассал Хива хонлигининг Россия империясида тутган мавқеи қандай эди?
5. Россия босқинига қарши ҳаракатлар ва уларнинг мағлубияти сабаблари нимада?
6. Жадид маърифатпарварлари фаолиятига баҳо беринг.

## Адабиётлар

1. Каримов И.А. Тарихий хотирасиз келажак йўқ. -Т.: “Ўзбекистон”, 1999.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ўзбекистон Конституцияси — биз учун демократик тараққиёт йўлида ва фукаролик жамиятини барпо этилишида мустаҳкам пойдевордир. Ўзбекистон Республикаси Конституцияси қабул қилинганининг 17 йиллигига бағишиланган тантанали маросимдаги маъруза. // Халқ сўзи, 2009 йил 6 декабрь.
4. Абдираҳимова Н., Рустамова Г. Колониальная система власти в Туркестане во второй половине XIX — I четверти XX вв. — Т.: “Университет”, 1999.
5. Аҳмад Доңиш. История династии Мангитов. -Душанбе: “Доңиш”, 1967.

6. Зиёев X. Туркистонда Россия тажовузи ва ҳукмронлигига қарши кураш. -Т.: “Шарқ”, 1998.
7. Жадидчилик: ислоҳот, янгиланиш, мустақиллик ва тараққиёт учун кураш. -Т.: “Университет”, 1999.
8. Муҳаммад Азиз Марғилоний. Тарихи Азизий. -Т.: “Маънавият”, 1999.
9. Сайид Ҳамид Тўра Комёб. Таворих ул-хавонин. -Т.: “Академия”, 2002.
10. Хуршид Даврон. Тарих мезони ҳақиқатдир. //Шарқ юлдузи. 1989 йил, 11-сон.
11. Ўзбекистоннинг тарихи: янги нигоҳ. — Т.: 1998.
12. Ўзбекистоннинг янги тарихи. Биринчи китоб. Туркистон Чор Россияси мустамлакачилиги даврида. -Т.: “Шарқ”, 2000.
13. Муаллифлар жамоаси. Ўзбекистон тарихи. -Т.: “Университет”, 2003.
14. “Ойина” (1914-1915 й.). -Т.: “Академия”, 2001.
15. Эргашев Ф. Туркистонда рус мустамлака бошқаруви. / Инновацион менежмент (дарслик). -Т.: “Akademiya”, 2005.
16. Ўзбекистон давлатчилиги тарихидан лавҳалар. -Т.: “Шарқ”, 2001.

## **9-мавзу. Ўзбекистон советлар ҳукмронлиги даврида**

### **Совет ҳокимиятининг Ўзбекистонда амалга оширган ижтимоий-сиёсий, иқтисодий тадбирлари ва уларнинг мустамлакачилик мохияти. Ўзбекистоннинг маънавий-маданий қарамлиги ва унинг оқибатлари**

1917 йил 27 февралда Петроградда содир бўлган демократик инқилоб Туркистон ўлкасига ҳам ўз таъсирини ўtkазди.

1917 йилнинг март-апрель ойлари ўлканинг сиёсий уйғонишида бурилиш даври бўлди. Туркистон жадидлари, зиёлилари ва ислом уламоларининг етакчилари бўлган Маҳмудхўжа Беҳбудий (1875-1919), Мунавварқори (1878-1931), Убайдуллаҳўжа Асадуллаҳўжаев (Убайдулла Хўжаев; 1882-1938), Фитрат (1886-1938), Файзулла Хўжаев (1896-1938), Садриддин Айний (1878-1954), Абдулважид Бурҳонов (1875-1934), Мустафо Чўқай (1886-1941), Мухаммаджон Тинишбоев (1879-1939), Шерали Лапин (1868-1919), Аҳмад Закий Валидий (1890-1970), Обиджон Маҳмудов (1858-1936) ўлкада янги ташкил қилинган “Шўрои Исломия” (1917 йил март), “Шўрои Уламо” (1917 йил июнь), “Турон” жамиятлари ва “Турк адами Марказият (федералистлар) фирмаси” (1917 йил июль), “Иттифоқи муслимин” (1917 йил сентябрь) каби сиёсий партияларнинг тузилишида муҳим роль ўйнадилар.

1917 йил 7 апрелда Петрограддаги Мувакқат ҳукумат қарори билан кадет Н.Н.Шчепкин раислигига Мувакқат ҳукуматнинг Туркистон Комитети ташкил қилинди. Комитет таркибига 9 киши кирган бўлиб, уларнинг тўрттаси: Алихон Букейхонов, М.Тинишбоев, Садри Мақсудов, А. Давлетшинлар туркий халқлар вакиллари эди. Кейинчалик, Туркистон Комитетининг таркиби ўзгартирилди.

1917 йилнинг ўзида тўрт марта Бутунтуркистон мусулмонлари қурултойи ўтказилди. 1917 йил 16-23 апрел-

да Тошкентда бўлиб ўтган I қурултойда демократик Россия таркибида Туркистон Мухториятини ташкил этиш фояси олға сурилди.

Туркистон мусулмонлари Марказий Кенгашига Мустафо Чўқай раис, Валидий бош котиб, Мунавварқори, Беҳбудий, У.Хўжаев, О.Махмудов, Тошпўлатбек Норбўтабеков, Ислом Шоахмедов ва бошқалар аъзо қилиб сайланди. Мунавварқори ва Садриддинхон Шарифхўжа Кози ўғли бошчилигида Тошкент қўмитаси тузилди. Шунингдек, Беҳбудий раҳбарлигида Самарқанд ва Носирхон тўра етакчилигида Фаргона бўлими ҳам ташкил топди. Марказий шўронинг органи сифатида “Нажот” (муҳаррири-Мунаввар қори), кейинчалик “Кенгаш” (муҳаррири-Валидий) газеталари чиқа бошлади. Шунингдек, 1917 йилда напр қилинган “Улуг Туркистон”, “Турон” газеталарида мухториятчилик фояси билан сугорилган мақолалар чоп қилинди.

1917 йил 14 марта Тошкентда “Шўрои Исломия” ташкил топди. Аксарияти жадидлардан иборат бу ташкилот аъзолари Туркистон мустақиллиги учун кураш олиб бордилар. 1917 йил июнь ойида Мунавварқори бошчилигидаги “Шўрои Исломия” ташкилотидан “Шўрои Уламо” ажralиб чиқди. Шерали Лапин унинг Тошкент шульбасига асос солди. Орадан кўп вақт ўтмай, Қўқон шаҳрида ҳам “Шўрои Уламо” жамияти тузилди. “Шўрои Уламо” жамияти ўз мақсадлари тарғиботи учун “Ал-изоҳ” журналини чиқара бошлади (муҳаррири — Абдумалик ҳожи Набиев). Ҳар икки жамият ўртасида фоявий кураш, хусусан, матбуот саҳифаларида авж олиб кетди.

1917 йил 10 сентябрда Тошкентда Бутунтуркистон мусулмонларининг II қурултойи очилди. “Шўрои Исломия” ташаббуси билан чақирилган ушбу қурултой ҳокимиятни ишчи, солдат ва деҳқон депутатлари Советларига беришга қарши чиқди.

1917 йил 20 сентябрда Тошкентда бўлиб ўтган Туркистон ва Қозоғистон мусулмонларининг қурултойи “уламочилар” билан “шўрои исломчилар” ўртасидаги узоқ ва қизғии баҳсларга қарамай, ниҳоят, келишини муроса

йўлини топди. Қурултойда “Шўрои Исломия”, “Шўрои Уламо”, “Турон” ва бошқа сиёсий ташкилотларни бирлаштириш йўли билан бутун Туркистон миңтақаси учун умумий бўлган “Иттифоқи муслимин” номли сиёсий партия тузишга қарор қилинди.

Қурултой ишидаги асосий масала Туркистон ўлкаси-нинг бўлажак сиёсий тузумини белгилаш эди. Ўша пайтда Тошкентда нашр қилинган “Улуг Туркистон” газетасида ёзилишича, “Қурултой Мулла Мухаммадхўжа эшон ва Мулла Сиддиқхўжа эшонларнинг бошқарув шакли ҳақида”ги нутқларини тинглаб, дуюю ижобат ила Туркистон Мухториятини тайин этишга жазм қилди. Қурултой мухториятга “Туркистон Федератив Республикаси” деган номни қўйиб, парламент республикаси асосида тузилажак бўлгуси давлат тузумининг бош тамойил ва меъёрларини белгилаб берди.

1917 йил 25 октябрда (янги сана билан 7 ноябрда) В.И.Ленин бошчилигидаги большевиклар (коммунистлар) Петроградда Мувакқат ҳукуматни ағдариб ташлаб, ҳокимиятни зўравонлик йўли билан эгалладилар. Россиянинг марказида юз берган воқеаларнинг акс-садоси орадан кўп ўтмай Туркистонга ҳам етиб келди.

28 октябрда Тошкентнинг янги шаҳрида рус ишчилари ва солдатлари большевикларнинг қутқуси билан қуролли тўқнашувларни бошлаб юборишиди. Улар генерал Коровиченко қисмларидан устун келдилар. 1 ноября Коровиченко ва Мувакқат ҳукуматнинг Туркистон Кўмитаси қамоққа олинди. Тошкентда зўравонлик йўли билан шўро ҳокимияти ўрнатилди.

Ҳужжатларнинг гувоҳлик беришича, 1917 йилнинг кузига келиб, ўлка шаҳарлари, вилоятлари ва уездларида аҳолининг ҳокимиятни шўроларга ўтишини талаб қилувчи фаол чиқишлари кузатилмаган. Аксинча, жойлардан келиб турган хабарлар ва телеграммаларда Мувакқат ҳукуматни қўллаб-қувватлаш ҳақида гапирилар экан, большевиклар ва бошқа босқинчиларнинг ҳокимиятни шўроларга бериш ҳақидаги талаблари фош этилар,

мамлакат тақдирини ҳал қиласынан Таъсис Мажлисини чақириш тоғасы құллаб-қувватланар эди.

1917 йил 15-22 ноябрда Тошкент шаҳрида бўлиб ўтган Ўлка рус ишчи, солдат ва деҳқон депутатлари Советларининг III съездидан 15 кишидан иборат ҳукумат — Туркистон ўлкаси Халқ Комиссарлари Совети тузилди. Унда 8 ўрин сўл эсерларга, 7 ўрин большевиклар билан максималистларга берилди. Туркистон Халқ Комиссарлари совети (ХКС) раиси лавозимини касби чизмачи бўлган большевик Ф. Колесов эгаллади. Ҳарбий комиссар қилиб, извоничи Перфильев, бошқа комиссарлик лавозимларига ҳам шунга ўхшаш келгиндилар тайинландилар. Ҳукумат таркибига туб аҳоли вакилларидан битта ҳам вакил киритилмади.

Туркистон ўлкасидаги дастлабки шўро ҳукуматининг зиддиятли таркиби минтақада европалик аҳоли ҳукмронлигини мустаҳкамлашта қаратилган эди.

Маҳаллий миллат вакилларининг сиёсий жараёнга аралаштирилмаганлиги ўлка халқларининг совет ҳокимиятига бўлган ишончсизлигини янада кучайтирди.

Ҳокимият большевиклар қўлига ўтиши билан ўлкада Мувакқат ҳукуматнинг барча бўғинлари тугатилиб, ўрнига, аввало, жазо органлари ва шўро бошқарув тизими ўрнатилди. Туркистон ХКС 1917 йил 28 ноябрда ўлкада қизил гвардия бўлинмаларини тузиш ҳақида қарор қабул қиласи. Бу бўлинмалар шўро тузуми ва большевикларга қарши кўтарилиган дастлабки онгли чиқишлиарни бостиришда фаол иштирок қилди. Шу вақтнинг ўзида Бутунrossия Фавқулодда комиссияси (чека) органлари ва Инқилобий трибуналлар ташкил этилди. Пролетариат диктатурасининг бу жазо органлари озодлик ва демократияни бўғишида, тўғри фикрлайдиган кишиларни қатағон қилишда муҳим қурол бўлди ва Ватанимизнинг тарихида ўзининг машъум асоратларини қолдирди.

Туркистон ХКС 1917 йил охиirlарида ўз қарори билан “Шўрои Исломия” ва бошқа маҳаллий демократик ташкилотларни тарқатиб юборди. Бу ташкилотларнинг раҳ-

барлари кейинчалик Туркистон Мухторияти ҳукуматига қўшилдилар, айримлари шуро ҳокимиятига қарши қуролли ҳаракатга гоявий раҳнамолик қилдилар. Шуниси характерлики, “Шўрои Уламо” ташкилотининг Тошкент шуъбаси фақат 1918 йил 13 майда ёпилди.

## **Туркистон Мухторияти ҳукумати ва унинг фаолияти**

Санкт-Петербургдаги октябрь тўнтариши оқибатида 1917 йил октябрь-ноябрь ойларида Туркистон үлкасида, хусусан, Тошкент ва Кўконда юз берган воқеалар миллий озодлик ҳаракатининг кучайиб кетишига олиб келди.

1917 йил 26-28 ноябрда Кўкон шаҳрида Туркистон үлка мусулмонларининг фавқулодда IV қурултойи бўлиб ўтди. Қурултой ишининг бутун тафсилотларини (жадидлар) ўша давр газеталарида тарих учун муҳрлаб қўйдилар.

Қурултойда 1917 йил 27 ноябрь куни кечқурун қабул қилинган қарорда шундай дейилади: “Туркистонда яшаб турган турли миллатга мансуб аҳоли Россия инқилоби даъват этган халқларнинг ўз ҳуқуқларини ўзлари белгилаш хусусидаги иродасини намоён этиб, Туркистонни Федератив Россия Республикаси таркибида ҳудудий жиҳатдан мухтор деб эълон қиласди. Шу билан бирга мухториятнинг қарор топиш шаклларини Таъсис Мажлиси га ҳавола этади”. Қурултой Туркистонда яшаб турган миллий озчилик ҳуқуқларининг муттасил ҳимоя қилинишини тантанали равишда эълон қиласди.

28 ноября (янги ҳисоб билан 11 декабрь) таркиб то-паётган мазкур давлатнинг номи аниқланиб, Туркистон мухторияти деб аталадиган бўлди. Қурултой ўша куни йиғилишда Бутунrossия Таъсис Мажлиси чақирилгунга қадар ҳокимият Туркистон Муваққат Кенгаши ва Туркистон Халқ (Миллат) Мажлиси қўлида бўлиши керак, деб қарор қабул қиласди.

Қурултойда Туркистон Муваққат Кенгаши аъзоларидан 8 кишидан иборат таркибда Туркистон Мухторияти

хукумати тузилди. Ҳукуматнинг Бош вазири ҳамда Ички ишлар вазири этиб Мухаммаджон Тинишбоев сайланди. Ислом Султон ўғли Шоаҳмедов — Бош вазир ўринбосари, Мустафо Чўқай — Ташки ишлар вазири, Убайдуллахўжа Асадуллахўжаев (Убайдулла Ҳўжаев) — Ҳарбий вазир, Ҳидоятбек Юрғули Агаев — Ер ва сув бойликлари вазири, Обиджон Маҳмудов — Озиқ-овқат вазири, Абдураҳмон Ўрозаев — Ички ишлар вазирининг ўринбосари, Соломон Абрамович Герцфельд — Молия вазири лавозимларини эгаллашди. Ҳукумат таркибида кейинчалик айрим ўзгаришлар юз берди. Мухаммаджон Тинишбоев истеъфога чиққач, Мустафо Чўқай Бош вазир лавозимини бажаришга киришади. Курултойда 28 ноябрь куни Туркистон Миллат Мажлиси очилиши тўғрисидаги қарор ҳам тасдиқланди. Миллат Мажлиси 54 нафар аъзодан иборат бўлиб, қурултой қарорига биноан “36 нафар мусулмонлар ва 18 нафар гайри мусулмонлардан сайланадур. 36 нафар мусулмон вакиллари Туркистоннинг 5 вилоятидан бўлиб: Фаргона-10 нафар, Самарқанд-5 нафар, Сирдарё-9 нафар, Еттисув-6 нафар, Закаспий-2 нафар; 4 нафар эса бутун Курултой жараёнида Туркистон Миллат Мажлиси 32 кишидан иборат қилиб сайланди”. “Шўрои Уламо”нинг раҳбари Шерали Лапин Миллат Мажлиси таркибига, унинг раиси сифатида киритилган бўлса ҳам, аммо унинг ўзи бу таклифни рад этди.

Курултой тугагач, 1 декабрда Туркистон Мухториятининг Мувакқат ҳукумати аъзолари (барча 8 киши) имзолаган маҳсус Мурожаатнома эълон қилинди.

“Эл байроби”, “Бирлик туғи”, “Свободнўй Туркестан”, “Известия Временного Правительства Автономного Туркестана” каби ҳукумат газеталари ўзбек, қозоқ ва рус тилларида нашр қилина бошланди. Аввал чиқаётган “Улуғ Туркистон” газетаси ҳам ўз саҳифаларида мухторият ҳукумати фаолиятига алоҳида ўрин берди. Нашр ишларини яхшилаш учун О.Махмудовнинг босмахонаси ҳукумат ихтиёрига ўтди. Мухторият ҳукумати миллий қўшинни ташкил қилишга киришди. 1918 йил бошида бу қўшин

сафларида бир мингдан ортиқ аскар бўлган. Ҳарбий вазир Убайдулла Ҳўжаев иштирокида ўтказилган кўрик-парад вақтида аскарлар сони 2000 кишига етган. Бундан ташқари, Кўконда тахминан щунча миршаблар ҳам бор эди. Ҳукумат иқтисодий соҳада 30 миллион сўм миқдорида ички замъем чиқаришни йўлга қўйди.

Туркистон халқининг муҳторият учун олиб борган курашида 1917 йил 13 декабрда бўлиб ўтган фожеали воқеалар муҳим ўрин тутади. Ўша куни Тошкентда эски шаҳар аҳолиси “Муҳтор Туркистон учун!” шиори остида тинч байрам намойишини ўтказдилар. Аммо, Тошкент советидаги большевиклар шаҳарда қуролли куч билан «тартиб» ўрнатишга буйруқ берадилар. Оқибатда, тинч намойиш қатнашчилари пулемётдан ўққа тутилди, эски шаҳарлик 16 киши ана шу тўқнашув қурбони бўлди.

Муҳтор ҳукуматининг халқ ўртасидаги обрў-эътибори ва нуфузи большевикларни ташвишга солиб қўйди. 1918 йил 19-26 январда Тошкентда ўтказилган Туркистон ўлкаси ишчи, солдат ва деҳқон депутатлари Советларининг фавқулодда IV съездидаги муҳторият масаласи асосий ўринда турди. Съезд Туркистон Муҳторияти ҳукумати ва унинг аъзоларини қонундан ташқари ҳолатда деб, ҳукумат аъзоларини қамоққа олиш тўғрисида қарор чиқарди. Большеивиклар ўзларининг бу қабих ва мудҳиши “хўкми”ни амалга оширишга зудлик билан киришилар.

30 январда Туркистон ХКС муҳторият ҳукуматини тугатиш учун ҳарбий харакатларни бошлади.

Туркистон Муҳторияти ҳукумати қизил аскарлар ва дашноқларнинг қонли ҳужумлари оқибатида ағдариб ташланди. Аммо Кўкон ва унинг атрофидаги тинч аҳолини талаш, ўлдириш авжига чиқди. Факат Кўконнинг ўзида уч кун давомида 10000 киши ўлдирилди. Шаҳар буткул вайронага айлантирилди.

Ҳукумат бошлиғи Мустафо Чўқай шаҳарни тарқ этиб, яширинишга мажбур бўлди. Вазирларнинг айримлари ҳалок бўлди. Баъзиларини большевиклар қўлга олишиди.

“Улут Түркистон” газетаси чукур қайғу билан хабар берганидек, “20 феврал Хўқанд (Кўқон) тарихининг энг даҳшатли куни эди. Арманилар айрича фаолият кўрсатганлар ...” Газетадаги ушбу мақола “Хўқанд ҳозир ўликлар шаҳри” деган даҳшатли ибора билан тугайди.

Ниҳоят, 1918 йил 22 (эски ҳисоб билан 9) февралда Кўқон шаҳридаги “Рус-Осиё” банки биносида большевиклар томонидан тайёрланган “тинчлик шарнома”си Кўқон аҳли вакиллари билан имзоланди.

1918 йил январь ойида ёқ большевиклар Туркистон Мухториятига қарши Туркистон автономиясини тузиш масаласини кўтаришган эди. Бу муаммо факат Туркистон советларининг V съездиде (1918 йил 20 апрель-1 май) ҳал қилинди. Съезд Россия Совет Социалистик Федерацияси таркибида Туркистон Республикаси (тарихий адабиётларда Туркистон автоном республикаси)ни тузиш тўғрисида қарор қабул қилди.

Туркистон Республикаси XKC ва МИК ичида ҳокимият учун ўзаро курашлар, можаролар ва жанжаллар авжига чиқди. Октябрь ойида Туркистон XKC раиси Ф. Колесов ва бошқа айрим амалдорлар эгаллаган лавозимидан бўшатилди.

1919 йил 19 январда ҳарбий комиссар К. Осипов бошлилигида Тошкентда исён кўтарилилди. К. Осиповнинг буйруғи билан 14 комиссар отиб ташланди.

1919 йил 8 октябрда Москвада Турккомиссия (Россиянинг Туркистон ишлари бўйича комиссияси) ташкил қилиниб, у Тошкентга жўнатилди. Турккомиссия, кейинчалик Туркбюро ва Ўрта Осиё бюроси каби турли хил комиссия ва бюrolар, мунтазам равишда, Россия марказидан Туркистонга жўнатиб турилди. Марказ ўзининг бу фавқулодда органлари орқали Туркистон минтақасини бошқариш ва маҳаллий халқларни мустамлакачилик асротида ушлаб туришга интилди.

Бу пайтда бутун Россияда бўлгани сингари Туркистон республикасида ҳам “ҳарбий коммунизм” сиёсати жорий қилинди.

## **Туркистон минтақасида совет ҳокимиятига қарши куролли ҳаракат ва унинг тарихий аҳамияти**

Мустақиллик осонликча қўлга киритилмаслигини тушуниб етган миллий ватанпарварлар қўлга курол олиб, большевиклар ва босқинчи қизил армияга қарши куролли ҳаракат бошлаб юбордилар. Бироқ совет тузуми ва коммунистик мафкура ҳукмронлиги йилларида, уларга “босмачи” деб ноҳақ тамға босилди. Бу ҳаракат ҳақида сўз юритилган 1918-1919 йилларнинг ўрталари гача бўлган даврга тегишли архив ҳужжатларида ҳам “босмачи” сўзи учрамайди. Бу ҳужжатларда “қароқчи” (разбойник), “шайка”, жуда бўлмаса “босқинчи” (бандит) иборалари кўлланган. 1919 йилнинг ўрталаридан бошлаб аввал айрим расмий ҳужжатларда, кейинчалик эса совет вакъти матбуотида “босмачи” ибораси қўлдана бошлаган.

Ўзбекистон Республикаси мустақилликка эришгач, “босмачи” ёрлиги ёпиширилган ота-боболаримизнинг муборак номлари қайта тикланди ва уларнинг ҳақиқий қиёфалари истиқлолчилар сифатида намоён бўлди.

Туркистон Мухторияти ҳукуматининг тугатилиши бу ҳаракатнинг бутун Фаргона водийсида оммавий равишда бошланишига бир туртки вазифасини ўтади, холос. Россия империясининг мустамлакачилик зулми остида эзилиб келган фаргоналиклар Туркистонда биринчи бўлиб большевиклар режимига қарши қуролли курашга отландилар. Шу тариқа, Туркистонда совет ҳокимияти ва большевикча тузумга қарши истиқлолчиллик ҳаракати 1918 йил февраль ойининг охирларида бошланган эди.

Бу ҳаракатнинг асосий ҳаракатлантирувчи кучи — дехқонлар, чорикорлар, мардикорлар, хунармандлар ва косиблар бўлган.

Дастлабки миллий ҳарбий ҳаракатнинг ташкил топиши Кичик Эргаш (тажминан 1885-1918) ва Катта Эргашнинг (тажминан 1880-1921) номлари билан боғлиқдир.

1918 йил 27 февралда Кўқон атрофидаги Бачқирда бўлган жангларнинг бирида Кичик Эргаш шахид бўлгач,

унинг ўрнига Катта Эргаш (уни Мулла Эргаш ҳам дейишган) Фарғона водийсида большевикларнинг мустамла-качилик тартибига қарши озодлик байроғини кўтарди.

Марғилонда эса милициянинг собиқ бошлиғи Муҳаммад Аминбек Аҳмадбек ўғли — Мадаминбек (1892-1920) кураш бошлади. “Ўз олдига совет ҳокимиятини ағдариш ва Фарғона мухториятини тиклаш вазифасини қўйган Мадаминбек устомон сиёсатчи ва уддабурон ташкилотчи фазилатларига эга эди”, — деб тан олинади 1918 йилга оид архив хужжатларининг бирида.

1918 йилнинг ўрталарига келиб, Фарғона водийсида тахминан юзга яқин қўрбошилар ўз дасталари билан Қизил армия қисмларига қарши кураш олиб бордилар. Бу гурухларда 15000 йигит бор эди.

Фарғона водийсидаги бу ҳаракат 1919 йил ёзининг охири ва кузида ўзининг энг юқори чўққисига чиқди. Мадаминбек бошчилигидаги истиклолчилар сафига Жалолободда турган рус крестьянлари армиясининг қўшилиши водийда совет ҳокимиятини ағдариш учун реал куч эди. Сентябрь ойининг дастлабки кунларида Мадаминбек лашкарлари Жалолобод ва Ўш шаҳарларини эгаллашди. Улар 13 сентябрь Эски Марғилон шаҳрини қизил босқинчилардан озод қилдилар. Шу билан бирга, водийдаги энг иирик стратегик шаҳар — Андижонни қамал қилишга киришдилар. Мадаминбек бошчилигидаги қўшиннинг хужуми Фарғона водийсини ларзага келтирди. 1919 йил 22 октябрда Помирнинг Эргаштому (Иркештам) овулида бўлган анжумандада Мадаминбек бошчилигига Фарғона мувакқат мухторият хукумати тузилди. Хукумат таркибига 16 киши туб аҳолидан ва 8 та европалик киритилди. Мадаминбек хукумат бошлиғи бўлиш билан бир қаторда, Фарғона водийсидаги бу ҳаракатнинг Олий бош қўмондони ҳам этиб сайланди.

1919 йилнинг кеч кузига келиб Мадаминбек қўл остида 30000га яқин йигит Қизил армияга қарши жанглар олиб борди. Бу пайтда Шермуҳаммадбек қўл остида 20000, Катта Эргаш қўрбошида 8000 та аскар бўлган. Ана шу учта

лашқарбоши водийдаги жанговар ҳаракатларни йўналтириб турдилар.

Туркистондаги бу ҳаракат 1920 йилнинг ёзи ва кузида ўзининг янги босқичига қадам қўйди. Фарғона водийсидаги бутун қўрбошилар ва тинч аҳоли вакиллари Олтиарик туманидаги Гойибота қишлоғида ўзларининг навбатдаги қурултойларига тўпландилар. Курутой 1920 йил 3 майда Шермуҳаммадбек бошчилигига Туркистон — турк мустақил ислом жумҳурияти ёки қисқача айтганда, Туркистон муваққат ҳукуматини тузди.

Туркистон МИК раиси Иномжон Хидиралиевнинг кеъинчалик ёзишича, “1920 йил сентябрда босмачиларнинг сони 70000 кишига етди ва кучли ваҳима уйғотди”.

Қуролли ҳаракатни ташкилий жиҳатдан уюштиришда Фарғона водийси, Бухоро ва Хоразмдаги қўрбошиларнинг мазкур даврда бўлиб ўтган ўттиздан ортиқ қурултойларининг аҳамияти катта бўлган. Бу қурултойларда ҳаракат раҳбарлари этиб сайланган қўрбошилар ягона қўмондонлик остига бирлаштирилган. Баъзи қўрбошилар Олий бош қўмондонга бўйсунмай, ўзларича мустақил ҳаракат қилган. Холхўжа Эшон каби майшатпаст кимсалар бўлганлиги ҳам ҳақиқат.

Наманганлик Носирхон тўра Сайд Камолхон тўра ўғли, тошкентлик муфтий Садриддинхон Махсум Шарифхўжа қози ўғли, Туркистон МИК раисининг собиқ ўринbosари Тўрақул Жонузоқов, асли бошқирдистонлик Аҳмад Закий Валидий ва бошқалар бу ҳаракатнингоявий мафкурачилари эдилар. Ҳаракатга раҳбарлик қилган ислом уламолари орасида яссавийлик ва нақшбандийлик тариқатининг пирлари ҳам кўп бўлган.

Маълумки, Туркистон аёллари учун Ватан озодлиги ва унинг тинчлиги муқаддас ҳисобланган. Карманалик Нодира қиз эса Иброҳимбек қўшинида махсус аёллар гурӯхига бошчилик қилиб, Шарқий Бухорода қизил аскарларга қарши марданавор курашган.

Фарғона водийсидаги ватанпарварлар қўшинига 1923-1924 йилларда олдин Ислом Полвон (тажминан 1882-1923),

сўнг Ёрмат Махсум (1929 йил ҳалок бўлган) каби қўрбосилилар раҳбарлик қилдилар. Бу пайтда қўрбосилиларнинг кичик-кичик гурухлари жанг ҳаракатларини олиб бордилар. Фарғонада уларнинг сони 1923 йилда 350-400 атротифда эди. Лекин қўрбосилилар курашнинг мазкур босқичида турли сабаб ва маҳаллий шарт-шароитлар натижасида доим ҳам бир-бирлари билан келишиб иш кўрмадилар.

1920-1924 йилларда бу ҳаракат Бухоро ва Хоразм республикаларида ҳам авж олди. Бухоро ва Хоразмдаги миллий мухолифатнинг озодлик курашлари алоҳида ўзига хос йўналиш ва хусусиятга эга бўлиб, ўта мураккаблиги ва зиддиятлилиги билан Туркистон Республикасидаги қуролли ҳаракатдан ажralиб туради. Большевиклар Қизил армия ёрдамида Бухоро амирлиги ва Хива хонлигини куч билан ағдариб, ҳокимиятни Бухорода, асосан, “Ёш бухороликлар”дан, Хоразмда эса “Ёш хиваликлар”-дан иборат демократик кучлар қўлига берди.

Бухоро ва Хоразм Ҳалқ Совет Республикаларида юзага келган қуролли мухолифат шу боисдан ҳам бир йўла икки кучга қарши: биринчидан, бу давлатлар ҳудудида жойлашиб олган Қизил армия қисмларига қарши, иккинчидан эса большевиклар ёрдамида ҳокимиятни эгаллаб олган жадидларга қарши мухолифлик урушини олиб бордилар. Бу урушнинг Туркистондаги, хусусан, Фарғона водийсидаги ҳаракатдан фарқи ҳам ана шунда.

Бухородаги бу ҳаракат Қизил армия ва большевикларнинг тажовузкорлиги, зўравонлиги ва талончиликка қарши қаратилганлиги билан алоҳида аҳамиятга эга. Мужоҳидларнинг асосий мақсади: қизил қўшинни ҳайдаб юбориш, миллий қадриятлар, асрий эътиқод ва урф-одатларнинг поймол қилиниши, хўрланишига барҳам бериш эди. Юқорида айтиб ўтилганидек, ватанпарварлар Бухорода икки жабҳада туриб кураш олиб боришлиларига тўғри келди. Бир томондан, амирлик тузуми тарафдорлари бўлган истиқлолчилар (улар ўзларини мужоҳидлар деб аташган) жадидлардан иборат ёш Бухоро ҳукуматига, шунингдек, Қизил армия қўшинларига қарши кураш олиб

бордилар (Иброҳимбек, Мулла Абдулқаҳҳор ва б.). Иккинчи томондан, миллий истиқлол ғояларига содик бўлган истиқлолчилар Файзулла Ҳўжаев бошлиқ Бухоро Ҳалқ Республикаси ҳукумати билан яширин алоқалар ўрнатиб, Бухоронинг муқаддас тупроғидан босқинчи қизил аскарларнинг олиб кетилиши, Бухоро Республикасининг мустақиллиги амалда қарор топиши учун курашдилар (Анвар Пошшо, Давлатмандбек, Жабборбек ва б.). Айнан улар сафига кейинчалик Бухоро Республикасининг жуда кўпчилик раҳбарлари (Бухоро МИКнинг биринчи раиси Усмонхўжа Пўлатхўжаев, ҳарбий ишлар нозири Абдулҳамид Орипов, республика милицияси ва Чека бошлиғи Али Ризо Афанди ва б.) қўшилдиларки, бу арбобларнинг аксарияти кечаги жадидлар ва “Ёш бухороликлар” эди. Афсуски, Бухоро ҳукумати таркибидаги миллий ватанпарвар кучлар билан мухолифатдаги қуролли истиқлол гурухларининг йўлбошчилари ўртасидаги очик битишув амалга ошмади.

Хоразм Республикасида ҳам 1920 йил баҳоридан бошлаб қизил аскарларнинг мисли қўрилмаган талончилик ва зўравонликларига қарши ҳаракат бошланди. Қуролли курашни туркманларнинг ёвмут уруғи бошлиғи Қурбон, Мамед, Сардор-Жунаидхон (1857-1938) бошчилигидаги гурухлар кўп йиллар давомида олиб борди. Унинг қўшини сафларида ўзбек, қорақалпоқ ва қозоқлар ҳам кўпчилик эди. Қисқа мuddатда Жунаидхон ўз қўшинини 20000 кишига етказди.

Ўзбек дехқонлари ва хунармандларидан иборат гурухларга Мадраимбой, Саъдулла бола, Шокир бола, Мавлонбек ва бошқалар раҳбарлик қилдилар.

Хоразм воҳасида истиқлолчилик ҳаракати айрим гурухлар томонидан 1935 йилгача Шарқий Бухоро ва Фарғона водийсида ҳам баъзи узилишлар билан юқоридаги давргача давом этди. Туркистон минтақасидаги қуролли ҳаракат тарихига якун ясад, бу ҳаракатни кенг ҳалқ оммаси, биринчи навбатда, дехқонлар ва хунармандлар қаҳр-ғазаби ҳамда норозилигининг юксак даражага кўтарилиганини ифодаси деб эътироф этишга тўғри келади.

## **Хива хонлигининг тугатилиши. Хоразм Халқ Совет Республикасининг тузилиши ва ундағы ижтимоий-сиёсий ўзгаришлар**

XX аср бошларида ҳам Россия империясининг ярим мустамлакаси ҳисобланган Хива хонлигидаги ижтимоий-иктисодий муносабатлар, бошқарув тизими руслар босқинига қадар шаклланган ҳолатда қолган эди. Мамлакатда хон бошлиқ феодал амалдорлар, диндор рухонийлар мамлакат бошқаруvida чекланмаган ҳуқуққа эга бўлиб, икти-содий ҳаётда эса ерга эгалик муносабатлари ҳам аввалги-дек сақланиб қолган эди. Империя ҳукмронлиги таъсирида кўпгина юқори мансаблар (инок, оталик, бий) олдингидек икти-содий асосини йўқотган бўлса ҳам, лекин юқори унвон сифатида мамлакат сиёсий ҳаётида катта таъсирга эга эди.

Хива хонлигидаги асосий шаҳарларга — Хива, Урганч, Тошқовуз, Ҳазорасп, Питнак ва бошқалар кирган. Хон-лик ҳудуди Россия босқинидан кейин 62.236 кв.км бўлиб, у 20 та беклик ва 2 та ноиблиқдан иборат эди. Аҳоли аниқ рўйхатга олинмаган бўлиб, бу даврга оид манбаларда, у 600 мингдан 900 мингга қадар деб кўрсатилади. Уларнинг 60 фоиздан кўпрогини ўзбеклар, 28 фоизини туркманлар, қолганларини қозоқ, қорақалпок, форс (эроний), араб, рус ва бошқа миллат вакиллари ташкил этган.

Ижтимоий-сиёсий ва икти-содий тараққиётда анча орқада қолган Хива хонлигига саноат ишлаб чиқариши йўқ, даражада бўлиб, бу ерда ўндан ортиқ пахта, ёғ заводлари-гина бор эди. Аҳолининг асосий қисми дехқончилик, чорва-чилик, хунармандчилик, косибчилик билан шугулланган. Халқ оммасининг турмуш шароити анча оғир бўлиб, улар ҳосилдор ерлар, сугориш манбаларини ўз қўлида тўплаб олган амалдорлар ва руҳонийларга кўплаб соликлар тўлаб турганлар. Ўша давр манбаларида қайд қилинишича, Хива хонлигига 20 дан ортиқ солик тўловлари ва мажбуриятлар бўлган. Айниқса, Биринчи жаҳон уруши йилларида солик ва тўловларнинг миқдори ҳамда тури янада ошган.

XX аср биринчи чорагида бутун Туркистон ўлкаси, Бухоро амирлиги каби Хива хонлигига ҳам халқ ҳарака-

тининг мафкуравий асосини жадидчилик ҳаракати, жадидчилик фоялари ташкил этди. Туркистон ва Бухородан фарқли ўлароқ, Хива хонлигидаги жадидчилик ҳаракатининг шаклланишида, ҳаракатнинг асосий йўналиши ҳисобланган мактаб, маориф ишлари тараққиётида Хива хони Муҳаммад Раҳимхон II (Феруз), қозикалон Салим Охун ва унинг ўғли Бобо Охун, вазир Исломхўжа, мурзабоши ва девонбеги лавозимида ишлаган Паҳлавонниёз Комил Хоразмий, Хонқа ҳокими Муҳаммад катта роль ўйнадилар. Улар ўз ҳисобларидан бир қанча мактаблар очишли. Бобо Охун Салимов дўсти Бекжон Раҳмонов билан бу мактаблар учун дарслик китобларини ҳам ёзишган. Хонликда жадидчилик ҳаракатининг шаклланиши жараёнида Мунис, Огаҳийлар асос солган ва кейинчалик Баёний бошчилигида давом эттирилган тарихчилик ва таржимонлик мактабининг мавжудлиги, тарих ва ўтмишга эътиборнинг кучлилиги ҳам катта роль ўйнаган. Шунингдек, Туркистон ва Бухородаги каби Хива хонлигига жадидчилик ҳаракатининг шаклланишида ташки омил, яъни Россиядан келган илғор фикрли зиёлилар, инқиlobий руҳдаги сургун қилинган ёшлар ва Россиядаги ўзгаришлар ҳам ўз таъсирини кўрсатган. Жадидчиликнинг асосий ўйналишларидан бири бўлган матбуот Хива хонлиги худудида мавжуд бўлмаса ҳам, хонликдаги илғор зиёлилар Туркия, Эрон, Россия, шунингдек, Тошкент Самарқанд ва Бухорода чиқадиган жадид газеталари ва журналлари билан танишиб борганлар.

Хоразмдаги жадидчилик ҳаракатидан 1914 йил август ойида “Ёш хиваликлар” ташкилоти тузилди, унга раис қилиб Полвонниёз Ҳожи Юсупов (1861-1936) сайланган. “Ёш хиваликлар” ҳаракатида бу даврда қозикалон Бобо Охун Салимов (1874-1929)нинг ҳам ўрни бўлакча эди. “Ёш хиваликлар” ташкилоти дастурининг асосини мавжуд тузум доирасида ислоҳотлар ўtkазиш, мактаб-маориф ишини яхшилаш, хон ҳокимиятини чеклаш каби масалалар ташкил қиласи эди.

Иқтисодий қийин шароитда яшаётган хонлик аҳолисининг аҳволи бошланиб кетган Биринчи жаҳон уруши

боис янада оғирлашди. Хонлик истибодига қарши 1915-1916 йилларда туркманлар Жұнаидхон бошчилигіда құзғолон күттардилар. Туркман, ўзбек, қозоқ ақолисининг мавжуд тузумга қарши курашини “Еш хиваликлар” партияси раҳбарлари фаол құллаб-куватладилар.

1917 йил февраль инқилоби пайтида Хива хони Асфандиёрхон Ялтада дам олаётган эди. Шунинг учун ҳам у Россия императорининг таҳтдан воз кечганини эшитган заҳоти хонликка шошилди. Асфандиёрхонни кутиб олишга чиққан давлат арбоблари орасида Ҳусайнбек Матмуродов, Полвонниёз Ҳожи Юсуповлар ҳам бор әдилар. Хива гарнizonидаги солдатлар ҳам худди Россияядаги каби ўз советларини ташкил қылған әдилар. Ана шу советларнинг фаолларидан Латипов, Тиниев ва бошқаларнинг ташвиқотлари билан Полвонниёз Ҳожи Юсупов бошлиқ “Еш хиваликлар” партияси 4 апрелда солдатларнинг Мувакқат ҳукуматга қасамёд қилиши учун түпланған тантана-га кишиларни йиғиб бориб, солдатлардан Хива хонини ағдариб ташлашни сұрашди. Гарнizon бошлиғи хонни таҳтдан олиб ташламаслик талаби билан “Еш хиваликлар”га ёрдам беришга рухсат берди. 5 апрель куни Асфандиёрхон рус солдатлари ҳимоясида саройға келиб, халқ номидан құйиладиган талаб (манифест)ни имзолашға мажбур бўлди. Манифестга асосан хон ҳокимиюти қошида қонун чиқарувчи орган — Мажлис ва Нозирлар кенгashi ташкил этилди. Мажлиснинг биринчи йиғини 1917 йил 26 апрелда бўлиб ўтди. Унда Мажлис раиси этиб — Бобо Охун Салимов, нозирлар кенгашининг раиси этиб — Ҳусайнбек Матмуродов сайландилар. Бу ташкил қилинған давлат органлари таркибида “Еш хиваликлар”нинг аъзолари кўпчиликни ташкил қилас әди. Лекин кейинчалик Асфандиёрхон Хива гарнizonи бошлиғи генерал Мирбадалов ва Зайцевларнинг ёрдами билан мажлисдан “Еш хиваликлар”нинг аъзоларини сиқиб чиқаришга муваффақ бўлди. Турли баҳоналар билан Ҳусайнбек Матмуродов ва бир қанча ташкилот аъзоларини зиндонга ташлади. Полвонниёз Ҳожи Юсупов, Назир Шоликоров, Бобо

Охун Салимов, Жуманиёз Султонмуродов, Бобожон Якубов ва бошқалар хоннинг таъқибидан қутулиш учун Тўрткўл, Чоржўй, Тошкент каби шаҳарларга қочиб кетишиди. Бу пайтда Тўрткўл ва Тошкентда совет ҳокимияти ўрнатилган эди. Совет ҳукумати орқали “Ёш хиваликлар”нинг Асфандиёрхон, Зайцев, Жунаидхонларга ўз ҳамфирларини зиндандан озод қилишни талаб қилиб юборган бир қанча телеграммалари ҳеч қандай натижа бергани йўқ. Аксинча, октябрь тўнтаришидан кейин Хива шахридан рус аскарлари олиб чиқиб кетилди ва Асфандиёрхон ўзининг ҳарбий таянчидан маҳрум бўлди. Бу 1916 йил қўзғолонидан кейин Эронга қочиб кетган Жунаидхоннинг Хива хонлигига қайтиб келиши ва бу ерда катта мавқега эга бўлишига сабаб бўлди. Чунки мингдан ортиқ қуролланган сарбозларга эга бўлган Жунаидхон билан муроса қилмасдан Асфандиёрхон ва унинг атрофидаги аъёнлар бундан кейин ҳокимиятни сақлаб қолишига таянчлари йўқ эди. Шунинг учун ҳам Асфандиёрхон Жунаидхонни “садори карим”, яъни хоннинг лашкарбошиси қилиб тайинлади. Шу билан ўзи Жунаидхон қўлидаги қўғирчоқ хонга айланиб қолди. Хонликдаги ҳокимият эса тўла равишда Жунаидхон қўлига ўтди. Тошкентга етиб келган Полвонниёз Ҳожи Юсупов бошлиқ “Ёш хиваликлар” 1918 йил баҳорида совет ҳокимиятининг фаолларидан бири бўлган Юсуф Ибрагимовнинг маслаҳати билан ўзлари тўрт киши бўлишига қарамасдан “Ёш хиваликлар” партиясининг Марказий Кўмитасини ташкил қилдилар.

1918 йил октябр ойларига келганда “Ёш хиваликлар” ташкилоти аъзолари таъсири билан Жунаидхон ва Асфандиёрхон ўртасига низо солинди ва бунинг натижаси ўлароқ Жунаидхоннинг ўғли Эшши томонидан Асфандиёрхон қатл қилинди. Унинг ўрнига акаси Сайд Абдуллоҳон хон деб эълон қилинди. Жунаидхон Хива хонлиги ҳудудида большевиклардан мустакил бўлган давлатни сақлаб қолишига ҳаракат қилди. 1918 йил ноябр ойида Амударёning ўнг қирғоидаги ерларда ташкил қилинган совет ҳукуматига қарши Жунаидхон бир неча маротаба

муваффакиятсиз уруш олиб борди. 1919 йил апрель ойида совет ҳукумати билан Жунаидхон ўртасида Тахта шартномаси тузилди. Унга совет ҳукумати томонидан Христофоров, Хива хонлиги томонидан Жунаидхон имзо чекдилар. Бу вақтингчалик келишув бўлиб, унга иккала томон ҳам амал қилмади. Бу пайтда Тўртқўлда мулла Жуманиёз Султонмуродов бошлиқ “Ёш хиваликлар” партиясининг қўмитаси тузилган бўлиб, уларнинг сони Хива хонлиги ҳудудидан қочиб ўтганлар ҳисобига кундан-кунга кўпаётган эди. Уларни совет ҳукумати хивалик инқилобчилар деб, большевиклар партияси сафига қайд қилишган. Мана шу “Ёш хиваликлар”нинг талаблари ва туркман уруглари орасида Кўшмамедхон, Гуломалихон каби уруғ сардорларининг Жунаидхон билан келишмай қолганлиги ҳақидаги хабарни ҳисобга олган большевиклар Скалов раҳбарлигига 1919 йил 22 декабрда мустақил давлат — Хива хонлиги ҳудудига бостириб кирдилар. 1920 йил 1 февралда Жунаидхон қўшинларини тор-мор қилган Қизил армия Хива шаҳрига кириб борди. 2 февраль куни сўнти Хива хони Сайд Абдуллохон таҳтдан воз кечди.

Хивада Жуманиёз Султонмуродов раислигига Мувакқат инқилобий қўмита ташкил этилди. 1920 йил 26-30 апрель кунлари Хоразм меҳнаткашларининг биринчи қурултойи бўлиб ўтиб, унда Хива хонлиги ҳудудида Хоразм Ҳалқ Совет Республикаси ташкил этилганлиги эълон қилинди ва Полвонниёз Ҳожи Юсупов раислигига Ҳалқ Нозирлар Шўроси тузилди. Бу ҳукумат таркибига, асосан, “Ёш хиваликлар” партиясининг аъзолари кирган бўлиб, улар мамлакатда демократик тузумни ўрнатиш, мустақил давлатни барқарорлаштириш борасида катта ишларни амалга оширдилар. Ана шундай ишлардан бири сифатида Бобо Охун Салимов раислигидаги делегациянинг уч ой давомида Москва ва Петроград шаҳарларида бўлиб, 1920 йил 13 сентябрда РСФСР билан XXСР ўртасидаги иқтисодий-сиёсий шартноманинг имзоланиши бўлди. Бу хужжатга асосан XXСР мустақил давлат ҳисобланиб, совет Россияси билан ўзаро тенг ва бир-бирларининг ички ишларига аралашиб олинди. Лекин XXСР

хукумати раҳбарлари олиб борган мустақил сиёсат совет тузуми ва унинг республика худудидаги вакилларига ёқмади. Чунки Полвонниёз Ҳожи Юсупов бошлиқ ҳукумат хусусий мулк, вакф ерлари, диний муассасаларни тарқатиб юбориш ўрнига уларни сақлаб қолиш ва мустаҳкамлашга ҳаракат қилаётган эди. ХХСРнинг Конституциясида ҳам хусусий мулк эътироф этилган эди. Бу нарса ўша пайтдаги совет ҳукуматининг Хоразмдаги вакиллари Скалов, Иоффе, Дубянский, Шокиров ва бошқаларга ёқмади. Дубянский ва Шокировлар 1920 йил август ойида Кўшмамедхон ва Фуломалихонларни Хивага чақириб, уларни йигитлари билан қатл қилиш ва бу билан маҳаллий ўтроқ аҳоли ва туркман чорвадорлари ўртасида низо туғдиришга ҳаракат қилишди. Фуломалихон қочиб кутилган бўлса ҳам, Кўшмамедхон ва унинг йигитлари қатл этилди. Бироқ буларнинг ҳаммаси “Ёш хиваликлар” ҳукумати зиммасига юқлатилди. Натижада, 1921 йил 6 марта Хива шаҳрида қизил аскарлар томонидан намойиш уюштирилиб, инқилобий қўмита тузилди ва Полвонниёз Ҳожи Юсупов бошлиқ ҳукумат аъзолари қамоққа олинди. Полвонниёз Ҳожи Юсупов ва Назир Шоликоровлар қочиб яширинишга улгуришди.

ХХСРда коммунистлар олиб борган сиёсат маҳаллий кадрлар, зиёлилар ҳамда мустақил фикрга эга бўлган инсонларни йўқотишга қаратилган эди. Хоразм Республикаси мавжуд бўлган атиги 5 йилга яқин муддат ичida республика ҳукумати — Халқ Нозирлар Шӯроси ва Хоразм МИК раислари ўн марта ўзгартирилганлиги фикримизнинг яққол исботидир.

1920-1921 йилларда аграр соҳада дастлабки ўзгаришлар амалга оширилиб, 10000 десятина ер дехқонларга бўлиб берилиди. Бундан ташқари, уларга уруғ, дехқончилик асбоблари ҳамда ссуда (қарз) ажратилди. Дехқонларга кредит ҳисобидан 5000 та чорва мол сотилди. Эски суғориш иншоотларини қайта тиклаш билан бирга, янгилари ҳам қурилди. Масалан, 1922 йил охиригача Хоразм дехқонлари Ҳазораспдан Ҳўжайлигача бўлган худудда 12 та дамба қурдилар. 1922 йилда чоракор ва камбагалларга ер бўлиб бериш учун давлат ер фонди тузишга

ҳамда дәхқонларга узок муддатли ва қайтариб олинмайдиган ссудалар бериш учун давлат дәхқонлар банкини таъсис этишга қарор қилинди. Банкка 3 млрд. сүм маблаг ажратилған. Хуллас, 1921-1922 йилларда 400000 танобдан ортиқроқ ер камбағал дәхқонларга берилди.

ХХ асрда иқтисодий сиёсат ва хұжалик соңасидаги ислохотлар зиддиятли тарзда кечди. Хоразм Республикасидеги солиқ сиёсатида совет Россиясининг таъсири күчлироқ бүлгәнлиги учун синфий ёндашув яққол намоён бүлди. Солиқнинг оғир юки савдогарлар, судхұрлар ва йирик ер зғалари зиммасига тұғри келди. Қишлоқ хұжалигидегі ягона солиқ тизими (1922 й. декабр) жорий қилинди. Солиқ тұлашни тұғри йўлга қўйиш мақсадида давлат банки ва солиқ палатаси ташкил қилинди. Янги иқтисодий сиёсат (НЭП)нинг эълон қилиниши билан карвонсаройлар, корхоналар, күллар ва тұқайлар ижарага бериле бошланди. Симлари тортилиб, дарё кемачилигини тиклашга киришилди. Бир қанча йирик күпприклар қурилди. Пахта майдонларининг ҳудуди 1921 йилдаги 10000 танобдан 1924 йилда 85000 танобга, ҳосилдорлик 100000 пуддан 800000 пудга күтарилди. Умумий экин майдонлари 1913 йилдаги даражанинг 62 % ини, ҳосилдорлик 70-75%ни ташкил қилди. 1924 йилга келиб 6 та пахта тозалаш заводи, 10та ғильт заводи, ёғ заводи, босмахона, электростанция тикланди. Қоғоз ва шиша заводлари қурилди. Саноатда давлат сектори устувор мавқени әгаллади.

Хукумат маданий-маърифий ва соғлиқни сақлаш ишларига ҳам катта эътибор қаратди. 1920 йил баҳорида Республикада янги типдаги мактаблар ташкил қилина бошлади. 1921 йил сентябрьда Хивада очилған Халқ дорилғануни республика маданий ҳаётида катта воқеа бүлди.

Хоразм Республикаси тузилған дастлабки ойлардан бошлаб ғоявий-сиёсий вазият кескинлашиб борди. “Еш хиваликлар” хукумати, демократик күчлар маҳаллий шароитни түшүнгән ҳолда ахолининг урф-одатлари ва қадриятларини эъзозлаб иш олиб бордилар. Аммо Хивани босиб олиш жараёнида кириб келған Қызыл армия, унинг қўмондонлари, европалик большевиклар республикада-

ги ижтимоий-сиёсий ҳаётга салбий таъсир кўрсатдилар. Улар маҳаллий шароит, халқ оммаси қайфияти ва қарашларини назар-писанд қилмай, тезкорлик билан инқилобий чора-тадбирларни амалга оширишга киришдилар. Бу ишларни амалга оширишда Хоразм Компартияси (1921 йил декабрда тузилган) уларнинг энг яқин ёрдамчисига айланди.

Хоразм Республикасида кейинги йилларда ҳам ғоявий-сиёсий кураш давом этди. Республиkanинг кўплаб раҳбарлари мустақиллик учун, адолатсизликка қарши курашни тұхтатмадилар. 1923 йил баҳорида Савдо-саноат нозири Нуруллаев Москвада РСФСР билан бўлаётган музокараларда қатъийлик кўрсатгани учун Хоразмга чакирилиб, қамоққа олинди. Совет Россиясининг кўрсатмалари асосида 1923 йил ёз-кузида Хоразм Республикаси туб сиёсий тұнтарап амалга оширилди. 1923 йил октябрьда ХХСР Хоразм Совет Социалистик Республикаси (ХССР)га айлантирилди. ХССРнинг янги Конституцияси қабул қилинди. Ағсуски, бу Конституция мамлакатни социалистик қурилиш йўлига ўтишини қонун йўли билан мустаҳкамлади.

Хулоса қилиб айтганда, 1923 йил кузидан бошлаб Хоразм Республикасидаги демократик ўзгаришларга бутунлай чек қўйилди. Хоразмни советлаштириш жараёни ўзининг юқори босқичига кўтарилди. Бу ҳолат 1924 йилнинг охиригача давом этди.

### **Бухоро амирлигининг ағдарилиши. Бухоро Ҳалқ Совет Республикасининг ташкил топиши ва ундаги сиёсий ўзгаришлар**

1917 йил Бухоро амирлиги ҳам, худди Хива хонлиги сингари, муҳим ўзгаришлар арафасида турарди. Бу даврда Бухорода жадидчилик ҳаракати ва ундан ўсиб чиққан “Ёш бухороликлар” партиясининг фаолияти кучайди. “Ёш бухороликлар” 1910 йилдаёқ ўзларини алоҳида ташкилот сифатида эълон қилган эдилар. Улар даставвал мавжуд монархия тузуми доирасида демократик ислоҳотлар ўтказиш, конституцион монархияни ўрнатиш орқали амирнинг мутлақ ҳокимлигини чеклаб қўйиш тарафдори бўлишган.

1917 йил 7 апрелда Бухоро амири Саид Олимхон мамлакатда ислоҳотлар ўтказиш тўғрисида фармон чиқарса ҳам, амалда уни жорий қилмади. Жадидлар Бухоро шаҳрида намойиш уюштирганларидан сўнг мамлакатда уларни ёппасига таъқиб этиш бошланди.

Бухородаги апрель воқеаларининг якуни шу бўлдики, ҳукуматда консерватив кучлар яна устунликка эришдилар. Саид Олимхон қозикалон Шарифжон Махдумни лавозимиidan бўшатди, газабланган мутаассиблар раис Абдусамадхўжани оломон қилиб үлдирдилар. Насруллобек қўшбегининг буйруги билан “Ёш бухоролик” жадидларнинг машҳур намояндаси Садриддин Айний ва бошқалар 75 таёқ уриб жазоландилар. Ислоҳотчилик ҳаракатининг бу босқичи мана шундай нохушликлар билан якунланди.

Октябрь тўнтаришидан кейин совет Россияси билан Бухоро амирлиги ўртасидаги муносабатлар кескинлашди. Туркистон Республикасининг большевиклардан иборат раҳбарияти Бухоро амирлигининг давлат мустақиллигини расмий равишда тан олишига қарамай, амалда унинг ички ишларига доимий равишда аралашиб турди.

“Ёш бухороликлар” амирлик истибдодига қарши курашни давом эттирди. Партия ичida турли гурухларнинг борлиги, қарашларнинг хилма-хиллиги туфайли ягона дастур тузишга эҳтиёж туғилди. Марказий қўмита бу вазифани 1917 йил ноябрида Фитратга топширди. Фитрат томонидан 1918 йил январида ёзилган “Ёш бухороликлар” партиясининг Даствури (программаси) Марказий қўмита томонидан тасдиқланди ва ислоҳот лойиҳаси сифатида эълон қилинди. Унда Бухоро мамлакатида конституциявий монархия ўрнатиш, Бухоронинг иқтисодий, сиёсий ва ҳарбий мустақиллигини таъминлаш, маданий тараққиётга эришиш лозимлиги, дехқончилик ва солиқ тизимига алоҳида эътибор берилди. Бухорода замонавий армияни ташкил этиш, 2 йиллик мажбурий ҳарбий хизматни жорий қилиш, давлат ҳисобидан мактаблар ва олий ўқув юртлари очиш зарурлиги айтилди. Лойиҳада Бухорода 10 та нозирликдан иборат Нозирлар Шўроси тузиш таклиф этилди. Кейинчалик Файзула Хўжаев Фитрат

лойиҳасининг анча чекланганлигини танқид қилиб, унда бошқарувнинг республика усулини жорий этиш талаб қилинмаганлигини кўрсатган эди.

Туркистон ХҚС Бухоро давлатига ғанимлик қилиб, амир ҳукуматини куч билан ағдаришга уринди. Большевиклар шу мақсадда бухоролик жадидларни қўллаб-қувватлашди. 1918 йил март ойида Туркистон ўлкаси ХҚС раиси Ф. Колесов қўмондонлигидаги қизил аскарлар мамлакат пойтахти Бухоро шаҳрига ҳужум уюштирилар. Уларнинг ҳужуми муваффакиятсиз тугаган бўлса ҳам, Бухородаги сиёсий тузумни ўзгартириш учун уриниш тўхтамади. Афсуски, амир Олимхон мамлакат тақдири ҳал қилинаётган ушбу фурсатда мухолифатдаги “Ёш бухороликлар” партияси арбоблари билан тил топиша олмади. У мамлакатда конституцион монархия ва демократик тартиботларни ўрнатмоқчи бўлган жадидлар — “Ёш бухороликлар”ни йўқотиш йўлини тутди. Файзулла Хўжаевнинг таъкидлашича, Колесов воқеасидан кейин амир мамлакатда 3000 кишини қатл қилган. Садриддин Айнийнинг ёзишича, фақат пойтахт — Эски Бухоро эмас, балки Фиждувон, Шоғиркон, Вобкент, Коракўл, Чоржўй, Хатирчи, Кармана, Қарши, Шахрисабз бекликларида ҳам минглаб кишилар жадидликда айбланиб, ноҳақ ўлдирилди. Бухоролик жадидларнинг тирик қолган вакиллари Самарқанд, Тошкент ва Москвага жўнаб кетишга мажбур бўлишди. “Ёш бухороликлар”нинг бир қисми 1918 йилнинг ёзида Тошкентда Бухоро Компартиясини тузиши. Файзулла Хўжаев Москвадаги муҳожирлик даврида — 1918 йил октябрда — Туркистон Республикасининг РСФСР ҳукумати ҳузуридаги мухтор ваколатхонаси қошида “Ёш бухороликлар” партиясининг бўлимини ташкил қилди. 1920 йил январида Тошкентда Файзулла Хўжаев бошчилигидаги инқилобчи “Ёш бухороликлар” партиясининг Туркистон Марказий бюроси тузилди. Большевиклар “Ёш бухороликлар”дан амирлик ҳокимиятини ағдаришда фойдаландилар. Улар ҳам тактик мақсадларни кўзлаган ҳолда большевикларга яқинлашишди.

“Ёш бухороликлар” партиясининг 1920 йил 13-14 июнда бўлиб ўтган Туркистон Марказий бюроси бирлашган конференциясида Файзулла Хўжаев тузган дастур (программа) қабул қилинди. Дастур “Зулмга қарши бирлашингиз!” деган шиор ва кириш қисми билан бошланади. Бу қисмда Бухоронинг умумий аҳволи ва “Ёш бухороликлар”нинг асосий мақсадлари, иккинчи қисмида эса “Ёш бухороликлар”-нинг амалий таклифлари, ислоҳот ва мамлакатни идора қилишни ташкил қилиш режаси баён этилди. Шариат — адлия ишларини олиб боришнинг негизи, деб қуйидагича эътироф қилинди: “Шариат — адолатни талқин қилувчи ва камбағалларни ҳимоя этувчидир”. Дастурда амирликни қурол кучи билан ағдариб ташлаш ва Бухорони Демократик халқ республикаси деб эълон қилиш талаби қўйилди. “Ёш бухороликлар” катта бойлар қўлидаги ерларни мусодара қилиш, бепул бошлангич таълим жорий этиш, шунингдек, қишлоқ ҳўжалиги, хунармандлар саноати, ички ва ташқи савдонинг аҳволини яхшилаш йўлида амалий чоратадбирлар кўриш зарурлигини таъкидлашди.

1920 йил 25 августда Туркистон фронти қўмондони М.В.Фрунзе қизил аскарларга Бухорони босиб олиш учун буйруқ берди. Кескин жанглардан сўнг, 2 сентябрда, Бухоро шаҳри босиб олиниб, Сайд Олимхон ҳокимиятдан ағдариб ташланди. Қизил аскарлар Шарқнинг энг қадими шаҳарларидан бири, “Ислом динининг гумбази” ва “шариф шаҳар” ҳисобланган муқаддас Бухорони вайрон қилдилар. Қадимий Бухоро ўт ва харобалар ичida қолди.

Шафқатсиз ўқ ёмғири ва бомбардимон натижасида шаҳар обидаларининг бешдан бир қисми вайрон этилиб, минглаб бегуноҳ одамлар нобуд бўлган. Ўша давр воқеалирининг бевосита шоҳиди бўлган маҳаллий тарихчи Муҳаммад Али Балжуwonий ўзининг “Тарихи Нофей” (“Фойдали тарих”) асарида қизил аскарлар томонидан вайрон қилинган Бухоро босқини оқибатларини қуйидагича тасвирлайди: “Бухорони босиб олиш натижасида 34 гузар, 3000 дан ортиқ дўкон, 20 та сарой, 29 та масжид

ёниб хароб бўлди. Минораи Калонга ҳам заарар етиб, “Олимхон” ва “Мир Араб” мадрасалари ёниб кетди... Ҳазрати Имом дарвозасидан Гузари Назаргача, Кофиробод, Ўғлон дарвозаси, Масжиди Калон, Зиндандан Тўқимдўзий ҳаммомигача, минора остидан то Сўзангарон даҳаси, Гул бозор, Латтафуруушлар растаси, Регистондан то Пули ошиқоннинг бошигача батамом ёниб кетди. Қарши дарвозаси ҳам ёниб кетди... Шаҳарда 3000га яқин ҳовли ёниб кул бўлди. Бухоро шаҳри қарийб 20 кун ёнганди. Бухоронинг шу даражада хароб бўлганини ҳеч бир тарих кўрмаган эди”. Бухороликлар бу кунларни “кичик қиёмат” деб аташган.

Шаҳарга кирган қизил аскарлар Аркдаги амир хазинаси, Бухоро қозикалони, қўшбеги ва бошқа амалдорларнинг бойлигини мусодара қилганлар. Аскарлар ва қўшин раҳбарлари катта бойлик ортирганлар. Ҳатто Фрунзе хазинадаги қимматбаҳо бойликларнинг бир қисмини ўзи учун сақлаб қўйган. Туркистон ҳарбий-инқилобий бюро “учлиги”нинг аъзоси А.Машицкийнинг 1920 йил сентябрда В.И.Ленинга ёзган маълумотномасида шаҳар маркази яксон қилинганлиги, Регистон ва Арк ёндирилгани, Арк ертўлалари ва омборхоналаридаги бойликлар — олтин, кумуш, бриллиантлар талангани, бунда Кизил армия бевосита қатнашгани ҳақида хабар берган.

Сентябрь ойининг бошида амирлик хазинаси ва бошқа бойликлар ортилган 2 эшелон юқ Самарқанд ва Тошкент орқали Москвага йўл олди. Қарийб 15 сентябргача давом этган Бухорадаги талончиликнинг гувоҳи бўлган Туркбюро раиси ўринбосари Г.Сафаров куйидагича ёзган эди: “Бухорога келган қизил қўшинлар, энг аввало, талончилик билан шугулландилар. Улар ҳаммани ва ҳамма нарсани таладилар. Умуман қизиллар Бухорони талаш учун келган эдилар”.

Бухоро шаҳридан сўнг Кизил армия 27 беклик (баъзи манбаларда 32 беклик)ни ҳам бирин-кетин эгаллаб, Бухоро амирлигига барҳам беришди.

1920 йил 14 сентябрда бўлиб ўтган Ҳалқ Нозирлар Шўроси, Ревком ва Бухоро Компартияси МКнинг умумий

йиғилишида 9 кишидан иборат Бутун Бухоро инқилобий қўмитаси (раиси-Абдулқодир Муҳитдинов) ва республика хукумати — 11 кишидан иборат Халқ Нозирлар Шўроси (раиси — Файзулла Хўжаев) тузилди. Мамлакатни бошқариш мақсадида тузилган Бухоро Халқ Нозирлар Шўроси таркиби қўйидагича эди: раис ва хорижий — Ташқи ишлар (нозир-Файзулла Хўжаев), маориф (Қори Йўлдош Пўлатов), дохирия — Ички ишлар (Муҳтор Сайджонов), Молия (Усмонхўжа Пўлатхўжаев), давлат назорати (Нажиб Ҳусаинов), Фавқулодда комиссия (Чека раиси — Юсуф Иброҳимов), Адлия (Мукаммил Бурҳонов), Ҳарбий ишлар (Баҳовуддин Шихобуддинов), ер-сув ишлари — Дехқончилик (Абдулқодир Муҳитдинов), Савдо ва саноат (Мирзо Муҳитдин Мансуров) нозирликлари. Бу пайтга келиб инқилобчилик таъсирида бўлган “Ёш бухороликлар” партияси аъзолари Бухоро Компартияси сафига киришга мажбур бўлган эдилар. Ушбу ўринда таъқидлаш жоизки, асосан жадидлардан ташкил топган Бухоро хукумати ўша пайтда маълумотли кишилар йиғилган хукуматлардан бири ҳисобланган. Бухоро жадидлари ўзларининг ислоҳотчилик ғояларини янги хукуматдаги фаолиятлари давомида амалга оширишга ҳаракат қилдилар.

1920 йил 6-8 октябрда амирнинг ёзги саройи — Ситораи Моҳи Ҳосада чақирилган Бутун Бухоро халқ вакилларининг I қурултойида Бухоро Халқ Совет Республикаси (БХСР) тузилганлиги тантанали равишда эълон қилинди. Бу давлат тузуми жиҳатидан халқ демократик ҳокимияти эди. Унинг зиммасига қисқа муддат ичida ўрта асрчилик анъаналари мерос қолган амирлик Бухоросини демократик давлатга айлантиришдек тарихий вазифани бажариш тушди. Қурултой давлат ҳокимиятининг қонун чиқарувчи олий органи бўлган Бухоро инқилобий қўмитаси (Марказий Ревком), Бухоро Халқ Нозирлар Шўроси — дастлабки хукумат таркибини узил-кесил тасдиқлади. Уларнинг ваколат муддати II қурултойгача узайтирилди. 1920 йил октябрь-ноябрь ойларида БХСР билан

РСФСР ўртасида мувакқат ҳарбий-сиёсий аҳдлашув ва шартнома тузилди. 1921 йил 4 марта ҳар икки давлат ўртасида Иттифоқ шартномаси имзоланди. Ушбу шартномалар мустақил сиёсат юритишга ҳаракат қилаётган ёш Бухоро давлати арбоблари фаолиятини муайян даражада чеклашга олиб келди. Иттифоқ шартномаси мустақил Бухоро давлати ҳудудида совет қўшинлари туришини “қонуний” асослаб бердики, мазкур ҳол БХСР ички ишларига Россиянинг тўғридан-тўғри ҳарбий жиҳатдан қуролли аралашувидан бошқа нарса эмас эди.

Бухоро ҳукумати олдида турган энг асосий вазифалардан бири — ер-сув масаласини ҳал қилиш эди. 1920 йил 30 сентябрда Бухоро Марказий Ревкоми «Ер тўғрисида»ги Декретни қабул қилди. Декретга мувофик, собиқ амир, унинг қариндошлари ва амалдорлари қўлидаги бутун ермулк камбағал ва ерсиз дехқонларга берилиши керак эди. Шунингдек, декретга кўра, «хирож», «амлок» ва бошқа соликлар бекор қилинди. Архив ҳужжатларида келтирилишича, факат Эски Бухоро туманлари ва Чоржуй беклигига собиқ амир ва бекларга қарашли 10000 таноб ер мусодара қилиниб, камбағал дехқонларга тақсимлаб берилди.

Бухородаги янги тузум ва унинг ижобий чора-тадбирларини аҳоли илиқ кутиб олди. Бироқ янги ҳокимият томонидан мулкдорлар табақасига нисбатан кўрилган кескин чоралар, уларга тегишли бутун мол-мулкнинг мусодара қилиниши, сарой аъёнлари ва амир амалдорларининг ёппасига ҳисбга олиниши ва отиб ташланиши, амир хазинасининг Москвага олиб кетилиши, мажбурий озиқовқат развёрсткаси ва унинг қаттиққўллик билан амалга оширилиши, ислом дини ва уламоларга нисбатан душманлик сиёсати, республика ҳудудида турган Қизил армия таъминотининг аҳоли зиммасига юклатилиши, бунинг устига, қизил аскарларнинг босқинчилик ва талончилик фаолияти ҳаққоний равишда ҳалқнинг кучли норозилиги га сабаб бўлди. Республикадаги ижтимоий-сиёсий муно-

сабатлар ҳам кескинлашди. Бухорда амир ҳокимияти ағдариб ташланган дастлабки ҳафталардаёқ мамлакат-нинг гарбий, марказий ва шарқий қисмларида Қизил армиянинг босқинчилик сиёсати ва большевиклар зулмига қарши бошланган қуролли ҳаракат авж олиб кетди.

Ёш давлат етакчиси Файзулла Хўжаев мураккаб ва оғир шароитда ишлашга мажбур бўлди. Бухоро ҳукумати ичида сиёсий бўлиниш кучайди. Бир тарафдан, Бухоро Компартияси ичидаги сўл ва ўнг коммунистларга қарши ғоявий жиҳатдан кураш олиб боришга тўғри келса, иккинчи тарафдан, РСФСР ва унинг фавқулодда органлари бўлган Турккомиссия, Туркбюро, Ўрта Осиё бюроси ёш мустақил давлатнинг босган ҳар бир қадамини сергаклик билан назорат қилиб турар эди. Шундай бўлишига қарамай, Ф.Хўжаев, У.Пўлатхўжаев, Отаулла Хўжаев, Фитрат, Муинжон Аминов, Мухтор Сайджонов, Саттор Хўжаев, М.Мансуров, А.Мухитдиновлар ҳукуматда демократик йўл тутиб, мўътадил мавқеда турдилар. Улар БХСРнинг амалда мустақил бўлиши, ислоҳотлар ўtkазиш зарурлигини ёқлаб чиқдилар.

1921 йил 18-23 сентябрда бўлиб ўтган Бутун Бухоро халқ вакилларининг II қурултойида демократик руҳдаги БХСР Конституцияси қабул қилинди. Бухоро тарихидаги дастлабки Конституция фуқароларнинг демократик ҳукуқ ва эркинликларини қонун йўли билан мустаҳкамлади. Конституцияда давлатни идора этиш учун халқнинг барча табака вакилларининг иштироки таъминланди. Хусусий мулк ва савдо-сотик эркинликлари унда ўз ифодасини топди. БХСР Конституцияси барча фуқароларга тенг сиёсий ҳукуқ берди, миллий тенгсизликни йўқотди.

II қурултойда Бутун Бухоро МИК ташкил қилиниб, унинг раиси қилиб Усмонхўжа Пўлатхўжаев (1887-1968) сайланди. 1922 йил августида бўлиб ўтган III қурултойда бу лавозимни Порсо Хўжаев эгаллади.

Бухоро Республикасидаги иқтисодий сиёсат ва хўжалик соҳасидаги ислоҳотлар зиддиятли тарзда кечди. Бухоро инқилобий қўмитасининг 1921 йил 2 февралдаги

Декрети ҳамма ерларни умумхалқ мулки деб эълон қилди. Вақф ерлари тугатилди, айрим тоифадаги хўжаликларнинг чорва моллари ва мулқлари мусодара қилинди. Суғориш тизими издан чиқди. Экин майдонлари қисқариб, чорва молларининг сони камайиб кетди. Шу билан бир вақтда, кўплаб ижобий ишлар ҳам амалга оширилди. 1921 йил кузизда ерни тортиб олиш бекор қилинди. БХСР МИКнинг «Умумий авф тўғрисида»ги 1922 йил 25 май Декрети вақфларни тугатишни тўхтатиш, қозихоналар ишини, шарият кўрсатмаларини тиклаш ва бошқаларни эълон қилди. Ўша йилнинг ноябрь ойида янги иқтисодий сиёсат (НЭП)-га ўтиш эълон қилинди. Бухоро давлат банки тузилиб, «пул ислоҳоти» амалга оширилди. Дехқонларни моддий рағбатлантириш чоралари кўрилди. Бу қишлоқ хўжалигининг барқарор ривожланишига олиб келди. 1923 йили суғориладиган ерлар майдони 1913 йилдаги даражага яқинлашиб қолди. Темир йўл тикланиб, завод ва фабрикалар қайтадан ишга тушди. Бу пайтга келиб Бухоро Республикасида 19 та корхона, 500 дан ортиқ бозор ишлаб турарди. Хусусий сармоя 12000 савдогар маблағидан иборат бўлди.

1923 йил март ойида Туркистон, Бухоро ва Хоразм иқтисодий жиҳатдан бирлаштирилди ва уни бошқариш учун Ўрта Осиё Иқтисодий Кенгаши (Средаз ЭКОСО) тузилди. БХСР ҳукумати раиси Файзулла Хўжаев Ўрта Осиёнинг иқтисодий жиҳатдан бирлашуви тўғрисидаги фикрни дастлаб қўллаб-қувватламади. Чунки у иқтисодий сиёсатни ишлаб чиқишдан, ҳатто минтақа халқ хўжалиги истикболлари тўғрисида қарор қабул қилишгача бўлган барча ишлар марказ қўлига ўтаётганлигини ўшандай ёқ сезган ва бу сиёсатнинг машъум оқибатларини чукур тушунган арбоб эди. Ўзи кучли иқтисодчи бўлган Файзулла Хўжаев Бухоро томонидан Россия ва Туркистонга етказиб бериладиган молларга аниқ товар эквиваленти белгилаш зарурлиги тўғрисида, айниқса, ташвишланиб гапирар эди. Бухоро ҳудудида жойлашган совет Россияси қўшинлари Бухоро давлатининг озиқ-овқати ва ем-хашаги билан таъминланар эди. Ҳукумат бошлиғи

Ф.Хўжаев Россия қўшинлари сонини 15000 кишигача қискартириш тўғрисидаги масалани Москва олдига бир неча марта қўйди. Бироқ Бухоро Республикасидаги демократик жараёнларга мамлакат ташқарисидан тазийқ тобора кучайиб борди. 1923 йил 3 июнда Бухорога СССР Қуролли кучларининг Бош қўмандони С.С.Каменев, Туркфронт Инқилобий ҳарбий кенгашни раиси А.И.Корк, РКП (б) МК Ўрта Осиё бюроси аъзоси Михайлоп келди. Улар Бухоро ҳукумати фаолиятидан қониқмаётганликларини очиқ айтиб, социалистик ўзгаришларни жадаллаштириш кераклигини таъкидлашди. Орадан кўп ўтмай 12 июня РКП (б) МК Сиёсий бюроси маҳсус қарор қабул қилиб, Бухоро ҳукуматини советлаштириш чора-тадбирларини белгилаб берди. Совет ҳукумати ўз буйруқларини тез ва қаршилиksиз амалга ошириш учун РКП (б) МК котиби Я.Э.Рудзутакни Бухорога жўнатди. 23 июня БКП МК ёпиқ пленумида Рудзутак иштирок этиб, Бухоро ҳукумати раҳбарлари ва маҳаллий коммунистлар олдига қатъий талабларни қўйди. Файзулла Хўжаевнинг энг яқин сафдошлари бўлган собиқ “Ёш бухоролик” жадидлар — Отавулла Хўжаев (Ташқи ишлар нозири), Фитрат (маориф нозири), Саттор Хўжаев (Молия нозири), Муинжон Аминов (Бухоро ЭКОСО раиси) лавозимларидан четлаштирилиб, Бухоро давлати ҳудудидан чиқариб юборилди. Қори Йўлдош Пўлатов, Абдураҳим Юсуфзода, Музаффар Махсум Бурҳонов, Ҳожи Ҳамро Йўлдошев ҳам масъул лавозимлардан олиб ташланди. Бухоро ҳукумати Москва ва Тошкентнинг “коммунистча сабоги”ни олган “тажрибали совет ходимлари” билан тўлдирилди.

Бухоро ҳукуматида Туркистандан юборилган эмиссарларнинг таъсири тобора кучайиб борди. Коммунистик унсурлар бу билан чекланиб қолмасдан, Бухоро МИҚнинг 14 августда бўлган фавқулодда сессиясида Конституция матнига ўзгариши киритишга ҳам муваффақ бўлдилар. 1923 йил 11-17 октябрда бўлган Бутун Бухоро ҳалқ вакилларининг IV қурултойи Конституцияни ўзгариши

тўғрисидаги қарорни тасдиқлади. Унга биноан барча савдо-гар, мулқдор ва собиқ амалдорлар сайлов ҳукуқидан маҳрум қилинди. Аммо ишчи ва косибларнинг сайлов ҳукуқи кенгайтирилди. Шунингдек, қурултой жамиятда ижтимоий бекарорликни кучайтирадиган “Совет курилиши тўғрисида” номли маҳсус Қарор қабул қилди. Жамият тобора сиёсийлашиб борди. Бухорода ўтказилаётган демократик ислоҳотларнинг тақдири хавф остида қолди. Марказнинг талаби билан мамлакатда сунъий равишда социалистик қайта қуришларни амалга оширишга киришилди. Республикадаги бу кескин вазият қуролли мухолифат ҳаракатининг кучайишида ҳам ўз ифодасини топди.

Шундай қилиб, 1923 йил ёзида мустабид совет тузуми Бухорода ўзига хос давлат тўнтаришини амалга ошириди. Миллий қўшин ва миллий валюта большевиклар томонидан тугатилди. Бу ҳолат Бухоро мустақиллигига катта хавф туғдирди. Бироқ Хоразм Республикасидан фарқли равишда, факат 1924 йил кузидан бошлаб Бухорода социалистик тараққиёт бошланди.

1924 йил 18-20 сентябрда бўлиб ўтган Бутун Бухоро халқ вакилларининг V қурултойида БХСР Бухоро Совет Социалистик Республикаси (БССР)га айлантирилди. БССРнинг тузилиши юқоридан туриб сунъий тарзда амалга оширилган ҳодиса эди. Натижада, тараққиётнинг демократик йули инкор қилиниб, социалистик йўналиши танланди. Марказдаги большевик раҳбарларининг Бухоро ва Хоразм Республикаларини социалистик республикаларга айлантиришдан кўзда тутган асосий мақсади маҳаллий халқларни тезроқ советлаштириш ва руслаштириш, халқимиз онгига коммунизм мафкурасини мажбуран сингдириш эди. 1924 йил ноябрь ойи охирида худди Хоразм Республикаси сингари Бухоро ССР ҳам тугатилиб, унинг худуди 1925 йилда ташкил этилган Ўзбекистон ССР (1929 йилгача таркибида Тожикистон АССР ҳам бўлган) ва Туркманистон ССР худудига киритилди.

Хулоса қилиб айтганда, Бухоро ва Хоразм Халқ рес-

публикаларининг демократик ислоҳотлар томон босиб ўтган йўли ўша давр учун ҳам, бугунги кун нуқтаи назаридан олиб қаралганда ҳам машақкатли ва улуғ йўл бўлди. Бухоро ва Хоразм республикалари атиги 4-5 йил ичida дунёвий ислоҳотлар жорий қилинаётган демократик давлатга айлана бошлади. Афсуски, бу жараёнлар мустабид совет тузуми томонидан сунъий равищда тўхтатиб қўйилди ва нисбатан мустақил бўлган бу давлатларнинг мавжудлигига ҳам барҳам берилди.

Бухоро ва Хоразм республикаларининг тугатилиши билан камида уч минг йиллик тарихга эга бўлган ўзбек халқининг миллий давлатчилик халқаси деярли узиб ташланди. Ўзбекистон ССР тузилса ҳам (1925 йил февраль) орадан кўп ўтмай, у СССР таркибига киритилди. ЎзССР амалда ҳеч қандай мустақил сиёсий хуқуқларга эга бўлмай, балки янги шаклдаги мустабид совет режимининг бир қисми бўлганлиги учун ҳам мустақил давлат вазифасини ўтай олмади.

### **Совет тузумининг сиёсий-иқтисодий сиёсати ва унинг оқибатлари**

XX асрнинг 20-йилларида Совет ҳокимияти олдида Туркестон халқ хўжалигини тиклаш вазифаси кўндаланг бўлиши билан бирга саноат билан қишлоқ хўжалиги ўртасида янги иқтисодий алоқаларни йўлга қўйиш зарурати ҳам юзага келганди. Янги сиёсат асоси (ЯИС) — маҳсулот ишлаб чиқарувчи якка дехқонлар манфаатини ошириш, унинг ерга эгалик қили-

Вилоятлар	Давлат ерлари	Фоиз хисобида	Ер теккан хўжаликлар	Фоиз хисобида
Фарғона вилояти	127.284	65,2	15.433 (2.2)	69,2
Тошкент вилояти	40.370	20,5	4.085	18,3
Самарқанд вилояти	26.575	14,3	2.810	12,5

шини таъминлаш, имтиёзли солиқ олиш ва бозор иқтисодиёти, товар-пул муносабатларига ўтишдан иборат эди.

Янги иқтисодий сиёсатда аграр масала марқазий ўринни эгаллади. ЯИС таркибидаги ер-сув ислоҳотлари Туркистон Коммунистик партияси V съезди ва Туркистон советларининг IX қурултойида (1920 й. сентябрь) кўриб чиқилгач, 1921 йил баҳоридан Еттисув, Сирдарё, Фарғона вилоятларида бошланди.

Ер ислоҳотларида аҳолидан белгиланган нормадан ортиқ бўлган ерлар, Подшо Россиясининг кўчириш сиёсати натижасида рус дехқонлари томонидан эгаллаб олинган ерлар тортиб олиниб, ерсиз ва кам ерли дехқонларга бўлиб берилди Шу йўл билан бой хўжаликларни тугатиш ҳам зарур эди. Ер-сув ислоҳотларининг натижалари қўйидагича бўлди:

Ер-сув ислоҳоти 1922 йил кузида ўз поёнига етди. Уни амалга ошириш давомида жойларда, қишлоқ ва овулларнинг ерсиз, кам ерли маҳаллий дехқонларнинг озчилик қисмини бирлаштирган, маҳаллий характерга эга бўлган “Қўшчи” уюшмалари мухим аҳамият касб этди. 1921 йил ёзига келиб ўлка қишлоқ ва овулларида 6 мингга яқин шундай уюшмалар мавжуд бўлиб, улар 9 мингга яқин аъзосига эга эди. Ушбу уюшма қишлоқ ва овулларда совет ҳокимиётининг таянчи бўлиб, ўзига тўқ бўлган дехқонлар мол-мулкларини аниқлашда, советлар сиёсатидан норози бўлган дехқонлар чиқишини бостириш ва уларнинг олдини олишда ҳам қатнашарди. Уларнинг ҳаратати қишлоқни “социалистик асосда қайта қуриш”га қаратилган эди.

Туркистон пахта хом ашёси етиштириб берувчи асосий ўлка бўлганлиги сабабли ислоҳотларда пахтачиликка алоҳида эътибор берилди. Пахтачиликни тиклаш ва ривожлантириш ишларига раҳбарлик қилиш учун 1920 йил «Пахтачиликни, пахта тозалаш саноати ва пахта тозалашнинг давлат ташкилотлари тўғрисидаги Низом» асосида қишлоқ хўжалиги Олий Кенгаши Президиуми

қошида Бош Пахтачилик Құмитаси ва пахта етищтирувчи республикаларда унга бүйсунувчи пахтачилик құмиталари тузилди. Пахта құмитасининг низомига биноан Россия истеъмол қылувчи объект сифатида, Туркистан, Озарбайжон, Арманистан эса ишлаб чықарувчилар сифатида тан олинди.

Бош Пахтачилик құмитаси катта ваколатларга, яъни бошқа қишлоқ хұжалик әқинлари ҳисобига чигит әқиладиган майдонларни кенгайтириш, пахта харид нархларини белгилаш, марказий давлат органларининг рухастасиз махсус қарорлар қабул қилиш хуқуқларига эга зди. Туркистан Республикасидаги барча ҳайдаладиган майдонлар, селекция станциялари, ирригация иншоотлари Пахтачилик құмитаси ихтиёрига ўтказилди.

Туркистан Республикасида пахтачиликни ривожлантириш ишларини сугориш иншоотларини тикламасдан туриб амалга ошириб бұлмасди. 1919 йилдан дастлабки мелиоратив ширкатлар тузила бошлади. 1921 йилнинг февралыда ТАССР худудидаги барча сувларни республика мулки деб эълон қылған "Сув тұғрисида"ғи Конун қабул қилинди. Конунда сувни тақсимлаш одат (бой ва рухонийларга бериладиган имтиёзлар) бүйича эмас, балки, биринчи навбатда, деҳқонлар манфаатини күзлаган ҳолда берилиши керак деб айтилған зди. Шу орқали сув иншоотларини тиклашга деҳқонлар мажбуран жалб қилинди. Туркистан деҳқонларининг бундай мажбурий бепул меҳнати ирригация шахобчаларини таъмирлаш масалаларини қисман ҳал қилишга ёрдам берди.

Совет давлати синфий курашни авж олдиргани ҳолда бой — судхұрлық ва савдо капиталига қарши кредит кооперациясими бошлади. Давлатнинг кооператив қурилиш сиёсати асосида майда товар хұжалигини социализмга жалб қилиш, хусусий секторни сиқиб чықариш мақсадлари турди. У кредит ва ссуда шаклларида бўлди. Туркистанда у, энг аввало, қарз берувчи ташкилот сифатида пайдо бўлди. 1918 йилда Туркистанда қарз берувчи кооперацияларнинг 958 та қуийи бўғини мавжуд бўлиб,

уларнинг 700 дан зиёди Ўзбекистон ҳудудида жойлашган эди. 1923 йилда Туркистонда кооперациялар тизими ташкилий жиҳатдан тугал равишда шаклланди. Деҳқонлар қарз олиши зарур бўлганлиги учун кооперацияга қизиқиб кирди. Марказ қишлоқ хўжалик кредити — қишлоқ хўжалигининг асосий сармоясини (мол-мулки, уруғ фонди, қурилишларни) тиклаш учун фойланиш, бу ресурсларни чорвачилик, пахтачилик ишлари, ирригация, бодорчилик ва узумчиликни ривожлантиришга йўналтириди.

Бироқ, совет давлатида синфий танлов мавжуд бўлганлиги сабабли ҳамма ҳам кооперативга қабул қилинавермасди. Камбағалларга устуворлик берилган, аҳолининг ўзига тўқ қатламларига нисбатан қатъий талаблар белгиланган эди. Масалан, “бой”, “қулоқ”лар тоифасидаги шахслар биринчи тўлов сифатида ўрта ҳоллар тўлайдиган тўлов микдоридан икки баробар, камбағалларнидаги эса ўн икки баробар кўп ҳақ тўлашлари керак бўлган. Кооперативларга қабул қилинадаги бундай синфий ёндашув, ўз навбатида, аксарият қишлоқ аҳлиниң фуқаролик ҳукуларининг поймол этилишига, ишбилармон дехқонларнинг иқтисодий ривожланган жамият қуриш ишидан сунъий бегоналаштирилишига олиб келди.

1927 йилдан кооперативларни “давлатлаштириш” сиёсати бошланиб, унинг хўжалик ҳисоби асосидаги негизлари бузилди. Қишлоқ хўжалигини юксалтириш масалалари давлатга келиб тақаладиган бўлди.

Туркистондаги сиёсий ўзгаришлар миллий давлатчилик қурилиши масаласида турли қарашларни ҳам юзага келтирди. Миллий мухолиф кучлар халқнинг ўз тақдирини ўзи белгилаши лозимлигини афзал билдилар. Аҳолининг аксарияти Қизил армиянинг қуроли ёрдамида зўрлик билан олиб кирилган совет хокимиятини тан олмас, улар ташкил этаётган советлар ва уларнинг ижроия қўмиталари туб аҳоли орасида обрўга эга эмасди. Марказ бундай вазиятда ўлкада ўз таъсир доирасини сақлаб қолиши кўзлар, шу мақсадда Туркистон КП (1921 йил 11-20 август) VI қурултойида миллий масалага эътибор қара-

тиб, юқори давлат-партия органларида миллий кадрларни кўпайтириш масаласини қўйди.

Марказ топшириқлари билан А.Рахимбобоев, Н.Тўракулов, Д.Устабоев, Д.Манжара, И.Хидиралиев, А.Рахимбоевлар Туркистон КП МҚга сайландилар. Н.Тўракулов ва А.Рахимбоевлар Туркистон бюроси аъзоси бўлдилар. Лекин уларнинг имкониятлари чекланган эди. Туркистонни иқтисодий-сиёсий жиҳатдан мустақил бўлишига интилган бу кучлар дастлабки кунларданоқ марказнинг ҳаддан ошган буюк давлатчилик сиёсатига қарши норозилигини билдириди. Улар Туркистон КПни РКП(б)дан тўлиқ мустақил бўлишини, Турккомиссия бекор қилинишини талаб қилиб чиқдилар. 1921 йилда маҳаллий миллат вакиллари Москвага Туркбюронинг ўлкадаги фаолиятини кескин қораловчи мактуб йўлладилар. Улар марказдан юборилган эмиссарларнинг маҳаллий халқларга нисбатан қўллаётган усулларини танқид қилиб, Россиядан келган ходимлар туб аҳолининг ўлкани мустақил бошқара олиш қобилиятига ишонмаётганликлари, ўзлари эса Туркистоннинг турмуш-шароитини яхши билмасдан туриб, ҳокимиятнинг масъул лавозимларига даъвогарлик қилишлари ҳақида ўз фикрларни билдирган эдилар. А.Рахимбобоевнинг Москвага ёзган хатида Туркбюро раиси М.Томский ва Туркистон ВЧК раиси Ф.Э.Дзержинскийнинг ўринbosари Я.Х.Петерсларнинг ўлкадаги фаолиятлари кескин танқид остига олинди. Туркбюро аъзоси, 20-йилларнинг бошлирида ўлка партия-давлат органларининг раҳбарлик лавозимларида ишлаган таниқли давлат ва жамоат арбоби Н.Тўракулов, Турккомиссия ва Туркбюронинг ўлкада буюк давлатчилик ғояларига нисбатан норозилик белгиси сифатида бу органлар таркибидан чиқиш ҳақида ариза ҳам берди. Отабоев ҳам фаол бўлди. У ҳам марказнинг айри-мачилик, шовинистик сиёсатига қарши бир неча бор ўзининг дадил фикрлари билан чиқди.

И. Хидиралиев маҳаллий аҳолининг манфаатларини ҳимоя қилган миллий раҳбарлардан эди. У 1922 йилнинг охирида Бутунrossия МИҚга маҳсус хат билан мурожаат

қилиб: “Маҳаллий аҳолининг барча қатламларини совет ишларига жалб қилишга, бу ишларни аҳолининг миллий турмуш тарзига мослаштирган ҳолда амалга оширишга, Туркистонда иш юритишни маҳаллий аҳоли тилига ўтказишишга” эътиборни қаратган эди. Унинг фикрича, Октябрь тўнтаришидан сўнг деярли 5 йил ўтган бўлса ҳам, қуйидан юқоригача бошқарув аппаратида, асосан, европалик кишилар ўтирганлиги маҳаллий аҳолида чоризм мустамла-качилик сиёсати советлар даврида ҳам давом этмоқда деган хulosани келтириб чиқармокда эди. Марказ Туркистондаги назорат қўилувчи ташкилотларнинг нуфузи бу тариқа пасайиб боришини олдини олиш, марказнинг ўлкадаги мунтазам назоратини сақлаб қолиши мақсадида маҳаллий миллат раҳбарларининг талабларини инобатга олди. 1921 йил 31 декабря РКП(б) МҚ Туркистон тўғрисидаги масалани қайта қўриб чиқиб, Турккомиссия ва Туркбюронинг янги таркибини тасдиқлади. Янгиланаётган бу ташкилотлар таркибиға Н.Тўракулов, А.Рахимбоев, Қ.С.Отабоев, С.Хўжанов, С.И.Гусев, Я.З.Суриц, И.Г.Сольц кирдилар. Турккомиссия ва Туркбюро раиси этиб С.И.Гусев тайинланди.

Бу комиссиялар Туркистоннинг тўлиқ мустақиллиги ни ҳал эта олмасди. 1920 йил бошидаёқ Турккомиссия Туркистон АССРни бўлиб ташлаб, кун тартибиға миллий тил белгисига қараб муҳтор республикалар ташкил қилиш масаласини қўйди. Туар Рисқулов ва унинг маслакдошлари бу ҳаракатлари билан туркий халқлар бирлиги гоясини илгари суриб, Ўрта Осиё давлатчилигининг тарихий таркиб топган шакллари, аҳоли турмуш тарзи, ижтимоий-иктисодий, маданий тараққиётга амал қилган ўз давлат тузумини шакллантириш масаласини илгари сурган эдилар. Марказ туркийлар бирлиги асосида давлат тузумини шакллантириш империяча манфаатларини амалга оширишга имкон бермаслигини тушунарди, шу сабабли Россия таркибида миллий давлат тузилмалари тузиши маъқуллади. 1920 йил июнда РКП(б) МҚ Сиёсий бюроси ТуркМИҚга «Туркистоннинг маъмурий округларини унинг миллий таркибиға мувофиқ қайта

тақсимлашга киришиш»ни топширди. Бу харакатлар 20-йилларнинг ўрталариға келиб анча кенгайиб, РКП(б) МҚ Ўрта Осиё бюроси аъзолари Туркистон, Бухоро, Хоразм компартиялари раҳбариятини Ўрта Осиёning миллий чегараланиши тўғрисидаги марказ гоясини амалга ошириш зарур эканлигига кўндириди.

РКП(б)нинг 1924 йил 31 январдаги Ташкилий бюроси Туркистон, Бухоро, Хоразм республикаларининг миллий-ҳудудий чегараланиши масаласини кўриб чиқиб, Я.Э. Рудзутакка мазкур республикаларнинг масъул ходимлари билан биргаликда бу гояни амалда қандай руёбга чиқариш мумкинлигини олдиндан муҳокама қилишни топширди. Миллий чегараланишни ўтказиш масаласи ТКП МҚнинг 1924 йил 23-24 марта бўлиб ўтган пленумида узил-кесил ҳал қилинди. Пленумда миллий чегараланиш зарурлиги таъкидланди. Туркистон Республикаси доирасида учта миллий республика - Ўзбекистон, Туркманистон, Қозоғистон республикаларини тузиш мўлжалланди.

Совет давлатининг бу сиёсатига қарши Бухоро Республикаси ҳукумати бошлиғи Ф.Хўжаев ҳам ўзининг бир қанча таңқидий фикрларини билдириди. У миллий-ҳудудий чегараланишта қарши ўз фикрларини илгари сурдига марказнинг туркий халқлар илдизи бирлигини ҳисобга олмаётганлиги, чегаралаш гоялари ўтмиш истилочилари сиёсатидан фарқ қиласаётганлигини айтиб ўтди.

Туркистон, Бухоро, Хоразм республикаларида ташкилий ва ташвиқот ишлари олиб борилгандан сўнг, 1924 йилнинг 11 октябрида РКП(б) Сиёсий бюроси Ўрта Осиёни қайтадан бўлиб, чегаралаш ҳақидаги Қарорни қабул қилди. Миллий чегараланиш натижаларига кўра, Ўрта Осиёда Ўзбекистон ва Туркманистон Совет Социалистик Республикалари, ЎзССР таркибида бўлган Тожикистон Автоном республикаси, РСФСР таркибида Қоракирғиз (Қирғизистон) ва Қорақалпоғистон Автоном вилоятлари ташкил топди. Собиқ Туркистон АССРнинг қозоқ вилоятлари эса, Қирғизистон (Қозоғистон) АССР таркибига киритилди. Шу тариқа, 1924 йилнинг кузидаги миллий-ҳуду-

дий чегараланиш ҳукумат қарорлари билан қонуний тарзда расмийлаштирилди 1925 йилнинг 13 февралида ЎзССР Советларининг Бухорода очилган I Умумўзбек қурултойида “Ўзбекистон ССР тузилгани тўғрисида декларация” қабул қилинди. Ўзбекистон ССР советлари МИҚнинг раиси этиб Йўлдош Охунбобоев сайланди. Ўзбекистон XKC раиси этиб Файзулла Хўжаев тасдиқланди. Миллий-чегараланишдан сўнг, Ўзбекистон Советларининг I қурултойи (1925 йил 13-17 феврал) “Ўзбекистон ССРнинг ташкил топиши ҳақидаги Декларация”ни тасдиқлагач, Иттифоқ Советларининг З-қурултойида (1925 йил, 13 май) эса, Ўзбекистон Республикаси СССР таркибига киритилди. Шу тарикə, Ўзбекистон ССРнинг қонунан расмийлаштириш жараёни тугалланди.

Ўзбекистон сиёсий хаётида ўз фаолиятини бошлаган Й.Охунбобоев қишлоқ хўжалигини тиклашда фаол бўлди. У қишлоқ хўжалиги ишларини мукаммал билганлиги сабабли марказ сиёсати таъсирида бўлса ҳам деҳқонлар учун яхши маслаҳатгўй бўлиб қолди. У Логон канали, Катта Фарғона канали қурилишида катта хизмат кўрсатди. Й.Охунбобоев 1943 йилда Тошкентда вафот этди. Ўзбекистон ССРда давлат ва сиёсат арбоби бўлган Акмал Икромов эса ер-сув ислоҳоти ва жамоалаштириш даврида «бой хўжаликлар»ни тугатишда фаол иштирок этди. Шунингдек, у “18лар гуруҳи”, “иноғомовчилик”ка қарши чиқишлиар қилиб, уларни миллатчиликда айблайди ва уларга қарши кураш олиб боришга чақиради. Лекин мустабид тузумнинг содик хизматчиси бўлган Акмал Икромов ҳам, 1938 йилда “халқ душмани” сифатида отиб ташланади.

Туркистонда миллий чегараланишнинг ўтказилиши миллий давлатчилик ривожланиши тарихига путур етказди. СССР таркибидаги ушбу тузилмалар марказ ихтиёрида бўлиб, илгаригидек арzon ҳом ашё етказиб беришга ихтисослаштирилган мустамлакалар бўлиб қолаверди.

1924 йилда миллий-худудий чегараланиш натижасида Ўрта Осиё ҳаритасида иттифоқчи республикалар билан бирга муҳтор тузилмалар ҳам пайдо бўлди. Шулар орасида Қорақалпоғистон муҳтор вилояти ҳам бор эди.

Ушбу вилоят Қиргизистон (Қозогистон) АССР таркибида бўлиб, унга волостлардан иборат Тўртқўл, Чимбой, Хўжайли ва Қўнғирот округлари кирди. 1925 йил 12-19 февралда вилоят маркази Тўртқўл шаҳрида бўлиб ўтган Қорақалпоғистон автоном вилояти Советларининг биринчи қурултойида “Қорақалпоғистон автоном вилояти ташкил топганлиги тўғрисида Декларация” қабул қилинди ва “қорақалпоқ миллий давлатчилиги” ташкил этилганлиги қонуний расмийлаштирилди. Қорақалпоғистон автоном вилояти Ижроия Қўмитасининг раиси этиб А. Қудабоев сайланди. Қорақалпоғистонда яшайдиган асосий әлатлар — қорақалпоқлар-38,5%, ўзбеклар-28,7%, қозоқлар-28,6%дан иборат эди.

Қорақалпоғистон Мухтор вилояти ташкил этилгандан сўнг, советлар бу ерда ҳам социалистик қурилишни авж олдириб юбордилар. Жумладан, овул ва қишлоқларни советлаштириш кенг миқёсда олиб борилди. Советларга батрак ва камбағаллар сайланиб, уларнинг асосийларини коммунист ва комсомоллар ташкил қилди. Бой ва руҳонийлардан тортиб олинган ерлар ҳисобига ерсиз ва кам ерли дехқонлар ер билан таъминланди. Мамлакатда вайрон бўлган саноатнинг турли соҳалари — қишлоқ хўжалиги ва сугориш ишларини тиклаш амалга оширилди. Қорақалпоғистон иқтисодиётининг тараққиёти бир томонлама хусусиятга эга бўлиб, СССРнинг марказий минтақалари саноатини ривожлантириш эҳтиёжларини таъминлашга қаратилган эди. 1933 йилдан СССР Ер ишлари Халқ Комиссарлиги Қорақалпоғистонни мамлакатнинг беда уруғи етказиб берувчи асосий базаси деб тан олди. Мухтор вилоят саноатининг етакчи тармоқларини пахта тозалаш ва балиқ-консерва заводлари ташкил этди.

1932 йилнинг 20 марта эса, СССР МИК “Қорақалпоғистон автоном вилоятини Автоном Совет Социалистик Республикасига айлантириш ва уни РСФСРга кириши тўғрисида” Қарор қабул қилди. Ўша йилнинг май ойида автоном республика Советларининг I Таъсис қурултойи

томонидан ҳукумат тузилди. Унда ҚҚАССР МИҚ Раиси этиб, Коптлеу Нурмуҳамедов, Халқ Комиссарлари Қенгаши раиси этиб эса Қосим Аvezovлар сайландилар.

1936 йилда СССРнинг янги Конституциясида ҚҚАССР ни Ўзбекистон ССР таркибига киритиш кўзда тутилди. Бунинг асосий сабаби ҳудудий яқинлик, ягона тарихга эга бўлганлиги деб эътироф этилди.

Совет давлати раҳбарияти «социалистик индустрлаштириш»ни авж олдириш негизида ёш Ўзбекистон ССР раҳбарияти олдига “Совет Ўзбекистон”ини СССРнинг асосий пахта базасига айлантириш стратегик вазифасини кўйди.

Ўзбекистонда саноатлаштириш қийинчилик билан амалга оширилди. 1927-28 йилларда иқтисодиётда қишлоқ хўжалигининг ҳиссаси 61,6%ни, саноатники эса 38,4%ни ташкил қиласар эди. Мавжуд саноат корхоналарининг 90%и ҳам қишлоқ хўжалик хом ашёсини қайта ишлашга ихтисослашган эди.

1928-1932 йилларда 289та янги саноат корхонаси, жумладан, Тошкент қишлоқ хўжалик машинасозлик заводи, Қувасой цемент ва оҳак заводи ишга туширилди, “Чирчиққурилиш”, “Олмалиққурилиш”, “Тошкент тўқимачилик комбинати” қурилиши давом этди. Фарғонада тўқимачилик фабрикаси ва ёғ заводи, Тошкент, Бухоро, Марғилон ва бошқа шаҳарларда тикувчилик фабрикалари ишга туширилди. Саноатлаштириш йиллари республика пахта тозалаш заводларининг техник имкониятлари ошиб, 1927-28 йилларда пахта тозалаш саноатининг ялпи маҳсулоти 165,7 млн рублни ташкил этди.

Республикани саноатлаштиришда электрлаштириш ҳам муҳим ўринлардан бирини эгаллаганлиги туфайли, электрстанциялар қурилиши авж олдирилди. Масалан, Тошкент яқинидаги қуввати 4 минг киловатни ташкил этган Бўзсув ГЭСи барпо этилди. 1932 йилга келиб эса, электр станцияларининг сони 49 тага етди. Шунингдек, республикада нефть саноати ҳам ўсади, 1925-26 йилларда нефть ишлаб чиқариш 5,6 тонна бўлган бўлса, 1927-28 йилларда бу кўрсаткич 47,7 тоннани ташкил этди.

20-йиллардан Ўзбекистонда автомобиль транспорти

вужудга келди. 1921 йилда республика автомобиль транспорти ихтиёрида 40 та енгил ва 15 та юк автомобили ҳамда Тошкент автомобиль таъмирлаш устахонаси бор эди. 1940 йилгача Ленин номидаги катта автомобиль йўли (710 км), Фарғона автомобиль йўли (343 км) қайта таъмирланди ва бир қанча янги йўллар қуриб битказилди.

1940 йилда узунлиги 708 км бўлган Катта Ўзбек трактини (Тошкент-Термиз автомобиль йўли) қуриш ҳақида маҳсус Қарор қабул қилинди. Бу йўлнинг 376 км и Тошкент, 222 км и Самарқанд, 162 км и Бухоро вилоятлари меҳнаткашлари томонидан 1941 йилнинг 4 ойида қуриб тугалланди. Шунингдек, шаҳар ва портларни бирлаштирувчи Фарғона (Искобил) — Қувасой (1922), Қарши — Китоб (1924), Амударё (Самсоново) — Термиз (1925) янги темир йўллар ҳам қурилди. 1928-29 йилларда пахтачиликни ривожлантириш мақсадида Асака — Шаҳрихон, Сирдарё — Пахтаторол темир йўллари қурилди, Қорасув — Ош (1935) ва бошқа темир йўл линиялари қурилиб, фойдаланишга топиширилди. 1929-1931 йилларда узунлиги 1452 км бўлган Туркистон — Сибирь (Турксіб) темир йўли қурилди.

Янги иқтисодий сиёsat (НЭП) туфайли Ўзбекистон қишлоқларидағи аҳвол анча яхшиланди, деҳқонлар ўз маҳсулотини сотиш, гўза ва бошқа экин майдонларини кенгайтириш орқали турмуш даражасини яхшилаш имкониятига эга бўлишди. Лекин, 20-йилларнинг иккинчи ярмидан ЯИС ўз моҳиятини йўқотиб, эркин савдо ва хусусий тадбиркорликка чек кўйила бошлади. Совет давлати ЯИС туфайли хўжалигини тиклаб олган ўзига тўқ хўжаликларни тугатиш орқали қишлоқларда “социалистик ижтимоий тузум”-нинг асоси бўлган жамоалаштириш сиёsatини бошлади.

1925 йил 2 декабрда ЎЗССР МИҚнинг Фавқулодда Сессиясида хусусий мулкчилик муносабатларига барҳам бериб, социалистик ишлаб чиқаришга бўйсунадиган “Ер ва сувни национализация қилиш” тўғрисида Декрет қабул қилинди. Бу ислоҳотларни foявий-сиёсий жиҳатдан таъминлаш учун марказий партия-давлат комиссияси, жойларда эса вилоят, уездъ, волость комиссиялари ташкил

этилди, барча жойларда ташвиқот-тарғибот ишлари бошлаб юборилди. «Құшчи» иттифоқи аъзолари иштирокида чорикор, мардикор, ерсиз деҳқонлардан иборат бўлинмалар тузилди. Улар ерга мухтоҷ кишилар рўйхатини тузиб, кимларда ортиқча ер, иш ҳайвонлари, иш қуроллари борлигини аниқлашига ўтдилар. Фақат Қашқадарё, Сурхондарё ва Хоразм вилоятларидағи ер-сув ислоҳоти давомида сугориладиган 20 га ва 45 га ортиқ лалми ерлар, собиқ амир ва хон хизматчилари, руҳоний ҳамда савдогар, судхўрларнинг хўжаликлари мусодара қилинди. Умуман, 1925-29 йиллардаги ер-сув ислоҳоти натижасида Ўзбекистонда ўзига тўқ бўлган 1492 та хўжалик тугатилди. 27.992 та хўжаликнинг ери тортиб олинди ёки қисқартирилди. 89.492 та ерсиз ва кам ерли деҳқон хўжаликлари чек ерлари олишди. Ер билан бирга қўпгина хўжаликлар мол-мулк, уруғ, асбоб-ускуналарга ҳам эга бўлдилар. Бу совет давлатининг синфсиз жамият қуриш учун қўрган тадбирларидан бири эди. Тортиб олинган ерларнинг асосий қисми колхозлар ва совхозлар ихтиёрига топширилди ва бу бозор-савдо муносабатларининг ривожланишига тўскенилик қилди.

Бундай йўл билан бошланган оммавий жамоалаштириш (коллективлаштириш) «қулоқлаштириш» сиёсатини ҳам бошлаб берган эди. 1929 йил деҳқонлар синфини ижтимоий қатлам ва меҳнаткаш омма сифатида мақсадли йўқ қилишнинг бошланиш даври бўлди.

Ўзбекистонда қулоқлаштириш ЎзКП МКнинг 1930 йил февралда қабул қилған “Коллективлаштириш ва қулоқ хўжаликларини тугатиш” тўғрисидаги Қарори эълон қилингандан сўнг бошланди. Шу мақсадда Ўзбекистонга Москва, Ленинград, Иваново-Вознесенк ва СССРнинг бошқа саноат марказларидан 25 000 та ташкилий-сиёсий тажрибага эга бўлган рус ишчилари юборилди. “25 мингчилар”, асосан, ўзбек қишлоқларида колхозлар тузиш ҳамда “қулоқ қилиш” кампаниясида “фаол” иштирок этдилар.

1930 йилнинг ўзида республикада 2.648 та бой ва “қулоқ” хўжаликлари тугатилди. “Қулоқ қилиш” дех-

қонларда ишончсизлик ва хавотирни қучайтирди. Кўплаб дехқонлар ўз хўжаликларини ташлаб қочдилар. Чорва сони кескин камайиб кетди. Республикадаги сиёсий вазият кескинлашиб борди. Совет ҳукуматининг жамоалашибтириш сиёсати дехқонларнинг норозилик ҳаракатларини ҳам бошлаб берди. 1930 йил 25 февралда Фарғона округида галаён бошланди. Норозилик чиқишилари Андижон, Тошкент, Хоразм, Самарқанд округларига ҳам ёйилди. Мана шундай норозилик чиқишиларининг олдини олиш учун 1930 йилда Ўз МҚ КП(б) қошида “қулоқ” ва бойларни йўқ қилиш бўйича маҳсус республика комиссияси тузилади ва “қулоқ қилиш” сиёсати янада шиддатли тус олади.

Ўзбекистонда жамоалашибтириш, асосан, 1932 йилнинг охири 1933 йилнинг бошларида тугалланди. Республиканинг 79 туманидан 61 тасида дехқон хўжаликларини колхозларга бирлашибтириш ниҳоясига етказилди. Ўзбекистонда жамолашибтирилган хўжаликлар 74,9%ни ташкил этди. 1928-1932 йилларда республикада 9.734 колхоз ва 94 та совхоз ташкил этилди. Оқибатда республикада бир хил шаклдаги колхоз тузуми қарор топди. Якка дехқон хўжаликларини бу тариқа тугатилиши социалистик тараққиётнинг тантанаси деб баҳоланса-да, аслида бу қишлоқда бозор муносабатларининг барбод бўлиши, мулкчиликнинг турли шакллари тугатилиши, охир-оқибатда аграп ишлаб чиқаришнинг издан чиқишига олиб келди.

Лекин колхозларга бирлашган бу хўжаликларнинг иқтисодий аҳволи оғир бўлиб, навбатдаги вазифалар жамоалашибтиришнинг муҳим бўгини бўлган МТСларни (машина-трактор станцияси) ташкил қилишни тақозо этарди. Ўзбекистонда дастлабки машина-трактор станцияси 1929 йилда Асака туманида ташкил этилди. 1931 йилда машина-трактор станциялари 48 та туманда ташкил қилинди. 1937 йилга келиб МТСлар сони 163 тага, 1940 йилда эса 189 тага етди.

Ўзбекистонда қишлоқ хўжалигини тиклаш учун сув иншоотлари қуриш муҳим эди. 1939 йилдан бундай қурилишлар умумхалқ ҳашари билан амалга оширилди. 1939

йил 1 августда бошланган 270 км узунликдаги Катта Фарона канали халқнинг маşaқатли меҳнати эвазига 45 кунда барпо этилди. Канал қурилишида 160 минг киши иштирок этди ва асосан, кўл меҳнатидан фойдаланилди.

Республика қишлоқ хўжалигида мевалар ва узум етиштириш соҳаси ҳам муҳим бўлиб, асосий эътибор пахтачиликка қаратилган вақтда тоғ ва тоғ этаклари зоналарида жойлашган жамоа хўжаликларида боғдорчилик ва токчиликдан иборат давлат хўжаликлари барпо этилди. Меваларнинг нав таркиби сифатини ошириш мақсадида олма, нок, узум ва бошқа мева навлари Европа мамлакатларидан келтириб экилди. Ўзбекистоннинг 1937 йилда етиштирган мева ҳосили 800 минг центнерни ташкил этди. Шундан учдан бир қисми собиқ Иттифоқнинг турли вилоятларига юборилар эди.

Қишлоқ хўжалигининг муҳим тармоғи чорвачилик ҳам советлар даврида муҳим ўрин эгаллади. Хусусан, 1932 йилдан 1937 йилгacha йирик қорамоллар сони 150 мингга, қўйлар 230 мингга кўпайди. Лекин шунга қарамасдан чорвачилик қишлоқ хўжалигининг бошқа соҳаларига қарангандар орқада эди. Бунинг асосий сабаби пахтачиликка эътиборнинг кучайтирилганлиги ва чорвадорларнинг моддий рағбатлантирилмаганлиги бўлди.

Пиллачилик эса республика қишлоқ хўжалигининг асосий тармоқларидан бири эди. 1922 йилда Тошкентда “Туркипак” акционерлик жамияти ташкил этилди. 1927 йилда Тошкент ипакчилик станцияси негизида Ўрта Осиё ипакчилик илмий-тадқиқот институти ташкил этилди. Мазкур йилларда Ўзбекистон етакчи ўринларда турди. 1932 йилда 5674 тонна пилла етиштирилган бўлса, ушбу кўрсаткич 1937 йилда 11 422 тоннага кўпайди. Шундай бўлса-да, Ўзбекистон собиқ иттифоқдош республикалар орасида қишлоқ хўжалигининг турли маҳсулотларини етиштириш бўйича олдинги ўринларда турди.

## **Совет ҳокимияти даврида Ўзбекистоннинг маънавий-маданий қарамлиги ва унинг оқибатлари**

ХХ аср 20-30-йилларидаги мураккаб ижтимоий-сиёсий вазият республика маънавий-маданий ҳаётида ҳам ўз аксини топди. Айниқса бу кишилар онгини ўзгартиришда муҳим омил бўлган илм-фан, маданият, санъат, маориф, олий таълим соҳаларида жиддий тус олди. Дастребаки йилларда маданият ва уни бошқариш жабҳаларида демократик тамойиллар мавжуд бўлиб, ҳокимият маҳаллий урф-одат ва хусусиятларни ҳисобга олишга мажбур бўлган эди. Кейинчалик маъмурий-буйруқбозлик усуллари кенг қулоч ёйиб, «маданий инқилоб» йўли ва усуллари устунлик қила бошлади. Советларнинг «маданий инқилоб» тадбири жамиятдаги синфий кураш тоғасига асосланган эди, совет давлати сиёсати ҳакида ўз фикрига эга бўлганлар эса «синфий душман қаршилиги» деб баҳоланар эди. Совет ҳокимияти фаолиятининг дастребаки давлариданоқ анъанавий таълим, рус-тузем таълим тизими йўқ қилиниб, унинг ўрнига советча “миллий” мактаблар тармоғини ташкил этишга алоҳида эътибор қаратди. Мазкур мактабларга эҳтиёж катта бўлса-да, жадид мактаблари, эски мактаблар муаллимларидан фойдаланилмади. Аксинча, уларга синфий душман сифатида қаралди, улар ишлаган мактаблар 20-йиллар охирларига келиб бутунлай беркитилди.

РСФСР Халқ Комиссарлари советининг «Черковни мактабдан, мактабни черковдан ажратиш тўғрисида»ги Декрети асосида, 1918 йил ноябрда Туркистанда “Динни давлатдан, мактабни диндан ажратиш тўғрисида”ги Декрет асосида масжид, мадрасалар ёпила бошланди. 1927 йил июндаги Ўз КР МК VI пленуми қарорлари бошлаб берган, дин асосларини емириш бўйича янгидан авж олган ҳаракат эски мактабга етказилган асосий зарба бўлди. Вақф мактабарини ислоҳ қилишга йўл қўймаслик, уларнинг ўрнига совет мактабарини очиш, шунингдек, мактабларда руҳоний шахслар таълим беришини тақиқлаш қатъий белгиланди.

Совет ҳукумати ташкил этган мактаблар талабга жавоб

бермасди, чунки муаллимлар етишмас, борларининг ҳам билим даражаси етарли эмас эди. Ҳукумат олиб борган тадбирлар натижасида ўқитувчиларнинг факат миқдорий ўсиши таъминланган эди. Масалан, 1917 йилда Тошкент, Андижон, Самарқанд, Кўконда дастлабки ўқитувчилар тайёрлайдиган қисқа муддатли курслар ташкил этилиб, 1920 йилларнинг бошларига келиб, мана шундай курслар орқали 3 минг маҳаллий миллат ва 802 та европалик ўқитувчи тайёрланди. 1920 йилга келиб, ТАССРда “социалистик” турдаги 2080 та мактаб фаолият кўрсатиб, улардаги ўқувчилар сони эса, 174820 тани ташкил қилди.

Мана шундай шароитда маҳаллий зиёлилар замонавий миллий олий таълим тизимини яратиш, дунёвий билимлардан дарс бера оладиган ўқитувчилар тайёрлаш лозимлигини ҳис этиб, замонавий миллий университет яратишга ҳаракат бошладилар. 1918 йил 9 апрелда Мунавар қори Абдурашидхонов ташаббуси билан Мусулмон Халқ Университети ташкил этиш мақсадида 9 кишидан иборат ташкилий гурӯҳ тузилди. Мусулмон Халқ Дорилфунуни 1918 йилнинг 12 майида Тошкент шаҳрининг эски шаҳрида очилди. Шу йилнинг 31 майида Мусулмон Халқ Дорилфунунининг олий таълим босқичи — Мусулмон Дорилмуалими ташкил этилади. Мазкур ўқув даргоҳида машғулотлар 1918 йилнинг 1 июнидан бошланди. Мусулмон Халқ Дорилфунуни 1918 йилнинг кузигача фаолият кўрсатди. Совет давлати Туркистон Халқ Университетини ривожлантиришга эътибор қаратганди. Шу мақсадда Университет очилиб, унинг биринчи ректори, доцент В.Попов тайинланди. Лекин, 1918 йилнинг 5 априлида Туркистон Халқ Университетининг очилишига бағищланган тантаналарда бирорта ҳам мусулмон вакилларига сўз берилмади. Шундай бўлса-да, 30-йилларнинг иккинчи ярмига келиб республика ўқув юртларининг тармоги ошди. Самарқандда Ўзбекистон Давлат университети, Бухоро, Фарғона, Наманган, Андижон, Марғилон, Тошкент, Нукус, Жива, Урганч шаҳарларида олий мактаблар очилди. Агар 1932 йилда республикадаги 31та олий ўқув юртида 12,2 минг талаба ўқиган бўлса, 1941 йилга келиб уларда таълим олаётган талабалар сони 18 минг кишига етди.

Совет ҳукумати аёлларнинг жамият сиёсий ҳаётида эркаклар билан тенг ҳуқуқда иштирок этишига ҳам алоҳида эътибор қаратди. Ўлканинг қатор вилоят, туманларида хотин-қизлар бўлимлари ташкил этилди, фаоллар эҳтиёткорлик билан хонадонларда тушунтириш ишлари олиб бордилар, аёллар учун клублар, артеллар, дўконлар ташкил этилди. Лекин, совет ҳукумати бу ҳаракатларни янада тезлаштириш мақсадида “Хужум” ҳаракатини ташкил этди. “Хужум”нинг дастлабки ҳаракати паранжи, кўп хотинлик, балоғатга етмаган қизларни турмушга бериш, қалин пулинин йўқ қилишга қаратилди. Аёллар орасида бу ҳаракатни қўллаб-қувватловчилар бор бўлиб, жамият ҳаётида иштирок этиш, савод чиқариш ҳар қандай аёлнинг орзуси эди. 1927 йил 8 марта Ўзбекистоннинг турли жойларида ўтказилган митингларда иштирок этган аёллар паранжиларини ташладилар.

Лекин бу ҳаракатларда ўзбек ҳалқининг узоқ йиллар давомида шаклланиб келган урф-одатлари эътиборга олинмади, ихтиёрийлик ўрнини зўравонлик, мажбурлаш эгаллади. Шундай ҳолатлар бўлдики, масъул лавозимларда ишлаган кишилар коммунист сифатида хотинларини паранжи ёқиладиган жойларга олиб келиб паранжисини ташлатиб, эртасига эса яна паранжи ёпинишга мажбур этишар эди. Советларнинг бундай йўл билан иш олиб бориши бегуноҳ аёлларнинг қурбон бўлишига ҳам сабаб бўлди. 1927-1928 йилларда Ўзбекистонда 2,5 мингдан ортиқ фаол хотин-қизлар ўлдирилди. 1928 йил 8 марта Ўзбек давлат концерт-этнография гурӯҳи иштирокчиси Тўпахон саҳнанинг ўзида ўлдирилди, бир йилдан сўнг эса Нурхон исмли актриса ҳалок бўлади.

Шундай бўлса-да, “Хужум” ҳаракати муваффакиятларга ҳам эришди. 1927 йил баҳорига келиб 100 минг нафар аёл паранжи ташлади, 5 минг нафар аёл саводсизликни тугатиш курсларида таҳсил олди. 5.202 нафар аёл эса вилоят, шаҳар, туман судларига ҳалқ маслаҳатчилари қилиб сайландилар. Ташкил этилаётган хотин-қизлар артелларига ишга жойлашдилар. Дастлаб, бу жуда

эҳтиёткорона тарзда амалга оширилган бўлса, 20-йиллар охирига келиб эркаклар билан аёлларни тенглаштиришга эътибор берилди. 1939 йилга келиб, аёллар эркаклар бажарадиган ишнинг 50 фоизини эгаллашди.

Таълим тизимида араб ёзувини лотин графикасига алмаштириш ҳақидаги Қарор ҳам мухим аҳамиятга эга бўлди. "Анъанавий арабча ёзув фақат диний мусулмон анъаналари нуқтаи назаридан қимматли" лиги таъкидланиб, 1929 йилда эски ўзбек ёзуви лотин графикасига ўзгартирилди. Ваҳоланки, Ўрта Осиёни араблар истило қилган VIII асрдан бошлаб нафақат диний китоблар, балки фаннинг барча соҳаларида ўн уч аср мобайнида яратилган ёзма маданият ёдгорликлари, ўлка аҳолиси амал қилиб келган хукуқ манбалари ана шу ёзувда яратилган эди.

1940 йилда эса лотин графикаси кирилл алифбоси билан шошилинч алмаштирилди. Маънавий ҳаёт тўла руслаштирилиб, ҳамма жойда ўзбек тили имкониятлари чекланди.

Шунга қарамасдан, ўзбек халқининг билимга бўлган интилиши ортиб, 30-йилларнинг бошларига келганда саводхонлик учун умумхалқ юришини бошлаб берди. 1920 йил 17 сентябрда ТАССР Маориф халқ комиссарлиги томонидан аҳоли орасида "Саводсизликни (ликбез) тугатиш тўғрисида" Декрет қабул қилинди. Унга мувофиқ, 8 ёндан 40 ёшгача бўлган барча фуқаролар ўқиш ва ёзишни ўрганишлари шарт эди. ТАССР Маориф халқ комиссарлиги хузурида эса саводсизликни тугатиш билан шуғулланувчи фавқулодда комиссия таъсис этилди. 1920 йилнинг охирига келиб, "ликбез"ларнинг сони бир мингдан ошиб кетди.

1924 йилнинг бошида эса "Битсин саводсизлик!" жамияти вужудга келди. Ушбу жамият томонидан дастлабки пайтда 35 та мактаб очилиб, 10.200 киши саводини чиқарди. Расмий статистик маълумотларга кўра, 1932 йилга келиб, республикада 707 минг киши, шу жумладан, қишлоқларда 615,4 минг аҳоли саводсизликни тугатиш курсларида ўқитилди. "Саводсизликни тугатиш" мактабларига тортилган катта ёндан аҳолининг араб графикасидаги ўзбек ёзувидан олган билимлари ҳисобга

олинмади. Аксинча, ташкил этилган ўқув муассаларида таълим ишларини олиб бориш жараёнларида тарбияланувчилар қадимдан мавжуд бўлиб келган миллий таълим-тарбия анъаналари асосларидан узоқлаштирилиб, улар онгига ҳам социализм гоялари сингдирилди. Юқоридагиларнинг барчаси саводхонликнинг ортиши билан боғлиқ бўлса-да, лекин 20-йиллардан бошлаб шаклланган ижтимоий ҳаётда маъмурий-буйруқбозлик тузуми таркиб топди. Мамлакатда аҳолини ёппасига пролетарлаштириш оқибатида янгидан таркиб топиб келаётган таълим тизимида ҳам секинлик билан ривожлана бошлади.

Ижтимоий ҳаётни коммунистик мафкура измига солиш адабий жараёнда ҳам кўзга ташланади. Бу соҳада пролетар адабиётини яратиш муҳим ҳисобланарди. Ўзбек адабиётида ҳам совет даврини қуйлаш бошланди. Ўзбек адабиётининг кекса авлоди, умумтуркий бадиий тафаккурининг забардаст сиймолари Фитрат, Чўлпонларнинг эркин ижод этишига йўл қўйилмади. Улар совет ҳукумати белгилаган йўлдан эмас, ўз йўлидан боришига ҳаракат қилдилар ва ўз асарларида ўрнатилган мавжуд тузумни қаттиқ танқид қилган ҳолда, унинг барча камчиликлари ни аёвсиз фош этдилар. Улар ҳатто, 1934 йилнинг март ойида ташкил этилган Ўзбекистон ССР Ёзувчилар уюшмаси сафига ҳам қабул қилинмади.

Абдулла Қодирий ҳам ўзининг ноёб истеъоди билан адабиётда ёрқин из қолдирди. Адид “Ўтган кунлар”, “Мехробдан чаён” асарлари билан ўзбек романчилигига асос солди. Кейинчалик А.Қаҳҳорнинг “Сароб”, Ойбекнинг “Қутлуг қон” каби романлари яратилди. Ҳамза ҳам ўз шеърларида фақат маърифатга чақирибгина қолмай, қадимий Туркистоннинг сиёсий-ижтимоий аҳволини ўйлаб, муҳторият гояларини улуғлайди. Шу тариқа совет ҳукумати ўзбек адабиётини жаҳон адабиёти ютуқларидан баҳраманд бўлишга имкон туғдирса-да, лекин миллатпарварлик ва миллий тараққиёт гояларини тарғиб этувчи асарларни яратишга тўсқинлик қилиб келди.

Маънавий ҳаёт коммунистик мафкура йўлига мослаштиrsa-да, миллий санъат бирмунча тараққий этди. 1918 йилда Ҳамза Фарғонада “Ўлка Сайёр” сиёсий труппасини ташкил этди. М.Кориёқубов, Й.Эгамбердиев, Ҳ.Исломов, М.Кузнецовалар шу театр қалдирғочлари бўлдилар. Ўша йили Маннон Уйғур Тошкентда “Турон” жамияти қошида театр тузди. Бу гурӯҳ кейинчалик Ўлка Давлат намуна театрига айланди. Театрнинг биринчи актёрлари — Аброр Ҳидоятов, Музаффар Мұхамедов, Обид Жалилов, Фатхулла Умаров, Сайфи Олимов, Маъсума Кориева, Босит Кориев, Зиё Сайдлардир. Маннон Уйғур ватанпарварлик ва маърифатпарварлик гоялари билан сугорилган Фитрат, Фулом Зафарий, Чўлпон, Қодирий, озарбайжон драматурги Ҳусайн Жовид асарларини сахналаштиргди.

Шу йилларда Кори Ёқубов ташаббуси билан биринчи ўзбек халқ мусиқа ансамбли ташкил этилди. 1926 йилда эса юзага келган биринчи ўзбек давлат концерт-этнографик ансамблига атоқли ўзбек хонанда, актёр ва созандлари жалб этилиб, 1929 йилда унинг заминида Самарқандда Ўзбек давлат мусиқали театри ташкил топди. Айнан ўша даврларда атоқли ўзбек ижрочилари чет эл гастролларида бўлишган: Тамарахоним, Кори Ёқубовлар санъати Париж ва Берлинда (1925) катта муваффакият қозонган. 1936 йилда Ўзбек давлат филармониясининг ташкил этилиши ижрочилик санъатининг маълум даражада тизимланишига асос бўлди. Ўзбек халқ чолғу асбоблари оркестри, ашула ва рақс ансамблари, хор капелласи, симфоник оркестр унинг таркибида иш бошлади.

20-йилларнинг ўрталаридан бошлаб Ўзбекистонда қатор илмий ва ўқув муассалари ташкил этилди. Ҳусусан, Туркистон Халқ Университети қошида тупроқшунослик ва геоботаника, биология, зоология, педагогика ва психология, физика-математика, экология илмий-тадқиқот институтлари фаолият кўрсата бошлади. Шунингдек, республикада 20-йиллар охири — 30-йиллар бошида Тропик тиббиёт институти, Тиббий паразитология ва

гельминтология илмий-тадқиқот институти, Сув хўжалиги тажриба-тадқиқот институти ва бошқа илмий мұассасалар ташкил қилинди.

30-йилларда республикамиз ҳамда минтақада илм-фан равнақига муносиб ҳисса қўшган маҳаллий миллатга мансуб олимлар етишиб чиқдилар. Улар Т.Қори-Ниёзий, Т.Саримсоқов, С.Сирожиддинов, О.Содиков, Т.Зоҳидов, У.Орипов, С.Умаров ва бошқалардир.

1932 йилга келиб, Ўзбекистон олимлари Республика Фанлар Академиясини ташкил этишга киришдилар. Бу йўлдаги илк қадам бўлиб 1932 йил 11 октябрда Ўзбекистон илмий-текшириш муассасаларига раҳбарлик қилувчи республика қўмитаси тузилди. 1940 йил 9 январда Фан Қўмитаси СССР ФАнинг Ўзбекистон филиалига айлантирилди. 1940 йилда унинг негизида СССР ФА Ўзбекистон филиали (ЎзФАН) тузилди. Шу даврдан “ЎзФАН” Ўзбекистоннинг илмий-тадқиқот марказига айланди. Унинг таркиби: геология, ботаника, кимё, сув хўжалиги муаммолари, тарих, тил ва адабиёт институтлари; тупроқшунослиқ, зоология, физика ва математика секторлари; Тошкент астрономия обсерваторияси; иқтисодий тадқиқотлар ва картография бюроси киритилди.

1943 йилда “ЎзФАН” асосида Ўзбекистон Фанлар Академияси (ЎзФА) ташкил этилди, унинг биринчи президенти этиб академик — Тошмуҳаммад Ниёзович Қори-Ниёзий сайланди.

Умуман, маданий-маънавий ривожланишни бир қолипда ушлаб туришга интилган маъмурий-буйруқбозлик тузуми миллий-маънавий тарбиянинг аҳамиятини эътиборга олмади. Миллий маданиятга шубҳа билан қараган марказ қабул қилган қатор қарор ва режалар вазиятни тушунмаган ҳолда қабул қилинди. Бундай ҳаракатлар ўша вақтларда ўзбошимчаликнинг ҳақиқий бир кўриниши эди. Партиянинг мағкуравий масалаларга доир йўл-йўриклиари ва уларнинг рӯёбга чиқарилиши адабиёт, санъат ва ижтимоий фанлар ривожланишига тўсиқ бўлди, жойларда ижодкор ва илмий зиёлиларнинг бошқача фикр-

ловчи вакилларини йўқ қилишга олиб келди. 40-йиллар охири-50-йилларнинг бошларида маданий мерос таъқиб остига олинди. Ўзбекистонлик бир гурӯҳ ёзувчилар, шоирлар ижодий ишлари коммунистик мафкурунинг андо-заларига мос келмаганлиги учун, гўёки улар ўз асарларига «миллатчилик фояларини» олиб кирганликлари учун «миллатчи» тамғаси ёпиширилди. Уларнинг бир қанчаси қатагон қилинди.

## Совет давлатининг сиёсий қатагонлари ва унинг боскичлари

Сиёсий раҳбарият партия фояларидан ўзгача фикрлайдиганларга нисбатан душманлик кайфиятида бўлганлиги боис, аввало, миллий урф-одатларни ҳимоя қилувчиларга нисбатан қатъий кураш олиб борди. XX асрнинг 20-йиллари охири 30-йилларининг бошидан қатагон сиёсати кенг авж олди. Иттифоқ жазо органлари ва унинг республикадаги тузилмалари айбсиз кишилар устидан тўқиб чиқарилган турли ишлар билан жамоат арбоблари, олимлар, адабиёт ва санъат арбоблари, хўжалик кадрлари, ишчилар, деҳқонлар, дин вакилларини қамоқча олди. Коммунистик режим шу йўл билан миллатнинг энг илфор зиёли қисмини йўқотишга ҳаракат қилди. Республиkanинг ватанпарварлик кайфиятидаги раҳбар ходимлари сиёсий айблар билан жиноий жавобгарликка тортила бошлади.

“18лар гуруҳи” — Республиканинг ўша вақтлардаги юқори лавозимларида ишлаган 18 та раҳбари совет ҳукуматининг ер-сув ислоҳотига, хусусий мулкни йўқ қилинишига қарши ўз норозиликларини билдириб, эгаллаб турган лавозимларидан кетиш учун ариза берадилар. Улар ўз норозиликларида маҳаллий ходимларга нотўғри муносабатда бўлинаётгани, раҳбарларни танлаш фақат синфий нуқтаи назардан амалга оширилаётганини ҳам билдирадилар. 1925 йил 19 ноябрдаги Ўзбекистон КП(б) МҚнинг пленумида бу ходимлар қаттиқ тазийик остига олинади. “18лар гуруҳи” билан РКП(б) МҚ Ўрта Осиё

бюроси раиси И.Зеленский йиғилиш ўтказгандан сўнг, гуруҳнинг 8 аъзоси ўз “хато”ларини тан олиб, имзоларидан воз кечадилар. Бошқа 10 та шахс Ўрта Осиё бюро-сида баёнотларини кўриб чиқишиларини талаб қиласидилар.

“18лар баёноти” Ўз КП(б) МК II қурултойида муҳокама этилиб, ушбу масала бўйича қарор қабул қилинади ва унда: “18лар баёноти” Ўз КП(б) МК га қарши йўналтирилган фракция ва гуруҳбозлик характеридаги, партия сафлари бирдамлигини бузишга, партия қурултойига тўсқинлик қилишга қаратилган ҳамда шахсий норозилик, майда буржуа кайфиятини акс эттирувчи ариза деб таъкидланади. Шундан сўнг, “18лар баёноти” ташаббускорлари ва ташкилотчиларини аниқлаш, уларни қатъий партия жавобгарлигига тортишга кўрсатма берилди. Ҳамма жойларда “18лар баёноти”нинг муҳокамаси авж олдирилади ва унинг ер-сув ислоҳотини барбод қилиш хавфи борлиги таъкидланиб, янги ҳаётга қарши бўлган майда буржуазия ва руҳонийларга ён берувчи баёнот деб сохталаштирилди. Партия олдида ўз “айби”га иқрор бўлмаганлар лавозимларидан четлатилади. Хусусан, Р.Рафиқов — Ички ишлар халқ комиссарлигидан, М.Сайджонов — Зарабшон вилоят ижроия қўмитаси котиблигидан, И.Хидиралиев — Ўзбекистон ер ишлари халқ комиссари вазифасидан озод этилади.

Ер-сув ислоҳотини ўтказиш даврида “18лар гуруҳи” ушбу жараён ва МК га қарши фаолият юритишида айблланган бўлса, орадан икки йил ўтгач, Ўрта Осиё бюро-сининг пленумида (1927 йил октябрь) уларга бой-қулоқларнинг манфаатини ҳимоя қилган, ер-сув ислоҳоти ҳамда аёлларнинг озодликка чиқишига қарши бўлган, савдогар ва ҳунармандлардан олинадиган солиқларни камайтириш ва давлат аппаратини миллийлашириш тарафдори бўлган деган, сохта айбномалар кўйилади.

“Иногомовчилик” 1926-1931 йилларда совет ҳукумати томонидан миллий раҳбар ва зиёлиларнинг қатагон қилинишига сабаб бўлган уйдирма. “Иногомовчилик”- ўша йилларда ЎзССР Маориф Халқ Комиссари вазифасини

бажариб келган Раҳим Иноғомов (1902-1938) номи билан боғлиқ Р.Иноғомов халқ таълими ва маданиятини пролетарлаштиришга қарши чиқиб, ВКП (б) МҚ Ўрта Осиё бюроси фаолиятини тугатиш талабини кўтариб чиқади. Шунингдек, Р.Иноғомов ва унинг тарафдорлари ўзбек меҳнаткашларининг октябрь тұнтарышига тайёр бўлмаганликлари ва унинг европалик пролетар кучлар томонидан амалга оширилганлиги ҳамда рус истибодига қарши мустақиллик ҳаракатида тарихий ролни фақат зиёлилар ўйнаган, бизда эса ҳали пролетариат йўқ деган дадил фикрларни билдиради. Махсус уюштирилган вилоят пленумларида “иноғомовчилик” қораланиб, у билан аёвсиз кураш олиб боришга даъват этилади. Ҳатто “иноғомовчилик” ни партия сафларидаги буржуазия агентураси деб баҳолашади. “Иноғомовчилик”ка қарши кураш матбуотда ҳам давом этади. Ўрта Осиё бюросининг “За партию” деган журналида И.Зеленский “иноғомовчилик” ни қаттиқ танқид қилиб, унинг коммунистлар томонидан қўллаб-куватланмаганлиги, унга қатъий зарба берилганлиги алоҳида таъкидланади.

Раҳим Иноғомовга шу каби асоссиз айномалар қўйилгандан сўнг, уни Қашқадарё вилоятининг энг чекка қишлоқларидан бирига ишга юборишади. Кувғин ва таъқиблар таъсирида Р.Иноғомов матбуот орқали тавба-тазару мазмунидаги «очик ҳат»и билан чиқади.

“Қосимовчилик”-1929 йилда ЎзССР Олий Судининг раси Саъдулла Қосимовнинг “қосимовчилик” деб номланган ишини кўриб чиқиши бошланади. С.Қосимов билан биргаликда тарих ўқитувчиси Олимов, суд идораси ходимлари Мусабоев ва Спиридоновлар ҳам қамалади. С.Қосимов ва унинг тарафдорлари “босмачилар”ни қўллаб-куватлаш, “аксилинқилобчи миллатчи ташкилотлар” аъзолари билан алоқа боғлаганлик, ислом динини ҳимоя қилишда айбландилар. Ҳолбуки, С.Қосимов ва Б.Шарипов ўз хизмат вазифаларини бажариш вақтида туб миллат манфаатларини имконият доирасида ҳимоя қилишган эди. С.Қосимов тергов ва суд жарабёнида СССР Олий суди томонидан

Ўзбекистоннинг суверенлик ҳукуқи ва миллий манфаатлари поймол қилинаётганлигини очиб ташлашдан чўчи мади. Бироқ, уларга қўйилган айномалар вақтли матбуотда ҳам эълон қилинади.

1930 йилнинг 22 июнида ҳукм эълон қилинади. Уларнинг ҳаммаси ёт синф манфаатларини ҳимоя қилганликда, Шарипов эса босмачиларга фаол ёрдам берганликда айбланади. С.Қосимов, Шарипов, Олимов, Мусабеков ва Спиридоновлар ўлим жазосига ҳукм қилинадилар, уларнинг тарафдорларидан қолганлари 10 йилга қамоқ жазосига ҳукм қилинадилар.

“Бадриддиновчилар” устидан суд бошланади. “Бадриддиновчилик” — Ўзбекистон ССР Олий судининг прокурори Шамсутдин Бадриддинов номи билан боғлиқ иш. Ш.Бадриддиновга “Миллий иттиҳод” ташкилоти аъзолари ва босмачилар билан алоқа боғлаган, Мунаввар Кори ва С.Қосимовнинг яқин дўсти ва ҳамфирни бўлган деган айблар қўйилган. Ш.Бадриддинов ва унинг 5 тарафдори устидан суд жараёни 1932 йил 5 май — 15 июнда Тошкентда бўлиб ўтади. Ана шу судда фош этувчи нутқ билан сўзга чиқсан Олимов исмли гувоҳ Чўлпоннинг ҳам номини файрли ниятда тилга олади. Бу унинг 1937 йилда қамоққа олинишига сабаб бўлади. Чўлпон ўз олдига совет ҳокимиятини қурол билан ағдариб ташлаш ва Ўзбекистон музофотида буржуа давлатини барпо этиш мақсадини қўйган, аксилинқилобий миллатчилик ташкилот аъзоси бўлган..., совет ҳокимиятига қарши кураш учун миллий кадрлар тайёрлаган..., ташкилотнинг топшириғига мувофиқ аксилишчўровий — миллатчилик руҳидаги шеърлар ёзган. Хорижий разведка органлари айғоқчилари Шоҳид Эсон Мусаев, Фитрат ва Фози Олим Юнусов билан доимий алоқада бўлган...”, деган сохта айномалар асосида советларнинг жазо органлари томонидан 1938 йил 4 октябрда қатл этилади. Фитрат эса 1938 йил 4 октябрда “...совет ҳокимиятига қарши аксилинқилобий, пантуркистик ишлар олиб борганлиқда” айбланиб, отиб ташла нади.

Совет режими А.Қодирийнинг “Ўткан кунлар” асари китобхонларни совет воқелигидан узоқлаштиради ва унда миллатчилик қарашлари очиқ акс этган деб танқид остига олади ва бу унинг 1937 йилда қамоққа олиниши учун асос бўлиб хизмат қиласди. Адабиётимизнинг энг сара арбоблари қаторида А.Қодирий ҳам 1938 йил 4 октябрда отиб ташланади.

Таниқли ўзбек шоири, драматург ва таржимон Усмон Носир ўзининг “Юрак”, “Меҳрим”, “Норбўта”, “Наҳшон” ва бошқа шеърий достонлари билан шуҳрат қозонган. Шунингдек, у Добролюбов, Лермонтов асарларини ҳам ўзбек тилига таржима қиласган. Усмон Носир ҳам 1944 йилда совет режимининг бегуноҳ қурбони бўлган.

Минглаб зиёлилар йўқ қилинишининг чўққиси 1937-39 йилларга тўғри келди. 1937 йил декабрь-1938 йил январида ХКС ва ЎЗ КП (б) МҚнинг “ЎзССР Халқ Маориф Комиссарлиги тизимида зиёнчилик оқибатларини бартараф этиш бўйича чора-тадбирлар тўғрисида”ги Қарори эълон қилингандан сўнг, халқ таълименинг барча соҳаларида, айниқса, маҳаллий тилда дарс бериладиган мактаблар, педагогик билим юртлари ва институтларида ўқитувчи кадрлар ва талабаларни “тозалаш” ишлари авж олдириб юборилди.

1925 йил февралидан ЎзКП МҚнинг масъул котиби, 1929 йилдан МҚнинг биринчи котиби лавозимларида ишлаган А.Икромов ҳам мустабид тузум қатагонларидан четда қолмади. Лекин, А.Икромов совет ҳукуматига сидқидилдан хизмат қиласган. У «иноғомовчилик»ка қарши чиққан. 1929 йил Мунавварқори бошчилигидаги миллий тараққийпарвар кучларнинг қатагон қилинишида ҳам хизмати бўлган. Шундай бўлса-да, совет ҳукумати А.Икромовни ҳам 1937 йил сентябрида Тошкентда ҳибсга олди ва у 1938 йил март ойида Москвада отиб ташланди.

1925 йил февралидан Ўзбекистон ССР Халқ Комиссарлар Қенгашига раислик қиласган Ф.Хўжаев ҳам қатагонлардан четда қолмади. У «18лар гуруҳи»нинг foявий илҳомчиси эди. Ф.Хўжаев 1937 йил ўз лавозимида ишлаб турган вақтида Москвада қамоққа олинади ва 1938 йил 13 марта отиб ташланади.

Шунингдек, улар билан жиноий жавобгарликка тортилган И.Каримовга ҳам А.Икромов, Ф.Хўжаев билан биргалиқда ўзларининг Маориф комиссарлигидаги “одамлари”- Усмонов, Рўзиев, Сорокин, Кожуховлар орқали халқ маорифига катта зиён етказишган, деган бўхтонлар қўйилади. Гўёки, улар турли чоралар билан ўзбек халқини социалистик маданиятнинг илгор вакили — буюк рус халқидан ажратмоқчи бўлганлар, ёшларни миллатчилик билан заҳарлашга ҳаракат қилганлар. Шунингдек, қўйилган айбномаларда ўзбек мактабларида Ленин ва Стalin асарларини ўрганишга имкон берувчи рус тили ўқитилишига қаршилик кўрсатиб, марксизм-ленинизм классикларининг асарларини ўзбек тилига таржима қилинишига тўсқинлик қилганликлари ҳам таъкидлаб ўтилади.

«Қизил террор» ўша даврда қанчалик оммавий тус олганлиги ҳақида қуидаги маълумотлар далолат беради: 1936 йилнинг охиридан 1940 йилгача бўлган даврда Республика бўйича ёзувчилар, журналистлар, давлат, жамоат арбоблари ва ҳоказолардан 5.758 киши қамоқча олинган, улардан 4.811 киши отиб ташланган. Ўйлаб чиқилган сохта айловлар бўйича Ўзбекистонда 1937-1939 йилларда ҳаммаси бўлиб 41 мингдан ортиқ киши жазоланган, 6 минг 920 киши эса отиб ташланган. Шундай қилиб, 30-йилларнинг охири бутун иттифоқда бўлгани каби, Ўзбекистонда ҳам мустабид тузум бошлаган қатағонларнинг мислсиз азоблари ўзбек халқи тарихида фожеали из қолдириди.

Хуллас, 20-30 йиллардаги мустабид тузумнинг қатағонлик сиёсати жиддий ва фожиали оқибатларга олиб келди. Миллий зиёлиларнинг жисмонан йўқ қилиниши оқибатида миллий маданият тўла-тўқис ривожлана олмади. Миллатнинг ақл-идроқли кишилари қатағон қилиниб, Ватанга содик неча ўн минглаб кишиларни қириб ташлаган мустабид тартибот қарор топди ва кучая борди.

Совет ҳукумати даврида диний эътиқод ҳам гоҳ ошкора, гоҳ пинҳона тарзда тазиикча олинди. 30-йиллар боши диндор ва эътиқодли кишиларга зўравонлик ҳамда сиёсий қатағонликнинг чўққиси бўлди. 1949 йилнинг марта мартида чақирилган

Ўзбекистон коммунистларининг X съезди республика меҳнаткашларини коммунистик руҳда тарбиялаш, миллий қадриятларга, “диний хурофот”га қарши курашни кучайтириш вазифаларини қўйди. Бу билан жамиятда социалистик мағкуранинг вайронкорлик роли яна ҳам кучайтирилди.

Бу сиёсат 80-йилларда ҳам давом этди. КПСС МҚнинг 1981 йил 22 сентябрида «Атеистик пропагандани кучайтириш» тұғрисидаги Қарори эълон қилинди. Ушбу Қарор асосида Ўзбекистонда ҳам алоҳида қарор қабул қилинди. Унга кўра партия ҳамда совет ташкилотлари дин ва диний идоралар фаолиятига муносабатда коммунистик мағкура принципларига риоя қилиши шарт экани кўрсатиб ўтилди. Натижада, партия аъзоларидан иборат бўлган, диндорлар ва диний муассасалар фаолиятини назорат қилиб турувчи комиссиялар ташкил этилди. Республикадаги 74 та муқаддас ҳисобланган қадамжолар комиссиялар назорати остига олинди. Масалан, Сурхондарё вилоятида рўйхатдан ўтган 16 та муқаддас қадамжо бўлган, Диний байрам кунлари Саросиё туманидаги «Оқ Остона», Денов туманидаги «Султон Санжар», «Шайх Аттор Вали», «Каптар хона», Шўрчи туманидаги «Хўжай пок», Шеробод туманидаги «Сулаймон ота», «Ҳазрати Ахтам», Гагарин туманидаги «Жаҳонгир ота» каби муқаддас ҳисобланган қадамжоларни кунига 500 дан ортиқ киши зиёрат қилган. Комиссиялар иштироқида ана шундай жойларда турли атеистик бурчаклар, совет ҳукумати «доҳийлари» ҳаётини ёритувчи музейлар ташкил этилди. Вилоятнинг ўзида 647 та «Ёш маърузачи» тўгараклари фаолият олиб борди.

1983 йил июнда КПСС МҚнинг маҳсусplenуми идеология ишини янада такомиллаширишга бағишлиланган янги вазифаларни белгилаб берди. Пленумдан сўнг мамлакатда дин, урф-одатларга қарши кураш кучайиб кетди. «Наврӯз» байрами таъқиб остига олинди. 1986 йил 14 апрелда «2-КБ 1090» рақамли ҳужжатда «Наврӯз» байрамини «Навбаҳор» деб номланиши ва уни ўтказиш ҳарйилнинг апрель ойининг биринчи якшансабисига белгиланди.

Урушдан кейинги йилларда мамлакатнинг ижтимоий-сиёсий тизимида партияning якка ҳукмронлиги кучайиб борди. 40-йилларнинг охири 50-йилларнинг бошларида совет ҳукумати «мафкуравий кураш»ни янада кенгроқ авж олдириб, ижодкор зиёлиларга қарши хужумни авж олдирган. Агар 30-йилларда қатағонликни Ички ишлар халқ комиссарлари (НКВД) олиб борган бўлса, эндиликда бу муддиш ишларни коммунистик партияning марказий комитети ва унинг қуи ташкилотлари бажарди. Бу йилларда адабиёт, санъат, ижтимоий фанларни «сиёсатдан ажратиб» қўйишга уринганлар танқид ва таъқиб остига олинди. Жойларда ижодкор ва олимларнинг бошқача фикрловчи вакиллари йўқ қилинди. Республика давлат ҳавфсизлиги органлари 1951 йилда Ёзувчилар уюшмаси ва айрим матбуот органларидан 12 кишини советларга қарши миллатчиликда айблади. Бу гурухда шоир ва ёзувчилардан Шукрулло Юсупов (Шукрулло), Фулом Алимов (Шухрат), Мақсуд Шайхзода, F.Фулом бор эди. Уларнинг баъзилари «советларга қарши миллатчиликда айбланиб», 25 йил қамоқ жазосига ҳукм қилинди.

Ўзбекистонда 1937 йилдан 1953 йилгача НКВД «учлиги» томонидан 100 минг киши қамоқча олинди ва турли муддатларга озодликдан маҳрум қилинди, улардан 15 минг нафари отиб ташланди. Улар орасида турли раҳбар ходимлар, адабиёт ва фан арбоблари, ўқитувчилар ва журналистлар, ишчилар ва дехқонлар, турли қатлам ва миллат вакиллари бор эди.

1949-1952 йилларда қўпчилик машҳур ўзбек ижодий зиёлилари асоссиз равища айбланиб, қатағон қилинди. Ўзкомпартияning 1949 йил 25 июндаги бюро мажлисида бир гуруҳ ёзувчилар миллатчиликда, эски феодал маданияти олдида бош эгиш, ўтмишни идеаллаштиришда айбланди. Ойбек, Абдулла Каҳҳор, Мамарасул Бобоев, Миртемир, Шайхзода каби ўзбек ёзувчилари бадном қилинди. Хуршид, Чустий, Файрат эса ёзувчилар уюшмасидан ҳайдалди.

Ўша йилларда мусиқа санъати намояндалари ҳам таъ-

қиб остига олинди. 1951 йил апрелида Ўзкомпартия бюро мажлиси “Мусиқа санъатининг аҳволи ва уни янада яхшилашнинг чоралари тўғрисида”ги масалани муҳокама қилди. Мажлисда санъат ишлари бўйича бошқарма кўп йиллар давомида “Фарҳод ва Ширин”, “Лайли ва Мажнун”, “Тоҳир ва Зухра” каби афсонавий мазмундаги опера, балет ва мусиқали драматик спектаклларни яратиб, заарли ишларни амалга оширияпти, деб қайд этилди. Мажлис Қарорида жанр репертуарлари ва радио эшлитириш программаларини қайта кўриб чиқиш тавсия этилди. Мазкур спектакллар саҳнадан олиб ташланди.

Ўзбекистонда асоссиз қатағон қилинганларни оқлаш «халқлар отаси» Сталин вафотидан сўнг бошланди. Ўзбекистон бўйича қатағон қилинганларнинг 40 мингта яқини оқланди.

Қатағон тўлқини бу билан тўхтаб қолмади. 1980 йиллардан КПСС МК раҳбарлигига Ўзбекистонда навбатдаги ошкора қатағон бошланди. Тарихда “Пахта иши”, “Ўзбеклар иши” деб ном олган машъум сиёсат ниқоби остида минглаб кишилар жиноий жавобгарликка тортилди. 80-йилларга келиб совет давлатида марказдан бошқаришнинг амалдаги тизими емирилиб, марказнинг иқтисодий инқирозларни ҳал қилишга қодир эмаслиги яққол кўзга ташланиб қолди. Барбод бўлаётган бу иқтисодий сиёсатни беркитиш учун марказ ўғрилик, порахўрлик, қўшиб ёзиш каби ҳолатлар «айбдорларини» миллий республикалардан қидира бошлади.

1983 йилнинг охирида Ўзбекистонда жиноятчиликка қарши қурашиш учун марказдан тергов гуруҳи юборилди. Ваҳоланки, бу вақтларда халқ хўжалигидаги қўшиб ёзиш ҳолатлари мамлакатнинг турли минтақаларида кучайиб кетган ва бу одатий ҳолатга айланган эди. Марказдан берилаётган топшириқларни ўз вақтида бажаришнинг қатъий талаби етиштирилган маҳсулотлар ҳажмининг барчасига қўшиб ёзишга мажбур этарди.

Ўзбекистонга юборилган Гдлян бошлиқ тергов гуруҳи иштирокида 1989 йилгача 4,5 мингдан кўпроқ киши судланди.

Гдлян гурухи Ўзбекистон ҳудудида чекланмаган ваколатларга эга бўлди. Айбисиз одамларни, уларнинг оила аъзоларини қамоқча олиш, жисмоний ва руҳий қийиноқча солиш авж олди. Ҳибсга олингандар тергов усулларига дош беролмай, ўз жонларига қасд қилишгача бориб етдилар.

Ўзбекистонда инсон ҳуқуқлари беҳад топталаётганлиги ҳақида Москвага минглаб хатлар жўнатилди. Афуски, бу хатлар текширилмасдан, тўғри кўриб чиқиш учун Гдляннинг қўлига тушаверди.

1989 йилнинг иккинчи ярмидан бошлаб Ўзбекистон фуқаролари ҳуқуқларини ҳимоя қилиш мақсадида, “пахта иши”ни кўриб чиқиш учун маҳсус комиссия тузилди. Комиссия 40 минг томдан иборат ишни кўриб чиқди. 1990 йилнинг июнь ойига келиб, комиссия судланганларни оқлаш масаласини қўйди. Икки йилдан кўпроқ вақт давомида 3,5 мингдан кўпроқ киши оқланди. Колганларнинг жазо муддатлари камайтирилиб, бир қисми Президент томонидан афъ этилди.

### **Совет ҳукуматининг кадрлар сиёсатидаги нуқсонлар**

Совет давлати ҳукмонлигининг барча даврида кадрларни танлаш, улардан фойдаланишга қаратилган сиёсат доимо мазкур тузум манфаат ва мақсадлари билан чамбарчас боғлиқ бўлган. Иттифоқдош республикалар, уларнинг ҳудудлари, сиёсий-ижтимоий, иқтисодий, маданий ҳаётини бошқариш кўпроқ маҳаллий раҳбар кадрларга топширилган бўлса-да, лекин уларнинг фаолияти партия, иттифоқ ҳукумати билан боғлиқ бўлиб, унга жизмат қилувчи кадрлар устидан қаттиқ назорат ўрнатилган. Кадрлар тайёрлаш муҳим масала бўлиб қолган ҳолда партия чиқараётган қарорлар ҳам шу соҳага йўналтирилган эди.

Мамлакатда кадрлар тайёрлаш тизими кадрларга фақат касбий билим беришдан иборат бўлмай, «коммунистик муносабат»ни шакллантиришни ўз ичига оларди. Бу ўринда партия, совет, касаба союз, комсомол жодим-

ларини тайёрлаш учун маҳсус ўқув юртлари мавжуд бўлиб, мазкур даргоҳлар иттифоқдош ва автоном республикалар учун раҳбар кадрлар тайёрлашда катта ўрин эгаллаган ва мактабни мамлакат сиёсий, иқтисодий, ижтимоий ҳаётини бошқаришда юқоридан берилган топшириқларни кўр-кўrona бажарадиган кадрларни табиялайдиган масканга айлантирган.

Бироқ, таркибида 15 та иттифоқдош республика бўлган, жами 270 миллиондан ортиқ аҳоли истиқомат қилган улкан мамлакатда давлат бошқарувидаги маъмурий-буйруқбозлик усуллари мустаҳкамланиб, ҳар бир масалани бюрократик усул билан ҳал этиш кўлами тарқалди. Кадрларни фақат мафкуравий-сиёсий савиясини ошириш ҳеч нарсани ҳал этмас эди.

1984 йил Ўзбекистонда кадрлар сиёсати масаласида «бурилиш» ясаган ЎзКП МҚ XVI пленуми бўлди. Унда Ўзбекистон ижтимоий-иқтисодий ҳаётидаги инқизорий кўринишлар мамлакатдаги вазиятдан ажратиб, алоҳида қаралди. Натижада, кадрларни мустақил ишлаши учун шароит яратишга эмас, балки сиёсий партиявий маълумотини оширишга эътибор берилди.

XVI пленумдан сўнг кадрлар орасида ҳам «тозалаш ишлари» бошлаб юборилди. 1984-1985 йиллар оралиғида вилоят, шаҳар, туман, партия қўмиталари котиблари, ижроия қўмита раислари, уларнинг ўринбосарлари, вазирлар, давлат қўмиталари раҳбарларидан кўпи лавозимларидан олиб ташланди. Улар марказдан доимий ишлашга юборилган кадрлар билан алмаштирилди. Улар иттифоқ марказининг республикадаги таянчи бўлиши ва республикада советча усулдаги «тартиб-интизомни» мустаҳкамлаши лозим эди.

### **Иккинчи жаҳон уруши йилларида ўзбек халқининг фашизм устидан қозонилган галабага кўшган ҳиссаси**

Инсоният жуда кўплаб урушларни бошидан кечирган, лекин булар ичida энг даҳшатлиси, 50 млн. дан ортиқ

кишининг ёстигини қурилган, XX аср фожиаси бўлмиш Иккинчи жаҳон урушидир. Олти йил (1939 йил сентябрь-1945 йил сентябрь) давом этган бу уруш ер шарининг 80% аҳолиси жойлашган ҳудудни ўз ичига олган 61 та мамлакатни қамраб олган эди.

Иккинчи жаҳон урушини Англия, Франция ва СССР каби йирик давлатлар ўртасидаги ихтилофлар, хусусан, пайдо бўлган дастлабки дамлариданоқ ташки сиёsat стратегияси “жаҳон пролетар инқилоби” мафкурасига таяниб, бутунжадон коммунистик империясини тузишга қаратилган совет давлати ҳамда Германия каби агресив кучларнинг дунёга ҳукмрон бўлиш учун интилишлари келтириб чиқарди. Урушнинг асосий айборлари жаҳонга ҳукмронлик қилиш даъвоси билан майдонга чиқкан Адольф Гитлер ва Иосиф Сталин юритган агресив сиёsat бўлди. Франция ва Англия сиёсий етакчиларининг жавобгарлиги шундан иборат бўлдики, улар большевизм хавфига қарши турувчи кучни ташкил қилиш гояси билан Германияда гитлерчилар партиясининг мустаҳкамланишига ёрдам берибгина қолмасдан, Австрияning Германия таркибига қўшиб олиниши (1938й март) ва Мюнхен битишувига (1938 й сентябрь) йўл очиб бердилар. Бу эса, Иккинчи жаҳон урушининг бошланиши учун асос бўлиб хизмат қилди.

30-йиллар охирларида ҳалқаро кескинлик ва Иккинчи жаҳон урушининг бошланишида Сталин бошлиқ совет раҳбарлари капиталистларни ўзаро уруштириб, уларнинг кучи камайиши билан Кызил армия кучларининг қақшатқич зарбасини беришга интилишлари ва айнан шу мақсадда 1939 йил 23 августда Германия билан 10 йил муддатга ўзаро ҳужум қиласлик тўғрисида тузилган шартнома уларнинг жавобгарликларини ташкил қиласди. Советгерман битимининг махфий қўшимча баённомасига қўра, Германия билан СССР таъсир доираларини бўлиб олишган эди. Уларнинг манфаатдор ҳудудлари чегараси Польшадан ўтган бўлиб, Фарбий Украина ва Фарбий Белоруссия ҳудудлари ҳамда Болтиқбўйи мамлакатлари СССР таъ-

сир доирасидаги ҳудуд эканлиги Германия томонидан тан олинган эди. Энг сүнгги тарихий тадқиқотлар "Август битими" мамлакат хавфсизлигини мустаҳкамлаб, совет-герман урушининг бошланишини орқага сурган эмас, балки Иккинчи жаҳон уруши ва унга СССР нинг тортилишини тезлаштирган ҳужжат бўлганлигини кўрсатади.

1941 йил 22 июнь якшанба куни тонгтарида "август шартномаси"ни бузиб, фашистлар Германияси СССР га ҳужум бошлади. Германия билан унинг иттифоқчилари — Италия, Финляндия, Венгрия, Руминия, Болгария ҳам Совет Иттифоқига қарши урушга кирдилар. Бу урушга мажбуран тортилган Совет Иттифоқи халқлари мустамлака асоратида бўлган барча республикалар, шу жумладан, Ўзбекистон халқлари учун оғир синовлар вақти ва уларнинг немис фашист босқинчиларига қарши фидокорона кураши бошланди.

Урушнинг дастлабки кунлариданоқ, бутун мамлакатда бўлганидек, Ўзбекистонда ҳам партия ташкилотлари томонидан митинглар ва йиғилишлар ташкил қилинди. 1941 йил 22 июнядаёқ Тошкент тўқимачилик комбинатининг ишчилари ўзларини Ватан ҳимоясига сафарбар қилинган деб ҳисоблашларини билдирилар. 23-24 июня Самарқанд, Бухоро, Андижон, Наманган, Фарғона, Нукус шаҳарларидаги йиғилишларда Ватан ҳимояси учун ҳар қандай вазифани бажаришга шай эканликларини билдирган ўзбекистонликлар ҳарбий комиссарликка фронтга кўнгилли сифатида жўнатишларини сўраб аризалар бера бошладилар.

Архив ҳужжатларининг далолат беришича, урушнинг дастлабки кунларида республиканинг шаҳар ва туман ҳарбий комиссарликларига 14 мингдан ортиқ ариза тушган. Бу ўзбекистонликларнинг ўз ватанпарварлик бурчларини, ҳар бир уруш инсоният бошига келган оғат эканлигини юксак даражада англаш, уруш оловини ёқувчиларга қаттиқ нафрат билан қарашликларини кўрсатади. Чунки бошланган уруш юқори ҳокимиёт раҳбарлари орасида саросималикни келтириб чиқарган бўлиб, факат 29 июнядагина Халқ Комиссарлари Кенгаши номидан жой-

ларга кўрсатмалар жўнатилиб, унда уруш аҳволни кескин ўзгартириб юборганлиги, Ватан жиддий хавф остида қолганлиги, барча ишларни ҳарбий изга солиш учун тез ва қатъий равищда қайта қуришни амалга ошириш зарурлиги кўрсатилиб, “Ҳамма нарса фронт учун, ҳамма нарса ғалаба учун!” чақириги талаб даражасига кўтарилиган эди. 1941 йил 30 июня И.В.Сталин бошчилигига Давлат Мудофаа Қўмитаси ташкил этилиб, давлат, ҳарбий ва партиявий ҳокимият унинг қўлига ўтди. Сталин ҳукумат номидан 3 июля радио орқали ҳалққа мурожаат қилиб, ҳақиқий аҳволни баён қилди. Қуролли кучларга стратегик раҳбарликни амалга ошириш учун Олий Бош Қўмондон Қароргоҳи ташкил этилиб, 8 августда Сталин Олий Бош Қўмондон лавозимини қабул қилди. Барча муҳим ҳарбий-сиёсий қарорларни қабул қилиш ҳақиқатдан унинг қўлида тўпланиб, бу қарорлар ДМҚ ёки ВКП (б) МҚ Сиёсий бюросининг қарорлари сифатида расмийлаштирилган.

Урушнинг дастлабки кунларида ёқ Ўзбекистоннинг барча моддий ва маънавий кучлари, ресурслари фронт учун сафарбар қилина бошланди. Умумий ҳарбий сафарбарлик эълон қилинди.

Ўрта Осиё ҳарбий округи фронт учун 1941 йил июндан 1942 йил охиригача ҳарбий сафарбарлик асосида 109 та ҳарбий қўшилма тузди, ҳаракатдаги армия ва Олий Бош қўмондонлик қароргоҳи резервига 86 дивизия ва бригада жўнатди.

Ўзбекистон ҳукумати миллий ҳарбий қўшилмалар тузиш ташаббуси билан чиқди. 1941 йил 13 ноябрдан 1942 йил марта гача 14 та миллий ҳарбий қўшилма, жумладан, 9 та ўқчи бригада, 5 та отлик аскарлар дивизияси тузилиб, фронтга жўнатилди. Умуман, уруш бошларида 6,5 миллион кишидан иборат бўлган Ўзбекистон аҳолисининг 1.433.230 таси урушга сафарбар этилган. Уларнинг кўпчилиги мардлик намуналарини кўрсатиб, жанговар орден ва медаллар билан тақдирланди. Чунки ота ва оналар, Ўзбекистон ҳалқи ўз ўғлонларини фронтга жўнатар эканлар, уларга босқинчиларга қарши шараф билан курашиш, ўтмишда босқинчиларга қарши курашларда голиб

чиққан қаҳрамонларнинг жанговар жасоратларидан на-  
муна олишни, мард, ботир аскар бўлиб, душманлар ус-  
тидан ғалаба қозонишларини тилаб қолгандилар.

Ҳарбий вазият фронт орқасини мустаҳкамлаш юзаси-  
дан шошилинч чора-тадбирлар кўришни талаб қилди.  
Халқ хўжалигини қайта қуриб, ҳарбий изга тушириш  
умумий дастурнинг таркибий қисми бўлди. Ўзбекистон  
иқтисодиёти ҳам ҳарбий вазиятдан келиб чиқиб зудлик  
 билан фронт манфаатларига бўйсундирилди. Республика  
саноат корхоналари уруш бошланиши биланоқ қайта  
қурилиб, мудофаага зарур маҳсулотлар ишлаб чиқаришга  
ўтказилди. Қайта қуриш гражданлар уруши йилларида  
синовдан ўтган ҳарбий-коммунистик усуллар билан амал-  
га оширилди. 26 июндан бошлабоқ мамлакатда ишчилар  
ва хизматчилар учун ишдан ташқари вақтда мажбурий  
ишлаб бериш жорий этилди. Катта ёшдагилар учун иш  
куни олти кунлик иш ҳафтасида 11 соатгача узайтирил-  
ди. Аслида иш куни 12-14 соатга чўзиларди. Таътилга  
чиқиш бекор қилинди. Бу ҳол ишчи-хизматчилар сонини  
кўпайтирмасдан туриб ишлаб чиқариш қувватлари ҳаж-  
мини ошириш имконини берди.

Ишчи кучининг етишмаслиги натижасида идора хизмат-  
чилари, уй бекалари, ўқувчилар ишлаб чиқаришга жалб  
етилди. 1941 йил декабрда ҳарбий корхоналарнинг барча  
ходимлари сафарбар деб эълон қилинди ва мазкур корхо-  
наларга бириттириб қўйилди. Корхоналардан ўзбошимча-  
лик билан кетиб қолганлар 5 йилдан 8 йилгача қамоқ жазо-  
сига хукм қилинар эди. Бироқ одамлар мамлакат ичкариси-  
да — Ўзбекистонда ҳам “юкоридан” ортиқча қистовсиз, озод-  
лик ва мустақиллик йўлида фидокорона меҳнат қилдилар.

Республика хукумати 1941 йил сентябрь-декабрь ой-  
ларида Ўзбекистонда саноат ишлаб чиқаришни ҳарбий  
изга мослаб қайта қуришнинг умумий режаларини бел-  
гилаб берди. Қабул қилинган қарорларда халқ хўжали-  
гини қайта қуришга доир аниқ вазифалар белгиланган  
бўлиб, саноат корхоналарининг мудофаа маҳсулотлари-

ни ишлаб чиқаришга ўтиш муддатлари белгиланиб, ички имкониятлардан фойдаланиш тавсия этилган.

Кадрлар, хом ашё, ишлаб чиқариш воситалари танкислигига қарамай, 1941 йил декабрида ёқ республика даги 30 га яқин корхона мудофаа учун маҳсулот бера бошлади. Корхоналарда фронт бригадалари номини олган бригадалар тузила бошлади, дастлаб октябрь ойида “Ташсельмаш” заводида ташкил этилган бўлса, 1942 йил бошларида уларнинг сони 1,5 мингга етган. 1942 йил ўрталарига келиб ҳалқ хўжалигини қайта қуриб, ҳарбий изга ўтказиш Ўзбекистонда асосан охирига етказилди.

Урушнинг дастлабки кунларидан республика аҳолисидан 30 миллион сўмлик миқдорда пул, облигация ва қимматбаҳо буюмлар тўпланди. Ўзбекистон аҳолиси уруш йилларида мудофаа жамғармасига жами 649, 9 млн. сўм пул ва 55 кг.га яқин олтин, кумуш ва бошқа қимматбаҳо металлар топширди. Бу жамғарма ҳисобига танк колонналари, авиация эскадрильялари, бронепоездлар қурилиб, фронтга жўнатилди.

Аҳоли томонидан иссиқ кийимлар тўплаш ва тайёрлаш кенг авж олди. Республика аҳолиси урушнинг дастлабки олти ойи мобайнинда фронтга 421,5 мингта турли иссиқ кийимлар юборди.

Ўзбекистон уруш йилларида Россиянинг босиб олинган районлари — Украина, Белоруссиядан ҳаммаси бўлиб бир миллиондан ортиқ кишини қабул қилди. Улардан 200 минг нафари болалар эди. Аҳоли уларга 135 минг кв.м тураржой бериб, ўзи сикилиб яшади, кўчиб келганларни тўйдириш учун охирги бўлак нонини ҳам бўлиб берди, уларга пойабзал, кийимбош тўплади. Кўчириб келтирилганларни ишга жойлаштириш юзасидан катта ишлар амалга оширилди. Фақат Тошкент шаҳрининг ўзида 1941-1942 йилларда қарийб 240 минг киши иш билан таъминланди.

Кўчириб келтирилган болаларни қабул қилишни тартибли йўсинда ташкил этиш мақсадида республика хукуматининг Қарори билан 1941 йил октябрида эвакуация қилинган болаларни қабул қилиш учун марказий пункт

ташкил этилиб, жойлаштириш бўйича республика, вилоят, шаҳар ва туман комиссиялари тузилди. Фақат 1941 йил 25 ноябридан 1942 йил октябрига қадар республиканинг эвакуация пунктлари орқали 15649 нафар бола ўтди. Кўпгина оиласалар икки ва ундан ортиқ етим болаларни ўз тарбияларига олдилар. Тошкентлик Шомаҳмудовлар турли миллат фарзандларидан 14 болани ўз оиласаларига тарбияга олдилар. Каттакўргонлик Ҳамид Самадов оиласи 12 болани асраб олди. Ф.Қосимова 10, М.Жўраева ва Ашурхўжаевалар 8 болани ўз оиласаларига олдилар. 1943 йилнинг охирига келиб шаҳарларда 4672 бола, қишлоқларда эса, 870 бола ўзбек оиласалари томонидан тарбияга олинган эди. Уруш арафасида республикада 106 та болалар уйида 12 минг бола тарбияланаётган бўлса, 1945 йилга келиб, уларнинг сони Ўзбекистон вилоятлари ва Қорақалпогистонда 263 та болалар уйида 31300 болага етди. 1943 йилда болалар боғчаларида тарбияланаётган 53072 боладан 15108 нафари эвакуация қилинган болалар эди. Юқоридаги аниқ далиллар халқимизнинг бошқа миллатларга бўлган меҳрумұҳаббати, бағрикенглик фазилатларини акс эттиради.

Уруш йилларида Ўзбекистонга фронтда ярадор бўлган жангчилар кўплаб келтирилди. Уруш бошлангандаёқ республика ҳукумати госпитал базасини ташкил қилишта киришган эди. 1941 йил 1 октябргача Ўзбекистон Соғлиқни сақлаш халқ комиссарлиги тизимида 14950 ўринга эга бўлган 47 госпиталь барпо этилди ва зарур ускуналар билан жиҳозланди. Фақат Москва, Калинин, Ростов ва бошқа вилоятлардан 15900 ўрин-кароватга эга бўлган 48 госпиталь республикамизга кўчириб келтирилди ва ишга туширилди. Эвакуация қилинган госпиталларга Тошкентдаги ва Ўзбекистоннинг бошқа йирик шаҳарларидағи энг яхши бинолар ажратиб берилди. 1942 йилнинг охирида Ўзбекистон ҳудудида 39140 ўринга эга бўлган 113 та эвакуация госпиталлари жойлаштирилди. Уруш йилларида бу госпиталларга 164382 ярадор келтирилган бўлиб, улардан 87 фоизи даволаниб чиқди. Даволанаётган жангчилар учун тўлақонли ов-

қатланишни ташкил қилиш учун 750 дан ортиқ корхона, ташкилот, колхоз ва совхозлар госпиталларни оталикка олди ва бутун ўзбек халқи ярадорларга ғамхўрлик қилди.

## Уруш йилларида Ўзбекистон саноати ва қишлоқ хўжалиги

Ўрта Осиё республикаларига эвакуация қилинган 308 корхонанинг 104 таси (Ленинград тўқимачилик машиналари заводи, “Қизил-Оқсой”, “Россельмаш”, Сумск компрессор ва Днепропетровск карборунд заводлари, Москвадаги “Электрокабель” ва “Подъёмник” заводлари, Темир йўллар халқ комиссарлигининг машинасозлик заводи, Чкалов номидаги авиация заводи, “Красный путь” заводи, Киевдаги “Транссигнал” заводи, Сталинград кимё комбинати ва бошқалар) Ўзбекистонга; улардан 55 та корхона Тошкент ва Тошкент вилоятига, 14 та завод ва фабрика Самарқандга, 22 таси Фарғона водийсига, иккитаси Бухоро вилоятига жойлаширилди. Бу корхоналарни жойлашириш, монтаж қилиш ва ғоят қисқа муддатларда ишга тушириш вазифасини ташкилий жиҳатдан таъминлаш иши билан маҳсус комиссия шуғулланди.

Эвакуация қилинган завод ва фабрикаларни тиклашда талабалар, ўқувчи, уй бекалари, фан ва маданият ходимлари, хизматчилар ва колхозчилар катта куч гайрат билан тиним билмай меҳнат қилдилар ва қисқа кунларда, яъни “Россельмаш” 25 кунда, “Қизил Оқсой” заводи бу ерга етиб келганидан кейин орадан 29 кун ўтгандан кейин ишга туширилиб, маҳсулот бера бошлади. 1941 йил декабрига келиб эвакуация қилинган корхоналарнинг қарийб 50 таси ишга туширилди. 1942 йил биринчи ярмида эса барча келтирилган саноат корхоналари маҳсулот чиқара бошлади.

Электр энергияси ва ёқилғи ишлаб чиқариш, кўмир, қора ва рангли металл базаларини ташкил этиш, кимё саноатини ривожлантириш, қурилиш материалларини ишлаб чиқаришни кўпайтириш — уруш йилларидаги Ўзбекистон саноатининг асосий йўналишлари эди. Ҳарбий иш-

лаб чиқариш қувватларини ошириб бориш зарурати саноат қурилишини күпайтириши талаб қиласы әди. Асосий қурилиш ишлари ҳашар усули билан олиб борилди. Электр энергияси ишлаб чиқаришни күпайтириш мақсадида 7 та йирик ва 30 га яқын кичик ГЭСлар қурилди. Айникса, Ўзбекистоннинг энг йирик гидроэлектростанцияси бўлган Фарҳод ГЭСи қурилиши умумхалқ қурилишга айлантирилиб, 10 ой ичида Сирдарё тўсилиб, ГЭС ишга туширилди. Салар, Қўйи Бўзсув, Товоқсой, Оққовок, Оқтепа, Қиброй ГЭСлари ҳам муддатидан олдин қурилиб ишга туширилди. Бу республикада электр энергияси ишлаб чиқаришни күпайтирди. Электр энергияси 1940 йилга қараганда 1943 йилда 3,5 бараварга ошди, 1945 йилда эса 1187 миллион киловатт соатга кўпайди.

Республикада кўмир, нефть конларидаги иш суръатларини күпайтириш, янги конларни очиш борасида ҳам самарали ишлар олиб борилди. Натижада, 1945 йилга келганда 1940 йилдагига нисбатан 30 марта кўпроқ, яъни 103 миллион тонна кўмир қазиб олинди. Уруш йилларида республикада “Чуқурлангар”, “Толмозор”, “Наймон”, “Шахрихон-Хўжаобод”, “Жанубий Оламушшук” ва бошқа янги нефть конлари ишга туширилиши билан бирга Фарғона водийсида ишлаб турган “Андижон”, “Полвонтош”, “Чангартош”, “Чимён” нефть конларидаги маҳсулот ишлаб чиқаришни күпайтириш тадбирлари натижасида республикада нефть ишлаб чиқариш 4 марта кўпайди.

Вольфрам, молибден, мис ва олтин заҳираларининг топилиши натижасида Ўзбекистонда рангли металлар саноати яратилди. Олмалиқда мис кони, Лангарда молибден фабрикаси ишга туширилди. Чирчик электр кимё комбинатининг иккинчи навбати, Қўқон туккориши (аралаш менерал ўғитлар) заводининг суперфосфат заводига айлантириб ишга туширилиши билан республика кимё саноатида ҳам сезиларли ривожланиш кўзга ташланди.

ЎзССР ЖКС нинг 1942 йил 17 июня Бекободда металлургия заводини қуриш тўғрисидаги қарорини бажаришга 30 мингдан кўпроқ киши жалб этилиб, 1944 йил 5 марта

Ўзбекистоннинг биринчи металлургия заводи ишга туширилди. 1945 йил февралда Бекобод металлургия заводининг иккинчи навбати ҳам маҳсулот бера бошлади.

Уруш йилларида қурилиш материаллари, тўқимачилик ва пойафзал, озиқ-овқат ва маҳаллий саноат тармоқлари ҳам ривожланди.

Уруш йилларида Ўзбекистонда вужудга келган ҳарбий саноат комплекси томонидан фронт учун 2100 та самолёт, 17342 та авиамотлар, 2318 минг дона авиабомба, 17100 та миномёт, 4500 бирликдан иборат миналарни йўқ қилувчи қурол, 60 мингга яқин ҳарбий-кимёвий аппаратурга, 22 млн. дона мина ва 560 минг дона снаряд, 1 млн дона граната, дала радиостанциялари учун 3 млн. радио лампа, қарийб 300 мингта парашют, 5 та бронепоезд, 18 та ҳарбий санитария ва ҳаммом — кир ювиш поезди, 2200 дона кўчма ошхона ва 7518,8 мингта гимнастёрка, 2636,7 мингта пахтали нимча, 2861,5 мингта армия этиги тайёрлаб бердилар. Бу ўзбекистонликларнинг фашист-босқинчиларини тор-мор этишга, ғалабага қўшган катта ҳиссаси бўлди.

Уруш йилларида республикамиизда 280 та янги корхонанинг қурилиб ишга туширилиши натижасида 1945 йилга келиб, саноат ишлаб чиқариши уруш арафасидагига нисбатан деярли икки баробар ортди, нефть қазиб олиш 4, металл ишлаб чиқариш 4,8, машинасозлик маҳсулотлари 13,4 баравар, кўмир қазиб чиқариш 30, энергия ишлаб чиқариш 2,42 баробар кўпайган.

Иккинчи жаҳон уруши йилларида республикада транспорт ва алоқа воситаларининг узлуксиз ва унумли ишлшини ташкил қилишга алоҳида эътибор берилди. Муҳим ва асосий транспорт воситаси ҳисобланган темир йўл ҳам ҳарбий ҳолатга ўтказилди. Жорий қилинган поездлар характеристининг янги графигига асосан ҳарбий юкларни биринчи навбатда тўхтовсиз ўтказиб юбориш кўзда тутилди.

Мамлакат шарқи ва Ўрта Осиё республикаларини Марказ билан боғлаб туришда Тошкент темир йўли катта аҳамият касб этди. Кўчириб келтирилаётган саноат корхоналари асбоб ускуналарини Фарбдан Шарққа, Шарқ-

дан Фарбга эса қурол-аслаҳа, ўқ-дорилар, озиқ-овқат, кўшинларни етказиб беришда у катта роль ўйнади.

Ўзбекистон темир йўлларининг фидокорона меҳнати натижасида 1941-1942 йиллар давомида қўчирилган саноат корхоналарининг асбоб-ускуналари ортилган 17,5 минг вагон ташиб берилди. Фронт орқаси билан фронт ўртасидаги асосий алоқа воситаси бўлиб хизмат қилган темир йўл тармоқлари 1941-1945 йилларда 2 баравар узайди. Автотранспорт воситаси ҳам уруш йилларида юк ташиш ва алоқа воситаси сифатида муҳим ўрин тутди. 1945 йилда республика автотранспортида ташилган юкнинг ҳажми 1940 йилдагига нисбатан 2 баравар ўсади.

Уруш йилларида фронт орқасида оғир, қийин шароитда меҳнат қилишлари, ишчи кучининг етишмаслигига қарамай Иттифоқнинг мудофаа қурилишлари ва саноат корхоналарига 155 мингдан ортиқ ўзбекистонлик жалб қилинган. Улар РСФСРнинг Урал, Сибирдаги заводлари, қурилиш, асосан, тошкўмир, қора ва рангли металлургия корхоналарида меҳнат қилишган. Бу ёрдам ҳалқларнинг ўзаро ҳамкорлигини янада мустаҳкамлади.

Уруш арафасида Ўзбекистонда 27 888 механизатор бўлган бўлса, 1942 йилда уларнинг сони 2775 кишига тушиб қолди, кейинчалик янада камайди. Улар ўрнида аёллар, болалар, кексалар меҳнат қила бошлидилар. Кетмон ва омочлар асосий иш қуролига айланиб қолди. “Меҳнат интизомини мустаҳкамлаш” соҳасида ҳаддан ошишлар авж олди. 12 ёшдан бошлаб меҳнат қуни белгиланиб, уни бажармаганларнинг оиласи судга берилган. Уруш йилларида ҳашар йўли билан Ўзбекистонда Шимолий Тошкент, Юқори Чирчик, Шимолий Фарғона, Сўғх-Шоҳимардон, Учқўргон каналлари, Рудасой, Каттақўргон сув омборлари қурилиб ишга туширилиши янги ерларни ўзлаштиришга имкон берди. 1942-1943 йилларда Ўзбекистонда сугорилиб экин экиладиган ерлар майдони 546 минг гектарга кўпайди.

Уруш йилларида Ўзбекистон деҳқонлари қанд лавлаги, кунгабоқар каби озиқ-овқат экинлари, зигир ва каноп каби техника экинларини етиштиришни ўзлаштиридилар, макка-

жўхори, кунжут экишни кўпайтирдилар. Самарқанд, Фарғона, Тошкент ва Қашқадарё вилоятларидағи ҳосилдор ва сув билан яхши таъминланган янги ерлар ҳам қанд лавлаги етиштиришга ажратилди. Ўзбекистон мамлакатда етиштириладиган қанднинг тўртдан бирини ишлаб чиқаришга эришган бўлса, 1942 йилда СССР даги кунжут экиласидиган майдоннинг 50 фоизи Ўзбекистонга тўғри келган эди.

Уруш йилларида Ўзбекистон қишлоқ хўжалигига ипакчилик, қоракўлчилик алоҳида аҳамият касб этган бўлса, мева, узум, сабзавот ва полиз маҳсулотларини етиштириш ҳам салмоқли ўринга эга эди. 1942-1943 йилларга келганда сабзавот майдонлари уруш арафасига қараганда 12,5 минг, узумзорлар майдони 5,1 минг гектарга кўпайди.

Шунингдек, Ўзбекистон қишлоқ меҳнаткашлари 4 млн. 148 минг т. пахта, 82 млн пуд галла, 54067 т. пилла, 195 минг т. шоли, 57 минг 444 т мева, 36 минг т. қуруқ мева, 159 минг 300 т. гўшт, 22 минг 300 т. жун ва бошқа маҳсулотлар етказиб бериш билан душман устидан қилинган ғалабага муносиб ҳисса қўшган бўлса, немис-фашист оккупантларидан озод қилинган ҳудудларда қишлоқ хўжалигини тиклаш ишлари учун техника ва ишчи кучлари билан ёрдам бериб, ўзбек халқи ўзининг инсонпарварлик, дўстлик, биродарлик туйғуларини намоён этди. 1943 йилда Ўзбекистондан озод қилинган туманларга 1152 та трактор, 25 та комбайн, 1138 та плуг, 379 та сеялка каби техникалар, Украина ва Ставрополь ўлкасига 1596 нафар комбайнчи, 41 нафар механик, 30 нафар агроном, 11 нафар бухгалтер юборилди. РСФСР, Украина, Белоруссия, Болтиқбўйи республикаларининг халқ ҳўжалигини тиклашда минглаб ўзбекистонликлар фаол иштирок этдилар.

### **Уруш йилларида фан ва маданият**

Ўзбекистон ишчи ва меҳнаткашлари билан бир қаторда фан, маориф ва маданият ходимлари ҳам немис-фашист босқинчилари устидан қозонилган ғалабага ўзларининг муносиб ҳиссаларини қўшдилар. “Ҳамма нарса фронт учун, ҳамма нарса ғалаба учун!” шиорига “лаббай!” деб

жавоб берган кўпгина олимлар урушнинг биринчи кунлариданоқ фронтга кетдилар. Улар орасида Ўзбекистоннинг машҳур олимларидан — У.А.Орифов, Я.Х.Тұрақулов, И.Исмоилов, Х.Усманов ва бошқалар бор эди. Т.Н.Кори-Ниёзов, В.И.Рамоновский, Т.З.Зоҳидов, И.А.Райкова, О.С.Содиқов каби олимлар ҳалқ хўжалиги ва фронт зарурияти учун хизмат қилган муаммоларни ҳал қилишда катта куч билан меҳнат қилдилар.

Ўзбекистонлик математик, механик ва астрономлар авиация, ўқ-дори, ҳарбий техника сифатини оширишга алоқадор бўлган бир қанча муҳим илмий муаммоларни ҳал қилдилар. Бунда Т.А.Саримсоқов, В.И.Рамоновский, М.Камолов, Н.Н.Назаров каби олимлар ҳиссаси катта бўлди.

Геолог олимлар фойдали қазилма бойликларини қидириб топиш, саноатни зарур ҳом ашё билан таъминлаш вазифаларини бажаришга катта эътибор бердилар. Ўзбекистон тоғлари ва чўлларида 1943 йилнинг ўзидағина 35 та геология экспедицияси иш олиб борди. Ўзбекистонлик кимётарлар пахта чиқиндисидан ҳалқ хўжалигига фойдаланиш таклифини, этил спирти, сирка кислотаси, қамишни қуруқ қайта ишлаш натижасида кўмир брикетини олишнинг янги усулларини ишлаб чиқдилар. Бунда академик О.Содиқов бошлиқ гурӯҳ ишлари алоҳида аҳамият касб этди. Ўзбекистон ўсимликларининг алколоидлик ҳусусиятини ўрганиш юзасидан академик С.Ю.Юнусов раҳбарлигига катта ишлар олиб борилди. Ўрта Осиё давлат университети (ЎзМУ)-нинг Кимё факультетида уруш даврида муҳим аҳамиятга эга бўлган наркоз эфири, хлорли кальций, кофеин, стрептоцид, сульфидин, никотин кислотаси ишлаб чиқариш йўлга қўйилди. Факультет базасида Тошкент фармацевтика заводи ташкил этилди. Ўзбекистонлик фармацевтлар маҳаллий ҳом ашёдан 15 та янги дори препаратларини ишлаб чиқариш усулларини кашф этдилар.

Илмий тадқиқот ишларига раҳбарлик қилиш, уларни мувофиқлаштиришни дастлаб 1940 йилда ташкил этилган СССР ФАнинг Ўзбекистон филиали (ЎзФАН), кейинчалик 1943 йил ноябрда очилган ЎзФА амалга ошириди. ЎзФА нинг

биринчи президенти қилиб Т.Н. Кори Ниёзов сайланди. Бу ўзбек халқи ҳаётида муҳим воқеа бўлди. 1943-1945 йилларда қўлга киритилган муваффакиятлар билан ЎзФА Иттифоқда танилган илмий марказга айланди. Бу пайтда академия таркибидаги 22 та илмий муассасада 818 илмий ходим фан оламининг турли жабҳаларида тадқиқот ишларини олиб бордилар. ЎзФАнинг фаолиятида кўчириб келтирилган илмий ходимларнинг ҳам ўзига хос ҳиссаси бўлди.

Уруш йилларининг қийинчиликларига қарамасдан Ўзбекистонда Олий ва ўрта маҳсус ўқув юртлари ҳамда маориф муассасаларининг фаолияти ҳам тўхтаб қолмади. Ўзбекистонда 29та олий ва 52та ўрта маҳсус ўқув юрти ишлаб турди, уларнинг сони марказдан кўчириб келтирилган 31та олий ўқув юрти ва 7та ҳарбий академия ҳисобига ортиб борди. Бу ўқув юртларида уруш йиллари мобайнида 11.750 нафар юқори малакали мутахассис ва 6.673 нафар кадрлар тайёрланди.

Халқ таълими соҳасида ҳам ўқитувчиларнинг фронтга кетиши, кўпгина биноларнинг госпиталлар, болалар уйи ва ҳарбий-ўқув пунктларига берилиши, дарслик ва ўқув қўлланмалари, мутахассис кадрларнинг етишмовчилиги анчагина қийинчиликларни келтириб чиқарган эди. Шундай бўлса ҳам, уруш йилларида ўқитиш ишлари мунтазам олиб борилди. Ўқувчилар мактабда ўқиш билан бирга ярадорлар, фронтга кетганларнинг оила аъзолари, уруш ногиронлари оиласирига ёрдам бердилар.

Ўзбек адабиёти ҳам халқимизнинг ёвуз душманга қарши кураш йилларида ўзининг муносаб ҳиссасини қўшди. Ойбек, Ҳамид Олимжон, Шайхзода, Фофур Гулом, Уйғун, Собир Абдулла, Зулфия, Темур Фаттоҳ каби шоир ва ёзувчилар уруш майдонларига сафарбар этувчи шеълари ва мақолалари билан халқни ғалабага руҳлантиридилар. Ойбекнинг “Евга ўлим!”, “Навоий”, “Мен яхудий”, Ҳамид Олимжоннинг “Йигитларни фронтга жўнатиш”, “Жангчи Турсун”, “Роксананинг кўз ёшлари” каби асаллари уруш йилларидаги ўзбек адабиётининг ёрқин намуналариdir. М.Исмоилий, Илёс Муслим, Назармат, Адҳам Раҳмат,

Н.Сафаров, Иброҳим Раҳим, З.Фатхуллин, Адҳам Ҳамдам каби ёзувчи ва журналистлар фронтда иштирок этиб, “Қизил армия”, “Фронт ҳақиқати”, “Қизил аскар ҳақиқати”, “Суворовчи”, “Ватан шарафи учун” каби фронт газеталарида хизмат қилиш жараёнида, Ҳамид Олимжон, Ойбек, А.Умарий,Faфур Гулом, Раъно Узоқова ва бошқа шоир ҳамда ёзувчилар ҳукумат делегациялари таркибида фронтнинг олдинги мэрраларига бориб, ўз қаҳрамонлари билан танишдилар, юртдошларининг жасоратларини тараннум этдилар.

А.Ахматова, И. Вирта, С. Городецкий, А. Дейч, К. Зелинский, Я. Колас, Н. Погодин, А. Толстой, В. Ян каби ёзувчи-шоирлар ҳам Ўзбекистонда яшаб, ўзбек адабиётчилари билан ҳамкорликда ажойиб асарлар яратдилар. Бунда республика Ёзувчилар уюшмасига раҳбарлик қилган Ҳ. Олимжоннинг хизмати катта бўлди. Драматургия соҳасида Н. Погодин, Ҳамид Олимжон, Уйғун ва Собир Абдуллалар ёзган “Ўзбекистон қиличи” ва А. Умарийнинг “Қасос”, Яшин ва Собир Абдулланинг “Даврон ота” каби асарлари билан бирга Уйғун ва Иззат Султоннинг “Алишер Навоий”, Ҳамид Олимжоннинг “Муқанна”, Мақсуд Шайхзоданинг “Жалолиддин Мангуберди”, Ойбекнинг “Махмуд Таробий” каби драматик асарлари яратилдики, уларда ўзбек халқининг босқинчиларга қарши кураш саҳифалари акс эттирилди.

1941-1945 йиллардаги уруш даврида Ўзбекистонда таъсирчан восита ҳисобланган санъатимиз ҳам ривожланди. Театр ва санъат арбоблари фронтнинг олдинги мэрраларида бўлдилар. Бу даврда Ўзбекистонда 35 та маҳаллий ва 16 та кўчириб келтирилган театр жамоаси фаолият кўрсатиб, бутун уруш давомида 203 та янги постановка тайёрладилар ва 6 667 303 томошибинга 13.568 та спектакль ва концертлар кўрсатдилар.

Иккинчи жаҳон уруши йилларида республикамизда 30 дан ортиқ концерт бригадалари ташкил этилиб, улар ҳаракатдаги армия қисмларида 35 мингдан ортиқ, Туркистон ҳарбий округи қисмлари ва госпиталдаги ногиронларга 26

мингта концерт қўйиб бериб, жангчиларни руҳлантиридилар, уларни фашизм устидан ғалабага ундалилар. Айникиса, Тамарахоним, Ҳалима Носирова, Мукаррама Тургунбоева, Сора Эшонтўраева, Аброр Ҳидоятов, Шукур Бурхонов каби санъаткорлар иштирокидаги концерт ва томошалар жангчилар, томошибинлар қалбига зўр қўтаринкилик бахшида этган. А.Абдуллаев, Ч.Аҳмаров, Ў.Тансиқбоеев каби рассомлар уруш лавҳалари, бадиий йилномаларни яратиб, ҳалқимизнинг фронт ва фронт орқасидаги фидокорона меҳнатини маҳорат билан тасвиirlадилар.

Қисқа метражли фильмлар ва 10 та овозли бадиий фильм яратиш билан И.Аъзамов, К.Ёрматов, Н. Фаниев, С.Муҳамедов каби ўзбек режиссёрлари уруш йилларида киномотографияни ривожлантиридилар. Бу даврда ишланган “Насриддин Бухорода”, “Тоҳир ва Зухра” каби фильмлар “Ўзбекфильм”нинг олтин фондига айланди.

Умуман олганда, урушда қўлга киритилган ғалабага ўзбекистонлик фан ва маданият вакиллари ўзларининг фидокорона меҳнатлари билан катта ҳисса қўшдилар.

### **Ўзбекистонликларнинг жанг майдонларида қўрсатган жасоратлари**

Иккинчи жаҳон уруши фронтларида ўзбекистонлик жангчилар ўзларининг ботир, мард, қўрқмасликларини намоён қилиб, қаҳрамонлик намуналарини қўрсатдилар.

Чегара қўшинларида хизмат қилаётган совет жангчилари орасида ўзбекистонликлар ҳам кўпчиликни ташкил қиласди. Улар ўз заставаларини ҳимоя қилишда, охирги ўқлари қолгунча душманга қарши жанг қилиб, ҳалок бўлганларидан кейингина душман заставаларга кириш имконига эга бўлди. Гродно яқинида лейтенант Усов, сиёсий раҳбар Шарипов, Брест қалъаси мудофаасида Аҳмад Алиев, Дониёр Абдуллаев, Бобокомил Кашанов, Узок Ўтаев, Нурум Сидиков, Мадамин Ҳожиев, Е.Я.Лисс, Раҳимбой Арслонбоеев, Саидаҳмад Бойтемиров, Ф.И.Лаенков каби ўзбекис-

тонликларнинг кўрсатган жасоратлари Ватан ҳимоячила-  
рининг қаҳрамонона жасорати рамзи булиб қолди.

Москва мудофаасига етиб келган, Туркистон ҳарбий  
округида тузилиб, генерал-майор И.В. Панфилов қўмон-  
донлик қилган, таркибида 180 дан ортиқ ҳарбий ва ҳар-  
бий-сиёсий билим юртларини тамомлаган командирлари  
бўлган 316-ўқчи дивизия Волоколамск, Дубосеково, Ново-  
Петровск ёнидаги жангларда қаҳрамонона курашди. Ўзбе-  
кистонлик Абдулла Тоғаев, Мамадали Мадаминов, лей-  
тенант Пилиюгин бошлиқ тўққизта жангчи жасоратлари-  
ни алоҳида қайд қилиш мумкин.

Москва учун олиб борилган жангларда ўзбек халқи  
қаҳрамон қизларидан жасорат намунасини кўрсатган Зебо  
Фаниева Қизил Байроқ ордени билан тақдирланди. Мос-  
ква остонасида фашист қўшинларини тор-мор қилишда  
кўрсатган жасоратлари учун 1753 ўзбекистонлик жангчи  
“Москва мудофааси учун” медали билан тақдирланди.  
С.Қосимхўжаев “Қаҳрамон” унвонига сазовор бўлди.

Москва ёнидаги ғалаба совет раҳбарларида 1942 йил-  
даёқ урушни якунлаш, мамлакатни озод қилиш фикрини  
вужудга келтирди ва бутун фронт бўйлаб ҳужум қилиш  
ҳақида буйруқ берилди. 1942 йилдаги қиши ҳужумлар-  
да мардлик ва жасорат намунасини кўрсатиб, маҳорат  
билан жанг қилган Қўчқор Турдиевга 1942 йил май ойи-  
да «Совет Иттифоқи Қаҳрамони» унвони берилди. Жанг-  
чиларимизнинг жасорати ҳали ўз ҳарбий кучининг асо-  
сий қисмини сақлаб душман қўшинларини тамомила йўқ  
қилишга, совет раҳбарларининг хатолари ўрнини қоп-  
лашга камлик қиласр эди. Бунинг учун душманнидан  
кучли ҳарбий техника, қурол-яроғ ва тактика керак эди.

1942 йил май-июнь ойларидаги совет қўшинларининг  
ҳужумкор операцияларини тўхтатган душман 25 июнда  
Волга ва Шимолий Кавказ йўналишида ҳужумга ўтди.  
Мамлакатда яна қалтис вазият вужудга келди. Ана шун-  
дай бир пайтда ўзбек халқи ўзбек жангчиларига очик  
мактуб билан мурожаат қилиб, ўз фарзандларини ва-

танга содиклик ва жангда қўрқиши нималигини билмасликка чақирди. Бу чақириққа ўз қаҳрамонликлари билан жавоб берган жангчиларимиздан 1974 нафари “Кавказ мудофааси учун” медали билан мукофотланди.

Волга бўйидаги Сталинград мудофаасини ёриб, душман устидан катта ғалабанинг қўлга киритилиши урушнинг боришида туб бурилишга асос бўлди. Бу жангларда кўрсатган жасоратлари учун 2733 та ўзбекистонлик жангчи “Сталинград мудофааси учун” медалига сазовор бўлди. Кавказ учун олиб борилган жангларда Тошкентда тузиленган Собир Раҳимов қўмондонлигидаги дивизия жиддий муваффақиятларни қўлга киритиб, 8 мингдан ортиқ душман жангчиларини қириб ташлади. Бу дивизия юртдошимиз қўмондонлигига Шарқий Пруссиягача бўлган жанговар йўлни босиб ўтди. Кейинчалик Польша ерларини озод қилишда Собир Умарович Раҳимов раҳбарлигидаги 37 гвардиячидан иборат Речицк ўқчи дивизияси алоҳида ажралиб турди. Улар Данциг шахрига биринчилардан бўлиб киришди. Оғир ярадор бўлган С.У. Раҳимов 1945 йил 25 марта ҳалок бўлди. 1965 йил 6 майдагина тарихий ҳақиқат тикланиб, ўзбек ҳалқининг мард ўғлони С.У. Раҳимовга ўлимидан сўнг “Совет Иттифоқи Қаҳрамони” унвонини берилди.

1943 йилда Орёл-Курск йўналиши бўйича олиб борилган жиддатли жангларда кўрсатган жасоратлари учун Аҳмаджон Шукуров, В. Шаландин, М. Абдуллин, А. Солиҳовлар, шунингдек, Днепрни кечиб ўтишдаги қаҳрамонликлари учун 100га яқин ўзбекистонликлар Совет Иттифоқи Қаҳрамони унвони билан тақдирландилар. Улардан Ж. Усмонов, В. Набиев, Х. Аминов жасоратларини алоҳида қайд этиш мумкин.

1944-1945 йилларда Белоруссия, Украина, Молдавия, Болтиқбўйи республикалари ва Россия Федерациясининг гарбий вилоятларида фаолият кўрсатган ўзбекистонлик жангчилардан М. Топиболдиев, Ж. Отабоев, И. Мусаев, А. Ҳакимов, И. Қосимовларнинг мардлик намуналарини таъкидлаш мумкин.

1944 йил кузига бориб СССР чегаралари бутунлай тикланди, совет қўшинлари Европа мамлакатларига озод қилувчи сифатида кириб борди. Польша, Руминия, Болгария, Югославия, Венгрия, Чехословакия, Австрияни озод қилиб, Берлинни эгаллашда совет қўшинлари таркибида ўзбекистонлик жангчилар ҳам ўзларининг байналмилаллик туйфуларини намоён қилиб, Европа халқларининг фашистлар асоратидан озод бўлишларига ўз ҳиссаларини қўшдилар. Бу мамлакатларни озод қилишдаги жасоратлари учун Б. Бобоев, П.Нурпексов, Т.Назаров, А.Рахимов, М.Фаёзов ва бошқалар “Совет Иттифоқи Қаҳрамони” унвони, 2430 нафар ҳамюртимиз “Будапештни озод қилиш учун” медали, 1706 киши “Берлин олингани учун”, 109208 киши “Германия устидан ғалаба қозонганлиги учун” медали билан тақдирланганлар.

Ўзбекистонлик жангчилар Европадаги қаршилик кўрсатиш ҳаракатларида фаол иштирок этиб, немис-фашистлари устидан қозонилажак ғалабага ва Европа халқларининг озод бўлишларига ўзларининг муносиб ҳиссаларини қўшдилар.

Польша, Югославия, Италия, Франция, Норвегия, Австрия, Германия давлатларида ташкил этилган озодлик армиялари сафида, партизанлар тузилмаларида иштирок этган 40 мингдан ортиқ совет фуқароларининг орасида ўзбекистонликлар ҳам кўпчиликни ташкил қиласар эди. Масалан, Югославия халқ озодлик армиясида 260 дан кўпроқ ўзбекистонлик бўлган. Л.Колантаров, У.Холмабоев, А.Мамажонов, О.Бербиев, Р.Рахимов, Ҳ.Жабборов, Ҳ.Исмоиловлар қаршилик кўрсатиш ҳаракатида фаол иштирок этган ҳамюртларимиздир.

Ҳозирги кунда “Туркистон легиони” тўғрисида турли фикрлар мавжуд бўлиб, бу масала муфассал бир тадқиқотни талаб қиласади. Маълумки, Сталин бошлиқ совет ҳукумати Коммунистик Интернационал аъзолари, умуман, чет эл коммунистларидан Европадаги мавжуд сиёсий ҳукуматга муҳолиф куч сифатида фойдаланган. Гитлер ҳам “оқ” муҳожирлардан советларга қарши куч си-

фатида фойдаланишга ҳаракат қилиб, 1941 йил декабрида асир олинган совет генерали Лукинга ҳарбий асирлардан сталинизмга қарши кураш олиб боришни ташкил этувчи русларнинг мухолиф хукуматини тузишни таклиф этади. Бундай таклиф 1941-1942 йиллар бўсағасида миллий ваколатхона тузиш учун интилаётган қувғиндаги Туркистон миллий зиёлиларига ҳам қилинди. Натижада, 1942 йил нояброда Вали Қаюмхон раҳбарлигидаги “Туркистон миллий қўмитаси” ташкил топди. Бу қўмита 1941 йил кузида ташкил топган Туркистон батальони базасида ҳарбий асирлардан “Туркистон легиони”ни ташкил килиш тўғрисида 1942 йил декабрда Вермахтнинг Олий қўмондонлиги расман фармойиш эълон қилди. “Туркистон легиони”да ташкил топган яширин гуруҳлар қаршилик ҳаракати жангчилари ва партизанлар билан алоқа боғлаб, немис-фашистларнинг бир қанча режаларини барбод қилганлар. 1943 йилда Десна дарёси ёнидаги Купчиха қишлоғи худудида жанг қилаётган 74-дивизия томонига Абдулла Отахонов бошчилигига тўла қуролланган, 370 кишидан иборат Туркистон батальони ўтган. Кейинчалик совет қўмондонлигининг ишончсизлиги билан улар фронтдан четлатилади. 1944 йилда Черногорияга юборилган “Туркистон легиони” бирлашмалари фашист командирларини ўлдириб, тогдаги партизанлар олдига чиқиб кетишиган. Ўзбекистонликлар партизан отрядлари ва қаршилик кўрсатиш ҳаракатларида фаол қатнашиб, душманини торморм қилишга ўзларининг муносиб ҳиссаларини қўшидилар.

Сталин бошлиқ совет сиёсий раҳбарлари томонидан 1944 йил мамлакат бўйлаб бутун-бутун халқлар, 2.230.500 киши “сотқин” тамғаси билан, мажбуран кўчирилган. Шулардан, Ўзбекистон худудига Кримдан — 151604 та қрим татарлари, Грузиядан — 110 мингга яқин месхети турклари, Шимолий Кавказдан — 20 мингдан ортиқ ингуш, 4,5 минг арман ва греклар кўчириб келтирилган.

Улар НКВД назоратида, репрессив режимга қатъий риоя қилган ҳолда яшашга маҳкум этилиб, миллий давлат тузилмалари ва конституцион хукуқларидан маҳрум

этилган эди. Кўчириб келтирилганлар жойлардаги маҳаллий аҳоли билан мулокот қилиш ҳуқуқидан ҳам маҳрум қилинган эди. Лекин ўзбекистонликлар кўчириб келтирилганларни ўз уйларига қабул қилиб, охирги бурда нонларини бўлишиб еб, ўзларининг юксак маънавияти, буюк инсонпарварлигини намоён қилди.

Собиқ Иттифоқ ҳалқларининг фидокорона меҳнатлари, жангчиларнинг қаҳрамона жасоратлари сабаб, немис-фашист босқинчиларига қарши олиб борилган, 43 куни кам 4 йил (1941 йил 22 июнь — 1945 йил 9 май) давом этган уруш галаба билан якунланди. Лекин Иккинчи жаҳон уруши ҳали давом этарди. Иттифоқчи давлатлар билан бўлган келишув ва Шарқда хавф бўлиб турганлиги сабабли, 1945 йил 9 августга ўтар кечаси совет ҳукумати Японияга қарши уруш бошлади. 2 сентябргача давом этган бу жангда 6770 нафар ўзбекистонлик жангчилар иштирок этиб, Квантун армиясини мағлубиятга учраши, Япониянинг таслим бўлишида ўз ҳиссаларини қўшдилар. Н. Латипов, А. Каримов, У. Дониёров каби ҳамюртларимиз юксак ҳарбий маҳорат ва жанговар фолликларини намойиш этдилар.

Иккинчи жаҳон урушининг голибона якунланишида ўзбекистонликларнинг фронт ва фронт орқасидаги жасоратлари катта ҳисса бўлиб қўшилди. 120 мингдан ортиқ ўзбекистонликлар СССРнинг орден ва медалларига сазовор бўлди. «Совет Иттифоқи Қаҳрамони» унвонига эга бўлган 300 дан ортиқ жангчидан 75 таси ўзбек ўғлонлари эди. Ўзбекистонлик 82 та жангчи “Шухрат” орденининг учала даражаси билан тақдирланди. Италия, Англия, Франция, Югославия, Польша, Чехословакия, Венгрия каби мамлакатларининг орденлари билан тақдирланган ҳамюртларимиз бир неча минг кишини ташкил этади.

Ўзбекистон урушдан катта йўқотиш билан чиқди. 1939—1945 йилларда бўлиб ўтган Иккинчи жаҳон уруши фронтларига сафарбар қилинган 1433230 кишидан 263005 киши ҳалок бўлди, 132.670 киши ногирон бўлиб қайтди.

Уруш йилларида асирга тушган 6,2 млн. кишидан 4 млн. киши ҳалок бўлган, 1 млн. киши “Власовчилар”га қўшилган, тириқ қолган 1 млн. киши эса немис лагерларини совет лагерлари билан алмаштиришга мажбур бўлдилар. Улар орасида ноҳақ жазолангандардан юртдошларимиз ҳам бор бўлиб, С. Абдуллаев, Л. Попов, К. Абрамович, П. Рустамовлар шулар жумласидандир.

1945 йилга келиб мамлакатда ижобий ўзгаришларни кутаётган ҳалқ яна мустабид тузум асоратида қолди. Ижтимоий ҳаётдаги зиддиятлар яшириниб, шундай барқарорлик вужудга келдики, улар бу тузумнинг муқарарлар қулашини кўрсатарди.

Катта курбонлар эвазига бўлса ҳам ўзбекистонликлар инсониятни фашизм балосидан қутқаришга муносиб ҳисса қўшдилар. Урушда ҳалок бўлганлар хотирасини тиклаш ва қадрлаш мақсадида “Хотира” китоблари тузилди, пойтахтимиз марказида “Хотира майдони” ва “Мотамсаро аёл” ёдгорлик мажмуаси тикланди. Бу ишларга бошчилик қилган юртбошимиз Фармони билан 9 май “Хотира ва Қадрлаш куни» деб эълон қилинди.

### **Совет давлатида маъмурий-буйруқбозлик тизимининг кучайиши ва инқирози даврида Ўзбекистон (1946-1991 й.)**

Ўзбекистон ССР ташкил қилингандан сўнг давлат бошқаруви марказ андозалари асосида тузилди. Янги иқтисадий сиёсатга аста-секин чек қўйилиши жараёнида маъмурий-буйруқбозлик тизими ва шахсга сигиниш қарор топиб борди. Советлар таркиби ва раҳбарияти бутун партия-совет амалдорлари қўлига ўтиб борди, шунга қараб, ижроия қўмиталар, жамоат хавфсизлиги қўмиталари, шаҳар думалари, ва земство маҳкамалари тарқатиб юборилди. Охир-оқибатда советлар амалда ўз мустақиллигини йўқотди, советлар партия билан омма ўртасидаги «алоқа воситаси»га, партия қарорларининг оддий ижрочисига айланниб қолди. Мамлакатда қарор топган

маъмурий-буйруқбозлиқ тизими ва унинг раҳбарлари бутун ижтимоий-сиёсий ҳаётни муттасил сиёсийлаштириб борди. Коммунистик партия ўрнатган бу тизимга нисбатан маҳаллий аҳолининг ўз қарашлари бор эди. Улар ана шундай жараёнларда маънавий меросни сақлаб қолишга интилдилар.

Урушдан кейинги йилларда Ўзбекистон халқ хўжалигининг тинч қурилишга ўтиши мураккаб халқаро вазиятда кечди. Уруш даврида умумий душман — фашизмга қарши кураш антифашист давлатлар ва халқларни бирлаштирган бўлса, уруш тугагандан кейин бу иттифоқдаги давлатлар орасида ажралиш юз берди ва икки ўртада “совук урушлар” муносабати бошланиб кетди.

Урушдан сўнг фашизм устидан қозонилган ғалабага катта ҳисса қўшган Ўзбекистон халқи олдида ҳарбийлашган халқ хўжалигини тинч қурилиш йўлига солиш, уни урушдан олдинги даражага етказиш ва ривожлантириш каби мураккаб вазифалар туради. Вайрон бўлган иқтисодиётни тиклаш ва ривожлантиришда ҳам гарб давлатлари билан ҳамкорлик қилиш зарур бўлса-да, лекин ҳаддан ташқари мафкуралашган совет тизими Республикаларни хорижий мамлакатлардан “темир қўрғон” билан ажратиб, мамлакатни ортиқча қийинчиликлар ва қурбонларга маҳкум этди. Собиқ Иттифоқ бошқа мамлакатлардаги тикланишнинг илгор тажрибаларидан, чет эл сармояларидан фойдаланишни истамади. Совет давлатининг фоят мафкуралашган иқтисодий сиёсати яккаланиб қолди ва бу халқнинг бошлига ортиқча кулфат олиб келди.

Ўзбекистон урушдан кейинги йилларда ўз халқининг арzon кучидан, бой хом ашё манбаларидан чексиз равишда фойдаланишига асосланган, компартия чизиб берган беш йиллик режаларни бажаришга киришди. Бир томонлама, Марказ манфаатига бўйсундирилган Республика иқтисодиётини урушдан олдинги даражага етказиш ва янада ривожлантиришга қаратилган вазифани бажаришда ўзбек халқининг меҳнатсеварли, сабр-тоқат ва тинчликсеварлик каби фазилатларидан фойдаланилди.

Иқтисодиёт олдига қўйилган энг муҳим вазифалар Ўзбекистон ССР Олий Кенгашининг 1946 йил августида чақирилган 8-сессиясида қабул қилинган 1946-1950 йилларга мўлжалланган режада белгиланди. Бунга кўра, халқ хўжалигининг барча соҳаларига 3 млрд. 900 млн. сўм капитал маблағ ажратилди. Саноатни ривожлантириш ишлари республика иқтисодиётининг етакчи соҳаси — пахтачиликни ривожлантиришга қаратилди. Электр қуввати ишлаб чиқаришга алоҳида эътибор берилди. 5 йилда 8 та йирик ва ўрта ҳажмдаги электростанция, шу жумладан, 300 000 кв. соат кучга зга бўлган Фарҳод сув электростанцияси ишга туширилди. Бу станция собиқ Иттифоқда учинчи ўринда бўлиб, урушгача Ўзбекистонда ишлаб чиқарилган электр қувватига тенг қувват берадиган бўлди.

Қисқа давр оралиғида, Иккинчи жаҳон уруши даври қийинчиликлари ва маشاққатларини бошдан қечирган Ўзбекистон халқи иқтисодни тиклаш ва ривожлантириш йўлида ҳам ҳормай-толмай меҳнат қилди. Беш йилда саноат маҳсулотининг ялпи ҳажми 71 фоизга кўпайди, бу урушдан олдинги даражадан 1,9 баробар кўп эди. Саноатнинг халқ хўжалигидаги салмоғи 47,7 фоизни ташкил қилган эди. Шу йилларда Фарҳод, Оққовок-2, Бўзсув-2 электростанциялари, жами 150 та янги саноат корхонаси ишга туширилди.

Ўзбекистоннинг келажакдаги тараққиёт режалари Иттифоқ марказида ишлаб чиқарилиб, аксарият ҳолларда маҳаллий шароит, ижтимоий аҳвол ҳисобга олинмасдан иқтисодни бир томонлама, яъни ўлкани хом ашё базаси сифатида сақлаб қолишга қаратилди. Саноат, халқ хўжалигининг деярли барча тармоқлари пахтачиликни ривожлантиришга буйсундирилди. Совет хукуматининг 1946 йил 2 февралдаги “Ўзбекистонда пахтачиликни тиклаш ва янада ривожлантириш чоралари тўғрисида”ги Қарори Ўзбекистонда пахта яккаҳокимлигини кучайтириш учун асос бўлди.

Ўзбекистонда пахтачиликни ривожлантириш тўғрисида совет хукуматининг урущдан кейин қабул қилган иж-

тимоий-сиёсий ва иқтисодий жиҳатдан асосланмаган ўнлаб қарорлари изчиллик билан амалга оширилмади, шунинг учун ҳам кутилган натижаларни бермади. 1947-1948 йилларда пахта тайёрлашнинг давлат режаси бажарилмади. 1949 йилдан бошлаб аҳвол бирмунча ўзгарди. 1950 йили 2 млн. 222 минг тонна пахта етказиб берилди, ҳосилдорлик гектаридан 20,7 центнерга етди. 1950 йилдан пахтанинг харид нархи оширилиб, 1 тоннасига 2200 сўм, яъни аввалгидан икки баравар кўп ҳақ тўланди. Лекин дехқончиликнинг бошқа соҳаларида экин майдонининг қисқартирилганлиги оқибатида фалла ва сабзавот тайёрлашда урушдан олдинги даражага эришилмади.

Иқтисодни режали равишда ривожлантириш билан бир қаторда, баъзи ижтимоий масалаларга ҳам эътибор қилинди. Жумладан, иш ҳақи оширилди, ҳарбий солик, карточка тизими бекор қилинди. Пул ислоҳоти ўтказилди, қисқартирилган иш соати жорий этилди, кундалик истеъмол маҳсулотларининг нархи арzonлаштирилди. Бу тадбирлар пулнинг харид қувватини ошириш имконини туғдирди. Лекин шунга қарамасдан, нарх наво ҳали анча юқори эди: 1950 йили Ўзбекистонда озиқ-овқат маҳсулотлари 1940 йилга нисбатан деярли икки баробар қиммат эди.

Кенг истеъмол молларини ишлаб чиқариш кам бўлиб, улар асосан четдан келтириладиган бўлди, натижада, Республика аҳолисининг енгил саноат, озиқ-овқат молларига эҳтиёжи кучайди.

Республика аҳолисининг учдан икки қисмини ташкил этувчи қишлоқ аҳолисининг моддий аҳволи ачинарли ҳолда эди. Уларнинг ойлик даромади ўртacha 20 сўмни ташкил этувчи ҳолда, бу кўрсаткич ишчиларда 64 сўм эди. Ваҳланки, урушдан кейинги хўжаликни тиклаш ва ривожлантиришнинг асосий оғирлиги қишлоқ меҳнаткашлари зиммасига тушди. Ўзининг бοғ ва мевалари билан машхур бўлган Ўзбекистон аҳолиси ҳаддан ташқари кўп олинадиган солик туфайли боғларидан воз кечди. Чорвадорлар шу сабабга кўра мол бокиб фойда кўрмади. Аҳвол шу даражага етдики, аҳолининг шахсий моллари солик ҳисобига

давлат ва жамоа хўжаликлари фойдасига олинди. Сотишдан бош тортганлар жиноий жавобгарликка тортилди. Оқибатда, шахсий хўжаликларда чорва молларининг сони кескин камайди. Бундай зўравонликлар уруш оқибатлари, вактингчалик, ўткинчи ҳолат деб тушунтирилди.

50-60-йилларда қўриқ ва бўз ерларни ўзлаштириш, шу асосда пахта ва галла етиштиришни қўпайтириш чорала-ри кўрилди. Ўзбекистонда уч йил ичида (1953-1955 й.) 130 минг гектар янги ерлар очилди. 1956 йили Мирзачўлнинг ўзида сугориладиган майдон 205.000 гектарга етди.

Шу йилларда Марказий Фарғонани ўзлаштириш муносабати билан Катта Фарғона канали қайта таъмирланди. Тошкент вилоятида Оҳангарон сув омборининг 2-навбати, Юқори Чирчик сув тармоғи, Бухоро вилоятида Кўйимозор сув омбори, Сирдарё вилоятидаги Жанубий Мирзачўл магистрал канали қуриб фойдаланишга топширилди. 1960 йили республикада сугориладиган ер майдони 2.571 минг гектарга етди.

Пахтачиликни ривожлантириш учун минерал ўғитлардан фойдаланишга катта эътибор қаратилди. Республикада 1951 йилда 0,9 млн т. минерал ўғит ишлатилган бўлса, 1980 йилда унинг миқдори 5 млн. тоннадан ошиб кетди. Фўза баргларини тўкиш ва зааркундаларга қарши курашда ишлатилган ўта заҳарли химикатлар (бутифос, меркаптафос ва б.)дан ҳаддан ташқари кенг миқёсда фойдаланиш, аҳоли соғлигига ёмон таъсир кўрсатди.

Дунё бўйича пестициidlар ҳар бир кишига 300 гр.дан, АҚШ да 800 гр.дан тўғри келган бўлса, республиканинг пахта экиладиган худудларида ҳар бир кишига 1989 йил 25-45 кг.дан тўғри келди. Республика бўйича эса, бу кўрсаткич ҳар бир кишига 7-8 кг.ни ташкил этди.

Пахта хом ашёси етиштириш 1946-1985 йилларда 5,5 баравар кўпайди, пахта экиладиган майдонлар 1 млн. га. дан ортди. 1966-1986 йиллар мабойнида Ўзбекистон қишлоқ хўжалигига 45 млрд. сўм маблаг ажратилган бўлиб, шундан 17,1 млрд. сўми сугориш тармоқларига сарфланди. Шу даврда 1,5 млн. га. ер ўзлаштирилди. Ўз-

лаштирилган ерларда янги 160 та совхоз ташкил этилган бўлиб, 20 йил давомида бу ерларда 10,4 млн тонна пахта хом ашёси етиштирилди.

Кишлоқ хўжалигининг экстенсив йўлдан ривожлантирилиши оғир экологик ва бошқа турли нохуш ижтимоий оқибатларни келтириб чиқарди.

Мавжуд сув заҳираси имкониятларидан ортиқ ерларнинг ўзлаштирилиши, тоғ ён бағирларига экин экилиши, ўрмонларни шафқатсизлик билан кесилиши, дарё ва кўл сувларининг ифлосланиши ҳайвонот оламида салбий оқибатларга олиб келди. Орол денгизи яқин ўтмишда дунёдаги энг катта кўллардан ҳисобланиб, балиқчилик, овчилик, транспорт соҳаси яхши йўлга қўйилган эди. Бироқ бир авлод умри давомида бир денгиз қуриди. Бир мустабид тузум раҳбариятининг республикадаги пахта яккаҳокимлиги сиёсати, маъмурий-буйруқбозликка асосланган иқтисодиёт Орол атрофида фавқулодда ҳалокатли экологик хатарни келтириб чиқарди.

Орол денгизининг қуриши 1960-70 йилларда йилига - 18 см, 1971-1980 йилларда -53 см, 1981-1985 йилларда -78 см, 1985 йилга келиб эса -87 см.га етди. 1961 йилдан 1991 йилгача денгиз ҳажми 3 баравар қисқарди, денгиз ўз қирғогида 75-80, баъзи жойларда 100 км.га чекинди. 1980 йилларнинг бошида Орол денгизига сув келиши деярли бутунлай тўхтаб, нодир сув макони қурий бошлади. Бу ерларда 2 млн. га туз ва қумдан иборат майдон очилиб қолди.

Саноат ва қишлоқ хўжалигидаги юзаки ислоҳотлар халқнинг турмуш аҳволида деярли ўзгариш ясамади. Собиқ Иттифоқдагина эмас, балки меҳнат шароити энг оғир бўлган ўзбек пахтакорларининг турмуш даражаси, айниқса, ачинарли аҳволда бўлди.

Ўзбекистонда озиқ-овқат маҳсулотлари “социализм узил-кесил ғалаба қилган” даврда аҳолининг жон бошига ҳисоблаганда қуийидагича эди: гўшт 29кг, сут 150 литр, тухум 78 дона, қанд-шакар 21,2кг, картошка 28, сабзавот ва полиз маҳсулотлари 66 килограмдан тўғри келди. Бу микдор умумиттифоқ даражасидан анча паст эди.

Қишлоқ аҳолисининг истеъмол даражаси бу ўрта ҳисобдан кўра яна ҳам ачинарли эди.

Бунинг устига томорқага нисбатан нотўғри сиёсат олиб борилди. 50-йилларнинг бошларида республика раҳбарларининг ташаббуси билан сугориладиган ерларда томорқа ҳажми 25 сотихдан 13 сотихга туширилди. Бу курсаткич жойлардаги раҳбарларнинг ўзбошимчалиги билан 10 сотихгача, Фаргона, Тошкент вилоятларида эса, ҳатто 6-8 сотихгача камайиб кетди. Бу ҳолат республика қишлоқ аҳолисининг турмуш даражасини ғоят оғирлаштириди.

1990 йил бошига келиб республикада 9 млн. ёки республика аҳолисининг 45 фоизи жон бошига ҳисоблагандан ойига 75 сўмдан камроқ даромадга эга эди. Бу эса кун кечириш учун зарур бўлган энг паст даражадагидан ҳам камдир. 80-йилларда кундалик ҳаётда ҳаммага керак бўлган мебел гарнитури, холодильник, сифатли чангюткич ва бошқаларни топиш муаммога айланиб қолди.

Ишлаб чиқариш кучларини жойлаштиришда хатоларга ҳам йўл қўйилди. Хусусан, Тошкент ва Тошкент вилоятида йирик саноат корхоналари қурилиб, саноат ишлаб чиқаришини жойлаштиришда номутаносибликни келтириб чиқарди. 1955 йил декабрда Ўзбекистон Компартиясининг биринчи котиби лавозимига аввал Вазирлар Кенгашининг раиси вазифасида ишлаган Нуриддин Мухиддинов сайланди. Шу даврдаги рўй берган қўплаб ижобий ўзгаришларда Н.Мухиддиновнинг ҳиссаси катта бўлди. Унинг ташаббуси билан Марказ қарамоғидаги юзлаб саноат корхоналари республика ихтиёрига ўтказилди. 1960 йилларда Ўзбекистон саноатида бир қанча ўзгаришлар юз берди. 1959-65 йиллар 450 дан зиёд саноат корхоналари (шундан 150 йирик) ва цехлар ишга туширилди. Тошкент (биринчи навбати) Навоий, Тахиатош иссиқлик электростанциялари, Газли газ кони шулар жумласидандир.

1953 йили Сеталонтепа, 1955 йилда Жарқоқ, 1956 йилда Газли нефть конларининг очилиши натижасида газ саноатининг моддий базаси яратилди. 1958-1960 йилларда Жар-

қоқ-Бухоро-Самарқанд-Тошкент магистрал газ қувури қурилиши билан республика саноат корхоналари, шаҳар ва айрим қишлоқларни газлаштириш бошланди.

Республика аҳолисининг аксарият кўпчилиги табиий газга муҳтоҷлигини қондириш ва бутун иқтисодий ишлаб чиқаришини газлаштириш асосида қайта қуриш мумкин бўлган шароитда четга табиий газни олиб кетиш авж олди. Ўзбекистон табиий гази собиқ Иттифоқнинг Европа қисми, Урал, Қозогистон, Тоҷикистон, Болтиқбўйи мамлакатлари ва бошқа минтақаларга узлуксиз жўнатиб турдиди. Ваҳоланки, табиий газ етишириш Республикада йилдан-йилга ортиб борди. Масалан, 1960 йилда 447 млн  $m^3$  ҳажмда табиий газ олинган бўлса, 1970 йилга келиб бу миқдор 32 млрд.  $m^3$  ни ташкил қилди.

Рангли металлургия саноати соҳасида Оҳангарон, Олмалиқ ҳавзаси ва Зарафшон тизма тоғ конлари ўзлаштирилди.

Урушдан аввалги йилларда Фарғона водийсида ураннинг бир неча манбалари очилган бўлиб, урушдан кейин барча уран конлари Иттифоқ ихтиёрига ўтказилган эди. 1948 йил январидан Ўрта Осиёдаги уран қидириш ташкилотлари ягона — “Красногорский” экспедициясига бирашди. 1951 йил ана шу “10-корхона” деб ном олган ташкилот базасида “Краснохолм” экспедицияси тузилиб, иттифоқ Геология вазирлигига буйсундирилди. Қизилқумда 50-60-йилларда жами 27 комплекс уран конлари очилди. Навоий, Учқудук, Зарафшон, Зафаробод, Нуробод шаҳарларида бир неча юз километрни ташкил этган темир йўл, автомобиль йўллари қурилди.

Урушдан кейинги қийин шароитда транспорт йўллари қурилишига алоҳида эътибор берилди. Амударёнинг чап қирғоқлари бўйлаб 400 км масофага Чоржўй-Урганч темир йўли қурилди. Бу билан Ашҳобод, Самарқанд, Душанбе, Тошкент ва бошқа шаҳарлардан товар, йоловчи поездлари Россия орқали Европа мамлакатларига йўл олди.

1966-1970 йилларда саноатдаги зўраки жадаллаштириш натижасида янги (олтин, уран, нефть ишлаб чиқарувчи)

соҳалар ривожланди. Республикада кимё толаси, органик синтез маҳсулотлари ишлаб чиқариш йўлга қўйилди.

Ишлаб чиқариш самарадорлигини ошириш, бошқаришнинг буткул марказлаштирилиши кўп ўтмай самара бермай қўйди. 70-йиллардан бошлаб йилдан-йилга саноат ва қишлоқ хўжалиги режалари бажарилмай қолди.

70-80 йилларнинг биринчи ярмида халқ хўжалигини ишчи кадрларга бўлган талаби илмий асосланган тарзда ўрганилмади. Натижада кадрлар тайёрлашни режалаштиришда жиддий хатоликларга йўл қўйилди, баъзи соҳаларда керагидан ортиқ ишчи кадрлар тайёрланди, бошқа соҳаларда, айниқса, техника тараққиётини белгилайдиган тармоқларда маҳаллий миллат вакилларидан ишчи кадрлар танқислиги сезилиб қолди.

Иккинчи жаҳон уруши Ўзбекистон аҳолисининг сони ва таркибиغا, республика иқтисодий тараққиётига салбий таъсир кўрсатган эди. 1971 йилдан — 1985 йилларга қадар Ўзбекистон халқ хўжалигига ишчи ва хизматчилар сони 2641,5 мингдан 4833,5 минг нафарга кўпайди. Бирок, бу ўсиш сунъий равишда, яъни республикамизга ташқаридан кўплаб кишиларни кўчириб келтириш ҳисобига рўй берди.

Аҳоли таркибida ишчилар сони ўсганлигига қарамай, республикамиз бу кўрсаткич бўйича собиқ Иттифоқ республикалари ичida 1979 йилги маълумотга кўра, 13-уринда турар эди. Ўзбекистон ишчилар синфининг миллий салмоғи жиҳатидан ҳам орқада қолмоқда эди. Масалан, ўзбеклар 1973-1983 йилларда саноатда — 51,1 фоизни, қурилишда — 46,5, транспортда — 38,6, алоқада — 40,6, кимё ва нефть кимёсида — 24,9 фоизни ташкил қиласиди.

Тошкент шаҳрида 1985-1986 йилларда меҳнат ресурслари ортиқчалиги 200 минг киши бўлишига қарамай, республикага ташқаридан 125 мингга яқин ишчи ва мутахассислар жалб қилинди.

Шу билан бирга, ишлаб чиқаришда банд бўлмаган аҳоли сони ортиб борди. Уларнинг сони 1983 йилда 836 минг нафарни ташкил қиласиди.

Саноатнинг замонавий тармоқларида “узбек халқи гўё

ишишга қодир эмаслиги” ва шу муносабат билан кўп ёшлар ишсиз юрганлиги ҳакида турли асоссиз мулоҳазалар кенг тарқалди. Дарҳақиқат, республикамизда 80-йиллар охирида бир млнга яқин ишсиз бор эди. Бироқ, бунинг боиси уларнинг ишилаш иштиёқи йўқлигига эмас, балки юқорида таъкидланганнидек, асосан, марказнинг маҳсус йўналтирилган сиёсати туфайли, ва қолаверса, баъзи маҳаллий мутасадди раҳбарлар томонидан ишилаб чиқариш ва меҳнатни ташкил этишнинг замонавий усувлари яхши йўлга кўйилмаганлиги, уларнинг иш жойлари, турар жой, болалар боғчалари, ҳунар-техника билим юртлари билан таъминлаш имкони етарлича яратилмаганидандир. Ўн йиллар давомида маҳаллий ёшлар орасидан ишчи кадрлар тайёрлаш билан астойдил шугулланиш ўрнига, миллий гуур топталгани ҳолда, Россия ва Украинадан тайёр кадрлар келтириш сиёсатини маъқул кўрдилар.

Республика иқтисодиёти аҳволи жамиятни бошқариш усувларини қайта кўриб чиқиш, уларни янги шароитга мослаштиришни талаб қиласа ҳам Ўзкомпартия, унинг қўмиталари, уруш даврининг иш тажрибасини давом эттириб, марказда ва жойларда ҳокимиятни ўз қўлида маҳкам ушлаб, маъмурий-буйруқбозлик тизимини яна ҳам кучайтирди.

Урушдан кейинги йилларда партия ва ҳукумат раҳбарлиги лавозимларига назарий жиҳатдан кам тайёрланган, иш тажрибаси етарли бўлмаган ходимлар келди. Давлат бошқарув тизимида маҳаллий халқ вакиллари факат 47 фоизни ташкил қиласи. Партияга қабул қилишга юзаки, тўраларча ёндашув натижасида қабул қилинганларнинг кўпчилигини ишчи ва деҳқонлар ташкил қилиб, илфор зиёлилар, малакали мутахассислар раҳбарлик ишиларидан четлаштирилди. Ўзбекистон ССР Олий ва маҳаллий кенгашларига сайловлар юзаки ўтказилиб, олдиндан тузилган рўйхат ва режа асосида депутатликка номзодлар кўрсатилди. Сайловчиларнинг 99,9 фоизи овоз беришда қатнашиб, “яқдиллик” билан коммунистларнинг вакилларига овоз берди. Бу қанчалик ҳақиқатга тўғри келади, тушуниш қийин эмас. Советлар фаолиятида юзакичилик, қофозбозлик кучайди. Олий Советнинг,

айниқса, маҳаллий советларнинг сессиялари вактида ча-  
кирилмасдан ундаги масалалар кўпинча муҳокама қилин-  
май ёки ҳурфикрлиликсиз қабул қилинарди. Сайланган  
советлар вазифасини унинг ижроия қўмиталари бажа-  
радиган бўлди. Советларга депутат бўлиб сайланганлар-  
нинг аксарият қисми жамият тараққиётининг қонунла-  
ридан хабарсиз, умуман ҳокимиятни бошқариш масала-  
лари билан қизиқмайдиган шахслар эди. Айниқса, олий  
советларга сайланган депутатлар рус тилида олиб бо-  
рилган сессия мажлисларида республика манфаатлари-  
ни ҳимоя қиласидиган даражада фаолият кўрсата олмасди.  
Партия ва жамоат ташкилотларининг олий органларига  
аъзо бўлиб сайланганлар, бу ташкилотларнинг анжуман-  
ларига делегат бўлиб боргандар орасида ҳам ўз вазифа-  
ларини тушунмайдиган, тушунса ҳам уни рӯёбга чиқа-  
ришни билмайдиганлар, лоқайдлар кўпчиликни ташкил  
қиласидиган даражада фаолият кўрсата олмади.

Республика Олий Кенгашининг I чакириқ депутатла-  
ридан 158 депутат, II чакириқ депутатларидан эса 167  
нафари қайта сайланган. Булар партия, маъмурий хўжа-  
лик ходимлари, жамоа хўжалиги раислари бўлган. Бун-  
дан кўринадики, маъмурий-буйруқбозлик тизими даврида  
депутатлик номенклатура ходимларига имтиёз бўлиб  
хизмат қиласидиган. Йиллар ўтиши билан бундай депутатлар  
ишга тўғаноқ бўла бошладилар.

Партия совет ходимларининг саводхонлик даражасини  
кўтаришга қанчалик уримасин депутатлар орасида ўрта  
ва тўлиқсиз ўрта маълумотлилар сони салмоқли эдики,  
бу республика Олий Кенгashi фаолиятига салбий таъсир  
кўрсатди. Баъзи депутатлар ўрта маълумот билан Олий  
Кенгашининг доимий қўмиталари аъзоси ҳам бўлди.

30-йилларнинг иккинчи ярмидан 1959 йилгача Совет-  
ларга Марказдан келган раҳбар, партия ва совет ходим-  
ларини сайлаш йўлга қўйилди. IV чакириқ Олий Кенгаш-  
нинг 294 депутатидан 16 таси марказ вакиллари эди. Бун-  
дай иш юритиш 70-йиллардан қайтадан йўлга қўйилди.

Урушдан кейинги йилларда Ўзбекистоннинг хорижий мамлакатлар билан савдо ва маданий алоқалари кенгайди. 1958 йили Ўзбекистон дунёнинг 32 мамлакатига саноат ва қишлоқ хўжалик маҳсулотларини чиқарган бўлса, 1970 йил 76 мамлакат билан савдо алоқаларини ўрнатди. Чет давлатларга маҳсулот чиқаришда Ўзбекистон сабиқ Иттифоқда РСФСР ва Украинадан кейинги учинчи ўринда турди. Қоракўл тери ва пахта толасидан бошлаб, машинасозлик маҳсулотларининг 250 тури тўрт қитъанинг деярли ҳамма мамлакатларига чиқарилди. Минг афсуски, бу маҳсулотлар Ўзбекистон номидан эмас “СССРда ишланган” деган тамға билан дунёга танилди.

Андижон Машинасозлик заводининг маҳсулотлари 44 мамлакатга, Тошкент Кабел заводининг маҳсулоти 27, Чирчик электрохимкомбинати 20, Самарқанддаги “Кинап” заводи 30 мамлакатга ўз маҳсулотини чиқарди. Кўп йиллар давомида пахта ташқи бозорга чиқарилган асосий маҳсулот бўлиб, 1953 йилдан бошлаб Ўзбекистон пахтаси Америка Кўшима Штатлари, Мексика, Сурия каби пахта етиштирувчи мамлакатларнинг рақобатини енгиб, иирик капиталистик давлатлар бозорига чиқди ва жами 35 давлатнинг бозорини эгаллади.

1960-70 йиллари Ўзбекистон Осиё, Африка ва Лотин Америкаси мамлакатлари учун минглаб Олий ва ўрта маълумотли мутахассислар ҳамда малакали ишчи кадрлар тайёрлаб берди. 1961 йили Тошкент Давлат университети (ҳозирги Ўзбекистон Миллий университети) қошида чет элликлар учун тайёрлов бўлими очилди. Ўзбекистоннинг минглаб мутахассислари бир қатор мустақилликка эришган мамлакатларнинг иқтисодиётини ривожлантиришга ўз ҳиссаларини қўшди. Ўзбекистонлик машинасозлар, пахтакорлар, сув хўжалиги иншоотлари ва ипакчилик соҳаси мутахассислари кўп мамлакатларда ўзларининг бой тажрибаларини ташвиқот қилдилар. Мисрдаги “Асвон” ва “Хелвонн” сув иншоотлари, Афғонистондаги Жалолобод канали ва Кубадаги саноат қурилмаларида Ўзбекистон мутахассислари ҳам иштирок этдилар.

1947-1955 йиллари дунёнинг 46 мамлакати, шу жумла-

дан, илфор тараққий этган давлатлардан 180 делегация Ўзбекистонга ташриф буюрди. Ана шу даврда собиқ Иттифоқнинг делегациялари таркибида 200 дан ортиқ Ўзбекистон фуқаролари хорижий мамлакатларда бўлиб қайтди. Бундан ташқари, санъат ва адабиёт ходимлари ўртасида делегациялар алмашилди. Бу тадбирлар натижасида бизнинг ўлкада “казарма социализми” ўрнатилгани ҳам ошкор бўлди.

Ўзбекистон халқаро биродарлашган шаҳарлар уюшмасига аъзо бўлди. Тошкент Покистоннинг Караби, Ливиянинг Триполи, Хиндистоннинг Патиала, АҚШнинг Сиэтл, Марокашнинг Марокаш, Югославиянинг Скопле шаҳарлари билан биродарлашди. Ўша даврнинг муҳим муаммолари бўйича Тошкентда халқаро йиғинлар, учрашувлар ва илмий кенгашлар чақирилди. Жумладан, 1959-72 йилларда ўттиздан ортиқ илмий сессия ва кенгашлар бўлиб ўтди. 1958 йилнинг кузидаги Тошкентда 37та Осиё ва Африка мамлакатлари ёзувчиларининг анжумани ўтди ва бу ерда “Тошкент руҳи” юзага келиб, халқаро миқёсда Ўзбекистоннинг мавқеи ошди.

Ўзбекистон чет давлатлар билан сиёсий, иқтисодий ва маданий алоқаларини кенгайтириш, уни самарали олиб бориш учун барча имкониятларга эга бўлса ҳам бу имкониятдан тўла фойдалана олмасди.

Ваҳоланки, Ўзбекистон Республикаси Конституциясининг 76, 77,112, 122-моддаларига кўра Ўзбекистон чет давлатлар билан алоқалар ўрнатиш, дипломатлар ва элчилар тайинлаш, чақириб олиш ҳуқуқларига эга ва халқаро ташкилотлар билан мустақил алоқалар ўрнатиши мумкин. Лекин, амалда республиканинг халқаро муносабатлари марказда режалаштирилиб, чизиб берилган доирада олиб борилди. Чет давлатлардан бирор делегациянинг қабул қилиниши, жумхуриятда ўтадиган учрашувлар, кенгашлар, анжуманлар учун “марказдан” рухсат олиниши шарт эди. Иттифоқчи республикаларнинг жумладан, Ўзбекистоннинг тенг ҳуқуқлиги ва мустақиллиги тўғрисидаги қонунлар аслида қоғозда қолди.

## **Республикада 1946-90 йиллардаги маънавий-маданий қарамлик ва унинг оқибатлари**

Тоталитар тизим шароитида оммага гоявий таъсир ўтказиш мақсадида маданий-маърифий муассасалардан кенг фойдаланилди. 1960 йиллар республикада 2.977 клуб бўлса, 1970 йилда уларнинг сони 3.441 тага етди. Шу йиллари кутубхоналар сони тегишли равища 3.418 тадан 5.822 тага; музейлар сони 14 тадан 26 тага; кинокурилмалар сони 2.178 тадан 3.988 тага ошди. Лекин буларнинг кўпчилиги статистик ҳисоботларда ошириб кўрсатилган бўлиб, аслида ўзларининг бевосита функцияларини самарали бажариш учун ҳаётий имкониятга эга бўлмади. Уларнинг моддий техника базаси паст даражада бўлиб, молия билан етарли таъминланмади. Бу жиҳатдан Ўзбекистон собиқ совет республикалари ўртасида энг куйи погонада турди.

1969 йилда Россияда аҳолининг 10 минг нафарига 14 та клуб муассасаси тўғри келса, Белоруссияда 11 та, Ўзбекистонда эса атиги 4 та эди. Маданий-маърифий муассасаларга давлат томонидан ажратилган маблағ аҳоли жон бошига Эстонияда 21,3 сўмни, Арманистонда 17,9, РСФСРда 9,7 сўмни ташкил қиласа, Ўзбекистонда 4,5 сўмни ташкил қиласди. Республика кутубхоналарининг китоб фонди 1950-1970 йилларда ўн баробарга кўпайган бўлса ҳам, лекин уларнинг кўпчилигини мафкуравий тарифбот учун зарур бўлган марксизм-ленинизмга оид асарлар ташкил қиласи эди. Олинган китобларнинг 8-10 фоизигина республикада нашр этилган бўлиб, қолганлари четдан келтирилиб, уларнинг аксарияти рус тилида эди. Маданий-маърифий муассасалар молиявий жиҳатдан давлат назоратидан четда қолганлиги учун бундай муассасалар кўпинча жамоатчилик асосида қурилди. Масалан, 1961 йили Ўзбекистон касаба уюшмалари ташкилотлари томонидан жамоатчилик асосида 45та маданият ва техника университетлари, 5 та халқ театрлари, 1.258 та жисмоний тарбия жамоалари иш олиб борди.

Ўзбекистонда таълим тизимини яхшилаш учун ўнлаб қарорлар қабул қилинарди. Бироқ, бу қарорлар миллий мактабларда тўлиқ бажарилмасди. Мактаблар урушдан кейин ҳам дарсликлар билан тўлиқ таъминламади. Моддий ўкув базаси русийзабон мактабларницидан анча паст эди.

Ўрта мактаб битирувчилари орасида эрта турмушга берилиши туфайли қизлар камчиликни ташкил қиласди. Маорифни ривожлантиришда маҳаллий миллатларга паст назар билан қараш совет тузуми сиёсатининг пинҳона фаолиятига яширган эди. Кейинги йилларда очилган архив маълумотларида сабиқ Иттифоқдаги республикаларда онгли, маданиятли, ҳурфикрли кишиларнинг бўлишига йўл қўймаслик ҳақидаги маҳфий кўрсатмалар бежиз эмас эди. 1985 йилда олий ўкув юртлари сони 42 тага етди.

1946-47 ўкув йилида республикада 4483 мактаб бўлиб, унда 212.000 ўкувчи ўқиган бўлса, 1965-66 ўкув йилида мактаблар сони 9716 га, ундаги ўкувчилар сони 2.476.000 га етди. Олий ўкув юртларида талabalар сони 21.190 дан 168.800 тага етди. Бу микдор “маҳаллий миллат йигит қизлари билим учун эмас, диплом учун қизиқсин” деган ақидага асосланганлигини кўрсатади. Шундай бўлишига қарамай, ўзбекистонликларни, хусусан, ўзбекларни илмга чанқоқлиги ҳар қандай сунъий тўсиқларни енга бошлади.

Ўзбекистонда фан ва техниканинг ҳамма соҳаларида йирик олимлар етиштирилиб, фан номзодлари ва докторларини тайёрлаш бўйича сабиқ СССРда олдинги қаторларга чиқди.

1950 йил Ўзбекистонда 1760 фан номзоди, 180 фан докторлари илмий иш олиб борди. 1965 йилда эса, фан номзодларининг сони 4000, фан докторлари сони 324 га етди. 50-60-йиллари Ўзбекистон Фанлар Академияси олимлари, айниқса, математика-механика, тиббиёт, энергетика, қишлоқ хўжалиги соҳаларида ишлар олиб борди. Бир қанча илмий-текшириш институтлари, травматология ва ортопедия, энергетика, математика, онкология ва радиология, Ўрта Осиё қишлоқ хўжалигини механизациялаш ва электрлаштириш, кибернетика ва бошқа бир қанча

институтлар шу йилларда ишга тусирилди. ЎзФА қошида Фалсафа ва ҳуқуқ институти ташкил этилиб, Шарқшунослик институти фаолияти кенгайтирилди.

50-йиллардан бошлаб республикадаги илмий-тадқиқот ишларида атом қувватидан фойдалана бошланди. Дастребаки пайтда атом қуввати Тошкент ва Самарқанд давлат университетлари лабораторялари, Фанлар академиясининг Физика-техника институти, Политехника ва Медицина институтларида ишлатилди. Лекин техника базаси етарли бўлмаганлигидан атом қувватидан фойдаланиш доираси тор бўлиб қолди. 1956 йил бошларида Тошкентдан 30 км йирокда, 750 штат бирлигига мўлжалланган Ядро илмий-тадқиқот инситути ва барча қулайликларга эга бўлган шаҳарча қурилиб, 1958 йили ишга тусирилди. Унинг биринчи директори этиб йирик физик олим, академик — Убай Орифов тайинланди.

1951-1954 йиллари республикада яна бир йирик илмий марказ бунёд этилди. 80 гектар майдонда, иттифоқда ягона табиий шароитда ўсадиган Тошкент ботаника боғи яратилди. 1956 йили 5 ноябрда Ўрта Осиёда биринчи Тошкент телемаркази ишга тусирилди. Кейинчалик 1962 йили Урганчда, 1964 йили Нукусда ҳам телевизон марказлар иш бошлади.

Ўзбекистонлик олимларнинг бир қанчаси, айниқса, табиий фанлар соҳасида ўзларининг илмий ютуқлари билан, нафақат, сабиқ Иттифоқ доирасида, балки жаҳон миёсида тан олинди ва юқори даражадаги давлат мукофотларига сазовор бўлдилар. Ўзбек математик олимларидан — Т.Н.Кори-Ниёзий, Т.А.Саримсоқов, С.Х.Сирожиддинов, физиклар — У.О.Орифов, С.А.Азимов, химиклар — О.С.Содиқов, С.Ю. Юнусов, М.И.Набиев, геологлар — Х.М.Абдуллаев, И.Х.Хамрабоев, Г.А.Мавлонов, биологлар — А.М.Музффаров, К.З. Зокиров, Т.З.Зоҳидов, техника соҳасида — М.Т.Ўразбоев, Х.А.Рахматуллин, Х.Файзиев, жамиятшунослик фани соҳасида — И.М.Мўминов, Х.Сулаймонова, Я.Ф.Гуломовлар шулар жумласидандир.

Республика зиёлилари қаторида 125 мингдан ортиқ олий ва ўрта маҳсус маълумотга эга мутахассислар бўлиб, шулардан 25 мингдан кўпроғи муҳандис ва техниклар, 10 минг қишлоқ хўжалик мутахассислари, 24 минг шифокор ва 60 мингдан ортиқ ўқитувчилар, юздан ортиқ ёзувчи, шоир, драматурглар, рассомлар уюшмасида 105 киши, композиторлар уюшмасида 26 нафар аъзолари бор эди. 1956 йилнинг охирларида республика зиёлиларининг Биринчи қурултойи бўлиб ўтди.

Партия гоявий тизгинига қарамасдан адабиёт ва санъат соҳасида кўзга кўринарли асарлар яратилди. Гафур Фулом, Уйғун, Зулфия, Миртемир, Туроб Тўла, М.Бобоев, Мирмуҳсин ва бошқаларнинг тинчлик мавзусига багишланган шеърлари юзага келди. Ойбекнинг “Олтин водийдан шабадалар”, Парда Турсуннинг “Ўқитувчи”, Аскад Мухторнинг “Опа-сингиллар” романлари, Абдулла Қаҳҳорнинг “Шоҳи сўзана”, “Оғриқ тишлар”, Б.Раҳмоновнинг “Юрак сирлари” драмалари катта шуҳрат қозонди. 50-йилларнинг иккинчи ярмидан бошлаб сиёсий қатағондан озод бўлган ижодкорларнинг асарлари юзага чиқа бошлади. Абдулла Қодирийнинг “Ўтқан кунлар” романи, Миртемирнинг “Сурат”, Шайхзоданинг “Тошкентнома” достонлари нашрдан чиқди.

60-йиллардан адабиётда янги авлод пайдо бўлди. Одил Ёқубов, Пиримқул Қодиров, Ўлмас Умарбеков, Ҳусниддин Шарипов, Озод Шарафутдиновлар билан изма-из янги ижодий тафаккурга эга бўлган истеъдодли Абдулла Орипов, Эркин Воҳидов, Шукур Холмирзаев, Ўткир Хошимов, Муҳаммад Али, Жамол Камол, Омон Матжон, Рауф Парфи каби ёш адабиётчилар майдонга келди. Ўзбек адабиётининг ривожланиш даврида адабиётга мафкуравий таъсир ўtkазишининг қуроли сифатида қаралиб, ижод эркинлиги бўғилди ва партиявий синфий ақидалар тикиштирилди. 50-80-йилларда аҳён-аҳёнда бўлса ҳам озодликка интилувчи фикрлар кўзга чалинарди. Бироқ бунга дарҳол танқидлар, маъмурий жазолар тўсиги қўйиларди.

80-йилларнинг ўрталаридан адабиёт халқ ҳаётини ҳаққоний акс эттириш йўлида янги қадамлар кўя бошлади. Бадиий асарларнинг мавзу доирасига Орол фожеаси, ўзбек дехқонининг машаққатли тақдири, табиат, тил, маданият ва тарихимизга оид муаммолар кириб келди. Янги мазмун ижодда янгича замонавий шакл, халқона оҳангларга кенг йўл оча бошлади.

50-60-йилларда Республика санъатида, хусусан, театр ва рақс санъатида силжишлар юз берди: 1947 йили Тошкентда хореография билим юрти очилди. 1957 йили машҳур раққоса М.Турғунбоева томонидан “Баҳор” ўзбек халқ рақс ансамбли, 1958 йили Г.Раҳимова раҳбарлигига Хоразм ашула ва рақс ансамбллари тузилди. Бу жамоалар ўзбек саҳна рақсларини бойитди. Республикада театр санъатининг ривожланишида Самарқанд Давлат ашула ва балет театри (1964 йил), Тошкентда “Ёш гвардия” (1990 йилдан Аброр Хидоятов номидаги) ўзбек драма театрининг очилиши катта аҳамиятга эга бўлди.

Мусиқа ва театр соҳасидаги бу ўзгаришлар бир томонлама бўлиб, жаҳон санъати даражасига тезроқ етиб олиш учун ўзбек миллий маданиятидан узоқ бўлган опера, балет, симфоник мусиқага асосий эътибор берилиб, миллий драма театрларимиз эътибордан четда қолди. “Шаклан миллий, мазмунан социалистик” шиори остида ривожланган совет адабиёти ва сънатининг асл мақсади “байналмиллалаштириш” бўлиб, бадиий асарларда миллийлик йўқола борди.

Урушдан кейинги чорак аср мобайнида Ўзбекистон саноати ва қишлоқ хўжалиги, маданияти ва фани ривожланишида маълум натижаларга эришди. Лекин бу ривожланиш зиддиятлар билан тўла бўлди, демократлаштириш йўлида олиб борилган тадбирлар етарли натижаларни бермади.

Маъмурий-буйруқбозлиқ тизими кучайиб бораётган Ўзбекистонда халқнинг турмуши, аҳолига кўрсатиладиган маиший хизмат жиҳатидан Республика собиқ Иттифоқда охирги ўринларда эди. Таълим-тарбия ва соғлиқни сақлаш соҳа-

сидаги баландпарвоз кўрсаткичлардан социалистик тизимнинг ташвиқот-тарифоти учун фойдаланилди. Умуман олганда, жамиятнинг инқироз томон йўл тутиши кучая борди.

Ўзбекистон Республикаси мустақилликка эришгач, хусусан, республика раҳбариятининг қатъиятли ҳаракати билан ноҳақлик барҳам топди. Минглаб бегуноҳ фуқороларнинг номлари оқланди.

КПСС МК Апрель (1985 й) пленуми совет жамиятини “қайта қуриш”, бу жамият ҳаётининг барча соҳаларини “чукур ислоҳ қилиш” йўлини эълон қилди. Бунда, аввали, ижтимоий ҳаётни демократлаштириш, ошкоралик, иқтисодий ўсишни фан-техника ютуқларига таяниб жадаллаштиришга қарор қилинди.

Бироқ узоқ йиллар тоталитар режимга мослашган давлат монополияси, идоралар бюрократик аппарати кўзда тутилган режаларни амалга оширишга йўл қўймади.

80-йилларнинг ўрталарига келиб, мамлакатдаги иқтисодий тараққиётни чукур таҳлил қилмай, 90-йилларнинг охирига бориб, собиқ СССР да миллий даромадни 2-2.5 баробар ўстириш, аникроғи, 70 йил ичида амалга оширилган ишларни кейинги 15 йил ичида бажариш вазифалари қўйилдики, бу мутлақо ҳақиқатдан узоқ эди. Бу ҳол табиий равишда 70-80-йиллар бошида жамият олдидаги муҳим ҳалқ ҳўжалиги вазифаларини ишлаб чиқаришни жадаллаштириш йўли билан эмас, балки қўшиб ёзиш, пора бериш, ошна-оғайнигарчилик билан осонгина ҳал қилишга олиб келди.

Давлат режалаштириш тизими мураккаб ижтимоий ва ҳўжалик вазифаларини маъмурий-буйруқбозлик йўли билан ҳал қилишга қодир бўлмай қолди. Натижада, иқтисодий ўсиш йилдан-йилга камайиб борди. Республика ҳалқ ҳўжалигига умумий ижтимоий меҳнат унумдорлигининг пасайиши ҳисобига мўлжалдагидан 4,3 фоиз ёки 850,4 миллион сўмга кам миллий даромад олинди. 1989 йилда Ўзбекистондаги ҳар бир кишига собиқ Иттифоқдаги ўртacha даражадан бир ярим баравардан кам капитал маблағ тўғри келди.

Уибу муаммолардан халқ әътиборини чалғитиши учун кўп йиллар давомида йиғилиб қолган миллий норозиликлардан фойдаланилди. Коммунистик мафкура ўз ҳукмронлигини сақлаб қолиш учун, ҳатто, айрим республикаларда миллатлар аро низоларни уюштира бошлади. 1989 йилда Тошкент, Фарғона, Андижонда рўй берган миллатлараро можаролар, Кавказдаги қуролли тўқнашувлар, қувғин қилинган халқларнинг норозиликларидан разилона манфаат йўлида, республикаларда, шу жумладан, Ўзбекистонда пайдо бўлаётган хурлик овозини бўғиши учун фойдаландилар.

XX асрнинг сўнгти ўн йиллигига келганда СССРда миллатлараро муносабатларда жиддий муаммолар келиб чиқди. 1989 йил 24 майда Қувасой шаҳрида ёшлар ўртасида (Р. Нишонов таърифича, “бир банка қулпуной учун” ) бўлган безорилик миллатлараро (маҳаллий ёшлар билан месхети турклар ўртасида) тўқнашувни келтириб чиқарди ва бу можаро Фарғона водийсида оммавий тус олди. Республиканинг сиёсий раҳбарияти юзага келган бу мураккаб вазиятни тўғри баҳолай олмагани учун, ёшларнинг оммавий чиқишилари, миллатлараро тўқнашувлар содир бўлди.

Бундай оммавий чиқишиларга, коммунистик мафкура тартибига қаршиликларга “қўникмаган” сиёсий раҳбарият намойишчиларга қарши ҳарбий қисм ташлади. 1989 йил 8 июнда Қўқонда тинч намойишчилар ана шу ҳарбий қисм аскарлари томонидан ўққа тутилди. Натижада, намойишида қатнашган 50 дан зиёд аҳоли ҳалок бўлди (уларнинг кўпчилиги ёшлар эди), 200 дан ортиги эса ярадор қилинди. Умуман 3-12 июнь кунлари Фарғона вилоятида бўлган миллатлараро тўқнашувларда ҳарбийлар томонидан ўққа тутилиш оқибатида 103 киши ҳалок бўлган. 1009 киши ярадор бўлган ва 650 хонадонга ўт қўйилиб, вайрон қилинган.

Фарғона фожиаларига тааллуқли маълумотларнинг (лекин маълумотлар йўқ даражада) таҳлили шуни кўрсатадики, месхети турклари учун бу можаро мустабид тузум айби билан уруш даврида мажбуран ташлаб чиқилган она ватанларига қайтиб боришилари учун баҳона сифатида керак бўлган. Маҳаллий аҳоли эса бу можарога табиий равишида қўшилиб

кетган. Чунки жойларда аҳолининг ижтимоий-иктисодий муаммоларига эътибор берилмаган, маҳаллий ёшлар ўртасида ишсизлик кўпайиб, аҳолининг турмуш даражаси пасайиб борган, аҳоли, уй-жой билан таъминланмаган, уй куриш учун участкалар ажратилмаган, пакта яккаҳокимилиги, экология муаммолари ҳал қилинмаган, порахўрлик, кўзбўямачилик, қонунбузарлик авж олган.

Мудҳиш воқеалардан кейин берилган расмий баёнотларга кўра, республикада вужудга келган ижтимоий-иктисодий кескинликдан оммавий тартибсизликлар орқасида миллатлар ўртасида нифоқ ва тўқнашувларни келтириб чиқаришга уринган экстремистик кучлар турган. Бу атайлаб уюштирилган сиёсий иғвогарлик эди. Фарғонадаги мудҳиш воқеа Сумгait, Боку, Тоғли Қорабоғ, Ўш-Ўзган ва бошқа минтақаларда худди шундай тарзда уюштирилган иғвогарлик билан бир қаторда турад эди. Фарғона воқеаларидан кейин Ўзбекистоннинг И.Каримов бошлиқ сиёсий раҳбарияти, республика зиёлилари ва сиёсий кучлари ана шу таҳликали кунларда сиёсий ва маънавий жиҳатдан юксак мавқеда турди. Фожеанинг асл сабабларини очиб ташлаш, ўз халқининг шон-шуҳрати ва қадр-кимматини ҳимоя қилиш йўлидаги ўзларининг машакқатли уринишларида улар республиканинг энг кескин муаммоларини биринчи бор ошкора равишда муҳокамага кўя бошладилар.

80-йилларнинг ўрталарига келиб СССРнинг парчаланиши реал объектив ҳақиқатга айланиб қолди. Миллий онгни ўсиши, ўзбек тили масаласининг кун тартибига қўйилишига олиб келди. Р. Нишонов бошчилигидаги республика раҳбарияти бу муаммони ҳал қилишга эмас, аксинча, бу ҳаракатни “жамиятга қарши” деб, уни барҳам топтиришга, қонунчилик, ошкоралик ва оммавий талабларга риоя қилиш оқимиiga буриб юборишга уринди.

Демократик тараққийпарвар кучлар томонидан қўйилган масалани И.Каримов бошчилигидаги янги раҳбарият ўз вақтида англаб етди ва уни ҳал этишга киришди.

## **Такрорлаш учун саволлар**

1. Туркистон ўлкасида совет ҳукумати ўрнатилишига маҳаллий сиёсий кучлар ва аҳоли қандай муносабатда бўлди?
2. Туркистондаги миллий давлат чегараланиши қандай мақсадларни кўзлаб амалга оширилган эди?
3. Совет даврида Ўзбекистоннинг иқтисодий ва маданий ривожи қайси йўналишларда амалга ошиди?
4. Советларнинг Ўзбекистонда амалга оширган қатағон сиёсатининг асл мақсади нимада кўринади?
5. Совет даврида Ўзбекистоннинг халқаро алоқалари қандай аҳволда эди?
6. Иккинчи жаҳон урушидаги фалабага Ўзбекистон қандай ҳисса қўшди?

## **Адабиётлар**

1. Каримов И.А. Тарихий хотирасиз келажак йўк. -Т.: “Ўзбекистон”, 1999.
2. Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. -Т.: “Ўзбекистон”, 1999.
3. Каримов И.А. Ўзбекистоннинг 16 йиллик мустақил тараққиёт йўли. Ўзбекистон Республикаси Олий Мажлиси, Вазирлар Маҳкамаси ва Президент Девонининг Ўзбекистон мустақиллигининг 16 йиллигига бағишланган қўшма мажлисидаги маъруза. // Халқ сўзи, 2007 йил 31 август.
4. Каримов И.А. Юксак маънавият — енгилмас куч. -Т.: “Маънавият”, 2008.
5. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойдевордир. Ўзбекистон Республикаси Конституцияси қабул қилинганининг 17 йиллигига бағишланган тантанали маросимдаги маъруза. //Халқ сўзи, 2009 йил 6 декабрь.
6. Аҳмад Закий Валидий Тўғон. Бўлинганини бўри ер (Хотиралар). -Т.: “Адолат”, 1998.
7. Аъзамхўжаев С. Туркистон мухторияти. -Т.: “Маънавият”, 2000.
8. Зиёев X. Тарих — ўтмиш ва келажак кўзгуси. -Т.: “Ўзбекистон”, 2000.

10. Ражабов К. Бухорога қизил армия босқини ва унга қарши қураш. -Т.: "Маънавият", 2002.
11. Ражабов К. Мустакил Туркистон фикри учун мужодалалар (1917-1935 йиллар). -Т.: "Ўзбекистон", 2000.
12. Ризаев С. Шароф Рашидов. Штрихи к портрету. -Т., 1992.
13. Фойибназаров Ш. Ижтимоий ривожланиш сабоқлари. 20-йиллар таҳлили. -Т.: "Ўзбекистон", 1994.
14. Ўзбекистоннинг янги тарихи. Иккинчи китоб. Ўзбекистон Совет мустамлакачилиги даврида. -Т.: "Шарқ", 2000.
15. Ўзбекистон тарихи. -Т.: "Университет", 2003.

## **10-мавзу. Ўзбекистонда давлат мустакиллигининг қўлга киритилиши. Мустакиллик йилларида Ўзбекистоннинг иқтисодий, маънавий-маданий тараккиёти Давлат мустакиллигининг қўлга киритилиши**

Ушбу мавзуу бугунги кунда долзарб бўлиб, ижтимоий соҳа вакиллари тадқиқотлари дикқат марказидан ўрин олган. Жумладан, Н.Жўраев ва К.Усмонов тадқиқотларида мавзунинг тарихий жиҳатлари таҳлил этилган бўлса, Ўзбекистоннинг мустакилликка эришув йўлидаги ҳаралатлари А.Азизхўжаев илмий изланишларида ўз аксини топган. Мустакил Ўзбекистондаги демократик жараёнлар, суд-ҳукуқ тизимидағи ислоҳотлар ҳамда иқтисодий ҳаёт талқини таникли олимлар — А.Сайдов ва М.Шарифхўжаевлар илмий ишларидан ўрин олган. Умуман, ушбу мавзуни атрофлича ўрганиш ўз долзарблигини йўқотмаган.

XX аср 90-йилларига келиб жаҳон ва собиқ Иттифоқдаги ўзгаришлар ҳамда юзага келган вазият ўзбек халқининг мустакиллик учун бўлган қурашини тезлаштириб юборди.

Ўзбекистоннинг мустакил давлат деб эълон қилинишида Республикаси Олий Кенгашининг XII чақириқ навбатдан ташқари 1991 йил 31 августдаги VI сессияси катта тарихий аҳамиятга эга бўлди. Унда “Ўзбекистон Республикасининг давлат мустакиллиги тўғрисида” ҳамда “Ўзбекистон Республикасининг давлат байроғи тўғрисида”ги масалалар кун тартибига қўйилиб, қизғин муҳокама қилинди. Сессияда Ўзбекистон Республикасининг давлат мустакиллиги тўғрисида Президент И.А. Каримов маъруза қилди. У ўз нутқида Марказий Ҳукумат олиб бораётган ички сиёsatни таҳлил қилди. 19-21 август кунлари Москва Фавқулодда ҳолат давлат комитети (ГКЧП) аъзолари фаолиятининг халқлар озодлиги, жумхуриятлар мустакиллигига қарши қаратилганлиги халқча рўйирост билдирилди. Олий Кенгаш депутатлари ҳар бир модданинг муҳокамасидан сўнг, “Ўзбекистон Республикаси-

нинг Давлат мустақиллиги тўғрисида”ги Конунни қабул қилдилар. Сўнгра “Республика Давлат мустақиллиги тўғрисида”ги Баёнот қабул қилинди. Ўзбекистон ССР номи Ўзбекистон Республикаси деб ўзгартирилди. Мустақиллик белгиланган кун — 1 сентябрь 1991 йилдан бошлаб миллий байрам ва дам олиш куни деб эълон қилинди.

“Ўзбекистон Республикасининг Давлат мустақиллиги тўғрисида”ги Конун 17 моддадан иборат бўлиб, мустақил республика учун вактинча конституция ролини ўйнайдиган бўлди.

Ушбу қонунда Ўзбекистоннинг маъмурий-худудий тузилиши, ҳокимият ва бошқарув идоралари тизимини мустақил белгилаш қонунлаштирилди. Республиkaning давлат бўлиниши ҳамда иқтисодий асослари ҳам Конунда ўз аксини топди. Ҳужжатда Ўзбекистоннинг Қорақалпогистон билан муносабатлари хусусида сўз бориб, Ўзбекистон Қорақалпогистоннинг ҳудудий яхлитлигини тан олди, у Ўзбекистон таркибида эканлиги эътироф этилди.

Ўзбекистон Республикасининг давлат мустақиллиги эълон қилиниши билан бирга Давлат мустақиллиги билан боғлиқ қонунлар тизимини яратиш зарур эди. Ўзбекистон эришган истиқолли мустаҳкамлаш учун мамлакатда референдум ўтказишга қарор қилинди. 1991 йили 18 ноябрда Олий Кенгаш VIII сессияси Ўзбекистон Республикаси референдумини ўтказиш тўғрисида Қарор қабул қилди. Шунга мувофиқ, 29 декабрда “Сиз Олий Кенгаш томонидан Ўзбекистон Республикаси мустақил давлат деб эълон қилинишини маъқуллайсизми?” мавзуида референдум ўтказишга катта тайёргарлик кўрилди. Референдум якунига кўра унда қатнашган аҳолининг 98,2 фоизи Ўзбекистон мустақиллигини ёқлаб овоз берди. Ўзбекистоннинг мустақил республика деб эълон қилиниши жаҳон жамоатчилиги томонидан ҳам зўр қоникиш билан кутиб олинди.

1991 йил 14 сентябрида эса Ўзбекистон Компартиясининг фавқулодда XXIII съездидаги Ўзбекистон Компартияси КПСС таркибидан чиққанлиги эълон қилинди. Партияниң бундан буён фаолият кўрсатмаслиги эътиборга олиниб, ушбу партия ўрида Халқ Демократик партияси

тузилди. Ўзбекистон мустакил давлат деб эълон қилинган куннинг ўзидаёқ мустакил давлат рамзларини жорий қилиш юзасидан амалий чоралар кўрилди. Ўзбекистон Республикасининг Давлат Байроби тўғрисида, республика герби нусхаси ва Давлат мадҳиясининг мусиқий баёни ҳақида маҳсус қарор қабул қилинди. Унда Конституция комиссиясининг эксперт гуруҳига Давлат байробининг вариантлари устида ишлашни давом эттириш, Олий Кенгашининг тегишли қўмиталарига Конституция комиссияси ижодий гуруҳи билан ҳамкорликда Давлат байроби, мадҳияси ҳақида қонун лойиҳаларини ишлаб чиқиб, навбатдаги сессияга тақдим этиш топширилди. Ўзбекистон Республикаси Олий Кенгашининг 1991 йил 18 нояброда бўлиб ўтган VIII сессияси “Ўзбекистон Республикасининг Давлат Байроби тўғрисида” Қонун қабул қилди. Ўзбекистон Республикасининг Давлат Байроби улуг аждодларимизнинг ақида ва маслакларига мос келувчи, миллат табиати ва халқимиз руҳиятидан келиб чиқиб, унинг миллий ва маънавий жиҳатларини ҳам ўзида акс эттирмоғи керак эди. Мамлакатимиз давлат байроби юртимизнинг ўтмиши, бугунги куни ва келажагининг ёрқин рамзи бўлиб қолди.

1992 йил 2 июлда Ўзбекистон Республикаси Олий Кенгашининг X сессиясида “Ўзбекистон Республикасининг Давлат Герби” тўғрисида Қонун қабул қилинди. Давлат гербидаги ҳар бир белги чукур маънога эга. Герб рангли тасвирда бўлиб, Хумо қуши кумуш рангда, қуёш, бошоклар, пахта чаноғи ва “Ўзбекистон” деган ёзувлар тилла рангда, ғўза шохлари, барглари ва водийлар яшил рангда, тоғлар ҳаво рангда, чаноқдаги пахта, дарёлар, ярим ой ва юлдуз оқ рангда. Ўзбекистон Республикасининг Давлат байроби тасвирланган лента тўрт хил рангда берилган. Ўзбекистон Республикаси Олий Кенгашининг 1992 йил 10 декабрида бўлиб ўтган XI сессиясида “Ўзбекистон Республикасининг Давлат мадҳияси тўғрисида”-ги Қонун қабул қилинди. Сессияда шоир Абдулла Орипов ва бастакор Мутал Бурхонов томонидан тайёрланган мадҳия тасдиқланди.

Ўзбекистон Республикасининг Асосий Конуни 1992 йили 8 декабрда Ўзбекистон Республикаси Олий Кенгашининг XII чакириқ XI сессиясида қабул қилинди.

Конституция муқаддима, олти бўлим, 26 боб, 128 моддадан иборат бўлиб, биринчи бўлимда Конституциянинг асосий принциплари баён этилди, унда Давлат суверентети, ҳалқ ҳокимиятчилиги, Конституция ва қонуннинг устунлиги, ташки сиёсатнинг бош йўналишлари ўз ифодасини топди. Асосий Конуннинг Иккинчи бўлими 35 моддадан иборат бўлиб, Инсон ва фуқароларнинг асосий ҳукуқлари, эркинликлари ва бурчларига бағищланган. Бунда, Ўзбекистон Республикасининг барча фуқаролари бир хил ҳукуқ ва эркинликларга эга эканлиги, Ўзбекистоннинг бутун худудида ягона фуқаролик ўрнатилганлиги, фуқароларнинг шахсий ҳукуқлари ва эркинликлари, виждан эркинлиги ва унинг кафолатланиши ёритилган. Инсоннинг давлат ва жамият ишларини бошқаришта бевосита ҳамда ўз вакиллари орқали қатнашиши, сиёсий партиялар ва ҳаракатларга қўшилиш ҳукуқлари таққослаб кўрсатилган.

Ўзбекистон мустақилликка эришгандан кейин давлат бошқарувининг Президентлик шакли ривожланди. 1991 йил 29 декабря Ўзбекистон Республикаси Президенти лавозимига сайловлар бўлиб ўтди. Сайлов муқобиллик тарзида ўтди ва бу лавозимга икки номзод — Ўзбекистон ХДП ва Ўзбекистон касаба уюшмалари федерацияси номзоди И.А.Каримов ва “Эрк” Демократик партияси вакили Салой Мадаминов (Муҳаммад Солих) номзоди қўйилди.

Сайловлар якунига кўра 8 миллион 514 минг 136 овоз ёки овоз беришда қатнашганларнинг 86 фоизи Ислом Каримов номзодини, 1 миллион 220 минг 474 сайловчи (12,3 %) Салой Мадаминов номзодини ёқлаб овоз берди. Марказий сайлов комиссияси округ комиссиялари мажлис баёнларини кўриб чиқиб, Ўзбекистон Республикаси Президенти сайлови тўғрисидаги қонуннинг 35-моддасига асосан Ислом Абдуғаниевич Каримовни Ўзбекистон Республикаси Президенти лавозимига сайланган деб ҳисоблашга қарор қилди.

Мамлакатда кенг миқёсли ислоҳотларни узлуксиз давом эттириш мақсадида Ўзбекистон Республикаси Олий Мажлиси 1995 йил 26 марта Президент И. Каримовнинг ваколатини 1997 йилдан 2000 йилгача узайтириш юзасидан умумхалқ референдумини ўтказди. 2000 йил 11 январда Ўзбекистон Республикаси Марказий сайлов комиссиясининг навбатдаги мажлиси — 2000 йил 9 январь куни бўлиб ўтган Ўзбекистон Республикаси Президенти лавозимига бўлган сайлов натижалари тасдиқланди. Шу куни «Фидокорлар» миллий демократик партиясидан номзоди кўрсатилган И.Каримов учун 11 миллион 147 минг 621 сайловчи ёки сайловчиларнинг 91,90 фоизи овоз берди. Ўзбекистон Халқ демократик партиясидан номзоди кўрсатилган Абдулҳафиз Жалолов учун 505 минг 161 сайловчи, яъни 4,17 фоиз сайловчи овоз берди.

“Ўзбекистон Республикаси Президенти сайлови тўғрисида”ги Конуннинг 35-моддасига мувофиқ, Ўзбекистон Республикаси Марказий сайлов комиссияси И.А.Каримовни Ўзбекистон Республикаси Президенти лавозимига сайланганлиги тўғрисида қарор қабул қилди.

Амалдаги Конституцияда Президент давлат ва ижро этувчи ҳокимиятнинг бошлиги қилиб белгиланишини ижро этувчи ҳокимиятни кучайтиришга қаратилган тадбир деб айтиш мумкин. Мамлакатимизнинг ижро этувчи ҳокимиятининг таркиби Президент томонидан тайинланаб, Олий Мажлис томонидан тасдиқланади.

Ўзбекистонда президентлик институти ўрнатилган дастлабки даврда Вазирлар кенгаши хукумат сифатидаги ҳукуқий мақоми ва ваколатларини сақлаб қолган эди. Унинг 1990 йил 30 марта Олий Кенгаши тасдиқлаган янги таркиби 41 киши, яъни Раис, Бош вазир, унинг икки биринчи ўринбосари, тўрт ўринбосар, 19 вазир, 14 давлат қўмитаси раисидан иборат эди. Бошқарув идоралари фаолиятни такомиллаштириш мақсадида 1995 йил 5 майда Ўзбекистон Республикаси Олий Мажлисининг II сессияси Ўзбекистон Республикаси Вазирлар Маҳкамасининг 35 кишидан иборат янги таркибини тасдиқлади. 2000

йил иккинчи чақириқ Ўзбекистон Республикаси Олий Мажлиси биринчи сессияси иккинчи йигилиши (11 февраль) Вазирлар Маҳкамасининг яна янги таркибини тасдиқлади. Бошқарув тизимининг бошқа бўғинлари ҳам бозор иқтисодининг Ўзбекистонга хос йўлига мослаштирилди.

1991 йил 6 сентябрида Республика мустақиллиги ҳамда худудий яхлитлигини ҳимоя қилиш мақсадида Мудофаа ишлари вазирлиги тузилди. Шу мақсадларни кўзлаб унинг таркибида 1992 йил январь ойида Ўзбекистон Республикаси миллий гвардия бригадаси барпо этиш лозим деб топилди. 1992 йил июлида у Мудофаа Вазирлигига бўйсундирилди.

Мустақил Ўзбекистонда иқтисодий ислоҳотларни амалга ошириш билан шуғулланувчи давлат идоралари тизимида тубдан ўзгаришлар амалга оширилди. Мамлакатда 1990 йил декабрида Давлат режа қўмитаси Иқтисод комиссиясига айлантирилди. 1992 йил 5 августида эса ушбу қўмита ва статистика давлат қўмитаси негизида Вазирлар Маҳкамасининг Истиқболни белгилаш ва статистика давлат қўмитаси ҳамда жойларда унинг тегишли идоралари барпо этилди. 1997 йилдан ушбу Қўмита Макроиктисодиёт Вазирлигига айлантирилди.

Халқ хўжалигини бошқаришнинг янги усули сифатида концернлар вужудга келтирилди. Бу, аввало, иқтисодий мустақиллик ва бозор иқтисодига ўтиш зарурияти билан боғлиқ бўлди. “Ўздонмаҳсолот”, “Ўзбекнефтгаз” ва бошқа кўплаб концернлар шулар жумласидандир. 1991 йил 7 сентябрида Ўзбекистон Республикаси Ташки иқтисодий фаолият миллий банки ташкил қилинди.

1993 йил 28 декабрда қабул қилинган “Ўзбекистон Республикаси Олий Мажлисига сайловлар тўғрисида”ги Конунга кўра республика парламентига сайловлар умумий, тенг, тўғридан-тўғри сайлов ҳуқуқи асосида яширин овоз бериш йўли билан ўтказилади. Ўзбекистон Республикаси I чакириқ Олий Мажлисига сайловда 250 депутатдан иборат Олий Мажлис — Янги Парламент демократик ва кўппартиявийлик асосида тузилди. Ўтган давр мобайнида Олий Мажлис “Ўзбекистон Республикаси-

нинг Конституциявий суди тұғрисида”, “Ўзбекистон Республикасининг давлат хавфсизлиги тұғрисида”, “Ўзбекистон ташқи сиёсий фаолиятининг асосий принциплари тұғрисида”, “Фуқароларнинг ҳуқуқлари ва әркинилекларни бузадиган хатти-харакатлар ва қарорлар устидан судга шикоят қилиш тұғрисида”, “Сиёсий партиялар тұғрисида”ги қонунлар, Мехнат кодекси (1995), “Фуқаролик Кодекси” (1996) (бириңчи ва иккінчі қисмлари) каби күплаб қонун ва қарорлар қабул қилди.

Ўзбекистон Республикаси Олий Мажлиси 1997 йил 29 августда “Жамият ҳуқуқий маданиятини юксалтириш Миллий дастури”ни тасдиқлади. Дастурнинг мақсади аҳолининг барча қатламларини ҳуқуқий саводхонликка әришишлари, юқсан даражадаги ҳуқуқий онгта зәға бўлишлари ҳамда ҳуқуқий билимларини кундалик ҳаётда қўллай олишлари учун ҳуқуқий маданиятни шакллантиришнинг кенг қамровли мунтазам тизимини яратишдан иборат бўлди.

Олий Мажлис фаолиятини эркинлаштириш мақсадида икки палатали Парламент тузиш тұғрисида 2002 йил 27 январда умумхалқ референдуми ўтказилди. Референдумда қатнашган фуқароларнинг 93,65 фоизи парламентнинг икки палатадан иборат бўлишини қўллаб-куватлади.

2004-2005 йилнинг декабр-январида Ўзбекистон Республикаси Олий Мажлисининг икки палатасига сайловлар бўлиб ўтди. Ўзбекистон фуқароларнинг фаол иштироки, маҳаллий ва халқаро ташкилотлар, хорижий мамлакатлар вакилларининг назорати остида ўтган сайлов натижасида Қонунчилик палатасига 120 депутат сайланди. Буларнинг 28 нафари Халқ Демократик партиясидан, 41 нафари Либерал-демократик партиясидан, 18 нафари “Фидокорлар” миллий демократик партиясидан, 11 нафари Миллий тикланиш демократик партиясидан, 10 нафари “Адолат” социал-демократик партиясидан сайланди. 12 депутат ташаббускор гурухлардан бўлди. Маҳаллий ҳокимият органларидан юқори палата — Сенатга ҳар вилоятдан 6 нафардан жами 84 сенатор сайланди, яна 16 сенатор Президент томонидан қўрсатилди.

Республикада инсон ҳуқуқлари ва эркинликларини муҳофаза қилишнинг таъсирили воситасини барпо этиш, халқаро ва ҳуқуқни муҳофаза қилиш ташкилотлари билан ҳамкорликни кенгайтириш, давлат муассасалари ходимлари ва барча республика аҳолисининг инсон ҳуқуқлари бўйича маданиятини ошириш мақсадида 1996 йил 31 октябрда Ўзбекистон Президенти И.Каримовнинг “Инсон ҳуқуқлари бўйича Ўзбекистон Республикаси Миллий Марказини тузиш тўғрисида”ги Фармони эълон қилинди. 1997 йил апрелда Олий Мажлис таркибида Инсон ҳуқуқлари бўйича вакиллик (Омбудсман) ташкил қилинди.

Вакил Олий Мажлиснинг ёрдамчи институти бўлиб, у ижтимоий манфаатларнинг мувозанатига, инсон ҳуқуқларини ҳимоя қилиш бўйича энг мақбул давлат тизими яратилишига кўмаклашади. Омбудсман фуқароларнинг ариза ва мурожаатларини кўриб чиқишида, зарур ахборотни талаб қилиб олишида мансабдор шахслар ва давлат органлари билан ҳамкорлик қиласди.

Инсон ҳуқуқлари бўйича вакил фаолиятини таҳлили шуни кўрсатадики, Ўзбекистонда ҳуқуқий, инсонпарварлик, демократик ва фуқаролик жамияти қурилиши учун мустаҳкам пойдевор қўйилди.

## **Ўзбекистонда демократик фуқаролик жамияти асосларининг яратилиши**

Мустақил Ўзбекистон Республикасида кўп партияйилик тизимининг вужудга келиши давлат ҳокимияти олий ва маҳаллий органларининг такомилида катта аҳамият касб этди. Мустақиллик йиллари вужудга келган сиёсий партиялар ўз фаолиятида ўзбек халқининг энг яхши демократик анъаналари, адолат, эзгулик, тенглик ва инсон эркинлиги каби умуминсоний қадриятлар ҳамда гояларга, ахлоқийлик ва одамийлик қоидаларига сунанди. Сиёсий партиялар демократик фуқаролик жамияти асосларини шакллантириш, аҳоли турли қатламлари манфаатларини ифода этишида муҳим демократик инсти-

тут ҳисобланиб, вакиллик демократиясининг ривожланиши, янги ғоялар, мұқобил таклифлар қарор топишида мұхим аҳамият касб этади. Шу боис Ўзбекистонда ташкил этилган турли партиялар үз фаолиятини Ўзбекистон Республикаси Конституцияси, 1996 йил 26 декабрдаги “Сиёсий партиялар тұғрисида” ги Ўзбекистон Республикаси Конуни ва бошқа қонун ҳужжатларига мувофиқ, шунингдек, үз дастурларига асосан амалга оширилдилар.

Халқ демократик партияси сиёсий партия сифатида мамлакатда бириңчилардан бўлиб, 1991 йил 1 ноябрда ташкил топди. 440 минг аъзога эга бўлган бу партия I чакириқ Олий Кенгашга 69 депутат сайлади. II чакириқ Олий Мажлисга 48 депутат сайлади. Аъзоларининг сони 2001 йилнинг 1 майига келиб, 557 минг 168 та бўлди.

“Ватан тараққиёти” партияси 1992 йили 24 майида ташкил топган бўлиб, 35 минг аъзоси бор эди. I чакириқ Олий Кенгашга 14 депутат сайланди. II чакириқ Олий Мажлисга 20 депутат сайланди.

Ўзбекистон “Адолат” социал-демократик партияси (СДП) 1995 йили 18 февралда ташкил топди ва 30 минг аъзога эга бўлди. Олий Кенгашдаги фракциясига 47 депутат бирлашди. “Адолат” СДП сининг ҳозирда 33 минг аъзоси бўлиб, улардан II чакириқ Олий Мажлисга 11 депутат сайланди.

Ўзбекистон Миллий тикланиш демократик партияси 1995 йил 3 июнда ташкил топди. МТДП аъзоларининг сони дастлаб 6 мингта бўлиб, ҳозирда 11 мингдан ошди. II чакириқ Олий Мажлиста бу партиядан 10 киши депутатликка сайланди.

“Фидокорлар” миллий демократик партияси 1998 йил 28 декабрда ташкил топди. Унинг 20 минг 500 аъзоси бўлиб, II чакириқ Олий Мажлис депутатларининг 34 нафари “Фидокорлар” миллий демократик партиясига мансуб аъзолардир. ФМДП билан “Ватан тараққиёти” партияси 2000 йилнинг 14 апрелида бирлашди ва 54 депутат Олий Мажлисда “Фидокорлар” Миллий Демократик партияси фракциясини тузди.

ЎзЛДП Республикадаги катта нуфузга эга партиялардан бири ҳисобланади. Бу партия сонига кўра ХДП дан кейин иккинчи ўринни эгаллайди.

Ўзбекистонда “Халқ бирлиги” ҳаракати ҳам 1995 йил июнидан фаолият кўрсатган.

Ҳаракатнинг асосий мақсади — кўп миллатли мамлакатда халқлар бирлигини янада мустаҳкамлаш, Ўзбекистон Республикаси Конституциясида мустаҳкамланган барча фуқароларнинг ҳуқуқ ва кафолатларини тўла-тўқис амалга ошириш ва фуқаролик, ватанпарварлик туйгуларини ривожлантиришдан иборат.

Мустақиллик йилларида шаклланган ушбу партияларнинг дастурларида соғлом мухолифатчилик кўринмайди. Фақатгина Ўзбекистон “Фидокорлар” миллий демократик партияси дастурида жамиятда учраб турадиган айрим қонунсизликлар, суистеъмолчилик, ошна-оғайнигарчилик, таниш-билишчилик, қариндош-уругчилик, ақидапарастлик иллатларига нисбатан мухолифатда бўлиши таъкидланган, холос. Шундай бўлса-да, сиёсий ҳаётни эркинлаштириш, сиёсий партиялар фаолиятини қучайтириш вазифалари кўндаланг бўлиб турган бугунги кунда партиялар ўз ўринларини аниқ топмоқда.

Шу нуқтаи назардан ёндашганда ҳаракат дастурларида ўзаро яқинлик бўлганлиги сабабли ҳамда демократик жараёнларнинг талабларини ҳисобга олган ҳолда “Ватан тараққиёти” партияси билан ФМДПнинг ўзаро бирлашиши ҳам шу руҳни ўзида акс эттиради.

Ўзбекистон мустақилликка эришган кундан буён Республика Президенти ва ҳукумати томонидан чукур ўйланган миллий сиёсат амалга оширилмоқда.

Давлат умуммиллий сиёсатига миллий сиёсатдан ташқари иқтисодий ва социал, илмий-техника, таълим ва соглиқни сақлаш, халқаро муносабатлар (ташки сиёсат), миллий хавфсизлик ва бошқа сиёсатлар киради.

Ўзбекистон умуммиллий сиёсатининг катта тизимида миллий аҳоли сиёсати алоҳида ўрин эгаллайди. Бу сиёсат дикқат марказида миллатидан қатъи назар инсон туради. Бунда миллий аҳоли сиёсати республика аҳолисига хос сифат кўрсаткичларини яхшилашни кўзда тутади.

Ўзбекистон полиэтник, яъни кўп элатли давлат турига мансуб бўлиб, давлатга ўз номини берган миллат — ўзбеклар (1996 йил 1 январь ҳолатига кўра — 76,4%) — аҳоли сони бўйича кўпчиликни ташкил қиласди.

1999 йилга келиб бу мувозанатда қисман ўзгариш бўлди. Мамлакатимизда ўзбеклар аҳолининг деярли 80 фоизини ташкил этса, қолганлар эса кам сонли миллат вакиллариидир.

“Ижтимоий фикр” маркази томонидан республика Байналмилал маданий маркази ҳамда миллий маданий марказлар вакиллари иштирокида “Мустақил Ўзбекистонда фуқароларнинг элатлараро ва конфесияларо муносабатлари” юзасидан 1999 йил 14-18 ноябрда социологик сўров ўтказилди. Унда ўз фаолияти билан 150 мингдан ортиқ киши ва йирик миллий гурухларни қамраб олган 24 та Миллий маданий марказ иштирок этди. Унга кўра қўйидаги асосий хулосалар чиқарилган:

- Ўзбекистондаги барча этник гурухлар учун энг асосийси — Ўзбекистонни ўз ватани деб ҳис этишdir;
- турли элатлар ва конфесиялар вакиллари ўзаро хурмат, тушуниш ва тўла келишувчанлик муҳитида фаолият кўрсатмоқдалар;
- Ўзбекистон фуқаролари, уларнинг миллатидан қатъи назар, мустақил Ўзбекистондаги элатлараро келишув ва мослашувчанлик феномени - давлатимиздаги барқарорлик ва фуқаролар тинчлигининг энг муҳим факторларидан биридир, деган ягона фикрдалар;
- фуқароларнинг миллатларидан қатъи назар уларнинг ҳуқукий тенглиги, иқтисодий ва ижтимоий эркинлиги учун давлат томонидан барча шароитлар яратилган;
- туб миллат бошқа этник гурухлар билан биргаликда умумижтимоий тафаккурни шакллантириш жараёнларини тезлаштириш ва рағбатлантиришнинг улкан салоҳиятини ташкил этади, юзага келган миллатлараро муносабатлар эса тинчлик ва барқарорликни, ҳар бир оиласга муносиб ҳётни таъминлаш кафолати бўлиб хизмат қиласди;
- келажакда башорат этиш мумкинки, Ўзбекистондаги элатлараро ва конфесиялараро мутаносиблик ўзбек

халқининг маънавий янгиланиши ва миллий тафаккурнинг ўсиши билан чамбарчас боғлиқ ҳолда жамиятнинг янгилиниши ва унинг демократиялашувида кучли турткি бўлиб хизмат қиласи, республиканинг жаҳон ҳамжамоатчилиги билан интеграцияси учун қулай шароит яратади.

Маълумки, дунёдаги барча мамлакатларда оммавий ахборот воситалари етакчи ўрин тутади. Газета ва журналлар, радио ва телевидение воситалари ҳар бир давлатда омма билан ҳокимият ўртасида ўзига хос алоқа воситаси, ошкоралик кўзгуси, ҳақиқат жарчиси бўлиб хизмат қиласи. Мамлакат ижтимоий-сиёсий ҳаётида етакчи роль ўйнаганлиги учун ҳам уларга тўртинчи ҳокимият тусини бериш оммалашган. Давлат бошқарув органдарни демократиянинг муҳим таяничи бўлганлиги учун ҳам оммавий ахборот воситалари билан маслаҳатлашишга, таклифларини эътиборга олишга мажбурдир. Шунинг учун ҳам Ўзбекистон Республикаси Конституциясининг 67-моддасида: “Оммавий ахборот воситалари эркинтир ва қонунга мувофиқ ишлайди. Улар ахборотнинг тўғрилиги учун белгиланган тартибда жавобгардирлар. Цензурага йўл қўйилмайди”, — дейилган. Кўриниб турибдики, оммавий ахборот воситаларининг ролини ошириш, эркинлигини кўрсатиш, уларнинг ҳалққа садоқат билан хизмат қилиши алоҳида таъкидланади.

Ўзбекистон Республикасининг “Оммавий ахборот воситалари тўғрисида”ги Қонуни мамлакатимиздаги барча газета ва журналлар, радио ва телевидение воситаларини дунё миқёсига олиб чиқиши учун хизмат қилувчи асосий дастур бўлди.

2004 йилнинг 1 январь ойига кўра мамлакатимизда 571 та газета, 140 та журнал, 4 та ахборот агентлиги, 85 та телерадио ва кабель студияси, 298 та электрон ахборот воситалари ишламоқда.

Мазкур йилларда яна икки Қонун: Ўзбекистон Республикасининг “Журналистлик касбини ҳимоя қилиш тўғрисида” ҳамда “Ахборот олиш кафолатлари ва эркинлиги тўғрисида” Қонунлар қабул қилинди. Бу қонун-

лар фуқароларнинг ахборот қидириб топиш, олиш, узатиши ва тарқатиши ҳуқуқини тұла миқеңда таъминлайдиган ҳуқукий қурол бўлиб, аҳоли учун ахборот олиш ва етказишининг бош воситаси бўлган журналистнинг самараали фаолият кўрсатиши учун ҳуқукий асосни вужудга келтирди.

Мустақиллик йилларида оммавий ахборот воситалари мансабдорларнинг тұрачилиги, коррупция, мустабидлик ва боқимандалик психологияси йўлида мустаҳкам гов бўлиб, қонунчиликни рўёбга чиқариш ислоҳотларнинг бориши ва инсон ҳуқуқларига риоя этилиши устидан назорат қилишининг таъсирчан воситаси бўлиб қолмоқда. Лекин хорижий оммавий ахборот воситалари билан алоқа ўрнатиши масаласи ташки сиёсий фаолиятнинг асосий йўналишларидан бирига айланди. Чунки Ўзбекистоннинг жаҳон ҳамжамиятияга қанчалик тез кириб бориши ана шу ахборот воситалари тарқатадиган хабарларининг тўғрилигига боғлиқ.

Таъқидлаш жоизки, мустақиллик йилларида яратилган бошқарув тизими ва унинг қонунчилик асослари, фуқаролик жамияти мамлакатда инсон ҳуқуқларини ҳимоя қилишига ва ҳуқукий демократик давлат барпо этилганлигини кафолатлайди. Зоро, Президент И.Каримовнинг Олий Мажлис II чақирик IX сессиясида сўзлаган нутқи (2002 й., 29 август), Қонунчилик палатаси ва Сенат қўшма йиғилишидаги маъruzасида (2005 й., 28 январ) оммавий ахборот воситаларининг жамият ҳаётидаги ўрни ва ролини ошириш тўғрисида амалий таклифлар илгари сурилди.

## **Мустақиллик йилларида маънавий ва маърифий ҳаёт**

### **Миллий истиқлол гояси ва мафкуравий масалалар**

Ўзбекистон Республикасида иқтисодий ислоҳотларни амалга ошириш билан бир вақтда, маънавий меросимиз, маданий қадриятларимизни тиқлаш ва уларни халқимизга етказиши борасида кенг қўламда фаолият олиб борилмоқда.

Президент И.А.Каримов таъқидлаб ўтганидек, маънавиятнинг моҳияти шунчалик кенгки, уни ўлчаб ҳам,

поёнига етказиб ҳам бўлмайди. У инсон учун бутун бир оламдир. Бозор муносабатлари шароитида маънавият ва маърифат ишларига ғоят катта эътибор берилиши Мустақил Ўзбекистонда янги жамият қуришнинг ўзига хос хусусиятларидан биридир. Шу борада “Маънавият ва маърифат” жамоатчилик марказини ташкил қилиш ва унинг иш самарадорлигини оширишга қаратилган 1994 йил 23 апрелдаги ва кейинги Президент фармонлари Республикада маънавий ва мағқуравий ишларни юксалтиришда катта аҳамиятга эга бўлди. Ўзбекистон Президентининг 2000 йилнинг 2 июнидаги Республика маънавият ва маърифат кенгашини қўллаб-кувватлаш тўғрисидаги янги Фармони мамлакатимизда маънавий-маърифий ислоҳотларни изчил амалга ошириш, миллий истиқбол ғоясининг асосий тушунча ва тамоилларини ҳалқимиз онги ва қалбига сингдириш борасида улкан ишларни амалга оширишга қаратилган мухим дастур бўлди. Юртбошимишининг маънавиятга бош ҳомий бўлайтгани, вилоят ҳокимларининг маънавий ва маърифий Кенгашларига шахсан ўзлари раислик қилаётганлари мамлакатимизда маънавий қадриятларни тиклаш, ҳар томонлама камол топган инсонни тарбиялашга қанчалик катта эътибор берилаётганлигини кўрсатади.

Республика маънавият ва маърифат кенгаси Президент Фармонининг ижросини таъминлаш мақсадида “Жамият маънавиятини янада юксалтириш”, “Аҳолининг сиёсий ва ижтимоий фаоллигини ошириш” юзасидан ҳужжатлар қабул қилиб, 39 та кичик ишчи гуруҳларини тузди. Қабул қилинган дастурларни амалга ошириш, маънавий-маърифий ишларнинг самарадорлигини кучайтириш юзасидан кенгашнинг жойлардаги бўлимлари муайян ишларни амалга оширмоқдалар.

Ёшларни ватанпарварлик руҳида тарбиялашда — аждодларимизнинг бизгача етиб келган бой маданий меросларини ўрганиш ҳам катта ўрин эгаллайди. Шу сабабли Ўзбекистон Президенти томонидан қадриятлар, урф-одатлар, буюк ота-боболаримизнинг бизга қолдирган меросларини ўрганиш ва тарғиб этиш учун кенг йўллар

очилди. Бу борадаги тадбирлар мустакиллигимизнинг дастлабки кунлариданоқ амалга оширила бошланди. Хусусан, маъниавий-маърифий ишларнинг ривожланиши учун давлат томонидан катта маблаг ажратилди. Ўзбекистондаги барча давлат театрлари, маданият уйлари, санъат олий ўкув юртлари, фольклор-этнографик гуруҳлар маданият ўчоқларига айланди. Театр саҳналарида янги замонавий спектакллар қўйила бошлади.

Бадиий адабиётга партиявийлик, синфиийлик нуқтаи назаридан ёндашишга чек қўйилди. Баҳовуддин Нақшбанд, Феруз, Хўжа Ахрор, Чўлпон, Фитрат каби алломаларнинг номлари тикланиб, асарлари чоп этилди. Баркамол авлодни тарбиялашдаги катта хизматларини ҳисобга олиб, адабиётнинг илгор намояндалари — Абдулла Орипов, Сайд Аҳмад, Эркин Воҳидов, Қаипберген Тўлепбергенов, Иброҳим Юсуповлар “Ўзбекистон Қаҳрамони” унвонига сазовор бўлдилар.

1991 йили буюк аллома, газал мулкнинг султони — Алишер Навоий юбилейини ўтказиш катта аҳамиятга молик воқеа бўлди. Бу тантанага бағишлиб Республикаизда шоирнинг асарлари нашрдан чиқарилди. 1994 йил Мирзо Улугбек таваллуд топган куннинг 600 йиллиги кенг кўламда, жаҳон миқёсида нишонланди. ЮНЕСКО нинг Париждаги қароргоҳида юбилейга бағишлиланган ҳафталик ўтди.

Мустакиллик йилларида буюк соҳибқирон Амир Темурнинг 660 йиллиги бўлиб ўтди. ЮНЕСКО томонидан 1996 йил “Амир Темур йили” деб эълон қилинди. Шу йили ЮНЕСКО нинг Париждаги қароргоҳида “Темурийлар даври, фан, маданият ва маорифнинг гуллаб яшнаши” мавзуида анжуман ва унга бағишлиланган кўргазма очилди. Мамлакатимизда “Темур ва темурийлар” музейи, Амир Темур номи берилган боғлар, кўчалар барпо этилди.

Ислом оламининг алломаси Исо ат-Термизийнинг 1200 йиллиги, Маҳмуд аз-Замахшарийнинг 920 йиллиги, Нажмиддин Кубронинг 850 йиллиги, Баҳовуддин Нақшбандийнинг 675 йиллиги кенг кўламда нишонланди. Уларнинг бой асарлари нашрдан чиқарилди.

Барча вилоятлар ва шаҳарларда ҳар йили Алишер Навоий, Бобур, Машраб, Оғаҳийларга бағишилаб кечалар ўтказилди, Жалолиддин Мангубердининг 800 йиллик таваллуди, “Алломиш” достони яратилишининг 1000 йиллиги кенг миқёсда нишонланди.

Маънавий ҳаётни такомиллашибирин максадида Имом Бухорийнинг юбилейига бағишилаб, “Куръони Карим”дан кейин иккинчи уринда турадиган “Ал-Жомеъ ас-Сахиҳ” (Ишонарли тўплам), “Ал-адаб, ал-муфрад” (Адаб дурданалари) асарлари ўзбек тиғлига таржима қилиниб, нашрдан чиқарилди.

1998 йили Имом Бухорий таваллудининг 1225 йиллиги, Аҳмад Фарғоний таваллудининг 1200 йиллиги жаҳон миқёсида кенг нишонланди. Республикада юбилейлар муносабати билан алломалар ҳаётига бағишиланган илмий анжуманлар ва бадиий кўргазмалар очилди.

Юртбошимиз Ислом Каримов ташаббуси ва бевосита иштироки билан буюк ватандошларимиз фикҳ илмининг билимдони, номи Шарқ ва Фарбда машҳур бўлган Абул Ҳасан ибн Абу Бакр ибн Абдулжалил ал-Фарғоний ал-Марғиноний таваллудининг 910 йиллиги, калом илмининг асосчиси Имом Абу Мансур Мотрудий таваллудининг 1130 йиллиги бутун мамлакатимизда кенг нишонланди. Юртимиз ҳали иттифоқ таркибида бўлган, Кремлнинг ҳукмронлиги ҳали кучини йўқотмаган бир пайтда — 1990 йил июнь ойида Республика Президенти Ислом Каримов “Мусулмонларнинг Саудия Арабистонига Ҳаж қилиши тўғрисида”ги Фармонга имзо чекди. Ўзбекистон ҳукуматининг ҳар томонлама қўллаб-қувватлаши билан 1991 йилда Ҳаж қилиш баҳтига 350 киши сазовар бўлган бўлса, 2001 йили ҳожиларнинг сони 3801 кишига етди. Жами мустақиллик йиллари Ҳаж ибодатини адо этишга мувофиқ бўлганларнинг сони 31.057 кишини ташкил қилди.

Сўнгти йилларда Ҳаж сафарига борувчилар 4 минг нафар кишини ташкил этмоқда. Давлат уларни ҳар томонлама қўллаб-қувватламоқда. 1992 йил Президент Фармони билан Рамазон ва Курбон ҳайит кунлари умумхалқ байрами деб эълон қилинди. Халқимиз асрлар давомида

нишонлаб келган байрамларидан бири — “Наврӯз” умумхалққа байрами сифатида қайта тикланди.

Мовароуннаҳр диний бошқармаси Республикализ хаётида ўз ўрнини эгаллади. Диний бошқарма қошида Ислом Университети ва вилоятларда мадрасалар ташкил этилди. «Ислом нури» газетаси чоп этилмоқда. Мустақиллик арафасида Ўзбекистон бўйича 87та масжид бўлса, 1998 йилда уларнинг сони 3000тага, ҳозир эса 5000тага етди. Дин инсон руҳини поклаши, одамлар ўртасида меҳр-оқибат туйғуларини мустаҳкамлаши, миллий қадрият ва анъанааларни асраршга хизмат қилиши билан жамият хаётида муҳим ўрин тутиб келган. Ўзбек юрти азалдан қадимий динлар ривож топган макондир. Ҳозирги кунда кўп миллатли Ўзбекистонда ислом дини билан бир қаторда ўн тўртта диний конфессия ёнма-ён яшаб келмоқда.

1995 йили рус православ черкови ташаббуси билан Тошкент ва Ўрта Осиё епархияси ташкил этилганлигининг 125 йиллиги юбилейи, Ўзбекистон евангель-лютеран жамоаси ташкил этилганлигининг 100 йиллигига бағишиланган “Бир осмон остида” шиори билан мусулмон ва христиан динлари вакиллари ўртасида ўтказилган мулоқат катта аҳамият касб этди. 2000 йилнинг сентяброда ЮНЕСКО раҳнамолигида Тошкентда “Жаҳон динлари тинчлик маданияти йўлида” мавзууда динларо мулоқот, халқаро анжуман бўлиб ўтди. Унда АҚШ, Франция, Россия, Эрон, Исроил, Ҳиндистон, Хитой, Ватикан каби ўттизга яқин мамлакат, шунингдек, халқаро диний муассасалар вакиллари қатнашдилар. Анжуманини ўтказиш учун айнан Ўзбекистон танлангани бежиз эмас. Зоро, бу ўлкадан дунёга донғи кетган буюк алломалар, Ислом оламида катта ҳурматга эга бўлган буюк зотлар этишиб чиққан. Ҳозирги кунда мустақил Ўзбекистонда дин ва виждан эркинлиги мустаҳкам қарор топган ва барча диний конфессиялар биргаликда мустаҳкам тинчликни сақлаш, диний экстремизм ва халқаро террорчиликка қарши дадил кураш олиб бормоқда. АҚШ собиқ давлат

котиби Мадлен Олбрайт 2000 йил апрелида Тошкент Синагогида ибодат қилганидан кейин: «Ўзбекистонда яна тақрор айтаман, Ўзбекистонда барча динларга бир хил эътибор берилаётгани, виждан эркинлиги тўла таъминлангани мени жуда қувонтирди. Бу жиҳатдан Ўзбекистонни бутун дунёга ибрат қилиб кўрсатса арзиди», деган эди.

Истиклол йўлида қадам ташлаб бораётган Ватанимиздаги мавжуд маънавий, маданий омилларига эътибор бериш билан бирга маориф, таълим-тарбия ишларига ҳам эътибор кучайтирилмоқда. “Таълим-тарбия тизими ни ўзгартирмасдан туриб, онгни ўзгартириб бўлмайди. Онгни, тафаккурни ўзгартирмасдан туриб эса, биз қўзлаган олий мақсад — озод ва обод жамиятни барпо этиб бўлмайди”, — дейди И.А.Каримов.

Республикамизда таълимнинг янги тизимини амалга оширишда, Ўзбекистон ҳукумати тарихимиздаги таълим жараёнларини ўрганиб чиқиб, илғор тараққий этган мамлакатларнинг таълим ташаббусини инобатта олиб таълимни ислоҳ қилиш дастурини тайёрлади. Барча эътибор таълим тизимларини демократик ва инсонпарварлик тамоилилари асосида такомиллаштириб, унинг моддий техника базасини замон ва давр талаблари даражасига қўтариш ҳамда Ўзбекистоннинг маърифий салоҳиятини кучайтиришга қаратилди. Шу мақсадда 1992 йил 2 июлда Республикамизда “Таълим тўғрисида”ги Конун қабул қилинди.

Таълимни ислоҳ қилиш куйидаги тамоилилар асосида олиб борилади:

- таълим-тарбиянинг инсонпарварлиги ва демократикилиги;
- таълим тизимининг узлуксизлиги, изчиллиги, илмийлиги ва дунёвийлиги;
- таълимда умуминсоний ва миллий-маданий, маънавий қадриятларнинг устуворлиги;
- эътиқоди, динидан қатъи назар барча фуқаролар учун таълим олиш имкониятлари яратилганлиги;
- таълим муассасаларининг сиёсий партиялар ва ҳаракатлар таъсиридан ҳолилиги.

1993 йил Республика миз Президенти томонидан “Ўзбекистонда ўқувчи ёшларни рағбатлантириш чоралари тұғриси”даги Фармонига биноан талаба ва аспирантлар учун махсус стипендиялар белгиланды. Улар учун ривожланган давлатлардаги университетларда таълим олиш, улардаги илмий марказларда ишиш, малакаларини ошириш учун шароитлар яратып берилди.

Ўзбекистон мустақиллігига эришган дастлабки күнлардан бошлаб энг муҳим масалалардан бири сифатида эски тафаккур, әзтиқодидан қутилған, истиқолол учун, ўз онаюрги учун хизмат қыладыган кадрлар тайёрлаш масаласи турды. Эски тұзумни аста-секин тәг-томири билан тугатыб, батамом янги, жаҳоннинг илғор тараққий этган мамлакатлари йўлидан борадыган ҳақиқий демократик жамият қуриш эндиликда янгича фикрлайдиган қуидан тортиб, юқори тоифадаги кадрларга боғлиқ бўлиб қолди.

Собиқ Иттифоқ даврида катта-кичик раҳбар ходимлар ҳар хил даражадаги партия ва комсомол мактабларида, коммунистик мағкура тарғиботчиси ва ташвиқотчилари ни тайёрлайдиган Университет ва академияларда тайёрланган бўлса, эндиликда бу ўкув юртлари, табиийки, тарих саҳнасидан тушиб қолди. Бозор муносабатларига асосланган янги жамиятда раҳбар кадрларни тайёрлаш мақсадида Президент ҳузуридаги Давлат ва жамият қурилиши академияси, Жаҳон иқтисодиёти ва дипломатияси университети, айрим вазирликлар қошида академиялар ташкил этилиши катта аҳамият касб этади.

Ўзбекистон мустақиллигининг келажаги юқори малакали, маърифатли, эл-юртига садоқатли мутахассисларни тайёрлашта бевосита боғлиқ И.А.Каримов мухбирларнинг “Сизнинг сиёсатингизда таълим-тарбия масаласига катта әзтибор берилишининг сабаби нимада?”, деган саволига, “онгни, тафаккурни ўзгартирмасдан туриб янги жамият қуриб бўлмайди, онг, foя, тафаккур таълим-тарбия билан узвий боғлиқ, бир-бирини тўлдиради”, деб жавоб беради.

1997 йил 29 августда Республика Олий Мажлисининг IX сессиясида И.А.Каримовнинг “Баркамол авлод —

Ўзбекистон тараққиётининг пойдевори” номли маърузаси асосида янги таҳрирда “Таълим тўғрисида”ги Қонун ва “Кадрлар тайёрлаш миллий дастури” қабул қилинди. Истиқлол йилларида мактабгача тарбия муассасаларида, бошлангич синфларда ўқув-тарбия ишларига эътибор кучайтирилиб, ўрта-махсус ва олий ўқув юртлари тизимида лицейлар, коллежлар, бизнес мактаблари очилди, 8 та институт асосида университетлар ташкил қилинди. 2000 йил бошларига келиб, мамлакатимизда 61 та олий, 258 та ўрта-махсус ўқув юртлари, шу жумладан, 75 та коллежларда 360 мингдан ортиқ талаба билим олмокда. Мустақиллигимиз келажаги ёшлар қўлида экан, билимдон, маънавияти юксак, мустақил фикрлаб, мустақил иш юритадиган ёшларни, Юртбошимиз таъбири билан айтганда, жамиятимизнинг энг катта бойлиги, миллатимизнинг интеллектуал, ақл-заковат бойлиги бўлмиш йигит-қизларимизни тарбиялаш мамлакатимиз ҳаётида биринчи даражали вазифа этиб белгиланди.

Бу борада “Умид” (1997 й.), “Улугбек” (1993 й.) жамғармалари олиб бораётган ишлар алоҳида ўрин тутади. Фақат “Умид” жамғармаси синовларида 1997-1999 йиллар мобайнида 5500 нафар ёшлар қатнашиб, 658 таси Президент грантларига сазовор бўлди. 2000-2001 ўқув йилидаги бу танловда 3000 нафар ёшлар билими синовдан ўтказилиб, улардан 124 таси хорижий давлатларнинг энг нуфузли ўқув юртларида ўқишга сазовор бўлди.

Яқинда ўз фаолиятини бошлаган “Камолот” ёшлар ижтимоий ҳаракатининг асосий мақсад ва вазифалари келажак авлодимиз дили ва онгига миллий истиқлол гоялари ҳамда мағкурасини сингдириш, аҳолининг аксариятини ташкил қилган йигит-қизларимизни миллий ва умуминсоний қадриятлар асосида тарбиялашга қаратилгандир.

Кадрлар тайёрлаш миллий дастурининг асосий тамоийиллари аниқ белгилаб қўрсатилди:

- узлуксизлик: таълим-фан-ишлаб чиқариш;
- мутахассисларга талаб истиқболини ўрганиш;

- ўқитувчи ва мураббийларни қайта тайёрлаш;
- ўқувчи ёшларни Ватанга садоқат, юксак ахлоқли, маънавиятли ва вижданли этиб тарбиялаш;
- корхоналарда мактаб-институтлар базасини мустаҳкамлашдан фойдаланиш;
- чет эл сармояларидан фойдаланиш.

Таълим тўғрисидаги янги Конунга кўра, узлуксиз таълим бир неча босқичларда амалга оширилиши зарур:

- 1.Мактабгача — оила ва боғча тарбияси.
- 2.Бошлангич таълим — 1-4-синфлар.
- 3.Умумий таълим мажбурий бўлиб, 5-9-синфларда умумий билим асослари, дунёқарааш шаклланади.
- 4.Мажбурий-ихтиёрий тусдаги ўрта-маҳсус билим ва касб-хунар ўқув юртлари: З йилга мўлжалланган академик лицейлар, маҳсус касб-хунар коллежлари.
- 5.Олий таълим: бакалавр — 4 йил, магистратура — 2 йил ўқиш муддати, кейинчалик илмий-тадқиқот ишларини олиб бориш учун аспирантура — 3 йил, докторантура — 2 йил муддатга белгиланган.

Таълим-тарбия, илм-фан соҳасидаги ислоҳотлар босқичма-босқич амалга оширилиши зарур:

- I. 1997-2001 й.й. Ўтиш даври.
- II.2000-2005 й.й. Ислоҳотни кенг миқёсда амалга ошириш даври.

III. 2005 йилдан кейин кадрлар тайёрлаш тизимини такомиллаштириш, янада ривожлантириш даври.

Ўтган қисқа давр ичida “Кадрлар тайёрлаш миллий дастури”ни амалга оширишнинг биринчи босқичидаги натижалар кўзга кўринарли даражада бўлди. Ҳозирги кунда умуман таълим тараққиёти 2005-2004 йилларга мўлжалланган маҳсус қарор асосида амалга оширилмоқда.

Маориф соҳасидаги ислоҳотлар натижасида ўрта маҳсус билим юртлари тубдан қайта қурилди. Эндиликда 9-синфни битирганлар учун академик лицей ва касб-хунар коллежларининг эшиги кенг очилди. Ўзбекистон ҳукумати ёшларни жисмоний тарбия ва спорт билан кенг шуғулланиши учун барча шароитларни яратиб қўйди. Ҳозирги кунда Республикада жисмоний тарбиянинг 15085 бош-

лангич ташкилоти мавжуд бўлиб, улардан 9501 таси мактабларда, 710 таси лицей ва коллежларда, 63 таси олийгоҳларда ташкил этилган.

Республикада спорт иншоотларини қуришга катта эътибор қаратилган. Жумладан, ҳозирги кунга келиб 500 дан ортиқ спорт клублари, 536 та спорт маскани, 5 та олимпия клуби, 8 та Республика олий спорт мактаби ва Жисмоний тарбия институти ишлаб турибди. Спорт билан шуғулланувчиларга 233 та стадион, 135 та сузиш ҳавзаси, 32.865 та спорт майдончалари хизмат кўрсатмоқда. 4841 та футбол майдони, 168 та тенис, волейбол, баскетбол майдонлари мавжуддир.

Мамлакатда спорт ва жисмоний тарбия соҳасида эришилган ютуқларни янада ривожлантириш юзасидан Республика Вазирлар Маҳкамаси томонидан қабул қилинган 1999 йил 27 майдаги 271-сонли Қарор ва шу Қарор асосида қабул қилинган Давлат Даствури катта аҳамиятга эга бўлди. Даствурга кўра, айниқса, қишлоқ ёшлиари ўртасида жисмоний тарбия ва спорт шахобчаларини кенгайтириш ҳамда уларнинг моддий техника базаларини кучайтириш тадбирлари белгиланди. Бунга жавобан ўтган бир йилдан кўпроқ вақт ичida қишлоқ туманларида 184 та спорт-соғломлаштириш клублари ташкил қилинди.

2000 йил Ўзбекистон спорти тарихида, умуман олганда, муваффақиятли йил бўлди. Саралаш мусобақаларида голиб чиққан 77 спортчимиз 13 спорт тури бўйича Австралиянинг Сидней шаҳрида бўлиб ўтган XXVII Олимпиада ўйинларида қатнашишга муюссар бўлдилар. Олимпиадачиларимиз 1 та олтин, 1 та кумуш ва 2 та бронза медалларини қўлга киритиб, 200 мамлакат ўртасида 41-ўринни эгалладилар. Республика курашчилари, боксчилари, тенисчилари, дзюдочи ва каратэчилари мустақил Ўзбекистонимизни бутун жаҳонга танитмоқда.

Мустақиллик йилларида энг тез ривожланиб бораётган спорт турларидан бири шахматдир. Собиқ Советлар даврида шахмат бўйича битта гроссмейстер тайёрланган бўлса, эндиликда уларнинг сони 11 нафар бўлди. Туркияда бўлиб

ўтган жаҳон шахмат олимпиадасида ҳамюртларимиз 120 дан ортиқ мамлакатлар ичида 11 ўринни эгалладилар. Республика чемпиони Рустам Қосимжонов ўз таҳтасида бронза медалига эга бўлди. 2004 йили дунёнинг энг кучли шахматчилари иштирокида ўтган жаҳон чемпионатида Р.Қосимжонов жаҳон чемпиони унвонини қўлга киритди.

Жамият тараққиётида рўй берадиган ўзгаришларни тушуниш, хурфикрликка интилиш, кишиларни истиқлол йўлидан олиб борувчи гоявий қарашлар ҳозирги куннинг асосий вазифаларидан бири бўлиб қолмоқда.

Жамиятимизда сиёсий мустақилликка эришиб, иқтисодий, маданий-маърифий ишлар амалга оширилаётган бир вақтда миллий истиқлол гояси ва мағкураси, Юртбошимиз айтганидек, «сув билан ҳаводек зарурдир». Бусиз, яъни фикрлаш, эътиқод ўзгармай бозор муносабатларига ўтиш даврида ижтимоий-сиёсий ва иқтисодий барқарорликка эришиш мураккаб вазифадир. И.А.Каримов миллий мустақиллик гоясининг зарурлиги тўғрисида гапиран экан “ўзининг келажагини курмоқчи бўлган ҳар қандай давлат ёхуд жамият, албатта ўз миллий гоясига суюниши ва таяниши керак” деб таъкидлайди ва миллий истиқлол мағкурасининг вазифасини кўрсатиб, унинг “...асл маъноси эскича ақидалардан холи бўлган, мустақил ва янгича фикрловчи кишиларни тарбиялашдан иборат” дейди. Мустақиллик гояси ва мағкурасининг халқимизга тўғри йўл кўрсатувчи, уни бирлаштирувчи, буюк мақсадлар учун бутун кучларимизни уйғунлаштирувчи аҳамиятини назарда тутиб, Президент И.А. Каримов мустақилликнинг дастлабки даврида, 1993 йил 6 май Ўзбекистон Республикаси Олий Кенгашининг II чакирик, XII сессиясида: “Олдимизда турган энг муҳим масала, бу — миллий истиқлол мағкурасини яратиш ва ҳайтимизга татбиқ этишдир”, деган эди. Кишиларимизни қайси тоифа ва гурухда бўлишидан катъи назар маънавий инқироздан чиқарадиган ягона миллий гоя атрофида бирлаштирадиган бирдан-бир қудратли куч ана шу миллий мустақиллик мағкурасидир.

Ягона мақсад, ягона гоя бўлмаса, жамият инқирозга уч-

райди, ҳалок бўлади. Буни биз яқин ва олис ўтмишдаги тарихимиздан биламиз. Миллий истиқдол гояси келажак мақсадни ифодалайдиган халқимизнинг минг йиллик тарихини буюк келажак билан боғлайдиган, ана шу юксак мақсад йўлида 120 дан ортиқ миллатлар ва эллатларни, барча кишиларимизни бирлаштирувчи байроқ вазифасини бажаради.

Мустакил Ўзбекистон тарихи миллий истиқдол гоясининг тарихидир. И.А.Каримов: “Ўзининг ҳаётини, олдига қўйган мақсадларини аниқ тасаввур қила оладиган, ўз келажаги ҳақида қайгурадиган миллат ҳеч бир даврда миллий гоя ва миллий мағкурасиз яшамаган ва яшай олмайди”, — дейди.

Миллий истиқдол гояси Ўзбекистон Республикасининг кўп миллатлилик омилини сақлаб қолиши ва уни ривожлантиришдек буюк мақсадни ўзининг адолатли, инсонпарвар ҳукуқий жамият қуриш йўлидаги устувор йўналиши деб қарайди. “Ўзбекистон ватаним маним” гояси барча ўзбекистонликларнинг дилидан ўрин олган. Бу фикрларнинг тасдини “Ижтимоий фикр” маркази томонидан 1999 йилнинг июнь ойида ўtkazilgan социологик тадқиқотларнинг натижасида кўриш мумкин. Қорақалпогистон Республикаси, Самарқанд, Тошкент, Фарғона вилоятлари ва Тошкент шаҳрида 1350 респондент иштирокида ўtkazilgan тадқиқотда ўзбеклардан ташқари тоҷик, қозоқ, татар, қирғиз, рус, украин, белорус миллати вакиллари Ўзбекистонда миллатлараро ва фуқаролик барқарорлигининг сабаблари нимада деган саволга яқдиллик билан куйидагича: 59,5%и — Республика Президенти И.Каримовнинг оқилона сиёсати, 31,3%и — давлатнинг оддий халққа кўрсатаётган ғамхўрлиги, 22%и ўзбек халқининг бағрикенглиги, 15,3%и — иқтисодий ва ижтимоий-сиёсий ҳаётдаги барқарорлик, деб жавоб бердилар.

Ўзбекистоннинг бозор муносабатларига асосланган демократик жамият қуриш йўлидаги иқтисодий, ижтимоий-сиёсий, маданий-маърифий ишларидаги барқарорлик мағкуравий таҳдидларни олдини олишни муҳим вазифа қилиб қўяди. Шу мақсадда халқимизнинг анъаналари, удум-

лари, тили, дини, руҳиятига асосланиб келажакка ишонч, меҳр-оқибат, инсоф, сабр-тоқат, адолат, маърифат туйгу-ларини кишилар онгига сингдириш лозимдир.

Миллий мустақиллик гоясининг энг муҳим вазифаларидан бири мустақиллигимиз таянчи ва келажаги ёш авлодни миллий фурур, Ватанга садоқат руҳида тарбиялашдан иборат. Мустақиллик гояларига эътиборсизлик оғир оқибатларга олиб келиши мумкин. 1999 йил 16 февраль “қонли сешанба” кунги воқеалар миллий мустақиллик гояси, мағкурасини ёшларимиз онгига етказиш зарурлигини, бунинг учун гоявий, мағкуравий ишларимизни кучайтириш лозимлигини кўрсатди.

Бу борада Юртбошимизнинг 2000 йил апрелида Оқсаной қароргоҳида зиёлилар билан бўлиб ўтган мулоқотида, шу йилнинг июнь ойида “Фидокор” газетаси муҳбири саволларига берган жавобларида миллий истиқлол мағкурасининг моҳияти, зарурияти, аҳамияти, унинг сиёсий, иқтисодий ва маънавий асослари тұғрисидаги таълимоти истиқболимизнинг буюк гояларини кишиларимиз тафаккурига сингдиришда ишларимиз дастуридир.

Миллий истиқлол гояси, унинг тушунча ва тамойилларини халқимиз, биринчи навбатда, ёшларимиз ўртасида тарғиб ва ташвиқ этиш усулларини шакллантириш йўлида дастлабки қадамлар қўйилмоқда. “Маънавият ва маърифат” маркази қошида тарғибот-ташвиқот марказининг тузилгани, жамоатчи маърузачилар ишининг йўлга қўйилаётгани, улар учун “Воизга ёрдам” рукнида рисолалар чоп этилаётгани — шулар жумласидандир. Президентимиз Фармони билан “Миллий истиқлол гояси: асосий тушунча ва тамойиллар” маҳсус фан сифатида таълим тизимининг барча босқичларига киритилди.

## **Мустақиллик йилларида фан ва маданиятнинг ривожланиши**

Ўрта Осиё, хусусан, Ўзбекистон ҳудудида қадимдан бошлаб, астрономия, математика, тиббиёт, кимё, меъморчилик, маъданшунослик, фалсафа, мусиқа, тилшунослик, адабиётшунослик каби фан соҳалари ривожланган. Ҳозирги кунда Ўзбекистон олимлари ота-боболаримиз яратган илмий меросни чуқур ўрганиб, янада бойитмоқдалар. Улар ўз миллий асарлари, қашфиётлари билан жаҳон илм-фани ва маданиятига муносиб ҳисса қўшмокдалар. Республикаизда Ўзбекистон Республикаси Фанлар академияси, Давлат ва жамият қурилиши академияси, Банк-молия академияси, Нукус ва Самарқандда Ўзбекистон Республикаси ФАНИНГ бўлимлари очилган. Илмий тадқиқот ишлари халқ ҳўжалигининг турли тармоқларида фаолият қўрсатувчи илмий тадқиқот институтлари, илмий ишлаб чиқариш бирлашмалари, илмий марказлар, шунингдек, университет ва бошқа олий ўкув юртларида ҳам олиб борилади. Илмий кадрлар Фанлар академияси тизимида ҳам, олий ўкув юртлари, халқ таълим тизимида ҳам тайёрланади. Фақат Олий ва ўрта маҳсус таълим тизимидағи ўкув юртларида 600 дан ортиқ фан докторлари ва деярли 6 мингга яқин фан номзодлари ўқитувчилик ва илмий фаолият билан шугулланадилар.

Ўзбекистон мустақилликка эришгандан сўнг мамлакатда илм-фанга алоҳида эътибор берилди. Халқ ҳўжалиги ва маданий ҳаётнинг тобора ортиб бораётган талабларидан орқада қолаётган илмий тадқиқот институтлари тугатилиб, янги институтлар очилди. Республика Вазирлар Маҳкамасининг 1995 йил 3 апрелидаги Қарори билан Ўзбекистон Республикаси ФАНИНГ янги Низоми тасдиқланди.

Ўзбекистон Республикаси Президентининг 1992 йил 8 апрелидаги Фармони ҳамда уни амалга ошириш юзасидан Ўзбекистон Республикаси Вазирлар Маҳкамасининг “Фанлар ривожланишини давлат томонидан қўллаб-қув-

ватлаш тадбирлари ва инновация фаодияти ҳақида"ги Қарори мамлакатимизда илм-фанни ривожлантиришда катта аҳамиятга эга бўлди. Республика олимларини хорижий мамлакатларга малака оширишга юборишга ҳам алоҳида эътибор берилди. Илмий ечимларни ички ҳамда ташки бозорда тарғиб этиш ва тарқатиш мақсадида Республика илмий ишланмалари инновация тижорат маркази ташкил этилди.

Ўзбекистон Республикаси Президентининг Фармонига биноан Республика Вазирлар Маҳкамаси ҳузурида Олий Аттестация комиссияси ташкил этилиши муносабати билан ФАНИНГ мавқеи ортди. Ўзбек олимларининг фан-техника соҳасидаги ютуқлари нафақат Ўзбекистон, балки жаҳон ҳамжамиятида ҳам тан олина бошлади ва кўпчилик олимларимиз давлатимиз мукофотларига савор бўлдилар, хорижий давлатлар академияларига ҳақиқий ҳам фахрий аъзоликка сайландилар. Ўзбекистон Республикасининг Фанлар академияси ал-Хоразмий, Захириддин Муҳаммад Бобур номидаги олтин медалларни таъсис этди. 1993 йилда Ўзбекистон Республикаси ФАНИНГ академиги Ҳ.Ф. Фозилов табиий ва техникавий соҳада катта ютуқларга эришгани учун ал-Хоразмий номидаги “Олтин медал”нинг биринччи сохиби бўлди.

Захириддин Мұхаммад Бобур номидаги “Олтин медаль” биринчи бўлиб шу йили ижтимоий ва гуманитар фанлар соҳасида катта ютуқларга эришгани учун филология фанлари доктори, Ўзбекистон Республикаси Фанлар Академиясининг аъзоси У.И. Каримовга топширилди.

1992 йил октябрь ойида эса геология-минерология фанлари доктори, Ўзбекистон Республикаси Фанлар академиясининг академиги И.Х. Ҳамробоев геология ва геофизика соҳасида эришган муваффақиятлари учун Ҳабиб Абдуллаев номидаги “Олтин медал”нинг биринчи соҳиби бўлди. У АҚШ да чиқадиган “Глобал тектоника ва металлогения” халқаро илмий журнали таҳририятига аъзо этиб сайланди.

"Фан ва техникада ким ҳақиқатан ким?" деб номланган жаҳон фан ва техникасининг ривожланишига муно-

сиб ҳисса қўшган энг буюк олимларнинг ҳаёти ва илмий фаолияти тўғрисидаги асосий маълумотларни ўз ичига олган Қомусга Ўзбекистон Республикаси ФАнинг академиги П.К. Ҳабибуллаев киритилган. Ўзбек олими бу шарафга ўзининг қаттиқ ва юмшоқ жисмлар иссиқлик физикасининг катта муаммоларини ҳамда энергетиканинг физиковий-техникавий муаммоларини ишлаб чиққанлиги учун мұяссар бўлган.

Мустақиллик йилларида (1996) ФАнинг 40га яқин илмий маркази ва тадқиқот лабораторияларида йирик олимлар фаол меҳнат қўймоқдалар. Ўзбекистон Республикаси ФА институтлари олимлари хорижий давлатлар олимлари билан ҳамкорликда илмий алоқаларни кенгайтириб бормоқдалар. Натижада, 1992 йил декабрь ойида техника фанлари доктори F.F.Умаров К.Э.Циолковский номидаги Космонавтика Халқаро академиясининг аъзоси бўлди. У мазкур Халқаро Академиянинг аъзоси бўлган биринчи ўзбек олимидир. Шунингдек, ўзбекистонлик М.С. Булатов, С.М. Сутягин, И.И. Ноткинлар 1993 йилда Иордания Ислом Фанлар академияси аъзолигига, М.С. Салоҳиддинов ЮНЕСКО Информация Халқаро академиясининг ҳақиқий аъзолигига, 1994 йил октябрь ойида Худоёр Оллоёров, 1995 йил февраль ойида Азамат Шамсиев Нью-Йорк ФАнинг фахрий аъзолигига, З.С.Салимов, А.А.Аъзамхўжаев Экология ва ҳаёт фаолияти хавфсизлиги халқаро академиясининг ҳақиқий аъзолигига, 1997 йил октябрида У. Тожихонов ва З.Зариповлар табиат ва жамият фанлари Халқаро академиясининг аъзолигига, академик Э.Юсупов эса Туркия Фанлар академиясининг ҳақиқий аъзолигига сайландилар. Америка Биография институти жаҳон фани ва маданийти тараққиётига қўшган ҳиссаси учун Ўзбекистоннинг етакчи олимларидан бири бўлган Омонулла Файзуллаевга “2001 йил инсони” унвонини берди ҳамда у мазкур институтнинг маслаҳатчилар Қенгаши аъзолигига сайланди. Булар Ўзбекистон фанининг халқаро миқёсда тан олинишининг яққол мисолидир. Юртбошимиз айтганидек, XXI асрда қуроли, қўшини бўлган давлат эмас, балки

турли соҳалар бўйича кучли мутахассислари бўлган давлатгина қудратли давлат ҳисобланади. Зероки, ҳар бир халқ фан соҳасида катта ютуқларни қўлга киритган машхур фарзандлари билан буюқdir.

Мустақиллик йилларида ижтимоий-сиёсий ва иқтисадий қайта қуришлар қаторида маданият соҳасида ҳам туб ўзгаришлар рўй берди. Бу, аввало, театр санъати, миллий мусика, меъморчилик, адабиёт соҳаларида яққол кўзга ташланади. Маданият мутахассисларининг ижодий фаолияти, уларнинг моддий ва техникавий ускуналари, замонавий бинолар билан таъминланиши давлат раҳбари Ислом Каримовнинг бевосита ғамхўрлиги остида бўлди. 2001 йилнинг давлат бюджетидан маданият ва санъат мусассасаларини ривожлантириш учун 12 миллиард 703 миллион сўм (бу кўрсаткич 2000 йили 9 млрд. 463 млн. сўмни ташкил қиласан эди) ажратилиши фикримиз далиллайдир. Мустақилликнинг дастлабки йилларида Республикада янги театр жамоалари ташкил этилди. 1991-1994 йилларда бир қатор вилоят марказларида янги театрлар ишга туширилди. 1993 йил август ойида Тошкент шаҳрида иш бошлаган “Туркистон” саройи нафақат меъморчиликнинг ёрқин намунаси, балки саҳна гуруҳлари ва атоқли артистларнинг чиқишилари бўладиган даргоҳга айланди. Ўзбекистон Республикаси Президенти И.Каримов “Туркистон” саройи очилиши маросимида нутқ сўзлаб: “Ушбу саройда ҳалқимизнинг, щунингдек, жаҳон ҳалқларининг, Марказий Осиё ҳалқларининг анъанавий анжуманларини, санъат байрамларини ўtkазишини ният қиласанмиз. Бу кошона, иншооло, миллатлар, эл-элатларнинг дўстлик, бирдамлик қалъасига айланади”, — деган эди.

1998 йил 26 марта Президент И.Каримовнинг “Ўзбекистон театр санъатини ривожлантириш тўғрисида”ги Фармони эълон қилинди. Бу Фармонга мувофиқ Ўзбекистон томоша санъатининг кўп асрлик анъаналарини ўрганиш, бойитиш ва тарғиб қилиш, театр санъатини ҳар томонлама ривожлантириш, унинг моддий-техника базасини янада мустаҳкамлаш, мамлакатимизда маънавий-

маърифий ислоҳотларни амалга оширишда театр арбобларининг фаол иштирокини таъминлаш мақсадида “Ўзбектеатр” ижодий-ишлаб чиқариш бирлашмаси ташкил этилди. Театрларнинг 90-йилларнинг иккинчи ярмидаги репертуарида тарихий пьесалар кенг ўрин олди. 1996 йили Амир Темурнинг 660 йиллик юбилейи муносабати билан 10 та янги спектакль саҳналаштирилди. “Наврӯз-97” театр фестивали муносабати билан Соҳибқирон образи яратилган 14 та спектакль намойиш этилди. 1998 йили Аҳмад Фарғоний, Бухорийлар юбилейига бағишлиланган пьесалар яратилди. Мамлакатимизнинг бой тарихини намойиш этувчи спектакллар Тошкентнинг етакчи театрларидағи на эмас, барча вилоятларнинг театр саҳналарида қўйилди. 1995-1997 йиллари Республика театрлари томонидан 313 та янги спектакль қўйилди.

Ўзбекистонда мусиқа ва рақс санъатини ривожлантириш мақсадида “Ўзбекнаво” гастроль-концерт бирлашмаси ташкил этилди. Унда мусиқа-рақс санъатини ривожлантиришни давлат йўли билан қўллаб-қувватлаш масалалари қўзда тутилди. Санъатни барча соҳалари, маданий-маърифий муассасалари учун малакали мутахассис кадрлар тайёрлаш Республика Президентининг доимо дикқат марказида бўлиб келди. Советлар давридаги маданият ўқув ишлари қайта тузилиб, кўплаб янги ўқув масканлари ташкил этилди. 90-йиллар охирида мамлакатимизда 27 та маҳсус ўқув юрти фаолият қўрсатди. Шундан биттаси олий ўқув юрти, 20 та ўрта маҳсус билим юрти, 2 таси мактаб-интернат.

Мустақиллик йилларида ўзбек адабиёти, адабиётшунослик фани тараққиётида ҳам янги саҳифалар очилди. Асалари заарли, ўзлари миллатчи деб ноҳақ айблланган Чўлпон, Отажон Ҳошим, Вадуд Маҳмуд, Мунаввар қори сингари миллатпарвар ёзувчи, маърифатпарварлар ижоди холосона ўрганилиб, асалари чоп этилиб, театр саҳналарида ўз ўрнини эгалладилар.

Маърифатпарварлар фаолиятининг асл моҳияти, адабий, маданий, сиёсий ҳаётдаги ўрни рўйи-рост қўрсатиб

берилди. Ўтмишда диний ва сарой адабиёти вакили деб тамга босилган буюк шоир ҳамда мутафаккирлар ҳаёти ва ижоди ўрганилиб, асарлари халққа қайтарилди.

Мустақиллик шарофати боис мўътабар Қуръони Карим ва ҳадислар чоп этилди. Бундай асарларнинг халқимиз қўлига етиб бориши бутунлай янги, соғлом, соғ миллий ғояларимиз, мақсад ва интилишларимизнинг сифат даражасини белгилайди. Адабиёт соҳасидаги ва кўплаб нашр этилган бошқа асарлар миллий истиқлол ғояси ва мағкурасининг буюк ҳаётбахш кучини кўрсатади.

Мустақиллик даври адабиётининг байроқдорлари бўлган “Ўзбекистон Қаҳрамонлари” Саид Аҳмад, Абдулла Орипов, Эркин Воҳидов, Ўзекистон ҳалқ шоирлари Муҳаммад Юсуф, Ҳабиб Саъдуллаевлар ижоди билан бутун ҳалқимиз фахрланади.

Миллий истиқлол давридаги ўзбек адабиётшунослиги олдида турган муҳим вазифаларни ҳал этишда Озод Шарофиддинов, Бегали Қосимов, Наим Каримов, Эркин Каримов, Аҳмад Алиев, Нажмиддин Комиловларнинг асарлари алоҳида ўрин эгаллайди. Т.Маликнинг романлари, О.Матжон, О.Хожиева, Ҳ.Султонов, А.Суюн, Й.Эшбек, Ҳ.Дустмуҳаммад, Ш.Салимова сингари шоир ва адилларнинг бадиий баркамол, ғоявий етук асарлари ўзбек миллий истиқлол адабиётига катта ҳисса бўлиб қўшилди.

Мустақиллик йилларида маданий-маърифий муассасалар фаолиятида ҳам кескин ўзгаришлар юз берди. Бу муассасаларнинг сони 1997 йили 9442 та бўлса, булардан 60 таси музей, 2657 таси клуб, 6725 таси кутубхоналардир. Мустақиллик йиллари бу муассасалар аҳоли ўртасида маданий-маърифий тарбиянинг ўчигига айланди.

Аҳоли ўртасида маданий-маърифий ишларни ташкил қўйувчи муассасалардан бири кутубхоналар бўлиб, уларнинг сони 1996 йилда 6723 та эди. Кутубхоналарда жами китобхонлар 6 млн. 211 кишини ташкил қиласа, шундан 4 млн. 425 минги қишлоқ жойларида эди. Кутубхона ходимларидан 65 фоизи олий ва ўрта маълумотли мутахассислардир.

Миллатимизнинг ўзлигини англашида миллий, тарихий

қадриятлармиз тикланишида музейлар алоҳида ўрин туради. Шу жиҳатдан Президент И.А.Каримовнинг 1998 йил 12 январдаги “Музейлар фаолиятини тубдан яхшилаш ва такомиллаштириш тўғрисида”ги Фармони музейлар ишини ривожлантиришда дастур ролини бажармоқда.

Мустақиллик йиллари республикамизда музейларга бўлган эътибор ошиб бормоқда “Темурийлар тарихи давлат музейи”нинг очилиши, ”Ўзбекистон ҳалқлари тарихи музейи”, ”Ҳалқ амалий санъати музейи” нинг қайта жиҳозланиши бунинг далилидир. Ҳозирги кунда давлат қарамогидаги музейлар сони 81 тани ташкил қилиб, булар: 15 та тарих музейи, 23 та ўлкашунослик, 10 та бадиий санъат кошонаси, 20 та мемориал муассаса, 8 та адабиёт, 4 та тиббиёт музейидир. Шунингдек, мамлакатнинг шаҳар ва туманларида мавжуд 510 та музей ҳалқимизнинг бой тарихий-маданий хазиналарини намойиш этиб, ёш авлодни маънавий-маърифий жиҳатдан тарбиялашда катта аҳамиятга эгадир.

Ўзбекистон Республикаси Маданият ишлари вазирлиги тасарруфидағи жами музейларда, 2000 йил бошлари маълумотларига кўра, 1.350 минг экспонант сақланмоқда ва уларни ўтган вақт давомида 1.655.400 киши томоша қилган.

Шарқ ва Farb меъморчилиги уйғунлашган бинолар юртимиз пойтахти ва вилоят марказларида қад кўтариб, шаҳарларимиз ҳуснига ҳусн қўшмоқда. Миллий банк, меҳмонхона бинолари ҳамда маданият ва истироҳат боғлари нинг бунёд этилиши бунинг ёрқин мисолидир. Ҳайкалтарошлик, амалий безак санъати, тасвирий санъат, рақс, кино санъатларида ҳам анъанавий ва замонавий усуллар уйғунлашиб, етук асарлар яратилди ва яратилмоқда.

1998 йили 10 ноябрда соғлиқни сақлаш тизимини ислоҳ қилиш тўғрисида Президент Фармони эълон қилинди. Давлат соғлиқни сақлаш муассасалари билан бир қаторда, но давлат, шахсий тиббий муассасалар ривожланмоқда. 1991-2001 йилларда 19,5 минг ўринли шифохоналар ишга туширилиб, 2001 йили уларнинг сони 1500 га етди. Бундан ташқари, жами 5700 нодавлат шахсий тиббий муассасалар фаолият юритмоқда. 2001 йил март ойидан 1-Республика кли-

ник шифохонаси Республика тез тиббий ёрдам илмий марказига айлантирилди. Кардиология, хирургия, офтальмология, онкология республика марказлари ташкил этилди.

Хулоса қилиб айтганда, Ўзбекистон мустақиллик йиллари давомида иқтисодий-ижтимоий соҳадаги ютуқлари билан бир қаторда, мафкуравий-маънавий, маданий соҳаларга ҳам эътиборни кучайтириб, жаҳоннинг ривожланган давлатлари орасидаги нуфузи ва обрўси ошириб бормокда.

## **Ўзбекистоннинг тинчликсевар мустақил ташқи сиёсати ва унинг жаҳон ҳамжамияти томонидан тан олиниши**

Ҳозирги кунда Ўзбекистоннинг жаҳон ҳамжамиятияга кириб бориши, унинг истиқболлари хусусида оммавий ахборот воситаларида кенг ёритилмоқда. Ўзбекистон мустақиллиги республикани жаҳон ҳамжамиятияга кириб боришига шароит яратди. Президент И. Каримовнинг «Ўзбекистоннинг ўз истиқлол ва тараққиёт йўли», «Ўзбекистон иқтисодий ислоҳотларни чуқурлаштириш йўлида», «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари» асарларида Ўзбекистоннинг жаҳон ҳамжамиятияга кириб боришининг истиқболлари ва Ўзбекистоннинг жаҳон миқёсидаги ўрни ҳамда унинг иқтисодий ислоҳотлари билан боғлиқ томонлари кўрсатиб берилган.

Бинобарин, Ўзбекистоннинг ташқи сиёсатдаги асосий тамойиллари Ўзбекистоннинг жаҳондаги мавқеини белгилаб беради.

XX асрнинг охирги ўн йиллиги инсоният тарихига буюк ўзгаришлар даври бўлиб кирди, ер юзидаги вазият, кучлар нисбати кескин ўзгариб, бир-бирига қарама-қарши бўлган СССР ва АҚШ етакчилик қилган икки ижтимоий-сиёсий тузум, икки ҳарбий-сиёсий блок барҳам топди. Дунё янгиланиши жараёнида ҳар бир давлат ўз тараққиёт кўлами билан жаҳон ҳамжамиятидан муносиб ўрин олиш учун ҳаракат қила бошлади. Шулар қатори

Ўзбекистон ҳам жаҳон ҳамжамиятидан муносиб ўрин эгаллаш мақсадида ўзининг ижтимоий-сиёсий янгиланиши дастурини ишлаб чиқди. Ўзбекистоннинг ўз тараққиёт истиқболлари учун қулай жўғрофий-сиёсий имкониятларга эга эканлиги ҳам мустақил ташки сиёсат юритиш, жаҳон ҳамжамиятидан муносиб ўрин олиш учун имкон берди. Хусусан, Ўзбекистоннинг Марказий Осиё минтақасидаги ўрни, бу ҳудудда истиқомат қилувчи халқларнинг қадимдан ҳамфир бўлиб келгани Марказий Осиё минтақасида ташки сиёсат юритишда ижтимоий зарурат ҳисобланмоқда. Ўзбекистоннинг бу борада қўлга киритган улкан ютуқлари умумжаҳон цивилизацияси билан муштарак эканлигини алоҳида қайд этиш билан бирга, бу сермашаққат йўлда Президент И. А. Каримовнинг ўрни бекиёслигини ҳам айтиб ўтмоқ лозим.

Мустақиллик йиллари Ўзбекистонда халқаро ташкилотларнинг фаолиятини ўрганиш, хорижий давлатлар билан дипломатик, сайёҳлик алоқаларини йўлга қўйиш ва ушбу соҳа учун юқори малакали миллий кадрлар етишириш эҳтиёжи пайдо бўлди.

1991 йил 31 августда Олий Кенгаш VI сессиясида қабул қилинган “Мустақиллик ҳақидаги Баёнот”да: “Халқаро ҳамжамиятнинг тўла ҳуқуқли аъзоси бўлган Ўзбекистон халқаро муносабатларда мустақил давлат, халқаро ҳуқуқ субъекти сифатида қатнашади, унинг мақсадлари мустаҳкам тинчлик, қуролсизланиш, ўз ҳудудини қуроляроғлардан холи қилиш, ядровий қурол ва бошқа оммавий қирғин қуролларини йўқотиш, суверен давлатлар ўртасидаги низо ва зиддиятларни ҳал этишида куч ишлатиш ва тазийикка йўл қўймасликдан иборат”, — деб ўз ташки сиёсатининг асосий йўлини белгилаб олган Ўзбекистон 1992 йил 8 декабрда қабул қилинган Конституциямизнинг 17-моддасида бу йўлни Конун билан мустаҳкамлади. Халқаро ҳуқуқнинг тамойиллари ва нормаларининг бутун мажмуи Конститутцияга БМТ Устави, Инсон ҳуқуқлари умумий декларацияси ва инсон ҳуқуқларига оид

бошқа ҳалқаро ҳуқуқ битимлари, Хельсинки битими, Париж ва Мадрид хартияларига асосланди. Шунингдек, асосий Қонунга киритилган қонунларни ривожлантириш мақсадида “Дипломатик муносабатларни ўрганиш тартиби”, “Ўзбекистонда ҳалқаро шартномаларни тузиш, ижро этиш ва бекор қилиш” ҳақидаги актлар ҳам қабул қилинди. Уларда ташқи сиёсатнинг ҳар томонлама асосланган тамойиллари ўз аксини топди.

Ушбу тамойиллар қўйидагилар:

- миллий-давлат манфаатларини устун қўйган ҳолда ташқи сиёсатда давлатларнинг суверен тентлигини ҳисобга олиш;
- умумбашарий қадриятларни устун қўйган ҳолда низоли можароларни тинч йўл билан ҳал этиш;
- ташқи сиёсатдаги тенг ҳуқуқлилик ва ўзаро манфаатдорликни ўрнатишда бошқа мамлакатларнинг ички ишларига аралашмаслик;
- барча тинчликсевар давлатлар билан ташқи алоқаларни ўрнатишга интилиш;
- ҳалқаро ҳуқуқ нормаларини тан олган ҳолда жаҳон ҳамжамиятида ҳалқаро талабларга риоя қилиш;
- ташқи сиёсатда кўп томонлама алоқаларни ўрнатишда ҳалқаро ташкилотлар доирасида алоқаларни кенгайтириш масалалари киритилди.

Шу ўринда айтиш лозимки, бу тамойиллар ёш суверен давлатнинг асосий ташқи сиёсий доктринасини ифода этиши билан бирга, давлатлараро муносабатлар йўналишларининг ривожланиши ва кенг доирадаги ташқи муаммоларни ҳал қилиш имконини берди. Мамлакатимизни жаҳон ҳалқлари тинчлиги ва хавфсизлигини мустаҳкамлашга қаратилган тинчликсевар ташқи сиёсати унинг жаҳон миқёсида мустакил давлат сифатида тезда тан олинишини таъминлади. Ўзбекистон Республикаси ўзининг ташқи сиёсатдаги фаолиятини демократик принципларга асосланган ҳолда олиб борар экан, 1991 йил декабрдан 1992 йил июль ойигача бўлган давр ичida республикани 111 давлат, ҳозирги кунга қадар эса Ўзбекистон мустақиллигини 180 дан ортиқ давлат тан олди, улар-

нинг 100 дан ортиги билан дипломатик, сиёсий, иқтисодий, илмий-техникавий ва маданий алоқалар ўрнатилди. Тошкентда АҚШ, Туркия, Германия, Франция, Буюк Британия, Хитой, Ҳиндистон, Покистон ва бошқа ривожланган мамлакатларнинг элчихоналари очилди. Шунингдек, Ўзбекистонда хорижий мамлакатлар ва халқаро ташкилотларнинг, 24та ҳукуматлараро ва ноҳукумат ташкилотларнинг ваколатхоналари фаолият кўрсатмоқда. Ўз навбатида, Ўзбекистоннинг элчилари дунёдаги йирик давлатларда фаолият юритмоқда.

Мустақил Ўзбекистон ташқи сиёсатининг асосини очик-ойдинлик, тенг ҳуқуқлилик, демократик принципларига содиқлик, умуминсоний қадриятларни улуғлаш, республика ижтимоий ҳаётидаги демократик жараёнга таъсир қилиш кабилар ташкил этади. Республика ташқи сиёсати тинчлик ва хавфсизлик учун умумжаҳон эътироф этган очик яқдиллик талабларига асосланади. 1992 йил 2 марта Ўзбекистон халқаро муносабатларнинг тўла ҳуқуқли субъекти сифатида Бирлашган Миллатлар Ташкилотига аъзо бўлиб дунё миқёсида тан олинди. Бу воқеа Республиkanинг мустақил давлат сифатида халқаро ҳамжамиятда муносабиб ўрин эгаллашида ҳам катта аҳамиятга эга бўлди. 1993 йил февраль ойига келиб Тошкентда БМТ ваколатхонаси очилди. Ҳолид Малик БМТнинг Ўзбекистондаги вакили этиб сайланди.

Ўзбекистон БМТнинг тўлақонли аъзоси сифатида Бирлашган Миллатлар Ташкилотининг йиғилишларида иштирок этиши билан ўзининг халқаро ҳамжамиятга кириш жараёнини давом эттирди. Ўзбекистон раҳбариятининг дунёдаги глобал муаммоларга жаҳон миқёсида эътиборини қаратиши Ўзбекистоннинг ташқи сиёсатда тутган аниқ ўрнини белгилаб берди. Чунончи, 1993 йил БМТ Бош Ассамблеясининг 48-сессиясидаги маъruzасида Ўзбекистон Президенти И.А.Каримовнинг илгари сурган биринчи халқаро ташаббуси Ўзбекистоннинг халқаро миқёсдаги адолатпарвар сиёсатидан дарак берди. И.А.Каримов бу

маърузасида бир қатор аниқ таклифлар билан чиқди. Буларга: Марказий Осиёда хавфсизлик ва ҳамкорлик масалалари бўйича БМТнинг доимий ишлайдиган семинарини чакириш, БМТ хавфсизлик кенгашида юзага келаётган можароларни таҳлил қилиш ва истиқболини белгилаш бўйича махсус гуруҳ тузиш, Марказий Осиёни ядросиз зона деб эълон қилиш, бу минтақада кимёвий модда, ҳамда бактериологик қуролни тақиқлаш бўйича халқаро назорат ўрнатиш, Марказий Осиёда наркобизнесга қарши ҳамкорликда курашиш учун БМТнинг минтақавий комиссиясини тузиш, Орол муаммосини ҳал қилиш масаласи бўйича БМТнинг махсус комиссиясини тузиш масалалири киритди.

Ўзбекистон Президенти И.А.Каримов 1995 йил БМТнинг эллик йиллиги муносабати билан Бош Ассамблейнинг махсус тантанали йиғилишида сўзлаган нутқида ҳам асосий эътиборни, бу ташкилотнинг фаолиятини янада кенгайтириш билан бир қаторда, яна минтақавий хавфсизлик ва барқарорлик, экстремизм, тероризм, наркобизнесга қарши кураш масалаларига қаратди. Президентимиз муайян “оловли нуқталар” деб аталаётган минтақаларда биргалашиб ҳаракат қилиб, тинчлик ва барқарорликка эришиш лозимлиги ҳақидаги аниқ таклифларни киритди ва Ўзбекистон “оммавий қирғин қуролларини тарқатмасликни таъминлаш бўйича керакли ҳалқаро кафолатларни қабул қилиш, ядро синовларини бутунлай тўхтатиши ҳақидаги шартноманинг тезда тузилиши тарафдори” эканлигини ҳам кўрсатиб ўтди.

Ушбу йиғилишда давлатимиз раҳбари томонидан Орол денгизи куриши билан боғлиқ бўлган глобал муаммо кўтариб чиқилгани ҳам мухим аҳамият касб этди. Президент И.А.Каримов “Орол денгизининг қуриши билан боғлиқ экологик фожеа, бутун ер юзини қамраб оладиган биосфера, ўнлаб миллион кишиларнинг ҳаёт шароитлари, саломатлиги, наслига ҳалокатли таъсир кўрсатувчи глобал муаммо” эканлигини кўрсатиб, бугунги кунда БМТнинг

ташкилотчилик фаолиятисиз бу муаммони ҳал этиш мумкин эмаслигини ҳам асослаб берди. Бундай муаммолар Президентимизнинг фундаментал асари “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари” китобида батафсил назарий ва амалий жиҳатдан асослаб берилди. Асарда дунёда барқарорлик ва жўғрофий-сиёсий мувозанат сакланниб қолган шароитдагина ҳар қандай минтақада ривожланиш кучли бўлиши асослаб ўтилди.

## **Ўзбекистоннинг ҳалқаро ташкилотлар ва хорижий мамлакатлар билан иқтисодий-сиёсий алоқаларининг йўлга қўйилиши**

Ўзбекистоннинг ўз ташқи сиёсатида минтақалараро хавфсизликни таъминлашда ҳалқаро ташкилотлар фаолияти, уларнинг дастурларидан кенг фойдаланиши истиқболли натижаларни қўрсатди. Бир қатор минтақавий ташкилотлар, чунончи, НАТО, ЭКО, Ислом конференцияси, Кўшилмаслик ҳаракати билан ҳам самарали ҳамкорлик йўлга қўйилди. 1994 йил июль ойида Ўзбекистон НАТОнинг “Тинчлик йўлидаги ҳамкорлик” Дастурига кўшилди. Бу дастурга кўра Ўзбекистон ҳарбий қисмлари Шимолий Королина (АҚШ)даги Кемп Лежюп денгиз пиёдалари полигонида ўtkазилган ҳарбий машқларда, Ўзбекистон ҳудудида америкаликлар билан ўtkazilgan десантчиларнинг “Ультрабаланс-96” ҳарбий машқларида қатнашдилар. Шунингдек, Республика ҳарбий билим юрти талабалари 1997 йил Норвегияда ўtkazilgan “Кооператив банкерс-97” машқларида ҳам қатнашдилар. Бу каби алоқалар жангчиларимиз учун ўзига хос маҳорат мактаби, тажриба бўлиб, уларнинг жанговарлик қобилиятлари ошишига ёрдам берди. 1999 йил апрелда И.А.Каримов Шимолий Атлантика Иттифоқи қошидаги “Тинчлик йўлида ҳамкорлик” дастурининг аъзоси сифатида НАТО нинг 50 йиллик юбилейи тантаналарида қатнашди. Ўзбекистоннинг “Тинчлик йўлида ҳамкорлик” Дастуридаги иш-

тироки Марказий Осиё минтақасида коллектив хавфсизлик ва барқарорликнинг кенг тизимини вужудга келтириши режалаштириш жараёнида Ўзбекистоннинг иштирокини кафолатлади. Президентимиз таъбири билан айтганда, “НАТО билан ҳамкорлик қилиш ҳарбий-сиёсий воқеалардан хабардор бўлиб туриш, бу уюшма доирасида амалга оширилаётган тадқиқотлар ва ишланмалардан баҳраманд бўлиш учун имкон берар эди”. НАТО Бош котиби Х.Солана ва АҚШнинг НАТОдаги доимий вакили Р.Хантернинг Ўзбекистонга ташрифлари Ўзбекистон ва мазкур ташкилот ўртасидаги тинчлик йўлидаги сиёсатининг ҳамоҳанг эканлигини кўрсатди.

Ўзбекистон БМТга аъзо бўлиб кирган йиллари ЕХХТ нинг катта мансабдор ходимлари қўмитасининг Прагадаги йигилишида МДҲ таркибидаги давлатларни ушбу ташкилотга аъзо бўлиб кириши масаласи қўтарилди. 1992 йил 26 февралга келиб Ўзбекистон ҳам бу ташкилот кенгашининг якунловчи ҳужжатига имзо чекди. Мазкур ҳужжат имзоланган вақтдан бери Ўзбекистоннинг Европа хавфсизлик ва ҳамкорлик ташкилоти бўлинмаларидағи иштироки тобора кенгайиб бормоқда. ЕХХТнинг Марказий Осиё билан алоқалари бўйича Бюроси минтақада барқарорликни таъминлаш мақсадида минтақадаги республикалар билан ҳамкорликни йўлга қўйиб олгани қувонарли ҳолдир. Ушбу бюронинг ташабbusи билан Тошкентда ЕХХТнинг “Инсон хуқуқлари бўйича миллий институтлар”, “Оммавий ахборот воситалари демократлаштириш шароитида” мавзуидаги бир қатор анжуманлари ўтказилди. Бундай йифилишларда Ўзбекистоннинг иштироки тинчликпарвар ташқи сиёsat юритишида асосий омил бўлиб қолди. Ўзбекистоннинг 1996 йил Лиссабон Саммитидаги иштироки республика раҳбариятининг хавфсизлик доирасига кирувчи қарашларини баён этишга ҳам имкон берди. Унда Ўзбекистон раҳбарияти томонидан “хавфсизликнинг, шу жумладан, Европа хавфсизлигининг чегараси йўқ. Шундан келиб чиқсан ҳолда, бизнинг

фикримизча, Европада хавфсизлик ва ҳамкорлик ташкилотининг роли, аҳамияти, қолаверса, масъулияти Европа билангина чегараланиб қолмаслиги, ундан ташқаридан келаётган хавфни ҳам ҳисобга олиши керак бўлади” деб айтилган сўзлари алоҳида аҳамият касб этди. Мазкур анжуманда Ўзбекистон хавфсизлик муаммосига доир ўз қарашларини баён этиш ҳуқуқига эга бўлди. Президентимиз йигилиш иштирокчиларига Марказий Осиё минтақасини ядросиз зона деб яна бир бор эълон қилди. Ўзбекистон раҳбариятининг можаролар кучайиб бораётган ерларга қурол-яроғ етказиб беришни тўхтатиши ҳақидаги фикри Лиссабон учрашувиning якунловчи ҳужжатига киритилди.

1999 йил 18-19 ноябрь кунлари мазкур ташкилотга аъзо 54 мамлакат раҳбарларининг Туркиянинг Истамбул шаҳрида Олий даражадаги учрашуви бўлиб, мазкур анжуманда долзарб муаммолар ҳал қилинди. Йигилишда Ўзбекистон раҳбарининг маърузаси дунё мамлакатлари иқтисодий тараққиёти ва фуқароларнинг ижтимоий турмуш тарзини фақатгина хавфсизлик таъминлангандаги амалга ошириш мумкинлиги масаласига қаратилди. И.А.Каримов йигилишда глобал аҳамиятга эга бўлган терроризмга қарши марказ тузиш ҳақидаги таклифини кириди ва турли қабиҳ ниятдаги кимсаларга ёрдам берадётган ташкилотларни илдизи билан йўқотиш орқалигина мамлакатлар хавфсизлигини таъминлаш мумкинлигини алоҳида таъкидлади. Бу ўринда Ўзбекистоннинг Европа Иттифоқи билан ҳамкорлиги масаласига ҳам тўхтаб ўтмоқ жоиз. Мазкур Иттифоқ билан ҳамкорлик учун тузиладиган битим бўйича ишлар республикада 1995 йилдан бошлиган бўлиб, бу музокаралар 1996 йилга қадар давом этди. Бу музокараларнинг натижаси ўлароқ Ўзбекистон билан Европа Иттифоқи ўртасидаги битим 1996 йил 21-22 июнь кунлари Италиянинг Флоренция шаҳрида ЕИ давлатлари раҳбарларининг йигилишида Ўзбекистон Президенти И.А.Каримов томонидан имзоланди. Флорен-

циянинг “Фортезза де бассо” қалъасида Европа Иттифоқига киравчи давлатлар ва хукумат бошлиқларининг навбатдаги учрашуви-саммитда имзоланган шериклик ва ҳамкорлик түғрисидаги бу ҳужжат Ўзбекистоннинг жаҳон ҳамжамиятига дадил кириб бориши, ўз ўрни ва овозига эга бўлишида катта аҳамият касб этди. И.А.Каримов қўлга киритилган бу битимни “Ўзбекистон ва Европа Иттифоқи ўртасидаги муносабатларда “янги турмуш нуктаси” деб атади. Мазкур битим Ўзбекистонни Европанинг ривожланган давлатлари билан ҳар томонлама алоқалари, республика салоҳиятини юзага чиқаришда, демократия ва бозор ислоҳотларини амалга ошириш йўлида муваффакиятли ҳаракат қилиш учун катта имконият яратди. Хусусан, Италия, Германия, Франция, Буюк Британия каби илгор давлатлар билан бўлаётган ҳамкорлик давлатларнинг иқтисодий, маданий алоқаларида катта аҳамиятга эга бўлди. Илм-фан, маданият, санъат, таълим соҳасидаги ўзаро ҳамкорликнинг кенг қўламда олиб борилиши ҳам республика тараққиёти учун муҳим омил бўлиб хизмат қилди.

Ўзбекистон Республикаси Ислом конференцияси, Кўшилмаслик ҳаракати каби минтақавий ташкилотлар билан ҳам самарали алоқалар ўрнатди. Булар орасида, айниқса, юздан ортиқ аъзога эга, 1985 йилда тузилган Кўшилмаслик ҳаракати томонидан олиб борилаётган сиёсат Ўзбекистон ташкиси сиёсатининг асосий тамойиллари, халқаро келишмовчиликларни тинч йўл билан ҳал қилиш, турли ҳарбий-сиёсий блоклар фаолиятида қатнашмаслик, тинчликсеварлик каби йўналишларга тўла мос келади. Ўзбекистон бу ташкилотга 105-аъзо бўлиб кирди.

Ўзбекистоннинг миллий манфаатларига мос келадиган пухта ташкиси сиёсатида — жаҳон ҳамжамиятига қўшилиш, хорижий мамлакатлар билан сиёсий, дипломатик, иқтисодий, илмий-техникавий, маданий алоқалар ўрнатиш масалалари долзарб вазифалар қаторига кирди. Шу боис Ўзбекистон жаҳон иқтисодиётида интеграциялашиш йўлидан бориб, Жаҳон банки, Халқаро Валюта

фонди, Халқаро молия корпорацияси, Иқтисодий тарақ-қиётга күмаклашув ташкилоти ва бошқа молиявий иқти-содий ташкилотларга аъзо бўлиб кирди ва улар билан ҳамкорликни йўлга қўйиб олди. Шу билан бирга, Ўзбе-кистон БМТ доирасидаги ихтисослашган муассасалар — Жаҳон соғлиқни сақлаш ташкилоти, Халқаро Меҳнат ташкилоти, Жаҳон интеллектуал мулк ташкилоти, БМТ нинг болалар фонди, Халқаро почта иттифоқи, Электр алоқаси бўйича халқаро иттифоқ, Жаҳон метеорология ташкилоти, Халқаро олимпиада қўмитаси, Халқаро ав-томобилчилар иттифоқи ва бошқа ташкилотлар билан ўзаро алоқаларини тиклаб олди. Уларнинг ваколатхона-лари Республикаизда очилди ва фаолият кўрсатмоқда. Шу кунларда БМТ нинг таълим, илм-фан ва маданият масалаларига ихтисослашган ЮНЕСКО ташкилоти билан Республикаиз ўртасидаги ҳамкорлик муносабатлари му-ҳим аҳамият касб этиб бормоқда. Ўзбекистон 1993 йил ЮНЕСКОга аъзо бўлган эди. (Ўша пайтдаёқ ЮНЕСКО дас-турита буюк мунахжим Муҳаммад Тарагай Улуғбек та-валлудини дунё миқёсида нишонлаш масаласи Ўзбекис-тон билан ушбу ташкилот ўртасидаги ҳамкорликнинг янги асосдаги ривожини бошлаб берди.) 1994 йилга келиб эса, Ўзбекистон Республикасининг ЮНЕСКО ишлари бўйича Миллий комиссияси ташкил этилди ва бу ҳам ўзаро ҳам-корлигимизнинг самарадорлигини оширишда муҳим қадам бўлди. 1996 йилга келиб, Тошкентда ЮНЕСКОнинг вако-латхонаси очилди. Шу ўтган вақтдан бери Ўзбекистон ва ЮНЕСКО ташкилоти ўртасидаги алоқалар йилдан-йилга кенгайиб борди. Айниқса, 1995 йил август ойида ЮНЕС-КО Бош директори Ф.Майорнинг Ўзбекистонга расмий таш-рифи, унинг Ўзбекистон Республикаси Президенти И.А.Ка-римов билан музокаралари муҳим тарихий воқеа сифати-да тарихга битилди.

1996 йил Ўзбекистон Президенти ҳам ЮНЕСКО қарор-гоҳига расмий ташриф билан борди. Бу ташриф чоғида И.А.Каримов ЮНЕСКО ижроия кенгашининг 149-сессия-сида нутқ сўзлади. ЮНЕСКО нинг Бош директори ва Фран-

ция Президенти иштироқида ЮНЕСКО қароргоҳида “Темурийлар даврида фан, маданият ва маърифатнинг гуллаб-яшнаши “ кўргазмаси очилди.

Ўзбекистон билан ЮНЕСКО нинг ўзаро ҳамкорлиги кенгайиши натижасида ЮНЕСКО иштироқида Марказий Осиё тадқиқотлари халқаро институти очилди, 2000 йил 28 декабрда эса Шахрисабз ЮНЕСКО рўйхатига киритилди. Шахрисабз бу рўйхатга киритилган республика миздаги учинчи шаҳар бўлди. Бундай алоқалар, ўз навбатида, муносабатларимизни янада юқори поғонага кўтариб, ҳамкорлигимиз соҳаларини кенгайтирди. Мустакиллик йиллари республикада ўтказилган барча тадбирларда ЮНЕСКО иштирок этди. Амир Темур таваллуд топган куннинг 660 йиллиги, Аҳмад Фарғоний, Имом Бухорий, Жалолиддин Мангуберди каби буюк шахсларнинг юбилей тантаналари, Бухоро ва Хива шаҳарларининг 2500 йиллиги, “Алпомиш” достонининг 1000 йиллиги каби тадбирлар бевосита ЮНЕСКО ҳомийлигига ўтказилди.

Мустакил Ўзбекистон 2001 йилнинг июнь ойида «Шанхай бешлиги» деб юритилган халқаро ташкилотнинг XXRнинг Шанхай шаҳрида чақирилган Саммитида бу ташкилотнинг тўла хукуқли аъзоси бўлди. 1998 йили ташкил әтилган «Шанхай бешлиги»га — Хитой, Россия, Қозоғистон, Қирғизистон ва Тожикистон Республикалари аъзодир. Шундан кейин ташкилот Шанхай Ҳамкорлик Ташкилоти (ШХТ) номи билан юритилиб, ҳар томонлама ҳамкорлик ўрнатиш, айни бир вақтда халқаро терроризм ва экстремизмга қарши кураш ташкилотнинг фаолият марказида турадиган бўлди. Терроризмга қарши кураш қароргоҳи (штаби) Бишкекдан Тошкентга кўчирилди. Ташкилотнинг аниқ вазифалари Ташқи ишлар, Мудофаа вазирликлари кенгашларида ҳал қилинади.

2005 йилнинг 2 июль куни Қозоғистоннинг Астана шаҳрида Шанхай Ҳамкорлик Ташкилотининг ўнинчи учрашуви бўлиб ўтди. Саммитда доимий аъзо давлат раҳбарларидан ташқари Мўғулистон Республикасининг вакили ку-

затувчи сифатида қатнашди. Кенгаш Ҳиндистон, Покистон ва Эрон давлатларини ташкилотга кузатувчи сифатида қабул қилди ва уларнинг вакиллари саммитда иштирок этди. Астана учрашуви қатнашчилари «Терроризм ва экстремизмга қарши қураш концепцияси»ни яқдиллик билан қабул қилдилар, ўзаро иқтисодий алоқаларни кенгайтириш тўғрисида хужжатларни имзоладилар.

2006 йил июнь ойида Шанхай ташкилотига аъзо мамлакатлар давлат раҳбарларининг навбатдаги саммити бўлиб ўтди. Саммитда ШХТни янада ривожлантириш, минтақавий аксилтеррор тузилма ва ишбилармонлар кенгаши фаолиятини такомиллаштириш, аъзо давлатлар ўртасида сиёсий, савдо-иқтисодий, ижтимоий-маданий алоқаларни кенгайтиришга оид масалалар муҳокама қилинди ва бир неча битимлар имзоланди.

Кейинги йилларда ёш мустақил давлатлар ичida Марказий Осиё давлатлари учун дини, урф-одатлари ва анъ-аналари яқин бўлган Шарқ мамлакатлари билан ўзаро алоқалар олиб бориш имкониятлари бу мамлакатлар ўртасидаги муносабатларни кенгайтириди. Бу ўринда, биринчи навбатда, Саудия Арабистони билан алоқаларни айтиб ўтиш ўринлидир. Шунингдек, Ўзбекистон 1992 йил 6 февралда Туркия, Покистон, Эрон томонидан тузилган иқтисодий ҳамкорлик ташкилотига аъзо бўлиб кирди ва 1992 йил Эрон, Туркия, Покистон, Туркманистон, Козогистон давлат ва ҳукумат раҳбарлари билан имзоланган “Транс-Осиё” темир йўл алоқасини тиклаш мақсадида Тажан-Сераҳс-Машҳад йўли қурилиши ҳақидаги битимда фаол иштирок этди. Бу Ўзбекистон учун денгиз йўллари, ҳалқаро транспорт тармоғи, товар ва капитал ҳалқаро бозорига чиқиш имкониятини берди. Араб мамлакатлари билан олиб борилган алоқалар маданий ва диний томондан ҳам узвий боғлиқ бўлди. Бу йўлдаги ҳаралатлар натижасида савдо-сотик, туризмни ривожлантириш ва кадрларни ўқитиши имкониятларига йўл очилди.

Ўзбекистоннинг Хитой Ҳалқ Республикаси билан ҳам алоқалари кенгайиб бериб, бу икки давлат ўртасидаги

ўзаро манфаатли ҳамкорлик бир-бирининг ишига аралашмаслик тамойилига асосланди. Хитой Халқ Республикаси Ўзбекистон мустақиллигини биринчилардан бўлиб, 1991 йил 27 декабрда тан олди ва 1992 йили 2 январда дипломатик алоқалар ўрнатди. 1992 йилда икки мамлакат ўртасида ҳамкорлик алоқалари ўрнатилгандан кейин иқтисодиёт, савдо, фан ва техника, маданият ва санъат соҳасида ўзаро манфаатли ҳамкорлик жадал ривожланиши учун кўпдан-кўп имкониятлар вужудга келди. Ўзбекистон Республикаси Президентининг бир неча бор XXР га қилган давлат ташрифлари, хусусан, 1992 йилнинг май ойида, 1994 йил октябрь, 1999 йилнинг ноябрь, 2006 йил июнь оидаги маҳсус ташрифлари, XXР Давлат Кенгаши раиси Ли Пеннинг 1994 йил апрелидаги, XXР хукумати раисининг муовини Ху Цзин Таонинг 1995 йил октябрдаги, XXР раиси Цзянь Цзе Миннинг 1996 йил июнидаги Тошкентга қилган Маҳсус ташрифлари натижасида икки мамлакат ўртасида сиёсий, иқтисодий-ижтимоий соҳадаги ҳамкорликлар, Хитой инвестицияси билан ишлаётган корхоналар, шу жумладан, қўшма корхоналар кўпайиб бормоқда. Икки давлат ўртасида ташриф, олий таълим соҳасидаги ҳамкорлик ҳам кенгаймоқда. Хусусан, 1977 йили Ўзбекистон Жаҳон тиллари университетида Хитой тили бўлими очилган эди. 2004 йили икки давлат Тошкентда институт очишга келишган эди, натижада 2005 йили Конфуций номидаги Хитой Институти очилди. Маданий алоқаларда фан, маданият, санъат ахлининг ўзаро фойдали ҳамкорлигини кучайтириш борасида ҳам турили-туман тадбирлар амалга оширилди. Тошкент ва Самарқандда ўtkазиладиган ҳалқаро кино ҳамда мусиқа анжуманларида икки давлат маданият арбобларининг иштироки ҳам фикримизнинг далилидир. Ўзбекистон Президенти Ислом Каримовнинг XXРга 2005 йилнинг июнь оидаги ташрифи икки давлат ўртасидаги муносабатларнинг янги, юқори босқичини очди. И.Каримов ва XXР раиси Ху Цзин Тао ўртасида Ўзбекистон ва Хитой Халқ Республикасида стратегик шерикчилик тўгрисида битим имзо-

ланди. Ўзбекистонда энергетика-ёқилғи саноатини ривожлантириш, халқаро терроризм ва диний экстремизмга қарши кураш түғрисида тузилган битимлар алоҳида аҳамият касб этади.

Президентимизнинг жаҳондаги турли мамлакатларга ташрифи Ўзбекистоннинг халқаро майдондаги мавқеини янада мустаҳкамлашда муҳим аҳамият касб этмоқда. Масалан, Президентнинг Япония, АҚШга ташрифи давомида бу мамлакатлар билан ўзаро ҳамкорлик масалалари ҳал этилди. Бу ўринда АҚШ билан бўлаётган ўзаро алоқаларга тұхталиб ўтмоқ жоиз. Дунёнинг етакчи давлати, жуда катта сиёсий, иқтисодий, ҳарбий-техникавий, интеллектуал салоҳиятга эга бўлган АҚШ билан ҳар томонлама муносабатларни ривожлантириш ва чукурлаштириш мамлакатимиз учун муҳим аҳамиятга эга. Шу сабабли ҳам икки давлат учун муҳим бўлган йўналишлардаги муносабатлар изчиллик билан ривожланди. Ўзбекистон раҳбариятининг 1995 йил АҚШ вице-президенти Альберт Гор билан учрашуви давомида Ўзбекистон ва АҚШ ўртасида тенг ҳуқуқли ва ўзаро манфаатли алоқалар ривожига ҳамда МДҲдаги хавфсизликка даҳлдор масалалар ҳал этилди. Айни пайтда, АҚШ Ўзбекистоннинг Марказий Осиёда тинчлик ва барқарорликни таъминлашдаги етакчилик ролини тан олиб, республикамиз билан терроризм, наркобизнесга қарши кураш, минтақавий хавфсизлик ва И.Каримовнинг АҚШга ташрифи чоғида муҳокама этилган бошқа масалалар соҳасида тенг ҳуқуқли ҳамкорликни ривожлантириш ниятида эканлигини маълум қилди.

Ўзбекистон раҳбарининг 1996 йил июнь, 2002 йил март оидида АҚШга қилган етти кунлик ташрифи Ўзбекистон ташки сиёсатида ўзига хос ўрин тутади. Мазкур ташриф давомида Ўзбекистон ва АҚШ ўртасидаги алоқаларни ривожлантириш, ҳамкорликнинг ҳуқуқий асосларини кенгайтириш, Марказий Осиёда барқарорлик ва хавфсизлик масалаларига оид фикрлар юритилди. Сиёсий жиҳатдан ушбу ташрифнинг аҳамияти шундан иборат бўлдики, Ўзбекис-

тон раҳбарияти АҚШда камдан-кам қўлланадиган удум — мукаммал аскарий ташрифот билан кутиб олинди.

Ҳеч бир мамлакат иқтисодий ҳамкорликсиз ривожлана олмаслигини ҳозирги кун воқеалиги исботлаб турибди. Ўзбекистон раҳбариятининг бу вазиятта чуқур ёндашиши орқали ташки иқтисодий алоқаларда Республикализ иқтисодиётiga хорижий сармояларни жалб этишга катта аҳамият берилди. Иқтисодиётга хорижий сармояларни жалб этишда Ўзбекистон қуйидаги тамойилларга амал қиласди:

- ташки иқтисодий фаолиятни эркинлаштириш;
- Ўзбекистон иқтисодиётiga хорижий сармоядорларни кенг жалб қилишни таъминлайдиган ҳуқуқий ижтимоий, иқтисодий шарт-шароитлар яратиш, ташкилотлар ва муассасалар тузиш;
- илфор технологиянинг кириб келиши, ҳужалик таркибини замонавийлашишига кўмаклашадиган хорижий сармояларга нисбатан “очиқ эшиклар” сиёсатини ўтказиш;
- республика мустақиллигини таъминлайдиган ўта муҳим соҳаларни ишлаб чиқариш воситалари билан таъминлаш ҳамда рақобатбардош маҳсулот ишлаб чиқаришга қаратиш.

Ўзбекистоннинг ташки иқтисодий алоқаларни кенгайтириш ва бу алоқаларни эркинлаштиришни ҳуқуқий жиҳатдан таъминлашда қонунларнинг аҳамияти катта бўлди. “Ташки иқтисодий фаолият тўғрисида”, “Чет эл инвестициялари тўғрисида”ги ва “Хорижий инвесторлар ва инвестицияларга кафолат бериш тўғрисида”ги, “Банкротлик тўғрисида”ги қонунлар шулар жумласига киради. Шу қаторда бу республика чет эл инвестицияларини ишончли сугурта билан ҳимоялашни ҳам таъминлади. Ушбу ҳуқуқий ҳужжатлар ташки иқтисодий фаолиятни кенгайтириш, халқаро шартномалар тузиш ва уларни бажариш учун шарт-шароитлар яратди. Амалдаги қонунлар чет эллик инвесторлар учун кафолатлар билан бир қаторда, солиқ соҳасида кенг имтиёzlар берди. Биринчи навбатда, Ўзбекистон иқтисодига умумий ҳажми 50 миллион доллардан ортиқ микдорда қилинадиган инвестиция-

лар бож тўлашдан озод қилинди. Бу инвестицияларнинг давлат инвестиция дастурига киритилган лойиҳалардаги иштироки натижасида етти йил мобайнида фойдадан солик тўлаш ва корхоналар даромадининг ишлаб чиқаришни кенгайтиришга ва технология билан қайта жиҳозлашга сарфланадиган қисми солик тўлашдан озод қилинди. Ишлаб чиқарилган товарларни импорт ва экспорт қилиш учун божхона тўловлари анча камайтирилди.

Шу ўринда айтиб ўтмоқ лозимки, чет эллик инвесторларга ёрдам кўрсатиш мақсадида Ўзбекистонда ихтиносослаштирилган ташкилотлар ва муассасалар тармоғи ташкил этилди. Булар қаторида “Ўзбекинвест” Миллий экспорт-импорт сугурта компанияси, чет эл инвестициялари бўйича агентлик, товар ишлаб чиқарувчилар ва тадбиркорлар палатаси катта аҳамиятга эга бўлди.

Ана шундай яратилган қулай шарт-шароитлар, имкониятлар натижасида Ўзбекистон хукумати жаҳондаги нуфузли давлатлар — Германия, ХХР, Туркия, Япония, Италия, Бубк Британия билан ўзаро манфаатли алоқалар ўрнатди.

Ўзбекистоннинг ташки иқтисодий алоқаларда ўз мавқеига эга бўлиб бориши қувонарли ҳолдир. Бу ўринда мустақилликнинг дастлабки кунларидан бошлаб АҚШ билан ўзаро ҳамкорлик ва иқтисодий алоқаларни кент миқёсда олиб борилиши хусусида тўхтаб ўтмоқ лозим. Ўзбекистонда мустақилликнинг дастлабки йилларидан АҚШ билан Ўзбекистон ўртасида имзоланган ўзаро манфаатли шартномалар асосида Ўзбекистонга АҚШнинг сармоялари кириб келди. Бу сармоялар иштирокида республикада кўшма корхоналар ташкил қилиниб, фаолият юритмоқда. Ўзаро тузилган шартномаларга кўра АҚШ Ўзбекистондаги бепоён ер ости ва ер усти бойликларини ўзлаштириш учун катта сармоя маблағларни ажратишни ўз зиммасига олди, натижада республикага Американинг замонавий техникаси кириб келди. Ўзбекистонда Американинг “Ньюмонт-Майнинг” компанияси билан ҳамкорлик-

да олтин қазиб оладиган “Зарафшон-Ньюмонт” қўшма корхонаси қуриб ишга туширилди.

Шунингдек, хорижий сармоялар иштирокида Ўзбекистонда “СамҚучавто”, “ЎзДЭУавто”, “Кўкдумалоқ” компрессор станцияси, Бухоро нефтни қайта ишлаш заводи қурилди.

Жанубий Корея сармоядорлари билан “ЎзДЭУавто”, “ЎзДЭУ электроникс” ҳиссадорлик бирлашмаларининг фаолияти натижаси ўлароқ Ўзбекистон жаҳондаги автомобиль ишлаб чиқарувчи 28 мамлакат қаторидан ўрин эгаллади ва юқори баҳоларга сазовор бўлди. Бу мамлакат билан ҳамкорликда телефон тармоқлари янгиланди.

Ўзбекистон билан Корея ўртасидаги халқаро алоқалар 1992 йилда бошланган бўлиб, у асосий савдо-иқтисодий шериклардан саналади. 2005 йилга келиб, икки давлат ўртасидаги ўзаро товар айирбошлиш ҳажми 38 физга ошган ҳолда Кореяning Ўзбекистонга киритган сармояси 1,5 миллиард доллардан ошди. Жанубий Корея Республикаси киритган сармоялар билан ишлаётган корхоналар 2006 йилга келиб 138 тага етди. Хусусан, Корея Республикаси томонидан ажратилган имтиёзли кредитлар миқдори 77 миллион АҚШ долларини ташкил этиб, бу маблаг телекоммуникация тармоқларини ривожлантириш, икки юздан зиёд колледжни ўқув жиҳозлари билан таъминлаш, уларнинг моддий-техника базасини мустаҳкамлашга йўналтирилди.

### **Ўзбекистоннинг МДҲдаги ўрни ва мавқеининг ошиб бориши**

1991 йил 8 декабрда Минск шаҳри яқинидаги Иттифоқнинг барҳам топиши муносабати билан Мустақил Давлатлар Ҳамдўстлигига асос солинди. МДҲнинг вужудга келиши ҳақидаги хужжатга дастлаб Россия Федерацияси, Украина ва Белоруссия давлатлари имзо чекдилар. 13 декабря Ашхободда ўтган Ўтра Осиё ва Қозогистон Республика раҳбарларининг Кенгаши ҳамдўстликни кенгайтириш зарур деб топди. Натижада, шу йили 21 декабря Алматида ўтган учрашувда МДҲ битимини

жами 11 давлат имзолади. Улар бу битимда давлатларнинг худудий бутунлигини тан олиш, амалдаги чегаралар, уларнинг очиклиги, фуқароларнинг ҳаракати эркинлиги, ҳалқаро тинчлик ва ҳавфсизликни таъминлаш, ҳарбий ҳаракат ва қурол-яроғ тарқатишни олдини олишда биргаликда ҳаракат қилишга келишиб олдилар.

МДХ аъзоларининг биргаликдаги ҳаракатларига қўйидаги вазифалар киритилди:

- ташқи сиёсий фаолиятларини мувофиқлаштириш, мудофаа сиёсати ва ташқи чегарани муҳофаза қилиш;
- умумий иқтисодий муҳитни ривожлантириш ва Умумевропа, Евросиё бозорини шакллантириш;
- иқтисодий ислоҳот ўтказиш;
- божхона сиёсатини бирга олиб бориш;
- транспорт, алоқа, энергетика тизимларини ривожлантириш;
- экологик, атроф-муҳит ҳавфсизлигини таъминлаш;
- уюшган жиноятчиликка қарши курашиш.

Ўзбекистон Республикаси ўз ташқи сиёсатида Ҳамдўстлик мамлакатлари билан икки томонлама ҳамкорликни йўлга қўйиш ва ривожлантиришга алоҳида аҳамият берди. Ўзбекистон ҳам давлатлараро банк ва бошқа ҳамдўстлик иқтисодий тузилмаларининг шаклланишида фаол иштирок этди. “Мустақил Давлатлар Ҳамдўстлигини ташкил қилувчи мамлакатлар билан бевосита ва кўп томонлама муносабатларни ривожлантириш,— деган эди И.А.Каримов, — ташқи сиёсатимизнинг устувор йўналишларидан биридир”.

Ўзбекистон Президенти И.А.Каримов ўз асарларида МДХ доирасидаги ҳамкорликка катта эътибор бериб, Ўзбекистоннинг МДХ доирасидаги иштирокини қўйидаги ҳолатларини белгилаб берган эди:

- янги мустақил давлатларнинг кўп йиллар мобайнида таркиб топган муносабатлари чукурлашиши ҳалқаро майдондаги вазиятнинг чигаллашишига олиб келиши мумкинлиги;
- республика иқтисодиёти ягона транспорт ва энергетика тизимига эга бўлган собиқ умумиттифоқ иқтисо-

дий макони доирасида шаклланганлиги, мустақиллик йилларида бўлса, МДХ доирасидаги давлатларнинг ўзаро алоқаларини узиб қўйиши ишлаб чиқариш ҳажмларининг пасайиб кетишига олиб келиши мумкинлиги;

— МДХ доирасидаги давлатларда чегараларнинг очиклигини сақлаб қолиш республикада ижтимоий-иктисодий барқарорлик ва миллатлараро муносабатларда тутувликни таъминлашда муҳим роль ўйнаши;

— ёш мустақил давлатларнинг ўзаро ҳамкорлиги халқаро мақомда ўз мавқеини сақлаб қолиши учун муҳим омил бўлиб ҳисобланиши.

1991-2000 йилларда МДХ давлатлари бошлиқларининг 30 га яқин кенгашлари бўлиб ўтди ва муҳим ҳужжатлар имзоланди. Улар орасида хавфсизлик масалалари, тинчликни сақлаш, иқтисодий ҳамкорликни йўлга қўйиб олиш учун давлатлараро иқтисодий қўмита тузиш, иқтисодий интеграцияни тўлақонли амалга ошириш, божхона ва иттифоқ тўлови масалаларини изга солиб олиш масалалари муҳим ўрин эгаллади. Ўзбекистон МДХ доирасида сиёсий, иқтисодий, маданий соҳалар бўйича шартнома ҳамда келишувларни Россия, Украина, Белоруссия, Молдавия ва бошқа мамлакатлар билан имзолаб, ўзаро манфаатли ҳамдўстлик алоқалари учун мустаҳкам асос яратди.

Ўзбекистон МДХ давлатлари билан ҳамкорликда иқтисодий минтақалараро муносабатларни мустаҳкамлашга киришар экан, уларнинг сиёсий мустақиллигига дахл қиласлик нуқтаи назаридан ёндашди. 1992 йил май ойида МДХ давлат раҳбарларининг Тошкент учрашувида Ўзбекистон Республикаси Президенти И.А.Каримов ташаббуси билан бошланган колектив хавфсизлик тўғрисидаги шартноманинг имзоланиши, МДХга аъзо давлатлар ўртасидаги алоқаларнинг янги босқичга қўтарилишига сабаб бўлди. 1993 йил МДХ давлатлари билан имзоланган “Иқтисодий иттифоқ” ҳакидаги шартнома ҳам бу давлатларнинг иқтисодий тараққиёти ва ўзаро ҳамкорликларининг янада мустаҳкамланишига катта таъсир кўрсатди.

Айни вақтда, Ўзбекистон 1996 йил Венада собиқ Итти-

фоқдош давлатлар Грузия, Украина, Озарбайжон, Молдова давлатлари асос солган ўзига хос тузилмага ҳам 1999 йил апрель ойида аъзо бўлди. Натижада, бу тузилма унга уюшган давлатларнинг номидан олинган бош ҳарфлар асосида ГУУАМ деб юритила бошланди. Мазкур тузилма минтақавий ҳамкорлик доирасидаги Осиё-Кавказ-Европа транспорт йўлагини ривожлантириш, иқтисодий ҳамкорликни кенгайтиришни ўз олдига мақсад қилиб олди. 2001 йил июнь ойида ана шу ташкилотга аъзо давлатларнинг учрашуви бўлиб, унда Ўзбекистон ҳам иштирок этди. Ялтада бўлиб ўтган Саммитда ҳамкорликни мустаҳкамлашга доир айрим масалалар қўриб чиқилди.

Сўнгти йилларда ГУУАМ давлатлари кўпчилигининг ички ва ташки сиёсатида кескин ўзгаришлар юз бериши оқибатида Ўзбекистон бу ташкилотга аъзолигини бекор қилди.

Мустақиллик йилларида Россия Федерацияси билан Ўзбекистон ўртасидаги ўзаро манфаатли ва тенг ҳуқуқли ҳамкорлик яхши самара бераётганини таъкидлаб ўтмоқ жоиздир. Бу икки мамлакат ўртасидаги 1992 йил ўрнатилган дипломатик алоқалардан сўнг сиёсий, иқтисодий соҳаларда 150 дан ортиқ шартномалар имзоланди. Россия Федерацияси бош вазири В.Черномирдин, кейинроқ Е.Приамков, 1998 йил Россия Федерацияси президенти Б.Ельцин, 1999 йил декабрь ва 2000 йил май ойларида президент В.В.Путиннинг Ўзбекистонга қилган ташрифлари Россия ва Ўзбекистоннинг ўзаро иқтисодий ҳамкорликларини йўлга қўйиш, диний экстремизм ва халқаро терроризмга қарши биргаликда курашида алоҳида ўрин тутди.

2003 йилнинг августида икки мамлакат Президентларининг навбатдаги учрашуви Самарқанд шаҳрида бўлиб ўтди. Учрашувда Россиянинг «Газпром» ва «Лукойл» компанияларининг Ўзбекистонда нефть ва газ манбаларида қидирув ишлари олиб бораётган корхоналарни техника жиҳатидан қайта қуриш масалалари муҳокама қилинди. Икки давлат ўртасидаги товар алмашуви 2002 йили бир миллиард АҚШ долларини ташкил этган бўлса, 2003 йили бу кўрсаткич 25 фоизга ошиди.

2004 йили Россия ва Ўзбекистон ўртасидаги муносабатлар яна ҳам мустаҳкамланди. Шу йили икки давлат Президентлари жами етти марта учраши. Ўзбекистонга 32 маротаба Россия ҳукумати делегациялари ташриф буюрди, шу жумладан, Россия давлати Ҳавфсизлик Кенгашининг Раиси, Мудофаа, Ташқи ишлар, Транспорт вазирлари ўзбекистонлик давлат раҳбарлари билан муҳим масалалар бўйича битимлар тузди. 16 июнь куни И.Каримов ва В.Путин учрашуви натижасида стратегик ҳамкорлик тўғрисида Битим тузилди. Бунда сиёсий, ҳарбий, ҳарбий-техника, иқтисодий-ижтимоий ва бошқа масалалар бўйича алоҳида битимлар имзоланди. Ёқилғи-энергетика соҳасида нефть ва газ қидирув ишларини бир миллиард доллар, «Газпром» ва “Узнефтъгаз” бирлашмаси ўртасида мавжуд ёқилғи корхоналарини техник жиҳатдан қайта қуриш учун 1 миллиард 200 миллион доллар ҳажмда иш бажаришга келишилди. 2005 йил октябрда Москвада Ўзбекистон Президенти И.Каримов ва Россия Федерацияси Президенти В.Путин ўртасидаги учрашув икки томонлама алоқаларни юқори поғонага кўтарди.

Бундай учрашувлар Украина билан ҳам кенг йўлга қўйилди. 1994 Украина президенти Леонид Кучма давлат ташрифи билан Тошкентга келди. Ўзбекистон ва Украина давлат раҳбарлари ўртасидаги ўзаро мулокотда иқтисодий ҳамкорлик, транспорт, саноат, қишлоқ хўжалиги, минерал ҳом ашё қазиб олиш, фан-техника тараққиётидаги ютуқларда ўзаро ҳамкорликни амалга ошириш бўйича тузилган битимларни амалга ошириш билан алоқадор бўлган масалалар асосий ўрин эгаллади. Нафакат иқтисодий, балки маданий алоқалар ҳам йўлга қўйилди. Леонид Кучма ўзининг Ўзбекистонга ташрифи давомида Ўзбекистон байналмилал маданий марказида ҳам бўлди. Ўз навбатида, Ўзбекистон Президенти ҳам Украина сафарлар уюштириди. Бу икки давлат ўртасидаги алоқалар ҳозирги кунга қадар давом этиб, товар айирбошлиш ҳажми 300 миллион АҚШ

долларидан ошди. Ўзбекистон Украинага рангли металл, газлама ва бошқа турдаги маҳсулотларни етказиб берган бўлса, Украинадан Ўзбекистонга техника асбоб-ускуналари келтирилди. Бугунги кунда Ўзбекистонда 20 дан ортиқ ўзбек-украина қўшма корхоналари ишлаб турибди.

2001 йил МДҲ ташкил топганлигининг 10 йиллиги муносабати билан Россия давлати пойтахтида МДҲ давлатлари раҳбарлари иштирокида Саммит ўз ишини бошлади. Саммитда ўтган вақт мобайнида қилинган ишлар сарҳисоб қилинди ва ўзаро саводдаги чеклашларни бартараф этиш, товарлар ва хизматлар оқимини кўпайтириш учун ахборот-маркетинг марказларини тузиш, таълим, маданият, солик, божхона соҳаларида фаолият кўрсатувчи муассасалар, хўжалик судлари ҳамкорлигини кенгайтириш масалалари муҳокама этилди. Саммит иштирокчилари МДҲ тузилганлигининг ўн йиллиги муносабати билан ҳамда Афғонистондаги вазиятга доир Баёнотга имзо чекдилар. Ўзаро ҳамкорлик доирасидаги бундай учрашувлар, ўз навбатида, ҳамкорлик, давлат чегарасини ҳимоя қилиш, МДҲ доирасидаги давлатларнинг фан-техника тараққиётидаги ютуқларидан ўзаро кенг фойдаланиш, иқтисодий алоқаларни кенг қамровли олиб бориш, экологик муаммоларни ҳал этишда муҳим омил бўлиб хизмат қиласди.

## **Халқаро терроризм ва экстремизмга қарши курашда Ўзбекистоннинг тутган ўрни**

XX аср охири XXI аср бошлари халқаро терроризмга қарши кескин кураш даври бўлди. Бу курашга Ўзбекистон ўзининг катта ҳиссасини қўшмоқда.

Ўзбекистон раҳбарининг юксак минбардан туриб киритган халқаро миқёсда манфаатли бўлган таклифлари жаҳон ҳамжамияти томонидан қўллаб-кувватланди. 1995 йил 16 сентябрда Тошкентда БМТнинг Марказий Осиёда хавфсизлик ва ҳамкорлик масалаларига багишлиланган семинар-кенгашни иш бошлади. Дунёning бир қатор давлатлари ишти-

рок этган бу семинарда Ўзбекистон раҳбарининг сўзлаган нутқи бош ҳужжат сифатида қабул қилинди. И.А.Каримов бу учрашувнинг “Тинчлик, Барқарорлик, Ҳамкорлик” шиори остида ўтаётганини мамнуният билан изҳор қилиб, бу учрашув минтақавий барқарорликни таъминлашда муҳим йўл бўлиб хизмат қилишига ишонч билдириди.

Халқаро муносабатлар равнақи мамлакатимиизда хавфсизлик ва барқарорлик, аҳоли турмуш даражасини юксалтиришнинг ўзига хос кафолати эканлиги ҳеч кимга сир эмас. Шу боис ҳам Ўзбекистон раҳбариятининг ташқи сиёсатда минтақавий барқарорликни сақлаб қолиш мақсадида илгари сурган ташабbusлари кўпгина давлатлар ва БМТ томонидан доимо тасдиқланиб келинди. БМТ Бош Ассамблеясининг сессияларида, Европада Хавфсизлик ва Ҳамкорлик Ташкилоти саммитидаги йиғилишларда Ўзбекистон Президентининг киритган аниқ ташабbusлари, минтақа хавфсизлигини таъминлашга қаратилган таклифи БМТ бошчилигидаги “6/2” гурухининг тузилишига асос бўлган эди. (Ўзбекистон, ХХР, Россия, Эрон, Покистон, Тоҷикистон, кузатувчи сифатида БМТ, Бирлашган фронт ва “Толибон” ҳаракати) Ушбу гурухнинг 1999 йил июль ойида Тошкентда ўтказилган учрашуви муҳим халқаро воқеа бўлдики, бу учрашув минтақанинг ўзида бўлиб ўтди. Учрашувнинг якуни сифатида 19 июль куни “Афғонистондаги можароларни тинч йўл билан ҳал қилишининг асосий принциплари тўғрисидаги” тарихий ҳужжат имзоланди. Ушбу ҳужжат БМТнинг расмий ҳужжати сифатида тарқатилди. Мазкур анжуман Ўзбекистон раҳбариятининг кўп йиллик саъй-ҳаракатлари натижаси эди. Ўзбекистон раҳбариятининг тинчлик йўлидаги ҳаракатлари мазкур учрашувдан, Афғонистонда муҳолиф кучлар ўртасида бошланган жанговар ҳаракатларнинг олдини олиш учун Республика Ташқи ишлар вазирлигининг Баёнотида ҳам яққол кўзга ташланди. Мазкур Баёнотда ўзаро қон тўкилишининг оқибатлари ҳақида жиддий ташвишланган

ҳолда мухолиф томонларнинг ҳаракатлари қораланди. Буларнинг барчаси дунё ҳамжамияти олдида Ўзбекистоннинг тинчлик йўлидаги реал ҳаракатларининг асоси сифатида яққол кўзга ташланиб қолди.

### **Такрорлаш учун саволлар**

1. Ўзбекистон давлат мустақиллигини қўлга киритишига хизмат қилган омилларни санаб беринг.
2. Мустақиллик арафасида ва мустақилликнинг дастлабки йилларида Ўзбекистонда давлат бошқаруви соҳасида қандай ислоҳатлар амалга оширилди ва нима учун?
3. Ўзбекистонда иқтисодий ривожланиш учун қандай реал шарт-шароитлар мавжуд?
4. Ўзбекистонда миллий-маданий меросни тиклашга, тарғиб қилишга катта эътибор қаратилмоқда. Бунинг сабаби нимада?
5. Мустақиллик йилларида Ўзбекистон халқаро майдонда қандай мавқега эга бўлди?
6. Ўзбекистонда кадрлар сиёсати қандай тамойилларга асосланиб амалга оширилмоқда?

### **Адабиётлар**

1. Каримов И.А. Ўзбекистоннинг 16 йиллик мустақил тараққиёт йўли. Ўзбекистон Республикаси Олий Мажлиси, Вазирлар Маҳкамаси ва Президент Девонининг Ўзбекистон мустақиллигининг 16 йиллигига бағищланган қўшма мажлисидаги маъруза. // Халқ сўзи, 2007 йил 31 август.
2. Каримов И.А. Юксак маънавият — енгилмас куч. -Т.: “Маънавият”, 2008.
3. Каримов И.А. Ватанимизнинг босқичма-босқич ва барқарор ривожланишини таъминлаш — бизнинг олий мақсадимиз. (Ўзбекистон Республикаси Конституцияси қабул қилинганининг 16 йиллигига бағищланган тантанали маросимдаги маъруза.). // Халқ сўзи, 2008 йил 6 декабрь.
4. Каримов И.А. Ўзбекистон Конституцияси — биз учун демократик тараққиёт йўлида ва фуқаролик жамияти барпо этилишида мустаҳкам пойdevordir. Ўзбекистон Республикаси Кон-

ституцияси қабул қилинганининг 17 йиллигига багишланган тан-  
таали маросимдаги маъруза. // Халқ сўзи, 2009 йил 6 де-  
кабрь.

5. Азизхўжаев А.А. Чин ўзбек иши. -Т.: "Академия", 2003.
6. Левенчук Л., Дональд, Карлайл С. Ислом Каримов — Янги  
Ўзбекистон Президенти. -Т.: "Ўзбекистон", 1996.
7. Миллий истиқлол гояси: асосий тушунча ва тамойиллар. -Т.:  
"Ўзбекистон", 2000.
8. Ўзбекистоннинг янги тарихи. Учинчи китоб. Мустақил Ўзбекис-  
тон тарихи. -Т.: "Шарқ", 2000.
9. Ўзбекистон Республикаси: мустақил давлатнинг бунёд бўли-  
ши. -Т.: "Ўзбекистон", 1999.
10. Ўразаев Ш. Мустақил Ўзбекистоннинг Конституцияси. -Т.:  
"Адолат", 1999.
11. Ўзбекистон тарихи. -Т.: "Унивёрситет", 2003.
12. Тарих, мустақиллик, миллий гоя. — Т.: "Академия", 2001.

## Фойдаланилган адабиётлар рўйхати

- Каримов И.А. Ўзбекистоннинг ўз истиқолол ва тараққиёт йўли. Т.: “Ўзбекистон”, 1992.
- Каримов И.А. Ўзбекистон бозор муносабатларига ўтишнинг ўзига хос йўли. -Т.: “Ўзбекистон”, 1993.
- Каримов И.А Истиқолол ва маънавият. -Т.: “Ўзбекистон”, 1994.
- Каримов И.А Ўзбекистон иқтисодий ислоҳотларни чуқурлаштириш йўлида. -Т.: “Ўзбекистон”, 1995.
- Каримов И.А. Ўзбекистоннинг сиёсий-ижтимоий ва иқтисодий истиқболининг асосий тамойиллари. -Т.: “Ўзбекистон”, 1995.
- Каримов. И.А. Ватан саждагоҳ каби муқаддасдир. З-ж., -Т.: “Ўзбекистон”, 1996.
- Каримов И.А. Баркамол авлод — Ўзбекистон тараққиётининг пойдевори. -Т.: “Ўзбекистон”, 1997.
- Каримов И.А. Ўзбекистон XXI аср бұсағасида: хавфсизликка таҳдид, барқарорлик шартлари ва тараққиёт кафолатлари. -Т.: “Ўзбекистон”, 1997.
- Каримов И.А. Тарихий хотирасиз келажак йўқ. -Т.: “Шарқ”, 1998.
- Каримов И.А. Маънавий юксалиш йўлида. -Т.: “Ўзбекистон”, 1998.
- Каримов И.А. Ўзбекистон буюк келажак сари. -Т.: “Ўзбекистон”, 1999.
- Каримов И.А. Оллоҳ қалбимиизда, юрагимиизда. “Туркистан-пресс” ахборот агентлиги муҳбириининг саволларига жавоблар. -Т.: “Ўзбекистон”, 1999.
- Каримов И.А. Олий Мажлис II чакириқ I сессияси 2-ийғилишида сўзланган нутқ. “Ўзбекистон овози”, 2000, 12 февраль.
- Каримов И.А.Юксак маънавият — енгилмас куч. -Т.: Маънавият, 2008.
- Абаев В.И. Миф и история в Гатах Зороастра. В кн.: Историко-филологические исследования. -М.: 1974.
- Абдуллаев Р. Миллий сиёсий тоялар тарихидан. // Инсон ва сиёсат, 1991, № 9, 87-94-бетлар.
- Абдулҳамидов А. Орошение в предгорьях Узбекистана. -Т.: 1990.
- Абдураззок Самарқандий. Матлаи саройи мажмаи баҳрайн. 1-2-ж. Т.: “Ўзбекистон”, 2008.
- Абдураимов М.А. Очерк аграрных отношений в Бухарском ханстве в XVI в. — первой половине XIX века, Т.1. -Т.: 1966.
- Абу Райҳон Беруний. Қадимги халқлардан қолган ёдгорликлар. // Танланган асарлар. 1-ж. -Т., “Фан”, 1968.
- Авесто. Яшт китоби. -Т.: “Шарқ”, 2001.
- Алексеев В.П., Першиц А.И. История первобытного общества. -М.: 1990.
- Алимова Д.А. ва б. Ўзбекистон тарихи (1917-1991 йиллар). -Т., “Шарқ”, 2000.
- Алимова Д.А. Джадидизм в Средней Азии. Пути обновления, реформы, борьба за независимость. -Т.: “Ўзбекистон”, 2000.

- Алимова Д. А., Голованов А.А. Ўзбекистон мустабид совет тузуми даврида: сиёсий ва мафкуравий тазијиқ оқибатлари. -Т.: "Ўзбекистон", 2000.
- Амир Саййид Олимхон. Бухоро халқининг ҳасрати тарихи. -Т.: "Фан", 1991.
- Амир Темур жаҳон тарихида. -Т.: "Шарқ", 1996.
- Аннаев Т., Шайдуллаев Ш. Сурхондарё тарихидан лавҳалар. -Т.: "Ўзбекистон", 1997.
- Арриан. Поход Александра. Перевод М.Е.Сергеенко. -М. -Л., 1962.
- Арциховский А. Археология асослари. -Т., 1970.
- Археологлар хикоя қилади. Муаллифлар жамоаси. -Т., 1976.
- Аскаров А.А. Бухоронинг ибтидоий давр тарихидан лавҳалар. -Т., 1973.
- Аскаров А.А. Саппалитепа. -Т.: "Фан", 1978.
- Аскаров А. Энг қадимиш шаҳар. -Т.: "Маънавият", 2001.
- Ахмедов В.А. Ўзбекистон халқлари тарихи манбалари. -Т., 1991.
- Ахмедов Б.А. Ўзбек улуси. -Т., 1991.
- Ахмедов Б.А. Тарихдан сабоқлар. -Т., 1994.
- Аъзамова Г. Сўнгти ўрта асрлар Ўтра Осиё шаҳарларида ҳунармандчилик ва савдо. -Т.: "Ўзбекистон", 2000.
- Аъзамхўжаев С. Туркистон Мухторияти: миллий-демократик давлатчилик қурилиши тажрибаси. -Т.: "Маънавият", 2000.
- Аҳмедов Б., Мукминова Р., Пугаченкова Г. Амир Темур. -Т.: "Университет", 1999.
- Бартольд В.В. Бактрия, Балх и Тохаристан. Соч., т. 7, М., 1972.
- Бартольд В.В. Согд. Соч., т.3. М., 1965.
- Бартольд В.В. Туркестан в эпоху монгольского нашествия. Соч., т. 1. М., 1963.
- Бердяев Н. Смысл истории — М.: Мысль, 1990.
- Беҳбудий. Таңланган асарлар. -Т.: "Маънавият", 1999.
- Бертельс Е. Суфизм и суфийская литература. М., 1986.
- Бичурин Н.Я. Собрания сведений о народах Средней Азии в древние времена. Т.1-3. -М., -Л., 1950.
- Бойс М. Зороастрйцы. Верование и обычай. -М., 1987.
- Борисовский И.И. Древнейшее прошлое человечества. -М., 1980.
- Буниёдов З. Ануштагин хоразмшоҳлар давлати (1097-1231). -Т., Фофур Гулом нашриёти, 1998.
- Бухоро тарихи сахифалари. Бухоро, 1998.
- Бухоро Шарқ дурдоаси. -Т.: "Шарқ", 1997.
- Валидий. Бўлингани бўри ер. Туркистон халқларининг миллий мустақиллик учун кураши тарихидан хотиралар. -Т.: "Адолат", 1997.
- Вамбери Х. Бухоро ёхуд Мовароуннаҳр тарихи. -Т., 1991.
- Ваҳобов М. Ўзбек социалистик миллати. -Т., 1960.

- Гафуров Б.Г., Цибукидис Д.О. Александр Македонский и Восток. -М., 1980.
- Геродот. История в девяти книгах. Перевод и примечания Г.А.Стратановского. -Л., 1972.
- Голованов А.А. Крестьянство Узбекистана: эволюция социального положения. 1917-1937 гг. Т., "Фан", 1992.
- Гумилев Л.Н. Древние тюрки., М., 1967.
- Гумилев Л.Н. Эфталиты и их соседи в IV в.-ВДИ, 1959. № 1.
- Дандамаев М.А. Политическая история Ахеменидской державы. М., 1985.
- Дандамаев М.А. Луконин В.Г. Культура и экономика древнего Ирана. -М., 1980.
- Дьяконов И.М. История Мидии от древнейших времен до конца IV в. до н.э. М.-Л., 1956.
- Дьяконов И.М. Восточный Иран до Кира. В кн.: "История иранского государства". -М., 1971.
- Жадидчилик: ислоҳот, янгиланиш, мустақиллик ва тараққиёт учун кураш (Туркестон ва Бухоро жадидчилиги тарихига янги чизгилар). Даврий тўплам № 1.-Т., "Университет", 1999.
- Жалолиддин Мангуберди. -Т., "Шарқ", 1999.
- Заднепровский Ю.А. Древнеземледельческая культура Ферганы. М.-Л., 1962.
- Зеймаль Е.В. Амударъинский клад. -Л., 1979.
- Зиёев Ҳ.З. Ўрта Осиё ва Сибир (XV-XIX асрлар) Т., 1962.
- Зиёев Ҳ.З. Ўрта Осиё ва Волга бўйлари. -Т., 1965.
- Зиёев Ҳ.З. Туркестонда Россия тажовузи ва хукмонлигига қарши кураш. -Т., "Шарқ", 1998.
- Зиёев Ҳ.З. Ўзбекистон мустақиллиги учун курашларнинг тарихи. -Т., 2001.
- Зиё А. Ўзбек давлатчилиги тарихи (энг қадимти даврдан Россия босқинига қадар). -Т., "Шарқ", 2000.
- Зиёева Д. Туркестон миллий озодлик ҳаракати. -Т.:Faфур Ғулом нашриёти, 2000.
- Ибн Арабшоҳ. Амир Темур тарихи. I-II китоблар. -Т., 1992.
- Иброҳимов А. Бизким, ўзбеклар... -Т., "Шарқ", 1999.
- Иброҳимов Н. Ибн Баттута ва унинг Ўрта Осиёга саёҳати. -Т., 1993.
- Иванов П.П. Очерки по истории Средней Азии (XVI- середина XIX в.) -М., 1958.
- Из истории общественно-философской мысли в Узбекистане. Коллектив авторов. -Т., 1977.
- Исламов У. Пещера Мачай. -Т., 1975.
- Исламов У., Тимофеев В. Культура каменного века Центральной Ферганы. -Т., 1986.

- Исомиддинов М. Сополга битилган тарих. -Т., 1993.
- Исомиддинов М.Х., Сулейманов Р.Х. Еркурган. -Т., 1984.
- Исхоқов М. Унутилган подшолиқдан хатлар. -Т.: "Фан", 1992.
- История Бухары. -Т., "Фан" 1976.
- История Хорезма. -Т., "Фан" 1977.
- История Узбекистана. Т. III (XVI-первая половина XIX века). Коллектив авторов. -Т.: "Фан" 1993.
- История Узбекистана в источниках. Составитель Б.В.Лунин. -Т.: "Фан", 1984.
- История Узбекистана в источниках (VII-XVIII вв.). Составитель Б.В.Лунин. -Т.: "Фан", 1988.
- Итина М.А. История степных племен южного Приаралья. М., 1977.
- Йўлдошев М. Хива хонлигига ер эгалити ва давлат тузилиши. -Т.: 1959.
- Кабанов С.К. Нахшаб на рубеже древности и средневековья (III-VII вв.). -М.: 1977.
- Кабиров А. Сармишойнинг қоятошларидаги расмлар. -Т.: 1976.
- Кабиров Ж., Садуллаев А. Ўрта Осиё археологияси. -Т., 1990.
- Кадурова Т.К. Из истории крестьянских движений в Мавераннахре и Хорасане в VIII-начале IX вв. -Т., 1965.
- Камалиддинов Ш. Историческая география Южного Согда и Тохаристана по арабоязычным источникам IX-начала XIII вв. -Т.: "Ўзбекистон", 1996.
- Касымов А. Васькин И. Основные направления внешней политики Республики Узбекистан. -Т., 1994.
- Квинт Курций Руф. История Александра Македонского. Под. ред. В.С. Соколова. -М., Наука, 1963.
- Клавихо Р.Г. Дневник путешествия в Самарканд ко двору Тимура (1403-1406). -М., 1970.
- Кляшторный С.Г. Древнетюркские рунические памятники как источник по истории Средней Азии. -М., 1964.
- Литвинский Б.А., Соловьев В.В. Средневековая культура Тохаристана. -М., 1985.
- Лунин С.В. Города Южного Согда в VIII-XII вв. -Т., 1984.
- Мавлонов Ў. Марказий Осиёнинг қадимги алоқа ва савдо йўллари. -Т.: "Akademiya", 2008.
- Махмуд ибн Вали. Море тайн относительно доблестей благородных. Пер. Б.А. Ахмедова. -Т.: "Фан", 1977.
- Малов С.Е. Памятники древнетюркской письменности. -М.-Л., 1959.
- Массон В.М. Древнеземледельческая культура Маргианы. МИА, 1959, № 73.
- Массон В.М. Страна тысячи городов. -М., 1966.
- Массон В.М. Средняя Азия и Древний Восток. -М.: Наука, 1964.

- Массон М.Е. Средневековые торговые пути из Мерва в Хорезм и в Маве-рауниахр. Труды ЮГАКЭ, т. УП. Ашхабад, 1966.
- Массон М.Е. Столичные города в области низовьев Каракадарья с древнейших времен. -Т., 1973.
- Мец А. Мусульманский ренессанс. -М., 1973.
- Миллий истиқлол ғояси: асосий тушунча ва тамойиллар. -Т., "Ўзбекистон", 2000.
- Мозийдан таралган зиё. Имом ал-Бухорий. -Т.: "Шарқ", 1998.
- Муаллифлар жамоаси. История государственности Узбекистана. -Т.: "Узбекистан", 2009.
- Муаммар ал-Каззофи. Яшил китоб. -Т., 1992.
- Мўминов А. Амир Темурнинг Ўрта Осиё тарихида туттаган ўрни ва роли. -Т., 1993.
- Мунавварқори Абдурашидхонов. Хотираларимдан. Нашрга тайёрловчи С.Холбоев. -Т.: "Шарқ", 2001.
- Муртазаева Р.Х. К вопросу идеологии независимости в Республике Узбекистан. Тезисы докладов Международной научной конференции. Ташкент, 15-17 апреля, 1997.
- Муртазаева Р.Х. ва б. Ўзбекистон тарихи (Маъruzalар матни). -Т., 2000.
- Мусбюро РКД(б) в Туркестане, 1,2 и 3 Туркестанские Краевые Конференции РКД 1919-1920 гг. введением тов. Рыскулова. -Т., Туркгосиздат, 1922.-92 с.
- Мустабид тузумнинг Ўзбекистон миллий бойликларини талаш сиёсати: тарих шоҳидлиги ва сабоқлари. -Т.: "Шарқ", 2000.
- Мустафа Чокай оғлы. Туркестан под властью Советов (К характеристики диктатуры пролетариата). -Париж, Яш Туркестан, 1935.
- Мустафо Чўқай ўғли. Истиқлол жаллодлари (1917 йил хотиралари). -Т.: Faфур Фулом нашриёти, 1992.
- Муҳаммаджонов А.Р. Қадимги Бухоро. -Т.: "Фан" 1991.
- Муҳаммаджонов А.Р., Неъматов Т.И. Бухоро ва Ҳиванинг Россия билан муносабатлари тарихига доир баъзи манбалар. -Т., 1957.
- Муҳитдинов Н. Кремлда ўтган йилларим. 1-китоб. -Т.: "Ўзбекистон", 1995.
- Муҳаммаджонов А.Р. Қадимги Тошкент. -Т., 1988.
- Муҳаммад Ризо Оғаҳий. Зубдатут-таворих. -Т.: "Ўзбекистон", 2009.
- Муҳаммад Ризо Оғаҳий. Шоҳид-ул-иқбол. -Т.: "Муҳаррир", 2009.
- Набиев Р. XIV асрда Ўрта Осиёда сарбадорлар қўзголони. -Т., 1942.
- Наршахий. Бухоро тарихи. -Т.: "Фан" 1966.
- Негматов Н.Н. Государство Саманидов. Душанбе, 1977.
- Независимость и история: новые подходы к изучению истории Узбекистана. -Т.: "Университет", 1997.
- Неразик А.Е. Сельские поселения Афригидского Хорезма. -М., 1966.

- Низамиддинов Н. XVI-XVII асрларда Ўрта Осиё ва Ҳиндистон муносабатлари. -Т., 1966.
- Нильсен В.А. Становление феодальной архитектуры Средней Азии (V-VIII вв.). -Т., 1966.
- Низомулмулк. Сиёсатнома. -Т.: "Адолат", 1997.
- Норқулов Н. Беруний ва Хоразм. -Т.: "Фан", 1973.
- Норқулов Н.К. Темурийлар маданияти тарихидан лавҳалар. Урганч, 1966.
- Окладников А.П. Палеолит и мезолит Средней Азии. "Средняя Азия в эпоху камня и бронзы". -М. -Л., 1966.
- Оранский И.М. Иранские языки в историческом отношении. -М., 1979.
- Ота-Мирзаев О. Миллий ахоли сиёсати. Мустақиллик бу хуқуқ Т., "Ўзбекистон".
- Очерки хозяйственной жизни Туркеспублики. -Т.: изд ЦСНХ, 1920.
- Ошанин Л.В., Зезенкова В.Я. Вопросы этногенеза народов Средней Азии в свете данных антропологии. Т., 1953.
- Пигулевская Н.В. Маздакидское движение. "Известия Аи СССР". Отделение истории и философии, т., I, № 3, 1949.
- Пидаев Ш.Р. Поселения кушанского времени Северной Бактрии. Т., 1978.
- Пидаев Ш.Р. Сирли кушонлар салтанати. -Т., 1990.
- Пидаев Ш.Р. Қадимги Термез. -Т., 2001.
- Пилипко В.Н. Поселения северо-западной Бактрии. Ашхабад. 1985.
- Польнов Н. "Еш хиваликлар" партияси тарихини ўрганишда Полвонниёз Ҳожи Юсупов "Хотиралар"ининг аҳамияти. // "ЎзМУ ҳабарлари", 2000. 4-сон.
- Пугаченкова Г.А. Пути развития Южного Туркменистана поры рабовладения и феодализма. -М., 1958.
- Пугаченкова Г.А. Ҳалчаян. -Т., 1966.
- Пугаченкова Г.А. Термез, Шахрисабз, Хива. -М., 1976.
- Пугаченкова Г.А. Искусство Бактрии эпохи Кушан. -М., 1979.
- Пугаченкова Г.А. Шедевры Средней Азии. -Т., 1986.
- Пугаченкова Г.А., Ремпель Л.И. Очерки искусства Средней Азии. -М., 1982.
- Пугаченкова Г.А., Ртвеладзе Э.В. Северная Бактрия-Тохаристан. -Т., 1990.
- Пьянков И.В. Средняя Азия в известиях античного историка Ктесия. Душанбе, 1975.
- Равшанов П. Қашқадарё тарихи. -Т.: "Фан", 1995.
- Радкевич В.А. Великий шелковый путь. -М., 1990.
- Ражабова Р.Ё. ва б. Ўзбекистон тарихи (1917-1993 йиллар). -Т.: "Ўқитувчи", 1994.
- Раджапова Р.Я. и др. История Узбекистана (1917-1993 гг.). -Т.: "Ўқитувчи", 1995.
- Ражабов Қ.Қ. Мустақил Туркистон фикри учун мужодалалар. -Т.: "Ўзбекистон", 2000.

- Ризаев Ш. Жадид драмаси. -Т.: "Шарқ", 1997.
- Ртвеладзе Э.В. Ўрта Осиёнинг қадимти тангалари. -Т., 1987.
- Ртвеладзе Э.В., Лившиц В.А. Памятники древней письменности. -Т., 1985.
- Ртвеладзе Э.В., Сагдуллаев А.С. Памятники минувших веков. -Т., 1986.
- Ртвеладзе Э.В. Великий шелковый путь. -Т., "Ўзбекистон миллий энциклопедияси", 1999
- Ртвеладзе Э.В., Сайдов А.Х., Абдуллаев Е.В. Қадимги Ўзбекистон цивилизацияси: давлатчилик ва ҳукуқ тарихидан лавҳалар. -Т.: "Адолат", 2001.
- Рыскулов Т. Революция и коренное население Туркестана. Часть I 1917-1919 гг. -Т., Уз ГИЗ, 1925.
- Рыскулов Т.Р. Собрание сочинений в трёх томах. -Т.1. -Алматы, Қазахстан, 1997.
- Сайдов А, Султонов С. Ўзбекистон Республикаси Конституцияси ва инсон ҳукуқлари. -Т.: "Адолат", 1996.
- Сайдов А. Сайлов ҳуқуқи, Ўқув қўлланмаси. -Т., 1999.
- Сафаров Г. Колониальная революция (Опыт Туркестана). -М., Госиздат, 1921.
- Самарқанд тарихи. I-II томлар. -Т.: "Фан" 1971.
- Сагдуллаев А.С. Усадбы древней Бактрии. -Т., 1987.
- Сагдуллаев А.С. Огненные стрелы. -Т., 1993.
- Сагдуллаев А.С. Қадимти Ўзбекистон илк ёзма маибалаарда. -Т., 1996.
- Сагдуллаев А.С. Қадимти Ўрта Осиё тарихи. -Т.: «Университет», 2004
- Сагдуллаев А.С., Эшов Б. Заратуштра-ҳақиқатми ё афсона? // Фан ва турмуш, 1995. 4-сон.
- Сагдуллаев А, Аминов Б, Мавлонов Ў, Норқулов Н. Ўзбекистон тарихи: давлат ва жамият қуриш тараққиёти. -Т., 2000.
- Сагдуллаев А.С., Мавлонов Ў. Ўзбекистонда давлат бошқаруви тарихи. -Т.: "Akademiya", 2006.
- Сарианиди В.А. Древние земледельцы Афганистана. -М., 1977.
- Ставиский Б.Я. Средняя Азия в кушанский период. -М., 1963.
- Смирнова О.И. Очерки из истории Согда. -М., 1970.
- Страбон. География в 17 книгах. Пер. Г.А. Стратановского. -М., 1964.
- Струве В.В. Поход Дария I на саков-массагетов. В. кн. "Этюды по истории Северного Причерноморья, Кавказа и Средней Азии". -М., 1968.
- Сухарева О.А. К истории городов Бухарского ханства (историко-этнографический очерк). -Т., 1958.
- Сулаймонова Ф. Шарқ ва Фарб. -Т.: "Фан", 1991.
- Тарн К. Эллинистическая цивилизация. Пер. с анг. С.А. Ляковского. -М., 1949.
- Тайлор Э.Б. Первобытная культура. Пер. с анг. Д.А. Королчевского. -М., 1989.

- Тарих, мустақиллик, миллий ғоя. -Т.: "Академия", 2001.
- Тарих шоҳидлиги ва сабоқлари. -Т., "Шарқ", 2001.
- Темур ва Улугбек даври тарихи. -Т.: "Қомуслар бош таҳририяти", 1996.
- Темур даврининг меъморий қаҳкашони. -Т.: "Шарқ", 1996.
- Тереножкин А.И. Согд и Чач.-КСИИМК, вып. XXXIII. 1950.
- ТошДу илм ва маърифат маскани. -Т.: "Университет", 1995.
- Тойнби А. Дж. Постижение истории. сб. -М.: Прогресс, 1991.
- Толстов С.П. По древним делтам Окса и Яксарта. -М., 1962.
- Толстов С.П. Қадимги Ҳоразм маданиятини излаб. -Т., 1964.
- Турсунов И.Й. Ўзбекистон маорифчиларининг истиқлол йўлидаги ишлари тарихидан (1917-1939). -Т., 1995.
- Туркестан в начале XX века: к истории истоков национальной независимости. Научный редактор Р.Я.Раджапова. -Т.: "Шарқ", 2000.
- Туркистон мустақиллиги ва бирлиги учун кураш саҳифаларидан. -Т.: "Фан", 1996.
- Уманский Я. Ўзбекистон Республикаси: миллатлараро муносабатларнинг тараққиёти. // Ижтимоий фикр, 1998. №1, 31 б.
- Умняков И.И. Тоҳары и тоҳарский вопрос. — Тр. Уз. ГУ. Новая серия, № 31.
- Усмон Турон. Туркий халқлар мағкураси. -Т.: "Чўлпон", 1995. Файзулла Ҳўжаев. Танланган асарлар. 1-ж. -Т.: "Фан", 1976.
- Файзулла Ҳўжаев. Бухоро инқилобининг тарихига материаллар. -Т.: "Фан", 1997.
- Фитрат. Танланган асарлар. 1-ж. -Т.: "Маънавият", 2000.
- Фитрат. Танланган асарлар. 2-ж. -Т.: "Маънавият", 2000.
- Фрай Р. Наследие Ирана. Пер. с анг. В.А. Лившича и Е.В. Зеймаль. -М., 1972.
- Хасанов Б.В. Национальная интеллигенция Узбекистана и исторические процессы 1917-начала 50-х годов. -Т., 2000.
- Хасанов Ҳ. Ўрта Осиёлик география сайдёнлар. -Т.: 1964.
- Хива — минг гумбаз шаҳри. -Т.: "Фан", 1997.
- Хлопон И.Н. Историческая география южных областей Средней Азии ( античность и раннее средневековье). Ашхабад, 1983.
- Ходжайов Т.К. К палеантропологии древнего Узбекистана. -Т., 1980.
- Ходжайов Т.К. Ўзбек халқи этногенези тарихидан. -Т.: "Университет", 1995.
- Ходжанов С. К 10-летию Туркестанской советской автономии Туркестана. -Т.: "Правда Востока", 1928.
- Хоразм тарихи. 1-2-ж. Урганч, "Хоразм", 1997.
- Хусанов О. Мустақиллик ва маҳаллий ҳокимият (хуқуқий, ташкилий масалалар ва муаммолар). -Т., 1996 й.
- Хусанов О. Фуқаролик ўз-ӯзини бошқариш, хуқуқий демократик ислоҳотлар. -Т.: "Ўзбекистон", 1997 й.

- Чебоксаров Н.Н., Чебоксарова И.А. Народы, расы, культуры. -М., 1985.
- Чориев А. Миллий истиқлол мағкураси ва унинг асосий хусусиятлари. "Мулоқот", 4-сон, 1996.
- Чўлпон. Гўзал Туркистон. -Т.: "Маънавият", 1997.
- Шаҳобиддин Яссавий Исмоилшайх ўғли. Turkistan Acciқ Haqiqatlari. -Истанбул, 1984.
- Шамсутдинов Р. Ўзбекистонда советларнинг қулоқлаштириш сиёсати ва унинг фожеали оқибатлари. -Т.: "Шарқ", 2001.
- Шамсутдинов Р. Истиқлол йўлида шаҳид кетганлар. -Т.: "Шарқ", 2001.
- Шарафуддин Али Йаздий. Зафарнома. -Т.: "Шарқ", 1997.
- Шониёзов К.Ш. Қанғ давлати ва қанғлилар. -Т., 1990.
- Шониёзов К.Ш. Ўзбек халқининг шаклланиш жараёни. -Т.: "Шарқ". 2001.
- Шишкин В.А. Архитектурные памятники Бухары. -Т., 1936.
- Шишкин В.А. Варахша. -Т.: "Фан", 1963.
- Ширинов Т. Орудия производства и оружие эпохи бронзы среднеазиатского Междуречья. -Т.: "Фан", 1986.
- Эгамназаров А. "Бу кимнинг ташвиши?" "Шарқ юлдузи" 1992, 10-сон, 140-147 б.
- Эшов Б. Сўғдиёна тарихидан лавҳалар. -Т.: «Университет», 2002.
- Эшов Б. Цивилизация тизимида илк шаҳарлар. -Т.: «Зар қалам», 2004.
- Эшов Б. Қадимги Ўрта Осиё шаҳарлари тарихи. -Т., 2006.
- Эшов Б. Ўзбек давлатчилиги тарихи. -Т.: Фан ва технология, 2009.
- Юсупов П. Ёш хиваликлар тарихи (Хотиралар). -Урганч, "Хоразм", 2000.
- Юнусова Х. Миллатлараро муносабатлар тарихидан. // "Мулоқот", 2001, 2-сон.
- Якубовский А.Ю. К вопросу об этногенезе узбекского народа. -Т., 1941.
- Якубов Б. Шаҳрисабз ва Китоб тарихидан. Карши., Насаф, 1996.
- Ясперс К. Смысл и назначение истории. -М.: Изд. полит. литературы, 1991.
- Ўзбекистонда миллатлараро муносабатлар тарихидан. Даврий тўплам. -Т.: "Университет", 1998.
- Ўзбекистон тарихи: янги нигоҳ. Жадидлар ҳаракатидан миллий мустақилликка қадар. -Т.: "Элъдимур", 1998.
- Ўзбекистон тарихи. 1-қисм. II нашри. (масъул муҳаррирлар А. Сагдуллаев, Б. Эшов). -Т.: "Университет", 1999.
- Ўзбекистоннинг янги тарихи. 1-китоб. Туркистон чор Россияси мустамлакачилиги даврида. -Т.: "Шарқ". 2000.
- Ўзбекистоннинг янги тарихи. 2-китоб. Ўзбекистон совет мустамлакачилиги даврида. -Т.: "Шарқ", 2000.
- Ўзбекистон давлатчилиги тарихи очерклари. -Т., -2001.
- Ўзбекистоннинг янги тарихи. 3-китоб. Мустақил Ўзбекистон тарихи. -Т.: "Шарқ", 2000.

- Ўзбекистон тарихи. Р.Х.Муртазаеванинг умумий таҳрири остида. -Т.: «Янги аср авлоди», 2003.
- Ўзбекистоннинг янги тарихи. Концептуал-методологик муаммолар. -Т.: «Академия», 1998.
- Ўзбекистон миллӣ энциклопедияси. 1-2-ж. -Т.: ЎзМЭ нашириёти, 2000-2001.
- Ўзбекистон Республикаси. Энциклопедия. -Т.: “Қомуслар бош таҳририяти”, 1997.
- Ўзбекистон тарихи (қисқача маълумотнома). -Т.: “Шарқ”, 2000.
- Ўзбекистон тарихининг долзарб муаммоларига янги чизгилар. Даврий тӯплам № 2. -Т.: “Шарқ”, 1999.
- Ўзбек халқи давлатчилиги тарихи концепцияси. Лойиҳа. “Ўзбекистон тарихи”, 1999, 1-сон.
- Қадимги Кең-Шаҳрисабз тарихидан лавҳалар. А.С.Сагдуллаев таҳрири остида. -Т.: “Шарқ”, 1998.
- Кудратов С.С. Сардобалар ўлкаси. -Т., 2001.
- Кудратов С.С. Ўрта Осиёда илк давлатларнинг пайдо бўлиши ва ривожланиши. Гулистон. 1999.
- Кушжонов О., Полвонов Н. Хоразмдаги ижтимоий-сиёсий жараёнлар ва ҳаракатлар. -Т.: Матбуот консалт., 2007.
- Корақалпогистон тарихи (1917-1994 йй.), Нукус, 1995.
- Фоиназаров Ш. Ижтимоий ривожланиш сабоқлари. 20-йиллар таҳлили. -Т.: “Ўзбекистон”, 1994.
- Ғуломов Я.Ф. Хоразмнинг сугорилиш тарихи. -Т., 1959.
- Ғуломов Я.Ф. Археология-тарих фани хизматида. -Т.: “Фан”, 1976.
- Ғуломов Я.Ф., Исломов У., Асқаров А. Первобытная культура и возникновение орошающего земледелия в низовьях Зарафшана. -Т., 1966.
- Ҳайдаров М. ТАССР даврида совет ҳокимиюти олиб борган сиёсат: тарих ва ҳақиқат. // Ўзбекистонда миллатлараро муносабатлар тарихидан. -Т.: “Университет”, 1998, 44-52 бетлар.
- Hayit Baymirza. “Basmatcilar”. Turkistan Milli Mycadele Tarihi (1917-1934). -Ankara, 1997. 367 S.
- Ҳоғиз Таниш Бухорий. Абдулланома. I-II-китоблар. -Т.: “Шарқ”, 1999-2000.

# Мундарижа

Кириш .....	3
1. Ўзбек давлатчилигининг шаклланиши ва дастлабки тараққиёт босқичлари. Қадимги Бактрия, Хоразм ва Сўғд давлатлари .....	6
2. Антик давр давлатлари. Даван, Қанғ, Кушон давлатлари .....	61
3. Илк ўрта асрларда ўзбек давлатчилиги: эфталитлар ҳамда Турк ҳоқонлигига ижтимоий-сиёсий, иқтисодий ва маданий ҳаёт .....	89
4. IX-XII асрларда ўзбек давлатчилиги тараққиёти. Уйғониш даврида фан ва маданият равнаки.....	122
5. Мұғуллар истилоси ва зулмiga қарши кураш.	
Жалолиддин Мангуберди — Ватан ҳимоячиси. Чигатай улусида ижтимоий-сиёсий, иқтисодий ҳаёт.....	166
6. Ўзбек давлатчилиги асосларининг Амир Темур даврида мустаҳкамланиши. Темурийлар даврида ижтимоий-иқтисодий, сиёсий ва маданий ҳаёт.....	213
7. Ватанимиз ҳудудининг хонликларга бўлиниб кетишининг сабаб ва оқибатлари.....	242
8. Ўзбек хонликларининг Россия империяси томонидан босиб олиниши. Мустамлақачилик зулмiga қарши миллий озодлик ҳаракати. Жадидчиллик.....	277
9. Ўзбекистон советлар ҳукмронлиги даврида.....	298
10. Ўзбекистонда давлат мустақиллигининг қўлга киритилиши. Мустақиллик йилларида Ўзбекистоннинг иқтисодий, маънавий-маданий тараққиёти.....	404
Фойдаланилган адабиётлар рўйхати .....	461

## **Ўзбекистон тарихи**

Akademiya  
Тошкент 2010

Муҳаррирлар М.Абдуллаева, Г.Абдуллаева  
Техник муҳаррирлар Н.Курбанова,  
Д.Дўстмуҳаммедов  
Рассом Л.Туйчиев  
Нашр учун масъуллар Б.Умаров, Д.Қобулова

Теришга берилди 6.11.09. Босишга рухсат этилди 12.12.09. Бичими  
 $84 \times 108^1 / 32$ . Офсет босма. Шартли босма табори 29.0 Нашриёт ҳисоб  
табори 29.0. Адади 500. Баҳоси шартнома асосида.

MCHJ «Yosh kuch press matbuoti»  
Тошкент, Содиқов кўчаси 13 уй.

ISBN 978-9943-300-54-5

A standard one-dimensional barcode representing the ISBN number 978-9943-300-54-5.

9789943300545